



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3 3433 02284957 8

H 30
(Source)
E 12

Bible. M. V. Santee, 1871.

DAKOTA

WOWAPI WAKAN KIN.

THE NEW TESTAMENT,

IN THE

DAKOTA LANGUAGE:

TRANSLATED FROM THE ORIGINAL GREEK,

BY STEPHEN R. RIGGS, A. M.

MISSIONARY OF THE A. B. C. F. M.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1871. D. B.

Checked
May 1913

WICOTAKUYE TECA KIN.

	Wicowoyaks.			Wicowoyaks.
Mattheos	28		I. Timotheos.....	6
Markos	16		II. Timotheos.....	4
Lukas	24		Titos	3
Johannes	21		Philemon	1
Olhanyanpi kin	28		Hebrew.....	13
Roma.....	16		Jakob	5
I. Korinth	16		I. Inyan.....	5
II. Korinth	13		II. Inyan.....	3
Galatia.....	6		I. Johannes	5
Ephesos	6		II. Johannes	1
Philippi.....	4		III. Johannes	1
Kolosse.....	4		Judas.....	1
I. Thessalonike	5		Wayuotanin	22
II. Thessalonike.....	3			



WICOTAKUYE
 TECA KIN
 WICOTAKUYE

MATTHEOS

WOTANIN WAŠTE OYAKE CIN.

WICOWOYAKE 1.

1 Jesus Messiya, Dawid cinhintku, Abraham cinhintku, oicage wowapi kin he dee.

2 Abraham Isaak cincaya ; qa Isaak Jakob cincaya ; qa Jakob Judas qa hunkawanjitku ko cincawicaya :

3 Unkan Judas Phares qa Zara, Tamar etanhan, cincawicaya ; qa Phares Esrom cincaya ; qa Esrom Aram cincaya :

4 Qa Aram Aminadab cincaya ; qa Aminadab Naasson cincaya ; qa Naasson Salmon cincaya :

5 Qa Salmon, Racab etanhan, Booz cincaya ; qa Booz, Ruth etanhan, Obed cincaya ; qa Obed Jesse cincaya :

6 Qa Jesse Dawid wicaštaya-tapi kin cincaya ; qa Dawid wicaštayatapi kin Solomon cincaya, Urias tawicu qon etanhan.

7 Qa Solomon Roboam cincaya ; qa Roboam Abia cincaya ; qa Abia Asa cincaya :

8 Qa Asa Josaphat cincaya ; qa Josaphat Joram cincaya ; qa Joram Ozias cincaya :

9 Qa Ozias Joatham cincaya ; qa Joatham Akaz cincaya ; qa Akaz Ezekias cincaya :

10 Qa Ezekias Manasses cincaya ; qa Manasses Amon cincaya ; qa Amon Josias cincaya :

11 Qa Josias Jekonias cincaya ; hunkawanjitku hena koya, Babulon ekta awicayapi qon he ehan.

12 Unkan Babulon ekta awicapi hehan Jekonias Salathial

cincaya ; qa Salathial Zorobabel cincaya :

13 Qa Zorobabel Abiud cincaya ; qa Abiud Eliakim cincaya ; qa Eliakim Azor cincaya :

14 Qa Azor Sadok cincaya ; qa Sadok Akim cincaya ; qa Akim Eliud cincaya :

15 Qa Eliud Eleazar cincaya ; qa Eleazar Matthan cincaya ; qa Matthan Jakob cincaya.

16 Unkan Jakob Joseph, Mary hihnaku kin, he cincaya ; he etanhan Jesus Messiya, eciyapi kin icaga.

17 Hecen wicoicage owasin, Abraham etanhan Dawid hehanyan, wicoicage ake topa ; qa Dawid etanhan, Babulon ekta awicayapi qon hehanyan, wicoicage ake topa ; qa Babulon ekta awicayapi etanhan, Messiya hehanyan, wicoicage ake topa.

18 Unkan Jesus Messiya icage cin he kaketu : Hunku Mary he Joseph yuze kta, tuka hinahin kici un šni, wanna Woniya Wakan kin on ihdušaka.

19 Unkan hihnaku Joseph he wicašta owotanna, qa taninyan oyake kta tawaŕenye šni, heon nahmana ehpeye kta kecin.

20 Tuka hena hecen awacin un qehan, iho, Itancan taohnihde wan wowihanmde en ihdutanin qa heya ; Joseph, Dawid cinhintku, Mary winohinca nitawa kin he yahduze kta kokipe šni wo, taku itpihnake cin he Woniya Wakan kin etanhan.

21 He cinca ton kta, unkan

MATTHEOS.

Jesus eya caŷyaton kta ; iye tao-yate kin wahtanipi kin etanhan niwicaye kta, heon etanhan.

22 Unkan dena owasin hecen econpi, Itancan oie, wicaŷta wokcan oyake ciqon he yucetupi kta ; he hecen eya ;

23 Iho, witanŷna un wan ihduŷake a cinca ton kta ; unkan Emmanuel eya caŷtonpi kta ; Wakantanka unkicipi un, eyapi kin he kapi.

24 Unkan Joseph iŷtinma etanhan kikta, hehan Itancan taohnihde token econŷi qon he ecen econ, a tawicu hduza.

25 Tuka cinca tokapa cinca ton ŷni hehanyan sdonye ŷni ; unkan Jesus eya caŷkiton.

WICOWOYAKE 2.

1 Unkan Herod wicaŷtayatapi taanpetu kin he ehan, Bethlehem Juda makoce kin en Jesus tonpi, hehan iho, wiyohiyanpatanhan wicaŷta ksapa Jerusalem en hipi a heyapi ;

2 Tuwe Juda oyate kin en wicaŷtayatapi kta tonpi kin he tukten un he ; wicanhpi tawa kin he wiyohiyanpata wanunyakapi a ohoundapi kta on unhipi ce.

3 Herod wicaŷtayatapi kin he nahton, unkan nina yuŷinyaya, Jerusalem ocowasin nakun.

4 Unkan woŷnapi kagapi owasin a oyate kin en wowapi kagapi kin hena wicayuwitaya, hehan Meŷŷiya tukten tonpi kta hecinhan, he iwicawanga.

5 Unkan heciyapi ; Juda makoce kin en Bethlehem otonwe kin hetu ce ; wicaŷta wokcan kin en kaken owapi ;

6 a niŷ Bethlehem, Juda makoce kin en, Juda itancanpi kin ehna iyotan nicistinna ŷni ; enitanhan wicaŷtayatapi wan u kta,

he Israel mitaoyate kin wonwicaye kta.

7 Hehan Herod wicaŷta ksapapi qon nahtana wicakico, a wicanhpi kin tohanhan tanin ece, he atayedan iwicawanga.

8 Hehan Bethlehem ekta ye wicaŷi a heya ; Ya po, a hokŷiyoqopa kin nina ode po ; a iyeyayapi kinhan hoŷimakahdi po ; miŷ eya wau a ohowada kta, eya.

9 Wicaŷtayatapi ia nahtonpi hehan tankan iyayapi ; unkan iho, wicanhpi wiyohiyanpata wanyakapi qon he wicitokam iyaye a hokŷiyoqopa wanke cin he iwan-kam inajin.

10 Unkan wicanhpi kin wanyakapi qehan wowiyuŷkin tanka on iyuŷkinpi.

11 Unkan ti mahen ipi hehan hokŷiyoqopa kin wanyakapi, hunku Mary nakun, a itokam makata ehpeiciyapi a ohodapi : unkan wopiye hduhdokapi hehan taku qupi, mazaskazi, a canŷin pejihuta waŷtemna koya.

12 Unkan wowihanmde on Wakantanka wahowicaya, Herod ekta hdapi kte ŷni, hehan canku tokeca ohna iye tamakoce ekta hdapi.

13 Hena wanna kihdapi hehan, iho, Itancan taohnihde wan wowihanmde on Joseph en ihdutanin a heya ; Najin a hokŷiyoqopa hunku kici iwicacu a Egipta ekta najica wo, a tohan ociciyake kte cin hehanyan hen un wo : Herod hokŷiyoqopa kin kte wacin on etanhan ode kta ce.

14 Hecen hanyen najin hiyaye, a hokŷiyoqopa hunku kici ewicahdaku, a Egipta ekta iyaya :

15 a hen un, Herod te cin hehanyan : Hecen Itancan wicaŷta wokcan on taku eye ciqon

WICOWOYAKE 3.

he yuacetupi kta ; Egupta etanhan micinksi weco ce.

16 Wicašta ksapapi qon Herod hnayanpi wanhdake çehan nina šiħda ; qa akicita ekta yewicaši, qa Bethlehem qa makoce ihdukšan koya en, hokšiyopa owasin wicakte, tona waniyetu nonpa qa ihukuya, wicašta ksapapi wiwicawange ciqon he iyacinyan.

17 Unkan hehan Jeremiya wicašta wokcan oie qon yuacetupi, he kaken eya ;

18 Rama en wicaho wan nañonpi, icidowanpi, wicaceya qa wašiħdapi tanka ; Racel cinca awicakiceya qa wacintonknakapi kta cin šni, cinca en unpi šni na-kaeš.

19 Tuka Herod wanna řa hehan, iho, Itancan taohnihde wan Egupta ekta Joseph en taniniçiya ;

20 Qa heya ; Najin qa hokšiyooqa hunku kici ewicahdaku, qa Israel makoce tawa kin ekta hda wo ; tona hokšiyooqa řa cinpi qon hena wanna řapi.

21 Unkan najin hiyaye řa hokšiyooqa hunku kioi ewicahdaku qa Israel tamakoce kin en hdi.

22 Qa Arcelaos, Juda makoce kin en, atkuku Herod tohe kin en wicaštayatapi yanka, he nañon hehan ekta hde kta kokipa ; tuka wowihanmde on Wakantanka wahoye cin on, Galile makoce kin ekta iyaya :

23 Qa otonwe wan Nazareth eciyapi kin he en hi qa hen yanka ; hecen, Nazareth wicašta eciyapi kta ce, wicašta wokcan eye ciqon he yuacetupi.

WICOWOYAKE 3.

1 Unkan anpetu kin hena en, Johannes baptem wicaqu ece kin

he Juda tamakoce ñewoskan ekta woyaka hi ;

2 Qa heya ; Ihduacetu po, mañpiya wokiconze kin wanna ki-yedan u ce.

3 Isaya wicašta wokcan caje-yate ciqon he dee, kaken eya ; Wicaho ñewoskan en hotanin ; Itancan tacanku kin wiyeya ehnaka po, ocanku tawa kin owotanna kaga po.

4 Unkan Johannes eqe tawokoyake taku wan kamel eciyapi he hin kin on kagapi, qa teħmi-so wan ipiyagkiton ; unkan tawoyute kin psipsicadan qa tuħmaga canhanpi kin hee.

5 Hehan Jerusalem qa Juda qa Jordan ihdukšan tanhan owasin en hipi :

6 Unkan Jordan en baptem wicaqu, woaħtani ohdakapi.

7 Unkan Pharisee qa Saddukee wicota baptem wicaqu kin en hipi wanwicayaka, hehan hewicakiya ; Wamduška wicoicage kin, wocanniye u kte cin naye-cipapi kta tuwe e wahokonni-ciyapi he.

8 Heon etanhan ihduacetupi kta iyececa waskuyeca icaħya po :

9 Qa, Abraham ateunyanpi ce, eyeciyapi kta awacinpi šni po ; miye heciyapi, Inyan kin dena etanhan Wakantanka Abraham cinca kicage kta okihi.

10 Unkan wanna onspe kin can hute kin en ehñakapi ; heon etanhan can otoiyohi waskuyeca wašte aicage šni kin he kawan-kapi qa petan ehpeyapi ece.

11 Miye nihduacetupi kta on mini on baptem ciçupi ; tuka wanji iyotan wařaka mihakam u, he tahanpe kin weciyuhe kta iyemicihantu šni ; he qe Woniya Wakan qa peta on baptem niçupi kta.

12 Icaduge nape ohna hduha, owanka tanyan hdalinte kta, qa aguyapi su kin dotopiye ohna mnakiye kta, tuka ha kin peta kasnipica šni on hulinahiye kta.

13 Hehan Jesus Galile etanhan u, qa Jordan ekta Johannes en hi, baptem qupi kta e heon.

14 Tuka Johannes tehinda qa heya ; Baptem mayaqu kta iye-maceca, qa niš en mayahi he.

15 Tuka Jesus ayupte a heciya ; Dehan iyowinyan wo ; decen wicoowotanna ocowasin unštan kta iyececa. Hehan iyowinkiya.

16 Unkan Jesus baptem qupi qehan echankeya mini kin etanhan itawankanhde hda ; unkan iho, mahpiya kin ayuzamnipi, qa Wakantanka Taniya kin wakiyedan kaħya kuntkiya u, qa en hiyahan, wanyaka.

17 Unkan iho, mahpiya eciyatanhan wicaho wan heya ; Mincinkši wašte wakidake cin he dee, on iyomakipi ĥinca ce.

WICOWOYAKE 4.

1 Hehan Jesus woniya on ĥewoskan makoce kin ekta ayapi, Wakansica iyutanye kta e heon.

2 Unkan wanna anpetu wikcemna topa qa hanyetu wikcemna topa wote šni un, hehan wotektehda

3 Unkan wawiyutanyan kin en hi qa heciya ; Wakantanka Cinhintku kin he niye hecinhan, inyan kin dena aguyapi icage kta keya wo.

4 Tuka iye ayupte a heya ; Aguyapi ecedan on wicašta ni kte šni, tuka wicoie otoiyoħi Wakantanka i eciyatanhan e-nanpe cin hena on, hecen wowapi kagapi qon.

5 Hehan Wakansica otonwe

wakan kin ekta aya, qa tipi wakan oinkpa wan akan ehde ;

6 Qa heciya ; Wakantanka Cinhintku kin he niye hecinhan, he-tanhan kun eħpeiiya wo ; kak-en wowapi en kagapi ce ; Tao-hnihde kin niye on econ wica-si kta, hecen nape ohna niyuhapi kta, inyan wan en siha iboni-to kte šni.

7 Tuka Jesus heciya ; Akeš wowapi en kagapi ; Itancan Wakantanka nitawa kin he iyutanyaye kte šni.

8 Hehan ake Wakansica paha wan tehanwankantuya kin he ekta aya, qa maka akan woki-conze kin owasin wowitan ko kipazo ;

9 Qa heciya ; Makata eħpeni-iye a ohomayada kinhan, dena owasin ciu kta ce.

10 Hehan Jesus heciya ; Satan miħeyata ya wo ; Itancan Wakantanka nitawa kin he ohoyada kta, qa isnana wowidagniye kta ce, eya owapi tuka qon.

11 Hehan Wakansica ayuštan ; unkan iho, mahpiya obnihde kin en hipi qa okiyapi.

12 Unkan Johannes kaškapi he naħon hehan *Jesus* Galile ekta iyaya :

13 Qa Nazareth eħpeya iyaye a Kapernaum en hiyanka, he mde kin icahda, Zabulon qa Nephtalim opapun kin hetu.

14 Hecen Isaya oie qon yuece-tupi kta ;

15 Zabulon makoce qa Nephtalim makoce, mde kahda ocanku kin, Jordan akasanpa tanhan, Galile Ikcewicašta ounyanpi kin :

16 Oyate otpaza en iyotanke ciqon he iyoyanpa tanka wanyakapi, qa tona wiconte makoce qa ohanzi kin en iyotankapi kin hena iyoyanpa awicahinanpa ce.

17 Unkan hetanhan Jesus wo-

WICOWOYAKE 5.

yaka aye ça heya ece ; Ihduecetu po, mahpiya wokiconze kin wanna kiyedan u ce.

18 Unkan Gahile mde kin icahda mani icanhan, wicašta nom sunkakiciyapi wanwicayaka, Simon, Inyan eciyapi, qa sunkaku Andrew *eciyapi*, ho wan mde kin en iyeyapi ; hena hopsicapi kin hecapi :

19 Unkan hewicakiya ; Miyahna u po, kinhan wicašta wicadupsicapi ece e kta eciagapi kta ce.

20 Unkan ecahankeya ho kin ehpeyapi qa ihakam iyayapi.

21 Unkan hetanhan iyoopta ye ça, nakun nem sunkakiciyapi wanwicayaka, Jakob Zebede cinhintku qa sunkaku Johannes, wata kin ohna atkukupi Zebede kici unpi qa ho piyapi ; unkan hena wicakico.

22 Is eya wata kin atkukupi ko ohankoya ehpeyapi qa ihakam iyayapi.

23 Unkan Jesus Galile owancaya iyaya, omniciye tipi yuhapi kin ohna waonspewicakiye ça, wokiconze wotanin wašte kin oyaka ece, qa oyate kin en wawayazan owasin qa wicocante šica owasin asniyan ecc.

24 Unkan ohan kin Suriya owancaya oyakapi ; hecen tona šicaya yukanpi, qa tona wawayazan ocaje owasin on wayazanpi, qa tehiya unpi, qa tona taku wakan šica yuhapi, qa tašapike cin hena koya owasin en awicahipi ; unkan asniwicaya.

25 Hecen oyate ota ihakam yapi ece, Galile etanhan, qa Dekapolis qa Jerusalem qa Juda etanhan, qa Jordan akasanpa tanhan.

WICOWOYAKE 5.

1 Unkan wicota wanwicayaka hehan paha wan ekta iyaya ; qa

hen iyotanka hehan waonspewicakiye cin en hipi.

2 Unkan i hdukawa qa waonspewicakiye ça heya ;

3 Tona cante mahen onšici-dapi kin hena wicayawaštepi ce ; mahpiya wokiconze kin he tawapi ece.

4 Tona ceyapi kin hena wicayawaštepi ; hena wicakihnapi kta.

5 Tona onšihanpi kin hena wicayawaštepi ; maka kin de tawapi kta.

6 Tona woowotanna on wotektehdapi qa ipuzapi kin hena wicayawaštepi ce ; hena imnanpi kta.

7 Tona waonšidapi kin hena wicayawaštepi ; hena onšiwicadapi kta.

8 Tona cante en ecepidan kin hena wicayawaštepi ; hena Wakantanka wanyakapi kta.

9 Tona wookiye kagapi kin hena wicayawaštepi ; hena Wakan-tanka cinca ewicakiyapi kta.

10 Tona woowotanna econpi kin on šicaya kuwapi kin hena wicayawaštepi ; mahpiya woki-conze kin he tawapi ece.

11 Tohan aniiapi qa šicaya ni-euwapi, qa miye on itonšuiyan taku šica owasin eniciyapi kinhan, niyawaštepi ece.

12 Wiyuškini pi qa nina cante wašte po, mahpiya ekta ocinyopeniyanpi tanka yanka ; wicašta wokcan nitokam unpi qon hena is eya hecen wicakuwapi qon.

13 Maka miniskuya kin he niyepi. Tuka miniskuya kin he skuye šni kinhan taku e on skuyeyapi kta he ; hetanhan takudan okihi kte šni, tankan ehpeyapi kta qa wicašta amanipi kta.

14 Oyate iyoyanpa kin he niyepi. Otonwe wan paha akan kagapi kin he anahbepica šni ece.

15 Nakun petijanjan ideyapi qa

MATTHEOS.

koka ohdateya iyeyapi s̄ni, tuka petijanjan ihupa wan en ostanpi, hecen tipi kin ohna owasin iyowamwicaya ece

16 He iyecen wicašta itokam iyoyanpa nitawa iyojanjan kta, hecen wicohan wašte nitawa wanyakapi kta, qa mahpiya ekta ateyayapi yanke cin he yuonihanpi kta.

17 Wooke qa wicašta wokcan kin mdutakuni kte s̄ni on wahi kecinpi s̄ni po, ihangyapi on wahi s̄ni tuka yuacetupi kta on.

18 Awicakehan heciciyapi; Mahpiya qa maka kin atakunišni ešta, oowa wanjidān qa oehna ke wanjidān wooke kin etanhan icupi kte s̄ni, owasin ecetu kta.

19 Heon etanhan, tuwe woahope kin dena wanji cistinna ahope s̄ni, qa hecen wicašta onspewicakiye cinhan, he mahpiya wokiconze kin en iyotan cistinna yawapi kta; tuka tuwe ecen econ qa iyecen waonspewicakiye cinhan, he mahpiya wokiconze kin en tanka yawapi kta.

20 Miye heciciyapi ce; Wicootanna nitawapi kin, wowapi kagapi qa Pharisee tawapi kin isanpa tanka s̄ni kinhan, mahpiya wokiconze kin en ecaca oyapapi kte s̄ni.

21 Tuwedan yakte kte s̄ni, hunkawicayapi kin eyapi keyapi nayaŋonpi; qa tuwe tin wicakte kinhan he yacopi kta ce.

22 Tuka miš heciciyapi; Tuwe taku on etanhan s̄ni sunkaku šicekidake cinhan he yacopi kta; qa tuwe sunkaku, Wahtešni, eciye cinhan he omniciye tanka kin en ayapi kta; qa tuwe, Winitkotkoka, eciye cinhan, he Wakansica tapeta kin en iyohpeyapi kta iyececa.

23 Heon etanhan wošnapī nitawa owayušna kin ekta ayahi kin-

han, qa hen nisunka taku iyanionpa he yeksuya hecinhan;

24 Ito wošnapī nitawa owayušna kin itokam ehna ke qa ekta ya wo, tokaheya nisunka kici okiciciye qa hehan ku qa wahušna wo.

25 Tuwe taku en aniu hecinhan he kohanna kici okiciyuwašte wo, canku ohna kici yaun kin icunhan; okinni wayaco ekta aniye kta, qa wayaco kin is̄ akicita en aniye kta, qa hecen kaska nihnakapi kta:

26 Awicakehan heciciya; Tohanyan mazašadan ehake yahdajuju s̄ni kinhan hetanhan tankan yaku kte s̄ni.

27 Wawicihalhapi ecanon kte s̄ni, hunkawicayapi qon eyapi keyapi nayaŋonpi.

28 Tuka miš heciciyapi; Tuwe winohinca wan en etonwe qa cantiheye cinhan he wanna cante ekta kici wawicihalhapi econ.

29 Ništa etapa eciyatanhan kin he wahtaniniye cinhan hdušdoke qa ehpeya wo; ništa wanji atakunišni kinhan he wašte kta, qa tancan ocowasin Wakansica ti kin en ehpeniyanpi kte s̄ni.

30 Qa ninape etapa kin wahtaniniye cinhan hdakse qa ehpeya wo; nihua wanjidān atakunišni kinhan he wašte kta, qa tancan ocowasin Wakansica ti kin en iyohpeniyanpi kte s̄ni.

31 Tuwe tawicu ehpekiye kta hecinhan kpagānpi wowapi wanqu kta, keyapi qon.

32 Tuka miš heciciyapi; Tuwe tawicu ehpekiya, wawicihalhapi econ kin on etanhan s̄ni, he wawicihalhapi econkiya ece; qa tuwe winohinca ehpeyapi kin he yuze cinhan he nakun wawicihalhapi econ ece.

33 Akeš hunkawicayapi qon heyapi keyapi nayaŋonpi; Itonšni

WICOWOYAKE 6.

niçicage kte ñni, tuka taku konza ltancan kin eyakiye çinhan hena yahducetü kta ce.

34 Tuka miş heciciyapi; Taku cajedate ça he namañon ce, eye ñni wo; mañpiya kin he hecen cajedate kte ñni, he Wakantanka oiyotanke tawa kin hee.

35 Qa nakun maka kin de, he Wakantanka siha oahe kin ee; qa nakun Jerusalem hecen cajedate kte ñni, Wicařtayatapi tanka to-tonwe kin hee.

36 Qa nakun nipa kin he caje yahdate kte ñni, paha wanjidän kaeř ska qa iř sapa yakage kta oyakihi ñni, heon etanhan.

37 Tuka taku ehe cin, Han, han; Hiya, hiya, ecedan kta; taku dena sanpa kinhan he taku řica etanhan icage kta.

38 İřta wanji iřta wanjidän on etanhan, qa hi wanji hi wanjidän on etanhan, keyapi nayañonpi.

39 Tuka miř heciciyapi; Taku řica tokiconpi ñni po; tuka tuwe tapon etapa eciyatanhan anipe cinhan unma eciyatanhan kipazo po.

40 Qa tuwe woope on niyaco qa onñdoñda nici kta cin kinhan, nitařina nakun teñinda ñni wo.

41 Qa tuwe wiyutapi hanska wanji behanyan kici yeniye kta hecinhan, nom kici ya wo.

42 Tuwe taku nicida kinhan qu wo; qa tuwe wonicidota hecinhan etanhan ihdamna ñni wo.

43 Tuwe nikiyedän un kin he wařteyadake kta, qa tuwe tokaniye cin he řiceyadake kta, eyapi qon nayañonpi.

44 Tuka miř heciciyapi; Tona tokaniyanpi kin hena cante wicakiya po; qa tona niyařicapi kin hena wicayawařte po; tona řicenidapi kin hena taku wařte ecawicakicon po; qa tona taku i en iyenianpi qa teñiya nicuwapi

kin hena wocekiye ewicakiciya po.

45 Hecen Ateyayapi mañpiya ekta un kin he cincaniyanpi yaunpi kta; he qe anpetu wi tawa kin wicařta řica wicařta wařte ko en awicahinanpeya ece, qa wicařta owotanna owotanna ñni ko awicamagajuya ece.

46 Tona wařtenidapi kin hena wařte wicayadapi kinhan woka-juju taku dubapi he; wamnayanpi kin hena eepi kaeř heconpi ñni he.

47 Qa sunka wicayayapi kin henana napewicaduzapi kinhan, taku econpi ece sanpa tukte e ecanonpi he; wamnayanpi kin hena eepi kaeř heconpi ñni he.

48 Heon etanhan Niyatepi mañpiya ekta un kin he owotanna ñinca he iyecen niř eya owotan-na ñinca un po.

WICOWOYAKE 6.

1 Wicařta itokam ihnuhan taku ituyañanpi kinhan, wanniyakapi kta beon; hecen ecanonpi kinhan Niyatepi mañpiya ekta un kin he takudan niçupi kte ñni.

2 Heon etanhan tohan taku wicayaqu kta hecinhan nitokam cotanka yajowicayakiye kte ñni, wanaicihmanpi kin omniciye tipi qa canku ohna econpi ece kin iyececa, wicařta on wicayatanpi kte cin heon; awicakehan heciciyapi; Hena wokajuju hduhapi ece.

3 Tuka niye taku wicayaqu eca ninape etapa taku econ kin he nicatka sdonye kte ñni.

4 Hecen wawicayaqu kin he nañmana un kta; qa Niyatepi taku nañmana un kin wanyaka ece kin he iye taninyan nicajuju kta.

MATTHEOS.

5 Qa tohan ceyakiya eca wana-
cihmanpi kin iyenicece kte s̄ni;
hena ege omniciye tipi qa canku
oise kin en najin cekiyapi wašte-
dakapi ece, wicašta wanwicaya-
kapi kta e heon; awicakehan
heciciyapi; Hena wokajuju hdu-
hapi ece.

6 Tuka niye qe ceyakiye cin-
han, tipi cistinna nitawa kin en
timahen yakiyahde ça tiyopa
ecen iyacu kinhan, hehan Ni-
yate nahmana un kin he cekiya
wo, qa Niyate nahmana wawan-
yaka ece kin he taninyan nici-
cajuju kta.

7 Ceyakiyapi kinhan akihdehde
oie kicunpi s̄ni po, Ikcewicašta
econpi kin iyececa; hena e iapi
ota unpi kin on nawicahon kta
kecinpi.

8 Niye hena iyenicecapi kte
s̄ni; hinalin yakidapi s̄ni itokam,
hena taku kin yacinpi, Niyatepi
sdonya ece.

9 Heon etanhan kaken cekiya
po; Ate unyanpi mahpiya kin
en; Nicaje wakandapi kte;

10 Nitokiconze u kte; Nitawa-
cin ecen econpi nunwe, mahpiya
kin en iyececa, nakun maka
akan:

11 Anpetu kin de anpetu woyu-
te unqu miye:

12 Qa waunhtanipi kin unkici-
cajuju po, tona waunkicilitanipi
wicunkicicajujupi kin he iye-
ceca:

13 Qa taku wawiyutanyan un
kin en unkayapi s̄ni po, tuka
taku s̄ice cin etanhan cunhdaku
po: Wokiconze kin he niye ni-
tawa, qa wowaśake kin, qa wo-
witan kin, owihanke wanica.
Amen.

14 Niye wicašta wahtanipi wi-
cayecicajujupi kinhan, Niyatepi
mahpiya ekta un kin he nakun
niye nicicajujupi kta.

15 Tuka niye wicašta wahta-
nipi kin wicayecicajujupi s̄ni
ehantanhan, nakun Niyatepi wa-
yahtanipi kin nicicajujupi kte
s̄ni.

16 Tohan wote s̄ni yaunpi kin-
han wanaicihmanpi kin iyecen
ite sinkiyapi s̄ni po; hena ege
ite hdušicapi ece, hecon wicašta
ekta wote s̄ni unpi e ihdutaninpi
kta; awicakehan heciciyapi,
Hena wokajuju hduhapi ece.

17 Tuka niye qe wote s̄ni yaun
kinhan pa sdakiye ça ite hduja-
ja wo:

18 Hecen wicašta en wote s̄ni
yaun nihdutanin kte s̄ni, tuka
Niyate nahmana un kin he en
nihdutanin kta; qa Niyate na-
hmana wawanyake cin he tanin-
yan nicicajuju kta.

19 Woyuha maka akan ekihna-
kapi s̄ni po; hen wamduškadan
qa gigi kin wayutakuniśni ece,
qa wamanon sa wayujujupi qa
wamanonpi ece.

20 Tuka woyuha mahpiya kin
ekta ekihnaka po; heciya wa-
mduškadan qa gigi kin wayuśice
cin wanica, qa wamanon sa wa-
yujujupi s̄ni qa wamanonpi s̄ni.

21 Tukten woyuha niciyanka-
pi hecinhan, nicantepi nakun
hen un kta.

22 Wicišta kin he wicatančan
iyoyanpa kin hee; heon etanhan
ništa tokeca s̄ni kinhan nitan-
čan ocowasin iyoyanpa kta:

23 Tuka ništa s̄ice cinhan ni-
tanchan kin ocowasin otpaze kta.
Heon iyoyanpa en niun kin he
otpaza hecinhan, otpaza kin he
tanka hinca.

24 Tuwedan wicašta itančan
nom anawicagoptan kta okihi
s̄ni; wanji s̄ice kidake kta, qa
unma kin is̄ waste kidake kta;
wanji en iyaihdaśke kta, qa un-
ma kin is̄ en etonwe kte s̄ni;

WICOWOYAKE 7.

Wakantanka qa mammon napin anagoptan oyakhipi kte *śni*.

25 Heon etanhan heciciyapi ; Yanipi kin on nagiyeiciyapi *śni* po, taku yatapi kta, qa taku datkanpi kta ; qa nakun nitancanpi on taku kodakapi kta : Wiconi kin he woyute isanpa *śni* he ; qa wicatančan kin is wokoyake isanpa yawapi *śni* he.

26 Małpiya okinyanpi kin hena wanwicayaka po, hena wojupi *śni*, qa woksapi *śni*, qa mazopiye en omnayanpi *śni*, tuka Niyatepi małpiya ekta un kin he hena wo wicaqu ece ; unkan niye hena isanpa niyawapi *śni* he.

27 Niyepi etanhan wanji tukte e he awacannipi on wiciśpa wanjidan kaeś sanpa nihduhanskapi oyakhipi kta he.

28 Qa tokeca wokoyake on iyokiśinniciyapi he ; tinta mna-licahca kin wanyaka po, icage cin ; łtani *śni* qa nakun wapa-hmun *śni* ;

29 Tuka heciciyapi ; Solomon wowitan tanka hduha un qon hee kaeś de wanji iyececa wokoyake kicun *śni*.

30 Unkan tinta peji, dehan icage ça heyakecinhan oceti en ehpeyapi ece kin, he Wakantanka hecen koyagya hecinhan, niś niye wacinyan nicistinpidan, sanpa wakoyagnianpi kte *śni* he.

31 Heon etanhan, Taku untapi, qa taku unyatkanpi, qa taku konyakapi kta he, eya wacin iyokiśicapi *śni* po.

32 Taku kin hena owasin Ikce-wicaśta akitapi ece ; qa Niyatepi małpiya ekta un kin he dena takuowasin yacinpi esdonya ece.

33 Tuka Wakantanka tokiconze kin he tokaheya akita po, qa toowotanna nakun ; kinhan dena taku owasin koya niçupi kta.

34 Heon etanhan heyakecinhan

on iyokiśinniciyapi *śni* po ; heya-kecinhan he taku tawa kin on iyokiśica ece e kta ; anpetu eca taku śica tawa kin yukan ece e kta.

WICOWOYAKE 7.

1 Wayacopi *śni* po, hecen niyacopi kte *śni*.

2 Woyaco tukte e on wadacopi hecinhan he on niś eya niyacopi kta ; qa wiyutapi tukte e on widuntapi eca hee on winiciyutapi ece e kta.

3 Qa nisunka iśta kin en takuśni yanka e tokeca wandaka he ; qa cankaga wan niśta ohna yanke cin he wanyahdake *śni*.

4 Qa is token nisunka, Ito niśta kin etanhan takuśni kin icicicu kta, eyakiye kta he ; qa iho, cankaga wan niśta ohna yanka ce.

5 Wanaicilman, tokaheya cankaga iśta ohna niyanke cin he hduśdoka wo ; qa hehan takuśni nisunka iśta ohna yanke cin he iyacu kta tanyan wandake kta.

6 Taku tona wakan kin hena śunka wicaçupi *śni* po, qa inyan tehika nitawapi kin kukuśe wicitokam ehpeyapi *śni* po ; okinni siha on amanipi kta, qa akeś hdicupi qa niyahdecapi kta.

7 Da po, kinhan niçupi kta ; ode po, kinhan iyeyayapi kta ; en katoto po, kinhan niciyuhdokapi kta.

8 Tuwe da eca icu ece ; qa tuwe ode eca iyeya ece ; qa tuwe *tiyopa* katoto eca he kiciyuhdokapi ece.

9 Unkan enitanhanpi wicaśta wanji cinhintku aguyapi kida kinhan, inyan wanji qu kta he.

10 Qa hogan kida kinhan wamduśka wan qu kta he.

11 Heon etanhan niye niśicapi

MATTHEOS.

esta, taku wašte nicinca wica-yaqupi kta onnispepi ehantanh, Niyatepi mahpiya ekta un kin he, sam iyeya tona kidapi kin, taku waštešte wicaqu ece e kta.

12 Heon etanhan taku tona wicašta ecaniconpi kta yacinpi kinhan, hena owasin ecawicakicon po; woope qa wicašta wokcanpi kin iho hee.

13 Tiyopa ciqadan kin he ohna ya po; Tiyopa kin tanka qa canku nakun tanka wicotakunišni iyahde, qa ohna iyayapi kin wicota hinca.

14 Tuka tiyopa kin ciqadan qa canku nakun ocistiyedan wiconi iyahde; qa wicašta tonana iyeyapi ece.

15 Wicašta wokcan itonpišni kin hena kowicakipa po; hena tahinca wanunyanpi iyecen koyag en nihipi, tuka mahen šunktokeca wayapota ece kin hecapi.

16 Waskuyeca tawapi kin on sdonwicayayapi kta. Wicašta wapepeka etanhan hastanhanka yušpipi he, qa toka hu kin etanhan suken waskuyeca icupi he.

17 He iyecen can wašte owasin waskuyeca wašte icalhya ece; tuka can šice cin waskuyeca šica aicaga ece.

18 Can wašte kin he waskuyeca šica icalhye kta ohihi šni; qa nakun can šice cin he waskuyeca wašte icalhye kta ohihi šni.

19 Can otoiyo hi waskuyeca wašte aicage šni kin he kawan- kapi qa petan elipeyapi ece.

20 Heon etanhan waskuyeca tawapi on sdonwicayayapi kta.

21 Tona, Itancan, Itancan, emakiyapi kin owasin mahpiya wokiconze kin en yapi kte šni; tuka tuwe Atewayaya mahpiya ekta un kin tawacin kin ecen econ kinhan hee *en un kta.*

22 Anpetu kin he en wicota hemakiyapi kta; Itancan, Itancan, nicaje' on wiunykcanpi šni he; qa nicaje on taku wakan šica napewicunyanpi; qa nicaje on wicohan tanka ota econkupi ce.

23 Tuka behan hewicawakiye kta; Tohinni sdonciyapi šni, wicohan šica ecanonpi kin mitantanh iyaya po.

24 Heon etanhan tuwe mioie kin dena nahon, qa ecen econ kinhan, he wicašta ksapa e imdacin kta, he qe imuija wan akan ti kicaga.

25 Unkan nina magaju qa minitan aya; nakun tateyanpa hinca, qa tipi kin he en iheya, tuka hinhpaye šni; inyan akan kagapi nakaes.

26 Qa tuwe mioie kin dena nahon, tuka ecen econ šni kinhan, he wicašta witkotkoka iyecceca, he wiyaka akan tipi kicaga.

27 Unkan nina magaju qa mini tanka icaga, nakun tateyanpa hinca, qa tipi kin he en iheya; unkan hinhpaya; qa ihangyapi kin he tanka.

28 Unkan Jesus wicoie kin dena ihunnikiya, hehan wicota wahokonwicakiye cin on yušinyayapi.

29 Wanji wookihi yuhe cin iyecen wahokonwicakiya, qa wawapi kagapi econpi kin iyeccece šni.

WICOWOYAKE 8.

1 Unkan paha kin etanhan kun ku qehan, wicota hinca ihakam unpi.

2 Unkan iho, wicašta wan lepro- ros ececa he en hi qa canpeška makehde inajin qa heciya; Itancan, yacin kinhan, asnimayaye kta oyakih.

WICOWOYAKE 8.

3 Unkan Jesus nape ekta yekiye ça yutan, qa heciya; Wacin; necen asni wo. Unkan ecehna-wowayazan kin ayuŕtan.

4 Unkan Jesus heciya; Ihunhan tuwe oyakidake cinhan; tuka ekta ye ça woŕnapi kage cin he en ihdutnin wo, qa taku Moses econniŕi qon he wayuŕna wo, sdonyapi kta e heon etanhan.

5 Unkan Jesus Kapernaum en hi qehan, akicita tancan wan en u qa cekiya;

6 Qa heya; Itancan, hokŕidan mitawa tiyata wanka taŕaka, ni-na yazan.

7 Unkan Jesus heciya; Wau qa aŕniwaye kta.

8 Hehan akicita opawinge wicayuhe cin he ayupte ça heya; Itancan, wati en timahen yau kta iyemacece ŕni; tuka oie kin ecedan eya wo, kinhan hokŕidan mitawa asni kta:

9 Miŕ eya wicaŕta itancan hemaca, qa akicita wicamduha; unkan wanji, Ya wo, ewakiya eca, ya ece; qa wanji tokeca, U wo, ewakiya eca, u ece; qa mitaokiye, Kaken econ wo, ewakiya eca, ecen econ ece.

10 Unkan Jesus he naŕon qehan yuŕinyaya, qa ihakam unpi kin hewicakiya; Awicakehan heciciyapi, Israel hee kaeŕ en wacinyanpi hinsko tanka iyewaye ŕni ce.

11 Nakun heciciyapi; Wiyo-hiyanpa tanhan qa wiyohpeya tanhan wicota upi kta, qa Abraham qa Isaak qa Jakob om iyotankapi kta, mahpiya woki-conze kin en:

12 Tuka wokiconze cincapi kin hena tankan iyewicayapi kta, otpaze hinca ekta; heciya wicaceya hi hdakinskinzapi ko yuke kta.

13 Unkan Jesus akicita opa-

winge wicayuhe cin heciya; Hda wo, wacinyaye cin iyecen ecaniconpi nunwe. Unkan wihiyayedan oape kin he en hokŕidan tawa kin asniyanpi.

14 Unkan Jesus Inyan ti kin en tin iyaya, hehan kunku kin makata wanka wanyaka, tancan kata.

15 Unkan nape kin yutan, hehan tancan kate cin ayuŕtan; unkan najin qa wowicakihan.

16 Wanna hitayetu hehan wakan ŕica wicayubnaŕkinyan ota en awicahipi; unkan oie kin on wakan ŕica napewicaya; qa tona wayazankapi kin owasin asni-wicaya.

17 Hecen Isaya wicaŕta wo-kan taku eye ciqon he yuecetupi kta; he kaken eya; Iye tehiya unyakonpi kin eunkiciyakupi qa waunyazanpi kin yutokan iyeunkiciciyapi ece.

18 Unkan Jesus wicota hinca ihdukŕan yukanpi kin hena wan-wicayaka hehan akasanpa yapi kta keya.

19 Unkan wowapi kaga wan en hi qa heciya; Waonspekiya, tokiya da eca cihakam waun ece e kta.

20 Unkan Jesus heciya; ŕungidan waŕun tonpi, qa mahpiya okinyanpi kin holpi yuhapi ece; tuka Wicaŕta Cinhintku kin tukten pa ipahinye kta yuhe ŕni.

21 Hehan waonspewicakiye cin tokeca wanji heciya; Itancan, tokaheya wahde ça ate wehe kta e iyowinmakiya ye.

22 Tuka Jesus heciya; Miha-kam un wo; ito tapi kin hena tona kiŕapi kin wicakiŕapi kta.

23 Unkan wata wan en opa, hehan waonspewicakiye cin iha-kam upi.

24 Unkan iho, mini kin ekta tate iyumni wan tanka; hecen

MATTHEOS.

wata kin taja on akahpapi; tuka iye istinma yanka.

25 Unkan waonspewicakiye cin en hipi, qa yuhicapi qa heciyapi; Itancan, niunkiya po, unṭapi kta ce.

26 Unkan hewicakiya; Cistin-na wacinyayapi kin, tokeca koyakipapi he. Hehan inajin qa tate mini ko kisica; unkan amdakedan tanka.

27 Tuka wicaṣta kin hena yuṣinyayapi qa heyapi; De taku wicaṣta ka hwo, hecen tate mini ko anagoptan ece.

28 Unkan akasanpa i, Gadarere makoce tawapi kin en, hehan wicaṣta nom wakan ṣica wicayuhnaṣkinye cin hena itkkipapi, wicaṣta haakapi kin etanhan upi, wohitikapi hinca, hecen tuwedan canku kin he ohna ye kta okihi ṣni.

29 Unkan iho, heya howayapi; Jesus Wakantanka Cinhintku, taku unkiyotahedan un he; hinahinke ṣni tuka itokam kakisunyayapi kta on yahi he.

30 Unkan yukaapi kin itehan kukuṣe optaye wan wo wicaqupi ece.

31 Hecen wakan ṣice cin hena cekiyapi qa heyapi; Napeunya-yapi kimban kukuṣe optaye kin en unkiyayapi kta iyowinunkiya miye.

32 Unkan; Ya po, ewicakiya. Hecen tankata hinanpapi hehan kukuṣe optaye kin en iwicaya-yapi. Unkan iho, kukuṣe optaye kin iyuhpa maya hinca apamahde inyang baṣdog iyayapi, mde kin en, qa minin ṭapi.

33 Unkan tona wo wicaqupi qon hena najicapi; qa otonwe en kipi, qa taku owasin oyakapi, wicaṣta wakan ṣica wicayuhnaṣkinyanpi qon, taku ecawicakiconpi kin hena koya.

34 Unkan iho, otonwe kin oowasin Jesus itkokim upi, qa wanyakapi qehan, makoce tawapi kin etanhan hde kta icekiyapi.

WICOWOYAKE 9.

1 Hehan wata kin en okipe ca akasanpa kihde ca iye totonwe kin en ki.

2 Unkan iho, wicaṣta ṭatake cin wan owinja akan wanka e he en ahipi. Unkan Jesus wacinyanpi kin wanyake cehas ṭatake cin heciya; Cinṣ, canu waṣte wo; wayahtani kin nica cajujupi ce.

3 Unkan iho, wowapi kagap kin wanjikji iyakitedan hekiciyapi; Wicaṣta kin de ṣicayia.

4 Unkan Jesus canteyuzapi kin wanyaka hehan heya; Tokec cante mahen taku ṣica awa cannipi he.

5 Wayahtani kin nicicajujup ce, eyapi; qa is; Najin qa man wo, eyapi kin, unma tukte waṣa kadan he.

6 Tuka Wicaṣta Cinhintku kin woahtani maka akan kajuja kta okihi e he sdonyayapi kta; hehan ṭatake cin heciya; Najin wo, nitowinja ehdaku qa tiyati hda wo.

7 Unkan najin hiyaye ca iye ti ekta hda.

8 Tuka wicota he wanyakapi hehan yuṣinyayapi, qa Wakantanka wicaṣta wookihi hinsko tanka wicaqu kin he yatanpi.

9 Unkan Jesus hetanhan iyoopta iyaya hehan wicaṣta wan Mattheos eciyapi, mazaska mnananpi kin en iyotanka he wanyaka; qa heciya; Miyahna u wo. Unkan najin hiyaye ca ihakam iyaya.

10 Unkan ti mahen wota iyo-

WICOWOYAKE 9.

tanka yanka hehan, iho, mazaska mnayanpi wahtanipi sa ko ota en hipi, qa Jesus kici iyotankapi, waonspewicakiye cin om.

11 Unkan Pharisee kin is he wafyakapi hehan waonspewicakiye cin hewicakiyapi; Tokeca Waonspekiye nitawapi mazaska mnayanpi wahtanipi sa ko om wota he.

12 Unkan Jesus he nahon qehan hewicakiya; Tona zanipi kin hena pejihutawicasta cinpi sni, tuka wayazankapi kin.

13 Tuka ya po, qa de taku kapi hecinhan sonya po; Wowon-sida iyomakipi qa wosnapi wacin sni. Wicasta owotanna wicakico wahi sni, tuka wahtanipi sa iyopeiciyapi kta on wahi ce.

14 Hehan Johannes waonspewicakiye cin en hipi qa heciyapi; Tokeca unkiye qa nakun Pharisee kin ijehan akihanunkiciyapi, tuka waonspewicayakiye cin akihaniciyapi sni.

15 Unkan Jesus hewicakiya; Wakankiciyuza cincapi kin tohanyan tawicu ton kte cin om un kinhan, hehanyan token ecin iyokisicapi kta he; tuka anpetu u kta tawicu ton kte cin ewicakiciyakupi kta, unkan hehan akihaniciyapi kta.

16 Tuwedan sina teca onsipa wokoyake tanika en akihdag ton sni; kinhan onsipa teca qon he mnawahe kta qa sanpa tanka hdecahan aya ece.

17 Nakun minisa teca ojuha tanika; en okastanpi sni ece; kinhan ojuha kin napopa, qa minisa kin skepa, qa ojuha kin ihangyapi ece. Tuka minisa teca ojuha teca en okastanpi ece, hecen napin tanyan yuhapi.

18 Hena hecen ewicakiya icunhan, iho, wicasta itancan wan en u qa canpeska makehde ina-

jin qa heciya; Micunksi nakaha ta, tuka en yau qa nape on ayaputake cinhan kini kta.

19 Unkan Jesus najin qa kici hda, nakun waonspewicakiye cin.

20 Unkan iho, winohinca wan waniyetu ake nonpa wayazanka, we ece iheya, he idazatanhan en u qa tasina opapun kin yutan:

21 Tasina kin hee kacs mdutan kinhan amasni kta ce, cante mahen eye ca hecon.

22 Tuka Jesus ihdamna, qa wanyake chehan heya; Cuné, cante waste wo; wacinyaye cin he asniniyan ce. Unkan wihiyayedan oape kin he en winohinca kin asni.

23 Unkan Jesus wicasta itancan qon ti kin en i, qa tona cotanka yajopi, oyate ceyapi ko wanwicayaka;

24 Hehan hewicakiya; Ako iyaya po; wicinyanna kin te sni, tuka istinma ce. Unkan ihahapi.

25 Tuka oyate tankan hdicuwicayapi, hehan ti mahen i, qa nape on yuza; unkan wicinyanna kin injin.

26 Unkan he makoce kin owancaya oyakapi.

27 Unkan Jesus hetanhan iyopte iyaya, hehan wicasta nom istagongapi kin hena ihakam yapi, howayapi qa heyapi; Dawid Cinhintku onsiunkida miye.

28 Unkan ti mahen iyaya, hehan wicasta istagongapi kin en hipi: Unkan Jesus hewicakiya; Hecen ecamon kta owakihi wicayadapi he. Unkan, Han, Itancan, eyapi.

29 Hehan ista en wicayutan qa heya; Wacinyayapi kin iyecen ecaniconpi nunwe.

30 Hecen ista hdukawapi. Unkan Jesus wasagya wahokonwi-

MATTHEOS.

cakiye ça heya; Ito tuwedan sdonye kte śni

31 Tuka tankan hdapi hehan makoce kin he owancaya nina oyakapi.

32 Unkan hena iyayapi hehan iho, wicaśta wan ia okitpani, wakan śica yuhnaśkinyan, he en ahipi.

33 Unkan wakan śice cin napayapi hehan ia okitpani qon ia; unkan oyate kin inihanpi qa heyapi; Israel en tohinni decen wanyakapi śni tuka qon.

34 Tuka Pharisee kin heyapi; Wakanśica itancan kin on taku wakan śica napewicaya ece.

35 Unkan Jesus otonwe kin owasin, otonwe ciqadan ko iyaza un, omniciye tipi yuhapi kin ohnahna waonspekiye ça wokiconze wotanin waśte kin he oyaka ece; qa wayazankapi owasin, oyate kin en tehiya unpi ko asniwicaya ece.

36 Tuka wicota wanwicayaka hehan onśiwicakida; nina mdo-kiṭapi qa enanakiya iyayapi ece, taħinca wanunyanpi tuwedan wicayuhe śni iyececa.

37 Hehan waonspewicakiye cin hewicakiya; Awicakehan woksapi kin he tanka, tuka ĩtanipi kte cin hena tonana:

38 Heon etanhan woksapi en Itancan kin iye tamaga kin en wicaśta ĩtanipi kte cin hena liyuwicaye kta icekiya po.

WICOWOYAKE 10.

1 Unkan waonspewicakiya akenonpapi kin hena wicakico qehan, taku wakan śica on wowaśake wicaqu, napewicayapi kta, qa nakun wowayazan śicaya unpi ko, owasin asniwicayapi kta.

2 Unkan wahosiayapi akenonpapi kin kakenken ewicakiyapi;

tokaheya Simon he nakun Inyan eciyapi, qa Andrew iye sunkaku; Jakob Zebede cinhintku qa Johannes iye sunkaku;

3 Philip qa Bartholomew; Thomas qa Mattheos wamñaye ciqon; Jakob Alpheus cinhintku qa Lebbeus he nakun Thaddeus eciyapi;

4 Simon Kananite kin, qa Judas Iskariot wiyopeye kte cin hee.

5 Dena akenonpapi kin Jesus yewicaśi, wahokonwicakiye ça heya; Ikcewicacśta tacanku wan ohna yapi śni po, qa Samarŭ oyate otonwe tawapi kin ei yapi śni po:

6 Tuka Israel ti kin etanhan taħinca wanunyanpi taninpi śni kin hena ekta ya po.

7 Qa dapi eca yaotanin po, qa Maħpiya wokiconze kin wannu kiyedan un ce, eya po.

8 Tona wayazankapi kin asniwicaya po, tona lepros ececap kin ska wicakaga po, ṭapi kin hena kiniwicaya po, qa taku wakan śica napewicaya po iyunwin codan iyacupi, iyunwin codan wicaqu po.

9 Ipiyake nitawapi ohna mazaskazi, qa mazaska, qa mazaśi unmana yuhapi śni po.

10 Qa icimayanipi kin on wujuhadan, qa onħdoħda nonpa, qa hanpa, qa cansagye, yuhapi śni po; tuwe ĩtani kin he woyuta qupi ece e kta iyececa.

11 Qa otonwe tanka otonwe ciqadan ko, wanji tukte en yaipi kinhan, tuwe iyececa hecinhan iwicawanga po, qa he kici yukan po, tohanyan etanhan yahdapi śni kinhan.

12 Qa tipi wanji en yaipi kinhan, Wookiye en un nunwe, eya po.

13 Qa tipi kin he iyececa hecinhan wookiye nitawapi akan

un kta ; tuka iyecece śni kinhan wookiye niye en nihdipi kta.

14 Qa tukten iyowinniciyapi śni qa nioiepi kin nahonpi śni kinhan, tipi kin he, qa otonwe kin he, etanhan tankan yahdapi kinhan, watuśekśeca siha onitkapapi kin he natata po.

15 Awicakehan heciciyapi ; Woyaco anpetu kin en otonwe kin he tehiya un kta, Sodom qa Gomorra makoce kin isanpa.

16 Iho, taħinca wanunyanpi śunktokeca wicehna iyecen yeciśipi ; heon etanhan wamduśka iyecen ksapa po, qa wakiyedan iyecen walibapidan po.

17 Tuka wicaśta iwanwicayaka po ; woyaco omniciye kin en aniyampi kta, qa omniciye tipi yuhapi kin ohna nicapsinsintapi kta :

18 Qa wicaśta itancanpi wicaśtayatapi ko, en aniyampi kta, miye on etanhan, hecen iyepi qa lkewicaśta ko wicayakiyutaninpi kta.

19 Unkan tohan hecen wicanicupi kinhan, taku, qa token ehapi kte cin, heon iyokiśinićiyapi śni po ; wihiyedan oaape kin he en token ehapi kta he nićupi kta ce.

20 Ie kte cin he niyepi śni, tuka Niyatepi Taniya en niunpi kin he iye ie kta.

21 Hunkawanjinkiciyapi kin is unma ktepi kta e wicaqu kta ; qa wicaśta wan iye cinhintku kin nakun ; qa wicacinca kin is hunkakewicayapi itkowicakipapi qa wicakiktepi kta.

22 Qa micaje on owasin śicetidapi kta ; tuka tuwe owihanke kin hehanyan sutaya un kinhan he ni kta.

23 Tuka tohan otonwe kin de en śicaya nicuwapi kinhan, wanji

tokeca ekta najica po ; awicakehan heciciyapi, Israel otonwe tawapi kin iyaza yaunpi kte śni ecen Wicaśta Cinhintku kin hi kta.

24 Waonspekiyapi kin he waonspekiya tawa kakipe śni ; qa tuwe wowidake un kin he yuhe cin isanpa tanka śni ece.

25 Tuka waonspekiyapi kin waonspekiya tawa kin iyececa, qa wowidake un kin yuhe cin iyececa hecinhan hecetu kta. Tipi tawa kin he Beelzebub eciyapi hecinhan, tiyohnake tawa kin is nakun hewicakiyapi kte śni he.

26 Heon etanhan kowicakipapi śni po ; taku akaħpapi qa yuzamnipi kte śni wanica, qa taku anaħmanpi qa sonyapi kte śni wanica.

27 Taku otpaza en ociciyakapi kin he anpa en daotaninpi kta ; qa taku noge on nayahonpi kin he tipi akaħpe kin etanhan eyanpaha odakapi kta.

28 Unkan tona wicatančan ecedan ktepi kta okihipi, qa wicanagi kte okihipi śni kin hena kowicakipapi śni po ; tuka tuwe wicanagi wicatančan ko Wakanśica ti kin en ihangye kte cin hee e kokipa po.

29 Zitkadan nom mazaśa wanjidān iyopeyapi śni he ; qa etanhan wanjidān kaeś Niyatepi codan makata ihpaye kte śni.

30 Tuka paha nitawapi kin hee kaeś owasin yawapi ece.

31 Heon etanhan kopehdapi śni po ; zitkadan ota isanpa niyawapi ece.

32 Heon etanhan tuwe kaśta wicaśta wicitokam miye omayake cinhan, he Ate mahpiya en un kin itokam omdake kta.

33 Tuka tuwe wicaśta wicito-

kam miye ehpemaye cinhan, he miye Atewaye mahpiya en un kin itokam ehpewaye kta.

34 Wookiye maka akan wicawaqu kta on wahi kecinpi s̄ni po ; wookiye wicawaqu kta wahi s̄ni tuka mazasgye.

35 Wicašta wan atkuku śicekidake wakiye kta wahi, qa cunwintku iye hunku kin, qa takošku iye kunku kin śicekidake kta heon.

36 Qa wicašta tona tokayapi kin iye ti en unpi kin hena eepi kta.

37 Tuwe miye isanpa atkuku qa is̄ hunku kin waštekidake cinhan, he mici un kta iyecece s̄ni ; qa tuwe miye isanpa cinhintku qa is̄ cunwintku kin waštekidake cinhan, he mici un kta iyecece s̄ni :

38 Qa tuwe cansusbeca tawa kin ehdaku s̄ni qa miyahna u s̄ni kinhan, he mici un kta iyecece s̄ni.

39 Tuwe wiconi tawa kpatan kinhan, he toki ehpekiye kta ; qa tuwe miye on etanhan wiconi tawa kpagan kinhan, he kpatan kte cin ee.

40 Tuwe iyowinniciyapi kin he iyowinmakiya ; qa tuwe iyowinmakiye cin he tuwe umaši kin he iyowinkiya ece.

41 Tuwe wicašta wokcan, wicašta wokcan caje on iyowinkiye cinhan, he wicašta wokcan iyunwin tawa yuhe kta : qa tuwe wicašta owotanna, wicašta owotanna caje on iyowinkiye cinhan, he wicašta owotanna iyunwin tawa kin icu kta.

42 Qa tuwe waonspekiyapi caje on, dena cikcistinpidan wanji wiyatke ohna mini sni ecedan yatkekiye cinhan, awicakehan heciciyapi, he iyunwin tawa toki ehpekiyē kte s̄ni.

WICOWOYAKE 11.

1 Unkan Jesus waonspewicakiye akenonpapi kin taku econwicaši ayaştan, hehan hetanhan iyaya, otonwe tawapi kin ohnahna woyake kta qa waonspekiye kta.

2 Unkan Johannes kaška hnakapi kin en Messiya oħan kin nahon qehan, iye waonspewicakiye cin nom ekta yewicaši ;

3 Qa heciya ; Tuwe u kte ciqon he niye he, qa is̄ tuwe tokeca wanunyakapi kta he.

4 Unkan Jesus waayupte a hewicakiya ; Hda po, qa taku tona nayahonpi qa wandakapi kin hena Johannes okiyaka po :

5 Išttagongapi kin tonwanpi ece, huštepi kin manipi ece, tona lepros ececapi kin ska wicakagapi ece, api kin kinipi ece, qa tona onšikapi kin hena wotanir, wašte owicakiyakapi ece.

6 Qa tuwe miye on našdute s̄ni kinhan, he yawaštepi ee, eya.

7 Hena wanna kihdapi hehan Jesus Johannes on oyate kin wowicakiyaka ; Taku wandakapi kta on hewoskan yaipi he ; cedi wan tateyanpa kaluhuza :

8 Tuka taku e wanyag yaipi he ; wicašta wan wokoyake panpanna koyake cin he ; iho tona taku panpanna koyakapi kin hena wicaštayatapi tipi ohna yakonpi ece.

9 Tuka taku e wanyag yaipi he ; wicašta wokcan kin heca he ; han, eciciyapi, qa wicašta wokcan isanpa.

10 Wowapi en kagapi qon, Iho, niite itokam wahošiya mitawa yewaši, he nitokam canku nitawa nicage kta ee, iho hee.

11 Awicakehan heciciyapi ; Tona winohinca eciyatanħan

WICOWOYAKE 12.

wicatonpi kin wanji Johannes baptem wicaqu ece kin sanpa tanka icage ūni; tuka tuwe maŕpiya wokiconze kin en iyotan cistinna kin he sanpa tanka.

12 Nakun Johannes baptem wicaqu taanpetu kin hetanhan dehanyan maŕpiya wokiconze kin nina akitapi, qa nina akite cin hena iyaŕpayapi ece.

13 Johannes hehanyan woope qa wicaŕta wokcanpi owasin woyakapi :

14 Qa niŕ wicada wacannipi hecinhan Elias u kte ciqon he dee.

15 Tuwe noge winaŕon yukan hecinhan he ito naŕon kta.

16 Tuka ito wicoicage kin de taku e imdacin kta he. Hokŕipidan tihocoka en iyotankapi kin hena e iyececa, takodakupi wicakipanpi,

17 Qa hewicakiyapi; Cotanke unnicijajopi tuka niye wayacipi ūni; waŕinunhdapi tuka niye yaceyapi ūni.

18 Johannes wote ūni qa waya-
tke ūni hi; unkan, Taku wakan ŕica yuha ce, eyapi.

19 Wicaŕta Cinhintku kin wota qa wayatkan hi; unkan heyapi; Iho, wicaŕta wan wote sa qa miniŕa yatkan ece, wamnayanpi qa waŕtanipi sa takodawicaya ece. Tuka woksape iye cinca kin on owotanna oyakapi ece.

20 Hehan otonwe kin tona en iye oŕan tanka econpi qon hena iyopewicaya, iyopeiçiyapi ūni heon.

21 Hehebe Korazin, hehebe Bethsada; wicoŕan tanka niye-
pi en econpi kin, hena Turos qa Sidon en econpi unkanŕ, wana-
kaja heyake ŕica caŕota ko en iyopeiçiyapi kta tuka.

22 Heon etanhan heciciyapi; Woyaco anpetu kin en, teŕiya

yaunpi kta, qa Turos Sidon kici aopten unpi kta.

23 Qa Kapernaum niye, ma-
ŕpiya ekta wankan aniyampi, tuka wicaŕhapi ekta eŕpeniyampi kta; wicoŕan tanka niye en econpi kin hena Sodom en econpi unkanŕ, anpetu kin dehan-
yan ecen un kta tuka.

24 Heon etanhan heciciyapi; Woyaco anpetu kin en teŕiya yaun kta, qa Sodom makoce kin ahecece kta.

25 Anpetu kin hena en Jesus waayupte ça heya; Ate, ma-
ŕpiya maka ko Itancan kin, ci-
yatan, dena taku kin tona ksa-
papi qa wasdonyapi kin anaŕwi-
cayakiŕbe ça hokŕiyooqopapi owi-
cayakidaka ece.

26 Han, Ate hecetu, hecen iyonicipi nakaeŕ.

27 Ate taku owasin maqu; unkan tuwedan Cinhintkuyapi kin sdonye ūni, Ateyapi un kin hecedan sdonkiya; nakun tuwe-
dan Ateyapi kin sdonye ūni, tuka Cinhintku kin hecedan; qa tuwe Cinhintku kin sdonyekiye cin he nakun.

28 Tona htayanipi qa tkeya wayaqinpi kin owasin en mau po, kinhan ozikiyapi ciçupi kta.

29 Can napinpi mitawa kin he icu po, qa miye eciyatanhan onŕpeiçiya po, cante ekta onŕmiçida qa waŕbayedan waun; hecen ninagipi en woozikiye duhapi kta.

30 Can napinpi mitawa kin he teŕike ūni, qa waqin mitawa kin he kapojedan.

WICOWOYAKE 12.

1 Anpetu kin hena en, anpetu wakan icunhan, Jesus aguyapi ojupi kin ehna iyaya; unkan waonŕpewicakiye cin wotekte-

hdapi, qa aguyapi yuksa icupi qa yutapi.

2 Unkan Pharisee kin he wan-yakapi hehan heciyapi; Wanya-ka wo, waonspewicayakiye cin, anpetu wakan icunhan taku econpi kte sni ece kin, hee econpi.

3 Unkan iye hewicakiya; Da-wid taku econ qon he tohinni dawapi sni he; iye qa tona om un kin wotektehapi qehan;

4 Tipi wakan kin en i, qa aguyapi taninyan ehnakapi kin yuta, he iye qa tona om un kin yutapi kte sni, tuka wo snapi kagapi kin ecedan yutapi kta tuka.

5 Qa woope kin en nakun da-wapi sni, wo snapi kagapi kin tipi wakan ohna anpetu wakan ahopapi sni esta iyaonpepica sni unpi.

6 Tuka heciyapi; Tuwe tipi wakan kin isanpa tanka wan den un.

7 Wowao nsida wacin qa wo- snapi wacin sni ce, cyapi qon he idukanpi unkan s, tona wahta- nipi sni kin hena wicadacopi kte sni tuka.

8 Qa Wica sta Cinhintku kin he anpetu wakan Itancan kin he nakun ee.

9 Hehan hetanhan iyaye ca omniciye tipi tawapi kin en i.

10 Unkan iho, wica sta wan nape snija hen un; unkan wi- wangapi qa heciyapi; Anpetu wakan icunhan waasniyapi kta iyececa he; he iyaonpapi kta e heyapi.

11 Unkan hewicakiya; Eni- tanhanpi wica sta wanji tahinca wanunyanpi wanjidan yuhe cin- han, he anpetu wakan icunhan wo ha en iyohpaya hecinhan, tancan en yuze ca ehdaku kte sni he.

12 Wica sta kin he tahinca wanunyanpi isanpa ece. Heon etanhan anpetu wakan icunhan taku wa ste econpi kta iyececa.

13 Hehan wica sta qon heciya; Nape hdukatin wo; hecen yu- katin, unkan unma kin iyecen asni icaga.

14 Unkan Pharisee kin hetan- han tankan hdapi, qa token kte- pi kte cin he akiapi.

15 Tuka Jesus he sdoney ca hetanhan token iyaya; unkan wicota linca ihakam unpi, qa iye hena owasin asniwicaya :

16 Qa nina oyake sni wica si.

17 Hecen Isaya wica sta wo- kcan kin taku eye cion yuecc- tupi kta; he kaken eya;

18 Iho, mitahok sidan wahda- hnige cion; wa ste wakidake cin on minagi iyuskin ece; mi- taniya kin waqu kta, hecen Ikcewica sta kin woyaco owi- cakiyake kta.

19 Wicakize kte sni, qa pau kte sni, qa ho kin tuwedan can- ku ohna nahon kte sni :

20 Cedi kasusujapi kin he yu- kse kte sni, qa halionta ide kte cin he kasni kte sni, woyaco he woohiye ekta au sni kinhan :

21 Qa iye caje kin Ikcewica sta wacinyanpi kta.

22 Hehan wanji wakan sica yuhna skinyan he en ahipi, ista- gonge ca ia okitpani; unkan asniyan, hecen istagonge ca ia okitpani kin he ia qa nakun ton- wan.

23 Unkan wica sta ota kin owa- sin yusinyayapi qa heyapi; Da- wid cinhintku kin he dee sni he.

24 Tuka Pharisee kin is he nahonpi qehan heyapi; Wica sta kin de wakan sica napewicaye cin he Beelzebub wakan sica itancan kin on hecon ece.

25 Unkan Jesus token can te-

yuzapi kin he sdonye ca hewicakiya; Wokiconze wan iye iyakitedan kiciza eca hinhpaya ece; nakun otonwe qa tipi otoiyohi iye iyakitedan kicizapi ehan-tanhan ecen he kte sni.

26 Qa Satan Satan napeye cinhan wanna iye iciciza; hecen token tokiconze kin sutaya he kta he.

27 Qa miye Beelzebub on wakan sica napewicawaya ehan-tanhan, nicineapi kin is taku on napewicayapi he; heon etanhan hena niyacopi kta.

28 Tuka miye Wakantanka Taniya on wakan sica napewicawaya hecinhan, Wakantanka tokiconze kin wanna en nihipi.

29 Wicasta wasaka ti kin en, tuwe tin iyaye ca taku tawa kin ihangye kta token okihi kta he; tokaheya wicasta wasake cin kaska cinhan hehan tipi kin ihangye kta.

30 Tuwe mici un sni kinhan he makipajin ece; qa tuwe micipahi sni kinhan he yutakuni sni ece.

31 Heon etanhan heciciyapi; Woastani owasin iapi sica ko wicasta wicakicicajujupi kta; tuka Woniya Wakan aiapi kin he wicasta wicakicicajujupi kte sni.

32 Qa tuwe Wicasta Cinhintku cin taku sica eciye cinhan, he cicicajujupi kta; tuka tuwe Woniya Wakan kin taku sica eciye cinhan, he kicicajujupi kte sni, wiconi kin de en, qa nakun wiconi u kte cin en.

33 Can kin waste kaga po, kinhan waskuyeca waste kta; qa s can kin sica kaga po, kinhan waskuyeca sice kta; can kin waskuyeca tawa kin on sdonya-i ece.

34 Wamduška wicoicage, ni-

sicapi hecen token taku waste ehapi kta oyakhipi he; wicacante ojudan kin he eciyatanhan wicai kin ia ece.

35 Wicasta waste kin iye cante waste ojudan kin eciyatanhan taku waste hiyuya ece; qa nakun wicasta sice cin iye cante sica ojudan kin etanhan taku sica hiyuya ece.

36 Tuka wicoie waste sni otoiyohi wicasta eyapi kin hena on woyaco anpetu kin en ohdakapi ece e kta, he miye eci-ciyapi.

37 Nioie kin on niyaowotanpi kta, qa nakun nioie kin on niyacopi kta.

38 Hehan wowapi kagapi wanjikji qa Pharisee kin ayuptapi qa heciyapi; Waenspekiya, wowapetokeca wan wanyagunya-kiyapi kta uncinpi.

39 Tuka iye waayupte ca hewicakiya; Wicoicage sice ca wawicihalapi econ sa kin he wowapetokeca da, tuka wowapetokeca wanjidan qupi kte sni, Jonas wicasta wokcan wowapetokeca tawa kin heceedan kta.

40 Anpetu yamni qa hanyete yamni hehayan Jonas hegan tanka tezi kin ohna un qon, he iyecen anpetu yamni qa hanyetu yamni Wicasta Cinhintku kin maka cante kin en un kta.

41 Woyaco anpetu kin en Ninewe wicasta kin inajmpi qa wicoicage kin de yacopi kta; hena e Jonas woyake cin on iyopeiciyapi tuka; unkan iho, Jonas isanpa tanka wanji den un.

42 Itokah wicastayatapi winohinea qon he woyaco kin en inajin kta, qa wicoicage kin de yaco kta; ege Solomon toksape nahon kta on maka ihanke kin etanhan u tuka; unkan iho,

MATTHEOS.

wanji Solomon isanpa tanka den un.

43 Woniya šape cin wicašta kin etanhan tankata hinanpa, hehan makece puza en omani, ozikiyapi akita, tuka takudan iyeye šni;

44 Hehan heya; Tipi mitawa etanhan wahinape ciqon he ake ekta wahde kta. Unkan ekta ki, qa tuwedan ohna yanke šni, kahintapi qa ayuco yuštanpi, hecen iyeya.

45 Hehan iyaye ča woniya tokeca šakowin iye isanpa šicapi, hena iwicacu qa om mahen iyaya, qa ohna yukanpi; unkan wicašta kin he hetanhan teliya un, tokaheya un qon isanpa. Wicoicage šice cin de hecece kta.

46 Unkan oyate kin hecen wowicakiyaka icunhan, iho, iye hunku qa hunkawanjtku kin tankan hinajinpi qa okiyapi kta cinpi.

47 Unkan wanji heciya; Iho, nihun qa nihunkawanji tankan najinpi qa oniciyapi kta cinpi.

48 Tuka iye waayupte ča tuwe heye cin he heciya; Tuwe inawaya he, qa mihunkawanji kin hena tuwepi he.

49 Unkan waonspewicakiye cin ektakiya nape hdugate ča heya; Iho, mihun qa mihunkawanji dena eepi ce.

50 Tuwe kašta Ate mašpiya ekta un tawacin kin ecen econ kinhan he mihunkawanji qa mitawinohtin qa mihun ee.

WICOWOYAKE 13.

1 Unkan anpetu kin hena en Jesus tipi kin etanhan tankata iyaye ča mde kin icahda iyotanka.

2 Unkan wicota hinca en mniciyapi, hecen iyotanke kta e

wata wan en opa, qa oyate kin iyuhpa hutata najinpi.

3 Unkan wiyacinpi on taku ota owicakiyaka, qa heya; Iho, wicašta woju wan woju iyaya:

4 Unkan woju icunhan, apa canku icahda hinhpaya; hecen wallupakoza en hipi qa temyapi.

5 Qa apa tukten inyan ota ehna ihpaya, hen maka tonana; unkan oħankoya hinanpa, maka tonana nakaes.

6 Tuka wi kata aya hehan owasin gu; qa hutkan nica heon etanhan šnija.

7 Unkan apa is wapepeka ehna ihpaya; unkan wapepeka tanka icage ča hecen kte.

8 Tuka apa maka wašte en ihpaya, qa etanhan ota icaga, apa opawinge, apa wikcemna šakpe, apa wikcemna yamni.

9 Tuwe noge winahon kta yukan hecinhan, ito nahon kta.

10 Unkan waonspewicakiye cin en hipi qa heciyapi; Tokeca wiyacinpi on owawicayakiya he.

11 Unkan iye awicayupte ča heya; Mašpiya wokiconze wonalibe kin niye oyakaħnigapi kta ničupi, tuka hena hecen wicaqupi šni, heon etanhan.

12 Heon tuwe taku yuhe cinhan nakun qupi kta, hecen iyakičuya yuhe kta; tuka tuwe takudan ton šni, tona yuhe cin hee kaeš kipi ece e kta.

13 Heon etanhan wiyacinpi on wowicawakiyaka ece; hecen tonwanpi keš wanyakapi šni, qa winahonpi keš nahonpi šni, qa nakun okaħnigapi šni.

14 Qa hecen Isaya wicašta wokcan taku eye ciqon iyepi on yuecetupi; Winahonpi on nahonpi kta, tuka oyakaħnigapi kte šni; qa tonwanhan wandakapi kta, tuka idukanpi kte šni ce.

WICOWOYAKE 13.

15 Oyate kin de cantepi kin cepa aya, qa nogepi kin kitan se winahonpi, qa istohmuzapi; hecece sni unkanś, ista on wanyakapi kta, qa noge on nahonpi kta, qa cante on iyukanpi kta, qa ihduhomnipi kta, kinhan a-sniwicawaye kta tuka.

16 Tuka niustapi kin wowaste, on wandakapi ece; qa ninogepi kin wowaste, on nayahonpi ece.

17 Awicakehan heciciyapi; Wicasta wokcan ota, qa wicasta owotanna, .taku wandakapi ece kin hena wanyakapi kta cinpi, tuka wanyakapi sni; qa taku nayahonpi ece kin, hena nahonpi kta cinpi, tuka nahonpi sni.

18 Heon etanhan wicasta waju qon wiyacinpi kin he ito nahon po.

19 Wicasta otoiyohe wokiconze oie kin nahon kes, okahnige sni kinhan, he tuwe sice cin en hi, qa taku cante en ojupi qon eyaku ece; iho, canku icahda ojupi icu qon hee.

20 Unkan inyan ota en ojupi icu qon he dee; tuwe wicoie kin nahon qa ohankoya iyuskinyan icu;

21 Tuka iye en hutkan wanica, hecen ecadan enakiya; tohan wicoie kin on wokakije qa sicaya kuwapi akipa hecinhan, hinna-caha ayustan iyaya ece.

22 Unkan wapepeka ehna ojupi icu qon, tuwe wicoie kin nahon kin hee; tuka wiconi kin de wiacinpi qa woyuha ota wamaye kin hena wicoie kin kte ece, hecen waskuyeca takudan icage sni.

23 Tuka maka waste en ojupi icu qon, he tuwe wicoie kin nahon qa okahniga; qa hecen waskuyeca icahya ece; apa opawin-ge, qa apa wikcemna sakpe, qa

apa is wikcemna yamni icaga ece.

24 Wiyacinpi tokeca wan owicakiyake ca heya; Mahpiya wokiconze kin wicasta wan iye tamaga en su wasteste oju kin he iyececa.

25 Tukawicistinma hiyeya icunhan, toka wan en hi, qa aguyapi ehna wayahota oju, qa kihda.

26 Unkan ape kin wanna uye ca wahuwapa icage kta, hehan wayahota is nakun tanin.

27 Unkan tipi tawa wowidakewicaye cin en hipi qa heciyapi; Itancan, nitamaga en su wasteste oyaju sni he; hecen wayahota kin tokiyatadhan yuha he.

28 Unkan iye hewicakiya; Wicasta wan toka kin heca e hecon. Unkan wowidakewicaye cin hena heciyapi; Unyanpi qa unpahipi kta yacin he.

29 Tuka iye heya; Hiya; okinni wayahota kin yapahipi kinhan, nakun aguyapi koya dujunpi kta.

30 Ito woksapi kta behanyan napin icicahiya icage kta. Unkan woksapi anpetu kin he en, wayuksapi kin hewicawakiye kta; Tokaheya wayahota pahipi qa huhnahyapi kta on palita po; tuka aguyapi kin he dotopiye mitawa en omnayan po.

31 Wiyacinpi tokeca wan owicakiyake ca heya; Mahpiya wokiconze kin sinape su wanji iyececa, he wicasta wan icu qa iye tamaga kin en oju.

32 He su kin owasin iyotan cistinna; tuka icaga behan wato kin owasin isnana tanka; qa can iyececa icaga, hecen mahpiya okinyanpi kin en upi, qa adetka kin en ahiyahan ece.

33 Wiyacinpi tokeca wan owicakiyaka; Mahpiya wokiconze kin on naphyapi kin iyececa,

MATTHEOS.

he winohinca wan icu qa wotpanpi wiyutapi yamni en inahman, hecen ocowasin napohiyapi.

34 Dena taku owasin Jesus wiyacinpi on oyate kin owicakiyaka, qa wiyacinpi codan takudan owicakiyake s̄ni.

35 Hecen wicašta wokcan taku eye ciqon yucetupi, he hecen cya; Wiyacinpi on i wahdukawa kta; taku maka kagapi ehantanhan anahmanpi kin he omdake kta ce.

36 Hehan Jesus oyate kin hde-wicas̄i, qa tipi wan en tin iyaya. Unkan waonspewicakiye cin en hipi qa heciyapi; Maga en wayahota wiyacinpi kin he unkiyaka miye.

37 Unkan iye awicayupte ca hewicakiya; Tuwe su waštešte oju qon he Wicašta Cinhintku kin hee.

38 Maga kin he maka ocowasin ee; su waštešte qon he wokiconze cinca kin hena eepi; wayahota kin he tuwe s̄ica cinca kin hena eepi:

39 Toka hena oju qon Wakan-s̄ica hee. Woksapi kin he wiconi kin de owihanke kin hee; qa wayuksapi kte cin mahpiya ohnihde kin hena eepi.

40 Heon etanhan, wayahota pahipi qa peta en huhnagapi qon he wiconi kin de owihanke kin ekta hecece kta.

41 Wicašta Cinhintku kin tona ohnihdewicaye cin hena yewicas̄i kta; unkan tokiconze kin etanhan tona wahtanipi qa taku s̄ica econpi kin owasin pahipi kta:

42 Qa peta mde kin en ehpe-wicayapi kta; hen wicaceya hi hdakinskinzapi ko yuke kta.

43 Hehan wicašta owotanna kin anpetu wi kin iyecen iyega-

pi kta, atkukupi tokiconze kin en. Tuwe noge winahon kta yukan hecinhan, ito nahon kta.

44 Akeš mahpiya wokiconze kin he mazaska, maga wan en nahmanpi kin he iyececa, he wicašta wan iyeya, unkan anahbe ca, wiyuškinyan iyaye ca, taku yuhe cin owasin wiyopekiye ca, maga kin he opeton.

45 Akeš mahpiya wokiconze kin wicašta wopeton inyan tehika akite ciqon he iyececa ye:

46 He inyan telika wanjidhan, ota iyopeyapi kin, he iyeya, unkan iyaye ca, taku tawa kin owasin wiyopekiye ca, he opeton.

47 Akeš mahpiya wokiconze kin he ho wan, mde kin en iyohpeyapi, qa ocaje owasin etanhan manaye cin, he iyececa;

48 He wanna ojudan hehuta hutata ahdipi, en iyotankapi, ca waštešte kin hena cega ohimnakiyapi, tuka s̄iks̄ice cin hena ehpeyapi.

49 Maka owihanke kinhan he iyecece kta; hehan mahpiya ohnihde kin upi kta, qa tona s̄ice cin owotanna unpi kin wiciyopeyapi kin hena iwicacupi kta;

50 Qa peta mde kin en iyohpewicayapi kta. Heciya wicaceya hi hdakinskinzapi ko yuke kta.

51 Jesus hewicakiya; Dena owasin oyakahnigapi he. Han, Itancan, eciyapi.

52 Hehan hewicakiya; Heon etanhan wowapi kaga otoiyo, mahpiya wokiconze on onspekiyapi kin, he wicašta wan tipi yuhe ca, mazopiye tawa kin etanhan taku teca tannika ko ikikcu ece kin he iyececa.

53 Unkan Jesus wiyacinpi kin dena ihunnikiya, hehan hetanhan tankan iyaya;

WICOWOYAKE 14.

54 Qa iye tamakoce kin en ki qehan, omniciye tipi yahapi kin ohna waonspewicakiya; hecen yuñinyayapi qa heyapi; Woksape kin de, qa wicohan tanka, wicašta kin de tokiyatanhan yuha he.

55 Cankajipa cinhintku kin he dee śni he; hunku he Mary eciyapi, qa sunkawicaye cin hena Jakob qa Joses qa Simon qa Judas :

56 Qa tawinohtin hena owasin unkiyoeyapi unpi śni he; hecen tokiyatanhan dena taku kin owasin yuha he.

57 Unkan canniyeyapi. Tuka Jesus hewicakiya; Wicašta wokcan yuonihanpi ece, tuka iye tamakoce qa iye ti kin ohna yuonihanpi śni.

58 Unkan wicohan tanka ota hen econ śni, wicadapi śni heon etanhan.

WICOWOYAKE 14.

1 Unkan anpetu kin hena en Herod wicaštayatapi kin Jesus oyakapi kin he nañon;

2 Qa tahoksidan kin hewicakiya; Johannes baptem wicaqu ece kin he dee; tapi kin etanhan kini, heon etanhan wicohan tanka econ ece.

3 Herod Johannes yuze ca kaska, qa conkaske en ehnaka, Herodias iye sunkaku Philip tawicu qon heon.

4 Duhe kta iyecece śni ce. Johannes eciye ciqon.

5 Unkan heon kte kta cin, tuka oyate kin kowicakipa; hena e wicašta wokcan heca kecinpi.

6 Tuka Herod anpetu en tonpi qon he ake hiyohipi, hehan Herodias cunwintku kin wicacokaya waci, qa Herod iyokipiya.

7 Heon etanhan, taku wakan

cajeyate ca, taku kida kta hecinhan, awicakehan qu kta, keciya.

8 Unkan he itokam hunku onspekiya, heon heya; Wanna Johannes baptem wicaqu ece qon he pa kin waksica wan ohna maqu ye.

9 Unkan wicaštayatapi kin iyokisice hinca, tuka wakanyan wacajeyate cin heon, qa tona om wota iyotanke cin hena on, he qu wicası.

10 Hecen ekta ye wicası, qa conkaske mahen Johannes pa baksa.

11 Unkan pa kin he waksica ohna akupi, qa wikoška kin qupi; unkan iye iyeopta hunku qu.

12 Unkan waonspewicakiye cin hena en hipi, qa tancan kin eyakupi qa ħapi; hehan yapi qa Jesus okiyakapi.

13 Unkan Jesus he nañon qehan, hetanhan watom iyaye ca, isnana ħewoskan makece wan ekta i. Unkan oyate kin he nañonpi qehan, otonwe etanhanhan huinyun ihakam yapi.

14 Unkan huta ekta ihunni qehan, wicota wanwicayaka; qa onsiwicakida, qa tona tefiya unpi kin hena asniwicaya.

15 Unkan wanna ħtayetu hehan waonspewicakiye cin en hipi qa heyapi; Makoce kin de ħewotahedan, qa wanna ħtayetu, heon oyate kin hde wicası wo, hecen otonwe ciqadan kin en yapi kta, qa taku yutapi opeiçitonpi kta.

16 Tuka Jesus hewicakiya; Hdapi kta iyecece śni; ito niye taku yutapi wicaqu po.

17 Unkan heciyapi; Aguyapi kagapi zaptan qa hogan nonpa, henana den unhapi ce.

18 Unkan heya; Hena makau po.

MATTHEOS.

19 Unkan oyate kin wato en iyotanke wicasí, qa aguyapi zaptan qa hogan nonpa nakun icu, qa mahpiya ekta etonwan, hehan yawašte, qa yuśpaśpa qa waonspewicakiye cin wicaqu, unkan waonspewicakiye cin is oyate kin wicaqupi.

20 Unkan owasin wotapi qa imnanpi; unkan oyaptapi etanhan pahipi, makanopiye akenonpa ojudan.

21 Unkan tona wotapi kin hena wicašta kektopawinge zaptan ecetu, nakun winohinca śiceca koya.

22 Hehan echankeya Jesus waonspewiyakiye cin wata wan en ope wicasí, iye itokam akasanpa yapi kta, oyate kin hde wicasí icunhan.

23 Unkan wanna oyate kin hde wicasí, hehan isnana paha wan ekta cekiya iyaya. Wanna otpaza tuka isnana ekta yanka.

24 Tuka wata kin wanna mde kin cokaya un, taja on iyotanhany iyekiyapi, tatohekiya yapi nakaes.

25 Unkan hanyetu en itopa kiktapi hehan Jesus mini kin amani en wicaya.

26 Unkan waonspewicakiye cin mini kin amani wanyakapi qehan, yuśinyayapi qa heyapi; He wanagi; qa kokipapi on śicahowayapi.

27 Tuka Jesus kohanna owicakiye qa heya; Cante wašte po; de miye ce; kopehdapi śni po.

28 Unkan Inyan ayupte qa heya; Itancan he niye hecinhan, ekta mini kin amani u maśi wo.

29 Unkan; U wo, eciya. Hecen Inyan wata kin etanhan kun iyaye qa Jesus ekta ye kta mini kin amani.

30 Tuka wohitiya tateyanpa wanyaka, hehan kokipa. Qa spaye kta iyaya, hehan śicahowaya, qa heya; Itancan, nima-yan wo.

31 Unkan Jesus echankeya nape ekta yekiye qa yuwankan icu, qa heciya; Cistinna wacin- yaya, tokeca wacetunyahda he.

32 Unkan wata kin en opapi hehan amdakedan icu.

33 Hehan wata en unpi kin en hipi, makata eħpeiciyapi qa heciyapi; Awicakehan Wakantanka Cinhintku kin he niye.

34 Unkan akasanpa ihunnipi hehan Geneseret makoce kin en hipi.

35 Unkan wicašta makoce kin he en unpi kin hena iyekiyapi, qa ihdukśan wanke cin owan- caya hośi wicakayapi. Unkan tona teħiya unpi kin owasin qa awicahipi;

36 Qa cekiyapi, taśina opapm hecedan kaes yutanpi kta heon; unkan tona yutanpi kin owasm tanyan asnipi.

WICOWOYAKE 15.

1 Hehan Jerusalem etanhan wowapi kagapi qa Pharisee kin Jesus en hipi qa heyapi;

2 Tokeca waonspewicayakiye cin hunkawicayapi wope oyakapi qon acakśinpi he; qa aguyapi yutapi kte cinhan nape hdujajapi śni.

3 Unkan iye waayupte qa he- wicakiya; Qa niś nakun tokeca wope odakapi kin on Wakan- tanka toope kin acayakśinpi he.

4 Wakantanka heya econ wicasi; Niyate nihun kici wicahduonihan wo; nakun; Tuwe atkuku hunku kici wicayaśice cinhan wiconte on te kta ce.

5 Tuka niye hehapi; Tuwe

atkuku qa is hunku kin heciye kta iyececa ; Taku on ociciye kte cin he wanna woŋnapi ce ; qa hecen atkuku hunku kici wicahduonihan ŋni ece

6 Hecen woope odakapi kin on Wakantanka toope kin dutakunipiŋni.

7 Wananicihmanpi, niyepi on Isaya tanyan woyake a heye eiqon ;

8 Oyate kin de i on mikiyedani, qa iha on mayaonihanpi ; tuka cantepi kin hena mitehan unpi ece.

9 Wicaŋta wicoope kagapi kin hena woope keya onspewicakiyapi, qa on mayuonihanpi kte cin he takudan okihi ŋni ece.

10 Hehan oyate kin wicakico qa hewicakiya ; Naŋonpi qa okahniiga po :

11 Taku wicai kin ohna iyaye cin he wicaŋta kin yuŋape ŋni ; tuka taku wicai kin etanhan hiyu kin he wicaŋta yuŋape cin ee.

12 Hehan waonspewicakiye cin en hipi qa heciyapi ; Wicoie kin de Pharisee kin naŋonpi qa ŋihdapi, he sdoniyaya he.

13 Unkan waayupte a heya ; Taku ojupi kin, tona Ate mahpiya ekta un kin oju ŋni kinhan, hena owasin yujunpi kta.

14 Awicayuŋtan po ; iŋtagongapi iŋtagongapi awicayapi kin hena hecapi. Unkan tuwe iŋtagonga iŋtagonga wan yus aye cinhan, napin makohdoka en ohinhipayapi kta.

15 Hehan Inyan ayupte a heciya ; Wiyacinpi kin de unkoikiyaka miye.

16 Unkan Jesus heya ; Niŋ nakun hinaŋin oyakaŋnigapi ŋni he.

17 Taku wicai kin ohna iyaye cin he wicatezi kin ekta i ece, qa hehan hetanhan tankan ehpe-

yapi ece ; he hinaŋin oyakaŋnigapi ŋni he

18 Tuka taku wicai kin etanhan hiyu kin hena wicacante kin eciyatanhan u ece ; qa wicaŋta yuŋape cin hena ee.

19 Wicacante kin eciyatanhan wicotawacin ŋica hiyu ece ; tinwicaktepi, wawicahaŋapi, wiinahmanpi, wamanonpi, woitonŋni qa wicayaŋicapi kin.

20 Wicaŋta yuŋape cin dena ee ; tuka nape hdujaja ŋni wotapi kin he wicaŋta kin yuŋape ŋni.

21 Hehan Jesus hetanhan tokan iyaye a, Turos qa Sidon makoce ihdukŋan wanke cin he ekta i.

22 Unkan iho, Kanan winohinca wan makoce kin hetanhan hiyu, qa hoyekiye a heya ; Itancan, Dawid Cinhintku, onŋimada ye, micunkŋi wakan ŋica yuhnaŋkinyan, ŋicaya un.

23 Tuka iye oie wanjidani ayupte ŋni. Unkan waonspewicakiye cin en hipi, cekiyapi qa heyapi ; Hdeŋi wo, unkihakam ŋicahowaya ece.

24 Tuka iye waayupte a heya ; Israel tiyohnaka taŋinca wanunyanpi nunnipi kin henana ekta umaŋipi ce.

25 Hehan winohinca qon en hi, makata ehpeiciye a heciya ; Itancan, omakiya we.

26 Tuka iye ayupte a ; Hokaŋiyopa aguyapi tawapi kin icupi qa ŋunka wicakupi kin he hecetu ŋni ce, eya.

27 Unkan iye ; Han, Itancan ; tuka ŋunka kin iye wicayuhapi wahna wotapi tawapi kin etanhan oŋnaŋna hinhipaye cin hena etanhan yutapi ece, eya.

28 Hehan Jesus ayupte a heciya ; Winohinca, wacinyaye cin he tanka ; token yacin kin he encicetu nunwe. Unkan wihi-

MATTHEOS.

yayedan oape kin he hetanhan cunwintku kin asni.

29 Unkan Jesus hetanhan iya-ye ça Galile mde kin ikiyedan a; qa paha wan ekta iyaye ça akan iyotanka.

30 Unkan wicasta ota en hipi, tona huštepi, istagongapi, ia okitpanipi, hu bawicaksapi, qa toktokeca ota en awicahipi, qa Jesus siha kin en ewicahna-kapi; unkan asniwicaya.

31 Hecen wicota yušinyayapi, ia okitpanipi qon hena iapi, hu bawicaksapi qon hena tokecapi šni, huštepi qon hena manipi, qa istagongapi qon hena tonwanpi wanwicayakapi, heon etanhan; qa Israel Taku Wakan tawapi kin he yatanpi.

32 Hehan Jesus waonspewicakiye cin wicakico qa hewicakiya; Oyate kin onsiwicawakida, wanna yamni can taku yute šni mic unpi; qa wote šni hde-wicawasi kta tawatənwaye šni, okinni tahepi ikpayapi kta.

33 Unkan waonspewicakiye cin heciyapi; Makoce hewotahedan kin de en tokiyatanhan aguyapi iyenakeca unhapi qa oyate hinsko tanka innawicunyanpi kta he.

34 Unkan Jesus hewicakiya; Aguyapi kağapi tona duhapi he. Unkan; Šakowin qa hoganstin-na tonana nakun, eyapi.

35 Unkan oyate kin makata iyotanke wicasi;

36 Qa aguyapi šakowin icu, hogan kin hena nakun, qa yawaste, hehan kiyušpašpa qa waonspewicakiye cin wicaqu; unkan waonspewicakiye cin oyate kin wicaqupi.

37 Unkan owasin yutapi qa innanpi; qa oyaptapi kin hena pahipi, makanopiye šakowin ojan-dan.

38 Wotapi kin hena wica ece kektopawinge topa, nakun winohinca siceca koya.

39 Hehan oyate kin hdewicasi. qa wata wan en ope ça Magdala makoce kin en hi.

WICOWOYAKE 16.

1 Unkan Pharisee qa Saduke etanhan en hipi, qa mahpiy eciyatanhan wowapetokeca wu wicakiyutanin šipi, iyutanyanpi kta.

2 Tuka iye waayupte ça hewcakiya; Tohan itayetu e Mahpiya šasa heon owastecə kta ce, ehapi ece.

3 Qa hanhanna eca, Ecin cecake kta, mahpiya šasa šapsapa, heon etanhan. Wan ničihmanpi, mahpiya ite kin yukcan onnisepi, tokeca anpa kin dena wowapetogton oyal hnigapi šni he.

4 Wicoicage sice ça wawi hañapi econ sa kin he wowapetokeca wan da; tuka wowapetokeca wanjan qupi kte Jonas wicasta wokcan tawowapetokeca kin hecedan. Unkan ehewicaya iyaya.

5 Unkan waonspewicakiye cin akasanpa ipi, qa aguyapi ic akiktonjapi.

6 Hehan Jesus hewicakiya Pharisee qa Sadukee on napoh yapi tawapi kin he iwanyakap qa kokipa po.

7 Unkan iye iyakitedan akincapi qa heyapi; Aguyapi unki cupi šni, heon etanhan, heya ce.

8 Tuka Jesus he sdonye ça hewicakiya; Cistinna wacinyayapi kin, tokeca niye iyakitedan ayakinicipi he, aguyapi iyacupi šni heon.

9 Hinakin oyakañigapi šni, wicasta kektopawinge zaptan

WICOWOYAKE 17.

1 aguyapi zaptanna, qa makan-
niye ojudan tonakeca yapahipi
e-yeksuyapi šni he.

10 Nakun wicašta kektopawin-
e topa qa aguyapi šakowin, qa
akanopiye ojudan tonakeca
acupi he.

11 Tokeca oyakašnigapi šni he,
harisee qa Sadukee on napohi-
api tawapi kin he kokipe cišipi,
e aguyapi on heciciyapi šni.

12 Hehan aguyapi on napohya-
i kin he kokipe wicaši šni,
ika Pharisee qa Sadukee woon-
e tawapi kin hee kokipapi kta,
e okahnigapi.

13 Jesus Kesarea Philippi ma-
nce kin en i qehan waonspewi-
kiye cin wiwicawange ça he-
t; Wicašta Cinhintku kin miye,
matuwe kin, wicašta keyapi he.

14 Unkan heyapi; Apa Johan-
s baptem wicaqu qon; qa apa
; Elias; qa toktokeca; Jeramias,
i šni wicašta wokcan wanji.

15 Qa niš matuwe kehapi he,
wicakiya.

16 Unkan Simon Inyan ayupte
t; Messiya Wakantanka ni un
inhintku kin he niye, eya

17 Unkan Jesus ayupte ça he-
ya; Simon Jona cinhintku ni-
awaštepí ce; wicacehpi qa wi-
uwe kin he oniciyake šni, tuka
te mahpiya ekta un kin he
iciciyaka

18 Qa miš nakun heciciya;
nyan he niye, qa imniya kin de-
tan okodakiciye mitawa wa-
uge kta; qa wakanšica tatiyo-
t kin he yujuju kte šni.

19 Unkan mahpiya wokiconze
uħdoke kin he ciču kta; he-
n taku maka akan yakaške
nhan he mahpiya ekta kaška-
kta; qa taku maka akan ya-
duške cinhan he mahpiya ekta
yuskapi kta.

20 Hehan waonspewicakiye

cin Jesus Messiya kin he iye,
he tuwedan okiyake šni wicaši.

21 Hetanhan Jesus waonspewi-
cakiye cin wowicakiyaka, Je-
rusalem ekta ye kta iyececa, qa
wicalincapi, wošnapi kagapi,
wowapi kagapi ko on taku ota
kakije kta, qa ktepí kta, qa an-
petu iciyamni hehan ake kini
kta, hena owicakiyaka.

22 Hehan Inyan Jesus icu qa
iyopeye ça heya; Itancan, hece-
tu šni; dena ayakipe kte šni.

23 Tuka iye ihduhomni qa
Inyan heciya; Satan mihekta-
pa tanhan ya wo, tokamayaya;
Wakantanka taku tawa kin
awacanni šni, tuka wicašta taku
tawapi kin.

24 Hehan Jesus waonspewica-
kiye cin hewicakiya; Tuwe
miyahna u kta cin kinhan, wai-
pičida kta, qa cansusbeca ehda-
ku qa mihakam un kta.

25 Tuwe kašta wiconi tawa
kpatan kinhan, he toki ehpekiye
kta; qa tuwe miye on wiconi
tawa kin kpagan kinhan, he
iyeke kta.

26 Wicašta wan maka kin
ocowasin kamna, qa nagi kin
toki ehpeye cinhan he taku oki-
hi kta he; qa wicašta nagi kin
taku iyopekiye kta he.

27 Wicašta Cinhintku kin iye
Atkuku towitan hduha taobni-
hdewicaye cin om u kta; hehan
wicašta otoiyo hi iye oħanpi kin
eciyanhan wicaqu kta.

28 Awicakehan heciciyapi; To-
na den najinpi kin etanhan wan-
jikji wiconę utapi kte šni, ecen
Wicašta Cinhintku kin iye to-
kiconze kin en u wanyakapi kta.

WICOWOYAKE 17.

1 Unkan iyohakam anpetu
šakpe hehan Jesus Inyan qa

MATTHEOS.

Jakob, qa iye sunkaku Johannes, hena iwicacu, qa paha wan tehanwankantu ekta awicaya;

2 Qa wicitokam yutokecapi; ite kin anpetu wi kin iyecen iyega, qa tawokoyake kin iyoyanpa iyecen ska.

3 Unkan iho, Moses qa Elias en ihdutaninpi qa kici wohdakapi.

4 Hehan Inyan ayupte ça Jesus heciya; Itancan, den unyakonpi kin he waste; yacin kinhan, den wakeya yamni ti un-kagapi kta, wanji unnicagapi kta, qa Moses Elias kici wanjikji *wicunkicagapi* kta.

5 Iahan icunhan iho, iyoyanpa mahpiya wan aowicahanzi, qa iho, mahpiya kin eciyatanhan wicaho wan heya; Micinksi wastewakidake ça on iyomakipi hince cin he dee ce; anagoptan po

6 Unkan waonspewicakiye cin he nahonpi hehan makipusdiya ehpeiciyapi, qa nina kokipapi.

7 Tuka Jesus en wicahi, qa wicayutan qa heya; Inajin po, qa kokipapi sni po.

8 Unkan ista yuwankan ikikcupi hehan, tuwedan wanyakapi sni, Jesus ecedan.

9 Unkan paha kin etanhan kun hdicupi, hehan Jesus wahokonwicakiye ça heya; Wowanyake kin he tuwedan okiyakapi sni po, Wicasta Cinhintku kin wiconte etanhan piya ikicage sni lehanyan.

10 Unkan waonspewicakiye cin wiwangapi qa heciyapi; Wowapi kagapi kin, Elias tokaheya hi kta ce, eyapi kin, tokeca heyapi hwo.

11 Unkan Jesus waayupte ça hewicakiya; Awicakehan Elias tokaheya hi kta, qa taku owasin yuecetu kta.

12 Tuka heciyapi; Elias wanna hi tuka iyekiyapi sni, qa token cinpi qon ecakiconpi. He iyececa Wicasta Cinhintku kin iyepi eciyatanhan kakije kta.

13 Hehan waonspewicakiye cin okahnigapi, Johannes baptem wicaqu qon e he ke ça heon hewicakiya.

14 Unkan wicota en hdipi qehan, wicasta wan en hi qa canpeska makehde inajin,

15 Qa heya; Itancan, micinksi onsimicida ye, hanyetu wi ihnaskinyan qa sicaya un; otakiya peta en ihpaye ça otakiya mini en iyohpaya ece:

16 Qa waonspewicayakiye cin wicawakahi, tuka asniyanpi kta okihipi sni.

17 Hehan Jesus ayupte ça heya; Wicoicage wacinye sni qa wacin tehike, tohanyan cicipi waun kta he; tohanyan iyowiciciyapi kta he; den makau po.

18 Unkan Jesus iyopeya, qa hecen wakan sice cin tankanta hinanpa; unkan wihiyayedan oape kin hetanhan hoksidan kin asniyanpi.

19 Hehan waonspewicakiye cin Jesus isnana yanke cin en hipi qa heyapi; Tokeca unkiye he napeunyanpi kta unkokihipi sni he.

20 Unkan Jesus hewicakiya; Wacinyayapi sni heon; awicakehan heciyapi; Sinape su wanjidan hinskokeca wacinyayapi unkan, paha kin de; Detanhan tokan iyaya wo, eyakiyapi kta; unkan tokan iyaye kta, qa taku oyakitpanipi wance kta.

21 Tuka taku decece cin he cekiyapi qa wote sni unpi ecedan on tankan hinanpa ece.

22 Unkan Galile en unpi icunhan Jesus hewicakiya; Wicasta

WICOWOYAKE 18.

inhintku kin wanna ecadan
icašta napepi kin en wicaqupi
a.

3 Unkan ktepi kta, qa anpetu
iyamni kinhan ake piya ikica-
kta ce, eya. Unkan nina iyo-
šicapi.

4 Hehan Kapernaum en hipi
han, tona mazaska mnayanpi
e kin Inyan en hipi qa heya-
; Waonspeniciyapi kin he
azaska mnayanpi en iyohpeye
a he.

5 Unkan, Han, eya. Hehan
hdicu qehan Jesus tokaheya
ca heciya; Simon token idu-
an he; maka akan wicašta-
tapi kin tokiyatanhan maza-
mnayanpi he; iye cincapi
anhan, qa is wicašta tokecapi
etanhan.

6 Wicašta tokecapi etanhan,
an eya. Unkan Jesus heci-
; Hehan cincapi kin wicaka-
api šni ece:

7 Tuka šihda wicunyanpi kte
i, e heon niš mde kin ekta ye
hinšikijupi wan minin iyeya
o, qa hogan tokaheya hiyu kin
icicu wo; he i kin dukawa
nhan obna kangi kagapi wan
eyaye kta; he icu qa miye qa
ye on wicaqu wo.

WICOWOYAKE 18.

Unkan hehan waonspewica-
cin Jesus en hipi qa heci-
pi; Mašpiya wokiconze kin
tuwe iyotan tanka he.

Unkan Jesus hokšiyooqopa
an kico qa wicacokaya ehnaka;

Qa heya; Awicakehan heci-
yapi; Nihduhomnipi šni, qa
kšiyooqopa iyenicecapi šni kin-
n, mašpiya wokiconze kin en
ipi kte šni.

Tuwe ihduhukuye ca hokšiyoo-
qopa kin de iyecen canteyuze

cinhan, mašpiya wokiconze kin
en iyotan tanka kin hee.

5 Qa tuwe hokšiyooqopa dececa
wan, micaje on, iyowinkiye cin-
han, he miye iyowinmakiya ece.

6 Qa tuwe hokšiyooqopa kin
dena, wacinmayanpi kin, wanji
wahtanikiye cinhan, he inyan
wiyutpan wan tahu en iyakaš-
kapi, qa iye miniwanca ošbe kin
en iyohpeyapi unkanš wašte kta
tuka.

7 Wahtaniwicayapi kin on
oyate kin wotehi yuhapi kta;
eya wahtanikiyapi yuke kta iye-
ceca; tuka wicašta tuwe wahtani-
niwicaya hecinhan, he wotehi
yuhe kta.

8 Heon etanhan, ninape qa
nisiha wahtaniniyanpi hecin-
han, hena hdakse ca ešpeya
wo; huha kaksapi wiconi en
yai kta hee wašte, qa nape non-
pa qa siha nonpa hduha peta
owihanke wanica en iyohpeni-
yanpi kte cin he šica.

9 Qa ništa wahtaniniye cinhan,
hdušdoke ca ešpeya wo; išta
wanjidan hduha wiconi en yai
kte cin he wašte, qa išta napin
hduha peta owihanke wanica en
iyohpeniyanpi kte cin he šica.

10 Ihnuhan dena cikcistinpi-
dan wanjidan ešta šiceyadake
cinhan; heciyapi ce; Mašpiya
ekta ohnihdewicayapi tawapi
kin hena Ate mašpiya ekta un
kin ite ohinniyan wanyakapi ece.

11 Wicašta Cinhintku kin taku
atakunišni qon he niye kta on hi.

12 Hecen token idukanpi he.
Wicašta wan tašinca wanun-
yanpi opawinge wicayuhe, ca
etanhan wanjidan kitaninšni he-
cinhan, wikcemna napcinwanka
sanpa napcinwanka hena owan-
jidan ewicahnake ca he kin ekta
iyaye ca wanji taninšni kin he
okide šni he.

MATTHEOS.

13 Qa iyeye cinhan, awicakehan heciciyapi ; hee on iyuskin, qa wikcemna nappcinwanka sanpa nappcinwanka tokiya iyayapi s̄ni kin hena on iyuskin s̄ni ece.

14 He iyececa, dena cikcistinpidan wanjidan ešta toki ehpeyapi kta, Niyatepi mal̄piya ekta un kin hecen tawacin s̄ni.

15 Tuka nisunka wanicihtani kinhan, ekta ye ça iye niye kicišnana he okiciyaka ye ; nanihon kinhan nisunka ake yahduhe kta.

16 Tuka ananigoptan s̄ni kinhan, hehan wanji qa is̄ nonpa om de kta ; hecen waayatantin nonpa, qa is̄ yamni ipi kin on wicoie owasin yusutapi kta.

17 Tuka hena nakun anawicagoptan s̄ni kinhan, hehan okodakiciye kin owicakiyaka wo ; unkan okodakiciye kin anawicagoptan s̄ni kinhan, hehan lkewicasta qa wamnayanpi kin iyecen yahdawa kta.

18 Awicakehan heciciyapi ; Taku maka akan yakaskapi kinhan, he mal̄piya ekta kaskapi kta ; qa taku maka akan yakiduskapi kinhan, he mal̄piya ekta kiyuskapi kta.

19 Akes̄ heciciyapi ; Tuwe nom maka akan taku wanjidan yadapi kta e wayeconzapi kinhan, Ate mal̄piya ekta un kin he ecen ecawicakicon kta.

20 Tukten nom yamni, micaje on mniciyapi kinhan, hen wiciyopeya waun ece.

21 Hehan Inyan en hi qa heciya ; Itancan, misunka tona wanicihtani qa wecicajuju kta he ; sakowin hehanyan he.

22 Jesus heciya ; Sakowin hehanyan kta, eciciye s̄ni, tuka wikcemna sakowin ece sakowin.

23 Heon etanhan mal̄piya wokiconze kin wicastayatapi wan

iyececa, he wowidake wicayuhe cin wicakiciyawa kta :

24 Unkan wicakiciyawa icunhan wanji mazaska tkeutapi tanka kektopawinge wikcemna iyohiye s̄ni kin he ahipi.

25 Unkan on kajuju kta takudan yuhe s̄ni, hecen yuhe cin he tancan wiyopeyapi kta, qa tawicu, qa cinca, qa taku yuhe cin owasin, qa kajujupi kta, keya. .

26 Heon wowidake un kin he en makipusdiya ehpeiciya, cekiyeye ça heya ; Itancan, amakipe ye, owasin cicicajuju kta.

27 Hehan yuhe cin he wowidake tawa kin onşikida, kiyuska qa ikicazo qon kicicajuju.

28 Tuka wowidake un kin he tankan iyaye ça om idakapi kin wanji, kaspapidan opawinge ikicazo kin he iyeya, qa iyahpaye ça poskin yuze ça heciya ; Toma imiyecazo kin micicajuju wo.

29 Hehan kici idakapi un kin he siha en ehpeiciya, cekiyeye ça heya ; Amakipe ye, kinhan owasin cicicajuju kta.

30 Unkan wicada s̄ni ; tuka iyaye ça conkaske mahen kaskahnaka, oicazo hdajuju kta hehanyan.

31 Unkan kici wowidake unpi kin hena taku econpi kin wan yakapi qehan, nina iyokišicapi : heon en hipi qa wicayuhe cin taku econpi kin owasin okiyakapi.

32 Hehan yuhe cin he ake kico qa heciya ; Wowidake nišice hinca, icazopi hinsko tanka qon he cicicajuju, cemayakiye cin heon.

33 Hecen miye onšicida kin he iyecen kici wowidake yaun kin is̄ eya onšiyakida kta iyecece s̄ni he.

34 Unkan yuhe cin s̄ihda qa kakišyapi kte cin en wicaju,

WICOWOYAKE 19.

tona iyohiye *śni* qon ocowasin hdajuju kta hehanyan.

35 He iyecen, Ate mahpiya ekta un kin ecaniconpi kta, otioyohi cante eciyatanhan nisunkapi tona wanicihtanipi kin wicayecicajujupi *śni* kinhan.

WICOWOYAKE 19.

1 Unkan Jesus wicoie kin he-na heya ayastan, hehan Galile makoce kin etanhan iyaye ca Juda makoce, Jordan wakpa akasanpa tanhan he en hi :

2 Qa wicašta ota hinca ihakam unpi ; unkan hen asniwicaya.

3 Pharisee kin is nakun en hipi, qa iyutanyanpi kta heciyapi ; Taku owasin on wicašta tawicu ehpekiye kta iyececa he.

4 Unkan waayupte ca hewicakiya ; Tuwe otokahe ekta wicakage cin he wica winyan ahna wicakaga, he tohinni dawapi *śni* he :

5 Qa heya ; Heon etanhan, wicašta atkuku hunku ko ehpewicaye kta, qa tawicu kin en iyaihdaske kta ; qa henaoya celhi wanjidan kta.

6 Heon, hetanhan nonpapi *śni*, tuka wicacehpi wanjidan ece. Heon, taku Wakantanka yuonwanjidan kin he ihnuhan wicašta kiyuspe cinhan.

7 Hehan heciyapi ; Itancan, Moses kpaganpi wowapi wan qu kta, qa ehpeye kta, tokeca heconwicasi hwo.

8 Unkan hewicakiya ; Nican-tepi suta kin heon winohinca ehpewicayayapi kta, Moses iyowinniciyapi ; tuka otokaheya tanhan hecetu *śni*.

9 Qa mis heciyapi ce ; Tuwe, wawicihahapi econ kin on etanhan *śni*, tawicu ehpekiye ca

wanji tokeca yuze cinhan, he wawicihahapi econ ece ; qa tuwe winyan ehpeyapi kin yuze cinhan, he nakun wawicihahapi econ ece.

10 Unkan waonspewicakiye cin heciyapi ; Wicašta winohinca kici hecetu kinhan, tawicu tonpi kin he waste *śni*.

11 Tuka hewicakiya ; Wicoie kin he owasin okihipi *śni*, tona wicagupi kin henana okihipi.

12 Yunokos heca yukan ; hunh hunku tezi kin etanhan heca icagapi ; qa hinh wicašta on heca wicakagapi ; qa hunh mahpiya wokiconze kin on heca icicagapi. Tuwe he icu okihi kinhan he icu kta.

13 Hehan hoksiyoqopa en awicahipi, nape awicaputake ca cekiye kta e heon ; unkan waonspewicakiye cin tehindapi.

14 Tuka Jesus heya ; Hoksiyoqopa en mahipi kta iyowinwicakiya po, qa tehindapi *śni* po ; mahpiya wokiconze kin he hetanhanpi ece.

15 Unkan nape awicaputake ca hetanhan tokan iyaya.

16 Unkan iho, wanji en hi qa heciya ; Waonspekiye waste, taku waste ecamon kta, on wiconi owihanke wanica mduhe kta, tukte e he.

17 Unkan heciya ; Tokeca waste emayakiya he ; tuwedan waste *śni*, wanji heceedan waste, Wakantanka hee. Tuka wiconi en yai kta yacin kinhan woahope kin hena ahopa wo.

18 Hehan heciya ; Tukte e he. Unkan Jesus heya ; Dena, Tinwicayakte kte *śni* ; Wawicihahapi ecanon kte *śni* ; Wamayanon kte *śni* ; Woitonⁿⁱ odake kte *śni* ;

19 Niyate nihun kici wicahduonihan wo ; qa, Niye inihda-

cin nikiyedān un kin wašteyada-
ke kta.

20 Koška kin he heciya ; Ima-
caga ehantanhan dena owasin
ecen ecamon ece ; taku hinahin
iyotpani waun he.

21 Jesus heciya ; Owotanna
yaun kta yacin kinhan, hde ça
taku nitawa wiyopeye ça wa-
hpanicapi kin wicaqu wo ; kin-
han małpiya ekta woyuha duhe
kta ; behan ku qa mihakam un
wo.

22 Tuka koška kin he wicoie
kin de nañon qehan iyokišica
kihda ; taku ota ton kin heon
etanhan.

23 Unkan Jesus waonspewica-
kiye cin hewicakiya ; Awica-
kehan heciciyapi ; Tuwe wijica
un kin he kitan se małpiya wo-
kiconze kin en i kta.

24 Qa ake heciciyapi ; Kamel
wan tahinšpaciqadan ołdoka
ohna iyaye kte cin he tehike šni,
qa wicašta wijica Wakantanka
tokiconze kin en ye kte cin he
tehika.

25 Waonspewicakiye cin he
nañonpi, hehan nina yušinya-
yapi qa heyapi ; Tuwe hehan ni
okihī kta he.

26 Unkan Jesus ekta etonwe
ça hewicakiya ; Wicašta ekta he
okihipica šni ; tuka Wakantan-
ka ekta taku owasin okihipica
ece.

27 Hehan Inyan ayupte ça he-
ciya ; Iho, taku owasin ehpe-
unyanpi qa nihakam unyakonpi ;
hecen taku unhapi kta he.

28 Unkan Jesus hewicakiya ;
Awicakehan heciciyapi ; Niyepi
tona teca ni en wicatonpi kin
de en omayapapi kin, tohan
Wicašta Cinhintku kin wowitan
oiyotanke tawa kin en kiyotanke
cinhan, niš eya oiyotanke ake-
nonpa akan idotankapi kta, qa

Israel wicoun akenonpa wicada-
copi kta ce.

29 Qa tuwe kašta, tipi, qa hun-
kawanjitku, qa tawinołtin, qa
atkuku, qa hunku, qa tawicu,
qa cinca, qa maga, micaje on
etanhan ehpeye cinhan, he opa-
winge akihde hduhe kta, qa na-
kun owihanke wanin wiconi
mnaiciye kta.

30 Tuka tokaheya unpi kin
wicota ehake unpi kta ; qa ehake
unpi kin hena tokaheyapi kta.

WICOWOYAKE 20.

1 Małpiya wokiconze kin he
wicašta wan tipi yuhe cin he
iyececa, he hanhanna hınca
hastanhanka iyuwi ojupi tawa
kicanyanpi kte cin wicašta ope-
ton iyaya.

2 Unkan wicašta anpetu eca
kašpapidan wanjidān on opewi-
caton, hehan hastanhanka iyuwi
ojupi tawa kin en yewicaši.

3 Unkan wihiyayedān oape
yamni, hehan ake tankan iyaye
ça toktokeca tihocoka en taku
tokon šni najinpi wanwicayaka ;

4 Qa hewicakiya ; Niš eya
hastanhanka iyuwi ojupi kin en
ya po ; kinhan token owotanna
ciçupi kta ce. Unkan en iya-
yapi.

5 Ake oape isakpe qa inapcin-
wanka hehanhan tankan iyaye
ça ake iyecen econ.

6 Hehan oape iakewanji ecetu,
ake tankan iyaye ça toktokeca
taku tokon šni najinpi wanwica-
yaka, qa hewicakiya ; Tokeca
anpetu osan taku tokon šni na-
yajinpi he.

7 Unkan, Tuwedān opeuntonpi
šni ce, eciyapi. Hehan hewica-
kiya ; Niš eya hastanhanka iyu-
wi ojupi kin en ya po, kinhan
taku owotanna iyacupi kta.

8 Wanna htayetu hehan, hastan-
hanka iyuwi ojupi yuhe cin iye
taokiye itancan kin heciya; Wi-
cašta htanipi kin wicakico qa
wokajuju wicaqu wo, ehake hipi
kin hena tokaheya, ecen toka-
heya hipi qon wicayeciyaştan
kta ce.

9 Unkan tona oape wanjidan
htanipi kin hena hipi, qa otoi-
yohi kaşpapidan wanji icupi.

10 Tokaheyapi kin hena en
hipi qehan, sanpa yuhapi kta
kecinpi, tuka is eya otoiyo
kaşpapidan wanji icupi.

11 He icupi hehan tipi tawa kin
bapi;

12 Qa heyapi; Ehake hipi kin
dena oape wanjidan htanipi, tuka
unkiye anpetu osan, wi kata esta
htaunnipi, iyeuncecapi wicaya-
kaga ece.

13 Unkan iye waayupte qa
wanji heciya; Koda, taku şica
ecacicon şni; kaşpapidan wanji-
dan on htamiyecini kta kema-
yakiye şni he.

14 Taku nitawa kin ehdaku qa
hda wo; ehake hi kin de niye
ciçu kin iyecen waqu ece e
kta.

15 Miye mitawa kin token wa-
cin kin ecen ecamon kta iyecece
şni he; miye mawaşte kin heon
etanhan ista nişica he.

16 Hecen ehake unpi kin hena
tokaheyapi kta; qa tokaheya
unpi kin hena ehake unpi kta;
wicota wicakicopi, tuka tonana
wicakahnigapi ece.

17 Unkan Jesus Jerusalem ekta
itanwankanhdē ya, hehan wa-
onspewicakiya akenonpa kin
canku kin icunonpa isnana awi-
caya, qa hewicakiya;

18 Iho, Jerusalem ekta itan-
wankanhdē unyanpi, qa Wicašta
Cinhintku kin woşnapi kagapi
wowapi kagapi ko nape en wi-

caqupi kta; unkan şe kta on
yacopi kta,

19 Qa ihaşapi kta, kapsinpsin-
tapi kta, qa icipaweh okatanpi
kta on Ikcewicašta iyoopta wi-
caqupi kta; unkan anpetu ici-
yamni hehan kini kta ce.

20 Hehan Zebedee cinca hun-
kupi kin en hi, cinhintku na-
pin om, cekiye qa taku wanji
kida.

21 Unkan iye heciya; Taku ya-
cin he. Hehan heciya; Micinkşi
kin denaoza wokiconze nitawa
en, unma nietapa ekta iyotanke
kta, qa unma is canitka en iyo-
tanke kta, keya ye.

22 Tuka Jesus waayupte qa
heya; Taku yadapi kin sdonya-
kiyapi şni. Wiyatke etanhan
mdatke kte cin he etanban ya-
tkan oyakihipi he; qa baptem
maqupi kte cin he niş eya niçu
kta oyakihipi he. Unkan, Unko-
kihipi ce, eciyapi.

23 Hehan hewicakiya; Awica-
kehan wiyatke mitawa kin etan-
han datkanpi kta, qa baptem ma-
qupi kte cin heon niş eya baptem
niçu kta; tuka ematapa qa
camatka tanhan iyotankapi wi-
caqupi kte cin he miye mitawa
şni; tuka Ate tona wiyeya wi-
cakiciyaştan kinhan hena tawapi
kta.

24 Unkan wikcemnapi kin hena
he nahonpi qehan sunkakiciyapi
nom on şihdapi.

25 Tuka Jesus wicakico qa
heya; Ikcewicašta ekta tona
itancanpi kin hena oyate wica-
yuhapi, qa wicašta tankinyan-
yaupi kin oyate wowidakewica-
yapi ece, he sdonyayapi.

26 Tuka niyepi ekta hecece
kte şni; tuka wanji tukte tanka
yaunpi kta yacinpi kinhan, he
ookiye duhapi kta:

27 Qa tuwe niyepi en tokapa

MATTHEOS.

un kta hecinhan, wowidake nitawapi kin hee kta.

28 He iyececa, Wicašta Cinhintku wowidake wicayuhe kta on hi šni, tuka idakapi kta, qa wiconi tawa wokajuju kta wicota on wicaqu kta heon hi.

29 Unkan Jeriko etanhan iyootpapi, hehan wicota ihakam unpi.

30 Unkan iho, wicašta išttagongga nonpa canku icahda iyotankapi, Jesus en hiyaya nahonpi, hehan howayapi qa heyapi; Itancan, Dawid Cinhintku onšiwicakida miye.

31 Unkan wicota kin tehindapi qa inina yanke wicašipi; tuka iš hehan heon iyotan howayapi qa heyapi; Onšiwicakida po, Itancan, Dawid Cinhintku.

32 Unkan Jesus owanji najin qa wicakico qa heya; Taku ecaciconpi kta yacinpi he.

33 Itancan išta unhdrukawapi kta ye, eciyapi.

34 Hehan Jesus onšiwicakida qa išta wicayutan; unkan echankeya išta on tonwanpi qa ihakam unpi.

WICOWOYAKE 21.

1 Unkan Jerusalem ikiyedani yapi, qa Bethpage ehan ipi, Olive paha kin etu, hehan Jesus waonspewicakiye cin nom yewicashi;

2 Qa hewicakiya; Dukanpi kin otonwe iyotakons wanke cin he ekta ya po; kinhan kohanna šonšonna wan cinca iyahna han iyeyayapi kta; kiyuškapi qa makaku po.

3 Qa tuwe taku eniciyapi kinhan, Itancan kin hena cin ce, eya po; kinhan kohanna awicau nišipi kta.

4 Dena owasin econpi, wicašta wokcan oie qon yucetupi kta, he kaken eya;

5 Zion cunwintku kin heciya po; Iho, Wicaštayatapi nitawan en niu, wašbadan qa šonšonna wan akan iyotanka, šukcinca wan, šonšonna cinca kin akan u ce.

6 Unkan waonspewicakiye cin yapi, qa Jesus econ wicashi kin ecen econpi;

7 Qa šonšonna cinca iyahna awicahipi, qa iye tašina akan ešpeyapi, qa hena iakan Jesus ehnakapi.

8 Unkan wicota canku ohna šina ešpeyapi; qa apa canwapa kaksapi qa canku ohnahna owi yapi.

9 Qa wicota tokata yapi, tona ihakam upi kin, howaya qa heyapi; Dawid Cinhintku woohiye yuha nunwe. Tuv Itancan caje on u kin yawašte nunwe: Mašpiya ekta woohi yuha nunwe.

10 Unkan Jerusalem en hi han otonwe kin ocowasin škanpi, qa heyapi; De tuwe

11 Unkan wicota kin heyapi Jesus wicašta wokcan Galilea Nazareth otonwe kin etar he dee.

12 Unkan Jesus tipi wakan Wakantanka tawa kin en i, qa tipi wakan ohna wiyopeyapi ecwopetonpi ko, hena tankan iye wicaya; qa mazaska tokiyopeyapi ahna econpi kin hena yuahdapsinyan ešpeya, tona wakiyedan wiyopeyapi oiyotanke tawapi koya;

13 Qa hewicakiya; Tipi mitawa kin he wocekiye tipi eciyapi kta, eya wowapi en kagapi; tuka niye wamanon tipi yakagapi.

14 Hehan išttagongapi huštepi ko tipi wakan kin en hipi; unkan okiziwicaya.

15 Unkan wošnapi kagapi wo-

wapi kagapi ko taku wowapetokeca econ kin hena wanyakapi, qa hoksiyoqopapi tipi wakan kin ohna, Dawid Cinhintku kin woohiye yuha nunwe, eya howayapi, hehan nina síhdapi :

16 Qa heciyapi ; Dena taku eyapi kin nayahon he. Unkan Jesus hewicakiya ; Han ; Hoksiyoqopa, tona azinpi ko ipi kin etanhan wowitan dústan ce, eyapi kin he tohinni dawapi sñi he.

17 Hehan awicayústan, qa otonwe kin etanhan tankan iyaye ça Bethani ekta i, qa hen wanka.

18 Unkan hanhanna hinca otonwe kin ekta icicawin hda, unkan wotektehda ;

19 Qa suken can wanji canku ohna han wanyake çehan, he en i, tuka takudan iyeye sñi, ape eceedan aicaga ; unkan heya ; leimana waskuyeca ainicage sñi nunwe. Unkan suken can kin kohanna sñija aya.

20 Unkan waonspewicakiye cin he wanyakapi qehan yuśinyayapi qa heyapi ; Ehanqon suken can kin kohanna sñija aya.

21 Jesus waayupte ça hewicakiya ; Awicakehan heciyapi ; Wowacinye duhapi qa wacéñnyahdapi sñi kinhan, taku suken can kin de ecakiconpi kin heceedan ecanonpi kte sñi, tuka paha kin de, Tokan iyaye ça miniwanca kin enjyohpeniyanpi nunwe, eyakiyapi kinhan, ecetu kta.

22 Qa taku tona wocekiye eya yadapi, qa wicayadapi kinhan, hena owasin duhapi ece e kta.

23 Unkan tipi wakan kin en hi, qa waonspewicakiya icunhan, wośnapi kagapi, qa oyate kin en wicaśta tankapi ko, en hipi qa heciyapi ; Wicookihi tukte e on dena ecanon he ; qa tuwe wicookihi kin de niçu he.

24 Unkan Jesus waayupte ça hewicakiya ; Miś eya taku wanji iciwangapi kta ; he omayakidakapi kinhan, hehan wicookihi kin tukte on dena ecamon kin ociciyakapi kta.

25 Johannes baptem wicaqu qon he tokiyatanhan he ; mahpiya eciyatanhan qa is wicaśta eciyatanhan. Unkan he iyakitedan aiapi qa hekiciyapi ; He mahpiya eciyatanhan, unkeyapi kinhan ; Tokeca he wicayadapi sñi he, eye kta :

26 Tuka, He wicaśta eciyatanhan, unkeyapi kinhan, oyate kin kowicunkipapi ; owasin Johannes wicaśta wokcan heca kecinpi.

27 Unkan ayuptapi qa Jesus heciyapi ; Sdonunyanpi sñi ye. Unkan is hehan hewicakiya ; Miś nakun wicookihi tukte on dena ecamon kin ociciyakapi kte sñi.

28 Tuka token idukcanpi he : Wicaśta wan cinhintku nonpa ; unkan tokapa kin en hi qa heciya ; Cinś, anpetu kin de hastanhanka iyuwi ojupi mitawa kin en htani ya wo.

29 Unkan ayupte ça heya ; Ecamon kte sñi ye. Tuka iyohakam iyopeiciye ça iyaya.

30 Unkan hakakta kin en hi, qa iyecen eciya ; Unkan iye ayupte ça ; Itancan, mde kta ce, eya. Tuka ye sñi.

31 Denaoza unma tukte atkukupi tawacin kin ecen econpi he. Unkan, Tokapa kin, eciyapi. Hehan Jesus hewicakiya ; Awicakehan heciyapi ; Wamnayanpi qa wawiciahapi econpi sa niyepi nitokam Wakantanka tokiconze kin en yapi kta.

32 Johannes wicooatanna canku kin ohna en niupi, tuka wicayadapi sñi ; tuka wamna-

MATTHEOS.

yanpi qa wawicilahapi econpi sa, hena wicadapi; he wanda-kapi esta nakun iyohakam wicayadapi kta e on nihduhomnipi s̄ni.

33 Wiyacinpi wan tokeca nahon po; Wicašta wan tipi yuhe cin he hastanhanka iyuwi ojupi wan oju, qa ihduksan natake ca ohna iyuskice wan qe ca nakun cowahe wan en kaga; qa wicašta kicanyanpi kta owicaqu, hehan icimani iyaya.

34 Unkan wanna waskuyeca suton kta, hehan wowidake wicayuhe cin wicašta kicanyanpi kin ekta yewicaši; waskuyeca etanhan icupi kte cin heon.

35 Unkan wicašta kicanyanpi kin wowidake unpi kin hena wicayuzapi; wanji apapi, wanji ktepi, qa wanji inyan on kininpi.

36 Akes wowidake toktokeca ota ekta yewicaši; unkan is iyecen wicakuwapi.

37 Hehan ehake iye cinhintku kin ekta yeši, qa heya; Micin-ksi yuonihanpi kta.

38 Tuka maga kicanyanpi kin cinhintku wanyakapi, hehan he-kiciyapi; Tawa kte cin he dee; iho po, unktepi kta, hehan taku yuhe cin he unkipi kta.

39 Hecen yuzapi qa hastanhanka iyuwi ojupi kin etanhan tankan ehpeyapi qa ktepi.

40 Hecen tohan hastanhanka iyuwi ojupi tawa kin hi kinhan kicanyanpi kin hena token eca-wicakicon kta he.

41 Unkan heciyapi; Wicašta šikšice cin hena tehiya ihangwicaye kta, qa kicanyanpi toktokeca tohan iyehantu eca waskuyeca kicupi ece e kta hena hastanhanka iyuwi ojupi kin owicaqu kta.

42 Hehan Jesus hewicakiya; Inyan wan tipi kagapi kin ehpe-

yapi qon he oise pa kin icaga; he Itancan kin eciyatanhan hecetu, qa unkištapi en taku wowapetokeca kin hee, eyapi kin he tohinni wowapi wakan kin en dawapi s̄ni he.

43 Heon etanhan heciciyapi; Wakantanka tokiconze kin enicicyakupi kta, qa oyate wan waskuyeca icaŋyapi kte cin he wicakupi kta.

44 Unkan tuwe inyan kin de ahinhpaye cinhan kamden ehpeyapi kta; qa tuwe he akan ihpaye cinhan tanyan kamdu kta.

45 Unkan wošnapi kagapi hera, qa Pharisee ko wiyacinpi tawa kin nahonpi qehan, iye wicake heya sdonyapi.

46 Qa heon yuze wacinpi, tuka oyate kin kowicakipapi; owasin wicašta wokcan heca kecimpi.

WICOWOYAKE 22.

1 Unkan Jesus waayupte ake wiyacinpi on wowicakiyate ca heya;

2 Wicašta wan wicaštayatapi heca cinhintku kin wakankiciyuzapi kicage cin he maŋpiya wokiconze kin iyececa.

3 Unkan wowidake wicayuhe cin hena yewicaši, tona wakan-kiciyuzapi en wicakicopi qon hena uwicašipi kta; tuka upi kta wicadapi s̄ni.

4 Akes wowidake toktokeca ekta yewicaši qa hewicakiya; Tona wicakicopi qon hena hewicakiya po; Wotapi mitawa wiyeya yanka; tatanka mitawa pte-jicadan ko wanna ktepi, qa taku owasin wiyeya hiyeya; iho po, wakankiciyuzapi kin en u po.

5 Tuka ihaŋapi qa toki iyayapi; wanji tamaga ekta iyaye ca, wanji is mazopiye tawa ekta iyaya.

6 Qa hunh wicakico ipi kin hena wicayuzapi, qa sícaya wicakuwapi qa wicaktepi.

7 Wicaštayatapi kin he nañon gehan nina síhda; qa taakicita ekta yewicaši, qa tinwicaktepi kin hena ihangwicaye ça totonwepi kin ñuññañya.

8 Hehan wowidakē tawa kin hewicakiya; Wakankiciyuzapi kin wiyeya yanka, tuka tona en wicakicopi qon hena opapi kta iyececapi śni.

9 Heon etanhan canku ojata kin ektakta ya po, qa tona iye-wicayayapi kin wakankiciyuzapi kin en uwicaši po.

10 Hecen wowidake unpi kin hena canku ojata kin ektakta iyayapi, qa tona iyewicayapi, śica qa wašte ko, en awicaupi; hecen wakankiciyuzapi wicašta ota en opapi.

11 Unkan wicaštayatapi kin tona wotapi kte cin hena wanwicayaka tin hiyu, qa iho, wicašta wanji wakankiciyuzapi wokoyake kin kiçun śni hen wanyaka:

12 Qa heciya; Koda, tokeca wakankiciyuzapi wokoyake kiçun śni en hidotanka he. Unkan takudan eye śni.

13 Hehan wicaštayatapi kin taokiyewicaye cin hewicakiya; Siha nape ko paštapi qa detanhan aya po, qa tankan otpaza kin en ehpeya po; heciya wicaceya qa hi hdakinskinzapi yuke kta.

14 Wicota wicakicopi tuka tonana wicakañigapi ece.

15 Hehan Pharisee kin is yapi, qa token iapi on yuškiškapi kta aiapi.

16 Qa iye waonspewicakiyapi kin Herodian hena om ekta yewicašipi qa heyapi; Waonspekiye, iewicayaka sdonunyanpi, qa awicakehan Wakantanka ta-

canku kin onspeunyakiyapi ece, qa tuwedan koyakipe śni; wicašta akantu ekta eyatonwe śni nakaes.

17 Heon token idukcan he; unkokiyaka po; Kesar mazaska qupi ece kin he owotanna he.

18 Unkan Jesus taku śica en wicaun kin he sdonya qa heya; Wananiçiñmanpi, tokeca iyutanmayayapi he:

19 Mazaska mnayanpi ece kin he makipazo po, eya. Unkan kašpapidan wanji kañipi.

20 Hehan hewicakiya; Wicite qa wowapi kagapi kin de tuwe tawa he.

21 Unkan, Kesar tawa ce, eyapi. Hehan hewicakiya; Heon etanhan Kesar taku tawa kin kieu po, qa Wakantanka taku tawa kin kieu po.

22 He nañonpi hehan yuśinya-yapi qa ehpeya hdicupi.

23 Unkan anpetu kin he en Sadukee kin en hipi, hena piya wicoicage kin wanica ce, eyapi ece, qa wiwangapi;

24 Qa heciyapi; Waonspekiye, Wicašta wan cinca yuhe śni te cinhan, tawicu qon he iye sunkaku yuze kta, qa cincu cinca icañkiciciye kta, Moses keye ciqon.

25 Unkan unkiyepi en wicašta śakowin sunkakiciyapi; unkan tokapa kin he winoñinca wan yuza tuka ta; qa cinca nica heon iye iyokihe cin he tawicu aiñpekiya.

26 Qa icinonpa iyecen econ, qa iyamni, qa ecen śakowinpi kin.

27 Hehan ehake winoñinca qon ta.

28 Hecen piya wicoicage kin en, hena śakowinpi kin wanji tukte winoñinca kin he hduhapi kta he; owasin yuzapi.

29 Jesus waayupte ça hewicakiya; Yanunipi, wowapi wakan

MATTHEOS.

qa Wakantanka towaśake kin sdoniyayapi śni.

30 Piya wicoicage kin en wino-hinca wicayuzapi śni, qa hihna-tonpi śni, tuka małpiya ekta Wakantanka ohnihdewicaye cin iyececapı ece.

31 Tuka wicaŧe cin piya ica-gapi kin on Wakantanka taku eniciyapi kin he dawapi śni he; he kaken eya;

32 Abraham Wakantanka tawa, Isaak Wakantanka tawa, qa Jakob Wakantanka tawa kin he miye: Wakantanka wicaśta ŧapi kin tawapi śni, tuka ni unpi Wakantanka tawapi ece.

33 Unkan oyate kin hena na-honpi hehan taku onspewicakiye cin on yuśinyayapi.

34 Tuka Pharisee kin hena, Jesus Sadukee kin inina yanke wicakiya, he nañonpi hehan en mnicıyapi:

35 Qa etanhan wanji woope aiekıyapi kin heca wiwange a iyutanıyan heciya;

36 Waonspekiye, woope kin en woahope kin tukte iyotan tanka he.

37 Unkan Jesus heciya; Itan-can Wakantanka nitawa kin he nicante ocowasin on, qa ninagi ocowasin on, qa nitoksape ocowasin on waśteyakıdake kta.

38 Woahope tokaheya qa tan-ka kin hee.

39 Qa inonpa kin he iyececa; Nikiyedın un kin niye inihdacın waśteyadake kta ce.

40 Woahope kin denaoza woo-pe ocowasin wicaśta wokcan ko en ikoyaka ece.

41 Pharisee kin iś en mnicıya-pi icunhan Jesus wiwicawange a heya;

42 Messiya on token idukcanpi he; tuwe cinhintku he. Unkan, Dawid Cinhintku ce, eciyapi.

43 Hehan hewicakiya; Hecen token Dawid Woniya Wakan kin on Itancan, eciya he; qa heya;

44 Itancan kin Itancan mitawa heciya; Mietapa ekta iyotanka wo, tona tokanıyanpi kin siha oahe nitawa wicawukage kta, hehanyan.

45 Hecen Dawid, Itancan, eci-ya hecinhan, token ecin cinhin-tkuye kta he.

46 Unkan tuwedın oie wanji-dın ayupte kta okihi śni; qa anpetu kin hetanhan tuwedın ake wiwanga tawaŧenye śni ece.

WICOWOYAKE 23.

1 Hehan Jesus oyate kin, iye waonspewicakiye cin om wowi-cakiyaka:

2 Qa hewicakiya; Wowapi kagapi Pharisee ko Moses oiyo-tanke tawa kin en iyotankapi ece.

3 Heon etanhan taku tona ope-niśipi kin hena owasin opapi qa econ po; tuka iye olianpi kin ohna econpi śni po; taku eyapi, tuka iyecen econpi śni ece.

4 Waqınpi tketke qa qınpi te-lika heca oheyunpi, qa wicaśta tapete akan ehnakapi ece, tuka iye qe śaśte on yutanpi kta ta-waŧenyapi śni.

5 Qa wicoħan econpi kin owa-sın wicaśta wanwicayakapi kta e heon econpi ece. Wateśdake tanka iicagapi, qa śina opapın hdutankapi ece.

6 Wotapi en oyanke waśteśte cinpi, qa omniciye tipi kin ohna wankan iyotankapi kte cin he waśtedakapi ece:

7 Qa tihocoka kin en wicayu-wintapi, qa, Itancan, Itancan, wicaśta ewicakiyapi kta cinpi.

8 Tuka niye, Itancan, eniciya-

pi kte śni; wanji mdetahunka duhapi, Messiya hee; qa niyepi owasin hunkawanjinyeciyapi.

9 Qa nakun maka akan tuwedan, Ate, eciyapi śni po; Wanji maħpiya ekta un kin he Ateyayapi.

10 Qa nakun, Waonspekiye, enciyapi kte śni; Wanji Waonspekiye duhapi, Messiya hee.

11 Qa tukte wanji iniyotanpi kta hecinhan, he wowidake nitawapi ee kta.

12 Tuwe yuwankan iyeiciye kta hecinhan, he yuhukun ehpeyapi kta; qa tuwe ihduhukuya hecinhan, he yuwankan iyeyapi kta.

13 Tuka wowapi kagapi qa Pharisee kin, wananiċihmanpi, wotehi niciyankapi nunwe; wiwazica tipi tawapi ihangyayapi ece, qa wanniyakapi kta on wocekiye hanska ehapi ece; heon etanhan woyaco tanka iya-hdeniciyapi kta.

14 Wowapi kagapi qa Pharisee kin, wananiċihmanpi, wotehi niciyankapi nunwe; maħpiya wokiconze kin wicaśta anawicayeciaptapi, niye en dapi kte śni, qa tona en yapi kta cinpi kin teyahindapi ece.

15 Wowapi kagapi qa Pharisee kin, wananiċihmanpi, wotehi niciyankapi nunwe; miniwanca maka ko aokibeyayapi, wicaśta wanjidan duhomnipi kta; qa ece-tu kinhan, niye isanpa nonpa akihde Wakansica cinca yakagapi ece.

16 Tokakeya mani istagongapi kin, wotehi niciyankapi nunwe; hebapi ece; Tuwe tipi wakan kin on wakonze cinhan he taku śni; tuka tuwe tipi wakan kin en mazaskazi yuke cin, he on wakonze cinhan, he waħtani ece.

17 Winitkotkokapi qa istanigongapi; mazaskazi, qa is tipi wakan mazaskazi wakan kage cin unma tukte iyotan he.

18 Nakun, Tuwe owayuśna kin on wakonze cinhan he taku śni; tuka tuwe wośna owayuśna akan un kin he on wakonze cinhan, he waħtani ece.

19 Winitkotkokapi qa istanigongapi kin; wośnapi qa is owayuśna wośnapi kin wakan kage cin unma tukte tanka he.

20 Heon etanhan tuwe owayuśna kin on wakonze cinhan, he owayuśna qa taku akan un kin koya on wakonza ece.

21 Qa tuwe tipi wakan kin on wakonze cinhan, he tipi wakan, qa nakun tuwe ohna ti ece kin, hee on wakonza ece.

22 Qa tuwe maħpiya kin on wakonze cinhan, he Wakantan-ka oiyotanke tawa, qa nakun tuwe akan iyotanke cin on wakonza ece.

23 Wowapi kagapi qa Pharisee kin, wananiċihmanpi, wotehi niciyankapi nunwe; ceyakata walipe skuya, wacanga ko, iwikcemna kin waduśnapi ece; qa woope kin en taku tanka, wootanna, wowaonsida qa wowacinye, hena ayaktapi śni ece; dena e ecanonpi kta, qa unma nakun econ śni yaunpi kte śni tuka.

24 Tokaheya mani istagongapi kin, hoponkadan puskem edakupi, qa kamel heca napca iye-yayapi ece.

25 Wowapi kagapi qa Pharisee kin, wananiċihmanpi, wotehi niciyankapi nunwe; waksica wiyatke ko akantanhan duskapi ece, tuka mahen wamanonpi qa wicotawacin śica on ojugjudan.

26 Pharisee istagonge, tokaheya wiyatke waksica ko ma-

hentanhan ska kaga wo, kinhan akantanhan he nakun ska kta.

27 Wowapi kagapi qa Pharisee kin, wananiçihmanpi, wotehi niciyankapi nunwe; ohna wicaçhapi sanyanpi henicecapi; hena akantanhan owanyag wašte, tuka mahentanhan wicašta huhu qa taku śica owasin on ojujudan ece.

28 He iyecen niyepi wicašta ekta akantanhan owotanna yaunpi seececa, tuka mahentanhan wanaçiçihmanpi qa woowotanna śni on onijupidan.

29 Wowapi kagapi qa Phari-see kin, wananiçihmanpi, wotehi niciyankapi nunwe; wicašta wokcan ohna wicaçhapi kin en tipi wicayecagapi, qa wicašta owotanna ohna wicahnakapi kin hena sanyayapi ece:

30 Qa hehapi; Atewicunyanpi ni unpi he anpetu kin en unyankonpi unkanš, wicašta wokcan wicaktepi qon en ounpapi kte śni tuka ce.

31 Hecen tona wicašta wokcan wicaktepi qon cincapi kin hena niyepi e onihdakapi ece.

32 Qa nakun niye niyatepi wicohan tawapi kin hena wicayeciyaştanpi kta.

33 Wamduška henicapi, sintehda wicoicage, token wakanšica ti iwicayacopi kin nayecipapi kta he.

34 Heon etanhan iho, wicašta wokcan, wicašta ksapa, wowapi kagapi hena koya, niyepi ekta yewicawaši; unkan etanhan apa wicayaktepi kta, qa icipaweñ owicayakatanpi kta; qa apa omnickiye tipi nitawapi kin ohnahna wicayakapsinsintapi kta; qa otonwe iyasyaza śicaya wicayakuwapi ece e kta.

35 Hecen maka akan wicašta owotanna wicaktepi hena we

kin ocowasin niyepi en aniupi kta; Abel owotanna we kin hentanhan, Zakarias, Barakias cinhintku, tipi wakan qa owayuśna kin iyotahedan yaktepi qon he we kin hehanyan.

36 Awicakehan heciciyapi; Dena owasin wicoicage kin de en awicau kta.

37 Jerusalem, Jerusalem, wicašta wokcan wicayakte sa, qa tona niye ekta yewicashiipi qon hena inyan on wicayakinin ece qon, walupakoza wan iye cinea hupahu ihukuya wicatpahi ece kin, he iyecen wanna ota nicina wicawapahi kta wacin, tuka niye wicayadapi śni ece.

38 Iho, yatipi kin wanna otiwota eçpeniciyapi:

39 Qa heciciyapi; Detanhan tohanyan, Tuwe Itancan çaje yuha u kin he yawaštepi nunwe, ehapi śni, hehanyan wanmajadakapi kte śni.

WICOWOYAKE 24.

1 Unkan Jesus tipi wakan kin etanhan tankan inanpe ça token iyaya; unkan waonspewicakiye cin en hipi qa tipi wakan token kagapi kin he wanyag šiipi.

2 Unkan Jesus hewicakiya; Dena owasin wandakapi śni he; awicakehan heciciyapi; Dena inyan wanj inyan itakihna wanke kte śni, owasin yujujupi kta.

3 Unkan Oliwe paha kin akan iyotankehan yanka, hehan waonspewicakiye cin isnana en hipi qa heciyapi; Dena tohan ecetu kta, qa niye yahi kte ça maka ihanke kta, taku on sdonyapi kta, he ito unkokiyaka miye.

4 Unkan Jesus waayupte ça hewicakiya; Ihnuhan tuwe nihnayanpi kinhan.

5 Wicota micaje on upi kta qa,

WICOWOYAKE 24.

Messiya he miye ce, eyapi kta; qa wicašta ota wicahnayanpi kta.

6 Unkan wicokicize qa kicizapi oyakapi kin nayañonpi kta; ihnuhan nihinniciyapi kinhan; hena owasin hecetu kte, tuka owihanke kia hinahinke šni.

7 Oyate wan oyate azuwicaye kta, qa wokiconze wokiconze anatan kta; qa tuktekten wicaakihan qa makosiksica qa maka škanškan yuke kta.

8 Dena owasin wicoiyokisice tokaheya kin hee.

9 Hehan wicokakije en yenianpi kta qa niktepi kta; qa micaje on oyate owasin šicenidapi kta.

10 Unkan hehan wicašta ota šidapi kta, qa otoyohi kicihnayanpi kta qa šicekicidapi kta.

11 Qa wicašta wokcan itonšni ota icagapi kta, qa wicota wicahnayanpi kta.

12 Hehan wicoħan šica ota icage kta, heon wicota waštedake cigon he šni aye kta.

13 Tuka tuwe owihanke hehanyan najin kinhan he ni kta.

14 Unkan wokiconze wotanin wašte kin de maka kin owancaya oyakapi kta, oyate owasin en wotanin un kta; qa hehan owihanke kta.

15 Tohan wošice woihangye kin, Daniel wicašta wokcan cajeyata qon he tipi wakan kin en han wandakapi kinhan; tuwe yawa kinhan okahniga nunwe;

16 Hehan tona Juda makoce kin en unpi kin he kin ekta napapi kta.

17 Qa tuwe tipi akan un kinhan kun ku, qa taku ti mahen tanhan ehdaku kte šni.

18 Qa nakun tuwe magata un kinhan, hdicu qa wokoyake iki-keu kte šni.

19 Unkan tona anpetu kin hena en ihdušakapi, qa hokšiyooqopa azinwicakiyapi kin hena woteħi yuhapi kta.

20 Tuka waniyetu, qa anpetu wakan icunhan, nayajicapi kte šni e ito cekiya po.

21 Hehan wokakije tanka kte, maka kagapi kin ehantanhan dehanyan taku hecece šni, qa nakun toħinni tokata ekta hecece kte šni.

22 Qa anpetu kin hena yuptecedan šni kinhan, wicašta tuwedan ni kte šni; tuka wicakahnigapi kin hena on anpetu kin hena yuptecedan kta.

23 Hehan tuwe, Messiya den un ce, qa, kakiya un ce, eniciyapi ešta, wicadapi šni po.

24 Messiya itonšni, qa wicašta wokcan itonšni kin heca icagapi kta, qa wowanyake tanka wicoħan tanka ko econpi kta, hecen okihipica unkanš wicakahnigapi kin hena eepi kaes wicahnayanpi kta tuka.

25 Iho, itokam hena ociciyakapi.

26 Heon etanhan; Iho, hewotahedan un ce, eniciyapi ešta, ekta yapi šni po; qa, Iho nahmana un ce, eniciyapi ešta, wicadapi šni po.

27 Wakanhdi wiyohiyampa tanhan u, qa wiyohpeyata hehanyan tanin hinħda ece, Wicašta Cinħintku kin hi kte cin he iyecece kta.

28 Tukten taku řa wanka eca, hen wamdi kiwitayapi ece e kta.

29 Unkan wokakije anpetu kin hena ahankeya, anpetu wi kin aotpaza kta, qa hanyetu wi kin iyoyanpa kte šni, qa wicanħpi maħpiya eciyatanhan hinħpaye kta, qa maħpiya wowasake kin yuhuhuzapi kta.

30 Unkan hehan maħpiya en,

Wicašta Cinhintku kin wowakta tawa kin tanin kta. Hehan maka akan oyate owasin nihinciyapi kta, qa Wicašta Cinhintku kin wowašake qa wowitan tanka hduha, małpiya šapa akan u wanyakapi kta.

31 Unkan mazayahotonpi tanka hotanin kin on ohnihdewicaye cin yewicaši kta, qa hena tate uya topa eciyatanhan, tona wicakahnige ciqon hena wicapahi kta, małpiya ihanke kin etanhan unma ihanke kin ekta hehanyan.

32 Wanna suken can kin etanhan wiyacinpi wan onspeiciya po. Can intpa hinahin suta šni, qa wanna apc uya, hehan mdo ketu kin wanna ikiyedan sdon yayapi ece.

33 He iyecen dena owasin ecetu wandakapi kinhan, wanna ikiyedan, tiyopa kin ehantu e sdon ya po.

34 Awicakehan heciciyapi; Wicoicage kin de ihanke kte šni, ecen dena owasin ecetu kta.

35 Małpiya maka ko ihanke kta, tuka mioie kin owihanke kte šni.

36 Tuka anpetu kin he, qa wihiyayedan oape kin he tuwedan sdonye šni; małpiya ohnihde kin hena *sdonyapi* šni; Ate ecedan sdonya.

37 Nowa taanpetu qon hena, Wicašta Cinhintku kin hi kte cin iyecece kta.

38 Minitan qon isanpa anpetu kin hena en, wotapi qa wayatkanpi, winohinca wicayuzapi qa wicašta hihnawicayapi ece, Nowa wata kin en iyaye cin anpetu kin hehanyan;

39 Qa iyukanpi šni, ecen minitan aye ca iyuhpa ihangwicaya: iho, Wicašta Cinhintku kin u kte cin he iyecece kta.

40 Hehan wicašta nom magata

unpi kta; wanji icupi kta, qa unma kin is okaptapi kta.

41 Winohinca nom wiyutpan on wotpan unpi kta; wanji icupi kta, qa unma kin okaptapi kta.

42 Heon etanhan waktaya un po, wihiyayedan oape tukte en Itancan nitawapi u kta sdon yayapi šni.

43 Tuka de sdon ya po; wicašta tipi tawa kin wamanon sa tohan hi kta sdon ya unkanš, ktkta un qa tipi tawa yuhdokapi kta iyowinwicakiye kte šni tuka.

44 Heon etanhan niš eya wiyeya un po; Wicašta Cinhintku kin wihiyayedan oape tukte wanji en hi kta, he sdon yayapi šni.

45 Tuwe wowidake owotanna qa wayupika, itancan tawa tipi awanyagkiya, tohan iyehant eca wo wicaqu ece e kta.

46 Wowidake kin hecen ece ece, itancan tawa en hdi qe wanhdake cinhan, he yawašapi ece.

47 Awicakehan heciciyapi; Taku yuhe cin owasin awanyagkiye kta.

48 Tuka wowidake šice cin he cante mahen, Itancan mitawa tehan hdi šni ce, eye cinhan;

49 Qa tona om wowidake un kin hena wicakaštake qa, witkopi om wote qa wayatke cinhan;

50 Anpetu wan waktaya un šni, qa wihiyayedan oape wanji iye kecin šni, he en wowidake un kin yuhe cin hdi kta;

51 Qa cokaya kicakse kta, qa wanaicihmanpi kin om taku yuhekiye kta; heciya wicaceya qa hi hdakinskinzapi yuke kta.

WICOWOYAKE 25.

1 Hehan małpiya wokiconze kin witanšna unpi wikcenna iyacinpi kta; petijanjan ihupa

ikikcupi qa tawicu ton kte cin he itkokim iyayapi.

2 Unkan zaptan ksapapi, qa zaptan witkotkokapi.

3 Witkotkokapi kin hena petijanjan ihupa icupi, tuka wihdi takudan yuhapi s̄ni.

4 Tuka ksapapi kin hena cega obna wihdi hduhapi, petijanjan ihupa iyahna.

5 Unkan tawicu ton kte cin he u s̄ni; hehanyan iyuhpa h̄bapi qa iŋtinmapi.

6 Unkan hanyecokaya hehan wicaho wan tanin, Iho, tawicu ton kte cin he u ce; itkokim ya po.

7 Hehan witan̄sna unpi kin hena owasin iyotankapi, qa petijanjan kin piyapi.

8 Unkan witkotkokapi kin hena ksapapi kin hewicakiyapi; Wihdi nitawapi etanhan ongege unqu miye, petijanjan unkicis̄nipi kta.

9 Tuka ksapapi kin waayuptapi qa hewicakiyapi; Hiya, okin̄ni unkiye niyepi nakun iyounhipi kte s̄ni; tuka tona wopetonpi ece kin ekta ya pe, qa opeic̄iton miye.

10 Unkan he opeton iyayapi, hehan tawicu ton kte cin he hi; unkan tona wiyeya unpi kin hena wakankiciyuzapi kte cin en kici iyayapi; hehan tiyopa kin ecen icupi.

11 Iyohakam witan̄sna unpi unmapi kin en hipi, qa heyapi; Itancan, Itancan, tiyopa unki-ciyuhdoka miye.

12 Tuka iye waayupte qa; Sdonciyapi s̄ni, awicakehan eciciyapi ce, eya.

13 Heon etanhan kiktahan un po, anpetu qa wihiyayedan oape kin tukte wanji en, Wicaŋta Cinhintku kin hi kte cin he s̄donyayapi s̄ni.

14 He iyecen wicaŋta wan makoce tokeca ekta ye kta, hehan wowidake wicayuhe cin wicakico, qa woyuha tawa kin wicakipamni.

15 Unkan wanji mazaska tkeutapi tanka zaptan qu, qa wanji nom, qa wanji iŋ wanjidan qu; otioyohi token okihi kta hecen wicaqu; hehan icimani iyaya.

16 Unkan tuwe tkeutapi tanka zaptan icu qon he iyaye, qa on wopeton ece econ, qa nakun tkeutapi tanka zaptan kamna.

17 Qa tuwe nom icu qon iŋ eya iyecen nom nakun kamna.

18 Tuka tuwe wanjidan icu qon he iyaye qa, maka qe qa, yuhe cin mazaska tawa kin inah̄ma.

19 Unkan wanna tehan hehan wowidake unpi kin dena itancan tawapi kin hdi, qa wicakiciyawa.

20 Unkan tuwe tkeutapi tanka zaptan icu qon he zaptan toktokeca koya ahi qa heya; Itancan, tkeutapi tanka zaptan mayaqu; iho, nakun tkeutapi tanka zaptan hena awakamna, eya

21 Unkan yuhe cin heciya; Han, wowidake waŋte qa wacin-yepic̄a; taku tonana on wacin-yepica yaun, taku ota yuheci-ciyē kta; niyuha towiyuŋskin kin en opa wo.

22 Hehan tuwe tkeutapi tanka nom icu qon he hi, qa heya; Itancan, tkeutapi tanka nom mayaqu; iho, nakun tkeutapi tanka nom hena awakamna.

23 Itancan tawa kin heciya; Han, wowidake waŋte qa wacin-yepica; taku tonana on wacin-yepica yaun, ito taku ota yuheci-ciyē kta; niyuha towiyuŋskin kin en opa wo.

24 Hehan tuwe tkeutapi tanka wanjidan icu qon he hi, qa heya;

Itancan, wicašta nitehika sdonwaya, tukten woyaju sni esta etanhan wamnayaya ece, qa tukten taku ehpeyaye sni kin hetanhan wayapahi ece.

25 Qa kowakipa, heon imdamde ca mazaska tkeutapi tanka nitawa maka kin en nawahbe; ibo, nitawa kin yahduha.

26 Itancan tawa kin waayupte ca heciya; Wowidake nisice ca nikuja; tukten wowaju sni kin hetanhan wamnawaya ece, qa tukten taku wakada sni hetanhan wawapahi ece e sdonyaya;

27 Heon etanhan mazaska mitawa wicašta wopetonpi kin yuhewicayakiye kta iyececa tuka; hecen wahdi, qa mitawa oicage ko ewehdaku kta tuka.

28 Heon tkeutapi tanka kin ekiciyaku po, qa tuwe tkeutapi tanka wikcemna yuhe cin he ito qu po.

29 Tuwe taku ota yuhe cin he nakun qupi ece e kta, hecen iyakicuya yuhe kta; tuka tuwe takudan yuhe sni kin hetanhan taku ton kin hee kaes ekiciyaku ece e kta.

30 Qa wowidake wakamna sni kin he tankan otpaza kin en ehpeya po; heciya wicaceya qa hi hdakinskinzapi yuke kta.

31 Tohan Wicašta Cinhintku kin wowitan hduha, ohnihdewicaya wakan kin owasin om u kinhan, hehan wowitan oiyotanke tawa kin en kiyotanke kta:

32 Qa itokam oyate kin iyuhpa mniciyapi kta; unkan wicayukinukan kta, waawanhdake wan tahinca wanunyanpi, tatokadan etanhan wicapahi ece kin he iyececa.

33 Qa tahinca wanunyanpi kin hena iye etapa eciyatanhan, qa tatokadan kin iye catka eciyatanhan ewicahnake kta.

34 Hehan Wicaštayatapi kin tona etapa eciyatanhan unpi kin hena hewicakiye kta; U po, Ate eciyatanhan niyawastepi kin, wokiconze maka kagapi kin ehantanhan wiyeya niciyankapi kin he ito hduha po.

35 Wotektewahda, unkan wo mayaqupi; imapuza, unkan wayatkemayakiyapi; wicašta matokeca waun, unkan tin hiyumayayapi:

36 Tancomakadan, unkan wamayakañpapi; wamayazanka unkan onsimayadapi; makškapi, unkan wanyag mayah ece.

37 Hehan wicašta owotari kin hena ayuptapi qa heciya kta; Itancan, tohinni wotekyahda wanunniyakapi, qa unmicupi he; qa inipuza qa yatkeunniciyapi he:

38 Tohinni wicašta tokeca ya wanunniyakapi, qa tin hiyunianpi he; qa tancodan ya qa wokoyake unnicupi he:

39 Tohinni waniyazanka kaska nihnakapi yaun wanunniyakapi, qa en unnihipi he.

40 Unkan Wicaštayatapi waayupte ca hewicakiye kta; Awicakehan heciyapi; Mihunkawanji kin dena cikcistinpidan hecawicayeconpi kin he miye ecamiyeconpi ece.

41 Hehan tona catka kin eciyatanhan unpi kin hewicakiye kta; Niyasicipi kin, mitantanhan iyaya po, peta owihanke wanica ekta, wakanšica iye taokiyewicaye cin koya on kagapi qon.

42 Wotektewahda, tuka wo mayaqupi sni; imapuza, tuka wayatkemayakiyapi sni:

43 Wicašta matokeca waun, tuka tin hiyumayayapi sni; tancodan waun, tuka wokoyake mayaqupi sni; wamayazanka qa

kaška mahnakapi waun, tuka onsimayadapi šni.

44 Hehan ayuptapi qa heciyapi kta; Itancan, tohinni wotekteyahda, qa inipuza, qa wicašta tokeca yaun, qa tanconikadan, qa waniyazanka, qa kaška nihnakapi yaun wanunniyakapi, qa unniciyapi šni he.

45 Hehan awicayupte ça heye kta; Awicakehan heciyapi; Dena cikcistinpidan hecawicayeconpi šni kin he miye ecamiyeconpi šni ece.

46 Unkan dena owihanke wain wokakije kin en yapi kta; tuka wicašta owotanna kin hena owihanke wanin wiconi kin en yapi kta.

WICOWOYAKE 26.

1 Unkan Jesus wicoie kin dena owasin ihunnikiya, hehan waonspewicakiye cin hewicakiya;

2 Anpetu nom iyohakam woacakšin kin behantu kta sdoniyapi; hehan Wicašta Cinhintku kin icipaweł okatanpi kta e wicaqupi kta.

3 Hehan wošnapi kagapi, wowapi kagapi qa oyate kin en wicašta tankapi kin hena koya mniciyapi, wošnapi kagapi itancan, Kaiaphas eciyapi, he ti kin en.

4 Qa Jesus token nahmana icupi qa ktepi kta he aiapi.

5 Tuka wotapi anpetu kin hena icunhan šni, okinni oyate kin owodutaton kta, eyapi.

6 Unkan Jesus Bethani en Simon lepros ecece ciqon he ti kin ohna yanka.

7 Hehan winohinca wan inyan opiye wan wihdi waštemna tehi-ka ojudan he yuha en hi, qa iye iyotankehan yanka icunhan, pa kin en okaštan.

8 Tuka waonspewicakiye cin

hena he wanyakapi qehan šihdapi, qa heyapi; Tokeca de awihuniyapi he.

9 Wihdi waštemna kin de ota iyopeyapi kta, qa wahpanica wicaqupi kta iyececa tuka ce.

10 Jesus he okašnige ça hewicakiya; Tokeca winohinca kin de iyokišinyayapi he; wicošan wašte wan ecamicon.

11 Wahpanicapi kin ohinniyawicaduhapi, tuka miye ohinniyawicaduhapi šni.

12 Wihdi waštemna kin de mitancan amakaštan kin, mahnakapi kte cin on etanhanhecon.

13 Awicakehan heciyapi; Maka kin owancaya wootanin wašte kin de tukten oyakapi hecinhan, winohinca kin de taku econ kin he wowitan on oyakapi ece e kta.

14 Hehan akenonpapi kin etanhan wanji, Judas Iskariot eciyapi, he wošnapi kagapi kin ekta wicai;

15 Qa heya; He ciçupi kinhan taku mayaqupi kta he. Unkan mazaska wikcemna yamni qupi kta, keciyapi.

16 Unkan hetanhan token hnan wicaqu kta e he akita.

17 Aguyapi on napohiyapi codan anpetu tokaheya, hehan waonspewicakiye cin Jesus en hipi, qa heciyapi; Tukten woacakšin kin yate kta wiyeya unnicihnakapi kta yacin he.

18 Unkan heya; Otonwe kin en ya po, qa wicašta kae heciya po; Wanna iyemichantu, woacakšin kin yati en waonspewicawakiye cin om ecamon kta ce, Waonspekiye cin heya ce.

19 Unkan waonspewicakiye cin Jesus econ wicaši kin ecen econpi, qa woacakšin kin wiyeya ehnakapi.

MATTHEOS.

20 Wanna hitayetu hehan ake-nonpapi kin om en iyotanka.

21 Qa wotapi icunhan heya ; Niyepi etanhan wanji wiyopemayayapi kta, awicakehan eciciyapi ce.

22 Unkan iyokišicapi hinca, qa otoiyo hi heciyapi ; Itancan, he miye he.

23 Unkan waayupte ça heya ; Tuwe waksica ohna kici nape yewaye cinhan he wiyopemaye kte cin ee.

24 Wowapi en kagapi qon he iyecen, Wicašta Cinhintku kin ye kta ; tuka wicašta kin Wicašta Cinhintku kin wiyopeye cinhan he wotehi kiciyanke kta ; wicašta kin he tohinni tonpi šni unkanš wašte kta tuka.

25 Unkan Judas wiyopeye kte cin he ayupte ça ; Itancan, he miye he, eya. Unkan, Niye heha ce, eciya.

26 Unkan wotapi icunhan Jesus aguyapi icu, qa yawaste, qa yušpašpa, qa waonspewicakiye cin wicaqu, qa heya ; Icupi qa yuta po ; mitancan kin he dee.

27 Qa wiyatke kin chdaku, qa wopida eye ça wicaqu, qa heya ; Owasin etanhan yatkan po.

28 Mawe kin he dee, wicotakuye teca kin en, wicota on paponpi, woalitani kajuju kta heon.

29 Tuka heciciyapi, Detanhan hastanhanka iyuwi waskuyeca kin etanhan icimana mdatke kte šni, Ate tokiconze kin en anpetu wan teca unyatkanpi kte cin hehanyan.

30 Unkan odowan wan ahiyayapi hehan tankan iyayapi, Ōliwe paha kin he ekta.

31 Hehan Jesus hewicakiya ; Hanyetu kin de niyepi owasin ehpemayayapi kta. Kaken wotapi en kagapi ; Waawanhdake

kin he awape kta, unkan hetanhan talinca wanunyanpi optaye kin enanakiya iyayapi kta.

32 Tuka ake wakini kinhan Galile ekta nitokam mde kta.

33 Hehan Inyan ayupte ça heciya ; Owasin ehpeniyanpi esta, miye tohinni ehpeciye kte šni.

34 Jesus heciya ; Hanyetu kin de anpaohotonna hoton šni itokam yamni anamayakišbe kta, awicakehan eciciya.

35 Inyan heciya ; Nici mašta esta anacišbe kte šni. Waonspewicakiye cin iyuhpa nakun iyecen eyapi.

36 Hehan Jesus waonspewicakiye cin om can wojupi wan Gethsemene eciyapi kin he eni, qa hewicakiya ; Den iyotanka po, ito kakiya cekiya mde kta.

37 Unkan Inyan qa Zebedo cinhintku kin napin iwicacu, iyokišica hinnda qa nina yuša kta.

38 Hehan hewicakiya ; Mirragi iyokišice hinca, mašte kta iyecaca ; den kiktahan mici yukan po.

39 Unkan hetanhan kitan ecinyan iyoopte iyaye ça makata ehpeciya, cekiye ça heya ; Ate, okihipica kinhan, wiyatke kin de tokan imiciyaye kta ; tuka miye wacin kin hee šni, niye token yacin kin hee ecetu kte.

40 Unkan waonspewicakiye cin ištinnma liyeya en wicahdi, qa Inyan heciya ; Tokeca wihiyayedan oape wanji kiktahan mici yaunpi kta oyakhipi šni he.

41 Kiktahan unpi qa cekiya po, okinni taku wawiyutanyan un kin en idadapi nun ce. Wicanagi kin he wicada, tuka wicacehipi kin wašake šni.

42 Ake inonpa ekta iyaye ça cekiye ça heya ; Ate, wiyatke kin de mdatke šni tokan imiciyaye kta okihipica šni kinhan, nitawacin ecen econpi nunwe.

43 Hehan ake en wicahdi, qa istinma hiyeya wanwicahdaka; ista hibapi hinca nakaes.

44 Unkan ehpewicaye ca ake iyaye ca iyamni cekiya, oie un qon hena ake ohna ecen eya.

45 Hehan waonspewicakiye cin en wicahdi qa hewicakiya; Wanna niistinmapi qa oziniciyapi he; iho, wanna iyehan'u, qa Wicasta Cinhintku kin wahtanipi sa napepi kin en wicacupi.

46 Najin po, unyanpi kta; iho, tawe wiyopemaye cin he kiyedan u ce.

47 Unkan iahan icunhan, iho, Judas, akenonpapi kin wanji ee, he hi, qa wiceta wošnapi kagapi qa oyate kin en wicasta tankinyananyi etanhan, mazasagye cansagye ko yuha kici hipi.

48 Unkan tuwe wiyopeye cin he iwaktawicaye ca heya; Tuwe iwaputake cinhan hee kta; setaya yuza po.

49 Unkan katinyan Jesus en hi qa, Iho. Itancan, eye ca i iputaka.

50 Unkan Jesus heciya; Kicuwa, taku on yahi he. Hehan en hipi qa Jesus nape ahnakapi qa yuzapi.

51 Unkan, iho, Jesus kici unpi wanji nape hdukatin, qa mazasagye ehdaku, qa on, wošnapi kagapi itancan taokiye wanji ape ca noge kaspa.

52 Hehan Jesus heciya; Mazasagye nitawa ojuha en iyekiya wo; tona mazasagye ehdakupi kin owasin mazasagye kin on tapi kta.

53 Nakaha Ate cewakiya owakihini sni kecanni he; qa hinna-kaha mahpiya ohnihde wicobe akenonpa sanpa maqu kta tuka.

54 Tuka hecetu kinhan, wowapi en kagapi, he decetu kta eyapi qon he token yuacetupi kta he.

55 Wihiyayedan eape kin he en Jesus oyate kin hewicakiya; Tokeca wamanon sa iyecen, mazasagye cansagye ko hduha takpe mayahipi he; anpetu otoloyohi tipi wakan kin ohna waonspeciciyapi manka, tuka mayaduzapi sni.

56 Tuka dena owasin econpi, wicasta wokcan taku owapi qon he yuacetupi kta heon. Hehan waonspewicakiye cin owasin ehpeyapi qa najicapi.

57 Unkan tona Jesus yuzapi kin hena Kaiaphas wošnapi kagapi itancan kin ekta ayapi, wowapi kagapi wicahincapi ko mniciyapi kin en.

58 Tuka Inyan itehan ihakam u, wošnapi kagapi itancan ti kin hehanyan, qa mahen ye ca ookiyewicayapi kin om iyotanka, owihanke kte cin he wanyake kta.

59 Unkan wošnapi kagapi qa wicahincapi kin, qa omniciye ocowasin, woitonśni wootanin oyakapi Jesus on akitapi, ktepi kte cin heon:

60 Tuka takudan iyeyapi sni; woitonśni woyakapi ota hipi, tuka takudan iyeyapi sni. Unhanketa woitonśni oyakapi nom hipi;

61 Qa heyapi; Wicasta kin de, Tipi wakan Wakantanka tawa kin he mdujuja, qa anpetu yamni kinhan ake piya wakage kta owakihini ce, eya ce.

62 Hehan wošnapi kagapi itancan kin najin hiyaye ca heciya; Dena taku iyanionpapi kin takudan adupte sni he.

63 Tuka Jesus inina yanka. Unkan wošnapi kagapi itancan kin heciya; Wakantanka ni un kin on wacajeciyate, Messiya Wakantanka Cinhintku kin he niye hecinhan, unkokiyaka miye.

MATTHEOS.

64 Unkan Jesus heciya ; Niye ecen eha ; tuka nakun heciyapi ; Tokata ekta Wicašta Cinhintku kin wowaŝake etapa eciyatanhan iyotanka qa maŝpiya ŝapa akan u wandakapi kta.

65 Hehan woŝnapi kagapi itancan kin ŝina hduhdehdece qa heya ; Taku ŝica eya ; taku on sunpa woyakapi unkakitapi kta he ; iho, wanna ŝicaya ie cin he nayahonpi :

66 Token idukcanpi he. Unkan ayuptapi qa, He te kta iyececa ce, eyapi.

67 Hehan ite atagoŝapi qa napen on apapi ; qa hunh kapsinsintapi ;

68 Qa heyapi ; Messiya he niye, tuwe anipe cin he ito unko-kiyaka po.

69 Inyan tankan tipi kin ohna iyotankehan yanka ; unkan wikoŝka wan en hi qa heciya ; Qa niŝ nakun Jesus Galile etanhan kin he kici yaun qon.

70 Tuka iye owasin wicitokam anakihbe qa heya ; Taku ehe cin he sdonwaye ŝni.

71 Unkan ohanzi hdepi kin ekta tankan iyaya, hehan wanji tokeca wanyake qa tona en unpi kin hewicakiya ; De nakun Jesus Nazareth etanhan kin he kici un qon.

72 Unkan akeŝ anakihbe qa, Taku wakan namaŝon, wicašta kin de sdonwaye ŝni ce, eya.

73 Hehan ake iecadan tona en najinpi kin hena hipi, qa Inyan heciyapi ; Awicakehan ewicatanhan yaun ; iyae cin he oniyaka ece.

74 Hehan iapi ŝica ota eye qa, Taku wakan namaŝon, wicašta kin he ecaca sdonwaye ŝni ce, eya. Unkan ecabankeya anpaohotonna kin hoton.

75 Hehan Inyan, Jesus taku

eciye ciqon, Anpaohotonna hoton ŝni kin itokam yamni anamayakihbe kta ce, eye cin he kiksuya. Unkan tankan iyaye qa nina ceya.

WICOWOYAKE 27.

1 Unkan hanhanna hinca woŝnapi kagapi kin owasin qa oyate kin en wicahincapi kin hena koya, Jesus token ktepi kta e he aiapi.

2 Unkan kaŝkapi hehan ayapi, qa Pontios Pilate wicašta itancan kin he kaipi.

3 Unkan Judas wiyopeye hehe wanna yacopi wanyaka, hehan iyopeiçiye qa, mazaska kcemna yamni kin, woŝnapi kagapi wicahincapi ko ake wicakahi ;

4 Qa heya ; Wawahtani, wicawe taku iyaonpepica ŝni kin yoyopewaya ce. Unkan heya He etanhan unkitokecapi ŝni he niŝ niye.

5 Unkan mazaska kin tipi kan kin en ehpeye qa kihda ; hetanhan iyaye qa poskin içikt.

6 Unkan woŝnapi kagapi kin mazaska kin hena icupi, qa heciyapi ; Mazaska opiye kin en unko-hnakapi kta iyecece ŝni, wicawe iyopeyapi kin dena ee, heon etanhan.

7 Hecen wiyukcanpi qa hena on wakŝica kage cin tamaga he opetonpi ; ohna wicašta tokeca wicahapi kta.

8 Heon etanhan maga kin he, Wicawe maga, eciyapi, anpetu kin debanyan.

9 Hehan Jeramiya wicašta wocan taku eye ciqon yuacetupi ; he kaken eya ; Unkan mazaska wikcemna yamni, tuwe iyopeyapi qon, Israel cincapi kin hecen iyacinpi qon, hena icupi,

WICOWOYAKE 27.

10 Qa waksica kage cin tamaga kin iyopeyapi, Itancan kin econ-masi iyececa.

11 Unkan Jesus wicasta itancan kin itokam injin. Qa wicasta itancan kin wiwange ca heciya; Juda wicastayatapi kin he niye he. Unkan; Nis hehace, Jesus eya.

12 Unkan wosnapi kagapi wicahincapi ko taku iyaonpapi, taka takudan ayupte sni.

13 Hehan Pilate heciya; Dena taku iyanionpapi kin nayahon sni he.

14 Tuka oie wanjidan esta ayupte sni, hecen wicasta itancan kin nina yusinyaya.

15 Wotapi kin de iyehantu eca wicasta itancan kin wicakaskapi wanji kiyuska ece, tukte wanji oyate kin kicapi.

16 Unkan he ehan wanji tanyan adonyapi, Barabbas eciyapi, he kaska hnakapi.

17 Hecen en mniciyapi hehan Pilate hewicakiya; Unma tukte ciciyuskapi kta yacinpi he, Barabbas qa is Jesus nakun Messiya eciyapi.

18 Winawizipi on he iye en kahipi e sdonya.

19 Unkan woyaco oiyotanke kin akan kiyotanka hehan tawicu kin tuwe en usi, qa heciya; Wicasta owotanna kin he takudan ecakicon sni we, on anpetu kin de wiwahamna en nina mayusinyaya ce.

20 Tuka wosnapi kagapi wicahincapi ko oyate kin wahanwicakiyapi, Barabbas kicapi kta, qa Jesus ihangyapi kta.

21 Hehan wicasta itancan kin ike wiwicawange ca hewicakiya; Unma tukte ciciyuskapi kta yacinpi he. Unkan, Barabbas, eyapi.

22 Pilate hewicakiya; Jesus

nakun Messiya eciyapi kin he token ecamon kta he. Unkan owasin; Icipaweh okatanpi kta, eciyapi.

23 Unkan wicasta itancan kin heya; Tokeca, taku sica econ kin tukte e he. Tuka nina panpi qa; Icipaweh okatanpi kta, eyapi.

24 Hecen Pilate takudan okihi sni, qa nina owoduta on icaga he wanyaka, hehan mini icu, qa wicota wicitokam nape hdujaja, qa heya; Wicasta owotanna kin de we kin miye en amaupi kte sni; niye ito wanyaka po.

25 Hehan oyate kin iyuhpa ayuptapi qa heyapi; He we kin unkiyepi qa unkiyepi koya en unkuupi nunwe.

26 Unkan hehan Barabbas wicakiciyuska; qa Jesus kapsin-pinta hehan icipaweh okatanpi kta e wicaqu.

27 Hehan wicasta itancan taakicita kin Jesus ti mahen ayapi, qa wicobe ocowasin en mniciyapi.

28 Qa iye tawokoyake kiyusdokapi, qa sina duta wan inkiyapi.

29 Qa wapepeka kazontapi on watesdake kagapi qa tesdagkicatonpi, qa cedi wan nape etapa kin on yuskiyapi; qa itokam canpeska makehde injinpi, qa ihahapi, qa heyapi; Iho, Juda Wicastayatapi kin.

30 Qa atagosapi, qa cedi kin icupi qa pa en apapi.

31 Unkan hecen ihahapi hehan sina kin ekiciyakupi qa iye tawokoyake qon kicunkiyapi, qa icipaweh okatanpi kta ayapi.

32 Tancan ayapi hehan wicasta wan Kurene etanhan, Simon eciyapi, he wanyakapi; unkan he cansusbeca kin kiciyunkiyapi.

33 Unkan makoce wan Golgo-

MATTHEOS.

tha eciyapi, he wicapahu makece eyapi kin he kapi, he ekta ipi ;

34 Hehan minisa pizi icabiyapi kin hetanhan yatkekiyapi ; tuka uta hehan yatke kta wicada sni.

35 Unkan hen icipawehi okatanpi, oeonna econpi qa tawokoyake kicipamnipi. Hecen wicasta wokcan oie qon yuecetupi ; Mitawokoyake kicipamnipi qa onhdohda mitawa on oeonna econpi ce.

36 Unkan hen iyotankapi qa awanyakapi :

37 Qa wiyonpapi kin de owapi qa pa iwankam ehnakapi ; JESUS, JUDA WICASTAYA-TAPI KIN HE DEE.

38 Nakun wicasta wamanon sa nom kici icipawehi owicakatanpi, unma etapa eciyatanhan, qa unma is catka tanhan econpi.

39 Unkan tona en hiyayapi kin hena aiapi, qa apomnampapi ;

40 Qaheyapi ; Tipi wakan ihangyaye ca anpetu yamui ake piya yakage kte ciqon, niiciya wo. Wakantanka Cinhintku kin he niye hecinhan, cansusbeca kin etanhan kun ku wo.

41 He iyececa, wo snapi kagapi kin ihakapi, qa wowapi kagapi wicahincapi ko om heyapi ;

42 Wicasta tokeca niwicaya ece, iye niiciye kta okihi sni ; Israel wicastayatapi tawapi hecinhan, iho, wanna cansusbeca kin etanhan kun ku kta, kinhan wicandapi kta.

43 Wakantanka wacinkiye ciqon ; tawa kta hecinhan wanna ehdaku kta ; Wakantanka Cinhintku kin he miye ce, eye ciqon.

44 Nakun wicasta wamanon sa, kici icipawehi owicakatanpi kin hena is eya iyecen i en hiyeyapi

45 Unkan wihiyayedan oape

sakpe hetanhan napcinwanka ape cin hehanyan makece kin owancaya otpaza.

46 Unkan napcinwanka apa hehantu ecetu, Jesus howaye ca hotankakiya heya ; Eli, Eli, lama sabakthani ; Wakantanka mitawa, Wakantanka mitawa, tokeca ehpemayaya he, eyapi kin hee.

47 Unkan en najinpi kin he nahonpi qehan, apa heyapi ; Elias kipan ce.

48 Unkan wanji etanhan iyang ye ca mini iyuhepe wan icu, qa miniskuya en oputkan, cedi wan icape ca yatkekiya.

49 Unmapi kin heyapi ; Hinahanka, Elias nikiya hi kta hecinhan ito wanunyakapi kta.

50 Tuka Jesus ake hotarkakiya hotanin qehan, taniya kin hiyuya.

51 Unkan iho, tipi wakan cekaya ozanpi kin he okiyuhdapi, wankantanhan qa kun ihanke kin hehanyan ; nakun maka kin skanskan qa inyan namdecapi :

52 Qa wicahapi kin yuhdapi, qa wicasta waste istinmapi kin hena ota hiyupi ;

53 Qa wicahnakapi kin etanhan hninanpapi, qa otonwe wakan kin en hipi, qa wicota en taniniyapi.

54 Unkan akicita tanean qa tona om Jesus awanyake cin hena maka kin skanskan qa taku econpi ko wanyakapi qehan, nina yusinyayapi qa, Awicakehan Wakantanka Cinhintku kin he dee tuka ee, eyapi.

55 Unkan winohinca ota hen unpi qa itehanyan wanyakapi ; tona Galile etanhan upi qa okiyapi ece qon :

56 Mary Magdalene he wanji ee, qa Mary Jakob qa Joses hunku, qa Zebede cinca hunkupi kin.

57 Wanna itayetu hehan Ari-mathea etanhan wicasta wijica wan en hi, Joseph eciyapi, he nakun Jesus waonspewicakiye cin wanji ee :

58 He Pilate en i, qa Jesus tancan kin kida. Hehan Pilate tancan kin he quwicasi.

59 Unkan Joseph tancan kin he icu qehan, minituba ska wan opazunta ;

60 Qa ohna hnakapi tawa teea, imnija kin en kaidoke cin, he en ohnaka ; qa inyan wan tanka ohna hnakapi i kin en eonpa, hehan kihda.

61 Unkan ohna hnakapi kin iyotakous, Mary Magdalene qa Mary unma qon iyotankehan yukampi.

62 Unkan anpetu en ihduwiyeyapi ece kin he ihanhanna, hehan wosnapi kagapi qa Phari-see kin hena Pilate en hipi,

63 Qa heyapi ; Itancan, wicahnye sa kin de ni un qehan, Anpetu yamni hehan wakini kta ce, oya keyapi, he unkiksuyapi.

64 Heon etanhan wicahnakapi kin natag wicasi wo, anpetu yamni hehanyan ; okinni waonspewicakiye cin hena en hipi qa tancan kin manon skiyahdapi kta, qa hehan, Wicate ein etanhan kini ce, oyate kin ewicakiyapi kta ; hecen ehake wicahanyanpi kin he tekehaya kin isanpa tanka kta.

65 Pilate hewicakiya ; Akicita wicaduhapi ; hdapi qa token oya-kihipi sutaya nataka po.

66 Hecen kihdapi qa wicahanyakapi kin sutaya natakapi ; inyan kin he apuspapi qa akicita en najinwicakiyapi.

WICOWOYAKE 28.

1 Anpetu wakan owihanke kin ekta, wanna anpetu tekehaya

ayampa kta hehan, Mary Magdalene qa Mary unna kin, wicahnakapi kin wanyag hipi :

2 Unkan iho, maka skanskan wan tanka ; mahpiya eciyatanhan Itancan taohinde wan kuns, en hi qa tiyopa kin etanhan inyan kin yuptanye qa akan iyotanka.

3 He ite kin wakasbdi kin iyececa, qa tawokoyake kin wa iyececa ska :

4 Unkan he kokipapi on awanyakapi kin nina cancampi qa wicasta taji kin iyececa ayapi.

5 Unkan mahpiya ohninde kin he waayupte qa winohinca kin hewicakiya ; Niye kokipapi sni po ; Jesus icipaweh okatanpi qon he oyadepi sdonwaya :

6 Den un sni ; wanna ihduekicetu, heye cion iyececa : Kuwa po, Itancan kin wanke cion he wanyaka miye.

7 Qa kohanna hdapi qa, Wicate cin etanhan kini ce, waonspewicakiye cin ewicakiya po ; unkan iho, Galile ekta nitokam iyaya ce, hen wandakapi kta ; iho, wanna ociciyakapi.

8 Unkan wokokipe wowiyuskin tanka ko yuha koyahanna kihdapi ; waonspewicakiye cin hosi wicakakipi kta inyang hdapi.

9 Unkan waonspewicakiye cin hosi wicakahdapi icunha, iho, Jesus itkowicakipa qa heya ; Wiyuskin po. Unkan en hipi qa siha en yuzapi qa ohodapi.

10 Hehan hewicakiya ; Kopehdapi sni po ; mahunkawanji owicakiyag ya po, Galile ekta yapi kta ; heciya wannayakapi kta ce.

11 Unkan hena hdapi icunha, akicita awanyakapi qon etanhan wanjikji otonwe kin en hipi, qa wosnapi kagapi kin taku eonpi kin owania ewicakiyakapi.

MARKOS.

12 Unkan hena witaya mniei-yapi, wicahincapi ko om, qa he akiiapi, hehan akicita mazaska ota wicaqupi;

13 Qa heyapi; Unkiistinmapi icunhan waonspewicakiye cin hanyen hipi qa manon icupi ce, eya po.

14 Unkan he wicašta itancan kin nañon kinhan, unkiye ceunki-yapi kta, qa anaunnickiñinpi kta.

15 Hecen mazaska kin icupi, qa token onspewicakiyapi kin iyecen econpi; heon wicoie kin he Juda oyate kin en oyakapi ece, anpetu kin dehanyan.

16 Hehan waonspewicakiye cin akewanjipi, hena Galile ekta iya-

yapi, paha wan Jesus cajeyate ciqon hetu.

17 Unkan wanyakapi hehan ohodapi; tuka apa ceñunhdapi.

18 Unkan Jesus en wicahi, owawicakiye ça heya; Mañpiya ekta qa maka akan wowaśake ocowa-in maqupi:

19 Heon etanhan ya po, oyate kin owasin waonspewicakiya po, qa Ateyapi, Cinhintkuyapi, qa Woniya Wakan kin caje on baptem wicaqu po;

20 Qa taku tona econciñipi kin owa-in yuhapi kta e onspewicakiya po. Unka iho, anpetu owasin cicipi waun, maka owi-hanke kin hehanyan. Amen.

MARKOS

WOTANIN WAŚTE TAWA.

WICOWOYAKE 1.

1 Jesus Messiya Wakantanka Cinhintku kin Wotanin Wašte tawa tokaheya kin he dee.

2 Wicašta wokcanpi kin en owapi qon iyececa; Iho, niite kin itokam wahośi mitawa yewaśi kta. nitokam canku wiyeya enicihnake kta.

3 Wicaho wan hewotahedan hotanin kin hee, Itancan tacanku kin wiyeya ekicihnaka wo, ocanku owotanna kicaga wo.

4 Johannes hewotahedan baptem wicaqu, qa woahñani kaju-jupi kta, on iyopeiciyapi baptem wicaqupi kin he oyaka ece.

5 Unkan Juda makoce kin owan-caya tanhan, qa nakun Jerusale etanhan ekta yapi; unkan woahñani ohdaka, Jordan wakpa

kin en, iye owasin baptem wicaqu.

6 Unkan Johannes kamel hin kin koyake ça tehñiso wan ipiyagkiton; qa psipsicadan tuhñaga canhanpi ahna yuta ece:

7 Qa woyake ça heya; Miha-kam wanji mikapeya waśake cin he u ce, he patuś nawajin qa hankpan weciyuśdoke kta iye-micihantu ñni.

8 Miś miye awicakehan mini on baptem ciçupi; tuka iye qe Woniya Wakan kin on baptem niçupi kta ce.

9 Unkan anpetu kin hena icunhan, Galile en Nazareth etanhan Jesus u, qa Jordan en Johannes baptem qu.

10 Unkan mini kin etanhan itanwankanhde ku qehan, ecahankeya mañpiya kin yuzamnipi qa Woniya Wakan kin wakiye-

WICOWOYAKE 1.

dan kaŋya kuntkiya u qa en hi-
yahan, he wanyaka.

11 Unkan maŋpiya eciyatanhan
wicaho wan tanin, Micinksi wa-
stewakidake a tanyan iyoma-
kipi kin he niye ce.

12 Hehan ecahankeya Woniya
kin hewoskan makoce kin ekta
kaŋam aya.

13 Unkan anpetu wikcemna
topa hewotahedan makoce kin
en un; qa hen Satan iyutanyan;
wamanica kin om un, unkan
maŋpiya ohnihde kin okiyapi
ece.

14 Unkan Johannes kaŋka hna-
kapi qehan, Jesus Galile en hi,
qa Wakantanka tokiconze wo-
tanin waŋte kin oyaka:

15 Qa heya; Wanna iyehantu,
Wakantanka tokiconze kin kiyed-
an un; iyopeiciya po, qa wo-
tanin waŋte kin wicada po.

16 Unkan Galile mde kin icahda
omani, hehan Simon wanyaka,
qa iye sunkaku Andrew nakun,
mde kin en ho wan iyohpeyapi;
hena hopsicapi kin hecapi na-
kaeŋ.

17 Unkan Jesus hewicakiya;
Miyahna u po, kinhan wicaŋta wi-
cadupsicapi kta cicagapi kta ce.

18 Unkan ecahankeya ho kin
ehpekiyapi, qa ibakam iyayapi.

19 Unkan hetanhan kitan ecin-
yan iyoopta ye a, Jakob Zebede
cinhintku, nakun sunkaku Jo-
hannes eciyapi, wanwicayaka;
hena wata ohna ho kin piyapi.

20 Unkan ecahankeya wica-
kico; unkan atkukupi Zebede,
qa tona wowidake wicayuhe cin
hena om, wata kin en ehpewicay-
yapi, qa ihakam iyayapi.

21 Hehan Kapernaum en yapi;
unkan anpetu wakan icunhan
omniciye tipi kin katinyan en
ye a, woyaka.

22 Unkan taku oyake cin on

yuŋinyayapi; wicaŋta itancan-
yan waonspewicakiya, qa wo-
wapi kagapi kin iyecece ŋni.

23 Unkan omniciye tipi kin he
ohna wicaŋta wan woniya ŋica
yuha; unkan he howaya,

24 Qa heya; Unkayuŋtan po;
Jesus Nazareth etanhan, taku
ecaunniconpi he; ihangunya-
yapi kta yahi he; nituwe kin
sdonwaya, Taku Wakan Wanji
Wakantanka tawa kin he niye.

25 Hehan Jesus iyopeye a he-
ciya; Inina yanke a, tankata
hninanpa wo.

26 Unkan woniya ŋice cin he
wicaŋta kin yuhdece a, hotan-
kakiya hotanin, hehan tankan
hinanpa.

27 Unkan owasin inihanpi qa
heya ikiciwangapi; De taku he;
de woonspe teca kin tukte e he;
woniya ŋice cin itancanyan owa-
wicakiya, unkan anagoptanpi
ece.

28 Unkan hetanhan Galile ma-
koce ihdukŋan owancaya ohan
kin oyakapi.

29 Unkan omniciye tipi kin
etanhan hdicupi, hehan katinyan
Simon qa Andrew tipi tawapi
kin en yapi, Jakob qa Johannes
nakun opapi.

30 Tuka Simon tawicu hunku
kin he tancan kaŋa on wayazan-
ka yanka; unkan he okiyakapi.

31 Hehan en hi, qa napata
yuze a najinkiya; unkan eca-
hankeya tancan kata ayuŋtan,
qa hehan owicakiya.

32 Wanna hitayetu, wi iyaya
hehan, wayazankapi kin owasin
yanke cin en awicahipi, tona
wakansica wicayuhnaŋkinyan
hena koya.

33 Hecen otonwe kin ocowa-
sin tiyopa kin en kata iheya.

34 Unkan wowayazan tokto-
keca on wayazanpi kin ota aŋni-

wicaya, qa taku wakan síca ota nakun tankan hinanpe wicakiya; qa wakan síce cin hena ia iyowinwicakiye síni, hena iyekiyapi nakaes.

35 Unkan ihanhanna, hinalin anpa itehan, hehan inajin, qa tankan inanpe ça, hewotahedan makoce wan ekta ye ça, hen wocekiye eya.

36 Unkan Simon tona om un kin hena koya ihakam iyayapi.

37 Qa iyeyapi hehan heciyapi; Owasin anicitapi ce.

38 Unkan hewicakiya; Otonwe ikiyedan kin hena en unyanpi kta; hen nakun womdake kta; heon etanhan wahi ce, eya.

39 Unkan Galile makoce kin owancaya, omniciye tipi kin ohna woyake ça, wakan síca hinape wicakiya ece.

40 Unkan wicašta wan lepros ececa, he en hi, qa cekiya, canpeška makehde inajin qa heciya; Yacin kinhan ska mayakage kta oyakihi.

41 Unkan Jesus onsíkiida, nape ekta yekiye ça, yutan qa heciya; Wacin, ka un wo.

42 Unkan heye cin hecehnana, lepros ececa qon he ayuŕtan, qa ska icaga.

43 Hehan tanyan wahokonkiye ça hetanhan hdeŕi;

44 Qa heciya; Ihnuhan tuwe taku eyakiye cinhan; tuka hde ça, woŕna kage cin he en hduťanin wo, qa niyuskapi kta on taku Moses econ wicaŕi qon hena wayuŕna wo, hecen iyepi ekta woyuťanin kta.

45 Tuka tankan hde ça, nina ohdake ça, owancaya yaotanin, hecen hetanhan Jesus otonwe kin en taninyan ye kta okihi síni, tuka tankan hewotahedan un ece: unkan owancaya tanhan yanke cin en hipi ece.

WICOWOYAKE 2.

1 Anpetu tonana iyohakam behan ake Kapernaum en i; unkan ti mahen yanka he oyakapi.

2 Unkan hecehnana wicota en mniciyapi, hecen tuktedan en hipi kte síni, tiyopa kin itankan tanhan ocikan síni: unkan wicoie kin owicakiyaka.

3 Unkan hehan en hipi, wicašta wan taťake cin wicašta tom akiyuhapi, he en aupi.

4 Unkan wicota kin on tokadan ikiyedan upi síni, hehan tipi akahe kiu yuhdokapi; he yujujupi hehan taťake cin owinja akan yanka ecehna en yuhukun ieyapi.

5 Unkan wacinyanpi kin he Jesus wanyake cehan, taťake cin heciya; Cinŕ wayaťtani kin nicicajujupi ce.

6 Tuka wowapi kagapi wanjikji hen iyotankehan unpi kin hena cante mahen hecinpi;

7 Tokeca wicašta kin de ŕicaya ia he: Tuwe woaťtani kajuju kta okihi he, Wakantanka ecedan.

8 Unkan hena hecekcen awacinpi kin, Jesus iye tawacin ekta sđonya, hehan hewicakiya; Tokeca hena hecekcen awacacnpi he.

9 Wayaťtani nicicajujupi, qa is, Najin, owinja ehdaku qa man wo, taťake cin eciyapi kta, unma tukte waŕakadan he.

10 Tuka Wicašta Cinhintku kin he maka akan woaťtani kajuju kta okihi, he sđonyayapi kta; hehan taťake cin he heciya;

11 Najin, qa owinja ehdaku, qa yati ekta hda wo, eciciya ce, eya.

12 Unkan hecehnana najin hiyaye ça, owinja ehdaku, qa owaŕsin wicitokam tankan kihda; he

cen owasin inihanpi, Wakantanka yatanpi qa heyapi; Tohinni taku dececa wanunyakapi s̄ni.

13 Hehan ake taŋkan mde kahda iyaya; unkan wicota en mniciyapi; unkan waonspewicakiya.

14 En hiyaya icunhan, Lewi, Alpheus cinhintku, mazaska mnayanpi ece kin en iyotanka, he wanyake qa; Miyahna u wo, eciya. Unkan najia hiyaye qa ihakam ya.

15 Unkan he ti kin ohna Jesus wota iyotanka, hehan mazaska mnayanpi wahtanipi sa ko ota Jesus kici iyotankapi, waonspewicakiye cin hena koya; wicota qa ihakam unpi ece.

16 Unkan wowapi kagapi Pharisee ko, wamnayanpi qa wahtanipi sa om wota yanka wan-yakapi, hehan waonspewicakiye cin hewicakiyapi; Tokeca e wamnayanpi wahtanipi sa ko om wota qa wayatkan he.

17 Jesus he nahon, hehan hewicakiya; Tona zanipi kin hena pejihutawicaŋta kin cinpi s̄ni, tuka wayazankapi kin hena e cinpi; wicaŋta owotanna kin beca on wahi s̄ni, tuka wahtanipi sa iyopeiciyapi kta e wicakico wahi ce.

18 Johannes waonspewicakiye cin hena, qa Pharisee tawapi kin akihaniciyapi ece; unkan en hipi qa heciyapi; Tokeca e Johannes waonspewicakiye cin hena, qa nakun Pharisee tawapi kin, akihaniciyapi he, tuka waonspewicayakiye cin hena akihaniciyapi s̄ni.

19 Unkan Jesus hewicakiya; Wakankiciyuzapi cinca kin hena tohanyan tawicu ton kte cin om un kin behanyan akihaniciyapi kta okihipi he. Tohanyan

tawicu ton kte cin yuhapi kinhan, behanyan akihaniciyapi kte s̄ni.

20 Tuka anpetu kin u kta, tohan tawicu ton kte cin hewicakiciyakupi kta, unkan anpetu kin hena en akihaniciyapi kta.

21 Tuwedan sina teca onspa onhdohda tanike cin en akihdagton s̄ni; hecon kinhan onspa teca en akagegepi kin he tanike cin etanhan namna kta, hecen oyuhdece kin saupa tanka aya.

22 Nakun tuwedan minisa teca ojuha tanike cin en okaŋtan s̄ni; hecon kinhan minisa teca kin he ojuha tanike cin kahdeca ece, hecen minisa skepe qa ojuha kin ihangyapi; tuka minisa teca kin ojuha teca kin en okaŋtanpi kta.

23 Unkan anpetu wakan icunhan wojupi kin ehna iyaya; qa waonspewicakiye cin, yapi icunhan, wahuwapa yuksapi.

24 Hehan Pharisee kin heciyapi; Wanyaka wo, anpetu wakan icunhan, taku econpi kta iyecece s̄ni tokeca econpi he.

25 Unkan hewicakiya; Dawid qa tona om un qon, wotektehda-pi qa cinpi qehan, token econpi qon he dawapi s̄ni he.

26 Abiathar woŋnapi kaga itancan taanpetu kin en, Wakantanka ti kin en ye qa, wayutanin aguyapi kin he yute qa, om un kin hena nakun wicaqu; he woŋnapi kagapi isnana yutapi kta tuka.

27 Unkan hehan hewicakiya; Anpetu wakan kin he wicaŋta on kagapi, qa wicaŋta kin is anpetu wakan kin on kagapi s̄ni:

28 Heon etanhan Wicaŋta Cinhintku kin anpetu wakan kin en Itancan un.

WICOWOYAKE 3.

1 Hehan ake omniciye tipi kin en iyaya; unkan wicašta wanji nape šnija hen yanka.

2 Unkan anpetu wakan icunhan asniye kta hecinhan he ia-wanyakapi; taku iyaonpapi kta e heon.

3 Unkan wicašta nape šnije cin he heciya; Cokata inajin wo.

4 Hehan hewicakiya; Anpetu wakan icunhan taku wašte econpi kta iyececa, qa is taku šica econpi kta, unma tukte he; waniyanpi kta qa is waŕeyapi kta he. Tuka inina hiyeya.

5 Unkan icanksiya awicatonwan, cante tehipike cin on iyokišica, hehan wicašta kin heciya; Nape hdukatin wo. Unkan hduowotanna; hecen nape kin ocowasin yucetupi, unma kin iyececa.

6 Hehan Pharisee kin hena iyayapi, qa ecahankeya Herodian kin om wohdakapi, token he ihangyapi kta e heon.

7 Tuka Jesus mde kin ekta hdicu, waonspewicakiye cin om; qa Galile etanhan qa Juda makoce kin etanhan wicota hinca ihakam yapi.

8 Nakun Jerusalem etanhan, qa Idumia, qa Jordan akasanpa tanhan; qa Turos qa Sidon ihdukšan tanhan wicota, taku wicohan tanka econ nahonpi, hehan en hipi.

9 Unkan wicota aotinsyapi kta e heon, wata cistinna wan yuha waonspewicakiye cin akipepi kta, kewicakiya.

10 Wicašta ota asniwicaya; heon tona tancan šihtinpi kin hena yutanpi kta e yuotinzapi.

11 Qa tona woniya šapa yuhapi kin hena wanyakapi, hehan itokam makata ihpayapi qa he-

ya howayapi, Wakentanka Cinhintku kin he niye ye.

12 Unkan oyakapi kte šni nina kewicakiya.

13 Unkan hetanhan paha wan ekta ye ça, tona cin kin hena wicakico; unkan en hipi.

14 Unkan akenonpa wicakahniga, ohinniyan kici unpi kta, qa woyaka yewicaši kta;

15 Qa wayazankapi kin ammiwicayapi kta, qa wakan šica napewicayapi kta, wowasake yuhapi kta.

16 Unkan Simon he Inyan eya cašton;

17 Qa Jakob, Zebede cinhintku, qa Johannes Jakob suntku; unkan hena Boanerges ewicakiya, Wakinyan cincapi he kapi;

18 Qa Andrew, qa Philipp, qa Bartholomew, qa Mattheos, qa Thomas, qa Jakob Alpheus cinhintku, qa Thaddeus, qa Simon Kananite;

19 Qa Judas Iskariot, wiyopeye cin hee. Unkan tipi wan ti mahen iyayapi.

20 Hehan ake wicota en mmi-ciyapi, hecen aguyapi yuta okihipi šni.

21 Unkan iye takuwicaye cin he nahonpi qehan, yuzapi kta e ekta iyayapi; qa, Wanna wacinhnuni ce, eyapi.

22 Nakun wowapi kagapi Jerusalem etanhan hipi kin hena heyapi; He Beelzebub yuha, qa wakansica itancan kin on wakan šica napewicaya ece.

23 Unkan iye hena wicakico qa wiyacinyan hewicakiya; Token Satan Satan napeya okihi kta he.

24 Qa wokiconze wan iye iyakitedan kicize cinhan, wokiconze kin he ecen he kte šni.

25 Qa tipi wanji iye iyakite-

WICOWOYAKE 4.

dam kicize cinhan, tipi kin he ecen he kte śni.

26 Nakun Satan inajin, qa iye iyakitedan kicize a ibdunonpa kinhan, he ecen un kta okihi śni, tuka wanna owihanke kta.

27 Tuwedan wicašta waśaka ti kin en ye a, tawaŋpaya kin ihangye kte śni; wicašta waśake cin he tokaheya kaške cinhan, behan tipi tawa kin ihangye kta.

28 Awicakehan heciyapi; Waŋtanipi owasin wicašta cin-capi kin wicakicicajujupi kta, qa iapi śica on wayaśicapi ece kin hena nakun;

29 Tuka tuwe Woniya Wakan kin yaśice cinhan, he icimana kicicajujupi kte śni; tuka woyaco owihanke wanica kicibe kta:

30 Woniya śapa wan yuha ce, eyapi kin heon etanhan heya.

31 Unkan hehan iye hunkawan-jitkupi qa hunku kin hena en hipi, tankan hinajinpi, waboyapi qa kicopi.

32 He icunhan wicota ihdukśan iyotankapi; unkan heciyapi; Iho, tankan nihun qa nihunkawanjipi anicitapi ce.

33 Unkan heya awicayupta; Inawaye cin he tuwe, qa mihunkawanji tuwepi he.

34 Unkan tona okśan iyotankapi kin hena ekta ewicatonwe a heya; Ina qa mihunkawanji, wanwicayaka po.

35 Tuwe Wakantanka tawacin kin ecen econ kinhan, he mihunkawanji ee, mitawinohtin qa inawaye cin nakun.

WICOWOYAKE 4.

1 Hehan ake mde kin icahda waonspewicakiya; unkan wicota hinca en mniciyapi, hecen wata wan en ope a, mini ekta

iyotauka; unkan oyate kin owasin mde icahda maka akan unpi.

2 Unkan wiyacinpi on taku ota onspewicakiya; qa waonspewicakiya icunhan hewicakiya;

3 Naŋon po: Iho, wicašta woju wan woju iyaya.

4 Unkan woju icunhan, apa canku icahda hinŋpaya; unkan zitkatanka en ahiyahe a temyapi.

5 Qa apa inyan ehna hinŋpaya, hen maka tonana; unkan maka akantuyedan heon oŋankoya hinanpa.

6 Tuka wi hinanpa behan gu; qa hutkan nice cin heon śniś aya.

7 Unkan apa wapepeka hu kin ehna hinŋpaya; unkan wapepeka kin hu uye a aotinsya; hecen waskuyeca takudan icage śni.

8 Unkan apa maka wašte kin en hinŋpaya, he waskuyeca aicaga; hinanpe a icaga, qa sutton, hunŋ wikcemna yamni, hunŋ wikcemna śakpe, qa hunŋ opawinge akihde aicaga ece.

9 Hehan hewicakiya; Tuwe noge winaŋon yukan hecinhan, ito naŋon kta.

10 Unkan iśnana un hehan, akenonpapi qa tona ora ihdukśan unpi kin hena wiyacinpi kin he on iwangapi.

11 Unkan hewicakiya; Wakantanka tokiconze woanaŋbe kin hena niye sdonyayapi kta e niċupi; tuka tankan unpi kin hena taku owasin wiyacinpi kin on econpi.

12 Hecen wawanyakapi on wanyakapi kta, tuka iyukanpi kte śni; qa winaŋonpi on naŋonpi kta tuka okaŋnigapi kte śni; hecece śni kinhan okinni wicayuhomnipi kta, qa waŋtani wicakicicajujupi kta.

13 Unkan hewicakiya; Wiyacinpi kin de sdonyayapi ōni he, hecen token ecin wiyacinpi owasin oyakaŋnigapi kta he.

14 Tuwe woju kin he wicoie kin oju ece.

15 Tona canku icahda qon, tukten wicoie kin ojupi, tuka he naŋonpi hehan, ecahankeya Wakansica en hi, qa wicoie cantepi kin en ojupi qon he icu ece, iho, hena eepi.

16 Qa he iyececa, inyan ota en ojupi qon, tona wicoie kin naŋonpi eca, kohanna iyusŋinyan icupi ece kin hena eepi;

17 Tuka iyepi mahen hutkan nicapi heon askayedan icaga; tohan wicoie kin on sicaya wicakuwapi qa ōitkihdawicayapi icaga, hehan hinnahanka ōihdapi.

18 Unkan tona wapepeka hu ehna ojupi qon, tona wicoie kin naŋonpi;

19 Unkan maka kin de awacinpi, qa wijicapi on wicahnayanpi, qa taku tokeca cantiheyapi kin hena en u, qa wicoie kin yuotŋinza, hecen wasuton ōni, hena eepi.

20 Unkan maka waŋte kin en ojupi qon, tona wicoie kin naŋonpi eca icupi ece, qa waskuyeca icahyapi, wikcemna yamni, wikcemna ōakpe, qa opawinge akihde, iho, hena eepi.

21 Unkan hewicakiya; Petijanjan koka wan ihukuya, qa ōis ohedepi ihukuya iyeyapi kta, qa petijanjan ihupa en oŋtanpi kte ōni, aupi he.

22 Taku akahpetonpi qa yutaninpi kte ōni wanica; qa taku anahmanpi qa iyoyanpa en aupi kte ōni wanica ce.

23 Tuwe noge winaŋon yukan hecinhan he naŋon kta.

24 Unkan hewicakiya; Taku

nayaŋonpi kin awaein po. Wiyutapi kin tukte on widutapi ece kin, he on ake winiciyutapi kta, qa tona anagoptan dukanpi kin sanpa niŋupi ece e kta.

25 Tuwe wayuhe cin he sanpa taku qupi kta; qa tuwe takudan yuhe ōni, taku yuhe cin hee kaes kipi kta.

26 Unkan heya; Wakantanka tokiconze kin he wicaŋta wan taku su kin maka kin en iyohpeya, he iyececa;

27 Qa istinma, qa hanyetu anpetu ko inajin; unkan su kin he hinanpe qa icage kta, tuka token icaga he sdonye ōni.

28 Maka kin he iye cinka wicahya ece, ape kin he tokaheya, hehan wahuwapa, qa hehan wahuwapa en tanyan wasuton ece.

29 Unkan wanna suton hehan kohanna isan ōkopa kin en iye-kiya, wanna kaŋdapi kta iye-han'u nakaes.

30 Hehan heya; Taku e Wakantanka tokiconze kin iyececa unyawapi kta he; qa wiyacinpi kin tukte e on unkiyacinpi kta he.

31 Sinape su wan iyececa, he maka kin en ehpeyapi, hehan taku su maka en un kin owasin he iyotan cistinna;

32 Tuka maka kin en ojupi, hehan uye qa wato owasin sanpa tanka icaga; adetka tankinyanyan aicahya, hecen mahpiya okinyanpi kin ohanzi ihukuya manpi ece.

33 Unkan wiyacinpi hecekcen ota on wicoie kin owicakiyaka, token naŋon okihipi kin he iyececa.

34 Qa wiyacinpi codan takudan owicakiyake ōni. Unkan isnana yukanpi, behan taku owasin waonspewicakiye cin hdaheya owicakiyaka ece.

WICOWOYAKE 5.

35 Unkan anpeta kin he en, wanna itayeta hehan, bewicakiya; Akasanpa unyanpi kta.

36 Unkan wicota kin wanna hdewicasipi, hehan ecehna wata kin en ehnakapi: qa nekun wata cikeistinna toktokeca epapi.

37 Unkan tate tanka was uya; qa taja wata kin apaspa, hecen wanna mini ojudan.

38 Tuka iye wahektapa tanhan ipahin wan akan istinma wanka. Unkan yuhicapi qa heciyapi; Waonspekiye, unhowihankepi kta he etanhan initokeca sni he.

39 Unkan iyotanka, tate kin kisice qa mde kin heciya; Owanji yanka wo. Unkan tateyanpa ayustan qa amdakedan tanka.

40 Hehan bewicakiya; Tokoca kopeyahdapi he; tokoca wicayadapi sni he.

41 Unkan nina kokipapi, qa iyakitedan hekiciyapi; De taku wicasta hwo, tate kin hee kaes, mde ko anegoptanpi ece.

WICOWOYAKE 5.

1 Unkan mde kin akasanpa ihunnipi, hehan Gaderene makoe kin en ipi.

2 Unkan wata kin etanhan inanpa, hehan echankeya wicasta wan woniya sica yuha wicahnakapi etanhan ittokim hiyu:

3 He wicahnakapi kin en un ece; qa tuwedan kaska okihi sni, mazaicicaliha hee kaes on.

4 Wanna ota kaskapi, siha on wicakaskapi mazaicicaliha ke on; tuka mazaicicaliha kin hena yuwehwega ece, qa siha on wicakaskapi kin yuksaksa ece; qa tuwedan wahbadan kaga okihi sni.

5 Ohinniyen, hanyetu anpeta koya, wicahnakapi kin ehna, qa he kin ekta sicahowaya un, qa inyan on kihdaksa ece.

6 Tuka Jesus tehan tankan wanyaka, hehan ekta inyang ye ca ohoda.

7 Qa hotankakiya hotania qa heya; Jesus Wakantanka Tehanwankantu Cinhintku kin, taku e unkiyotahedan un he; Taku Wakan esjeyan oeciciya, kakiismayaye kte sni.

8 Wanna, Woniya sapa, wicasta kin etanhan hinanpa wo, eciya nakaes.

9 Unkan, Tokan emiciyapi he, eya iwanga. Unkan heciya; Wicota, emakiyapi ce, wiunco-tapi nakaes.

10 Unkan makoe kin he etanhan hde wicati kte sni, mina ce-kiya.

11 Imnija he kin hen ikiyedan kukuše optaye wan tanka wo wicauqi.

12 Heeen wakan sicapi kin ce-kiyapi qa heyapi; Kukuše kin ekta ye unsi po, mahen wicunyanpi kta ce.

13 Unkan hecehnana. Jesus iyowinwicakiya. Heeen woniya sapapi kin tankan hinanpapi qa kukuše kin mahen iwicayayapi. Unkan optaye kin ecehna maye hince cin en nasdog eyaye ca minir iyayapi; owancaya keltopawinge nonpa eestu, qa minir tapi.

14 Unkan tona kukuše wo wicauqi qon hena najicapi, qa otenwe kin en makoe ihdukstan koya he oyakapi. Unkan taku ecepi kin he wanyag ipi.

15 Qa Jesus en hipi, qa wicasta wakan sica yuhnaškinyan, qa wicota yuhe eiqen, wanna ogekiron qa tawacin eceta iyotankehan yanka he wanyakapi; unkan yušinyayapi.

16 Unkan tona wanyakapi qon hena, wicasta wakan sica yuhnaškinyanpi, kukuše kin hena ko

token ecawicakiconpi qon hena owicakiyakapi.

17 Hehan makoce tawapi kin etanhan hde kta e icekiyapi.

18 Unkan wata kin en okipa behan tuwe wakan síca yuhe cion he cekiya, kici un kta heon.

19 Tuka Jesus iyowinkiyé sni, qa heciya; Takuwicayaye cin ekta hda wo, qa taku tona Itancan kin ecanicon qa onsinida, hena owicakiyaka wo.

20 Hecen kihde ça Dekapolis en taku tona Jesus ecakicon kin he ohdaka ece. Unkan owasin yuśinyayapi.

21 Unkan Jesus ake watom akasanpa ki qehan, oyate ota en mniciyapi; qa mde kin ikiyedat un.

22 Hehan iho, omniciye tipi itancanpi wanji, Jairus eciyapi, he en hi; qa wanyaka behan siha kin en makata ehpeiciya,

23 Qa nina cekiye ça heya; Micunksi cistinna wanna te kta wanka; en u qa nape on aputake ça asniya ye; hecen ni kta ce.

24 Unkan kici iyaya; qa wicašta ota ihakam yapi qa aotinsyapi.

25 Unkan winohinca wan waniyetu ake nom behanyan we ece iheya;

26 Qa pejihutawicašta ota on tehiya kuwapi, qa taku owasin on hdusota, qa etanhan wašte icage sni, tuka sanpa síca aya;

27 He Jesus oyakapi nahon qehan, heyata tanhan wicota ehna hiyu, qa tawokoyake yutan.

28 Tawokoyake hee kaeś mdutan kinhan, amasni kta ce, eye cion.

29 Unkan hecehnana we iheye cion anapta; qa tancan mahen he wayazan kin on wanna akisni sdonkiya.

30 Unkan hecehnana woasni etanhan hiyu kin Jesus atayedan sdonkiya, wicota ehna ihduhomni qa heya; Miawokoyake tuwe yutan he.

31 Unkan waonspewicakiye cin heciyapi; Wicašta ota aotinsniyanpi he wandaka, qa, Tuwe mayutan he, eha he.

32 Unkan tuwe hecon kin he wanyake kta e ohomni awicatonwan.

33 Tuka winohinca kin taku ecakiconpi kin sdonkiya, hecen kokipeyahan cancanyan en hi, qa itokam makata ehpeiciye ça owasin awicakehan okiyaka.

34 Unkan heciya; Cuns, wacinyaye cin he asniyan; woo-kiye hda wo, qa waniyazan qon okizi un wo.

35 Unkan iahan icunhan omnic-
ciye tipi itancan ti kin eciyatunhan upi qa heyapi; Nicunksi wanna ta; tokeca sanpa Waa-spekiye cin nagiyeyaya he.

36 Tuka Jesus taku eyapi nahon qehan, hecehnana omniciye tipi itancan kin heciya; Kokipe sni wo, wicada wo ecedan.

37 Unkan tuwedan kici ye kta iyowinkiyé sni, Inyan, qa Jakob, qa Johannes Jakob sunkaku, he nananpidan.

38 Unkan omniciye tipi itancan ti kin he en hi, qa owodutaton kin he wanyaka, tona ceyapi qa nihinciyapi kin hena koya.

39 Unkan en i qehan hewicakiya; Tokeca owodutaton yakagapi qa yaceyapi he; wicinnyanna kin te sni, tuka istinma ce.

40 Unkan nina ihapi. Tuka owasin tankan iyewicaya, hehan wicinnyanna atkuku qa hunku, qa tona om un kin hena iwicacu, qa wicinnyanna wanke cin en i;

41 Qa wicinnyanna kin nape yuze ça heciya; Talitha kumi,

WICOWOYAKE 6.

Wicinnyanna najin wo, eciciya, wiyapi kin he kapi.

42 Unkan ecahankeya wicinnyanna kin najin qa mani; wannan waniyetu akenonpa. Unkan nina hin yusinyayapi.

43 Hehan nina oyake s̄ni wicasi; qa taku yutapi qupi kta, kewicakiya.

WICOWOYAKE 6.

1 Unkan hetanhan iyoopta iya-ye a iye tamakoce kin ekta ki; qa waonspewicakiye cin hena opapi.

2 Unkan wanna anpetu wakan hehan omniciye tipi kin ohna waonspewicakiya. Qa wicota nahonpi qehan yusinyayapi qa heyapi; Tokiyatanhan dena yuha he; qa taku woksape qupi he; qa token iye nape on wicohan tanka dececa econpi he.

3 Cankajipe cin, Mary cinhin-ku, qa Jakob, qa Joses, qa Judas, qa Simon cinu kin he dee s̄ni he; qa tawinohtin kin hena owasin den unkipi unpi s̄ni he. Unkan he on canniyeyapi.

4 Tuka Jesus hewicakiya; Wicasta wokcan iye tamakoce en, qa iye takuwicaye cin ehna, qa iye ti kin ohna, ecedan yuonihanpi s̄ni ece.

5 Unkan heciya wicohan tanka takudan econ okihi s̄ni; tuka wayazankapi tonana nape on awicaputake a asniwicaya.

6 Unkan wicadapi s̄ni kin heon yusinyaya. Qa otonwe ihduksan wanke cin ektakta waonspewicakiya iyaya.

7 Unkan akenonpapi kin wicakico, qa nom nom yewicasi; qa woniya sapa on wowaake wicagu;

8 Qa wahokonwicakiya, icimani yapi kte cin on takudan icupi

kte s̄ni, cansagyē ecedan; wujuha, qa waneya, qa maza sa opiyeha ohna hduhapi kte s̄ni.

9 Tuka hanpokihanpi kta; qa onhdohda nom kiunpi kte s̄ni.

10 Unkan hewicakiya; Tukten tipi wanji mahen yaipi kinhan, tohayan hetanhan iyoopta dapi s̄ni, hehayan hen yukan po.

11 Qa tona iyowinniciyapi s̄ni qa ananigoptanpi s̄ni kinhan, tohan hetanhan dapi kinhan, owicadakapi kta e leon watusekseca siha etanhan yahdatatapi kta. Awicakehan heciyapi; Woyaco anpetu kin en, otonwe kin he kakije kte cin Sodom qa Gomorrah ahecece kta.

12 Unkan iyayapi, qa wicasta ihducetupi kta e woyakapi.

13 Qa taku wakan s̄ica ota napewicayapi, qa wayazankapi kin ota wihdi on sdawicayapi qa asniwicayapi.

14 Unkan Herod wicastayatapi kin hena nahon; caje kin tankaya oyakapi nakaes; hehan heya; Johannes baptem wicagu qon he tapi kin etanhan kini, heon etanhan wicohan tanka econ ece.

15 Tuka toktokeca heyapi; Elias hee. Qa toktokeca is; He wicasta wokcan, qa is wicasta wokcan wanji iyececa ce, eyapi.

16 Tuka Herod nahon qehan heya; Johannes pa bawakse ciquon hee, wiconse etanhan kini ce.

17 Herod atayedan yewicasi, qa Johannes yuze a haska hnaka, Herodias iye sunkaku Philip tawicu qon heon etanhan; he yuza nakaes.

18 Unkan Johannes; Nisunka tawicu duze cin he hecetu s̄ni ce, Herod eciya.

19 Heon etanhan Herodias cau-

niyekiye ça kte kta cin tuka oki-
hi šni.

20 Herod Johannes kokipa, wicašta owotanna qa wašte sdonya, heon itonpa; qa oie nañon eca taku ota ecen econ, qa iyuškin-yan nañon ece.

21 Tuka anpetu iyehantu qehan, Herod anpetu en tonpi qon he ehan, wicašta itancanpi wicayuhe ça, akicita tancan tankapi, qa Galile en wicašta tokaheya kin hena, htayetu wotapi wan wicakicaga.

22 Unkan Herodias cunwintku kin en hi, qa waci, qa Herod tona om un kin hena koya iyokipiwicaya, hehan wicaštayatapi kin heciya; Taku yacin kinhan makida wo, hecen ciçu kta.

23 Nakun taku wakan cajeyan heciya; Taku mayakida kinhan ciçu kta, mitokiconze hanke hehanyan.

24 Unkan tankan iyaye ça hunku heciya; Taku wakida kta he. Unkan is. Johannes baptem wicaqu ece pa kin, eya.

25 Hehan ecahankeya inañniyan wicaštayatapi ekta tin hiyu qa heya kida; Johannes baptem wicaqu pa kin, wakšica ohna kohanna mayaqu kta wacin ce, eya.

26 Unkan wicaštayatapi kin nina iyokišica, tuka taku wakan cajeyan heye cin heon, qa tona om wota iyotanke cin hena on, he ipida kta tawaŕenye šni.

27 Unkan hecehnana wicaštayatapi kin wicakte wan ekta yeši, qa pa kin aku ši: Unkan he ekta iyaye ça, wicakaška tipi kin ohna pa baksa;

28 Qa wakšica wan ohna pa kin ahdi, qa wikoška kin qu; unkan wikoška kin is iyoopta hunku kin qu.

29 Unkan iye waonspewica-

kiye cin hena, he nañonpi qehan, en hipi qa tancan ehdakupi, qa ohna hnakapi wan en hnakapi.

30 Unkan tona yewicaši qon hena Jesus en hdipi, qa taku owasin okiyakapi, taku econpi qa taku oyakapi ko.

31 Hehan hewicakiya; Niye ito icunonpa hewotahedan ekta u po, qa cistiyedan ozičiya po. Wicota upi qa hdapi ece, qa hecen wotapi kta hee kaes okihipi šni.

32 Unkan heon hewoskan makoce wan ekta isnana watom iyayapi.

33 Tuka yapi kin wicašta ota wanyakapi, qa he iye iyekiyapi; qa otonwe owasin etanhan ekta inyang iyayapi, qa kawicapapi, qa en i kte cin hen mniciyapi.

34 Unkan Jesus ekta ihunni, hehan wicota wanwicayaka, qa onšiwicakida, tañinca wanunyanpi tuwedan wicayuhe šni kin iyececapi heon, qa hecen taku ota onspewicakiya.

35 Unkan wanna wi kucedan hehan, waonspewicakiye cin en hipi qa heciyapi; De hewotahedan makoce qa anpetu kin wanna owihanke:

36 Hde wicaši wo, hecen makoce ihdukšan, qa otonwe kin ektakta yapi, qa woyute opeičitonpi kta; taku yutapi takudan yuhapi šni.

37 Tuka iye waayupte ça hewicakiya; Niš ito wo wicaqu po. Unkan heciyapi; Unyanpi qa kašpapi opawinge nonpa aguyapi iyopeunyanpi, qa wo wicunqupi kta he.

38 Aguyapi španyanpi kin tona duhapi he; ito wanyaka po, ewicakiya. Unkan sdonyapi hehan; Zaptan qa hogan nonpa, eyapi.

39 Unkan owasin wato kira

WICOWOYAKE 7.

akan optayetonton iyotangkiye wicaśi.

40 Unkan optayeton iyotankapi, opawingege qa wikcemna zaptanptan.

41 Unkan aguyapi zaptan qa hogan nonpa hena icu, hehan mahpiya ekta etonwe qa yawaśte, qa aguyapi yuśpaśpa, qa waonspewicakiye cin wicaqu, oyate kin wicaqupi kta heon; nakun hogan nonpa kin hena owasin wicakipamni.

42 Unkan iyuhpa wotapi qa imnanpi.

43 Qa oyaptapi kin etanhan makanopiye akenonpa ojudan pahipi, nakun hogan kin etanhan.

44 Unkan aguyapi yutapi kin hena kektopawinge zaptan ece-tu.

45 Hehan ecahankeya waonspewicakiye cin wata kin en okipe wicaśi, qa tokaheya akasanpa Bethesda ekta yapi kta, kewicakiya; icunhan iye wicota kin hde wicaśi kta.

46 Unkan hena hde wicaśi, hehan paha wan ekta wocekiye eya iyaya.

47 Wanna htayetuh hehan, wata kin mde kin cokaya un, qa iye iśnana maka akan un.

48 Unkan watopapi iyotanhan iyekiyapi wanwicayaka; tatohekiya yapi nakaś. Unkan hanyetu en awanyakapi itopa hehan, mini amani ekta wicaya.

49 Tuka mde kin amani wanyakapi qehan, he wanagi kecimpi, qa ōicahowayapi.

50 Owasin wanyakapi qa yuśnyayapi. Unkan hecehnana owicakiye ca hewicakiya; Cante wate po, he miye, kokipapi ōni po.

51 Unkan ekta wicaya, wata kin en; hehan tate kin ayuśtan.

Hecen nina yuśnyayapi qa ihniyanyanpi.

52 Aguyapi econ qon he awacimpi ōni; cantepi kin sotpasayapi nakaś.

53 Unkan akasanpatanhan ipi, hehan Gennesaret makoce kin en yapi, qa hutata ihunnipi.

54 Unkan wata kin etanhan inanpapi, hehan hecehnana iyekiyapi;

55 Qa makoce kin he owancaya inyang yapi, qa tukten un nahonpi kinhan, wicaśta wayazankapi kin owinja akan wicayuhapi, qa en awicayapi.

56 Unkan otonwe eiqadan, qa otonwe tanka, qa ihdukśan makoce wanke cin, tukte en ya eca, canku ohna wayazankapi kin ahivicahnakapi qa cekiyapi; tawokoyake opapan hee kaś yutanpi kta; unkan tona yutanpi kin hena asnipi ece.

WICOWOYAKE 7.

1 Hehan Pharisee qa wowapi kagapi wanjikji, Jerusalem etanhan upi qa en ahimbiciya;

2 Qa iye waonspewicakiye cin wanjikji nape ōapa, nape hdujajapi ōni he kapi, aguyapi yutapi wanyakapi qehan wicabapi.

3 Pharisee kin Juda wicaśta ko owasin tanyan nape hdujajapi ōni kinhan wotapi ōni ece, qa wicahincapi tawoahoŋe kin opapi.

4 Qa mazopiye etanhan hiyupi eca ibdujajapi ōni ehantanhan wotapi ōni. Unkan taku hececa ota opapi kta icupi, miniyatke, qa can koka, qa cega, ohehdepi ko yujajapi ece.

5 Hehan Pharisee kin wowapi kagapi ko wiwangapi; Tokeca waonspewicayakiye cin wicahincapi tawoahoŋe kin ahopapi

MARKOS.

śni he, tuka nape hdujaja śni aguyapi yutapi ece.

6 Unkan waayupte ça hewicakiya; Wananiçihmanpi, niyepi on Isaya tanyan woyake ciqon, hecen wowapi en kagapi; Oyate kin de ihapi kin on mayaonihanpi, tuka cantepi kin mitehanyan un ece.

7 Tuka wicašta akantu tawoa-hope kin hena woonspe eekiya-pi, qa oyakapi ece kin heon ohomadapi kin he taku śni.

8 Wakantanka tawoa-hope kin ehpeyayapi, qa wicašta akantu toope kin duhapi, cega qa wakšica yujajapi kin; qa taku hececa ota ecanonpi ece.

9 Unkan hewicakiya; Wicašta akantu toope duhapi kta e heon Wakantanka tawoa-hope kin ehpeyayapi, he tanyan ecanonpi he.

10 Moses hecen eya; Niyate nihun kici wicahduonihan wo. Nakun; Tuwe atkuku, qa is hunku kin hdašice cinhan, he wiconęe on ęe kta ce.

11 Tuka niye hehapi; Wicašta wan atkuku, qa is hunku; He wohduze, tokan wicaqupi he kapi, hecen on ociciye kte śni, eciye cinhan he hecetu ce.

12 Hecen atkuku qa hunku taku sanpa owicakiye kta iyoyakipi śni;

13 Qa niye woope yakagapi qa wicayaqupi kin on Wakantanka tawoa-hope kin dutakunipi śni; qa taku hececa ota ecanonpi ece.

14 Unkan oyate kin owasin wicakico, hehan hewicakiya; Owasin anamagoptan po, qa okahniğa po.

15 Wicašta tankan tanhan taku mahen iyaye cin takudan yušica okihi śni; tuka tona mahen tanhan hinape cin wicašta yušice cin hena ee.

16 Tuwe noge winahon yukan hecinhan he nahon kta.

17 Unkan wicota wicehna tanhan ti mahen iyaye çehan, wanspewicakiye cin wiyacinpi kin he on wiwangapi.

18 Unkan hewicakiya; Niš eya oyakahnigapi śni he. Taku kašta tankan tanhan wicašta mahen iyaye cin he yušape kta okihi śni e idukanpi śni he.

19 Hena cante kin en i śni, tuka tezi mahen, qa hehan tankan ehpeyapi, hecen woyute owasin yuecetupi.

20 Unkan heya; Taku wicašta kin etanhan hinape cin he wicašta kin yušapa ece.

21 Mahentanhan, wicacante kin etanhan wicotawacin šica biyu; wawicihahapi, wiinahmanpi, tinwicaktepi,

22 Wamanonpi, waicucupikte, wošice, wohnaye, wowihaha, ištašica, wayašicapi, wahanici-dapi, witkotkokapi;

23 Dena taku šice cin owasin mahentanhan hiyu, qa wicašta yušape cin hena ee.

24 Unkan hetanhan najin hiyaye ça, Turos qa Sidon makoce opapun kin en i, qa tipi wanji timahen iyaya; unkan tuwedan sdoney kte śni cin, tuka anahmanpi kta okihi pi śni.

25 Winohinca wan cunwintku cistinna woniya šapa yuhe cin he nahon qehan, en hi qa siha kin en makata ehpeçiya.

26 He Hellenes winohinca kin heca, Surophenikiya oyate kin etanhan; unkan taku wakan šica cunwintku kin etanhan hinape ši kta e icekiya.

27 Tuka Jesus heciya; Wicacinca kin hena tokaheya wotapi kta; wicacinca aguyapi tawapi kin icupi, qa šunka wicaqupi kta he hecetu śni.

WICOWOYAKE 8.

28 Unkan iye waayupte ça heciya; Han, Itancan; tuka wahnawotapi kin ihukuya hoksiyopa yusnapi kin sunka yutapi ece.

29 Unkan heciya; Wicoie kin de on ekta hda wo, taku wakan sica nicunksi etanhan hinanpa ce.

30 Unkan iye ti kin ekta ki, hehan taku wakan sica tankan iyaye ça, cunwintku ohehdepi kin akan wanka e wanhdaka.

31 Unkan ake Turos makoce kin ehpeye ça, Sidon opta, Dekapolis makoce kin cokaya omani, qa Galile mde kin ekta ki.

32 Unkan wicasta wan noge tpa qa ia okitpani he en ahipi, qa nape ahnake kta icekriyapi.

33 Unkan wicota etanhan isana icunonpa aya, qa nape noge ohna iyeye ça, tagosa qa on ceji yutan :

34 Hehan mahpiya ekta etonwe ça comnidazi qa heciya; Ephatha, yuhdokapi nunwe, eyapi kin he kapi.

35 Unkan ecahankeya noge yuhdokapi, qa ceji ikan kin yukcapi, qa hdaheya ia.

36 Hehan he tuwedan okiyake sni wicasi; tuka taku ewicakiye cin on etanhan sanpa nina oyakapi ece.

37 Qa mina yusinyayapi qa heyapi; Taku owasin tanyan econ ece; noge tpapi kin winahonwicakiye ça, nakun ia okitpani iewicakiya ece.

WICOWOYAKE 8.

1 Unkan anpetu kin hena en nina wicota hinca, qa takudan yutapi sni, hehan waonspewicakiye cin wicakico qa hewicakiya;

2 Wicota kin onsiwicawakida, wanna yamni can mici unpi, qa taku yutapi takudan yuhapi sni.

3 Qa wote sni hde wicawasi kinhan, okinni tahapi ihpayapi kta; hunh tehan tanhan hipi nakas.

4 Unkan waonspewicakiye cin ayuptapi; Makoce hewotahedan kin den, tokiya tanhan dena aguyapi imnahan yute wicakiyapi kta he.

5 Unkan, Aguyapi kagapi tona duhapi he, eya iwicawanga. Unkan is, Sakowin, eyapi.

6 Unkan oyate kin maka akan iyotanke wicasi; qa hehan aguyapi sakowin qon icu, yawaste qa yuspaqa qa waonspewicakiye cin wicaqu, iyoopta wicakupi kta; unkan is oyate kin wicakipamnpi.

7 Nakun hogan tonana yuhapi; hena yawaste qa wicakupi kta, keya.

8 Hecen wotapi qa imnanpi; unkan aguyapi oyaptapi kin etanhan makanopiye sakowin pahipi.

9 Tona wotapi kin hena kektopawinge topa ecetu; hehan hde wicasi.

10 Hehan ecahankeya wata wan en opa, waonspewicakiye cin om, qa Dalmanutha makoce kin ekta i.

11 Unkan Pharisee kin en hipi, qa iyutanyan wiwangapi, qa mahpiya eciyatanhan wowapetokeca kida.

12 Unkan iye cante ekta comnidazi qa heya; Tokeca wicoicage kin de wowapetokeca akita he. Awicakehan heciyapi; Wicoicage kin de wowapetokeca takudan qupi kte sni.

13 Hehan ehpewicaye ça wata kin en okipe ça akasanpa hda.

14 Unkan aguyapi icupi kta akiktonjapi, qa wata ohna aguyapi wanjidan sanpa yuhapi sni.

15 Hehan wahokonwicakiye ça

heya; Wanyaka po, qa on naphyapi Pharisee tawapi qa Herod tawa kin he kokipa po.

16 Hecen iye iyakitedan hdo-kinicapi qa heyapi; Aguyapi unhapi s̄ni, heon etanhan heya ce.

17 Jesus he s̄donya hehan hewicakiya; Tokeca aguyapi duhapi s̄ni on ayakinicapi he. Hinahin oyakañigapi s̄ni qa wi-dukcanpi s̄ni he. Hinahin cante aotpasniyanpi he.

18 Ista niyukanpi wandakapi s̄ni, qa noge niyukanpi esta nayahonpi s̄ni, qa yeksuyapi s̄ni he.

19 Aguyapi zaptan wicašta kektopawinge zaptan wicawakipamni, hehan oyaptapi kin makanopiye ohnaka tona yapahipi he. Akenonpa, eyapi.

20 Hehan šakowin qa kektopawinge topa, hehan oyaptapi makanopiye ohnaka tona iyacupi he. Unkan, Šakowin, eyapi.

21 Hehan hewicakiya; Tokeca oyakañigapi s̄ni he.

22 Unkan Bethseda en'hi. Hehan istagonga wan en ahipi, qa yutan kta e icekiyapi.

23 Unkan istagonge cin napata yuze qa otonwe kin tankan aya; qa ista kin en atagoša hehan nape kin akan ehnaqa, qa taku wanyaka hecinhan he iwanga.

24 Unkan wankan etonwe qa heya; Wicašta wanwicamdaka, mani unpi, can kin iyececa.

25 Hehan ake nape kin ista akan ehnaqa, qa ake wankan etonwekiya; unkan hehan yu-ecetupi, qa taku owasin tanyan wanyaka.

26 Hehan iye ti ekta hde š̄i, qa heya; Otonwe kin en ye s̄ni wo, qa otonwe kin en tuwedan okiyake s̄ni wo.

27 Unkan Jesus hetanhan Ke-

sareya Philippi otonwe kin hena ekta iyaya, waonspewicakiye cin om. Unkan tahepi waonspewicakiye cin heya iwicawan-ga; Matuwe, wicašta keyapi he.

28 Unkan ayuptapi; Johannes baptem wicaqu kin; qa wanjikji; Elias; qa wanjikji; Wicašta wokcan wanji he niye, eyapi.

29 Unkan hewicakiya; Qa niye matuwe kehapi he. Unkan Inyan waayupte qa heciya; Messiya he niye.

30 Unkan he tuwedan okiyake s̄ni wicaši.

31 Hehan wowicakiyaka, Wicašta Cinhintku kin taku ota kakije kta; wicañincapi qa wošnapi kagapi, wowapi kagapi ko heyata iyeyapi kta, qa ktepikta; qa aupetu yamni iyohakam kini kta.

32 Unkan hena taninyan oħdaka. Hehan Inyan icu qa iyokišni.

33 Tuka ihduhomni qa waonspewicakiye cin awicatonwan, hehan Inyan iyopeye qa heya; Satan miheyata ya wo; taku Wakantanka tawa kin awacanni s̄ni, tuka wicašta akantu taku tawa kin.

34 Unkan oyate kin waonspewicakiye cin om wicakico qehan, hewicakiya; Tuwe kašta omape kta hecinhan, waipiiciđa kta, qa cansusbeca kičin kta, qa mihakam u kta.

35 Tuwe wiconi tawa tehinda kinhan he toki ehpekiye kta; tuka tuwe miye on qa wotanin wašte kin on wiconi toki ehpekiye cinhan, he qe wiconi hduhe kta.

36 Qa wicašta wan maka kin de ocowasin ohiya esta, qa iye nagi kin toki ehpekiye cinhan, taku on iwašte kta he.

WICOWOYAKE 9.

37 **Qa** taku e wicašta nagi kin okiyopekiye kta he.

38 Heon etanhan tuwe, wicoicage wiinahman qa wahtani sa cin de en, miye qa mioie kin on štece cinhan, tohan Wicašta Cinhintku kin iye Atkuku towitan hduha, ohnihde wakan kin om u kinhan, wicašta kin he on štece kta ce.

WICOWOYAKE 9.

1 Hehan hewicakiya ; Awicakehan heciciyapi ; den najinpi etanhan wanjikji wiconęe utupi šni itokam, Wakantanka toki-conze wowasake on hi wanyakapi kta.

2 Unkan anpetu šakpe iyohakam Jesus, Inyan, qa Jakob, qa Johannes iwicacu, qa icunonpa paha wan tehanwankantu kin ekta awicaya ; qa wicitokam yutokecapi :

3 Tawokoyake kin wiyatpatpa, ska hinca, wa iyececa ; maka akan wayuska kin tuwedan iyeccen ska kaga okihi šni.

4 Unkan hen Elias qa Moses en ihdutaninpi ; qa hena Jesus kici wohdag yukanpi.

5 Hehan Inyan waayupte ca Jesus heciya ; Itancan, den unyakonpi he wašte ; ito wakeya yamni ti unkiagapi kta ; wanji niye on, qa wanji Moses, qa wanji Elias unkiagapi kta.

6 Taku eye kta sdonkiye šni ; nina yušinyayapi nakaš.

7 Unkan mašpiya wan aohanziwicaya ; qa mašpiya kin sei-yatanhan wicaho wan tanin qa heya ; Micinkši wastewakidake cin he dee, he anagoptan po.

8 Hehan ecahankeya ihdukšan etonwanpi qehan, wicašta tuwedan wanyakapi šni, Jesus isana kici unpi.

9 Unkan paha kin etanhan apamahde kupi icunhan wahokonwicakiya, taku wanyakapi kin tuwedan okiyakapi kte šni, Wicašta Cinhintku kin šapi etanhan kini šni behanyan.

10 Unkan wicoie kin he awacinci, qa šapi etanhan kini eyapi kin he taku kapi hecinhan he ikiciwangapi.

11 Unkan heya iwangapi ; Tokeca e Elias tokaheya hi kta ce, wowapi kagapi kin eyapi he.

12 Unkan awicayupte ca heya ; Awicakehan Elias tokaheya hi kta, qa taku owasin yuecetu kta ; qa Wicašta Cinhintku kin token taku ota kakije kta, qa heyata iyeyapi kta e wowapi en kagapi qon, he nakun owicakiyaka.

13 Tuka heciciyapi ce ; Awicakehan Elias wanna hi ; unkan token cimpi kin eeen eakiconpi, wowapi en kagapi qon iyececa.

14 Unkan waonspewicakiye cin en hdi qehan, wicihdukšan wicota linea wanwicayaka ; qa wowapi kagapi kin wiwicawangapi.

15 Unkan oyafe kin iyuhpa wanyakapi qehan nina yušinyayapi, qa ekta inyang yapi qa okiyapi.

16 Unkan wowapi kagapi kin, Taku e on wiwicanungapi he, eya iwicawang.

17 Unkan wicota etanhan wanji ayupta ; Waonspekiye, micinkši woniya ie šni kin heca yuhe cin he cicahi.

18 Qa takten eyaku eca yuhdehdeca ece ; hecen i mimitaga au, qa hi hdakinskinza, qa hanyan ece ; unkan waonspewicakiye cin hena tankan ehpeyapi kta kowicawakiya, tuka okitpanipi.

19 Unkan waayupte ca hewicakiya ; Wicoicage wicada šni

MARKOS.

tohanyan cicipi waun kta; tohanyan iyowinciciyapi kta he. En makau po.

20 Hehan en kahipi. Unkan wanyag iheye cin hecehna woniya kin yuhdehdeca; qa makata ehpeye ca, i minitaga au paptanptan iyeiciya wanka.

21 Unkan atkuku kin heya iwanga; Tohantanhan hececa he. Unkan is; Hoksiyoqopa ehantanhan, eya.

22 Qa ota petan ehpeye ca, minin ehpeya, ihangye kta e heon; tuka nis taku oyakihi kinhan, onsiunkida po qa ouunkiya po.

23 Jesus heciya; Wicada oyakihi kinhan; tuwe wicada kin he on taku owasin okihipica ce.

24 Unkan hecehnana hoksidan atkuku kin hotanin qa ceya heya; Itancan wicawada; wicawada sni kin he niye omakiya wo.

25 Jesus oyate kin en inyang hiyupi wanwicayaka, hehan woniya sapa iyopeye ca heciya; Woniya ia okitpani qa noge tpa, tankan hinanpe ca, icimana en ye sni wo, he miye e econ cisi ce, eya.

26 Unkan hotanin qa nina yuhdehdeca, qa tankata hinanpa; unkan wicasta ta iyececa, hecen, Wanna ta ce, wicota eyapi.

27 Tuka Jesus napata yuze ca yuwankan icu; unkan najin hiyaya.

28 Unkan tin hiyu qehan, waonspewicakiye cin nahmana iwangapi; Tokeca unkiye tankan ehpeya unkokihipi sni he.

29 Unkan hewicakiya; Ocaje kin de wote sni cekiyapi kin ecedan on tankan hiyu kta okihi ece.

30 Hehan hetanhan yapi qa Galile iyoopta iyayapi; qa tuwedan sdoney kte sni cin.

31 He icunhan waonspewica-

kiye cin wowicakiyaka qa; Wicasta Cinhintku kin wicasta napepi kin en wicakupi, unkan ktepi kta; qa ktepi iyohakam anpetu icyamni behan kini kta ce, ewicakiya.

32 Tuka wicoie kin he okafinigapi sni, qa on iwangapi kta koki-papi.

33 Unkan Kapernaum en hi; qa ti mahen yanka hehan wiwicawanga; Canku ohna taku e on ayakinicapi he.

34 Tuka inina yukanpi; canku ohna wanji tukte iyotan tankapi kta e heon hdokinicapi.

35 Unkan iyotanke ca nkenon-papi kin wicakico qa hewicakiya; Wicasta wan tokaheya un kta cin kinhan, hee ehake un kta, qa owasin wowidagyupi kta.

36 Hehan hoksiyoqopa wanpica, qa wicacokaya ehnaqa; qa nape ohna eyaku, behan hewicakiya;

37 Tuwe hoksiyoqopa dezera wanji, micaje on tin hiyuye cinhan, miye tin hiyumayan ece; qa tuwe tin hiyumaye cin he miye sni, tuka tuwe u masi kin he tin hiyuya ece.

38 Hehan Johannes nyupte ca; Waonspekiye, wicasta wan micaje on taku wakan sica tankan ehpeya wanunyakapi, he unkihakam u sni; unkan unkihakam u sni kin on etanhan teunhinda-pi ce, eya.

39 Tuka Jesus heya; Tefindapi sni po; wicasta tuwe micaje on wicohan tanka econ kinhan, he ituya mayasice kta okihi sni.

40 Tuwe unkizapi sni kinhan, he unkipi un ece.

41 Tuwe micaje on miniyatke ohna mini datkanpi kta nicupi kinhan, Messiya niyuhapi kin heon, he wokajuju toki ehpekiye kte sni, awicakehan eciciyapi.

WICOWOYAKE 10.

42 Qa tuwe dena. cikcistinpi-dan wacinmayanpi kin wanji wahtanikiye cinhan, tahu en inyan wiyutpan wan iyakaškapi qa miniwanca kin en ehpeyapi unkanš, he wašte kta tuka.

43 Qa ninape wahtaniniye cinhan hdaksa wo; nape ksa wiconi kin en yai kinhan hee wašte kta, qa nape napin hduha Wakansica ti, peta icimana kasnipi kte šni kin en iyohpeniyanpi kte šni.

44 Hen wamduška tawapi kin te kte šni, qa peta kin kasnipi šni ece.

45 Nakun nisiha wahtaniniye cinhan hdaksa wo; hunište wiconi kin en yai kinhan, he wašte kta, qa siha nom hduha Wakansica ti peta icimana kasnipi kte šni kin en iyohpeniyanpi kte šni.

46 Hen wamduška tawapi kin te kte šni, qa peta kin kasnipi šni ece.

47 Nakun ništa wahtaniniye cinhan hdušdoka wo; ista wanjidan hduha Wakantanka toki-conze kin en de cinhan, hee wašte kta, qa ista napin hduha Wakansica ti peta kin en iyohpeniyanpi kte šni.

48 Hen wamduška tawapi kin te kte šni, qa peta kin kasnipi šni ece.

49 Wicašta otioyohi peta on skuyeyapi kta, qa wošnapi otioyohi miniskuya on skuyeyapi kta.

50 Miniskuya kin he wašte; tuka miniskuya kin skuye šni aye cinhan taku e on skuyeyapi kta he. Miniskuya ihduha po, qa wookiye kiciyuha po.

WICOWOYAKE 10.

1 Hetanhan najin hiyaye ça, Jordan akasanpatanhan, Juda

makoe kin en hi: unkan ake oyate kin en witaya kata iheya; qa econ ece qon he iyecen ake wowicakiyaka.

2 Unkan Pharisee kin en hipi qa wiwangapi, Wicašta tawicu ehpeye kta iyecoca hecinhan, he iyutanyanpi.

3 Unkan waayupte ça hewicakiya; Moses token econ nišipi he.

4 Unkan; Moses kpaganpi wuwapi kage ça ehpeye kta iyowinyan ce, eyapi.

5 Unkan Jesus waayupte ça hewicakiya; Cante nitehipi kin heon Moses woope kin he nica-gapi.

6 Tuka wicoicage otokaheya tanhan Wakantanka hena wicawinyan ahna wicakaga:

7 Heon etanhan wicašta wan atkuku hunku ko ehpewicaye kta, qa tawicu en iyaihdaške kta:

8 Qa henaoca wicacehpi wanjidan kta ce. Hecen hetanhan nonpapi šni, tuka wicacehpi wanjidan.

9 Heon taku Wakantanka yuokonwanjidan kin he ihuhan tuwe yujuju kinhan.

10 Unkan ti mahen yukampi, hehan waonspewicakiye cin he akta wiwangapi.

11 Unkan hewicakiya; Tuwe winohinca ehpekiye ça wanji tokeca yuze cinhan, he wawicahapi ecakicon ece.

12 Qa winohinca wan hihnaku ehpeye ça wanji tokeca hihnaye cinhan, he nakun wawicahapi econ ece.

13 Hehan hokšioqopa en awicahipi, wicayutan kta heon; tuka waonspewicakiye cin tona awicaupi kin iyowicakipišni.

14 Tuka Jesus he wanyaka, hehan nina iyokišice ça hewica-

MARKOS.

kiya; Hoksiyoqopapi en maupi kta iyowinwicakiya po, qa tehindapi éni po; tona dececapi kin Wakantanka tokiconze kin eepi ce.

15 Awicakehan heciciyapi; Tuwe Wakantanka tokiconze kin hoksiyoqopa iyecen icu éni kinhan he mahen ye kte éni.

16 Hehan poskin wicayuza, qa nape awicaputake ça wicaya-wašte.

17 Unkan canku kin ohna iya-ye cehan, wanji inyang u, qa en canpeška makehde inajin, qa wiwanga; Waonspekiye wašte, wiconi owihanke wanice cin he ohimiciye kta e on taku ecamon kta he.

18 Unkan Jesus heciya; Tokeca wašte emayakiya he; tuwedan wašte éni; Wakantanka isnana.

19 Woahope kin sonyaya; Wawiciahapi econ éni wo, Tinwicakte éni wo, Wamanon éni wo, Woitonéni oyake éni wo, Wawicaki éni wo, Niyate nihun kici wicahduonihan wo.

20 Unkan waayupte ça heciya; Waonspekiye, dena owasin homaksiyopa ehantanhan ecamon ece.

21 Hehan Jesus atonwe cehan waštekidake ça heciya; Taku wanji ninica; hde ça taku duhe cin wiyopeya, qa wahpanicapi kin wicaqu wo, kinhan mahpiya ekta wowijice duhe kta; hehan ku, can susbeca kiçin, qa miham u wo.

22 Unkan oie kin he on iyokisica, qa cante sica hda; taku ota yuha nakaes.

23 Unkan Jesus ihduksan etonwe ça waonspewicakiye cin hewicakiya; Tona watonpike cin hena Wakantanka tokiconze kin en yapi kte cin he tehika ce.

24 Unkan oie kin on waonspewicakiye cin yusinyayapi. Tuka Jesus ake waayupte ça hewicakiya; Hoksiyoqopa, tona wowijice wacinyanpi kin hena Wakantanka tokiconze kin en yapi kte cin he tehike hinca.

25 Wicašta wijica Wakantanka tokiconze kin en ye kta he tehika, qa kamel wan tahinšpaciqadan ohdoka ohna ye kte cin he aoptetu.

26 Unkan heon nina yusinyayapi qa hekiciyapi; Hehan tuwe ni kta he.

27 Jesus awicatonwe ça heya; Wicašta ekta he okihipica éni, tuka Wakantanka ekta hecece éni; Wakantanka ekta taku owasin okihipica ece.

28 Hehan Inyan heciya; Iho, unkiye taku owasin ehpeunyanpi, qa nihakam unyakonpi.

29 Jesus waayupte ça heya; Awicakehan heciciyapi, tawe, miye qa wotanin wašte kin on, tipi qa hunkawanjitku, qa tawinohtin, qa atkuku, qa hunku, qa tawicu, qa cinca, qa makoce ehpeye cinhan;

30 Nakaha wiconi kin de en opawinge akihde icu kta; tipi, qa hunkawanjitkupi, qa tawinohtin, qa hunkupi, qa cincapi, qa makoce ko, wošitkihdapi iyahna; qa wiconi u kte cin he en wiconi owihanke wanica yuhe kta.

31 Tuka wicota tokaheya kin hena ehake unpi kta, qa ehake unpi kin hena tokaheyapi kta.

32 Hehan canku ohna Jerusalem ekta yapi; unkan Jesus wicitokam ya; qa iyepi qes ihakam upi, inihanpi qa kopehdapi. Unkan akes akenonpapi kin iwicacu, qa taku akipe kte cin hena kohan owicakiyaka:

33 Iho, Jerusalem ekta itan-

WICOWOYAKE 11.

wankanhde unyanpi; qa Wicašta Cinhintku kin wošnapi kagapi, wowapi kagapi ko napepi kin en wicaqupi kta; unkan hena te yacopi kta, qa Ikcewicašta kin iyoopta wicaqupi kta :

34 He qe iħabapi kta qa kapsinpeintapi kta, qa atagošapi kta, qa ktepi kta; unkan anpetu icyamni kinhan ake kini kta.

35 Hehan Jakob qa Johannes, Zebede cinhintkupi, en hipi qa heciyapi; Waonspekiye, taku uncinpi kin he ecen ecaunyeconpi kta uncinpi.

36 Unkan, Taku e ecaiconpi kta yacinpi he, ewicakiya.

37 Unkan heciyapi; Nitowitan kin en, wanji nietapa qa unma nicatka tanhan unkiyotankapi kta e unqu po.

38 Tuka Jesus hewicakiya; Taku yadapi kin sdoniyakiyapi šni. Wiyatke etanhan mdatke kte cin he niš yatkan oyakhipi he; qa baptem miye maqupi kte cin he on niš eya niçupi kta oya-kihhipi he.

39 Unkan, Unkokihhipi ce, eciyapi. Unkan Jesus hewicakiya; Awicakehan wiyatke etanhan mdatke cin niš etanhan datkanpi kta; qa baptem maqupi kin he is nakan niçupi kta;

40 Tuka mistapa qa micatka tanhan iyotankapi kin wicaqupi kte cin he miye mitawa šni; tuka tona wiyeya wicakicihnakapi kta.

41 Unkan wikcemna kin he nahonpi qehan, Jakob qa Johannes nina canniyewicayapi.

42 Tuka Jesus wicakico qa hewicakiya; Oyate kin ekta tona itancan unpi kin wowidagwicayapi ece; qa tona tanka unpi kia hena oyate wicayuhapi ece.

43 Tuka niyepi ekta hecece

kte šni; tuka tuwe iyotan tanka yaunpi kta hecinhan, he ookiye duhapi kta :

44 Qa tuwe tokaheya yaunpi kta hecinhan, he owasin wowidagiyapi kta.

45 Wicašta Cinhintku kin hee kaeš waokiyapi kta hi šni, tuka waowicakiye kta, qa wicota opewicakitonpi kta on wiconi tawa ehpeye kta on hi.

46 Unkan Jeriko en hipi; qa Jeriko etanhan oyate ota qa waonspewicakiye cin om hdi-naupa, hehan Bartimeus, Timeus cinhintku, išttagonge ciqon he canku icahda wada iyotanka.

47 Unkan he Jesus Nazareth etanhan hee nahon qehan, hotanin qa heya; Jesus, Dawid Cinhintku, onšimakida wo.

48 Unkan wicota iyokipišni, inina un kta; tuka iye iyotan hotankakiya heya; Dawid Cinhintku, onšimakida wo.

49 Unkan Jesus owanji najin qa kicopi kta, keya; hecen išttagonge cin kicopi qa heciyapi; Čante wašte wo, najin wo, wanna nico ce.

50 Unkan iye šina ehpeya najin hiyaye qa Jesus en hi.

51 Unkan Jesus waayupte qa heciya; Taku ecaicon kta yacin he. Išttagonge cin; Itancan, watonwe kta, eciya.

52 Unkan Jesus heciya; Hda wo, wacinyaye cin he asniniyan ce. Unkan hecehnana tonwe qa canku ohna Jesus ihakam ya.

WICOWOYAKE 11.

1 Unkan wanna Jerusalem ikiyedan hipi, Bethphage qa Bethani hetu, Oliwe Paha kin en, hehan waonspewicakiye cin nom ye wicaši;

2 Qa hewicakiya; Otonwe iyo-

takons yanke cin en ya po; unkan wanna en yaipi kinhan, hehan súkcinca wan, tohinni wicašta akan iyotanke šni, he iye-yayapi kta; yukcapi qa aku po.

3 Qa tuwe, Taku on hecanonpi he, eniciyapi kinhan, Itancan kin cin ce, eya po. Unkan hecehnana au nišipi kta.

4 Unkan ekta iyayapi, qa canku nonpa ipawehi wanka, tiyopa wan en súkcinca kin kaška najin iyeyapi; hecen kiyukcapi.

5 Unkan hen najinpi kin wanjikji, Tokeca súkcinca kin dukcapi he, ewicakiyapi.

6 Unkan Jesus econ wicaši qon he ohna ewicakiyapi: hecen iyowinwicakiyapi.

7 Hehan súkcinca kin Jesus kahiipi; qa tawokoyake akan ehna-kapi; unkan iye akan iyotanka.

8 Unkan wicota canku ohna tawokoyake kin owinšyapi; qa apa can kin etanhan adetka kaksapi, qa canku ohna ehpeyapi.

9 Unkan tona tokaheyapi qa tona ihakam upi kin hena hotaninpi qa heyapi; Osanna, tuwe Itancan caje on u kinhan, he yawaštepi ce.

10 Dawid ateunyanpi tokiconze Itancan caje kin on u kin he yawaštepi: Osanna iyotan tehan wankantu.

11 Unkan Jesus Jerusalem en ye ça, tipi wakan kin en iyaya; qa wanna taku owasin ekta etonwe ça, hitayetu aya, hehan akenonpapi kin om Bethani ekta kihda.

12 Unkan ihanñanna Bethani etanhan kupi, hehan wotektelhda.

13 Qa itehan suken can wan ape yuke cin he wanyaka, he en hi, okinni en waskuyeca iyeye kta; tuka en hi qehan takudan iyeye šni, ape cecedan; suken icage kta hinahinke šni.

14 Unkan Jesus waayupte ça heciya; Detanhan tuwedan waskuyeca enitanhan yute kte šni, owihanke wanica. Unkan waonspewicakiye cin he nahonpi.

15 Hehan Jerusalem en hiipi; unkan Jesus tipi wakan kin en i, qa tona tipi wakan kin ohna wiyopeyapi qa wopetonpi kin hena tankan iyewicaya, qa mazaska tokiyopeyapi ahna econpi kin ahdapsinyan ehpeya, qa wakiyedan iyopeyapi can akan iyotan-kapi hena koya:

16 Qa tipi wakan kin ohna tuwe cega yuhe kta iyowinwicakiye šni.

17 Unkan wowicakiyake ça hewicakiya; Wati kin he oyate owasin on wocekiye tipi eciyapi kta ce, eya wowapi en kagapi šni he; tuka niye wamanon sa otipi kin yakagapi ce.

18 Wošnapi kagapi qa wowapi kagapi kin he nahonpi, unkan token ihangyapi kta akitapi; kokipapi, wicašta owasin ta-woonspe kin on yušinyayapi nakaes.

19 Unkan wanna hitayetu hehan otonwe kin etanhan tankan iyaya.

20 Unkan ihanñanna en hiyayapi hehan suken can kin wanna hute hehanyan šnija e wanyakapi.

21 Unkan Inyan he kiksuye ça heciya; Itancan, wanyaka wo, suken can dašice ciqon he wanna šnija.

22 Unkan Jesus waayupte ça hewicakiya; Wakantanka wacinyanpi kin he yuha po.

23 Awicakehan heciciyapi; Tuwe paha kin de, Tokan iyaye ça miniwanca kin en iyohpaya wo, eciye ça, cante kin en ce-ťunhda šni, qa taku tona eye cin hena hecetu kta e wicada

WICOWOYAKE 12.

kinhan; he taku eye cin hena eecen yuhe kta.

24 Heon etanhan heciciyapi; Ceyakiyapi eca taku tona yacinpipi kin hena iyacupi e wicada po, kinhan hena duhapi kta.

25 Unkan cekiya nayajinpi kinhan, tawe taku on yeksuyapi kinhan kicicajuju po; hecen Ateyayapi mahpiya ekta yanke cin he wayahtanipi kin nicicajujupi kta.

26 Qa nis wayecicajujupi sni kinhan, nakun Ateyayapi mahpiya ekta yanke cin wayahtanipi kin nicicajujupi kte sni.

27 Unkan ake Jerusalem en hdipi; qa tipi wakan kin ohna mani un qehan, wošnapi kagapi wowapi kagapi wicahincapi koya en hipi;

28 Qa heciyapi; Taku wowaśake on dena taku kin ecanon he; qa tuwe dena econ nisi, qa hecen ecanon he.

29 Unkan Jesus waayupte ca hewicakiya; Miś eya taku wanji iciwangapi kta, amayupta po, kinhan wowaśake tukte e on dena ecanon kin ociciyakapi kta.

30 Johannes baptem wicaqu qon wicohan kin he mahpiya eciyatanhan, qa is wicaśta eciyatanhan, unma tukte he; ama-yupta po.

31 Unkan hdokinicapi qa hekiciyapi; He mahpiya eciyatanhan, unkeyapi kinhan, hehan; Tokeca wicayadapi sni he, eye kta.

32 Tuka, He wicaśta akantu eciyatanhan, unkeyapi kinhan, oyate kin kowicunkipapi; wicaśta owasin Johannes wicaśta wokcan kin heca keciapi.

33 Unkan waayuptapi qa Jesus heciyapi; Sdonunyanpi sni. Unkan Jesus waayupte ca hewicakiya; Miś eya wowaśake tukte

e on dena eeamon kin he nakun ociciyakapi kte sni.

WICOWOYAKE 12.

1 Hehan wiyacinpipi on wowicakiyaka; Wicaśta wan hastanhanka iyuwi wojupi wan oju, qa ohomni natake ca, minisa iyuskiye wan en qe ca, cowahe tehan wankantu wan kaga; qa kicanyanpi kte cin owicaqu, qa makoce wan tokeca ekta icimani iyaya.

2 Qa wanna iyehantu qehan taokiye wan kicanyanpi kin ekta ye si, kicanyanpi kin etanhan hastanhanka ojupi kin waskuyeca icu kte cin heon etanhan.

3 Unkan he yuzapi, qa apapi, qa cokadan hde sipi.

4 Unkan ake taokiye wanji tokeca ekta ye si; tuka e qe inyan on kininpi, qa pa kahdecapipi, qa tehiya kuwapi hde sipi.

5 Unkan ake wanji tokeca ekta ye si; qa he qe ktepi: unkan nakun wicota, hunh awicapapi qa hunh wicaktepi.

6 Hehan cinhintku wanjidan wastekidake cin he hinahin hduha; unkan he ehake ekta ye si, qa; Micinksi yuonihanpi kta ce, eya.

7 Tuka kicanyanpi kin hekiciyapi; Tawa kte cin he dee; iho po, unktepi kta; hecen he unkitawapi kta ce.

8 Unkan hecen yuzapi qa ktepi, qa wojupi kin etanhan tankan ehpeyapi.

9 Heon hastanhanka ojupi yuhe cin he taku econ kta he. En hi qa kicanyanpi kin hena ihangwicaye kta, qa hastanhanka ojupi kin wicaśta tokeca owicaqu kta.

10 Wowapi kin de dawapi sni he; Ticagapi inyan wan ehpe-

MARKOS.

yapi qon he oise en pa icaga ce.

11 He Itancan kin econ, qa unkištapi kin en taku wowinihan.

12 Hehan yuze wacinpi, tuka oyate kin kowicakipapi; wiya-cinpi kin de iye wicaka e heya sdonyapi. Unkan ehpeya kihdapi.

13 Hehan Pharisee qa Herodian etanhan wanjikji ekta ye wicašipi; taku eye cin on yuzapi kta.

14 Unkan hena en hipi qehan heciyapi; Waonspekiye, iewicayaka qa tuwedan koyakipe šni sdonunyanpi; wicašta tancan ekta eyatonwe šni ece, tuka awicakehan Wakantanka tacanku kin odaka ece; Kesar wannayanpi qupi kta iyececa he.

15 Unqupi kta, qa iš unqupi kte šni he. Tuka iye wohnye hduhapi sdoney e hewicakiya; Tokeca iyutanmayayapi he. Kašpapidan wanji makau po, wanmdake kta ce.

16 Unkan kahipi. Hehan hewicakiya; Wicite qa wowapi kin de tuwe tawa he. Unkan, Kesar tawa ce, eciyapi.

17 Hehan Jesus waayupte e; Kesar taku tawa kin kicu po; qa Wakantanka taku tawa kin kicu po, ewicakiya. Unkan heon inihanpi.

18 Hehan Saddukee kin, piya iwicacage kte cin wanica keyapi, hena etanhan en hipi; qa wiwangapi qa heyapi;

19 Waonspekiye, Moses wowapi unkiagapi, wicašta wan tawicu ehpeya te e, cinca nice cinhan, sunkaku winohinca kin he hduze kta, qa cinca qon cinca kicage kta ce.

20 Hunkawanjinkiciyapi šakowin; unkan tokapa kin winohinca wan yuze e, cinca codan e.

21 Hehan iyokihe kin he hduze e nakun e, qa cinca nica; unkan iyamni kin iš nakun.

22 Unkan ecen šakowinpi kin hduzapi, qa cinca nicapi: ehake winohinca kin iš eya e.

23 Hecen piya iwicacage cin en inajinpi kinhan, wanji tukte tawicuyapi kta he: šakowin hduzapi tuka.

24 Unkan Jesus waayupte e hewicakiya; Wowapi wakan kin sdonyayapi šni, qa nakun Wakantanka towašake kin, heon yanunipi.

25 Wiconte etanhan piya wicoicage kinhan tawicu tonpi šni qa hihnaku yuhapi šni; tuka mahpiya ekta ohnihde unpi kin iyececepi.

26 Unkan tona tapi kin hena piya icagapi kta, on Moses tawowapi kin en dawapi šni he; can opamna etanhan Wakantanka okiye e heya; Abraham Wakantanka tawa, qa Isaak Wakantanka tawa, qa Jakob Wakantanka tawa kin he miye ce.

27 Wicašta tapi kin Wakantanka tawapi šni, tuka ni unpi kin Wakantanka tawapi: heon etanhan šogya yanunipi.

28 Hehan wowapi kagapi wanji en hi, qa akinicapi kin nahon, qa tanyan awicayupta iyukan heon etanhan, Woahope tokaheya kin tukte e he, eya iwan-ga.

29 Unkan Jesus ayupta; Israel nahon po, Jehowa Wakantanka unkitawapi kin he Itancan wanjidani, woahope owasin tokapa kin hee ce.

30 Unkan Jehowa Wakantanka nitawa kin he nicante ocowasin on, qa ninagi ocowasin on, qa nitawacin ocowasin on, qa nitowašake ocowasin on,

WICOWOYAKE 13.

wasteyakidake kta ce; woahope tokaheya kin hee.

31 Qa inonpa kin he he iyececa; Nikiyedan un kin he miye inihdacin wasteyadake kta. Woahope dena isanpa tanka wanica.

32 Unkan wowapi kage cin he heciya; Han, Waonspekiya, wowicake ecen eha, Taku wakan wanjidan, qa icunonpa tanhan wanica.

33 Qa wicacante ocowasin on, qa wicetawacin ocowasin on, qa wicanagi ocowasin on, qa wicowafake ocowasin on wastedakapi, qa wicikiyedan unpi kin wiciye ihdacin wastewicadapi kin, peta on wotnapi qa ikce wotnapi owasin, he isanpa tanka ece.

34 Unkan he wacinkesmya auypta Jesus wanyaka, hehan heciya; Wakantanka tokieonze kin itehan yaun sni. Unkan hetanhan tuwedan sanpa wiwanga tawatenge sni.

35 Hehan Jesus tipi wakan kin ohna wowicakiyaka icunhan waayupte ca heya; Wowapi kagapi kin Messiya he Dawid Cihintku ce, tokeca heyapi he.

36 Dawid iye qe Woniya Wakan ca heya; Itancan kin Itancan mitawa heciya; Mista pa ekta iyotanka wo, tona tokaniyanpi kin hena sila oahé nitawa kin wakage kta hehanyan.

37 Heon etanhan Dawid iye qe Itancan eciya; hecen token cincaya he. Unkan oyate ikceka kin wiyuskinyan nahonpi.

38 Unkan wowicakiyaka icunhan hewicakiya; Wowapi kagapi kin kowicakipa po, hena wokoyake hanakaska kicun wastedakapi, qa wopeton tipi kin ohna owicakiyapi kta nakun:

39 Qa emnaciye tipi kin en oi-

yotanke tokapapi, qa wotapi kin en oyanke wasteste kin:

40 Hena e wiwazica tipi kin temyapi, qa ihdutaninpi on wocekiye hanaka eyapi ece: hena woyaco iyotan tanka yuhapi kta.

41 Unkan Jesus mazaska opiye kin iyotakons iyotanka, qa token oyate kin mazaska opiye kin en, mazaska ehpeyapi kin he wanyaka. Unkan wicota wijicapi kin hena odota en ehpeyapi.

42 Unkan wiwazica wahpanica wan en hi, qa mazasa onspadan nem en ehpeya, he mazasa wanjidan yawapi.

43 Unkan waonspewicakiye cin hena wicakico qa hewicakiya; Dena owasin mazaska opiye kin en ehpeyapi, tuka wiwazica wahpanica kin de owasin isanpa en ehpeya, awicakehan eciciyapi.

44 Dena owasin taku ota tonpi kin eciyatanhan en ehpeyapi ece; tuka iye qe nice cin etanhan taku yuhe cin ocowasin en ehpeya, en ni kte cin ocowasin.

WICOWOYAKE 13.

1 Unkan tipi wakan kin etanhan kina pa hehan waonspewicakiye cin wanji heciya; Waonspekiya, inyan tankinyanyan kin dena, qa tipi kagapi kin dena wanyaka wo.

2 Unkan Jesus waayupte ca heciya; Tipi tankinyanyan kin dena owasin wandaka he. Inyan wanji inyan itakihna wanke kte sni, owasin jujuwabe kta.

3 Unkan Oliwe Paha kia akan iyotanka, tipi wakan kin iyotakons, hehan Inyan qa Jakob qa Johannes qa Andrew nahimana wiwangapi;

4 Toban hena hecetu kta he, qa dena owasin iyece tu kta e

wowapetokeca tukte e hecinhan, unkokiyaka po.

5 Unkan Jesus waayupte ça hewicakiya ; Iwanihdaka po, ukinni tuwe nihnayampi kta.

6 Wicota micaje on hipi qa ; He miye ce, eyapi kta, qa wicašta ota wicahnayampi kta.

7 Unkan tohan wicokicize qa kicizapi kta oyakapi kin nayahonpi kinhan, nihinciyapi šni po : hena hecetu kta, tuka owihanke kin hinahinke šni.

8 Oyate wan oyate tokeca on najin kta, qa wokiconze wan wokiconze tokeca on ; qa tuktekten maka škanškan yuke kta, qa wicaakihan qa wicokicize yuke kta. Dena wicoiyokišice tokaheya kin ee.

9 Tuka iwanihdaka po ; omniciye tanka kin en aniyampi kta ; qa omniciye tipi kin ohna nicaštakapi kta ; qa miye on wicašta itancanpi wicaštayatapı ko en aniipi kta, owicayakapi kta heon.

10 Tuka tokaheya wotanin wašte kin he oyate owasin owicakiyakapi kta.

11 Tuka tohan aniyampi qa wicanicupi kinhan, itokam taku ehapi kta awacinpi šni po, qa on cante šicapi šni po ; tuka wihiyayedan oape kin he en taku ničupi kin he ohna eya po ; eye kte cin he niyepi šni, tuka Woniya Wakan kin hee kta.

12 Hunkawanjinkiciyapi wiconče en kicičupi kta, qa wicašta wan iye cinca nakun ; qa wicacinca inajinpi kta qa hunkakewicayapi kin tewicayapi kta.

13 Unkan miye on owasin šicenedapi kta ; tuka tuwe owihanke kin hehanyan ope cinhan he ni kta.

14 Tuka tohan wošice woihangye, Daniel wicašta wokcan cajeyate cigon, tukten najin

kta iyecece šni, hen wandakapi kinhan, tuwe yawa kinhan okahinige kta, hehan tona Juda makece kin en unpi kin he kin ekta najicapi kta :

15 Qa tuwe tipi akan yanke cin he kun ku, qa timahen tanhan takudan ehdaku kte šni :

16 Qa nakun tuwe magata un kinhan, wokoyake ehdaku kta on hdicu kte šni.

17 Tuka anpetu kin hena en tona ihdušakapi qa hokšiyocopa azinwicakiyapi kin hena tehiya unpi kta.

18 Unkan waniyetu icunhan nayapapi kte šni e icekiya po.

19 Anpetu kin hena en wicokakije yuke kta, tokaheya Wakantanka taku kage cin ehan-tanhan, qa dehanyan takudan iyecece šni, qa nakun tokata ekta iyecece kte šni.

20 Unkan Itancan kin anpetu kin hena yuptecedan šni kinhan, wicacehi takudan ni kte šni ; tuka wicakahngapi tona wicakahnige cin hena on anpetu kin hena yuptecedan.

21 Unkan behan tuwe ; Iho, Messiya hen yanka ce, qa iš ; Kan yanka ce, eniciyapi ešta, wicadapi šni po.

22 Messiya itonpišni qa wicašta wokcan itonpišni kin heca ica-gapi kta, qa wowapetokeca taku wowinihan ko econpi kta, okihipica unkanš wicakahngapi kin hena eepi kaes wicahnayanpi kta tuka.

23 Tuka iwanihdaka po ; iho, itokam hena ociciyakapi.

24 Tuka anpetu kin hena en, wicokakije kin iyohakam, anpetu wi kin aotpasyapi kta, qa hanyetu wi kin iyoyanpa kte šni ;

25 Qa mahpiya wicanhi kin hinhpaye kta, qa mahpiya ekta wowašake kin yuhuzapi kta.

WICOWOYAKE 14.

26 Unkan hehan Wicašta Cinhintku kin wowašake tanka wowitzan ko hduha małpiya šapa akan u wandakapi kta.

27 Unkan hehan ohnihdewicaye cin hena ye wicaši kta, qa tate ouye topa kin etanhan, maka ihanke kin etanhan qa małpiya ibanke kin hehanyan, wicakałnige cizon hena witaya wicakpahi kta.

28 Suken can kin etanhan wiyacimpi kin de okałniga po: Can iutpa kin hinałin wankadan, qa etanhan ape icage cinhan, hehan mdoketu wanna ikiyeddan sdonayayapi ece.

29 He iyececa, niš tohan dena owasin iyecetu wandakapi kinhan, wanna ikiyeddan, tiyopa kin etu, e sdonya po.

30 Awicakehan heciciyapi, wicoicage kin de token iyaye šni, eecen dena owasin econpi kta.

31 Małpiya maka ko token iyaye kta, tuka mioie kin hena token iyaye kte šni.

32 Tuka anpetu kin he, qa wihiyayeddan oape kin he tuweddan sdonye šni, małpiya ohnihde kin heepi kaes, qa nakun Cinhintkuyapi kin; tuka Ateyapi kin ecedan sdonya.

33 Iwanihdaka po, wakta unpi qa cekiya po; tohan iyehantu kte cin sdonayayapi šni nakaes.

34 Wicašta wan icimani ye kte cin, tipi ehpeye ca taokiyewicaye cin taku econ wicaši, otoiyohi wicołhan wicaqu, qa tiawan-yake cin he awanyake ši, he iyececa.

35 Heon etanhan waktaya un po; tipi ohna itancan kin tohan hdi kta sdonayayapi šni, łitayetu, qa hanye cokaya, qa anpaohoton-na hoton, qa iš hanłanna kinhan.

36 Okinni ihnuhanna hdi kinhan ništinmapi iyeniyampi kta.

37 Unkan taku eciciyapi kin he owasin ewicawakiya ece, Waktaya un po.

WICOWOYAKE 14.

1 Anpetu nonpa iyohakam hehan woacakšin qa aguyapi napołyapi šni: Unkan wošnapi kagapi wowapi kagapi ko token hnayan yuzapi kta akitapi, ktepi kta e heon.

2 Tuka heyapi; Wošnapi anpetu kin hehantu kte šni; okinni oyate kin owodutaton kta.

3 Unkan Bethani etu, Simon lepros ececa qon he ti kin en wota iyotanka, hehan winołinca wan inyan opiye wan wihdi waštemna tełike łinca he yuha hi, qa opiye kin yułdoke ca iye pa kin akaštan.

4 Unkan hen wanłikji cante mahen iyokipipi šni qa heyapi; Tokeca wihdi waštemna kin hecen yutakunipi šni he.

5 Wihdi waštemna kin de kašpapi opawinge yamni sanpa iyo-peyapi qa wałpanica wicaqupi kta tuka. Hecen winołinca qon icaptapi.

6 Unkan Jesus heya; Ayuštan po; tokeca nagiyeyayapi he. Wicołhan wašte wan ecamicon.

7 Wałpanicapi kin ohinniyan wicayahduhapi, qa tohan yacimpi kinhan tanyan ecawicayecompi kta oyakihipi; tuka miye ohinniyan mayaduhapi šni.

8 Taku okihi kin eecen econ; mitancan łapi kte cin on itokam sdaye kta on hi.

9 Awicakehan heciciyapi; Maka kin owancaya tukten wotanin wašte kin de oyakapi kinhan, winołinca kin de nakaha taku econ kin he oyakapi kta, wokiksuye kta e heon.

10 Unkan Judas Iskariot, ake-

MARKOS.

nonpapi kin wanji ee, woŋnapi kagapi kin ekta ya, he hnayan wicaqu kta heon.

11 Unkan he nahonpi qehan wiyuŋskinpi, qa mazaska qupi kta keciyapi. Unkan token tanyan hnayan wicaqu kta he akita.

12 Unkan aguyapi napohye ŋni anpetu tokaheya en woŋna ktepi ece kin hehantu, waonspewicakiye cin heciyapi ; Tukten woacakŋin woŋnapi yate kta wiyeya eunhnakapi kta yacin he.

13 Unkan waonspewicakiye cin nom ye wicaŋi, qa hewicakiya ; Otonwe kin en ya po, kinhan wicaŋta wan mini ohna wakiŋkotpa wan qin itkonicipapi kta, he ihakam ya po.

14 Qa tukte en tin kihde cinhan, tipi tawa kin heciya po ; Waonspekiye cin heya ce ; Wankan tipi kin tukten waonspewicawakiye cin om woŋnapi kin wate kta tukte e he.

15 Unkan wankan tipi wan tanka, tanyan yuŋtanpi qa wiyeya yanka, nicipazopi kta ; hen wiyeya eunkicihnaka po.

16 Unkan waonspewicakiye cin iyayapi, qa otonwe kin en ipi, qa token ewicakiye cin hecen iyeyapi ; unkan woŋnapi kin wiyeya ehnakapi.

17 Unkan wanna hitayetu hehan akenonpapi kin om en hi.

18 Unkan wota iyotankapi icunhan Jesus heya ; Awicakehan heciciyapi ; Mici wayatapi kin wanji wiyopemayayapi kta.

19 Hehan iyokiŋŋica hinhdapi, qa otioyohi heciyapi ; He miye he ; qa ake wanji, He miye he, eyapi.

20 Unkan hewicakiya ; Akenonpapi kin etanhan wanji wakŋica ohna mici oputkan kin hee ce.

21 Wicaŋta Cinhintku kin awi-

cakehan token wowapi en kagapi qon he iyecen iyoopta ya, tuka wicaŋta kin tuwe Wicaŋta Cinhintku kin wiyopeye cinhan, he wotehi yuhe kta ; wicaŋta kin he tohinni tonpi ŋni unkanŋ waŋte kta tuka.

22 Unkan wotapi icunhan Jesus aguyapi icu, yawaŋte, qa kiyuŋpa, qa wicaqu, qa heya ; Icupi qa yuta po ; mitancan kia he dee.

23 Nakun wiyatke kin icu ; qa yawaŋte hehan wicaqu. Unkan owasin etanhan yatkanpi.

24 Unkan hewicakiya ; Wicotakuye teca kin en, mawe kin he dee, wicota on papsonpi.

25 Awicakehan heciciyapi ; Detanhan wiyuwi waskuyeca etanhan icimana mdatke kte ŋni, anpetu wan en Wakantanka tokiconze kin en teca mdatke kte cin hehayan.

26 Unkan odowan wan ahiyayapi hehan Oliwe Paha kin ekta iyayapi.

27 Hehan Jesus hewicakiya ; Hanyetu kin de miye on iyuhpa nihicahanpi kta ; kaken wowapi en kagapi qon, Waawanhdake kin he awape kta, hecen taŋinca wanunyanpi kin mdecahanpi kta ce.

28 Tuka ake wakini iyohakam, Galile ekta nitokam imdamde kta.

29 Tuka Inyan heciya ; Owasin hicahanpi eŋta, miye qe ecamon kte ŋni.

30 Unkan Jesus heciya ; Awicakehan heciciya ; Anpetu kin de, hanyetu kin de en, anpaohotonna nonpa hoton ŋni, ecen yamni akihde anamayakiŋbe kta.

31 Hehan iyotan nina kitan hinca ; Cicimaŋta eŋta anaciciŋbe kte ŋni. Iyuhpa nakun iyecen eyapi.

32 Unkan wojupi wan en ipi, Gethsemane eciyapi; hehan waonspewicakiye oin hewicakiya; Den iyotanka po, icunhan cewakiye kta.

33 Unkan Inyan qa Jakob qa Johannes hena iwicacu, hehan inihan qa nina iyokišica hinnda;

34 Qa hewicakiya; Minagi nina iyokišice hinca, maŕe kta iyececa; den yukanpi qa waktaya un po.

35 Unkan hetanhan kitan ecinyan iyoopta ye a, makata ihpaye a cekiya, okihipica kinhan, wihiyayedan oape kin he token iyaye kta.

36 Unkan heya; Abba, Ate, niye ekta taku owasin okihipica; wiyatke kin de emiciyaku wo; tuka miš taku wacin kin hee kte šni, taku yacin kin he hecetukta.

37 Hehan en hdi, qa ištinnapi iyewicaya, unkan Inyan heciya; Simon ništinnma he; wihiyayedan oape wanjidan kiktahan yaun kta oyakihi šni he.

38 Kiktahan unpi qa cekiya po; okiinni taku wawiyutanyan un kin en yaipi nun ce; wicnagi kin he awicakehan wicada, tuka wicacehi kin wašake šni.

39 Unkan ake iyaye a cekiya, qa wicoie un qon hena ake ecen eya.

40 Unkan ake en hdi qehan, ake ištinnapi iyewicaya, išta h̄bapi hinca, unkan token ayutpapi nun tanin šni.

41 Unkan iciyamni en hdi, qa hewicakiya; Ištinnma po qa oziiciya po; wanna henakeca, wihiyayedan oape kin wanna iye-hantu; wanyaka po, Wicašta Cinhintku kin wahtanipi sa nepi kin en hnayan wicaqupi.

42 Najin po, unyanpi kta; iho, tuwe mahnyae cin he wanna kiyedan u ce.

43 Unkan ecahankeya, iahan icunhan, Judas hi, akenonpapi kin wanji ee, qa kiei wicota hinca, mazasagye can oŕoza ko yuhapi, wošnapi kagapi, wowapi kagapi, qa wicahincapi kin etanhan upi.

44 Unkan tuwe hnayan wicaqu kte cin he iwaktawicaye a; Tuwe i iwaputake cinhan hee kta; yuzapi qa tanyan akiyahda po, eya.

45 Unkan en hi qehan, ecahankeya en ye a, Itancan, Itancan, eciye a, i itputaka.

46 Hehan nape ahnakapi qa yuzapi.

47 Unkan wanji en najinpi kin mazasagye ehdaku, qa wošnapi kagapi itancan taokiye wanji ape a noge bašpa.

48 Unkan Jesus waayupte a hewicakiya; Wamanon sa takpe hipi iyececa, mazasagye can oŕoza ko yuha mayaduzapi kta on yahipi he.

49 Anpetu eca tipi wakan kin ohna ocipapi qa waonspekiya waun, tuka mayaduzapi šni; tuka wowapi wakan kin yuecetupi kta.

50 Hehan owasin ehpeya najicapi.

51 Unkan koška wan ihakam ya, tancodan un tuka minihuha ska tancan iyakipemani. Unkan koškapi kin hena yuzapi:

52 Hehan minihuha ska kin he ehpeya, qa tancodan kihda.

53 Unkan Jesus wošna kagapi itancan kin ekta ayapi; qa hen wošnapi kagapi, wicahincapi, wowapi kagapi ko owasin mniciyapi.

54 Unkan Inyan itehan ihakam u, qa wošna kagapi itancan ti kin en hi; qa ookiyewicayapi kin om iyotanke a peta kin en cosiciya.

55 Unkan woŋnapi kagapi qa omniciye ocowasin tuwe Jesus on taku oyakapi kta odepi, ktepi kta e heon, tuka takudan iyeyapi ŋni.

56 Wicota itonŋniyan woŋakapi, tuka taku oyakapi kin ocitkonze ŋni.

57 Hehan wanjikji inajinpi, qa itonŋniyan taku iyaonpapi, qa heyapi;

58 Unkiye, Tipi wakan nape on kagapi kin de ihangwaye kta, qa anpetu yamni hehan wanji tokeca nape codan kagapi kin he wakage kta ce, eya naunhonpi ce.

59 Tuka is eya taku oyakapi kin ocitkonze ŋni.

60 Hehan woŋna kagapi itancan kin wicacokaya inajin, qa Jesus iwange a; Dena taku iyanionpapi kin takudan adupte ŋni he, eya.

61 Tuka iye inina un qa takudan ayupte ŋni. Ake woŋna kagapi itancan kin wiwange a heciya; Messiya, Iyotan Waŋte Cinhintku kin he niye he.

62 Unkan Jesus heya; He miye; qa Wicaŋta Cinhintku kin wowasake etapa eciyatanhan iyotanke a, mahpiya ŋapa akan u wandakapi kta ce.

63 Hehan woŋna kagapi itancan kin wokoyake hdupote a heya; Taku on woyakapi sanpa uncinpi kta he.

64 Wayasice cin he niye nayanonpi: token idukanpi he. Unkan owasin, e kta iyececa, yacopi.

65 Hehan wanjikji atagoŋapi qa ite ogekicitonpi, qa apapi qa; Wokcan wo, eciyapi. Unkan ookiye unpi kin is eya nape on apapi.

66 Unkan Inyan ihukuya tipi kin ohna yanka; behan woŋna

kagapi itancan winyan wowidagwicaye cin wanji en hi;

67 Qa Inyan petiŋkan yanka wanyake ehan en etonwe a heya; Qa nis eya Jesus Nazareth kici yaun qon.

68 Tuka anakihbe a heya; Taku ehe cin he sdonwaye ŋni, qa nakun owakaŋnige ŋni ce. Hehan tankan ohanzi hdepi kin ekta iyaya: unkan anpaohotonna wan hoton.

69 Unkan ake wikoŋka wan wanyake a, tona en najinpi kin hewicakiya; De is nakun he-tanhan.

70 Unkan is ake anakihman. Hehan kitan ecinyan iyohakam tona en najinpi kin ake Inyan heciyapi; Awicakehan nis he-nitanhan; Galile wicaŋta heni-ca; qa iyae cin he iyececa ce.

71 Tuka iye wayasice a taku wakan cajeyata; Wicaŋta kin de cajedatapi kin ecaca sdonwaye ŋni ce, eya.

72 Hehan inonpa anpaohotonna kin hoton. Unkan hehan Inyan Jesus taku eciye ciqon; Anpaohotonna nonpa hoton ŋni, yamni akihde anamayakihbe kta ce, wicoie kin he kiksuya. Unkan he awakicin hehan ceya.

WICOWOYAKE 15.

1 Unkan wanna anpao, hehan woŋnapi kagapi qa wicaŋincapi, wowapi kagapi ko omniciye ocowasin om he aiapi, qa Jesus kaŋkapi, qa ekta ayapi qa Pilate lupi.

2 Unkan Pilate wiwanga; Juda oyate Wicaŋtayatapi kin he niye he. Unkan Jesus ayupte a, Niye ecen eha ce, eya.

3 Unkan woŋnapi kagapi kin taku ota iyaonpapi; tuka takudan ayupte ŋni.

WICOWOYAKE 15.

4 Unkan Pilate ake wiwange ca; Takudan adupte s̄ni he; iho, taku ota iyanionpapi ce, eya.

5 Tuka Jesus takudan ayupte s̄ni; hecen Pilate yuŋinyaya.

6 Woŋnapi kin de ekta wica-kaŋkapi wanji wicakiciyukea ece, wanji tukte cinpi kinhan.

7 Unkan wanji Barabbas eciyapi, he tona om inajin qon kaŋkapi yanka, he inajinpi qehan nakun tinwicakte.

8 Unkan oyate kin, token econ ece qon he iyecen eawicakicon kta, panyehan keciyapi.

9 Tuka Pilate awicayupte ca; Juda Wicaŋtayatapi kin he ciciyucapi kta yacinpi he.

10 Woŋnapi kagapi kin winawizipi on kahipi e s̄donya.

11 Tuka woŋnapi kagapi kin oyate kin wahokonwicakiyapi, Barabbas he wicakiyukca kta e heon.

12 Unkan Pilate ake awicayupte ca; Hehan tuwe Juda Wicaŋtayatapi eyakiyapi kin he token eamon kta yacinpi he, ewicakiya.

13 Unkan ake panyehan heyapi; Icipaweŋ okatan wo.

14 Hehan Pilate hewicakiya; Tokeca, taku ŋica econ kin tukte e he. Unkan hehan iyotan nina; Icipaweŋ okatan wo, panyehan eyapi.

15 Unkan Pilate oyate kin iyokipiwicaye kta cin, heon Barabbas wicakiciyukca, qa Jesus kapsinpsinta hehan icipaweŋ okatanpi kta wicaqu.

16 Unkan akicita kin tipi wan tanka, Pretorium eciyapi, he ekta ayapi; qa wicobe ocowasin wicakicopi.

17 Unkan ŋina duta wan inkiyapi, qa wapaha wan wapepeka on kazontapi qa unkiyapi.

18 Qa hehan okiyapi, Iho, Juda Wicaŋtayatapi kin.

19 Qa cedi tanka wan on pa kin en apapi, qa atagoŋsapi, qa canpeŋka makehde inajinpi, qa obodapi.

20 Unkan hecen ihaŋhapi, hehan ŋina duta kin ikicicupi, qa iye tawokoyake qon ake kiŋunki-yapi. Hehan icipaweŋ okatanpi kta e ekta ayapi.

21 Unkan Simon, Kurene wicaŋta, en hiyaya, he Alexander qa Ruphus atkuku kin, makoce kin etanhan u kin he can susbeca tawa kin kiciŋkiyapi.

22 Unkan Golgotha owanka kin en ahipi, he, Wicapahu makoco, eyapi kin he kapi.

23 Unkan miniŋa pejihuta icahiyapi kin he yatke kta e qupi; tuka wicada ŋni.

24 Unkan wanna icipaweŋ okatanpi, hehan tawokoyake qon kicipamnpi, qa on oeconna econpi, wicaŋta otoyohi taku icupi kta.

25 Unkan wanna wihiyayedan oape yamni, hehan icipaweŋ okatanpi.

26 Unkan taku iyaonpapi wowapi iwankam owapi kin, JUDA WICAŋTAYATAPI KIN, hee.

27 Unkan kici wamanon sa nom icipaweŋ owicakatanpi, wanji etapa eciyatnanhan, qa unma catka eciyatnanhan.

28 Hecen wowapi kagapi qon yuacetupi; Qa waŋtanipi sa om yawapi ce, eya.

29 Unkan tona en hiyayapi kin hena yaŋicapi, poptanptanpi qa heyapi; Iho, tipi wakan kin ihangyaye kta, qa anpetu yamni ake piya yakage kta:

30 Ito, niŋciya wo, qa cansusbeca kin etanhan kun ku wo.

31 Nakun woŋnapi kagapi kin ihaŋhapi, qa wowapi kagapi om iye iyakitedan hekiyapi; Wi-

MARKOS.

casta tokeca niwicaya ece, tuka iye atayedan niiciye kta okihi sni.

32 Messiya Israel Wicasta-tapi kin, ito cansusbeca kin etanhan kun hdicu kta, hecen wanunyakapi qa wicaundapi kta. Unkan tona kici icipaweh owicakatanpi qon is eya ihaapi.

33 Unkan wihiyayedan oape isakpe, hehan maka kin owancaya otpaza, oape inapcinwanka hehayan.

34 Qa wihiyayedan oape inapcinwanka, hehan Jesus hotankakiya panyehan; Eloï, Eloï, lama sabakthani, eya: Wakantanka mitawa, Wakantanka mitawa, tokeca ehpemayaya he, eyapi kin he kapi.

35 Unkan en najinpi wanjikji he nahonpi qehan heyapi; Iho, Elias kipan.

36 Unkan wanji inyang ye ca, mini iyuhepe wan miniskuya en oputkan, qa can icam yatkekiye kta, qa heya; Hinnakahan po, Elias kun eyaku kta on hi kinhan wanunyakapi kta.

37 Unkan Jesus hotankakiya hotanin, qa taniya hiyuya.

38 Unkan tipi wakan cokaya ozanpi qon he owangya okinahdece ca, wankan tanhan qa kun ihanke kin aiyahdeya.

39 Unkan akicita opawinge wicayuhe cin iyotakons najin, he hecen pan qa taniya hiyuya wan-yaka, hehan heya; Awicakehan wicasta kin de Wakantanka Cinhintku kin hee.

40 Nakun winohinca itehan tanhan wanyag yukanpi; Mary Magdalene, qa Mary, Jakob cistinna qa Joses hunku kin, qa Salome, hena opapi.

41 Galile en un qon he ehan ihakam unpi qa okiyapi ece kin hena eepi, qa nakun winohinca

toktokeca kici Jerusalem en hipi qou.

42 Unkan wanna htayetu, Ihduwiyeyapi kta anpetu, anpetu wakan kin itokam anpetu kin hee, heon,

43 Joseph, Arimathea etanhan, woope aiekiyapi owotanna, qa nakun Wakantanka tokiconze kin ohinniyan ape un kin he u, qa waditagya Pilate en ye ca, Jesus tancan kin kida.

44 Unkan wanna ta hecinhan Pilate yusinyaya; heon akicita opawinge wicayuhe cin he kico, qa wanna wanakaja tanhan ta hecinhan he iwanga.

45 Unkan akicita opawinge wicayuhe cin he ecen okiyaka, hehan tancan kin Joseph qu.

46 Unkan he minihuha ska wašte opeton, qa tancan kin kun eyaku, qa minihuha ska kin iyapemni, qa wicahapi ohdoka wan imnija en kagapi, he en ohnaka, qa inyan tanka wan wicahapi ohdoka i kin en eonpa.

47 Unkan Mary Magdalene qa Mary Joses hunku kin hena tukten hnakapi kin he wanyakapi.

WICOWOYAKE 16.

1 Unkan anpetu wakan kin wanna owihapke, hehan Mary Magdalene, qa Mary Jakob hunku, qa Salome hena tancan kin sdayapi kta on pejihuta wastemna aupi:

2 Unkan anpetu tokaheya hanhanna hinca, wicahapi ohdoka kin en hipi, wanna wi hinanpa hehantu.

3 Unkan hekiciyapi; Tuwe wicahapi ohdoka i kin etanhan inyan kin yutokan iyeunkiciciyap kta he.

4 Unkan ekta etonwanpi, hehan inyun, inyan kin wanna yutokan iyeyapi; he tanka hinca.

WICOWOYAKE 16.

5 Unkan wicañapi oñdoka kin mahen ipi, hehan koška wan etapa eciyatanhan iyotanka, woyake ska hanska koyaka, he wanyakapi; unkan yuśinyayapi.

6 Tuka iye hewicakiya; Inuhan niyuśinyayapi kinhan; Jesus Nazareth etanhan, icipaweñ okatanpi qon he oyadepi; wanna ihduekicetu; den wanke śni; tukten hnakapi qon he wanyaka po.

7 Tuka niś hda po, qa waonspewicakiye cin, qa Inyan nakun, nitokam Galile ekta ye kta, heciya wanyahdakapi kta, eniciyapi qon iyececa, he owicakiyaka po.

8 Unkan hecen koyahanna hdi-cupi, qa wicañapi oñdoka kin etanhan najica kihdapi; nina cancanpi qa yuśinyayapi; qa tuwedan takudan eciyapi śni, inihanpi nakaes.

9 Unkan anpetu wakan anpetu tokaheya hanhanna hinca, Jesus ihduekicetu hehan, Mary Magdalene, etanhan taku wakan śica śakowin ehpekiciye ciqon, he tokaheya en taniniçiya.

10 Hehan iye hde ça, tona om un qon iyokiśicapi qa ceya yukanpi kin owicakiyaka.

11 Unkan hena, wanna kini, qa he wanyaka keya ohdaka nahonpi esta, wicadapi śni.

12 Hehan iyohakam etanhan wicašta nom makoce ekta ici-

mani yapi, hehan icunhan en taniniçiya.

13 Hena unmapi kin hośi wicakapi, tuka nakun wicadapi śni.

14 He iyohakam akewanjipi wota iyotankapi icunhan en taniniçiya, qa wacetunhdapi qa cante sutapi on iyopewicaya; kini iyohakam tona wanyakapi kin heepi kaeś wicawicadapi śni heon.

15 Unkan hewicakiya; Maka kin owancaya ya po, qa wicašta otoiyohe wotanin wašte kin owicakiyaka po.

16 Tuwe wicada qa baptem qupi kinhan he ni kta; qa tuwe wicada śni kinhan he yacopi kta.

17 Qa tona wicadapi kin hena wowapetokeca dena yuhapi kta; Micaje kin on taku wakan śica tankan ehpeyapi kta; wicaceji tokeca on iapi kta;

18 Sintehda yuwankan icupi kta; qa pejihuta śica yatkanpi esta etanhan itokecapi kte śni; wayažankapi kin nape awicahnakapi kta, kinhan asnipi kta ece.

19 Hecen Itancan kin owicakiya, hehan mahpiya ekta eyakupi, qa Wakantanka etapa eciyatanhan kiyotanka.

20 Unkan hena iyayapi, qa owancaya woyakapi; qa Itancan kin wicohan tanka econwicakiye cin on wicoie kin yucetu ece. Amen.

LUKAS

WOTANIN WAŠTE TAWA.

WICOWOYAKE 1.

1 Taku tona ceṭunhdašniyan wicaundapi kin hena wicota hdaheya oyag utapi ;

2 Tona otokahe ehantanhan išta on wanyakapi qa wicoie oyakapi ece kin hena token un-kokiyakapi qon he iyececa :

3 Heon etanhan miš eya, taku kin hena owasin otokahe hinca ehantanhan tanyan owakañnige cin on, Taku Wakan waštedaka iyotan wašte, hena hdaheya wo-wapi cicage kta iyomakipi.

4 Hecen taku onspeniciyapi qon hena wicakapi e tanyan sdonyaye kta.

5 Herod Juda wicaštayatapi taanpetu kin en wawayušna wan Zacariyas eciyapi, Abia optaye kin hetanhan ; qa tawicu kin iš Aaron cunwinkupi kin etanhan ; unkan he Elisabeth eci-yapi.

6 Hena sakim Wakantanka ito-kam owotanpidan, qa Itancan tawoahope qa wicoope tawa kin owasin omanipi, iyaonpepica šni unpi.

7 Unkan Elisabeth hokšın yuhe šni un, qa hecen cinca nicapi ; unkan sakim wanna kanpi.

8 Unkan iye optaye kin ohna wošna wicoñan kin Wakantanka itokam econ eca,

9 Tipi wakan Itancan tawa kin timahen iyaya eca. waazintonpi econ šipi ece. wošna wicoñan econpi kin eciyatanhan.

10 Unkan waazintonpi icunhan,

oyate kin owasin itankan cekiya hiyeya.

11 Unkan Itancan taohnihde wan en taniničiya, qa wahna azintonpi kin etapa tanhan hina-jin.

12 Unkan Zacariyas he wan-yake ceħan, wacin iyokišice a wakokipe hinca.

13 Tuka ohnihde wakan kin heciya ; Wakokipe šni wo, Zaca-riyas ; wocekiye nitawa kin na-ħonpi ; qa nitawin Elisabeth ho-kšıdan wan niciyuhe kta, unkan he Johannes eya cašyakiton kta.

14 Qa he on wowiyuškin wo-pida ko duhe kta, qa tonpi kin on wicota iyuškinpi kta.

15 Qa iye Itancan kin itokam tanka kta ; qa miniša miniwakan ko takudan yatke kte šni ; qa hunku ikpi kin etanhan Woniya Wakan kin on ojudan kta.

16 Unkan iye Israel cinca kin wicota Itancan Wakantanka ta-wapi kin ekta wicayahomni kta.

17 Qa Elias toksape qa towa-šake kin yuha itokam ye kta, qa atewicayapi cincawicayapi kin kici cante wicayuokonwanjidau, qa wanaħonpi šni kin hena owo-tanna unpi wicoksape kin ekta wicayahomni kta ; qa oyate wan Itancan on ihduštanpi kin wiye-ya kicihnake kta e heon etanhan.

18 Unkan Zacariyas ohnihde wakan kin heciya ; Wanna wi-macaħinca, qa mitawin wanna kan ; hecen taku on e sdonwa-ye kta he.

WICOWOYAKE 1.

19 Unkan ohnihde wakan kin waayupte ça heciya; Gabriel, Wakantanka itokam najin kin he miye; qa ociciye ça, wotania wašte kin de sdonyeciciye kta e u mašipi.

20 Unkan iho, mioie kin tohan iyehantu kinban yučetupi kte cin he wicayada šni kin he on, tohanyan yučetupi šni kin hehanyan, ie šni, qa ia okitpani yaun kta ce.

21 Unkan oyate kin Zacariyas ape hiyeye, ça tehan tipi wakan kin ohna yanke cin on etanhan inihanpi.

22 Unkan tankan hđicu qehan, owicakiye kte cin okitpani: unkan namwicakicawin, qa ie šni un; on etanhan tipi wakan kin ohna taku wakan wanji wanyaka e iyukanpi.

23 Unkan wicohan econ ece kin anpetu kin wanna ihunnikiya, heban iye ti kin ekta kihda.

24 Unkan anpetu kin hena iyohakam tawicu Elisabeth hokšin itpihnaka; unkan wi zaptan hehanyan inalbe, ça heya;

25 Anpetu kin en, Itancan kin wicašta kin taku i en mahdepi qon he emiciyaku kta on ašimatonwe qehan, deceq ecamicon ca.

26 Unkan wi isakpe kin en, Gabriel ohnihde wakan kin Wakantanka etanhan u šipi; Galile ekta, otonwe wan Nazareth eciyapi kin hetu;

27 Wikoška wan wicašta wan Joseph eciyapi, Dawid wicowazi tawa kin etanhan, yuze kte cin he ekta; unkan wikoška kin Mary eciyapi.

28 Unkan ohnihde wakan kin he en hi qa heciya; Wiyuškin wa, wašteya yaun kin; Itancan kin niciun, winohinca owicapeya niye niyawasteqi ce.

29 Unkan he wanyake qehan, oie kin on inihan, qa okiyapi kin de taku kta hecinhan he awacin un.

30 Unkan ohnihde wakan kin heciya; Mary, wikope šni wo; Wakantanka ekta wowaste iye-yaya.

31 Qa iho, hokšin itpiyahnake ça hokšidan wan yaton kta, qa Jesus eya cašyakiton kta.

32 Iye tanka kta, qa Iyotan Wankantu kin Cinhintku kin eciyapi kta; qa atkuku Dawid tohe kin Wakantanka Itancan kin hduhekiye kta.

33 Qa Jakob ti kin he ohinniyaa idake kta; qa wokiconze tawa kin okiciwihanke kte šni ce, eya.

34 Hehan Mary ohnihde wakan kin heciya; Wicašta sdonye šni waun kin heon, de token on iyecetu kta he.

35 Unkan ohnihde wakan kin waayupte ça heciya; Woniya Wakan kin en niu kta, qa Iyotan Wankantu towašake kin aohanziniye kta, qa hecen taku wakan wan yaton kte cin he Wakantanka Cinhintku kin eciyapi kta.

36 Unkan inyun, Elisabeth icepanšiyaye cin, he wakanka tu-ka is eya wanna hokšin itpihnaka ce, qa hokšin yuhe šni eciyapi qon, he wanna wi kin de isakpe.

37 Wakantanka ekta taku okihipica šni wanica ce.

38 Unkan Mary heya; Itancan ookiyemaye cin wanmayaka we; nioie kin iyecen ecamiconpi nunwe. Hehan ohnihde kin ehpeya kihda.

39 Unkan anpetu kin hena en Mary inajin, qa koyahanna hoški makoce kin, Juda otonwe wan ekta iyaya:

40 Qa Zacariyas ti kin en tin iyaye, ea Elisabeth okiya.

41 Unkan Elisabeth Mary ia nañon qehan, itpi mahen hoksiyoqopa kin skehanhan; hehan Elisabeth Woniya Wakan kin ojudan:

42 Qa hotankakiya hotanin, qa heya; Winohinca opeya niye niyawastepe, qa nitpi kin etanhan icage kte cin he yawastepe ce.

43 Qa Itancan mitawa hunku kin ekta mahi kte cin de token kapi he.

44 Inyun, iyae cin noge iyohpemaye cehan, hecehnana miitpi mahen hoksiyoqopa kin woyuſkin on skehanhan.

45 Unkan tuwe wicada qon he yawastepe: Itancan kin taku eciye ciqon hena ecen yuſtanpi kta ce, eya.

46 Unkan Mary heya; Minagi kin Itancan kin yatan;

47 Qa mitaniya kin he Wakan-tanka Wanikiya mitawa kin on iyuſkin ece.

48 Taokiye kuya un kin ekta ahimatonwan on etanhan inyun, detanhan wicoicage kin owasin yawastepe emakiyapi kta ce.

49 Tuwe waſake cin he taku linca ecamicon; unkan caje kin wakan ce.

50 Tona kokipapi kin hena wicoicage qa wicoicage kin onsiwicakida ece.

51 Iye isto kin on wowaſake hdutanin; witananpi kin hena taku cante mahen wacinyuzapi kin en wicayumdeca.

52 Waſaksakapi kin oyanke etanhan kun hdicuwicaye ca, kuya unpi qon hena wankan wapa awicaya.

53 Wotektehdaſi kin hena taku waſteſte on imnanhanwicaye,

ca wijicapi kin is cokakadan tokan yewicaſi.

54 Iye towaonsida kiksuye cin on taokiyeye cin Israel he iciya ece.

55 Hunkakewicunyanpi owicakiye ciqon iyecaca, Abraham iye cinca kin om, owihanke wanica.

56 Unkan wi yamni ecetu hehanyan Mary Elisabeth kici un, qa hehan iye ti ekta kihda.

57 Elisabeth cinca ton kte cin wanna iyehantu; unkan hoksidan wan ton.

58 Unkan ikiyedan unpi kin hena, icepanwicaye cin koya, Itancan kin nina onſikida nahonpi; hecen kici iyuſkinpi.

59 Unkan anpetu isahdogan qehan, hoksiyoqopa kin bañdayapi kta on hipi; unkan atkuku Zacariyas caje kin he icajekiyapi.

60 Unkan hunku kin waayupte ca heya, Hiya; tuka Johannes eciyapi kta.

61 Unkan heciyapi; Takuwicayaye cin tuwedan hecen eciyapi ſni ce.

62 Unkan atkuku kin is token eya cajeyate kta hecinhan, he iyuteya iwangapi.

63 Unkan is wowapi akan kagapi wan da, qa; Johannes he caje kin ee ce, eya owa. Unkan owasin inihanpi.

64 Unkan hecehnana i kin yu-kawapi, qa ceji kin kiyuſkapi; unkan ie, ca Wakantanka yatan.

65 Unkan oksan tipi kin owasin wikopapi: unkan iapi kin dena owasin Juda hoſki kin owancaya yaotaninpi.

66 Unkan tona nahonpi kin owasin cante mahen awacin unpi, qa heyapi; De taku hoksiyoqopa kta he. Unkan Wakan-tanka nape kin he kici un.

WICOWOYAKE 2.

67 Hehan atkuku Zacariyas Woniya Wakan ojudan, qa wokcan qa heya ;

68 Itancan Wakantanka Israel tawa kin he taoyate kin wanna wicahiyohi, qa opewicakiton, on etanhan yawaštepi nunwe :

69 Taokiye Dawid ti kin en wanikiyapi he wan yuwankan eunkicihdepi ce :

70 Maka kin tokaheya icage cin ehantanhan, wicašta wokcan wakan tawa ipi kin eciyatanhan, oie kiton kin hena iyecetu :

71 Hecen tokaunyanpi qa unkiyušepi kin hena napepi kin etanhan niunkiyapi kta ;

72 Wowaonáda hunkakewicunyanpi cajewicakiyate ciqon, he ecen econ kta, qa wokiyapi wakan tawa kin he kiksuye kte ;

73 Abraham ateunyanpi kin he taku wakanyan eciye ciqon he hee kta ce ;

74 Decen ionšunkidapi kta, tona tokaunyanpi nape kin etanhan unkiyušepi kinhan, wokokipe codan ohoundapi kta ;

75 Iye itokam, wicoowotanna qa wicoecetu kin en, tohanyan unnipi kin hehanyan.

76 Qa niye, hokšiyooqopa, Wicašta wokcan Iyotan Wankantu tawa kin eniciyapi kta ; Itancan tacanku kin wiyeya yecage kta on ite kin itokam de kta ;

77 Taoyate woštani wicakicicajujupi kin eciyatanhan wanikiyapi sdoniyapi kte cin he wicayaqu kta ;

78 Wakantanka unkitawapi canteunkiyapi kin heon etanhan ; qa heon wankan tanhan anpao kin hiyounhipi ce ;

79 Hecen otpaza qa wiconte ohanzi kin ehna iyotankapi kin hena iyoyamwicaye kta ; qa unsihapi kin wookiye canku kin ohna unkiyapi kta ce, eya.

80 Unkan hokšiyopa kin icage, qa tawacin kin wašaka aya ; unkan Israel en taniciye kte cin hehanyan, makoskan en ece un.

WICOWOYAKE 2.

1 Unkan anpetu kin hena en, Kesar Augustus, maka kin owancaya wicašta owicawapi kta, wakiconza.

2 Kurenios Suria en wicaštayatapi yanke cin he ehan tokaheya owicawapi kin de yuštampi.

3 Unkan owasin toketken tonwanyanpi qon owicawapi kta e ektakta kipi.

4 Unkan Joseph, Dawid ti qa wicowazi tawa kin hetanhan, heon is eya, Galile en Nazareth otonwe kin etanhan ye qa, Bethlehem Dawid totonwe kin ektaki ;

5 Mary tawicuye kte cin he kici owapi kta ; he wanna cinca ton kta ikiyedan.

6 Unkan hen yukampi kin icunhan, anpetu en cinca ton kte cin wanna iyehantu.

7 Hecen cinhintku tokapa kin ton, qa sina on eduskite qa, wanunyanpi en wotapi wan en ohnaka ; timahen owicakan šni heon etanhan.

8 Unkan makoce kin he en tahincaska awanwicayakapi kin heca hanyen optaye tawapi kin awanwicahdakapi.

9 Unkan iho, Itancan taohnihde wan en wicahi, qa Itancan tawookitanin kin ohomni iyojanjanwicaya ; unkan nina wikipapi.

10 Unkan ohnihde wakan kin hewicakiya ; Wikipapi šni po ; iho, wopida tanka wootanin wašte oyate kin owancaya ecen ye kte cin, he eca hoši cicahipi ce.

11 Anpe dehan Dawid totonwe

kin en Wanikiya wan nicitonpi, Messiya Itancan kin he hee.

12 Qa on sonyayapi kte cin he dee; Hoksiyoqopa kin sina on yuskiskitapi qa wanunyanpi en wotapi wan ohna wanka iye-yayapi kta ce.

13 Unkan ihnuhanna mahpiya ekta unpi kin wicota ohnihde wakan kin kici hiyeya, Wakan-tanka yatanpi qa heyapi;

14 Iyotan wankantu ekta Wakantanka wowitan yuha nunwe, maka akan wookiye qa wicasta ekta wicokiciyuwaste.

15 Unkan mahpiya ohnihde kin hena elpeya wicakiyahdapi qehan, wicasta tahincaska awanwicayakapi kin hekiciyapi; Wanna Bethlehem ekta unyanpi, qa taku hiyohi Itancan unko-kiyakapi kin de wanunyakapi kta ce.

16 Hecen koyahanna upi, qa Mary Joseph kici, qa hoksiyoqopa kin wanunyanpi en wotapi wan ohna wanka iyeyapi.

17 Unkan wanyakapi qehan, hoksiyoqopa kin on iapi nahonpi qon, he owancaya yaotaninpi.

18 Unkan tahincaska awanwicayakapi taku yaotaninpi kin he tona nahonpi kin owasin yusin-yayapi.

19 Tuka Mary wicoie kin dena owasin cante mahen okihnake qa awakicin un.

20 Unkan tahincaska awanwicayakapi kin hena kihdapi, qa taku nahonpi qa wanyakapi kin on Wakantanka yaonihanpi qa yatanpi; taku owicakiyakapi qon he iyececa.

21 Unkan wanna anpetu isa-hdogan, hoksiyoqopa bahdayapi kta hehan JESUS eciyapi; nahahin itpihnakapi sini he ehan mahpiya ohnihde kin hecen caston.

22 Unkan Moses woope kage cin iyececa, anpetu en ihdukasote kte sini hena wanna henakeca, hehan Itancan kin qupi kta e Jerusalem ekta hdoupi.

23 Itancan woope tawa kin en owapi qon iyececa; Tona tokapapi, wica eca, otoiyohe Itancan kin ekta wakan eciyapi kta ce.

24 Qa nakun wawayuwnapi kta, token Itancan toope kin en eyapi qon he iyececa; Wakiyedan tawanjidan, qa is wakiyedan cinca nonpa ce.

25 Unkan iho, Jerusalem en wicasta wan Simon eciyapi; he wicasta owotanna qa cekiya ece kin heca, qa Israel Wokicanpte kin ape un; unkan Woniya Wakan kin kici un.

26 Unkan he te sini itokam Itancan Messiya tawa kin be wanyake kta, Woniya Wakan kin okiyaka.

27 He Woniya kin on tipi wakan kin en tin hiyu; unkan hun-kakewicaye cin hoksiyoqopa Jesus, wicoope kin eciyatanhan eakiconpi kta e en hdoupi;

28 Hehan adoksohan yuze, qa Wakantanka yawaste, qa heya;

29 Mayuha, nitaokiye kin wanna wookiye yuha iyayeyaye kta;

30 Wowanikiye nitawa kin be miista kin on wanmdaka ce;

31 Oyate kin owasin wicitokam wiyeya yehnake cin he;

32 Ojanjan wan oyate kin ojanjanwicaye kte cin, qa nitayate Israel wookitanin kin, he hee ce, eya.

33 Unkan taku eciyapi kin hena on hunku qa Joseph yusinyayapi.

34 Unkan Simon wicayawaste, qa hunku Mary heciya; Inyun, Israel en wicota hichahanpi, qa ake inajinpi kte cin on hoksiyopa kin de ehdepi, qa nakun

WICOWOYAKE 3.

wowapetokeca ienhdepi kte cin ee kta ;

35 Qa nakun mazasagye wan on nitaniya kin canipapi kte ; qa hecen wicacanteoze ota yuo-taninpi kta ce, eya.

36 Unkan waayate wanji Anna eciyapi, Phanuel caawintku, qa Aser wicowazi kin etanhan ; he wanna wakanka hinca, qa hi-haaton kin etanhan waniyetu sakowin behanyan bihnaku kici un :

37 Qa he wanna wiwazica, waniyetu wikcemna sahdogan sanpa topa ecetu, qa tipi wakan kin en ece un, qa wote sni unpi wocekiye eya ahna on ohoda ece.

38 Unkan he behantudan hin en u, qa is eya Itancoan kin yatan, qa Jerusalem en tona ope-wicakitonpi kin ape unpi kin hena owasin Jesus cajewicakiyata.

39 Unkan Itancoan wicoope tawa kin owasin ecekcen yustanpi qehan, Galile en iye otonwe tawapi Nazareth he ekta kihdapi.

40 Unkan hoksiyopa kin icage, ca woniya kin en wasaka aye, ca wicoksape kin on ojudan ; unkan Wakantanka towašte kin he kici un.

41 Woacaksin wotapi eca, hun-kakewicaye cin waniyetu towa-nakeca Jerusalem ekta ipi ece.

42 Unkan Jesus wanna waniyetu akenonpa, hehan wotapi wicohan kin iyececa, Jerusalem ekta ipi.

43 Unkan anpetu kin yustanpi qehan, hdicupi, tuka hoksiyopa Jesus hekta Jerusalem en yanka ; tuka hunku Joseph kici he sdon-yapi sni.

44 Tuka ptaya hdapi kin en opa kecimpi, hecen anpetu wan-

jidan iyooptapi, qa takuwicayapi kici sdonkiciyapi ko wicehna okidepi.

45 Qa iyeyapi sni, hehan Jerusalem ekta ake icicawin akin ipi.

46 Unkan yamni can, hehan tipi wakan kin en waonspeki-yapi kin wicacokam waanawicagoptan, qa wiwicawanh yanka iyekiyapi.

47 Unkan wacin ksape cin, qa waayupte cin tona nahonpi qon owasin inihanpi.

48 Unkan wanhdakapi qehan yusinyayapi ; qa hunku kin heciya ; Cina, tokeca decen unko-yakihandapi he ; iho we, niyate kici wacin iyokisinya ocide ce.

49 Unkan hewicakiya ; Tokeca omayadepi he : Atewaye cin wicohan tawa kin he ito owecipe kta kecannipi sni he.

50 Unkan taku ewicakiye cin he okahnigapi sni.

51 Hecen om hde, ca Nazareth ekta ki, qa anawicakigoptan un. Unkan hunku kin wicoie kin dena owasin cante mahen yuha un.

52 Unkan Jesus sanpa ksape ca hanaka icaga ; qa Wakantanka wicasta ko ekta wastedakapi.

WICOWOYAKE 3.

1 Unkan Tiberius Kesar wicastayatapi un waniyetu iakezaptan, Pontius Pilate Juda en itancoan, Herod Galile en itancoan, qa iye sunkaku Philip Itureya qa Trakonitos en itancoan, qa Lusanius Abilene en itancoan ;

2 Qa Annas Kaiaphas kici wošna kaga itancoanpi qon he ehan, he-wotahedan ekta, Johannes Zacariyas cinhintku kin Wakantanka oie kin hiyohi.

LUKAS.

3 Unkan he Jordan kahda ma-koce kin owancaya en u, qa woahtani kajujupi kta on iyopeiciyapi baptem wicaqupi kin he oyaka :

4 Wicašta wokcan Isaya oie wowapi kin en owapi qon he iyececa ; Wicaho wan tuwe makotahedan ekta heya niyan ; Itancan tacanku kin wiyeya kicaga po, ocanku tawa kin kiciyuowotan po :

5 Kaksiza owasin ojuyapi, qa heyaka paha ko owasin kahukun iyeyapi kta, qa paksiksan kin hena yuowotanpi, qa ocanku tahtage cin hena yumdayapi kta ce ;

6 Qa wicacehpi kin owasin Wakantanka wowanikiye kin wanyakapi kta ce.

7 Unkan wicota baptem wicaqu kte cin en ahi kin hena hewicakiya ; Wamduška wicoicage kin, tuwe wocanniye u kte cin etanhan nape nišipi he.

8 Hecen iyopeiciyapi iyececa waskuyeca icaħya po, qa, Abraham ateunyanpi ce, cante mahen ecinpi šni po ; miye heciyapi ; Wakantanka inyan kin dena etanhan Abraham cinca kicage kta okihi.

9 Unkan iš eya onspe kin wanna can hute kin en ehnakapi ; heon etanhan can kin tona waskuyeca wašte aicage šni kin hena owasin kawankapi qa petan ehpeyapi ece.

10 Unkan oyate kin, Hehan unkiye token econkupi kta he, eya iwangapi.

11 Waayupte ça hewicakiya ; Tuwe onħdoħda nonpa yuhe cinhan, he tuwe nice cin unma qu kta ; qa tuwe woyute ton kinhan, iš eya ecen econ kta ce.

12 Hehan wamnayanpi kin iš nakun baptem wicaqu kta on en

hipi qa heciyapi ; Waonspekiye, unkiye token econkupi kta he.

13 Unkan hewicakiya ; Waki-conzapi kin isanpa kicapi šni po, eya.

14 Unkan akicita kin iš eya wiwangapi qa heciyapi ; Qa unkiš token econkupi kta he. Unkan hewicakiya ; Wicašta kin tuwedan wakokipe kicagapi šni, qa tuwedan oitonšniyan taku iyaonpapi šni po ; qa wokajuju ničupi kin he on cante wašte po.

15 Unkan oyate kin owasin wakta hiyeya, qa wicašta owasin Johannes on awacinpi, he Messiya kin hee, qa iš hee šni hecinhan ;

16 Hehan Johannes waayupte ça owasin hewicakiya ; Awicakehan mini on baptem cicupi ; tuka wanji mikapeya wasaka u, he iye tahanpe hankpan kin weciyuške kta iyemacece šni ; he qe Woniya Wakan peta ko on baptem ničupi kta.

17 He iye wicaduge nape ohna hduhe, ça owanka tawa kin tanyan hduska kta ; qa aguyapi šu kin he tpahi, qa canwohnaka kin en okihnake kta ; tuka ha kin e peta kasnipica šni wan on huħnaħye kta ce, eya.

18 Unkan wahokonwicakiyecin en taku toktokeca nakun ota oyate kin owicakiyaka.

19 Unkan Herod wicašta itancan kin, iye sunkaku tawicu Herodias hee on, qa taku šica Herod econ kin owasin on iyopeya ;

20 Hecen taku owasin sanpa akicage ça, wicakaška tipi kin en Johannes kaška hnaka.

21 Unkan oyate kin owasin baptem wicaqupi, qa Jesus iš eya baptem qupi, qa cekiya un qehan, maħpiya kin yuzamnipi ;

22 Qa Woniya Wakan kin wakiyedan kaħya tantonyan kun u,

WICOWOYAKE 4.

qa en iyahan; unkan mahpiya eciyatanhan wicaho wan biyu, qa heya; Micinksi wastewakidake cin he niye; niye on iyomakipi hınca.

23 Unkan Jesus iye wanna waniyetu wikcemna yamni kta, Joseph cinhintku kin hee kecinpi, he Heli etanhan,

24 He Matthat etanhan, he Lewi etanhan, he Melki etanhan, he Janna etanhan, he Joseph etanhan,

25 He Mattathias etanhan, he Amos etanhan, he Naum etanhan, he Esli etanhan, he Nagge etanhan,

26 He Maath etanhan, he Mattathias etanhan, he Seme etanhan, he Joseph etanhan, he Juda etanhan,

27 He Joanna etanhan, he Resa etanhan, he Zorobabel etanhan, he Salathiel etanhan, he Neri etanhan,

28 He Melki etanhan, he Addi etanhan, he Kosam etanhan, he Elmodam etanhan, he Er etanhan,

29 He Jose etanhan, he Eliezer etanhan, he Jorim etanhan, he Matthat etanhan, he Lewi etanhan,

30 He Simeon etanhan, he Juda etanhan, he Joseph etanhan, he Jonan etanhan, he Eliakim etanhan,

31 He Melea etanhan, he Menan etanhan, he Mattatha etanhan, he Nathan etanhan, he Dawid etanhan,

32 He Jesse etanhan, he Obed etanhan, he Booz etanhan, he Salmon etanhan, he Naasson etanhan,

33 He Aminadab etanhan, he Aram etanhan, he Esrom etanhan, he Phares etanhan, he Juda etanhan,

34 He Jakob etanhan, he Isaak etanhan, he Abraham etanhan, he Thara etanhan, he Nacor etanhan,

35 He Seruk etanhan, he Ragu etanhan, he Phalek etanhan, he Eber etanhan, he Sala etanhan,

36 He Kenan etanhan, he Arphaksad etanhan, he Sem etanhan, he Nowa etanhan, he Lamek etanhan,

37 He Mathusala etanhan, he Enok etanhan, he Jared etanhan, he Maleleel etanhan, he Kanan etanhan,

38 He Enos etanhan, he Seth etanhan, he Adam etanhan, he Wakantanka etanhan.

WICOWOYAKE 4.

1 Unkan Jesus Woniya Wakan kin ojudan, Jordan eciyatanhan hdi; qa Woniya kin makotahe-dan ekta iyayeya;

2 Anpetu wikcemna topa hehanyan Wakansica wawiyutan-yan. Unkan anpetu kin hena en takudan yute sni; tuka hena ihunniyan hehan wotektehda.

3 Hehan Wakansica heciya; Wakantanka Cinhintku kin he niye hecinhan, inyan kin de aguyapi icage kta, keya wo.

4 Unkan Jesus waayupte ca heciya; Aguyapi ecedan on wicani kte sni; tuka Wakantanka oie kin owasin on *wicani* kta ce, eya owapi ce.

5 Hehan Wakansica paha wan tehanwankantu ekta aye ca, wancake maka wokiconze kin owasin kipazo.

6 Unkan Wakansica heciya; Wicowasake kin de wicookitan-in ko owasin ciçu kta; hena owasin yuhemakiyapi, qa tuwe wacin kinhan waqu kta.

7 Heon etanhan nis mitokam

makata ehpeniçiye cinhan, owasin nitawa kta ce.

8 Unkan Jesus waayupte ça heciya ; Satan, mitapetepa tanhan ya wo : Itancan Wakantanka nitawa kin, he iye itokam makata ehpeniçiye kta, qa iye isnaana ahoyape kta ce, eya owapi ce.

9 Hehan Jerusalem ekta ahi, qa tipi wakan inkpa kin akan ehde, qa heciya ; Wakantanka Cinhintku kin he niye hecinhan, hetanhan kun ehpeiciya wo.

10 Kaken wowapi en kagapi qon ; Ohnihdewicaye cin hena niye on econ wicaşi, niyuhapi kta ;

11 Qa napepi kin ohna yuwankan niyuzapi kta ; qa hecen tukten inyan kin en siha ibonito kte şni, eya owapi ce, eya.

12 Unkan Jesus waayupte ça heciya ; Itancan Wakantanka nitawa kin he iyutanyaye kte şni ce, eya owapi qon.

13 Unkan Wakansıca wowiyutanye kin owasin yuştan qehan, tona can ehpeya kihda.

14 Hehan Jesus Woniya towaşake kin yuha Galile en hdi ; unkan ihdukşan makoce wanke cin owancaya he oyakapi.

15 Unkan omniciye tipi tawapi kin ohnahna waonspekiya ece, hecen owasin yuonihanpi.

16 Unkan Nazareth en icalıyapi qon he ekta hdi ; qa econ ece kin he iyecen, anpetu wakan icunhan, omniciye tipi kin en tin iyaye ça, wowapi yawa kta inajin.

17 Unkan Isaya wicaşta wokcan tawowapi kin qupi. Unkan wowapi kin yumdaye qehan, decen owapi kin iyeya ;

18 Itancan Woniya tawa kin he akan maun ; heon walıpanıcapı kin wotanin waşte kin owi-

cawakiyake kta e şdamakiya ; tona cante psakawahanpi kin asniwicawaye kta on u maşi ; wayaka unpi kin wicakiyuşkapi kta, qa işttagongapi kin ake tonwanpi kte cin omdake kta ; tona kahdehdecapi kin hena wicawakiyuşke kta ;

19 Qa Itancan omaka oiyokipi tawa kin omdake kta ce.

20 Unkan wowapi kin ecen eyaku, qa ookiye kin he kicu, qa iyotanka. Unkan omniciye tipi kin ohna hiyeye cin owasia opalitapi.

21 Unkan hehan hewicakiya ; Anpetu kin de ninogepi kin en wowapi kin de yuecetupi ce.

22 Unkan owasin yaotaninpi, qa wowaonsıda oie iye i kin etanhan inanpe cin on yuşinyayapi ; qa heyapi ; Joseph cinhintku kin he dee şni he.

23 Unkan hewicakiya ; Awicakehan iapi kin de ecen emayakiyapi kta ; Niye pejihuta wicaşta kin, asniçiya wo : Kapernaum ekta token ecanon naunhonpi kin, makoce nitawa kin den nakun ecen econ wo.

24 Unkan heya ; Awicakehan heciciyapi ; Wicaşta wokcan tuwedan iye tamakoce kin en iyowinkiyapi şni ece.

25 Tuka awicakehan heciciyapi ; Elias taanpetu kin en, waniyetu yamni sanpa wi şakpe hehanyan maşıpiya kin natakapi ; qa makoce kin owancaya wicaakihan hince ciqon he ehan, Israel en wiwazica ota.

26 Tuka hena wanjidın Elias ekta ye şipi şni ; Sidon en Sa-repta otonwe kin en, winohınca wiwazica wan heceedan ekta ye şipi.

27 Nakun Elisha wicaşta wokcan ni un qehan, lepros ececa wicota Israel en unpi, tuka hena

WICOWOYAKE 5.

wanjidan yuskapi šni, Naeman Suriya wicašta kin hecedan ce.

28 Unkan omniciye tipi ohna hiyeye ciqon hena nañonpi qehan, owasin šihdapi hinca ;

29 Qa najin hiyayapi qa otonwe kin itankan iyayeyapi, qa paha akan otonwe hdepi kin he matete ekta ayapi, qa kun ehpeyapi kta.

30 Tuka iye wicacokaya tanhan iyoopta iyaye ça kihda.

31 Qa Galile en Kapernaum otonwe kin he ekta hi, qa anpetu wakan eca waonspewicakiya ece.

32 Unkan waonspewicakiye cin on inihanpi ; oie kin he wowašake kicica nakaés.

33 Unkan omniciye tipi kin ohna wicašta wan wakan šica šapa woniya kin yuha ; qa he hotankakiya hoyeya ;

34 Qa heya ; Hanta wo, Jesus Nazareth, niye qa unkiye taku unkicicapi he ; ihangunya-yapi kta yahi he ; Wakantanka Taku Wakan Wanji tawa kin he niye e šdonciya ce.

35 Unkan Jesus kišice ça heciya ; Inina un, qa wicašta kin etanhan tankan hinapa wo, eya. Unkan wakanšice cin wicašta qon wicacokam ehpeye qehan, etanhan tankan hinapa ; tuka kšuweye šni.

36 Unkan owasin inihanpi, qa iyakitedan hekiciyapi ; De taku oie kin ; wicookihi wicowašake ko on woniya šape cin econ wicašiči eca, tankan hinanpapi ece.

37 Unkan ihdukšan makoce wanke cin owancaya he oya-kapi.

38 Unkan omniciye tipi kin etanhan hdicu, qa Šimon ti kin en ti iyaya. Unkan Šimon kunku kin he tancan wicakata ececa hinca ; hecen on ceki-yapi.

39 Unkan en inajin, qa tancan kata kin he kišica ; unkan asni hinnda : qa hecehnana najin hiyaye ça, owicakiya.

40 Unkan wi iyaya hehan, woyazan ocaje ota on wicayazan tona wicayuhapi kin hena en awicahipi ; unkan otioyohi nape awicahnake ça asniwicaya.

41 Qa wakan šica iš eya ota wicota etanhan hinanpapi, qa heya miyanpi ; Wakantanka Cinhintku Messiya kin he niye ce. Unkan iye wicakišice ca, Messiya hee šdonyapi kin he, eyapi kta iyowicaki šni.

42 Unkan wanna anpao hinape qehan tokan iyaye, ça makotahe-dan ekta ya ; unkan oyate kin odepi, qa yanke cin ekta ahi, qa ehpeya iwicayaye kte cin iyana-ptapi.

43 Unkan hewicakiya ; Wakantanka tokiconze kin otonwe toktokeca nakun ohna omdake kta ; heon etanhan u mašipi ce.

44 Hecen Galile omniciye tipi kin hena ohnahna woyaka ece.

WICOWOYAKE 5.

1 Unkan oyate kin Wakantanka oie kin nañonpi kta e aohdu-teyapi qehan, Geneseret mde kin icahda inajin.

2 Qa mde kin en wata nonpa wanka wanyaka ; tuka hokuwapi kin iš wanna tokan iyayapi, qa ho kin hdujajapi.

3 Unkan wata unma Šimon tawa kin he en ope ça, kitanna canan wapa iyayeye kta cin. Hehan en iyotanke ça, wata kin etanhan oyate kin waonspewicakiya.

4 Unkan wanna ayaštan qehan Šimon heciya ; Mini šbe kin ekta iyaye ça ho kin minin iyohpeya wo.

5 Unkan Simon waayupte, ça heciya; Waonspekiye cin, han-yetu osan hitaunnipi, qa takudan unktepi šni; tuka nioie kin on ho kin iyohpewaye kta ce.

6 Unkan heconpi qehan, hogan utkanna yuzapi; unkan ho kin papsakapi.

7 Unkan tawašitkupi wata unma en opapi qon hena nam-wicakicawinpi, en upi qa owicakiyapi kta. Unkan en hipi qa wata napin ojukiyapi, hecen iyujimnana hiyeya.

8 Unkan Simon Inyan he wan-yake çehan, Jesus hupahu kin en makata ehpeçkiye ça heya; Itancan, ehpeya imayaya wo, wicašta wahtani sa hemaca ce.

9 He iye qa tona om un qon hena hogan yuzapi kin on etanhan owasin inihanpi.

10 Unkan Jakob qa Johannes Zebede cinhintku kin hena oza, Simon tawašitkuwicaya, is eya inihanpi. Unkan Jesus Simon heciya; Wikope šni wo, detanhan wicašta kin wicaduze kta ce.

11 Unkan wata qon hutata ahdhunipi qehan, owasin ehpekiyapi, qa iyahna yapi.

12 Unkan otonwe wan en un qehan, iho, wicašta wan lepros ececa hinca, he Jesus wanyake çehan, ite makipuskin ehpeçkiye ça, cekiye ça heya; Itancan, yacin kinhan mayaduska kta oya-kihi.

13 Unkan nape yekiye, ça yutan, qa heya; Wacin ce: ska un wo, eya. Unkan wancake lepros ececa qon asni hinnda.

14 Unkan tuwedan okiyake šni ši; tuka wawayušna kin ekta ye ça wanyagiçkiye kta, qa wayuskapi kta on token Moses econ wicaši qon he ecen econ kta, keya; hecen wowicakiyake kta.

15 Tuka heon iyotan tankaya wicohan kin he oyakapi; hecen wicota en mniciyapi, nahonpi kta, qa wayazankapi wicayuhapi kin asniwicaye kte cin heon.

16 Hehan icunonpa makotahe-dan wan ekta ye ça wocekiye eya.

17 Unkan anpetu wan waonspewicakiya icunhan, Pharisee qa wicoope onspekiye cin hena, Galile otonwe kin owasin, qa Juda qa Jerusalem etanhan, en ahi kin hena en iyotankapi; unkan Itancan towašake kin asniwicaye kta e en un.

18 Unkan iho, wicašta wan taçake cin he owinja ohna wicašta yuha upi: qa timahen ayapi qa itokam ehnakapi kta akitapi.

19 Tuka wicota kin on token en aipi kte šni wanyakapi qehan, tipi akan inajinpi, qa akahe yuhdokapi eciyatanhan cokaya Jesus itokam kun hiyuyapi.

20 Unkan wacinyanpi kin he wanyake çehan, heciya; Wicašta, wayahtani kin nicicajujupi ce.

21 Unkan wowapi kagapi qa Pharisee kin is waakinicapi qa heyapi; De tuwe e taku šica decen eya he. Tuwe woahtani kajuju kta okihi he; Wakantan-ka ecedan okihi.

22 Tuka tawacinpi kin Jesus iwicayukcan, hehan waayupte ça hewicakiya; Taku e cante mahen ayakinicapi he:

23 Wayahtani kin nicicajujupi ce; qa is, Najin qa mani wo, cyapi kte cin unma tukte wašakadan he.

24 Tuka Wicašta Cinhintku kin he is maka akan woahtani kajuju kta okihi sdonyayapi kta; hehan taçake cin he heciya; Najin qa nitowinja ehdaku qa

WICOWOYAKE 6.

yati kin ekta hda wo, eciciya ce, eya.

25 Unkan wancake wicitokam najin hiyaye, ça akan wanke ciquon he ehdaku, qa iye ti kin ekta hde, ça Wakantanka yatan.

26 Unkan owasin inihanpi, qa Wakantanka yatanpi ; qa wiko-papi hince, ça heyapi ; Wicohan nakaka toktokeca wanunyakapi ce, eyapi.

27 Unkan taku kin dena iyohakam hetanhan ye, ça wamnayanpi kin heca wanji Lewi ecipyapi, wamnayanpi oyanke kin en iyotankehan yanka e wan-yaka ; qa, Miyahna u wo, eciya.

28 Unkan taku owasin ehpeye ça, najin hiyaye ça, ihakam iyaya.

29 Unkan Lewi iye ti kin en wohanpi tanka kicaga ; unkan wamnayanpi kin is wicota, qa toktokeca nakun en opeya wotapi kta iyotankapi.

30 Tuka wowapi kagapi wicayuhapi qa Pharisee kin hena waonspewicakiye cin wicakigepi, qa heyapi ; Tokeca e wamnayanpi qa wahtanipi sa om wayatapi qa wadatkanpi ece he.

31 Unkan Jesus waayupte ça hewicakiya ; Tona zanipi kin hena pejihutawicašta cinpi šni, tuka wayazanpi kin.

32 Owotanpidan kin hena iyopeiciyapi kta e wicakico wahi šni, tuka wahtanipi sa.

33 Unkan heciyapi ; Tokeca e Johannes waonspewicakiye cin hena ijehan wote šni unpi qa wocekiye eyapi he, qa Pharisee tawapi kin is eya ; tuka nitawa kin wotapi qa wayatkanpi ece.

34 Unkan hewicakiya ; Hihnaton ti kin cinca kin hena tawicuton kin he is owicapeya un kin icunhan wote šni wicayakiyapi kta oyakihipi he.

35 Tuka anpetu kin u kta, en tawicu ton kin he ewicakiciyakupi kta ; hehan anpetu kin hena en wote šni unpi kta.

36 Unkan wiyacinpi wan owicakiyaka : Wicašta tuwedan šina teca onšpa šina tanike cin en akihdagye šni ece ; heconpi kinhan teca qon is yuħdeca ece, qa onšpa teca etanhan kin he tanike cin kicica šni ece.

37 Qa nakun wicašta tuwedan miniša teca ojuha tanike cin en okaštan šni ece ; heconpi kinhan miniša kin skepe kta, qa ojuha kin atakuni kte šni.

38 Tuka miniša teca kin he ito ojuha teca en ohnakapi kta ; qa sakim yutehanpi ece.

39 Is eya wicašta tuwedan miniša tanika wanna yatke ça, hehan hinnakaha teca cin šni ; Tanike cin ees wašte ce, eya ece.

WICOWOYAKE 6.

1 Unkan anpetu wakan inonpa tokaheya, hehan wojupi kin ehna iyaya ; unkan waonspewicakiye cin is wahuwapa yuksapi, napopabagapi, qa yutapi.

2 Hehan Pharisee kin wanjikji hewicakiyapi ; Tokeca e anpetu wakan kin en taku iyowinwicakiyapi šni kin he eca ecen eanonpi he.

3 Unkan Jesus awicayupte ça heya ; Dawid token eon qon hee kacš tohinni dawapi šni he ; iye qa tona om un qon wotektedapi gehan.

4 Wakantanka tipi tawa kin en tin iyaye, ça aguyapi taninyan ehnakapi, qa wawayušnapi kin iye isnana hetanhan yutapi kte cin iyowinwicakiyapi qon, he icu, qa yute, ça om unpi qon hena is eya hetanhan wicaqu.

5 Unkan hewicakiya ; Wicašta

Cinhintku kin is nakun anpetu wakan kin Itancan ce.

6 Unkan anpetu wakan tokeca wan omniciye tipi kin en tiu iyaye, ca waonspekiya : unkan wicasta wan nape etapa kin snija e en yanka.

7 Unkan wowapi kagapi qa Pharisee kin hena anpetu wakan icunhan asniye kta hecinhan he iwanyakapi, taku iyaonpapi kta akitapi.

8 Tuka iye tawacinpi kin sdonwicaya, qa wicasta nape snije cin he heciya ; Najin qa cokaya inajin wo. Unkan najin hiyaye ca en inajin.

9 Unkan Jesus hewicakiya ; Mis ito taku wanji iciwangapi kta ; Anpetu wakan icunhan taku waste, qa is taku sica econpi kta he ; wanikiyapi, qa is wateyapi kta, unma tukte hecetu he, eya.

10 Unkan itanihduksan owasin awicatonwe cehan, wicasta qon heciya ; Nape kin hdukatin wo. Unkan ecen econ ; qa nape kin unma kin iyecen iyekicetu.

11 Unkan shidapi hince, ca iye iyakitedan Jesus token ecakiconpi kta hecinhan he iwohdakapi.

12 Unkan anpetu kin hena en Jesus paha wan ekta wocekiye eya i ; qa hanyetu osan Wakan-tanka cekiya un.

13 Unkan wanna anpa qehan, waonspewicakiye cin wicakico, qa etanhan akenonpa wicahdahunge ca, Wahošiyapi, ewicakiya.

14 Simon he Inyan nakun eya caston, qa he sunkaku kin Andrew, Jakob qa Johannes, Philip qa Bartholomew ;

15 Mattheos qa Thomas, Jakob Alpheus cinhintku, qa Simon nakun Zelotes eciyapi ;

16 Qa Judas Jakob sunkaku, qa Judas Iskariot, nakun wiyopeye kte cin hee.

17 Hehan hena om kun hdicu, qa makomdaya en hdinajin ; unkan waonspewicakiye optaye kin, qa Juda owancaya qa Jerusalem, qa mde kahdaya Turos qa Sidon, henakiya etanhan wicota hinca, hena ia nahonpi, qa tona wayazankapi kin asniwicayapi kta e en ahi :

18 Nakun tona woniya sapa qa kakijapi kin hena ; unkan asniwicayapi.

19 Unkan wicota kin iyuhpa yutanpi kta akitapi ; etanhan wowasake hiyu qa owasin asniwicaya ece kin heon etanhan.

20 Unkan waonspewicakiye cin awicatonwe, ca heya ; Niwa : hpanicapi kin nis niyawastepe ce ; Wakantanka tokiconze kin he niye nitawapi.

21 Dehan wotekteyاهدapi kin nis niyawastepe ce ; imnahanniyanpi kta. Dehan yaceyapi kin nis niyawastepe ce ; iyaħapi kta.

22 Tohan wicasta sicenidapi, qa yuiyog iyayenianpi, qa ienni-hdepi, qa Wicasta Cinhintku kin on nicajepi kin taku sica iyecen tankan ehpeyapi kinhan, niyawastepe ece.

23 Anpetu kin he en wiyuskinpi, qa wopida on skehanhan po ; iho, mahpiya ekta wokajuju tanka duhapi ; atewicayapi kin is eya iyecen wicasta wokcanpi wicakuwapi qon.

24 Tuka winijicapi kin nis wotehi niciyankapi ece ; wicocante waste kin he wanna yahduhapi.

25 Winipipi kin nis wotehi niciyankapi ece ; wotekteyاهدapi kta. Dehan iyaħapi kin nis wotehi niciyankapi ece ; wasinya-hdapi qa yaceyapi kta.

WICOWOYAKE 6.

26 Tohan wicašta owasin tan-yan eniciyapi kinhan, wotehi niciyankapi ece; atewicayapi kin hecen wicašta wokcan iton-śni wicakuwapi qon.

27 Tuka nañon dukanpi kin heciciyapi ce, Tokaniyanpi kin hena cantewicakiya po, qa sice-nidapi kin hena tanyan ecawicakicon po;

28 Niyasícapi kin wicayawašte po, qa wawicanksiya nicuwapi kin hena wocekiye ewicakiciya po.

29 Qa tuwe iyoha sani kin en anipe cinhan unma eciyatanhan kipazo wo; qa tuwe sina inicicu kinhan, onñdoñda kin nakun tehinda śni wo.

30 Wicašta otoiyoñi taku nici-da kin qu wo; qa tuwe woyuha nici kinhan, ake kica śni wo.

31 Qa wicašta kin token ecaniconpi yacinpi kin, he iyecen ecawicakicon po.

32 Tona waštenidapi kin hena waštewicayadapi kinhan, wopida tukte e duhapi kta he: wañtanipi sa kin eepi kaeś tona cantewicakiyapi kin is itkom cantewicakiyapi ece.

33 Qa tona tanyan ecaniconpi kin henana tanyan ecawicayeconpi kinhan, wopida tukte e duhapi kta he; wañtanipi sa kin is iyecen econpi ece.

34 Qa ake niçupi kta kecannipi kin henana owicayaqupi hecinhan, wopida tukte e duhapi kta he; wañtanipi sa kin is wañtanipi sa owicayaqupi ece, iyacinyan wicakieçupi kta heon.

35 Tuka niś tona tokaniyanpi kin cantewicakiya po, taku wašte econpi qa owicagu po, ake taku niçupi kta kecinni śni po; kinhan wokajuju tanka duhapi kta, qa Iyotan Wankantu kin he cinca yaunpi kta: he iye

tona pida śni qa śicapi kin cante-wicakiya ece.

36 Hecen Niyatepi kin is token waonsida kin niś eya he iyecen waonsida po.

37 Wayacopi śni po, kinhan niyacopi kte śni: owawicakiyepi śni po, kinhan owaniciyepi kte śni: wicakicicajuju po, kinhan nicicajuju kta:

38 Wicagu po, kinhan niçupi kta; wiyutapi wašte, paotinzapi, paipuskicapi qa apaśboka, hecen wicašta kin maku kin en niçupi kta. Wiyutapi on widutapi kin hee on winiciyutapi ece e kta.

39 Unkan wiyacinpi wan owicakiyaka: Ištágonge cin ištágonga napata yus aya okihi he: napin ośkokpa kin en iyohpayapi kte śni he.

40 Waonspekiyapi kin he waonspekiye cin itokapa śni; tuka tuwe yuštampi kin otoiyoñi waonspekiye tawa kin iyecece kta.

41 Qa tokeca nisunka išta kin ohna sukaza yanke cin he wandaka; tuka niye ništa kin ohna cankaga wanke cin he wanyahdake śni he.

42 Qa, Misunka, sukaza išta ohna niyanke cin he ito ciciyuśdoke kta ce, token nisunka eyakiye kta he, qa icunhan niye ništa kin ohna cankaga wanke cin he wanyahdake śni. Wanyakiñbe cin, niś tokaheya cankaga išta ohna niwanke cin he ito tokan eñpeya wo; qa hehan hinakaha nisunka išta kin ohna sukaza yanke cin he yeciyuśdoke kta mdesya wandake kta ce.

43 Can wanji wašte kin waskuyeca śica icañye śni; qa nakun can wanji sice cin he waskuyeca wašte icañye śni.

44 Can kin otoiyoñi waskuyeca tawa kin on sdonyapi ece: wicašta kin taspanhu kin etanhan

suken pahipi *áni*, qa *is* *eya* *tókahu* kin etanhan hastanhanka pahipi *áni*.

45 Wicašta wašte kin he cante woyuha wašte kin etanhan taku wašte icalya ece; qa wicašta *šice* cin he cante woyuha *šice* cin etanhan taku *šice* icalya ece: wicacante taku iyakičuya ohnaka kin he etanhan i kin ecizatanhan enapeya ece, *eya*.

46 Unkan tokeca, Itancan, Itancan, emayakiyapi ece, qa taku epe cin ecen ecanonpi *áni* he.

47 Tuwe ekta mahi, qa mioie nañon, qa ecen econ kin he tuwe kicica hecinhan he ito eciciyakapi kta.

48 Wicašta wan tipi kaga; unkan temahentu *maka* qe, *ča* oahemde kin imnija wan akan ehde: unkan minitan aye *čehan*, wakpa kin tipi kin he en nina kaduza, tuka kahuhuze kta okitpani, imnija akan ehdepi *na-kaeš*, he iyececa.

49 Tuka tuwe nañon tuka ecen econ *áni* kinhan, wicašta wan oahemde codan *maka* akan tipi kage cin he iyececa; unkan he en wakpa kin nina kaduza, qa hecehnana hinhpaya; qa tipi kin he woatakunišni tanka.

WICOWOYAKE 7.

1 Unkan oyate nañon hiyeye cin en iapi kin dena owasin wanna ecen yaštan qehan, Kapernaum en i.

2 Unkan akicita opawinge wicayuhe cin wanji taokiye wan tehinda kin he wayazanke *ča* wanna *te* kta.

3 Unkan he wanna Jesus on nañon qehan, Juda hunkayapi kin hena ekta ye wicaši, u kta qa taokiye kin asniye kte cin he icekiya.

4 Unkan hena Jesus ekta hipi qehan, awicakehan cekiyapi, qa, Hecakiconpi kte cin wicašta kin he iyececa ce;

5 Unkoyatepi kin cantewicakiye *ča*, omniciye tipi wanji wanna unkičagapi ce, eyapi.

6 Unkan Jesus hena om hda. Unkan wanna tipi kin itehan *áni* qehan, akicita opawinge wicayuhe *ciqon* he *is* kodawicaye cin hena ekta yewicaši, qa heciya; Itancan kin, magiyeiciye *áni* wo, wati kin en tin yahidu kte cin iyemacece *áni* ce:

7 Heon etanhan miye ekta cin kta nakun iyececa mičida *áni*: tuka oie kin ecen *eya* wo, kinhan mitaokiye kin asni kta.

8 Miš *eya* wicašta wicookihi ihukuya hnakapi kin hemaca, qa mihukuya akicita wicandaha; qa wicašta kin de, Ya wo, ewakiya eca, ya ece; qa wanji tokeca, U wo, *ewakiya* eca, u ece; qa mitaokiye kin, Decon wo, *ewakiya* eca, ecen econ ece, *eya*.

9 Unkan Jesus hena nañon qehan, on yušinyaye *ča*, ihduhomi, qa oyate ibakam unpi kin hewicakiya; Israel hee *kaeš* en wowacinye hinsko tanka kin iyewaye *áni*, eciciyapi ce.

10 Unkan ye wicašipi qon icicawin tiyata kipi qehan, ookiye wayazanke cin he wanna asni iyeyapi.

11 Unkan ianpetu qehan otonwe wan Nain eciyapi kin en i; unkan waonspewicakiye cin etanhan ota qa oyate ota hena kici yapi.

12 Unkan otonwe tiyopa kin he ikiyedon wanna ehan i qehan, inyun, wicašta wan *ča* tankan aupi; hunku kin wiwazica heca, qa cinhiatku hecedan. Unkan otonwe kin etanhan wicota opapi.

13 Unkan he Itancan kin wan-
yake cehan, onśida qa heciya ;
Ceye śni wo.

14 Unkan canakiyuhapi kin en
u, qa yutan. Unkan akiyuhapi
qon is owanji najinpi. Unkan
heya ; Koska, bosdan yanka wo,
eciciya ce, eya.

15 Unkan te ciqon iyotanke,
ca ia. Unkan hunku kin kicu.

16 Unkan owasin nina wikopa-
pi, qa Wakantanka yatanpi qa
heyapi ; Waayate wanji tanka
unkiyoepiyapi icaga ce, qa Wa-
kantanka taoyate kin wanna wi-
cahiyohi ce, eyapi.

17 Unkan Juda makoce qa oksan
makoce wanke cin owancaya he
yaotaninpi.

18 Unkan Johannes waonspe-
wicakiye cin dena taku kin owa-
sin okiyakapi.

19 Hehan Johannes waonspe-
wicakiye cin nom wicakico, qa
Jesus ekta ye wicasi, qa heya ;
Tuwe u kte ciqon he niye, qa is
wanji tokeca unkapepi kta he.

20 Unkan wicaśta kin hena
wanna ekta hipi qehan, heyapi ;
Johannes baptem wicaqu ece
qon he niye ekta unkuśipi, qa,
Tuwe u kte ciqon he niye he,
qa is tawe tokeca unkapepi kta
he, eya ce.

21 Unkan hehantudan hinca
wayazankapi, qa makośica ece-
capi, qa woniya śiksica ececapi,
hena wicota asniwicaya ; qa
istagongapi kin heca ota ton-
wewicaya.

22 Hehan Jesus waayupte qa
hewicakiya ; Hda po, qa taku
wandakapi qa nayahonpi kin he-
na Johannes okiyaka po : Ista-
gongapi kin hena tonwanpi, qa
huśtepi kin is manipi, qa lepros
ececapi kin is wicayuskapi, qa
nogetpapi kin is wanaħonpi, qa
tapi kin is kiniwicakiyapi, qa

wahpanicipi kin is wootanin wa-
śte kin he owicakiyakapi.

23 Qa tuwe miye on śinhda śni
kin he yawaśtepi ce.

24 Unkan Johannes wahosiya-
pi tawa kin wanna kihdapi, he-
han Johannes on oyate kin he-
wicakiya ; Taku e makotahedan
ekta wanyag yaipi he. Cedi hu
wan tate kahuhuze cin heca he.

25 Tuka taku e wanyag yaipi
he. Wicaśta wan wokoyake
panpanna koyake cin heca he.
Iho, tona waśteya wakoyakapi,
qa tanyan nipi kin hena wica-
śtayatapi tipi kin en unpi ece.

26 Tuka taku e wanyag yaipi
he. Wicaśta wokcan he. Han,
eciciyapi, qa wanji wicaśta wo-
kcan isanpa tanka.

27 Iho, wahosiya mitawa kin
he niite itokam ye wasi, nito-
kam canku wiyeya nicicage kta
ce, eya owapi qon he dee.

28 Qa miye heciciyapi ; Wino-
hinca eciyatanhan wicatonpi kin
wicaśta wokcan tuwedan Johan-
nes baptem wicaqu qon isanpa
tanka śni : tuka Wakantanka to-
kiconze kin en tawe iyotan ci-
stinna kin he he kapa ce.

29 Unkan oyate kin qa wa-
mnayanpi kin tona nahonpi owa-
sin Wakantanka yaowotanpi, Jo-
hannes baptem wicaqu kin en
opapi.

30 Tuka Pharisee kin, wicoope
aiapi kin em, Wakantanka wa-
hokonwicakiye cin en iyapafo-
iciyapi, Johannes baptem wicaqu
śni nakaś.

31 Unkan Itancan kin heya ;
Wicaśta wicoicage kin de taku
e imdacin kta he ; qa taku iye-
cecapi he.

32 Śiceca iciyopekiciyapi kin
en iyotankapi, qa hoyekiciyapi
qa heyapi ; Unniciyajopi, tuka
wayacipi śni ; wasinunucihdapi,

tuka yaceyapi *śni* ce, eyapi kin he iyececap*i* ce.

33 Johannes baptem wicaqu qon he aguyapi yute *śni*, qa minisa yatke *śni* u; unkan, He taku wakan *śica* yuha ce, ehapi.

34 Wicašta Cinhintku kin he wote *ça* wayatke hi; unkan ehapi; Wan, wicašta wan wote sa, qa minisa yatke sa, wamnananpi qa wahtanipi sa takodawicaya ece.

35 Tuka Woksape iye cinca kin owasin on yaowotanpi ece.

36 Unkan Pharisee wanji kici wote kta e cinkiya. Hecen Pharisee ti kin en tin iyaye *ça*, wote kta iyotanka.

37 Unkan iho, otonwe kin en winohinca wahtani sa kin heca, he, Pharisee ti kin en wota iyotanka sdoneyechan, inyan opiye ihepi ohna yuha en hi;

38 Qa tapetepa tanhan siha kin en ceya najin, qa ista minihanpe kin on siha kiciyujaja, qa paha kin on kicipakinta *ça*, siha kin ikiciputake, *ça* ihepi qon on sda-kiciya.

39 Unkan Pharisee kico qon he wanyake *çehan*, cante mahen awacin qa heya; Wicašta kin de wicašta wokcan unkan*ś*, yutan kin he tuwe qa taku winohinca kin sdoney kta tuka; he wahtani sa kin heca.

40 Unkan Jesus waayupte *ça* heciya; Simon taku eciciye kta mduha ce. Unkan *is*, Waonspekiya, katinyan eya wo, eya.

41 Wicašta wan wicašta nonpa oicazo wicaqu: unma kin kaspa-pi opawinge zaptan iyohiye *śni*, qa unma kin *is* wikcemna zaptan.

42 Unkan taku on hdajujupi kte cin yuhapi *śni* qehan, wancake sakim wicakicicajuju ce. Hecen unma tukte iyotan wašte-

dake kta hecinhan, he omakiyaka wo.

43 Simon waayupte *ça*; Tuwe ota kicicajuju hee nace epca ce, eya. Unkan, Tanyan idukkan ce, ecia.

44 Hehan winohinca qon ekta ihduhomni, qa Simon heciya; Winohinca kin de wandaka he: Yati kin en wahi, unkan mini on siha *wahdujaja* kta mayaqu *śni*; tuka iye kin ista minihanpe kin on siha mayujaja, qa paha kin on pakinta.

45 I imayaputake *śni*; tuka winohinca kin de wahi kin ehan-tanhan siha imaputaka ayastan *śni*.

46 Pa kin wihdi on sdamayaye *śni*; tuka winohinca kin de ihepi on siha sdamayan ce.

47 Hecen on heciya ce, Wahtani kin hena ota *esta* kicicajujupi; he nina waštédaka nakas: tuka tuwe waniqadan kicicajujupi kin he iwaštédan waštédaka ece.

48 Hehan winyan qon heciya; Niohan *śice* cin hena nicicajujupi ce.

49 Unkan tona kici wota iyotankapi kin hena hehan cante mahen heyapi; De tuwe e wahtani nakun kajuju he.

50 Unkan winohinca qon heciya; Wacinyaye cin he niniyan ce; wookiye on hda wo.

WICOWOYAKE 8.

1 Unkan he iyohakam, otonwe tankinkinyan otonwe cikiciqadan ko, owasin iyaza un, qa wootanin wašte Wakantanka tokiconze ahna yaotanin. Unkan ake-nonpapi kin kici unpi:

2 Qa winohinca wanjikji taku wakan *śica* yuhapi qa wayazan-kapi, *tuka* asniwicayapi, Mary

WICOWOYAKE 8.

he Magdalene eciyapi, he etanhan wakan síca śakowin hinanpapi qon hee ;

3 Qa Joanna, Cuza Herod wawanyagkiye ciqon he tawicu, qa Susanna, qa nakun toktokeca ota, hena woyuha yuhapi kin on okiyapi ece.

4 Unkan wicota mniciyapi, qa otonwe otoiyo hi etanhan en ahi qehan, wiyacinpi on wowicakiyaka :

5 Woju heca wan taku su kin oju iyaya. Woju, unkan apa canku icahda hinhpaya ; unkan naatinzapi, qa mahpiya okinyanpi kin temyapi.

6 Unkan apa immija wan ahinhpaya ; unkan uye cehan, spaye śni on wancake śnija.

7 Unkan apa wapepeka ehna hna hinhpaya ; unkan wapepeka opeya uye, qa aotinsya.

8 Unkan apa is maka wašte ahinhpaya ; unkan uye, qa opawingege suton, eya. Unkan hena heceken eye cehan, heya niyan ; Tuwe noge winahon yukhan hecinhan, ito nahon kta ce, eya.

9 Unkan waonspewicakiye cin wiwangapi, qa heciyapi ; Wiyacinpi kin de toketu he.

10 Unkan heya ; Niyepi Wakantanka tokiconze woana hbe kin hena oyaka hni gapi kta nicupi ; tuka tokan kin is wiyacinpi ece : hecen etonwanpi keś wanyakapi kte śni, qa wana honpi keś oka hni gapi kte śni ce.

11 Wiyacinpi kin he dee : Su kin he Wakantanka oie kin ee.

12 Canku icahda qon he tona nahonpi kin heepi ; hehan wakan síce cin en hi, qa wicoie kin cantepi kin etanhan eyaku ece, awacinpi qa niwicayapi kte śni heon.

13 Tona wicoie nahonpi eca

iyuśkinyan icupi ece kin hena immija akan un qon hena ee ; hena hutkan nicapi, qa cistiye dan wicadapi, tuka taku iyutanwicayapi hehan ayuśtanpi ece.

14 Qa tona wanna nahonpi, qa hehan tokiya yapi, qa wiconi kin de woawacin kin, qa wowijice, qa wowiyuśkin kin, hena on aotinzapi, qa hecen tanyan sutonpi śni kin hena wapepeka ehna hinhpaya ciqon eepi ce.

15 Tuka tona wanna wicoie nahonpi eca, cante wašte qa owotanna mahen yuha unpi, qa wacintankaya sutonpi kin hena maka wašte akan un qon hena eepi ce, eya.

16 Wicašta kin tuwedan petijanjan wan ideye, qa wakśica wan iyahdapsinyan ehpeye śni, qa nakun owinja wan o hdateya ehna ke śni ece ; tuka petijanjan ihupa akan ehde ece : hecen tona en ipi kinhan, ijanjan kin wanyakapi kta.

17 Taku ana hmanpi qa yuotaninpi kte śni wanica ; qa nakun taku yutaninśniyan hnakapi qa yutaninyan eyakupi kte śni wanica ce.

18 Heon token nayahonpi hecinhan itonpa po ; tuwe wayuhe cin he nakun qupi kta ; qa tuwe wayuhe śni kin he taku yuha kecin kin hee ikicicupi kta ce, eya.

19 Hehan hunku qa hunkawanjitku kin hena en hipi, qa wicota kin on ikiyedani upi kta okihipi śni.

20 Unkan okiyakapi qa heyapi ; Nihun qa nihunkawanji tankan najinpi, qa wannihdake kta cinpi ce.

21 Unkan waayupte, qa hewicakiya ; Wakantanka oie nahonpi, qa ecen eonpi kin dena ina qa mihunkawanji eepi ce, eya.

LUKAS.

22 Unkan anpetu kin hena wanji en, waonspewicakiye cin om wata wan en opa; qa hewicakiya; Mde kin akasanpa unyanpi kta ce. Hecen canan eyaya.

23 Tuka sina watopekiyapi icunhan iye istinma: unkan tate iyumni wan mde kin en u; qa mini ojudan yakonpi, hecen tapi kta kokipapi.

24 Hehan en hipi qa yuhicapi qa heyapi; Itancan, Itancan, untakunipi s̄ni. Unkan najin hiyaye ça, tate qa mini taja ko kisica: hecen ayuŝtan, qa amda-kedan tanka.

25 Unkan hewicakiya; Wacin-yayapi kin tukte e he. Unkan is̄ wikopapi, inihanpi qa hekiciyapi; De taku wicaŝta he; tate mini kici ee kaeŝ okiya eca, anagoptan ece.

26 Unkan Galile itakasanpa Gadarene tamakocepi kin en ipi.

27 Unkan hen ihe çehan, wicaŝta wannakaja tanhan wakanŝica yuhe, ça wokoyake koyake s̄ni, qa tuktedan tipi oti s̄ni, tuka wicaŝta hnakapi kin en ece un kin, heca wan otonwe kin eciyatanhan itkokipa.

28 He Jesus wanyake çehan, hoyeye ça itokam makata ehpe-içiye ça hotankakiya heya; Jesus Wakantanka Iyotan Wankantu Cinhintku kin, token unyakon kta he. Ceciciya ce, Kakiŝmaye s̄ni wo.

29 Taku wakan ŝape cin wicaŝta kin etanhan hinanpe ŝi heon etanhan. He ijehan yuza ece; unkan mazaicicahiŝa wicaŝke ko on kaŝka hnakapi; tuka wicaŝke kin yupsapsake ça, wakanŝice makotahedan ekta iyayeya ece.

30 Unkan Jesus wiwange ça heya; Token eniçi-yapi he.

Unkan, Wicota, eya: taku wakan ŝica ota tan mahen ipi kin heon etanhan.

31 Unkan oŝbe kin ekta ye wicaŝi kte s̄ni, keya icekiyapi.

32 Unkan he kin en kukuŝe ota optaye wan won unpi; hecen en iwicayayapi kte cin he iyowinwicakiye kta keya cekiyapi; unkan iyowinwicakiya.

33 Hecen wakanŝice cin wicaŝta kin etanhan tankan hinapapi, qa kukuŝe kin en iwicayayapi; unkan optaye maya hinca wan en apamahde nina hin naŝdog iyayapi, qa mde kin en iyohpeiçi-yapi, qa minin tapi.

34 Unkan taku econpi kin he kukuŝe wo wicaqupi qon wanyakapi qehan, nakipapi, qa otonwe qa makoee kin ekta ohdag kipi.

35 Unkan taku econpi qon he wanyag ai, qa Jesus ekta ahi, qa wicaŝta wakanŝica etanhan hinapapi qon he ogeton, qa tawacin ekicetu, qa Jesus siha kin en iyotankahan yanka wanyakapi; unkan wikopapi.

36 Tona wanyakapi qon is̄ eya wicaŝta wakan ŝica yuhe ciqon token asniyanpi kin he owicakiyakapi.

37 Hehan ihdukŝan Gadarene tamakocepi kin owancaya taku econpi qon he naŝonpi qehan, owasin nina wikopapi on etanhan cekiyapi, qa tokan yeŝipi. Unkan wata kin en okipe, ça icicawin kihda.

38 Unkan wicaŝta etanhan wakan ŝice cin hinanpapi qon he kici un kta keya cekiya. Tuka Jesus hde ŝi, qa heya;

39 Niye yati kin ekta hde, ça Wakantanka taku hinca ecanicon kin he yaotanin wo, eya. Unkan kihde, ça Jesus taku hinca ecacicon qon he otonwe owancaya ohdaka.

WICOWOYAKE 9.

40 Unkan Jesus hdi qehan, oyate kin iyowinkiyapi; owasin ape hiyeya nakaes.

41 Unkan iho, wicašta wan Jairus eciyapi kin he en u, omniciye tipi itancan kin wanji hee; unkan he Jesus siha kin en makata ehpeiçiye ça, iye ti kin ekta u kta icekiya.

42 He cunwintku wanjidan, wanna waniyetu akenonpa ece-tu; unkan is wanna te kte wan-ka. Tuka ekta ye cin hepiya oyate kin aohdutyapi.

43 Unkan winohinca wan waniyetu akenonpa hehanyan we au, qa taku yuba owasin pejihutawicašta on wanna hdusota; tuka hecen tuwedan asniye kta okihi šni;

44 Hee tapetepa tanhan u, qa tawokoyake opapun kin yutan: unkan hecehnana we au qon he asapta.

45 Unkan Jesus heya; Tuwe mayutan he. Unkan owasin anakihmanpi qehan, Inyan qa tona kici unpi qon hena heyapi; Waonspekiye cin, wicota kin aohduteniyanpi, qa aotšinsniyanpi; heca ešta, Tuwe mayutan he, eha ce.

46 Unkan Jesus heya; Tuwe mayutan; wowašake ematanhan hiyu kin he sdonwakiya ce.

47 Unkan winohinca qon wanna inahbe šni e wanhdake çehan, cancanyan u, qa itokam makata ehpeiçiye, ça oyate kin owasin wicitokam, taku on yutan, qa token wancake asniyanpi kin he okiyaka.

48 Unkan heciya; Cuns, cante wate wo; wacinyaye cin he asniyan ce: wookiye on hda wo.

49 Unkan Jesus iahan icunhan, omniciye tipi idaka ti kin eciyatanhan tuwe u, qa heciya; Wa-

onspekiye cin nagiyeye šni wo; nicunksi wanna ta ce, eya.

50 Tuka Jesus he nahon qehan, waayupte ça heciya; Wikope šni wo; awicakehan wicada wo, kinhan niyanpi kta ce.

51 Unkan tipi kin en tin hiyu qehan, tuwedan tin ye kta iyowinkiyeye šni; Inyan, qa Jakob, qa Johannes, qa wikoška atkuku hunku kici henana en ipi.

52 Unkan owasin aceyapi qa wasinhda enapeyapi ece. Tuka heya; Ceyapi šni po; te šni, tuka ištınma ce.

53 Unkan wanna ta sdonyapi kin heon wowihayapi.

54 Unkan owasin tankan iyayewicaye, ça napata yuze, ça kipan qa heya; Wikoška najin wo, eya.

55 Unkan nagi kin kiyohpaya, qa hecehnana najin hiyaya: hehan wo qu wicaši.

56 Unkan hunkakeku kin inihanpi: tuka taku econ kin he tuwedan okiyake šni wicaši.

WICOWOYAKE 9.

1 Unkan waonspewicakiya akenonpapi kin hena wicakico, qa wowašake wookihi ko, wakanšica owasin on, qa wowayazan asniyanpi kta hecen wicaqu.

2 Qa Wakantanka tokiconze kin oyakapi kta, qa wayazankapi kin asniwicayapi kta ye wicaši.

3 Qa hewicakiya; Icimayanipi kte cin on cansagye, qa wujuhadan, qa waneya, qa mazaska takudan eyakupi šni po; qa nakun onhdohda nomnom yuhapi šni po.

4 Qa tukte tipi wan en yaipi kinhan, hen ece yukan po, qa hetanhan iyoopta ya po.

5 Qa tuwe kašta iyowinniciyapi šni kinhan, otonwe kin he inayapapi kinhan, nisihapi watuše-

káeca onistakapi kin hee kaes katata po, he owicayake kta ce.

6 Unkan iyayapi, qa otonwe iya-za yapi, qa wootanin wašte oya-kapi, qa owancaya waasniyanpi.

7 Unkan taku econ kin owasin, Herod wicaštayatapi kin nañon; qa hehan token canče yuza nun-tanin šni; apa Johannes wicon-če kin etanhan kini keyapi kin heon etanhan :

8 Qa apa is, Elias hi ce, eyapi; qa apa tokeca is, Wannakaja waayatapi qon hena etanhan wanji kini ce, eyapi.

9 Unkan Herod heya, Johannes pa bawaksa ce : tuka de tuwe e on taku decekceca nawañon he. Unkan wanyake kta cin.

10 Unkan wahošiyapi kin hena wanna hdipi qehan, taku token econpi kin owasin okiyakapi. Unkan ewicahdaku qa nahman-na icunonpa makotahedan wan ekta i, he otonwe wan Bethsaida eciyapi kin ahankeya.

11 Unkan oyate kin sonyapi qehan, ihakam eyaya : unkan iyo-winwicakiye ca, Wakantanka to-kiconze kin he iwowicakiyake ca, tona asniyanpi cinpi kin hena asniwicaya.

12 Unkan wanna hitayetü aye cehan, akenonpapi kin upi, qa heciyapi, Wicota kin tokan ye-wicaši wo; hecen otonwe qa ihduksan makoce wanke cin hena ektakta yapi, qa taku yu-tapi oičidepi, qa iwankapi kta ce; den makotahedan unyakon-pi heon etanhan.

13 Tuka hewicakiya; Niye wo wicaqu po. Unkan heyapi; A-guyapi zaptan qa hogan nonpa henana unhapi; oyate denakeca woyute opewicakiciton unyanpi

30 Unkan kta kektopawinge za-heya; Tokehan. Unkan waonspe-

wicakiye cin hewicakiya; Wi-kcemna zaptanptan ptaptaya iyo-tang wicakiya po, eya.

15 Unkan ecen econpi, qa owa-sin iyotang wicakiyapi.

16 Hehan aguyapi zaptan qa hogan nonpa qon hena icu; qa mahpiya ekta etonwan, qa ya-wašte, qa yušpašpa, qa waonspe-wicakiye cin wicaqu; qa iye oya-te kin wicitokam ewicakicihna-kapi kta.

17 Unkan wotapi qa owasin wipipi; unkan onšpašpa iwicaki-ciyaye cin hena pahipi, makano-piye akenonpa.

18 Unkan isnana wocekiye eya un qehan, waonspewicakiye cin hena kici unpi : unkan wiwica-wange ca heya; Miye matuwe oyate kin keyapi he.

19 Unkan waayuptapi qa, Jo-hannes baptem wicaqu qon; qa apa is, Elias; qa apa tokeca is; Wanakaja waayatapi qon hena etanhan wanji kini ce, eyapi ce, eyapi.

20 Unkan hewicakiya; Tuka niye matuwe kehapi he. Unkan Inyan waayupte ca heya; Wa-kantanka etanhan Messiya kin.

21 Unkan nina owicakiye, qa wicaštá kin tuwedan okiyake šni wicaši;

22 Qa heya; Wicaštá Cinhin-tku kin taku otakiya on ito iyo-tanhan iyekiye kta, qa wicaštá tokapapi, qa wawayušnapi itan-canpi, qa wowapi kagapi kin he-na heyata iyeyapi, qa ŧeyapi kta ce : unkan anpetu iyamañ kinhan kini kta ce, eya.

23 Unkan owasin hewicakiya; Tuwe miyahna u wacin kinhan, waipičida, qa anpetu otaiyohi cansusbeca kin kičin, qa miya-hna u kta.

24 Tuwe kašta wiconi kin hdu-he wacin kinhan, togehpekiye

WICOWOYAKE 9.

kta ce ; tuka tuwe kašta miye on wiconi kin togehpekiye cinhan, hee hduhe kta ce.

25 Wicašta togehpekiye, qa is token ehpeyapi hecinhan, maka kin ocowasin ohiikiye esta, taku ecin on tanyan un kta he.

26 Tuwe miye qa mioie kin on istece cinhan, hee on Wicašta Cinhintku kin istece kta, tohan iye towitan, qa Atkuku tawa qa taohnihde wakan tawapi kin hduha u kinhan.

27 Tuka awicakehan heciciyapi ; Den najinpi kin apa Wakan-tanka tokiconze kin tohanyan wanyakapi šni kin hehanyan tapki kte šni.

28 Unkan wicoie kin dena iyohakam anpetu šahdogan ecetu, hehan Inyan, qa Johannes, qa Jakob, hena ewicayaku, qa cekiyekta paha wan ekta i.

29 Unkan cekiya icunhan ite kin tokeca hinhda, qa tawokoyake kin ska qa wiyatpatpa.

30 Unkan iho, wicašta nonpa kici wohdakapi, Moses qa Elias hena eepi.

31 Hena wokitaninyan hinajinpi, qa iye iyaye kte cin, Jerusalem ekta hduštan kte cin he iwohdakapi.

32 Tuka Inyan qa om un kin hena nina istinmapi ; unkan kiktapi qehan wookitanin tawa kin he wanyakapi, qa nakun wicašta nonpa kici najinpi kin hena.

33 Unkan hena ehpeya kihdapi icunhan, Inyan Jesus heciya ; Itancan, den unkanpi kte cin he waste ; ito wakeya yamni un-kagapi kta, wanji niye, qa wanji Moses, qa wanji Elias, hecen unnicicagapi kta ; taku eye cin he sdonkiye šni.

34 Hena hecen eya icunhan, mahpiya šoka wan u, qa aohanziwicaya. Unkan mahpiya šoka

kin en hiyayapi hehan nina wikipapi.

35 Unkan mahpiya qon etanhan wicaho wan hinape, qa heya ; Micinksi wastewakidake cin he dee ce : he anagoptan po.

36 Unkan wicaho qon yaštan qehan, Jesus isnana en najin. Unkan iye inina unpi, qa taku wanyakapi qon anpetu kin hena en wicašta kin tuwedan okiyakapi šni.

37 Unkan ianpetu qehan, paha qon eciyatanhan wanna en hdipi qehan, oyate ota itkokipapi.

38 Unkan iho, wicota kin etanhan wicašta wanji hoyekiye qa heya ; Waonspekiye cin, ceciciya ce, micinksi kin atonwan wo ; micinca hecedan :

39 Unkan iho, woniya wan yuza eca, ihnuhana šicahowaya ece ; qa yuhdehdeca, qa hecen minitaga apašdiya, qa onšiya kuwa, qa kitan se ayuštan ece.

40 Unkan waonspewicayakiye cin cewicawakiye, qa napeye wicawaši ; tuka okitpanipi, eya.

41 Unkan Jesus waayupte qa heya ; Wicoicage wicada šni qa tawacin tehika, tohanyan cicipi waun kta, qa iyowinciciyapi kta he : nicinksi kin den au wo.

42 Unkan u kin hepiya, wakanšice cin makata ehpeye, qa yuhdehdeca. Unkan Jesus woniya šape cin kišice qa, hokšidan kin asniye qa, atkuku kin kicu.

43 Unkan Wakantanka towašake hince cin on owasin inihanpi. Tuka Jesus taku token econ kin on owasin inihanpi icunhan, waonspewicakiye cin hewicakiya ;

44 Wicoie kin dena ninogepi kin en iyohpayapi kte ; Wicašta Cinhintku kin wicašta napepi kin en wicagupi kta.

45 Tuka iapi kin he okalinigapi s̄ni, qa anawicakihmaupi, hecen iyukanpi s̄ni: unkan wicoie kin on iwangapi kte cin itonpapi.

46 Unkan hehan wanji tukte iyotan tankapi kte cin he hdo-kinicapi.

47 Unkan cante ekta hdokini-capi kin he Jesus wanyake cehan, hoks̄iyooqopa wan icu qa iye iyokihe ehde ;

48 Qa hewicakiya ; Tuwe kašta hoks̄iyopa kin de micaje on eyaku kinhan, he miye e emayaku ; qa tuwe kašta miye emayaku kinhan, he umaši kin hee eyaku ece ; hecen niyepi owašin wanji tukte nicistinpidan kinhan, hee tanka kta ce, eya.

49 Unkan Johannes waayupte ca heya ; Itancan, tuwe nicaje on taku wakan šica napewicaya wanunyakapi, qa den ounpapi s̄ni kin on etanhan teunhin-dapi.

50 Unkan Jesus heciya ; Tehin-dapi s̄ni po : tuwe unkipajinpi s̄ni kin he unkicicapi ece.

51 Unkan anpetu en wankan eyakupi kte cin wanna kiyedan aya, hehan Jerusalem ekta ye kta e ite kin hdusuta ;

52 Qa wahošiyapi kin heca tokata ye wicaši. Unkan iyayapi, qa taku wiyeya kicihnakapi kta e Samariya wicašta tonwanyan-pi kin wanji en ipi.

53 Unkan Jerusalem ekta ye kta sece cin on etanhan iyowin-kiyapi s̄ni.

54 Unkan waonspewicakiye cin, Jakob qa Johannes he wanyakapi qehan, heyapi ; Itancan, Elias econ qon he iyecen unkiye, ma-hipiya eciyatanhan peta kun u, qa huħnaħwicaye unšipi kta ya-cin he.

55 Tuka ihduhomni qa wica-

kišice, ca heya ; Tawacin toni-keŋupi kin s̄donyakiyapi s̄ni ce.

56 Wicašta Cinhintku kin wicašta ŋewicaye kta on hi s̄ni, tuka niwicaye kta heon hi ce, eya. Unkan otonwe wan toke-ca ekta iyayapi.

57 Unkan canku ohna yapi icunhan, tuwe heciya ; Itancan kin, tokiya kašta de cinhan ciya-hna mde kta ce, eya.

58 Unkan Jesus heciya ; Šun-gidan kin wašun tonpi, qa ma-hipiya okinyanpi kin hoħpi yu-hapi, tuka Wicašta Cinhintku kin iye pa kin tukten iwanke kte cin ee kaeš hduhe s̄ni ce.

59 Unkan wanji tokeca heciya ; Miyahna u wo. Tuka heya ; Itancan, tokaheya ate weħe mde kte cin he iyowinmakiya ye.

60 Jesus heciya ; Tona ŋapi kin ŋa wicayuhapi kin hena ito wicakihapi kta ; tuka niye qe ye ca Wakantanka tokiconze kin he oyaka wo.

61 Unkan wanji tokeca nakan heya ; Itancan, ciyahna waun kta ; tuka ito tokaheya wahde, ca wati kin ohna un kin tanyan wehnake kte cin he iyowinma-kiya wo.

62 Unkan Jesus heciya ; Wicašta kin tuwe maħiyumdu wana yuze, ca hehan hinakaha ha-kikta kinhan, he Wakantanka tokiconze kin en ope kta iyece-ce s̄ni ce.

WICOWOYAKE 10.

1 Unkan taku kin hena iyoha-kam, Itancan kin toktokeca wickemna šakowin cajewicayate, ca iye otonwe tona ekta ye kte cin, qa tokiya kašta ekta ye kte cin, hena kohan ektakta nomnom yewicaši.

2 Qa hecen ewicakiya ; Awicakehan woksapi kin tanka, tuka

Itanipi kin e tonana ce; he on etanhan woksapi Itancan kin, he iye Itanipi kin heca woksapi kin en yewicafi kte cin he icekiya po.

3 Ya po; iho, tahincaska suntkokeya ehna unpi he iyecen ye cisipi.

4 Mazaska opiye, qa wojuhdan, qa hanpa hena hduhapi sni po: qa tahepi wicasta tuwedan okiyapi sni po.

5 Qa tukten tipi wan en tin idadapi kinhan, tokaheya, Wookiye tipi kin den un nunwe, eya po.

6 Unkan wookiye cinhintku kin en un kinhan wookiye nitawapi kin en iyahe kta: tuka hecece sni kinhan, ake en nihdipi kta.

7 Qa tipi kin he en ece un po, taku nicupi kin yuta qa yatkan dukanpi kta; tuwe hitani kin he wokajuju kicupi ece e kta: Tipi iyaza yapi sni po.

8 Qa tukten otonwe wanji en yaipi, qa iyowinniciyapi kinhan, taku nitokam enicihnakapi kin he ece yuta po.

9 Qa wayazanka en unpi kin hena asniwicaya po, qa, Wakan-tanka tokiconze kin he kiyedan nihiyohipi ce, ewicakiya po.

10 Qa tukte otonwe wanji en yaipi qa iyowinniciyapi sni kinhan, otonwe kin he canku kin en hdicupi qa heya po;

11 Nitotonwepi watusekseca ountkapapi kin hee kaes itkom unnicicatatapi ce; tuka Wakan-tanka tokiconze kin he kiyedan nihiyohipi kin sdonya po.

12 Tuka heciciyapi ce, Anpetu kin he en otonwe kin he tehiya un kte cin he Sodom aoptenya un kta ce, eya.

13 Korazin wotehi niciyanka ce; Bethsaida wotehi niciyanka ce; niyepi kin en wicohan tanka

eeonpi kin hena Turos qa Sidon en eonpi unkané, wanakaja wahinske ojuha cahota ahna en iyotanka iyopeiciyapi kta tuka.

14 Tuka wayacopi kin ekta niye tehiya yaunpi kte cin he Turos Sidon kici aoptenya unpi kta.

15 Qa niye Kapernaum, yuwankan mahpiya ekta aniyampi kin, kuya wakanéca ti kin ekta iyaye niyanpi kta ce, eya.

16 Tuwe ananigoptanpi kin, he miye e anamagoptan; qa tuwe wahtenidapi sni kin, he miye e wahtemada sni; qa mis tuwe wahtemada sni kin, he umasi kin hee wahteda sni ece, eya.

17 Unkan wikcemna sakowinpi qon wopidaya hdipi, qa heyapi; Itancan, nicaje kin eciyatanhan wakanéicapi kin iyepi kaes anungoptanpi ece.

18 Unkan hewicakiya; Mahpiya kin eciyatanhan wakanhdi iyecen Satan hinhpaya wamdaka ce.

19 Iho, wowasake cicupi, hecen wamduka sintehda ko ayahanpi kta, qa toka token wasakapi esta isanpa yaunpi kta; hecen takudan ksuweniyampi kte sni.

20 Tuka wakan éce cin hena ananigoptanpi kin heon wiyuskinpi sni po; tuka mahpiya ekta caje oniwapi kin hee on wiyuskin po, eya.

21 Unkan he ehan Jesus cante mahen iyuskin, qa heya; Ate, mahpiya maka abna on Itancan, niye taku kin dena ksapapi, qa wayupikapi kin hena anawicayakihe, ca hokéiyooqopa kin heca sdonyewicayakiye cin, he pidamayakiya ce; han, Ate; niye hecen iyonicipi kin heon etanhan.

22 Atewaye cin he taku owasin yuhemakiya; qa Cinhintkuyapi

kin he tuwe kin tuwedan sdoney
 śni, Ateyapi kin heceyedān; qa
 Ateyapi kin is tuwe kin, Cinhin-
 tkuyapi kin iye qa tona owica-
 kiyake kte cin henana sdonyapi
 ece.

23 Unkan waonspewicakiye
 cin ekta ihduhomni, qa nahma-
 na heya; Taku wandakapi kin
 hena wicišta tona wanyakapi
 kin hena yawastēpi ece.

24 Qa heciciyapi; Waayatapi
 kin wicāstāyatapi ko ota taku
 wandakapi kin hena wanyag
 cinpi, tuka wanyakapi śni; qa
 taku nayañonpi kin he nañon
cinpi, tuka nañonpi śni, eya.

25 Unkan inyun, wicoope aiapi
 kin heca wanji najin hiyaye, ca
 wawiyutanye, ca heciya; Wa-
 onspekiye cin, token ecamon qa
 owihanke wanin wiconi ohimi-
 çiyē kta he.

26 Unkan heciya; Wicoope kin
 en token owapi he; token dawa
 ece he.

27 Unkan waayupte, ca heya;
 Itancan Wakantanka nitawa kin
 he nicante kin ocowasin, qa ni-
 nagi ocowasin, qa nitowaśake
 ocowasin, qa nitowacin ocowasin
 on waśteyadake kta; qa niye
 inihdacin kin he iyecen nikiye-
 dan un kin waśteyadake kta
 ce.

28 Unkan heciya; Tanyan
 waadupta; hecen econ wo, kin-
 han yani kta ce.

29 Tuka iye ihdaowotanna wa-
 cin, qa Jesus heciya; Unkan
 mikiyedan un kin he tuwe he.

30 Unkan Jesus ayupte ca heya;
 Wicašta wan Jerusalem etanhan
 Jeriko ekta iyaya; qa wama-
 nonpi sa awicakipa, hena tawo-
 koyake kin kipi, qa apapi, qa te
 icakiś eñpeya kihdapi.

31 Unkan ehantudan wawayu-
 śna wanji canku kin he ohna

hiyaya; qa he wanyake çehan
 iyoopta iyaya.

32 Unkan Lewite heca wanji
 is eya ehan i qehan, atonwe çā
 iyoopta iyaya.

33 Unkan Samariya wicašta
 wanji icimani un, he wanke cin
 en hi; qa wanyake çehan on-
 śida;

34 Qa en i, qa kaşujapi kin pa-
 hte çā wiñdi miniśa ko en oka-
 śtan; hehan iye taşunke kin
 akan yankekiye çā, owote tipi
 wan en abi, qa awanyaka.

35 Unkan ihanñanna iyoopta
 ye kta, hehan kaşpapidan nom
 ehdaku, qa tipi tawa kin qu, qa
 heciya; Tanyan yuha wo, qa
 dena sanpa tona on dusote cin-
 han, tohan waku kinhan ciçu
 kta ce.

36 Iho, hena yamnipi kin, wa-
 manonpi sa awicakipe ciçon
 wanji tukte ikiyidan un idukkan
 he.

37 Unkan, Wanji onśida qon
 hee ce, eya. Hehan Jesus he-
 ciya; Ye çā, iyecen econ wo.

38 Unkan hetanhan iyoopta
 iyayapi, hehan otonwe wan en
 i; unkan winohinca wan Mar-
 tha eciyapi, he iye ti kin en
 kico.

39 Unkan he tankaku kin, Ma-
 ry eciyapi kin he Jesus siha kin
 en iyotanke çā, oie kin nañon
 ece.

40 Tuka Martha wicohan ota
 on token cante yuza tanin śni;
 heon en hi qa heya; Itancan,
 mitanka eñpemaye çā miñnana
 taku ota ecamon ece kin niś ekta
 ewacanni śni he; heon etanhan
 omakiye kta keciya ye.

41 Tuka Jesus waayupte çā
 heciya; Martha, Martha, taku
 ota yacicanda wacanni, qa on
 nagiyeniçiya ece:

42 Tuka taku wanjidan cinpi-

WICOWOYAKE 11.

ca; unkan Mary taku wašte kin he kañiga, he icimana kipi kte šni ce.

WICOWOYAKE 11.

1 Unkan tukten cekiya un, qa ayaštan qehan waonspewicakiye cin.wanji heciya; Itancan, wocekiye eya onspeunkiya po, Johannes waonspewicakiye cin onspewicakiye ciqon he iyececa.

2 Unkan hewicakiya; Ceyakiyapi kinhan kaken eya po; Ateunyanpi mañpiya ekta nanke cin, nicaje wakandapi nunwe: Nitokiconze kin u kte: Mañpiya ekta nitawacin econpi kin he iyecen maka akan econpi nunwe.

3 Anpetu ototiyohi anpetu woyute unqu po.

4 Qa waunñtanipi kin unkicicajuju miye, unkiš tona šicaya ecaunkiconpi wicunkicicajujupi kin he iyececa. Qa taku wawiyutanyan un kin en un kayapi šni po; tuka taku šice cin etanhan eunhdaku po.

5 Unkan hewicakiya; Niyepi kin wanji tuwe kodayayapi, qa hanye cokaya ekta yaipi, qa heyakiyapi; Koda, aguyapi yamni omaqu wo:

6 Mitakoda wanji icimani hi, tuka taku itokam ewahnake kta takudan mduhe šni ce.

7 Hehan iye timahen tanhan waayupte, ça heye kta; Nagiyemaye šni wo; tiyopa wanna natakapi, qa micinca om mahen imunka; hecen nawajin qa ciçu kta owakitpani ce.

8 Heciciyapi; He kodaya on etanhan najin qa qu kte šni qe-yaš, nina kitan kin heon etanhan, najin qa tona cin kinhan qu kta ce.

9 Nakun heciciyapi; Da po, kinhan niçupi kta; akita po,

kinhan iyeyapi kta; katoto po, kinhan niciyuhdokapi ece e kta.

10 Tuwe da eca he icu ece; qa tuwe akita eca he iyeya ece; qa tuwe katoto eca he kiciyuhdokapi ece e kta.

11 Cinca niyukanpi kin, wanji tukte cinhintku aguyapi kida kinhan, inyan wan qu kta he; qa is hogan wan da kinhan, hogan on wamduška wan qu kta he.

12 Qa is witka wanji da kinhan sintelida wan qu kta he.

13 Hecen niš nišicapi kin, nicincapi taku waštešte wicayaqupi kte cin he onnispepi ehan-tanhan, is iyotan mañpiya Ateyayapi kin tona Woniya Wakan kidapi kinhan wicaqu kta ce, eya.

14 Hehan wakan šica wanji tankan iyayeya, unkan ia okitpani. Unkan wakan šice cin wanna tankan hinape qehan, ia okitpani qon hehan ia; hecen oyate kin inihanpi.

15 Tuka apa heyapi; Beelzebub wakan šica itancan kin he eciyatanhan wakan šica napewicaya ece.

16 Qa apa toktokeca is iyutan-yanpi kta on mañpiya eciyatanhan wowapetokeca kidapi.

17 Tuka tawacinpi kin sdonwicaye ça hewicakiya; Wokiconze kin tona iye iyakitedan kicipajinpi kin hena atakuni šni ece; qa tipi wanji iye içipajin kinhan he jujuwahan ece.

18 Qa Satan is iye içipajin kinhan tokiconze kin he token ecin ecen he kta he. Beelzebub eciyatanhan wakan šica napewicawaya ece, kehapi kin heon etanhan.

19 Unkan miye Beelzebub eciyatanhan wakan šica napewicawaya echantanhan, niye nicinca-

pi kin hena tuwe eciyatanhan napewicayapi he; hecen iyepi kin niciyukanpi kta.

20 Tuka miye Wakantanka napsukaza on wakan síca nape-wicawaya ehantanhan, Wakan-tanka tokiconze kin awicakehan nihiyohipi ce.

21 Wicašta wan waśake ça wipe ton ti awanhdake cinhan, hecen woyuha tawa kin tanyan hiyeya ece.

22 Tuka wanji ikapeya waśake cin he takpe hi, qa ktedan kinhan, tawipe wacinkiye ciqon he owasin ekiciyaku, hehan taku tawa qon pamni ece.

23 Tuwe micica śni kin he makipajin; qa tuwe miciwapahi śni kin he wayumdeca ece.

24 Woniya śapa kin wicašta wan etanhan hinanpa eca makoce puze cin en ece un, qa oziiciye kta akita; tuka takudan iyeye śni kinhan, hehan heya; Wati etanhan wahinawape ciqon he ake ekta wahde kta ce.

25 Unkan en hdi eca, wanna kahintapi qa ayuco yuśtanpi iye-kiya ece.

26 Hecen tokiya ye ça, woniya toktokeca iye kin isanpa wica-štapiśni śakowin ewicayaku, qa hena en yapi, qa otipi: hecen wicašta kin he otokahe kin isanpa oehake kin he síca ece.

27 Unkan hena hecekcen eya icunhan, wicota kin etanhan winoñinca wan ho wankan yeye ça heciya; Wicitpi etanhan inicage cin he, qa aze dazoke cin hena yawaštepi ce.

28 Tuka iye heya; Han, tuka tona Wakantanka oie kin nahonpi, qa ecen econpi kin hena is iyotan wicayawaštepi ce.

29 Unkan oyate kin wanna en himniciyapi qehan, hewicakiya; Wicoicage kin de síca; wowa-

petokeca akitapi, tuka wowa-petokeca takudan wicaqupi kte śni; Jonas waayate ciqon w-wapetokeca tawa kin heceedan.

30 Ninewe oyate kin Jonas wowapetokeca yuhapi qon, he iyecen wicoicage kin de Wica-šta Cinhintku kin wowapeto-keca yuhapi kta.

31 Woyaco kin ekta itokaga wicaštayatapi winoñinca qon he wicoicage kin de itkom nawica-jin, qa wicayaco kta; he iye maka owihanke tanhan Solomon toksape kin nahon hi; unkan iho, wanji Solomon isanpa tanka den un ce.

32 Woyaco kin ekta Ninewe wicašta kin hena wicoicage kin de on injanpi kta, qa yacopi kta; he iye Jonas wowicakiyake cin on iyopeiciyapi; unkan inyun, wanji Jonas isanpa tanka den un ce.

33 Tuwedan petijanjan wan ideya eca nahmana ehde śni, qa is ohna wiyutapi kin iyahdapsin-yan hnake śni; tuka petijanjan ihupa wan akan ehde ece; qa hecen tona en hipi kinhan ojan-jan kin wanyakapi kte.

34 Wicatancan iyoyanpa kin wicišta kin hec: heon etanhan ništa kin hecetu kinhan, nitancan kin is eya iyoyanpa ojudan ece; tuka ništa kin he síca eca, nitancan kin is eya ocowasin otpaza ojudan ece.

35 Hecen iyoyanpa en niun kin he otpaze kte śni e waktu wo.

36 Heon nitancan kin ocowasin iyoyanpa ojudan, qa tuktedan otpaze śni ehantanhan, petijanjan wan yehya ide iyoyam-niyan kin he iyecen ocowasin iyoyanpa ojudan kta ce.

37 Unkan heya icunhan Phari-see wan kico: hecen en i, qa wote kta iyotanka.

WICOWOYAKE 12.

38 Unkan wote śni itokam ihdujaja śni kin he Pharisee qon wanyake cehan, inihan.

39 Unkan Itancan kin heciya; Niye Pharisee kin, miniyatkan wakśica ko akapatanhan duska-pi ece; tuka mahen tanhan wawicakipi wicoľan śica ko onijupidan ece.

40 Winitkotkopike cin, akapatanhan un kin he tuwe kaga hecinhan, he is mahen un kin nakun kage śni he.

41 Tuka taku duhapi kin etanhanhan wicaqu po; kinhan taku owasin niciskapi kta ece.

42 Tuka Pharisee kin niyepi wotehi niciyankapi ece; ceyakata, wacanga, wahpe wašte-mna ko owasin etanhan iwikcemnamna wicayaqupi ece; tuka wicoľan owotanna Wakantanka waštedakapi ko, hena acayakśin-pi ece; dena e is ecen ecanonpi kta, qa unma qon oyakaptapi kte śni tuka.

43 Pharisee kin niyepi wotehi niciyankapi ece; omniciye tipi kin en oyanke waštešte kin hena wašteyadakapi ece, nakun wopeton tipi kin ekta yaonihan-yan oniciyapi kin.

44 Wowapi kagapi qa Pharisee, wanaicilmanpi kin, wotehi niciyankapi ece; wicašta hnakapi tanin śni hiyeye ća wicašta kin sdoney śni amanipi kin he-nicecapi ece.

45 Unkan hehan wicoope aiapi kin heca wanji waayupte, ća heciya; Waonspekiye cin, hecen eha eca, unkiś eya ienunyahde-pi ece.

46 Unkan heya; Wicoope aiapi kin niś eya wotehi niciyankapi ece; waqinpi qinpi tehika wicašta qinwicayakiyapi ece qa niyepi kin napsukaza wanjidhan on waqinpi kin dutanpi kte śni.

47 Wotehi niciyankapi ece; wicašta wokcan wicahnakapi kin hena niye yakagapi, qa niyatapi kin hena wicaktepi qon.

48 Atewicayayapi oľhanyanpi qon iyowinwicayakiyapi e awicakehan nihduotaninpi; he iye hena wicaktepi e wicakapi, qa niye wicašta hnakapi kin wicayecagapi ece.

49 Heon is eya Wakantanka toksape kin heya; Waayatapi qa wahośiyapi heca ekta yewicawaśi kta ce; unkan apa wicaktepi, qa onśiya wicakuwapi kta;

50 Hecen maka kagapi kin ehantanhan wicašta wokcanpi we paponpi kin he owasin wicoicage kin de iwicawangapi kta;

51 Abel we kin hetanhan, qa Zacariyas tipi wakan wahna wośnapi kin okitahedan awihnuni qon he we kin iyahdeya: Awicakehan heciyapi, He wicoicage kin de etanhan iwicawangapi kta ce.

52 Niye wicoope aiapi kin wotehi niciyankapi ece; niś wosdoney iyuhdoka yutokan edakupi, qa niye ohna idadapi śni, qa tona ohna iyayapi kte cin hena anawicayaptapi ece.

53 Unkan hena hecekcen ewicakiya icunhan, wowapi kagapi qa Pharisee kin taku ota eyeki-yapi kta e nina hin nagiyeyapi:

54 Taku iyaonpapi kta akitapi, heon taku i kin etanhan inanpe kta on hmunkapi kta iyapepi.

WICOWOYAKE 12.

1 Unkan wicota hinca en ahimniciya, hecen akicihanpi ece, hehan waonspewicakiye cin hewicakiya; Tokaheya Pharisee kin on napohyapi tawapi kin he

itonpa po, he wanaicilmanpi kin hee ce.

2 Taku akalipetonpi qa yuzamnipi kte s̄ni wanica ; qa nakun taku anahmanpi qa yuotaninpi kte s̄ni wanica ce.

3 Hecen otpaza ehna taku token ehapi kin he anposkantuya nahonpi kta ; qa onalibe tipi kin ohna wicanoge kin en token ehapi kin he tipi akan ieyanpahapi kta.

4 Qa kodamayayapi kin, niš heciyapi ; Wicatancan ktepi qa sanpa takudan okihipi s̄ni kin hena kowicakipapi s̄ni po.

5 Tuka tuwe koyakipapi kte cin he ito kanyehan ociciyakapi kte : Tuwe wicakte, qa hehan wakanšica tipi kin en ehpewicaya okihi kin he eca kokipa po ; han, Hee kokipa po, eciciyapi ce.

6 Zitkadan zaptan mazašadan nonpa iyopewicayapi s̄ni he : heca ešta Wakantanka hena wanjidan kaes̄ akiktonje s̄ni.

7 Tuka niyepi kin paha ce kaes̄ owasin niyawapi ece. Heon etanhan wikipapi s̄ni po ; zitkadan ota isanpa niyawapi ece.

8 Qa nakun heciyapi ce ; Tuwe kašta wicašta kin wicitokam miye mayaotanin kinhan, Wicašta Cinhintku kin Wakantanka taohnihde kin hena itokam he yaotanin kta.

9 Tuka tuwe wicašta kin wicitokam amakta s̄ni kinhan, Wakantanka taohnihde kin hena itokam, he aktapi kte s̄ni.

10 Qa tuwe kašta Wicašta Cinhintku kin itkom wicoio wanji eciye cinhan, kicicajujupi kte ; tuka tuwe Woniya Wakan waošehda kinhan, kicicajujupi kte s̄ni.

11 Tohan omniciye tipi kin en anihipi kinhan, qa wicaštayatapi

wowašake ko ekta, taku qa token aduptapi kta, qa taku ehapi kte cin awacinpi s̄ni po.

12 Woniya Wakan kin he iye iyehantudan hin taku ehapi kta iyececa he onspeniciyapi kta ce.

13 Unkan wicota kin etanhan wanji heciya ; Waonspekiye cin, misunka woyuha hanke micu kta, keciya wo.

14 Unkan heciya ; Wicašta kin, niwankam wiyukcan qa wapamni kte cin tuwe makaga he.

15 Unkan hewicakiya ; Iwanihdaka po, qa wakonpi kin kokipa po ; wicašta nipi kin he taku iyakiçuya tonpi kin he en un s̄ni ece.

16 Hehan wiyacinpi wan owicakiyake ça heya ; Wicašta wijica wan tamaga kin taku ota icaliya.

17 Unkan cante mahen he awacin qa heya ; Token ecamon kta he ; waskuyeca mitawa kin tukten wehnake kte cin mduhe s̄ni ce.

18 Hehan heya ; Kaken ecamon kta ; wopiye wahdujuju kta, qa tankinkinyan wakage kta ; qa hena ohna taku imicicaga woyuha mitawa ko owasin ewaju kta.

19 Qa minagi kin hewakiye kta ; Minagi, taku ota yehnahe cin he waniyetu ota oiyahde kta ce ; ito oziciye, ça wote, ça watke, ça wiyuškin wo, cya.

20 Tuka Wakantanka heciya ; Winitkotkoke cin, hanyetu kin de ninagi kin inicicupi kta ; hecen wayehnahe cin hena hehan tuwe tawa kta he.

21 Tuwe woyuha kihnaka, tuka Wakantanka ekta wijice s̄ni kin he he kicica ce, eya.

22 Unkan waonspewicakiye cin hewicakiya ; Hecen on heci-

WICOWOYAKE 12.

yapi ce, Yanipi kin on taku yatapi kte cin, qa is tancan kin taku kodakapi kte cin, hena on nagiyeci-yapi s̄ni po.

23 Wicani kin he woyute kin isanpa ece; qa wicatančan kin is wokoyake isanpa ece.

24 Kangi kin hena iwicayukan po; he iye wojupi s̄ni qa woksapi s̄ni, qa dotopiye woħa ko nicapi: unkan Wakantanka hena wo wicaqu ece. Wahupakoza kin isanpa niyawapi s̄ni he.

25 Qa niyepi wanji awacannipi kin on wiciśpa wanjidan kaes̄ nihduhanskapi oyakhipi he.

26 Hecen taku iyotan cistinna kin he oyakhipi s̄ni ehantanhan, unna kin on tokeca ecin nagiyeci-yapi he.

27 Mnalicaħca kin he token icaga ece kin he iyukan po; ģtani s̄ni qa nakun wakahmun s̄ni; tuka heciciyapi ce, Solomon token okitanin eħta, dena wanji iyecen wakoyake s̄ni.

28 Hecen Wakantanka peji anpedehan magata hiyeya, qa heyakecinhan petan eħpeyapi kin hee kaes̄ wokoyake qu ehantanhan, kitanna wicayadapi kin, nis̄ iyotan wokoyake niĉupi kte s̄ni he.

29 Qa taku yatapi qa datkanpi kte cin he ihnihdapi s̄ni po; qa nakun waceĉunhdaya wacin yuzapi s̄ni po.

30 Maka oyate kin hena owasin hecen ihnihdapi ece; qa niye taku kin hena yacimpi kin Ateyayapi kin s̄nya ece.

31 Tuka Wakantanka tokiconze kin hee tokaheya ihnihda po, kinhan dena owasin koya niĉupi kta.

32 Optaye cistinna kin, wikipapi s̄ni po; wokiconze kin hee niĉupi kta e Ateyayapi kin iyo-kipi ece.

33 Taku yatonpi kin wiyopekiya po, qa wicaqu po. Wojuha kukaka aye kte s̄ni, maħpiya ekta woyuha owihanke kte s̄ni hena icicaga po; heciya wamanon sa kiyedan u s̄ni, qa wamduħkadan wayapote s̄ni ece.

34 Woyuha tukten niciyankapi hecinhan, is̄ eya nicantepi kin en un ece e kta.

35 Ipiyag kiton yaunpi kta, qa petijanjan nitawapi ideyahan un kta;

36 Qa nis̄ wicaħta wicayuhe cin kiciyuzapi kin eciyatanhan hdi kta ape hiyeye cin hena iye-cen un po; tohan hdi qa tiyopa hdatoto kinhan wancake kiciyuhdokapi kta.

37 Wicayuhe cin hdi kinhan, ookiye kin tona wakta unpi iye-wicakiye cin, hena wicayawaħtepi; awicakehan heciciyapi ce, Wicayuhe cin iye ipiyagkiton, qa ookiye kin hena wote kta iyotangwicakiye, ĉa u, qa owicakiye kta ce.

38 Hecen inonpa waktapi kin en, qa is̄ iyamni waktapi kin iyehan hdi, qa ecen iyewicaye cinhan, ookiye kin hena wicayawaħtepi ece.

39 Qa de s̄nya po, tipi tawa kin wamanon sa tohan hi kta s̄nya unkanis̄, wakta un qa tipi kin kiciyuhdokapi kte cin anapte kta tuka.

40 Heon etanhan nis̄ eya wi-yeya un po; Wicaħta Cinhintku kin tohan awacannipi s̄ni kinhan hehan u kta ce.

41 Unkan Inyan hehan heciya; Itancan, wiyacimpi kin de unkiśnana unkoyakidakapi, qa is̄ owasin wicayaka he.

42 Unkan Itancan kin heya; Ookiye wanji waawanyagkiyapi kin he wayupike, ĉa okiksape cinhan, yuhe cin tiwahe kin yu-

hekiye kta, qa hecen iyehanyan wo wicaqu ece e kte cin he tuwe he.

43 Itancan tawa kin ku, qa taokiye wanji hecen econ yanka wanhdake cinhan, hee yawaste-pi ece.

44 Awicakehan heciciyapi ; Taku token tawaye cin he owasin yuhekiye kta ce.

45 Tuka ookiye kin he cante mahen, Itancan kin tehan hdi kte sni ecin ; qa wicaookiye qa winyanookiye kin hena awicape, ca wote, ca wayatke, ca witkoi-ciye cinhan,

46 Ookiye kin he anpetu wan yuhe cin hdi ape sni, qa sdonkiye sni hehan hdi, qa kicakse, ca wacetunhdapi kin hena owicapeya onnyekiye kta.

47 Qa ookiye wanji yuhe cin tawacin kin sdonya, tuka wiyeya icihnake sni, qa tawacin kin oki-cipe sni kinhan, he ota apapi kta.

48 Tuka tuwe sdonye sni kinhan, he is apapi kte cin iyecen ohanyan esta tonana apapi kta ce. Tuwe taku ota qupi kinhan, hee taku ota iwangapi kta ; qa wicaستا kin tuwe taku ota yu-hekiyapi ca, he iyotan ota kicapi ece e kta.

49 Maka akan peta iyayewaye kta wahi ; qa token wacanmi he, wanna ideyapi esta.

50 Tuka baptem wanji on baptem maqupi kta ; qa he tohanyan yustanpi sni hehanyan a-otinsmayanpi ce.

51 Maka akan wookiye wicaqu wahi kecannipi he. Hiya, tuka wicay uomdecapi kin is ee kta, eciciyapi ce.

52 Detanhan tipi wanjidan ohna zaptan yukanpi kta, qa yuomdecapi kta, yamni nonpa om, qa nonpa yamni om kicipa-jinpi kta.

53 Wicaستا wan iye cinhintku kin kipajin kta, qa cinhintku kin is atkuku kin ; hunku kin cun-wintku kin kipajin kta, qa cun-wintku kin is hunku kin ; nakun kunku kin takošku kin, qa ta-košku kin is kunku kin kipajin ece e kta, eya.

54 Unkan nakun oyate kin he-wicakiya ; Wiyohpeyata tanhan mahpiya wanji wankan u wandakapi eca, wancake, Magaju kta ce, ehapi : unkan ecetu ece.

55 Qa itokaga tate uya eca, Odidita kta ce, ehapi : unkan ecen hiyohi ece.

56 Wanaicihmanpi kin, nis mahpiya ite kin maka ko iyucan oyakihipi ; tuka tokeca e nakaha kin idukanpi sni he.

57 Han, niye oinka tokeca e taku owotanna kin idukanpi sni he.

58 Tohan tuwe icazoniciye cin kici wicoope awanyake cin ekta de cinhan, tahepi niyuskapi kte cin akite hinca wo ; okinni he wayaco kin ekta aniye kta, qa wayaco kin is akicita kin ekta niçu kta, qa hecen kaska nihnakapi kta.

59 Mazaşadan ehake hince cin he tohanyan yecu sni hehanyan hetanhan yahdicu kte sni, eciciya ce, eya.

WICOWOYAKE 13.

1 Unkan hehan en opapi kin wanjikji, Pilate token Galile wicaستا heca we kin iye woşnapi tawapi kin kici icicahiye cigon, he okiyakapi.

2 Unkan Jesus waayupte ca hewicakiya ; Galile wicaستا kin decen, ecawicaonpi kin heon etanhan Galile wicaستا owasin isanpa hena wahtanipi sa kecannipi he.

WICOWOYAKE 13.

3 Hiya; tuka niye nihduece-
tupi s̄ni ehantanhan, niś eya
owasin iyecen nitakunipi kte
s̄ni, eciciyapi ce.

4 Qa is̄ Siloam conkaśke ake-
śahdogan awicahinhpaye, a wi-
cakte qon, wicaśta owasin Jeru-
salem en unpi qon henana iyotan
wicohan śicapi, kecannipi he.

5 Hiya; tuka niye nihduece-
tupi s̄ni ehantanhan, niś eya
owasin iyecen nitakunipi kte
s̄ni, eciciyapi ce, eya.

6 Unkan wiyacinpi kin de na-
kun owicakiyaka; Wicaśta wan
hastanhanka iyuwi maga tawa
kin en suken can wanj̄i oju; un-
kan en waskuyeca ode hi, tuka
takudan iyeye s̄ni.

7 Hehan hastanhanka iyuwi
maga kicanye cin he heciya;
Can kin de ekta omaka yamni
wana waskuyeca ode wahi, tu-
ka ongedan iyewaye s̄ni ece;
kawanka wo; tokeca ecin maka
yus̄agya han he.

8 Unkan waayupte, a heciya;
Itancan kin, omaka kin de nakun
ayus̄tan wo, ecen ohomni maka
wage, a tacesdi en ewahnake
kta;

9 Okinni waskuyeca icaħye
kta; tuka wanice cinhan, hin-
nakaha hehan yahdawanke kta
ce.

10 Unkan anpetu wakan icun-
han omniciye tipi wan ohna
waonspewicakiya yanka :

11 Unkan iho, winohinca wan
waniyetu ake śahdogan hehan-
yan woniya waśake s̄ni kin
yuha, tancan kin wanna pako
icu, qa tokadan ihduowotanna
s̄ni.

12 Jesus he wanyaka, unkan
kico a heciya; Winohinca wa-
niyazanke cin etanhan niciyu-
śkapi ce.

13 Hehan nape kin ahnaka, un-

kan wancake owotanna icu, a
Wakantanka yaonihan.

14 Unkan anpetu wakan icun-
han Jesus waasniyan kin on
etanhan omniciye tipi idake cin
he canteptanyan; hecen waayu-
pte, a oyate kin hewicakiya;
Wicaśta kin htanipi kte cin
anpetu śakpe yukan ce; hecen
anpetu kin hena en u po, a asni-
niyanpi kta ce; tuka anpetu
wakan icunhan upi s̄ni po, eya.

15 Unkan Itancan kin waayu-
pte a heciya; Wanaic̄ilibe cin,
niyepi otaiyohi, anpetu wakan,
tatanka a is̄ sonsonna nitawapi
kin yakidus̄kapi a miniyatke-
kiya adapi s̄ni he.

16 Unkan winohinca kin de
Abraham cunwintkuwicaye cin
wanji ee, Satan iho, waniyetu
ake śahdogan hehanyan kaśka
hnaka, he is̄ anpetu wakan icun-
han kiyus̄kapi kta s̄ni iyececa he.

17 Unkan hena hecen eye ce-
han, kipajinpi qon owasin is̄te-
capi; unkan wokitaninyan taku
econ qon hena owasin on oyate
owasin iyus̄kinpi.

18 Hehan heya; Wakantanka
tokiconze kin he taku iyececa
he; a taku e imdacin kta he.

19 Sinape sukaza wanj̄i iyece-
ca, he wicaśta wan icu, a maga
tawa kin en iyohpeya; unkan
icage, a can tanka aya; unkan
mah̄piya okinyanpi kin adetka
kin en iyahanpi ece.

20 Unkan ak̄e heya; Wakan-
tanka tokiconze kin he taku e
imdacin kta he.

21 On napoh̄yapi kin he iyece-
ca, he winohinca wan icu, a
wotpanpi wiyutapi yamni en
anaħman, hecen ocowasin napo-
gan ce.

22 Unkan otonwe a otonwe
ciqadan iyaza ye a, waonspe-
kiya; a Jerusalem etkiya ya.

23 Unkan tuwe heciya ; Itancan, niwicayapi kte cin hena tonananpidan he. Unkan hewicakiya ;

24 Tiyopa cistiyedan kin he ohna dapi kta nina akita po : wicota ohna yapi akitapi kta, tuka okihipi kte s̄ni, eciciyapi ce.

25 Tipi tawa kin tohan wanna najin hiyaye, a tiyopa kin ecen ikikcu, a itankan nayajinpi, a tiyopa yakatotopi, a ; Itancan, Itancan, unkiciyuhdoka miye, ehapi ; a iye waayupte a, Tonitanhanpi kin sdonwaye s̄ni ce, eniciyapi kta ;

26 Hehan niŝ hehapi kta ; Nanke cin en wauntapi, a waunyatkanpi ece ; a niŝ ocanku unkitawapi kin ohnahna waonspeyakiye ciqon.

27 Tuka iye heye kta ; Tonitanhanpi kin sdonwaye s̄ni, eciciyapi ce ; woowotanna s̄ni ecanonpi ece kin owasin mitantanhan iyaya po.

28 Abraham, a Isaak, a Jakob, a wicaŝta wokcan owasin Wakantanka tokiconze kin en opapi tohan wandakapi, a niyepi kin tankan iyayeniyampi kinhan, wicaceya hihdakokokapi ko yuke kta.

29 Wiyohiyanpata, wiyohpeyata, waziyata, itokaga, hena kiya eciyatanhan au, a Wakantanka tokiconze kin en iyotankapi kta ce.

30 Unkan iho, ehake yakonpi kin hena tokaheyapi kta ; a tokaheyapi kin hena iŝ ehake yakonpi kta ce, eya.

31 Unkan appetu kin he en Pharisee kin wanjikji ekta hipi a heciyapi ; Detanhan ye a token iyaya wo ; Herod nikte kta cin.

32 Unkan hewicakiya ; Yapi

a ŝungidan kin he heciya po ; Iho, anpetu kin de a nakun heyakecinhan, wakan ŝica napewicawaye a, wayazankapi kin asniwicawaye kta, a anpetu iciyamni kinhan mayuŝtanpi kta ce.

33 Takomni anpetu kin de, a heyakecinhan, nakun iyokihe kin he en mawani kta iyececa ; ecaeŝ Jerusalem itankan wicaŝta wokcan wanji e kte pica s̄ni.

34 Jerusalem, Jerusalem, wicaŝta wokcan kin hena wicayakte, a niye ekta u wicaŝipi qon hena inyan on wicayakininpi ece ; eca ijehan anpaohotonna wan hupahu ohdateya cinca wicapahi ece kin he iyecen niye nicinca kin wicacicipahi kta, tuka yacinpi s̄ni.

35 Iho, yatipi kin otiwota ehpeniciyapi : a, Tohanyan tuwe Itancan caje on u kin he yawaŝtepi nunwe, ehapi s̄ni hehanyan wanmayadakapi kte s̄ni, awicakehan eciciyapi ce.

WICOWOYAKE 14.

1 Unkan Pharisee itancan wanji ti kin en anpetu wakan icunhan wote kta tin iyaya ; unkan Pharisee kin awanyag kuwapi.

2 Unkan iho, wicaŝta wan dropsi ececa kin he itokam yanka.

3 Hehan Jesus waayupte a, wicoope aiapi kin, a Pharisee kin hena hewicakiya ; Anpetu wakan icunhan waasniyanpi kte cin iyowinwicakiyapi he.

4 Tuka inina unpi. Hehan wicaŝta qon eyaku, a asniye, a hdeŝi ;

5 a waayupte, a hewicakiya ; Niyepi kin wanji tatanka a iŝ ŝonŝonna yatonpi, a anpetu wakan icunhan makohdoka wan

WICOWOYAKE 14.

ohinhpaye cinhan, wancake hdi-cuyakiyapi šni naceca he.

6 Unkan hena on ayuptapi kta okitpanipi.

7 Unkan wicakicopi kin wiya-cinpi wan owicakiyaka, oyanke tokapa ece kahngapi kin he wanyake cehan; qa hewicakiya;

8 Tuwe tohan kiciyuzapi kin ekta nicopi kinhan, oyanke tokapa kin en iyotanke šni wo; okinni nikapeya kinihanpi wanji kicopi kta;

9 Kinhan, sakim nicopi kin he u, qa, Wicašta kin de kiyukan wo, eniciye cinhan, behan hinakaha wowištenya oyanke hakakta kin hec ekta idotanke kta ce.

10 Tuka nicopi kinhan ye, ca oyanke hakakta kin en iyotanka wo; hecen nico kin he tohan u kinhan, Koda, wankan wapa ya wo, eniciye kta; hecen om wota idotanke cin hena niyuonihanpi kta.

11 Tuwe kašta ihduwankantu kinhan, hee yuhukun iyayeyapi kta ce; qa tuwe ihduhukuye cinhan, hee yuwankantuya ayapi ece e kta.

12 Unkan hehan kico qon he heciya; Tohan wiyotanhan wotapi, qa is hitayetu wotapi yakage cinhan, kodawicayaye, ca nihunkawanji, qa takuwicayaye cin, qa nikiyedani wijinya unpi kin, hena wicakico šni wo; is ake okinni nicopi, qa hecen nicicajujupi kta.

13 Tuka wotapi wan yakage cinhan, wahpanicapi, qa huha ksawahanpi, qa huštepi, qa istagongapi kin, hena wicakico wo;

14 Kinhan niyawaštepi kta ce; hena nicicajujupi kta okitpanipi nakaeš, owotanpidan kinipi kte cin ekta nicicajujupi kta ce, eya.

15 Unkan opeya wota yankapi

kin etanhan wanji hena hecen eya nañon qehan, heciya; Wakankanka tokiconze kin en tuwe aguyapi yute kta hecinhan hee yawaštepi ce.

16 Unkan hehan heciya; Wicašta wan hitayetu wotapi wan tanka kage, ca wicota wicakico;

17 Qa wotapi kta wanna iye-hantu, hehan taokiye wan wicakicopi qon hewicakiye kta ye ši; U po, wanna taku owasin wiyeya hiyeya ce.

18 Unkan owasin okonwanjidan ihdatokanpi. Tokaheya kin he heciya; Makoce onšpa opewaton, qa he wanhdag mde kta iyececa; ceciciya ce, micunni wo.

19 Unkan wanji tokeca heya; Tatanka tazaptan opewaton, qa iwicahdute mde kta; ceciciya ce, micunni wo.

20 Unkan wanji tokeca heya; Winohinca wan mduza, hecen wau owakitpani ce.

21 Unkan hecen ookiye qon he ku, qa heyapi kin yuhe cin ecen okiyaka. Unkan hinakaha tipi tawa kin šiha, qa taokiye qon heciya; Koyahan wo, qa otonwe canku kin ekta ye, ca wahpanicapi kin, huha ksawahanpi, huštepi, istagongapi kin, hena den awicau wo, eya.

22 Unkan ookiye qon heya; Itancan kin, ehe cin he wanna ecen econpi, tuka nahahin okan ce, eya.

23 Unkan Itancan kin ookiye qon heciya; Ocanku hince cin, qa mahinatake ektakta ye, ca uwicakiya wo, hecen wati kin ojudan kta.

24 Heciciya ce; Wicakicopi qon wanjidan kaeš wowahe cin etanhan onšpadan yutapi kte šni ce, eya.

25 Unkan wicota hinca kici

yapi; hehan ihduhomni qa he-wicakiya;

26 Tuwe ekta mahi, qa atku-ku, hunku, tawicu, cinca, sunka-ku, tawinohtin kin, hena, qa iye ni kin hees koya sicékida sñi ehantanhan, waonspewicawakiye cin wanji ee kta okitpani ce.

27 Qa tuwe kašta cansusbeca kin kicin, qa miyahna u sñi ehantanhan, waonspewicawakiye cin wanji ee kta okitpani ce.

28 Niyepi kin wanji conkaške yakagapi kta kecannipi ehantanhan, ito tokaheya idotankapi, qa yahduštanpi kte cin iyena yatonpi hecinhan, he iyahdukcenpi sñi he.

29 Hecanonpi sñi kinhan, okin-ni oabelde kin he wanna eyahnakapi, qa yahduštanpi kte cin oyakitpanipi kinhan, tona wan-yakapi kinhan owasin inihapi, qa heyapi kta;

30 Wicašta kin de taku kage kta, tuka hduštan kta okihi sñi ce.

31 Qa nakun wicaštayatapi wan wicaštayatapi tokeca azuye kte cinhan, ito tokaheya iyotanke, qa iye kektopawinge wikcemna wicayuhe cin hena on, tuwe kektopawinge wikcemna nonpa yuha takpe u kin he itkokipa okihi kta hecinhan, he ihdukcen sñi naceca he.

32 Qa is, unma kin hinašin itehan un, tuwe ekta ye si, qa wokiyapi kida naceca.

33 Iho, he iyecen niyepi kin tuwe taku yuhe cin owasin tpa-gan sñi ehantanhan, waonspewicawakiye cin wanji ee kta okitpani ce.

34 Miniskuya he wašte; tuka miniskuya woskuye kin en un sñi ehantanhan, taku ecin on skuya kagapi kta he.

35 Maga qa watuškéseca paha

kin unmana on wašte sñi; tuka tankan ehpeyapi ecc. Tuwe noge winahon yukan hecinhan, nahon kta ce.

WICOWOYAKE 15.

1 Unkan hehan wamnayanpi qa wahtanipi sa, hena owasin nahonpi kta e on en alii.

2 Unkan Pharisee kin wowapi kagapi ko ikapapi qa heyapi; Wicašta kin de wahtanipi sa iyowinwicakiye qa om wota eee.

3 Hehan wiyacinpi kin de owicakiyake qa heya;

4 Niyepi kin etanhan wicašta wanji tahinea wanunyanpi opawinge wicayuhe qa, wanjidan kitanin sñi kinhan, wikcemna napcinwanka sanpa napcinwanka kin hena makotahedan en awicayuštan, qa tanin sñi qon he tohayan iyeye sñi hehayan okide sñi naceca he.

5 Qa tohan iyeye cinhan, wiyuškinyan hiyete akan akionpa ece.

6 Qa wanna tiyata ki eca, kodawicaye qa, ikiyedani tipi kin hena witaya wicakico, qa hewicakiya; Miciiyuškin po, tašinca wanunyanpi wan makitanin sñi qon he wanna iyewakiya ce.

7 Heciciyapi ce; he iyececa, wahtanipi sa wanjidan iyopeiciya eca, mahpiya ekta wiyuškini ece e kta, wicašta owotanna qa woahani on iyopeiciyapi kta iyececapi sñi wikcemna napcinwanka sanpa napcinwanka on iyecen wiyuškini kte sñi.

8 Qa nakun winohtinca tuwe kašpapidan wikcemna yuhe, qa wanji togehpikiye cinhan, hecen petijanjan ideye, qa tipi kin kahinte, qa tohan iyekiye sñi kin hehayan okide sñi naceca he.

9 Qa tohan wanna iyeye cinhan, kodawicaye cin, qa ikiyedan tipi kin hena witaya wicakico qa hewicakiya; Miciiyuskin pe, kaspadidan toki ehpewaiye cigon he wanna iyewakiya ce.

10 He iyecaca wahtanipi sa wanjidan iyopeiciya eca, on Wakantanka taohnihde kin wicitokam wiyuskinpi ece, eciciyapi ce.

11 Unkan heya; Wicašta wan cinhintku nonpa.

12 Unkan hakakta kin he atkuku kin heciya; Ate, woyuha mitawa kte cin he micu wo. Unkan woyuha kin akipam wicacu.

13 Unkan iyohakam anpetu tonana hehan cinhintku hakakta qon he taku owasin witaya tpa-hi, qa itebanyan makoce wan ekta icimani iyaya: qa hen šica-ya ohanyanpi kin on taku yuhe cin hdutakuni šni.

14 Unkan wanna owasin hdu-sote cehan, makoce kin he en wicaakihan tanka icaga; hehan iye wicakiš un.

15 Qa makoce kin hen unpi kin wanji ekta ye ča kici yanka: unkan he kukuše wo wicaku kta e maga kin ekta ye ši.

16 Unkan omnica kukuše yutapi kin hee etanhan wipiiciye wacin; tuka tuwedan takudan qu šni.

17 Unkan iciksuye cehan heya; Ookiye opetonpi heca aguyapi iyakičrya yuhapi kin tona ate wicayuha hwo; qa miye e wotektehdapi on atakuni šni amayan ce.

18 Ito nawajin qa ate ekta wahde kta, qa hewakiye kta; Ate, mašpiya kin en, qa niye nakun nitokam wawahtani:

19 Qa detanhan cincamayaye

kta iyemacece šni; wicašta opewicayaton kin he iš wanji iyecaca makaga wo, epe kta ce.

20 Unkan najin hiyaye ča atkuku kin ekta hda. Tuka nahašin itehan atkuku wanhdake ča onšikida, qa ekta inyang ye ča, poskin hduze ča i itputaka.

21 Unkan cinhintku kin heciya; Ate, mašpiya kin en qa niye nitokam wawahtani; qa detanhan cincamayaye kta iyemacece šni ce.

22 Tuka atkuku taokiye kin hewicakiya; Šina iyotan wašte kin he aupi qa inkiya po; qa mazanapcupe wan nape kin en iyekiya po, qa hanpa ohekiya po:

23 Qa ptejicadan cemyapi kin he den aupi qa kte po; wauntapi qa unkiyuskinpi kta ce:

24 Micinkši kin de ča, tuka kini; tanin šni, tuka iyeyapi ce, eya. Unkan hinnakaha wiyuskinpi.

25 Tuka cinhintku tokapa qon he magata un; unkan ti kiyedan ku hehan dowaapi qa wacipi nahon.

26 Unkan ookiye wanji kipan, qa token he kapi hecinhan he iwanga.

27 Unkan heciya; Nisunka hdi; unkan ni un, qa zaniyan hdi kin on etanhan niyate ptejicadan cemyapi qon he kikte ce, eya.

28 Unkan hecen šihd, qa tin kihde wacin šni: hehan atkuku kin tankan hiyu, qa cekiya.

29 Unkan waayupte ča atkuku kin heciya; Wanyaka wo, wanna waniyetu ota ociciye ča tohinni nioie kawape šni; hececa ešta kodawicawaye cin om wimduškin kta e tacincadan wan tohinni mayaqu šni.

30 Tuka nicinkši witkowinpi kin om woyuha nitawa kin tem-

niciye cin de hdi ca, wancake ptejicadan cemyapi kin he yeci-
cafa ce, eya.

31 Unkan heciya; Cinís, ohin-
nyan mici yaun, qa taku mita-
wa kin he iyuhpa nitawa.

32 Nisunka kin de ça, unkan
kini; tanin sñi, unkan iyeyapi
kin, on etanhan ito cante unwa-
štepi, qa unkiyuškinpi kte cin he
hecetu ce.

WICOWOYAKE 16.

1 Hehan waonspewicakiye cin
hewicakiya; Wicašta wijica
wanji waawanyake wan yuha;
unkan he yuhe cin woyuha tawa
yutakuni sñi ce, keya okiyakapi.

2 Hehan kico qa heciya; Taku
eniciyapi kin de toketu he;
waawandake cin ito ohdaka wo;
wanna waawandake cin aduŝtan
kta ce.

3 Unkan waawanyake cin can-
te mahen heya; Token ecamon
kta he; waawanmdake cin he
mayuhe cin imicicu; mahqapi
kin owakitpani, qa timatayapi
kin he imaštcca.

4 Taku ecamon kte cin he
sdonwakiya, heon tohan waa-
wanmdake cin he etanhan he-
yata iyemayanpi kinhan, tipi kin
en tin hiyumayanpi kta ce.

5 Unkan hecen yuhe cin tona
ikicazopi qon owasin wicakico,
qa tokaheya kin he heciya; Ma-
yuhe cin tona nahalin yecu sñi
he.

6 Unkan, Wihdi iyutapi opa-
winge ce, eya. Unkan heciya;
Koyahanna wowapi nitawa kin
ehdaku, qa iyotanke, ça wikce-
mna zaptan e okiwa wo.

7 Unkan wanji tokeca hehan
heciya; Qa niš tona nahalin ye-
cu sñi he. Unkan, Aguyapisu
iyutapi opawinge ce, eya. Unkan

heciya; Wowapi nitawa kin
ehdaku, qa wikcemna šahdogan
e okiwa wo.

8 Unkan yuhe cin waawanya-
ke owotanna sñi kin yaonihan,
okiksamiya econ kin heon etan-
han: maka kin de cincapi kin
iwicacage cin en iyoyanpa cinca
kin isanpa ksapapi ece.

9 Unkan miš heciciyapi; Wo-
yuha owotanna sñi kin on tawa-
šitku icicaga po; hecen tohan
niye onichipi sñi kinhan, iye
tipi owihanke kte sñi en tin hi-
yuniciyapi kta ce.

10 Tuwe taku iyotan cistinna
on wicaka hecinhan, hee taku
ota nakun on wicaka ece; qa
tuwe taku iyotan cistinna kin
on owotanna sñi hecinhan, hee
taku ota kin nakun on owotanna
sñi ece.

11 Hecen woyuha owotanna
sñi kin he on wicayakapi sñi
ehantanhan, wicake cin he tuwe
ecin yuheniciyapi kta he.

12 Qa wicašta tokeca taku
tawa kin on wicayakapi sñi
ehantanhan, niye nitawapi kin
hee tuwe ecin ničupi kta he.

13 Ookiye kin tuwedan yuhe
cin nonpa en wowidagičiye kta
okihi sñi; wanji šicedake kta,
qa unma is waštcdake kta; qa
is wanji en iyaihdaške kta, qa
unma kin is ekta ewacin kte
sñi. Wakantanka qa mammon
napin en wowidagničiypapi kta
oyakhipi sñi ce.

14 Unkan Pharisee kin wakon-
pi kin, hena owasin nahonpi; qa
wowihayapi.

15 Unkan hewicakiya; Wica-
šta kin wicitokam ihdaowotanpi-
dan kin he niyepi; tuka Wakan-
tanka nicante ozepi kin he sdon-
niyanpi ce: ecaeš wicašta ekta
taku takudapi hince cin hee Wa-
kantanka waštcdaka sñi ece.

WICOWOYAKE 17.

16 Wooke qa wicašta wokcan kin hena Jóhannes hehayan; tuka hetanhan Wakantanka to-kiconze kin oyakapi ece, qa owasin en opapi kte hinca.

17 Mañpiya maka ko tokan iyaye kte cin he aoptetu, qa wooke oowa wanjidan kaes yucetupi kte šni kin hee tehika ce.

18 Tuwe tawicu ehpekiye ça wanji tokeca yuze cinhan, hee wawicihañapi econ ece: qa hinaku ehpeye cigon he tuwe yuze cinhan he wawicihañapi econ ece.

19 Wicašta wanji wijica, he wokoyake stan qa minihuha zimzipedan ece koyaka, qa anpetu otioyohi wiyuškinyan un.

20 Nakun wicašta wañpanica wan Lazaros eciyapi, he tatiyopa kin en ahionpapi, tancan owancaya hdiñdi;

21 Qa wicašta wijica wahna wotapi tawa kin etanhan ošnašna hinhpaye cin hena yunkiyapi kta cin. Tuka šunka kin en ahi, qa oñdiñdi kin sdipapi.

22 Unkan wañpanica kin he ta; qa mañpiya ohnihde kin Abraham maku kin ekta ayapi. Wicašta wijica qon is eya ta, qa hapi.

23 Unkan wakanšica tipi kin en kakiš yanke çehan, wankan etonwe, ça tehan tanhan Abraham wanyaka; qa maku kin ohna Lazaros yanka.

24 Unkan heya niyan; Ate Abraham, onšimakida qa Lazaros u ši wo, napsukaza inkpa kin mini en oputkan qa ceji makasni kta; oide kin de ohna makakija ce.

25 Tuka Abraham heya; Cins, yani qon he ehan taku waštešte yahduha, qa Lazaros taku šikšica yuha, he kiksuya wo; tuka

nakaha iye kicanptapi qa niye kakišniyanpi.

26 Qa nakun unkiyotahedan kaksiza wan tanka yanka; hecen tona deciya tanhan niye ekta ye wacinpi keš okitpanipi ece; qa nakun heciya tanhan den ekta unhipi kta okitpanipi ece.

27 Hehan heya; Heon ate, ceciciya ce, ate ti kin ekta ye yaši kta;

28 Misunka zaptan, hena wovicakiyake kta; is eya okinni wokakije kin de en-upi nun ce.

29 Abraham heciya; Moses qa wicašta wokcan kin hena yuhapi; hena is anawicagoptanpi esta šni.

30 Tuka heya; Hiya, ate Abraham: tuka tapi kin eciyatanhan wanji ekta wicai unkanš, ihducetupi kta tuka.

31 Unkan heciya; Moses qa wicašta wokcan kin hena anawicagoptanpi šni ehantanhan, tapi kin eciyatanhan wanji kini qeyaš, nakun wicadapi kte šni ce, eya.

WICOWOYAKE 17.

1 Hehan waonspewicakiye cin hewicakiya; Wañtaniyapi kin u kte šni pica šni; tuka tuwe eciyatanhan hena u kinhan, hee wotehi kiciyanka ece.

2 Dena cikcistinpidan kin tuwe wanji wañtaniye cinhan he inyan wiyukpan wanji tahu kin en napinkiyapi, qa miniyowanca kin oiyoñpeyapi unkanš, ees wašte kta tuka.

3 Iwanihdaka po. Nisunka šicaya ecanicon kinhan kišica wo, qa iye iyopeičiye cinhan, kicicajuju wo.

4 Qa šakowin akihde anpetu wanjidan šicaya ecanicon, qa šakowin akihde anpetu wanji-

dan niye ekta ihduhomni, qa, Iyopemiçiya ce, eniciye cinhan, hecen yecicajuju kta ce, eya.

5 Unkan wahosiyapi kin Itancan kin heciyapi; Wacinunyanpi kin unkiciyusanpa miye.

6 Unkan Itancan kin heya; Sinape sukaza wan iyecen wacin-yayapi kinhan, sukamin can kin de, Hute ihdamna qa miniwanca kin en huicihde wo, eyakiyapi kta, kinhan ananigoptanpi kta tuka.

7 Tuka niyepi kin wanji tukte taokiye wan yuha, mahyumdu qa is wanunyanpi wihanwicakiya un, qa tokesta maga kin eciya-tanhan hdi kinhan, Iho wo, ye ca wota iyotanka wo, eciye kta he.

8 Qa is kaken, Woyute wiyeya micihnake ca, ipiyagkiton qa omakiya wo; qa mis tohan wawate ca wamdatke cinhan, iyohakam nis ito wayate ca wadatkte kta ce, eciye kte sni he.

9 Hecen ookiye kin he taku econ sipi kin ecen econ kin, on etanhan wopida eciye kta he. Hepce sni ce.

10 Nis eya iyecen taku token econ nisipi kin, owasin ecen dustanpi kinhan, heya po; Ookiyewakamna sni kin heuncapi; taku econkupi kta iyecece cin hecedan econkupi ece.

11 Unkan Jerusalem ekta ye çehan, Samaria qa Galile cokayayoopta iyaya.

12 Qa otonwe wan en i qehan, wicasta wikcemna lepros ececapitkokipapi, qa itehan hinajinpi:

13 Qa ho wankan iyeyapi qa heyapi; Jesus, Itancan, onsiunkida miye.

14 Unkan wanwicayake çehan, hewicakiya; Wawayusnapi kin ekta wicaya po, qa wan-

yagiçiya po. Unkan ekta yapi icunhan akisnipi.

15 Unkan wanji wanna asni sdotkiye çehan, ihdamna, qa hotankakiya Wakantanka yaonihan;

16 Qa siha kin en ite makipuskin eñpeçiyeye ca, wopida eciya: unkan he Samaria wicasta kin heca.

17 Unkan Jesus waayupte ca heya; Wikcemna asniwicayapi sni he: tuka napeinwanka kin hena tokiya unpi he.

18 Wakantanka yaonihan kta hdipi kin tuwedan iyeyapi sni, oyate tokeca etanhan kin de isnana ce.

19 Hehan heciya; Najin qa hda wo; wicayada kin he asni-niyan ce.

20 Unkan Pharisee kin is Wakantanka tokiconze kin he tohan hiyohi kta hecinhan, he iwangapi qehan, waayupte ca hewicakiya; Wakantanka tokiconze kin he wowanyake on hi kte sni.

21 Nakun, Iho, dee ce, qa iho, kae ce, eyapi kte sni: Wanyaka po, Wakantanka tokiconze kin he mahen niunpi ece.

22 Hehan waonspewicakiye cin hewicakiya; Anpetu wan hiyohi kta, Wicasta Cinhintku kin anpetu tawa kin wanji wandakapi kta yacinpi kta, tuka wandakapi kte sni.

23 Qa, Iho dee, qa iho kae ce, eniciyapi kta; tuka wiciyahna yapi sni po, qa owicapapi sni po.

24 Wakanhdi mahpiya ihukuya tokiyatadhan wiyatpa u, qa mahpiya ihukuya unma ekta iyahde ece kin he Wicasta Cinhintku anpetu tawa kin en iyecece kta.

25 Tuka ito tokaheya taku ota on iyotanhan iyekiye kta, qa

WICOWOYAKE 18.

wicoicage kin de on heyata iye-yapi kta ce.

26 Unkan Nowa taanpetu qon en token unpi qon, Wicašta Cinhintku taanpetu kin en he iyecece kta.

27 Nowa wata kin en okipe ciqon anpetu kin hehanyan wotapi, qa wayatkanpi, tawicutonpi, qa hihnatonpi ece; unkan minitan u, qa owasin owihankewicaya.

28 Qa nakun Lot anpetu tawa qon en is eya iyececa, wotapi, qa wayatkanpi, wopetonpi qa wiyopeyapi, wojupi qa ticagapi ece :

29 Tuka Lot Sodom etanhan tankan hinape ciqon anpetu kin hee hinca en mahpiya kin eciyatanhan peta, mazakan noge iyuwintapi kin ahna hinhe, qa owasin owihankewicaya.

30 Wicašta. Cinhintku kin yuotaninpi kte cin he iyecece kta ce.

31 Anpetu kin he en tuwe tipi akan yanke qa tawalipaya timahen hiyeye cinhan, kun ku qa ehdaku kte sni; qa tuwe magata un kinhan, is eya taku hekta un kin ekta ihdamna kte sni.

32. Lot tawicu qon he kiksuya po.

33 Tuwe wiconi tawa kpatan cin kinhan, he toki ehpekiye kta; qa tuwe wiconi tawa toki ehpekiye cinhan, hee hduhe kta.

34 Heciciyapi ce; Hanyetu kin he en wicašta nom owinja wanjidan akan wankapi kta; wanji icupi kta, qa unma kin is ehpeyapi kta.

35 Winyan nonpa akipitan wotpan unpi kta; wanji icupi kta, qa unma kin is ehpeyapi kta.

36 Wicašta nom magata unpi kta; wanji icupi kta, qa unma kin is ehpeyapi kta ce.

37 Unkan waayuptapi qa heciyapi; Itancan, tukte etu he. Unkan hewicakiya; Tukten wicatanancan wanka eca, hen wamdi kin kawitaya inniciyapi ece e kta.

WICOWOYAKE 18.

1 Unkan wicašta kin ohinniyany wocekiye eyapi kta, qa iyakicunnipi kte sni e on wiyacinpi wan owicakiyaka;

2 Qa heya; Otonwe wan en wiyukkan wanji Wakantanka kokipe sni, qa nakun wicašta wicakinihan sni.

3 Unkan otonwe kin he en wiwazica wan, he wiyukkan kin ekta hi qa, Makipajin kin he tomicicon ye, eya.

4 Unkan tokaheya econ wacin sni; tuka ocim cante mahen heya; Wakantanka kowakipe sni, qa nakun wicašta kin wicawakinihan sni qeyas;

5 Wiwazica kin de nagiyemaye cin on etanhan ito towecicon kta; okinni ohinni hecetu u kinhan wacin iyokisinmaye kta naceca ce.

6 Unkan Itancan kin heya; Wiyukkan owotanna sni ie cin he nahon po.

7 Unkan Wakantanka tona wicakahnige, qa anpetu hanyetu ko cekiyapi kin, hena teban towicakicon sni qeyas, ocim econ kte sni he.

8 Ihnuhanna towicakicon kta, eciciyapi ce. Tuka Wicašta Cinhintku kin he tohan hi kinhan, maka akan wacinyanpi iyeye kta he.

9 Unkan apa iye ohan owotanna icidapi, qa token kin wahewicadapi sni kin, hena wiyacinpi kin de owicakiyaka.

10 Wicašta nonpa tipi wakan kin ekta cekiya ipi; unma kin

Pharisee heca, qa unma is wamnanpi kin heca.

11 Unkan Pharisee kin isnana najin, qa kaken wocekiye eya; Wakantanka, wicašta tokeca iyemacece šni, wawicakipi sa, ohan owotanpidan šni, wawicihalhapi econpi sa, qa wamnaye cin dee kaeš iyemacece šni heon wopida eciciya.

12 Anpetu wakan okitahedan nonpa akihanmiciye ca taku mduhe cin owasin etanhan iwicemnamna kin wicawaqu cce.

13 Unkan wamnaye cin is itehanyan injin, qa ista ee kaeš wankan mahpiya kin ekta ikikeu šni; tuka maku kin ohna ačipe, ca heya; Wakantanka onšimakida wo, wawahtani sa.

14 Wicašta kin de yuwotanpidan tiyata kihda, qa unma qon hee šni, eciciyapi ce: Qa tuwe ihduwankantuya kinhan, he yuhukun iyeyapi kta; qa tuwe ihduhukuye cinhan, hee yuwankan ayapi kta ce.

15 Unkan hokšiyogopa kin nakun wicayutan kta e en awicahipi tuka waonspewicakiye cin he wanyakapi qehan, wicakišicapi.

16 Tuka Jesus wicakico, qa heya; Hokšiyogopa kin ekta mahipi kte cin iyowinwicakiya po, qa telindapi šni po; Wakantanka tokiconze kin he hececapi etanhan cce.

17 Wowicake eciyatanhan heciciyapi; Tuwe hokšiyogopa iyecceca Wakantanka tokiconze kin icu šni kinhan, he tokadan en ope kte šni ce.

18 Unkan wicašta ihdawa wanji wiwange ca heya; Waonspekiye wašte, token ecamon, qa owihanke wanin wiconi ohimiciye kta he.

19 Unkan Jesus heciya; Toke-

ca e wašte emayakiya he; tuwedan wašte šni; Wakantanka hecedan wašte.

20 Woahope kin hena onnispe; Wawicihalhapi ecanon kte šni; Tin wicayakte kte šni; Wamayanon kte šni; Woitonšniyan wodake kte šni; Niyate nihun kici wicahduonihan wo.

21 Unkan heya; Macistina ehantanhan hena owasin ahowapa ce.

22 Unkan Jesus hena nahon qehan heciya; Nahanhin taku wanji iyotpani yaun; taku yaton kin owasin wiyopekiye ca walhpanicapi kin wicakipamni wo, kinhan mahpiya ekta woyuha duhe kta ce; hehan u qa mihakam un wo.

23 Unkan he nahon qehan nina iyokišica; wijice hinca nakaeš.

24 Unkan nina wacin iyokišice cin he Jesus wanyake qehan, heya; Wowijice tonpi kin hena Wakantanka tokiconze kin en yapi kte cin he telike hinca.

25 Wicašta wijica wan Wakantanka tokiconze kin en ye kte cin he telika, qa kamel heca wanji tahinšpaciqadan ohdoka kin ohua ye kte cin hee kaeš aoptetu ce.

26 Unkan tona he nahonpi kin hena heyapi; Hehan tuwe ni kta he.

27 Unkan heya; Wicašta kin ekta taku econpica šni kin, he Wakantanka ekta econpica cce.

28 Unkan Inyan heya; Iho, unkiš taku owasin untpaganpi, qa niyahna unyakonpi ce.

29 Unkan hewicakiya; Awicakehan heciciyapi ce, Wicašta kin tuwe ti kin, qa hunkakewicaye cin, qa hunkawanjitku, qa tawicu, qa cinca, hena wanji Wakantanka tokiconze kin on kpagan kinhan,

30 Hee dehan nakaha taku

WICOWOYAKE 19.

sanpa ota yuhe kta, qa wiconi u kte cin he en wiconi owihanke wanica yuhe kta ce.

31 Unkan akenonpapi kin ewicayaku qa hewicakiya; Iho, Jerusalem ekta unyanpi, qa wicašta wokcan Wicašta Cinhintku kin on token owapi qon owasin yuacetupi kta.

32 Oyate tokeca napepi kin en wicaqupi kta; hecen ištenyapi, qa wawicanksiya kuwapi, qa atagošapi kta;

33 Qa kapsinsintapi qa țeyapi kte; unkan anpetu iyamni kinhan kini kta ce, eya.

34 Unkan ecaca okañnigapi šni, qa oie kin de anawicakiñmanpi, qa taku oyakapi kin sdonyapi šni.

35 Unkan Jeriko ikiyeddan wanna u qehan, wicašta wan ištagonge canku icahda wada yanka.

36 Unkan wicota ahiyaye cin he nañon qehan, he token kapi hecinhan he iwicawanga.

37 Unkan, Jesus Nazareth etanhan kin he hiyaya ce, eya okiyakapi.

38 Unkan hotankakiya heya; Jesus Dawid Cinhintku kin onšimakida wo.

39 Unkan tokahanpi kin hena iyokipi šni, inina yanke kta; tuka heon iyotan, hotankakiya heya; Jesus Dawid Cinhintku kin onšimakida wo.

40 Unkan Jesus inajin qa aupi kta kewicakiya. Unkan wanna kiyedan u qehan, wiwange ça,

41 Token ecacicon kta yacin he, eya. Unkan iye, Itancan, watonwe kta, eya.

42 Unkan Jesus heciya; Tonwan wo, wacinyaye cin he niniyan ce.

43 Unkan wancake tonwe ça iyahna hiyu, qa Wakantanka

yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1 Unkan Jeriko en i, qa iyoopte iyaya.

2 Unkan iho, wicašta wan Zakeus eciyapi, wamnyanpi itancan kin wanji hee, qa wijica.

3 Unkan Jesus tuwe kin hecinhan he wanyag akita; tuka tancan ptecedan, hecen wicota kin on tokadan okihi šni.

4 Unkan tokata inyang ye ça sukamin can wanji adi, wanyake kta e heon, hen hiyaye kta nakaš.

5 Unkan Jesus wanna ehan i qehan, wankan etonwe ça wanyaka, qa heciya, Zakeus koyahanna kun hdicu wo, anpetu kin de yati kin en ito manke kta ce.

6 Unkan koyahanna kun ku, qa iyuškinyan iyowinkiya.

7 Unkan he wanyakapi qehan owasin ikapapi qa heyapi, Wicašta wan wañtani sa he kici wote kta iyaya ce.

8 Unkan Zakeus najinhan najin qa Itancan kin heciya; Itancan wanyaka wo, woyuha mitawa kin hanke wañpanicipi kin wicawaqu ece; qa tuwe oitonšniyan taku iwecicu kinhan, topa akihde wecu kta ce.

9 Unkan Jesus heciya; Anpetu kin de wanikiyapi tipi kin de hiyohi; Abraham cincaye cin wanji hee nakaš.

10 Wicašta Cinhintku kin taku atakuni šni qon, he akite ça niye kta e heon hi ce, eya.

11 Unkan hena nañonpi qehan nakun wiyacinpi wan owicakiyaka; wanna Jerusalem ikiyeddan un, qa Wakantanka toki-

conze kin ecadan u kta kecinpi kin heon etanhan :

12 Qa heya ; Wicašta ihdawa wan makoce itchan wan ekta iyaya, wokiconze icu qa ku kta.

13 Unkan taokiye wikcemna wicayuhe cin, hena wicakico, qa mazaska tkeutapi wikcemna wicaqu, qa hewicakiya ; Tohan-yan wahdi šni hehanyan un po.

14 Tuka taoyate kin wahte-dapi šni, qa tuwe iyahna yešipi, qa heyapi ; Wicašta kin de un-kidakapi kta uncinpi šni ce.

15 Unkan wokiconze kin icu qa hdi qehan, taokiye mazaska wicaqu qon hena wicakicopi kta keya ; wopetonpi kin on tona wanna hdamnanpi hecinhan, he sdonye kta.

16 Unkan tokaheya kin he u, qa heya ; Itancan kin, mazaska nitawa qon, he wanna mazaska wikcemna kamna ce.

17 Unkan heciya ; Han, ookiye niwašte ; taku tonana on wacin-yepica yaun, heon etanhan ito otonwe wikcemna idaka wo.

18 Unkan iyokihe kin he u, qa heya ; Itancan kin, mazaska nitawa qon, he wanna mazaska zaptan kamna ce.

19 Unkan is eya heciya ; Niš otonwe zaptan idaka wo.

20 Unkan wangi tokeca u, qa heya ; Itancan kin, wanyaka wo, mazaska nitawa wanapin ohna yuha waun, he dee :

21 Wicašta nišake cin heon kocicipa ce ; taku eyahnake šni kin, he ece edaku ; qa woyaju šni kin he ece duksa ce, eya.

22 Unkan heciya : Nii kin eci-yatanhan eiyaco kta, ookiye winicaštašni ; wicašta mašake cin he sdonyaya ; taku ewehnake šni kin he ece emdaku, qa woyaju šni kin hee mduksa ece.

23 Heecen tokeca mazaska mi-

tawa kin he iciyopekiciyapi kin en ade šni he ; kinhan wahdi kin ekta mitawa kin oicage ahna weca kta tuka ce.

24 Hehan hen najinpi kin hena hewicakiya ; Mazaska kin he ikicicupi qa tuwe mazaska wikcemna yuhe cin hee qu po.

25 Unkan heciyapi ; Itancan kin, he wanna mazaska wikcemna yuha ce.

26 Tona taku yuhapi kin hena owasin nakun wicaqupi ece e kta ; qa tuwe taku yuhe šni kinhan, taku yuhe cin hee kaeš ekiciyakupi kta ece, eciciyapi ce.

27 Tuka tokamayampi iwicawadake kta cinpi šni qon hena den awicaupi qa mitokam wicakte po, eya ce.

28 Unkan hena hecen eye cehan, tokata ye ça Jerusalem ekta itawankanhde iyaya.

29 Qa Bethphage qa Bethani, paha wan Oliwe eciyapi kin, he wanna ikiyedani ehan i qehan, waonspewicakiye cin etanhan nonpa ye wicaši ;

30 Qa heya ; Otonwe iyotakons wanke cin he ekta ya po ; qa tokaheya en yaipi kinhan šukcincadan wan iyeyayapi kta, wicašta tuwedani tohinni akan iyotanke šni ; he kiyuškapi qa aku po.

31 Qa, Tokeca yakiduškapi he, tuwe eya iniwangapi kinhan, niš hehan, Itancan kin cin ce, eyakiyapi kta.

32 Unkan ye wicaši qon hena iyayapi, qa token ewicakiye cin ceen iyeyapi.

33 Unkan šukcincadan kiyuškapi icunhan, tuwe tawapi kin hena hewicakiyapi ; Tokeca yakiduškapi he.

34 Unkan, Itancan kin cin ce, cyapi.

WICOWOYAKE 20.

35 Unkan Jesus kahdipi; qa wokoyake tawapi kin súkcinca kin aihpeyapi, qa Jesus akan yankekiyapi.

36 Qa ye cin tahepi canku ohna wokoyake kin hdumdayapi.

37 Unkan ikiyedan Oliwe paha kin apamahde iyayapi kin hehan wanna i qehan, waonspewicakiya wicota owasin, wicowaśake wicoħan wanyakapi qon owasin on etanhan hinakaha iyuśkinpi, qa hotankakiya Wakantanka yatanpi,

38 Qa heyapi; Wicaśtayatapi tuwe Itancan caje kin on u kin he yawaśtepi ce; maħpiya ekta wookiye, qa iyotan wankantu ekta wowitan un nunwe.

39 Unkan Pharisee wicota en opapi qon apa heciyapi; Waonspekiye cin, waonspewicayakiye cin wicakiśica wo.

40 Unkan waayupte a hewicakiya; Dena inina unpi kinhan, inyan kin wancake howaye kta ce, eciciyapi ce.

41 Unkan wanna ikiyedan u, qa otonwe wanyake ehan, aceye, a heya;

42 Niye kin anpetu nitawa kin de en taku on wookiye duhe kte cin sdonyakiya unkanś: tuka wanna icimana iśta on wanyahdake kte śni.

43 Anpetu kin hiyonhipi kta, tona tokaniyanpi kin nihdukśan maka qapi, qa okśan niyankapi kta, qa ohomni ohinniyan anapte nanijinpi kta:

44 Qa makata eħpeniyanpi kta, nicinca en niunpi kin hena koya; qa inyan nonpa icitakhna wanke śni eħpeniyanpi kta; anpetu en taku waśte nihiyohipi kin he sdonyakiye śni heon etanhan.

45 Unkan tipi wakan kin en tin iyaye, a tona ohna wiyope-

yapi, qa wopetonpi qon, hena tankan eħpewicaya;

46 Qa hewicakiya; Tipi mitawa kin he wocekiye tipi, eya owapi qon; tuka niye owamanonpi kin heca yakagapi ce.

47 Unkan anpetu iyohi tipi wakan kin ohna waonspekiya. Tuka wawayuśnapi itancanpi, qa wowapi kagapi, qa oyate kin en wicaśta ihdawapi kin, hena eyapi kta akitapi;

48 Tuka token econpi kta takudan iyeyapi śni; oyate kin owasin oie kin naħonpi kta cinpi ece.

WICOWOYAKE 20.

1 Unkan anpetu kin hena wanji en tipi wakan kin ohna oyate kin waonspewicakiye, a wootanin waśte kin he oyake ehan, wawayuśnapi itancanpi, qa wowapi kagapi, qa wicaħincapi kin, hena ekta ahi,

2 Qa okiyapi, qa heciyapi; Tukte wicookihi on dena decen ecanon he; qa wicookihi kin de tuwe e niu hecinhan, unkokiya po.

3 Unkan waayupte a hewicakiya; Miś eya taku wanji iciwangapi kta; he amayupta po:

4 Johannes baptem wicaqu qon he maħpiya eciyatanhan, qa iś wicaśta kin eciyatanhan, unma tukte he.

5 Unkan iye iyakitedan iapi, qa heyapi; Maħpiya kin eciyatanhan ce, unkeyapi kinhan, Tokeca wicayadapi śni he, eye kta:

6 Tuka, Wicaśta kin eciyatanhan, unkeyapi kinhan, oyate kin inyan on unkininpi kta; Johannes wicaśta wokcan kin heca kecinpi.

7 Unkan ayuptapi, qa tokiyatanhan un kin sdonyapi śni, keyapi.

LUKAS.

8 Unkan Jesus hewicakiya ; Miś eya wicookihi tukte on dena ecamon kin nakun ociciyakapi kte śni ce.

9 Hehan wiyacinpi kin de oyate kin owicakiyaka : Wicaśta wan hastanhanka iyuwi maga wan oju, qa maħkicanyanpi kin heca owicaqu, qa makoce itehan wan ekta tehan yanka.

10 Unkan wanna iyehantu qehan, taokiye wanji hastanhanka iyuwi maga waskuyeca kin etanhan qupi kta e, maħkicanyanpi qon ekta yeśi ; tuka maħkicanyanpi qon kaśtakapi, qa cokadan hdeśipi.

11 Unkan ake taokiye wanji tokeca yeśi ; unkan iś eya kaśtakapi, qa śikśicaya kuwapi, qa cokadan hdeśipi.

12 Unkan akeś iyamni wanji yeśi ; unkan iś eya taopi, qa tankan ehpeyapi.

13 Hehan hastanhanka iyuwi maga tawa kin heya ; Token ecamon kta he. Micinkśi waśtewakidake cin, hee yewaśi kta ce ; okinni he wanyakapi kinhan yuonihanpi kta.

14 Tuka maħkicanyanpi kin he wanyakapi qehan, iye iyakitedan iapi, qa heyapi ; Tawaye kte cin he dee ce ; iho po, unktepi kta ; hecen unkiye tawanyanpi kta ce.

15 Hecen hastanhanka iyuwi maga itankan ehpeyapi, qa ktepi. Heon etanhan hastanhanka iyuwi maga tawa kin token eawicakicon kta he.

16 Ito ku kta, qa maħkicanyanpi kin hena owihankewicaye, qa hastanhanka iyuwi maga kin he token wicaqu kta ce, eya. Unkan he naħonpi qehan, Hecetu śni ce, eyapi.

17 Unkan awicatonwe qehan heya ; Hecen wowapi en kagapi

qon he token kapi he ; Tipi kagapi kin inyan heyata iyeyapi qon hee wanna oise en itancan icaga ce :

18 Qa tuwe inyan kin he ahinhpaye cinhan kaħuhugapi kta ; qa iś inyan kin tuwe ahinhpaye cinhan, hee pamdu kta ce.

19 Unkan wawayuśnapi itancanpi, qa wowapi kagapi kin, hena he ehan iyaħpayapi kta cinpi ; tuka oyate kin kowicakipapi ; wiyacinpi oyake cin he iye wicaka e iyucanpi.

20 Unkan awanyag kuwapi, qa wanjikji iye owotanna konzapi kin hena iwanyakapi kta e ekta ye wicaśipi ; hecen oie kin iyaħpayapi, qa wicaśta itancan towaśake qa tawacin kin en qupi kta.

21 Unkan hena wiwangapi, qa heyapi ; Waonspekiye cin, niye tanyan iyae, qa waonspeyakiya ece ; qa tuwedan en eyatonwe śni ; tuka Wakantanka ocanku tawa kin he awicakehan onspewicayakiya e sdonunniyanpi ce :

22 Iho, Kesar wamnayanpi kin unqupi, qa iś unqupi kte śni, unma tukte hecetu he.

23 Unkan wayupiya hnaye wacinpi kin he iwicayucan, qa hewicakiya ; Tokeca iyutanmayapi he.

24 Kaśpapidan wanji makipazo po. Akan owapi qa wakagapi kin de tuwe tawa he. Unkan ayuptapi qa ; Kesar tawa ce, eyapi.

25 Unkan hewicakiya ; Heon Kesar taku tawa kin hena Kesar kicu po ; qa Wakantanka taku tawa kin Wakantanka kicu po.

26 Unkan oyate kin wicitokam oie kin iyaħpayapi kte cin okitpanipi, qa waayupte cin he on inihanpi, qa inina hiyeya.

27 Hehan Sadukee ake wica-

WICOWOYAKE 21.

kini kta wanica keyapi kin hena wanjikji en hipi ; wiwangapi,

28 Qa heyapi ; Waonspekiye cin, Moses kaken wowapi unki-cagapi ; Tuwe cincu tawicu ton qa cinca nica ecen te cinhan, iye sunkaku tawicu qon hduze qa cincu cinca icañkiciciye kta ce.

29 Unkan hecen hunkawanjin-kiciyapi šakowin : unkan tokapa kin tawicu ton, qa cinca nica ecen ta.

30 Unkan iyokihe qon he hehan hduza ; tuka cinca nica ecen ta.

31 Unkan iyamni qon hduza ; qa šakowinpi qon owasin hecen hduzapi, qa ecen tapi ; unkan cincu nicapi.

32 Unkan ehake winoñinca is eya ta.

33 Iho, hecen wicakini kte cin ekta šakowin hduzapi qon, hena tukte wanji tawapi kta he, eyapi.

34 Unkan Jesus waayupte, qa hewicakiya ; Maka kin de cinca kin tawicutonpi, qa hihnatonpi :

35 Tuka tona makoce kin he en opapi kte cin, qa wicate cin etanhan kinipi kta iyececa wicadakapi kin hena tawicu tonpi šni, qa hihnatonpi šni ece.

36 Qa nakun ake tapi kta okihipi šni ; tuka hena mañpiya ohnihde kin om akiyececapi ece, qa wicakini kin he hena cinca kin on etanhan Wakantanka cincawicaya ece.

37 Unkan wicate cin hena kiniwicakiyapi kta, Moses hee kaes can yuhaka ekta niciyaotaninpi ; Abraham Wakantanka tawa, qa Isaak Wakantanka tawa, qa Jakob Wakantanka tawa, Itancan kin eciye ciqon he ehan.

38 Tona tapi kin hena Wakantanka tawapi šni, tuka ni unpi kin hena : owasin iye ekta ni unpi ece.

39 Unkan wowapi kagapi kin wanjikši hehan heciyapi ; Waonspekiye cin, tanyan eha ce.

40 He iyohakam tuwedan sanpa wiwanga tawatenye šni.

41 Unkan hewicakiya ; Token on Messiya Dawid Cinhintku kin eciyapi he.

42 Odowan wowapi kin en Dawid iye ñinca heya ; Itancan kin Itancan mitawa kin heciya ; Mietapa kin ekta iyotanka wo,

43 Ecen tokaniyanpi kin hena nisiha oahe wicawakage kta ce.

44 Hecen Dawid Itancan eciya hecinhan, token on cinhintku kta he.

45 Unkan hehan oyate owasin nañon hiyeye cin en, waonspewicakiye cin hewicakiya ;

46 Wowapi kagapi kin itonwicapa po ; he iye šina hanskaska in omanipi, qa iciyopekiciyapi kin en owicakiyapi, qa omniciye tipi kin oyanke tokapa, qa wotapi kin en ohehdepi tokapa kin, hena heceken cinpi :

47 Qa wiwazica tipi tawapi kin temyapi ; qa ihdutaninpi kta on wocekiye hanska eyapi ece ; hena is iyotan woyaco tanka iyahdeiciyapi kta ce.

WICOWOYAKE 21.

1 Unkan wankan etonwe, qa wicašta wijicapi kin womnaye opiye kin en taku wicaqupi kin ehpeya ayapi wanyaka.

2 Unkan wiwazica wanji walpanica kin is mazašadan nonpa en ehpeya e wanyaka.

3 Unkan heya ; Awicakehan heciyapi, Wiwazica walpanica kin de isnana ota en ehpeya ce.

4 Dena owasin taku iwicakiciyaye cin hee Wakantanka taku qupi kin en ehpekiyapi ece ;

tuka iye taku ton śni, etanhan taku on ni kte cin ocowasin en ehpeya ce.

5 Unkan apa is tipi wakan kin inyan wašteste, qa taku wicaqupi kin on ayucopi kin, he cajeyatapi qehan, heya ;

6 Anpetu hiyohi kta, en taku wandakapi kin dena inyan nonpa icitakhna wanke śni ehpeyapi kta ce.

7 Hehan wiwangapi, qa heya-pi ; Waonspekiye cin, tohan kinhan hena hecetu kta he ; qa hena hecetu kte cin wanna iye-hantu kinhan, taku on sonyapi kta he.

8 Unkan heya ; Ihnuhan nihnanpi kinhan ; wicota micaje kin on upi qa, He miye ce, qa wanna ecadan iyehantu kta ce, eyapi kta : tuka wicihakam yapi śni po.

9 Tuka okicize owodutatopni ko cajeyatapi nayahonpi kinhan, nihinciyapi śni po ; ito tokaheya hena hecen hiyohi kta iyececa, tuka owihanke kin hinyahinke kte śni ce.

10 Hehan hewicakiya ; Oyate wan oyate tokeca azuye kta, qa wokiconze wan wokiconze tokeca on inajin kta :

11 Qa otakiya maka kin nina skanskan, qa wicaakihan, qa makošiksice, qa wowanyake wokokipe, qa mahpiya kin eciyatanhan wowapetoktokeca, hena hecekcen yuke kta ce.

12 Tuka taku kin dena owasin itokaptu, micaje kin on etanhan iyanihpayapi, qa śicaya nicuwapi, qa omniciye tipi, kaška wicahnakapi tipi ko en aniyampi, qa wicaštayatapi wicašta iwicadakapi kin ko wicitokam aniyampi kta ce :

13 Unkan hecen on oniyakapi ece e kta.

14 Hecen icantekiçun po ; token waaduptapi kte cin he kan-yehan awacimpi śni po :

15 Wicai wicoksape ahna cicupi kta, hecen tokaniyanpi kin tuwedan taku iennihdepi kte śni, qa iyakapeniyampi kte śni.

16 Tuka hunkake wicayayapi, qa hunkawanjin wicayayapi, qa takuwicayayapi, qa koda wicayayapi kin, hena e wiyopeniyampi kta ; qa apa teniyampi kagapi kta ce :

17 Qa micaje kin on etanhan owasin niciyušepe kta.

18 Tuka paha wanjidan kaes awinitukapi kte śni ce.

19 Wacinnitankapi kin on nicantepi kin hduha po.

20 Jerusalem ihduksan ozuye yankapi wandakapi kinhan, ihangyapi kte cin he wanna kiyadan e sonya po.

21 Hehan tona Juda makoce kin en unpi kinhan, he kin ekta najicapi kta ; qa tona cokaya en unpi kinhan tankan inapapi kta ; qa oksan makoce wanke cin tona en yakonpi kinhan, ekta hdicupi kte śni.

22 Tokiçonpi anpetu kin hena ee ; hecen taku token owapi qon hena owasin ecen yuŝtanpi kta ce.

23 Tuka anpetu kin hena en tona ihdušakapi, qa tona hoksin azinwicakiyapi kin hena wotehi wicakiciyanke kta ; maka kin akan wokakije tanka kta, qa wocanniye oyate kin de en awicaun kta.

24 Qa mazasagye ope kin on wankahanpi kta ; qa oyate kin owasin ektakta wayaka awicahdapi kta ; qa Ikcewicasta kin Jerusalem naaŝinzapi kta, ecen Ikcewicasta kin taku iyewicakicihantu kta ce.

25 Anpetu wi, qa hanyetu wi,

WICOWOYAKE 22.

qa wicānhpi kin hena ekta w-wapetokeca yuke kta ; qa maka akan oyate kin yazanhdapi kta, qa wicotoketu tanin śni ; qa mi-niwanca otaja ko sa wanke kta.

26 Wicašta kin kopa, qa maka akan taku hiyohi kte cin he ape hiyeye cin, hena on cante toki wicayanka tanin kte śni ece ; maḥpiya wowaśake kin hena hu-buzahe kta heon.

27 Hehan Wicašta Cinhintku kin maḥpiya śapa wan akan, wowaśake qa wookitanin tanka hduha u wandakapi kta.

28 Unkan dena decen aye cinhan, hehan wankan etonwanpi, qa pa yuwankan icu po ; openi-citonpi kin he wanna kiyadan u ce, eya.

29 Unkan wiyacinpi wan owi-cakiyaka : Suken can, qa can kin owasin, hena wanyaka po ;

30 Canwapa paḥa eca, mdoke-tu wanna ikiyedan, niye cinka wandakapi, qa sdonyayapi ece.

31 Iho he iyececa, taku kin dena iyécetu wandakapi kinhan, Wakantanka tokiconze kin he wanna ikiyedan u e sdonya po.

32 Awicakehan heciciyapi, Wi-coicage kin de tokan iyaye śni, ecen dena owasin iyecetu kta ce.

33 Maḥpiya kin maka ahna tokan iyaye kta, tuka mioie kin e tokan iyaye kte śni ce.

34 Unkan itonicipa po ; okinni tukten wotapi, qa witkopi, qa wiconi kin de awacinpi kin, he-na on nicantepi kin niyuśakapi kta naceca ; qa hecen sdonyaki-yapi śni ecen anpetu kin he ni-hiyohipi kte.

35 Maka ite kin akan yakonpi kin owasin wohmuke wan iye-cen wicahiyohi kta ce.

36 Heon ohinnian wakta po, qa cekiya po ; hecen taku hiyohi kte cin dena owasin icunom ida-

dapi, qa Wicašta Cinhintku kin itokam nayajinpi kta iyececa ni-yawapi kta ce.

37 Unkan anpetu icunhan tipi wakan kin ohna waonspekiya un ; qa hanyetu hehan tankan hdicu, qa paḥa wan Oliwe eci-yapi kin he en yanka.

38 Unkan hanhanna ĥinca oya-te kin owasin oie naḥonpi kta e tipi wakan kin en ahi.

WICOWOYAKE 22.

1 Unkan aguyapi napoḥyapi śni yutapi woacakśin eciyapi kin, he wanna ecadañ iyehantu kte.

2 Unkan wawayuśnapi itan-canpi, qa wowapi kagapi kin, he-na token econpi, qa ṭeyapi kte cin he akitapi ; tuka oyate kin kowicakipapi.

3 Unkan akenonpapi kin etanhan, wanji Judas Iskariot eciya-pi kin he Satan tancan mahen iyaya.

4 Unkan he ekta ye ca, wawa-yuśna itancanpi, qa akicita itan-canpi kin hena om wohdaka, to-ken econ qa wicaqu kte cin heon.

5 Unkan iyuśkinpi, qa maza-ska qupi-kta keciyapi.

6 Hecen wicada, qa wicota kin en unpi śni icunhan wicaqu kta akita.

7 Unkan aguyapi napoḥyapi śni anpetu en woacakśin ktepi kte cin wanna hehantu.

8 Hehan Inyan qa Johannes ye wicaśi qa heya ; Ya po, woacakśin untapi kte cin he wiyeya unkicihnaka po.

9 Unkan heciyapi ; Tukten wi-yeya unhnakapi kta yacin he.

10 Unkan hewicakiya ; Oton-we kin en yaipi kinhan, wicašta wan wakiśkokpa mini ohnaka yuha itkonicipapi kta ; iho, iye

tukten tin kihde cinhan, iyahna ya po.

11 Qa tipi tawa kin heciya po ; Waonspekiye cin heniciya ce ; Wotapi tipi ohna woacaksin kin he waonspewicawakiye cin om wate kte cin he tukte e he.

12 Kinhan, wankan tipi wan tankaya, qa ayucopi e nicipazopi kta ; hen wiyeya hnaka po, eya.

13 Unkan iyayapi, qa token ewicakiye cigon ecen iyeyapi ; qa woacaksin wiyeya hnakapi.

14 Unkan wanna iyehantu qehan, en iyotanka, qa wahošiyapi akenonpapi kin nakun.

15 Unkan hewicakiya ; Makakije kte cin he itokamya woacaksin kin de untapi kte cin nina wacin qon.

16 Qa heciciyapi ce ; Tohan Wakantanka tokiconze kin ekta yuacetupi šni kin, hehayan detanhan ake wate kte šni ce, eya.

17 Unkan miniyatkan kin he icu, qa wopida eye ça heya ; De icupi qa kicipamni po :

18 Qa heciciyapi ce ; Wakan-tanka tokiconze kin he tohan hiyohi šni kin, hehayan hastan-hanka iyuwi waskuyeca kin etanhan mdatke kte šni ce, eya.

19 Unkan aguyapi kin icu, qa wopida eye, ça yušpašpa, qa wicaqu, qa heya ; Mitancan niyepi on qupi kin he dee ce ; decen miksuya econ po.

20 Unkan miniyatkan kin iš eya wotapi iyohakamya wicaqu, qa heya ; Mawe niyepi kin on paponpi kin, en okodakiciye teca kin, miniyatkan kin he dee ce.

21 Tuka iho, wiyopemaye kte cin he nape kin wahna wotapi kin akan miciun.

22 Unkan Wicašta Cinhintku kin token kiconzapi qon ecen ye

kte e hecetu ; tuka tuwe he wiyopeya hecinhan he wicašta kin wotehi kiciyanka ce.

23 Unkan hinakaha iye iyakitedan tukte wanji hecon kte cin he ikiciwanh yeyapi.

24 Unkan tukte wanji iyotan yawapi kte cin he nakun hdokinicapi.

25 Unkan hewicakiya ; Oyate kin wicaštayatapi wicayuhapi kin hena iš iwicadakapi, qa tona wicookihiya owicakihanyanpi kin hena ohanwaštepi, ewicakiyapi ece.

26 Tuka niš henicecapi kte šni ; tuka niyepi kin ekta tukte wanji tokapa kinhan, hee haka- kta kin iyecece kta ce.

27 Wota yanke cin, qa wayu- tankiyapi kin, hena unma tukte iyotan tanka he. Tuwe wota yanke cin hee šni he. Tuka niš wayutankiyapi kin he iye- cen cicipi waun ce.

28 Wawiyutanmayanpi kin en kici maunpi kin he niyepi :

29 Heon Atewaye cin he woki- conze wan maqu kin he iyecen cičupi :

30 Qa hecen wokiconze mitawa kin en, wahna wotapi mitawa kin ekta wayatapi, qa wada- tkanpi kta ; qa wicaštayatapi oyanke kin heca akan idotanka- pi kta, qa Israel wicoun ake- nonpapi kin wicadacopi kta ce.

31 Hehan Itancan kin heya ; Simon, Simon, iho, Satan niyu- he ça, aguyapi su iyecen niyu- can kta e cin tuka ce.

32 Tuka wacinyaye cin he iyo- tpani kte šni e wocekiye ecici- ya ; qa tohan niš niyuhomnipi kinhan, nihunkawanji wicahdu- wašaka wo, eya.

33 Unkan heciya ; Itancan, wi- cokaške wiconte ko en nici mde kta wiyeya waun ce.

34 Unkan heya ; Simon, anpetu kin de anpuohotonna hoton sñi, ecen yamni akihde sdonmayaye cin he anayakilibe kta, eciciya ce.

35 Unkan hewicakiya ; Mazaska ojuha, qa wojuhadan, qa hanpa, hena codan yecisipi qon he ehan, taku wanjidan kaeš ini-ciyotpanipi he. Unkan, Taku-dan sñi ce, eyapi.

36 Hehan hewicakiya ; Tuka nakaha tuwe mazaska ojuha ton kinhan, ehdaku kta ; qa wojuhadan nakun : qa tuwe mazasagye nice cinhan, wokoyake tawa kin wiyopekiye, ça wanji opeton kta.

37 Taku wowapi en kagapi qon, Wicohan sica econpi kin om yawapi ce, eyapi kin he miye en yucetupi kta, eciciyapi : Unkan dena miye on ecen econpi kta ce.

38 Unkan heciyapi ; Itancan, wanyaka wo, den mazasagye nonpa ce. Unkan, Henakeca ce, ewicakiya.

39 Unkan tankan hdicu, qa Oliwe paha kin ekta i ece qon, he ake ekta ya ; unkan waonspewicakiye cin is iyahna yapi.

40 Unkan wanna ehan i qehan, hewicakiya ; Wowiyutanye kin en idadapi kte sñi e cekiya po.

41 Hehan wicicunonpa inyan ekta ehpeyapi kin hehanyan ecen i, qa canpeška makehde inajin qa cekiya,

42 Qa heya ; Ate hecen nitawacin kinhan, miniyatkan kin de token imiciyaye kta ; tuka miye mitawacin kin hee sñi, niye nitawacin kin hee ecen econpi nunwe.

43 Hehan mahpiya eciyatanhan ohnihde wan en hi qa yuwasaka.

44 Unkan nina hin yazanhda

qehan, iyotan wokitanyan cekiya ; qa temni kin he we ošbuye tankinkinyan makata hinhpaya se ececa.

45 Unkan cekiye cin hetanhan wanna najin hiyaye, ça waonspewicakiye cin en wicahdi qehan, wacin iyokišicapi kin on istinmapi iyewicaya.

46 Qa hewicakiya ; Tokeca ništinmapi he : najinpi qa cekiya po ; hecen wowiyutanye kin en yaipi kte sñi.

47 Hena hecen eya icunhan, iho, wicota, qa akenonpapi kin etanhan wanji Judas eciyapi kin, he wicitokam u, qa Jesus i iputake kta e ikiyedan hiyu.

48 Tuka Jesus heciya ; Judas, Wicašta Cinhintku kin i iputakapi wan on wicayaqu he.

49 Unkan kici unpi qon hena, taku toketu kte cin wanna wanyakapi qehan heciyapi ; Itancan, mazasagye on waaunpapi kta he.

50 Unkan wanji wawayušna itancan taokiye wanji ape, ça etapa kin eciyatanhan noge kin kaska.

51 Unkan Jesus waayupte ça, Hehanyan iyowinmakiya wo, eye ça noge yutan, qa asniyan.

52 Hehan Jesus wawayušna itancanpi, qa tipi wakan kin en itancanpi, qa tokapapi en au qon, hena hewicakiya ; Mazasagye can ko yuha wamanon sa wan tatpe yapi se iyecen yahipi he.

53 Anpetu iyohi tipi wakan kin ohna opeya ciunpi qon ehan, tuwedan nape kin itkom hiyumayakiyapi sñi ; tuka dehan nakaha kin he niye nitawapi, qa otpaza wowašake kin, eya.

54 Hehan yuzapi qa ayapi, qa wawayušna itancan ti kin ekta aipi. Unkan Inyan itehan iha-kam u.

55 Unkan itankan tipi kin en cokaya cetipi, qa ptaya iyotankapi qehan, Inyan is eya wicehna iyotanka.

56 Tuka petkahda iyotankehan yanke cin, hehan wikoška wan wanyake ca, opahte ca heya; Wicašta kin de is eya he kici un tuka ce, eya.

57 Unkan anakihbe, ca, Winohinca, he tuwe kin sdonwaye šni ce, eya.

58 Unkan iecadan wanji tokeca wanyake ca heya; Niš eya henitanhan ce. Unkan Inyan heya; Wicašta, hematanhan šni ce.

59 Unkan iyohakam wihiyayedan oape wanji ecetu, hehan wanji tokeca yaatinze ca heya; Galile wicašta kin de heca, on etanhan awicakehan is eya he kici un tuka ce.

60 Unkan Inyan heya; Wicašta, token ehe cin he sdonwaye šni ce. Unkan hecehnana, iahan icunhan, anpaohotonna kin hoton.

61 Unkan Itancan kin ihduhomi, qa Inyan atonwan. Hehan Itancan kin, Anpaohotonna hoton šni kin itokam yanni akihde anamayakilibe kta ce, eye cigon, oie kin he Inyan kiksuya.

62 Hehan Inyan tankan kihde ca nina hin ceya.

63 Unkan wicašta Jesus yus unpi kin hena ihaliapi qa apapi.

64 Qa ite kin akahpetonpi hehan, ite kin ohna apapi, qa heya iwangapi; Tuwe anipa hecinhan ito iyukcan wo.

65 Qa taku toktokeca ota itkom waoštehdaya eciyapi.

66 Unkan wanna anpao qehan, oyate kin en tona tokapapi, qa wawayušna itancanpi, qa wuwapi kagapi kin, hena mniciyapi, qa omniciye kin en aupi;

67 Qa heyapi; Messiya he niye hecinhan unkokiyaka po. Unkan hewicakiya; Ociciyakapi ešta wicayadapi kte šni.

68 Qa wiciwangapi ešta amayaduptapi kte šni, qa amayadustanpi kte šni.

69 De iyohakam Wicašta Cinhintku kin Wakantanka towaške etapa kin eciyatanhan iyotanke kta ce, eya.

70 Unkan owasin heyapi; Hecen Wakantanka Cinhintku kin he niye he. Unkan, He miye kehapi ce, ewicakiya.

71 Unkan heyapi; Iye i kin eciyatanhan unkiyepi hinca wanna naunhonpi ce; hecen tokeca ecin sanpa wayaotaninpi unko-depi kta he.

WICOWOYAKE 23.

1 Unkan wicota kin owasin najin hiyayapi, qa Pilate kayapi.

2 Hehan hinnakaha wiyaonpapi, qa heyapi; De oyate kin owicayušice, ca Kesar wamnanpi qupi kin he tehinda iyeunyanpi; qa iye Messiya Wicaštayatapi kin heca keciya ce, eyapi.

3 Unkan Pilate wiwange ca heya; Juda Wicaštayatapi kin he niye he. Unkan ayupte, ca, Niye ecen eha ce, eya.

4 Hehan Pilate wawayušna itancanpi qa oyate kin hena hewicakiya; Wicašta kin de on taku šica iyewaye šni ce.

5 Unkan hecen iyotan wohitipike ca heyapi; Oyate kin owodutatonwicaya ece, qa Galile etanhan Juda makoce kin owan-cayan dehan oiyahdeya waonspekiya ece.

6 Unkan Pilate Galile eyapi nahon qehan, wicašta kin he

WICOWOYAKE 23.

Galile wicašta kin heca hecinhan he iwicawanga.

7 Unkan Herod taoyate kin hetanhan e Pilate sdonya, hehan Herod ekta iyayeya; he qe wanna Jerusalem en un.

8 Herod Jesus wanyake çehan nina iyuskin; taku ota on nahon kin heon wanakajatanhan wanyaka cin; qa wowapetokeca wanji econ wanyake kta kecin.

9 Hehan iapi ota un wiwanga; tuka takudan ayupte šni.

10 Unkan wawayušna itancanpi, qa wowapi kagapi kin, hena inajinpi, qa wohitiya wiyaonpapi.

11 Unkan Herod ozuye wicašta wicayuhe cin om takuda šni, qa ihaña kuwa, qa šina wan ayucopi in kiye, ça ake Pilate ekta iyayeya.

12 Unkan anpetu kin he en Herod Pilate kici kiciyuwaštepi; he itokamya tokakiciyapi.

13 Unkan Pilate wawayušna itancanpi, qa itancanwicakiyapi, qa oyate kin hena witaya wicakico qehan, hewicakiya;

14 Wicašta kin de oyate kin owicayušice cin wan iyecen mayakhipi; unkan iho nitokam iwanmdaka, tuka taku iyayaonpapi kin hena on, taku šica wicašta kin de en takudan iyewaye šni.

15 Qa nakun Herod hee kaes, ekta aye cišipi; unkan iho, te kte cin iyeece cin takudan eca-kiconpi šni.

16 Hecen wakapsinpsinte, ça wakimduške kta ce, eya.

17 Wotapi kin he icunhan wicašta wanji wicakiciyuške kta e heon.

18 Unkan owasin okonwanjidan heya niyanpi; De tokan aya wo; qa Barabbas hee unkiciyuška miye.

19 He qe otonwe kin en woki-

pajin kage, ça tinwicakte on etanhan kaška wicahnakapi tipi kin en ohnakapi.

20 Pilate Jesus kiyuške wacin kin heon ake iyecen ewicakiya.

21 Tuka howayapi qa heyapi; Icipaweñ okatan wo, icipaweñ okatan wo.

22 Unkan iyamni hewicakiya; Tokeca, tukte ecin taku šica econ he. On etanhan te kte cin iyeece takudan iyewaye šni; hecen wakapsinpsinte, ça wakimduške kta ce, eya.

23 Unkan hotankakiya kitanpi, icipaweñ okatanpi kta e he kapi. Unkan iye hopi kin, wawayušna itancanpi kin om iyakapeyapi.

24 Hecen token cinpi kin he iyecen Pilate kiconza.

25 Qa tuwe cinpi kin wokipajin kage, ça tinwicakte qon, hee wicakiciyuške; tuka iye tawacinpi kin en Jesus wicaqu.

26 Unkan tokan yus ayapi qehan, Kurene wicašta wan Simon eciyapi makoce kin eciyatanhan u kin he yuzapi, qa cansusbeca kin he Jesus ihašam qin kta e aiñpeyapi.

27 Unkan oyate kin wicota hinca winoñinca ko iyahna yapi, qa wašihda aceyapi.

28 Tuka Jesus ekta ihduhomni qa hewicakiya; Jerusalem cunwintkupi kin, miye amaceyapi šni po; tuka niyepi qa nicinca-pi kin aiçiceya po.

29 Iho, anpetu hiyohi kte cin hena en heyapi kta; Hokšin yuhapi šni, qa wicitpi tohinni cin-caton šni, qa aze tohinni azinpi šni kin hena yawaštepi ce.

30 Hehan hinnakaha ñe kin, Unkahinñpaya po, qa paha kin, Unkañpa po, eciyapi ece e kta.

31 Qa can teca kin en decen

econpi kinhan, can ſeca kin en token econpi kta he, eya.

32 Unkan wicaſta tokeca nonpa, ohan ſicapi kin, hena wica-ktepi kta e kici awicayapi.

33 Unkan tukten Wicapahu eciyapi kin wanna ehan ipi qehan, hen icipaweñ okatanpi, qa nakun wicoñan ſica econpi qon hena, unma iye etapa eciyatanhan, qa unma kin iſ catka tanhan.

34 Hehan Jesus heya; Ate, wicakicicajuju wo; taku tokonpi kin sdonkiyapi ſni ce. Unkan tawokoyake kin kicipamnipi, qa oeonna econpi.

35 Unkan oyate kin opañta najin hiyeya: Qa itancanwicakiyapi kin iſ eya hena om ihañapi qa heyapi; Wicaſta tokeca niwicaya ece qon; iye atayedan niiciya eſta ſni, Meſſiya Wakantanka hdañnige cin hee hecinhan.

36 Unkan akicita kin iſ eya ihañapi, en au, qa miniskuya kipazopi;

37 Qa heyapi; Juda wicaſtayatapi kin he niye hecinhan, niiciya wo.

38 Unkan iwankam wowapi kin de, Helenes qa Roma qa Hebrew iapi heñakiya en owapi; JUDA WICAſTAYATAPI KIN HE DEE CE.

39 Unkan ohan ſicapi en owicakatanpi qon wanji ſicaya owakiye ça heya; Meſſiya he niye hecinhan niiciya wo, qa unkiſ nakun.

40 Tuka unma kin waayupte ça kiſice ça heya; Wakantanka koyakipe ſni he; wicayacopi okonwanjidan kici en yaun;

41 Qa unkiye kin en he owotanna; taku econku eciyatanhan unkakipa ece; tuka iye qe taku ſica takudan econ ſni ce.

42 Unkan hehan Jesus heciya;

Itancan, wokiconze nitawa kin en yaku kinhan, miksuya wo.

43 Unkan Jesus heciya; Anpetu kin de en wowaſte makoce kin en mici yaun kta ce, awicakehan eciciya.

44 Wanna wihiyayedan oape ſakpe hehantu; unkan makoce kin owancaya aotpaza, nacinwanka apa hehayan.

45 Qa anpetu wi kin otpaza icu, qa tipi wakan kin en minihuha ozanzan hiyeye cin he cokaya okinañdeca.

46 Unkan Jesus hotankakiya hoyekiye çehan, hehan heya; Ate, ninape kin en minagi kin owehnaka ce. Unkan hecen eye çehan ãa iyaya.

47 Unkan akicita opawinge wicayuhe cin he token econpi qon he wanyake çehan, Wakantanka yaonihan, qa heya; Awicakehan wicaſta owotanna he de heca ce.

48 Unkan oyate kin witaya he wanyag ahi qon, hena owasin token econpi qon hena wanyakapi qehan, maku kin ohnahna aiçipapi, qa kihdapi.

49 Unkan tona sdonyapi qon hena owasin itehan inajinpi, qa winoñinca Galile etanhan iha-kam upi qon hena taku kin dena wanyakapi.

50 Unkan iho, wicaſta wan Joseph eciyapi, wahokonwicakiya ece kin heca, wicaſta waſte qa owotanna;

51 He iye kin wakiconzapi qa ohanpi qon wicawicada ſni: Arimathea, Juda totonwepi kin wanñ hee etanhan; iſ eya Wakantanka tokiconze kin he ape un.

52 He Pilate ekta ye ça Jesus tancan kin kida.

53 Unkan kun eyaku, qa minihuha ska opazunte, ça imnija kañdokapi wicaſta hñakapi wan

WICOWOYAKE 24.

en ohnaka ; he itokam tuwedan en ohnakapi s̄ni.

54 Unkan anpetu en ihduwiye-yapi ece kin he hee, qa anpetu wakan kin wanna ikiyedan.

55 Unkan winoh̄inca Galile etanhan kici upi qon hena iha-kam iyayapi, ohna hnakapi kin he, qa tancan kin token hnakapi kin hena wanyakapi.

56 Qa hetanhan kihdapi, qa pejihuta wāstemna ihēpi ko wi-yeya eh̄nakapi. Hehan woa-hope kin eciyatanhan anpetu wakan kin okih̄papi.

WICOWOYAKE 24.

1 Unkan anpetu wakan en an-petu tokaheya, han̄hanna hinca, hehan wicāsta hnakapi kin ekta, pejihuta wāstemna wiyeya eh̄na-kapi qon hena yuha en upi ; qa toktokeca nakun owicapapi.

2 Unkan wicāsta hnakapi kin etanhan inyan kin wanna token iyeyapi e wanyakapi :

3 Qa mahen ipi, tuka Jesus I-tancan tancan kin he iyeyapi s̄ni.

4 Unkan token iyuckanpi nun tanin s̄ni qehan, iho, wicāsta nonpa wokoyake wiyatpatpa un-pi icahda nawicaj̄inpi.

5 Unkan kokipapi, qa ite kin makipuskin eh̄peīciyapi qehan, hewicakiyapi ; Tokeca e ̄tapi kin wicēhna ni un kin ayakitapi he.

6 Den un s̄ni ; tuka kini ce. Nahan̄hin Galile en un qon ehan token eniciyapi qon he ki-ksuya po :

7 Wicāsta Cinhintku kin wica-
sta s̄ica napepi kin en wicaqupi
kta, qa icipawēh okatanpi kta ;
tuka anpetu iyamni kinhan kini
kta ce, eya ce.

8 Unkan hecen eye ciqon he kiksuyapi.

9 Unkan wicāsta hnakapi kin

etanhan kihdapi, qa akewanj̄ipi-
dan unmapi ko hena owasin
owicakiyakapi.

10 Unkan wahōsiyapi kin hena hecen owicakiyakapi qon, Mary Magdalene, qa Joanna, qa Mary Jakob hunku kin, qa toktokeca om unpi qon hena eepi.

11 Unkan oiepi kin ikcekceya hitunkakanpi kin iyececa da-kapi, qa wicawicadapi s̄ni.

12 Hehan Inyan najin hiyaye ̄ca wicāsta hnakapi kin ekta in-
yang iyaya ; qa en eyokasin qe-
han minīkuha wokoyake kin
is̄nana eh̄nakapi wanyaka ; he-
han h̄dicu qa cante mahen taku
econpi kin on inihanyan awacin
un.

13 Unkan iho, anpetu kin he en, iyepi kin etanhan wicāsta nonpa otonwe wan Emmaus eci-yapi kin he ekta yapi, Jerusalem etanhan maka iyutapi wikcemna s̄akpe ecetu.

14 Unkan taku hiyohi kin dena owasin on wohdakapi.

15 Unkan wohdakapi, qa iyuc-kan awacinpi icunhan, Jesus iye hinca kiyedan u, qa om wicaya.

16 Tuka īsta on iyekiyapi kte s̄ni wicayapi.

17 Unkan hewicakiya ; Wicoie kin dena tukte e he, mayanipi icunhan woyahdakapi qa iyo-kīsin yaunpi kin.

18 Unkan unma Kleophas eci-yapi kin he waayupte ̄ca heciya ; Jerusalem en yaun s̄ni ece, dehan en taku hiyohi kin dena s̄donyaye s̄ni he.

19 Unkan hewicakiya ; Hena taku he. Unkan heciyapi ; Je-sus Nazareth etanhan kin on, he wicāsta wokcan, wicohan wicoie ko on wāsaka, Wakantanka qa oyate kin owasin wicitokam.

20 He wawayūsna itancanpi qa

itancanwicunkiyapi kin hena te kta kiconzapi qa icipawehi okatanpi.

21 Tuka Israel opewicakiton kte cin hee unkiś unkecinpi tuka; unkan heconpi kin ehan-tanhan wanna anpetu kin de iyamni.

22 Nakun unkanpi kin etanhan winohinca wanjikji hanhanna hinca wicaśta hnakapi kin ekta ipi, qa inihanunyanpi:

23 Iye tancan kin iyeyapi śni qehan, hdicupi qa ohnihde wakan kin heca wanwicayakapi, qa hena he ni un keyapi ce, eya unkokiyakapi.

24 Hehan om unkanpi kin wanjikji wicaśta hnakapi kin ekta ipi, qa winohinca oyakapi qon iyececa hinca iyeyapi: tuka iye kin wanyakapi śni ce.

25 Unkan hewicakiya; Witkottokapi qa wicaśta wokcan taku oyakapi qon hena owasin wicada cante hunkapi śni kin:

26 Messiya dena decekcen ito kakije ça wowitan tawa kin en hde kte cin he hecetu śni he.

27 Unkan hecen Moses e tokaheya, qa hehan wicaśta wokcan owasin, taku iye kin on wowapi en kagapi qon hena owasin owicakiyaka.

28 Unkan otonwe ekta yapi qon he wanna ikiyedan ehan ipi qehan, iye sanpa ye kta se ececa.

29 Tuka iyakapeyapi, qa heyapi; Unkicipi un wo, wanna hitayetu aya, qa anpetu kin wanna owihanke kta. Unkan om un kta e ti mahen iyaya.

30 Unkan om wota yanke çehan, aguyapi eyaku, qa yawaśte, qa yuśpaśpa, qa wicaqu.

31 Hehan iśta kin wicakiciyu-kawapi, qa iyekiyapi: unkan atanin śni iyaya.

32 Unkan hekiciyapi; Canku

kin ohna wounkiyakapi qa wuwapi wakan kin unkiciyuzamnpi qon he ehan cante unkata śni he.

33 Unkan wihiyayedan oape kin he en najin hiyayapi, qa Jerusalem ekta hdapi, qa akewanji tona om unpi ko hena witaya yukanpi iyewicayapi;

34 Qa heyapi; Ehanqon Itancan kin kini, qa Simon en tanin-iciya ce.

35 Hehan iye canku kin ohna tokenketu, qa aguyapi yuśpaśpa kin on iyekiyapi qon, hena hecekcen owicakiyakapi.

36 Unkan hena hecen eyapi icunhan, Jesus iye hinca wicacokaya hinajin qa hewicakiya; Wookiye nicipi un nunwe.

37 Unkan inihanpi, qa kokipapi, qa wanagi wanyakapi kecinpi.

38 Unkan hewicakiya; Tokeca e iyonicicapi he; qa tokeca cante mahen taku ceṭunyahdapi he.

39 Minape misiha ko, de miye linca e wanmayaka po; mayutanpi qa iyukcan po; ceḥpi huhu waton wandakapi kin wanagi kin iyecen ton śni ece.

40 Unkan hecen eye çehan, nape siha ko wicakipazo.

41 Unkan wowiyuśkin on wicadapi śni, qa hinyahin inihanpi, hehan hewicakiya; Den taku yutapi duhapi he.

42 Unkan hogan pasnonpi onśpa tuhmaga canhanpi ahna qupi.

43 Unkan icu, qa wicitokam yuta.

44 Qa hewicakiya; Nahahin om ciunpi qon ehan, wicoie ociciyakapi qon he dee ce; Moses wicoope tawa, qa wicaśta wokcan, qa odowan kin, henakiya en miye on taku token owapi qon owasin ecen yuśtanpi kta iyececa ce, eya.

WICOWOYAKE 1.

45 Unkan hehan tawacinpi kin wicakiciyuzamni, qa hecen wo-wapi kin okañnigapi kte.

46 Unkan hewicakiya ; Hecen owapi, qa Messiya hecen kakije ca, anpetu iyamni kinhan ake kini kte ciqon, he hecetu :

47 Qa hecen iye caje kin on ihducetupi qa woahtani kajujupi kin, oyate kin owasin en oyakapi kta, Jerusalem en tokaheya kta.

48 Qa taku kin dena oyakapi kte cin he niyepi ce.

49 Unkan iho, Ate taku iwahowicaye ciqon he niyepi kin en uwakiye kta ; tuka tohanyan wankantanhan wowaśake yuhe-

niciyapi śni kin hehanyan Jerusalem otonwe kin en ece yukan po.

50 Hehan tankan awicaya, Bethani hehanyan ; unkan nape wicakiyuwinta qa wicayawaśte.

51 Unkan wicayawaśte icunhan, yutokan ewicakiciyakupi, qa wankan mañpiya kin ekta ayapi.

52 Unkan iye ohodapi, qa wowyuśkin tanka yuha Jerusalem ekta kipi :

53 Qa obinniyan tipi wakan kin ohna ece yukanpi, Wakan-tanka yatanpi qa yawaśtepi ece. Amen.

JOHANNES

WOTANIN WAŚTE TAWA.

WICOWOYAKE 1.

1 Otokahe ekta Wicoie kin hee ; Wicoie kin he Wakan-tanka kici un, qa Wicoie kin he Wakantanka kin ee.

2 He otokahe ekta Wakan-tanka kici un.

3 Iye eciyatanhan taku owasin kagapi ; qa taku kin tokan tanhan takudan kagapi śni.

4 Iye kin en wiconi ; qa wiconi kin he wicaśta iyoyamwicaye cin hee.

5 Iyoyanpa kin hee otpaze cin en omdesya un, tuka otpaze cin he iyowinkiyiye śni.

6 Wicaśta wan Wakantanka eciyatanhan u śipi, he Johannes eciyapi.

7 He wayaotanin hi, Iyoyanpa kin oyake kta ; hecen iye eciyatanhan owasin wicadapi kta.

8 Iyoyanpa kin he iye śni, tuka iyoyanpa kin he yaotanin kta e u śipi.

9 Iyoyanpa wicakapi hince cin hee, wicaśta otoiyo hi wicoicage kin en u iyoyamye cin hee.

10 He wicoicage kin en un, qa iye wicoicage kin kaga, tuka wicoicage kin sonyapi śni.

11 Tona tawa kin hena ekta wicahi, tuka tawawicaye cin hena iyowinkiyapi śni.

12 Tuka tona iyowinkiyapi kin hena Wakantanka cinca wicaya yakonpi kta e okihi wicaya, tona iye caje wicadapi kin hena.

13 Hena wicawe eciyatanhan śni, qa wicacełipi tawacin kin eciyatanhan śni, qa nakun wicaśta tawacin kin eciyatanhan śni, tuka Wakantanka eciyatanhan wicatonpi.

14 Unkan Wicoie kin he wica-

JOHANNES.

cehpi kagapi, qa unkiyepi kin en ounyan; qa wootanin tawa kin wanunyakapi, wootanin kin he Atkuku eciyatanhan isnana icaga tawa kin he iyececa; wo-waonsida wowicake ko ojudan.

15 Johannes he yaotanin, qa heya niyan; Tuwe mihakam u kte cin he mitokam yawapi ce, epe ciqon he dee; he mitokam un nakaes.

16 Unkan woojudan tawa kin etanhan unkiye owasin unkiyepi, qa he wowašte wicowašte kin on.

17 Wooke kin he Moses wicagu; tuka wicowašte wowicake ko hena Jesus Messiya eciyatanhan u.

18 Tuwedan tohinni Wakan-tanka wanyake sni; tuka Cinhintku isnana icaga Atkuku maku ohna un kin he sdoney unkiyapi.

19 Unkan Johannes woyake ciqon he dee; Jerusalem etanhan Juda oyate Wošnapi kagapi Lewi wicašta ko ekta ye wicašipi qa, Tuwe niye he, eciyapi.

20 Tuka Johannes ohdake ça anakihbe sni, tuka ohdaka; Messiya kin he miye sni ce.

21 Unkan wiwangapi; Nituwe he; Eliyas he niye he. Unkan, He miye sni ce, eya. Wicašta wokcan kin he niye he, eciyapi. Tuka, Hiya, eya.

22 Hehan, Ecin tuwe niye he, eciyapi: tona deciya unkušipi hecinhan hoši wicunkakipi kta e heunniciyapi; Token onihdaka he.

23 Unkan heya; Jehowa tancanku kin owotanna kicaga po, tuwe hewoskan eyanpaha un kin he miye ce, Isaya wicašta wokcan eye ciqon iyececa.

24 Unkan tona en u wicašipi qon hena Pharisee etanhanpi.

25 Unkan wiwangapi qa heciyapi; Hecen tokeca e baptem wicayaqu he; Messiya he niye sni, qa Eliyas he niye sni, qa wicašta wokcan kin he niye sni hecinhan.

26 Johannes awicayupte ça heya; Miye mini on baptem wicawaqu ece: tuka wanji nayajinpi kin cokaya najin tuka sdon-yayapi sni;

27 Tuwe mihektam u kte ciqon, tuka mitokam yawapi kin hee; tahananpi kin wakiyušdoke kta esta owakihi sni ce.

28 Hena taku kin Bethabara, Jordan akasanpatanhan, econpi, he en Johannes baptem wicawaqu.

29 Anpetu iyokihe hehan Jesus etkiya u kin Johannes wanyake ça heya; Tacinca Wakantanka tawa, oyate wahtanipi kin tokan chepeye kte cin he wanyaka po.

30 Tuwe on hepe ciqon he dee; Wicašta wan mihakam u kte cin he mitokam yawapi; he mitokam un nakaes.

31 Qa miš eya he sdonwaye sni; tuka Israel oyate kin ekta yuotaninpi kta e heon mini on baptem wicawaqu wahi ce.

32 Unkan Johannes wayaotanin qa heya; Woniya kin he wakiyedan kaħiya maħpiya eciyatanhan kuntkiya u wanmdaka, unkan he en hiyanka.

33 Unkan he tuwe kin sdonwaye sni, tuka mini on baptem wicawaqu maši qon he omakiyaka; Tohan maħpiya kin eciyatanhan Woniya kin kuntkiya ye ça, tuwe iyabde wandake cinhan he iye Woniya Wakan on baptem wicawaqu kta.

34 He wanmdaka e on mdaotanin; Wakantanka Cinhintku kin hee.

WICOWOYAKE 2.

35 Ake ihanhanna behan Johannes waonspewicakiye cin nom om en najin :

36 Qa Jesus omani wanyake cehan heya ; Iho, Tacinca Wakantanka tawa kin he dee ce.

37 Unkan waonspewicakiya nom ie cin he nahonpi, qa Jesus ihakam yapi.

38 Hehan Jesus ihdamna, qa ihakam upi wanwicayake ca hewicakiya ; Taku ayakitapi he. Unkan, Itancan, Waonspekiye eyapi kin he kapi, tukten yati he, eciyapi.

39 Upi qa wanyaka po, ewicakiya. Unkan kici hdapi, qa tukte en ounye cin he wanyakapi, qa anpetu ihunniyan kici yukanpi : wanna oape wikcemna behantu.

40 Nom Johannes ia nahonpi qa Jesus ihakam yapi qon, Andrew Simon Inyan sunkaku kin he unma ee.

41 He cincu Simon tokaheya iyeye ca heciya ; Messiya, he Sdayapi eyapi kin, iyeunyanpi ce :

42 Qa Jesus ekta ai. Unkan Jesus wanyake cehan heya ; Simon Jona cinhintku kin he niye : Kephas eniciyapi kta, he Inyan eyapi kin hee.

43 Ihanhanna kin hehan Jesus Galile heciya ya, unkan Philip wanyake ca heciya ; Mihakam u wo.

44 Philip Bethsada hetanhan, nakun Andrew Inyan kici he otowwe tawapi.

45 Philip Nathanael akipa, qa heciya ; Moses woope en owa qon, qa wicasta wokcanpi kin nakun, he wanna iyeunyanpi, Jesus Nazareth etanhan, Joseph cinhintku kin hee.

46 Unkan Nathanael heciya ; Nazareth etanhan taku waste u

okibi kta he. U qa wanyaka wo, Philip eciya.

47 Jesus Nathanael en u wanyake ca he on heya ; Wanyaka po, Israel wicasta hinca wan he dee, wicahnaye wanin un ce.

48 Nathanael heciya ; Tokiyatanhan sdonmayaya he. Jesus ayupte ca heciya ; Philip nico qon he itokam can ihukuya nayajin qon hen wanciyaka.

49 Nathanael ayupte ca heciya ; Itancan, Wakantanka Cinhintku, Israel oyate Wicastayatapi kin he niye.

50 Unkan Jesus ayupte ca heciya ; Can ihukuya nayajin wanciyaka epa, unkan heon wicayada he. Dena taku isanpata tanka wandake kta ce.

51 Unkan heciya ; Wowicake, wowicake eciyatanhan heciciyapi, Tokata mahpiya kin yuzamnipi, qa Wakantanka taokiyeye kin wankantkiya yapi, qa ake kuntkiya upi, qa Wicasta Cinhintku kin en himniciyapi wandakapi kta ce.

WICOWOYAKE 2.

1 Anpetu iciyamni kin hehan Galile makoce en otowwe wan Kana eciyapi hen kiciyuzapi omniciye kagapi ; unkan Jesus hunku kin en opa.

2 Jesus nakun waonspewicakiye cin om kiciyuzapi kin en kicopi.

3 Unkan minisa wanna hena-keca hehan, Jesus hunku kin heciya ; Minisa takudan yuhapi sni ye.

4 Unkan Jesus heciya ; Winohinca hetanhan iwamayatokiya he ; nahanhin iyemicihantu sni ce.

5 Unkan hunku kin wayutan wicakiyapi, He tokehin eniciya-

pi owasin ecen ecom, ewicakiya.

6 Inyan wakiškokpa šakpe en han, ohna Juda oyate ihdujajapi kta e hdepi; otoiyo hi wiyutapi nom yamni kipi.

7 Wakiškokpa kin mini ojudan okaštan po, ewicakiya. Unkan ojogjudan okaštanpi.

8 Hehan, Onge etanhan icupi qa omniciye itancan kin he kanya po, Jesus ewicakiya. Unkan kayapi.

9 Unkan omniciye kin en itancan kin onge yatkan uta, he mini tuka miniša icahiyapi, qa he tokiyatanhan kin sdonye šni, tuka wayutan wicakiyapi mini akupi qon hena sdonyapi, unkan itancan kin tawicu ton qon kico;

10 Qa heciya, Wicašta eca miniša wašte tokaheya yatke wicakiya ece; qa tohan wicašta wipipi hehan taku aoptetu kin; tuka niye miniša wašte linca dehanyan yehnaka ce, eya.

11 Galile makoce kin hen, Kana otonwe he en, Jesus toka taku wapetokeca econ, qa towitan hdutanin; unkan hecen waonspewicakiye cin wicadapi.

12 He iyohakam Kapernaum ekta apamahde iyaya, iye qa hunku qa sunkaku qa waonspewicakiye cin hena koya om; unkan anpetu tonana hen yakonpi.

13 Unkan Juda oyate woacakšın wošnapı tawapi kin wanna ikiyedın; heon Jesus Jerusalem ekta itanwankanhdı eyaya.

14 Unkan tipi wakan kin en wicašta kin eya, tatanka, tahınca, wakiyedın ko wiyopewicakiyapi, qa maza ska tokiyopekiyapi kin en iyotankapi e wanwicayaka;

15 Qa icapsinte cikciqadan yu-

gaga wan kage çehan, tipi wakan kin etanhan owasin tankan iyewicaya, tahınca tatanka ko; qa mazaska tokiyopekiciyapi qon is kada iyeya, qa can wahna wotapi kin he nakun paahdaşınıyan ehpeya.

16 Qa wakiyedın wiyopeyapi kin is, Dena owasin tankan iyeya po, qa, Ate ti kin de wopeton tipi kagapi šni po, ewicakiya.

17 Unkan waonspewicakiye cin wowapi en kagapi qon he kiksuyapi, Yati owakiye cin he mayapota ce.

18 Hehan Juda oyate ayuptapi qa heciyapi; Tokiya tanhan he oyakihi qa hecanon he.

19 Unkan Jesus waayupte ea, Tipi kin de ihangya po, qa anpetu icıyamni kinhan ake ekıcetıwaye kta, ewicakiya.

20 Waniyetu wıckemna topa qa sam šakpe hehanyan tipi kin de kagapi qa yuštanpi qon, niye nakaha anpetu iyamnına ekıcetı yaye kta he, Juda oyate kin eciyapi.

21 Tuka tipi eye cin he iye tancan kin he ka e heon etanhan heya.

22 Heon wıconę etanhan ihduıkıcetı, hehan hecen ewicakiye cıqon he waonspewicakiye cin kiksuyapi; unkan wowapi wakan qa Jesus taku ewicakiye cin hena koya wıcadapi.

23 Unkan Jerusalem en woacakšın wošnapı kin icunhan, taku wapetokeca econ kin hena wıcota wanyakapi qehan iye caje kin on wıcadapi.

24 Tuka Jesus owasin sdonwicaye cin heon etanhan wacınwicaye šni.

25 Qa wicašta on tuwedın waıyotanın kta cin šni; iye atayedan wicašta taku en un kin sdonya, heon etanhan.

WICOWOYAKE 3.

1 Wicašta wan Pharisee etanhan Nikodemos eciyapi, Juda oyate itancanpi kin he wanji ee;

2 Hanyetu wan Jesus yanke cin en i qa heciya; Itancan, waonspekiye Wakantanka eciyatanhan u kin henica sdonunniyanpi; taku wapetokeca ecanon ece kin tuwedan^o hecen okihi šni, Wakantanka kici un šni kinhan.

3 Unkan Jesus ayupte ça heciya; Wowicake, wowicake eciyatanhan heciciya, Wicašta kin wankantanhan teca nien tonpi šni kinhan Wakantanka tokiconze kin wanyaka okihi kte šni.

4 Wicašta kin kan ehantanhan token ecin teca ni en tonpi kta he. Ake hunku tezi kin mahen kihde ça ake teca ni en tonpi kta he token okihi kta he, Nikodemos eciya.

5 Unkan Jesus ayupte; Wowicake, wowicake eciyatanhan heciciya, Wicašta kin mini qa Woniya kin on tonpi šni kinhan Wakantanka tokiconze kin en tin iyaya okihi kte šni ce, eya.

6 Tuwe wicacehpi on tonpi kin he wicacehpi, qa tuwe Woniya kin eciyatanhan tonpi kin he woniya.

7 Wankantanhan nitonpi kta ce, eciciye cin heon ihuahan niyušinyaye cin.

8 Tateyanpa kin tokiyatanhan cin eca eciyatanhan ipogan ece, qa oqo kin he nayahon, tuku tokiyatanhan u, qa tokiya ye cin he sdonyaye šni. Wicašta Woniya kin eciyatanhan tonpi kin owasin hecetu.

9 Nikodemos ayupte ça heciya; Hena token okihipica he.

10 Jesus ayupte ça heciya; Israel en waonspekiye cin heni-

ca, tuka dena oyakašnige šni he.

11 Wowicake, wowicake eciyatanhan heciciya; Taku sdonunyanpi kin hena unkeyapi ece, qa taku wanunyakapi kin dena unkoyataninpi, tuka wounyataninpi kin ayaktapi šni.

12 Taku maka kin detanhan ociciyakapi kin wicayadapi šni ehantanhan, mašpiya kin ekta taku ociciyakapi kinhan hee token wicayadapi kta he.

13 Nahašin tuwedan mašpiya kin ekta i šni, tuwe mašpiya kin eciyatanhan kuntkiya u, qa hi kin he Wicašta Cinhintku kin hee, nahašin nakun mašpiya kin ekta yanka.

14 Nakun hewoskan wanmduška Moses wankan ehde qon he iyecen Wicašta Cinhintku kin wankan ehdepi kta.

15 Heon tuwe awacin kinhan owihanke kte šni, qa owihanke wanin wiconi yuhe kta.

16 Wakantanka oyate kin cantewicakiya, heon Cinhintku išnana icage cin wicaqu, qa tuwe awacin kinhan owihanke kte šni, tuka owihanke wanin wiconi yuhe kta.

17 Wakantanka Cinhintku kin wicoicage kin en u ši kin, heon oyate kin wicayaco kta e hecon šni; tuka iye on oyate kin nipi kta e hecon.

18 Tuwe he wacinye cinhan he yacopi kte šni; tuka tuwe wacinye šni kinhan he wanna yacopi; Wakantanka Cinhintku išnana icage cin he caje kin wacinye šni kin heon etanhan.

19 Wicayacopi kin he kaketu; Oyate kin iyoyanpa en wicahi-yohi, tuka wicašta kin otpaza e waštedakapi, qa iyoyanpa e cinpi šni, wicohan šicapi kin heon.

20 Tuwe taku šica econ kin he

iyoyanpa síce daka, qa iyoyanpa ikiyedan u síni, ohan iyopeyapi kte cin heon.

21 Tuka tuwe wowicake eciyatanhan ohanye cin he iyoyanpa kin en u, ohan yuotaninpi kta, Wakantanka eciyatanhan ohan ye cin heon.

22 Hena iyohakam Jesus waonspewicakiye cin om Juda makoce kin en i; qa en om un, qa baptem wicaqu.

23 Unkan he icunhan Johannes is eya Enon Salim ikiyedan baptem wicaqu, hen mini ota kin he etanhan. Unkan baptem wicaqupi kta e etkiya aye.

24 Hehanyan hinyahin Johannes kaskapi síni.

25 Hehan taku hdokinicapi, Johannes waonspewicakiye cin wanjikji qa Juda wicašta om, wicayujajapi kin he icahtagya.

26 Unkan Johannes ekta ipi qa heciyapi; Itancan, Jordan wakpa akasanpa tanhan tuwe kici yaun qa daotanin qon he, iho, wanna baptem wicaqu, unkan owasin en ece iyoptapi.

27 Unkan Johannes waayupte ca heya; Wicašta kin mahpiya eciyatanhan taku qupi síni ehan-tanhan takudan iye cinka icu okihi kte síni ece.

28 Messiya kin he miye síni, tuka itokam u masipi ce, epe ciqon he niye sonyayapi.

29 Tuwe tawicu ton kin he hihna yanpi kin hee, tuka hihna yanpi takodaku kin en taninyan anagoptan najin, qa hihna yanpi ho kin nahon kin heon iyuskin ece. Heon etanhan wowiyuskin mitawa kin wanna yueceti-pi ce.

30 Iye kin nina sanpa icage kta, tuka miye yuhukun amaye kta.

31 Tuwe wankan tanhan hi kin

he taku owasin iwankam ounye. Tuwe maka etanhan hi kin he maka etanhan, qa maka kin iye-cenya oie kiton. Tuwe mahpiya kin eciyatanhan hi kin he taku owasin on iyotan.

32 Qa taku wanyake ca taku nahon kin he owasin yaotanin ece; tuka taku yaotanin kin tuwedan wicada síni.

33 Taku yaotanin kin he tuwe wicada kinhan Wakantanka wicake cin he yutanin ece.

34 Wakantanka tuwe u síni kin he Wakantanka oie oyaka; Wakantanka Taniya kin iyuta qu síni, ocowasin qu.

35 Atkuku kin Cinhintku waste-kidake ca, taku owasin iye nape kin en qu:

36 Hecen tuwe Cinhintkuyapi kin wacinye cinhan owibanke wanin wiconi kin wanna yuha; tuka tuwe wacinye síni kinhan, he wiconi wanyake kte síni, tuka Wakantanka tocanniye kin wanna akan un.

WICOWOYAKE 4.

1 Jesus waonspewicakiya ota içicage ca baptem wicaqu, Johannes econ qon sam iyeya, Pharisee kin hecen nahonpi, he Itancan kin sonya.

2 Tuka Jesus iye ataycdan baptem wicaqu síni, waonspewicakiye cin hena heconpi.

3 Hehan Juda makoce kin ayu-ştan, qa Galile heciya ake ckta hda.

4 Qa Samariya he en acankuye kta iyececa.

5 Hecen otonwe wan Sukar eciyapi Samariya makoce en, Joseph en ounye kta e Jakob atkuku qu qon he ikiyedan, he ekta hi.

6 Jakob miniyowe tawa kin he

WICOWOYAKE 4.

etu ; Jesus mdokite bda, qa miniyowe kin he ahankeya iyotanka. Anpetu kin he en wiyotanhe cin hehantu.

7 Samariya oyate etanhan winohinca wan mini huwe hi ; unkan Jesus, Mini maqu wo, eciya.

8 He icunhan waonspewicakiye cin otonwe kin ekta taku yutapi opeton iyayapi.

9 Winohinca Samariya oyate etanhan qon hecen eya, Juda wicašta kin henica, Samariya oyate kin hematanhan, he tokeca e mini mayakida he. Juda oyate Samariya oyate kici takudan ikicitukapi wanice ciqon.

10 Jesus ayupte ça heciya ; Wakantanka taku wicaqu kin he, qa, Mini maqu wo, eniciye cin he tuwe kin sdonyaya unkané, niye yakida kta, kinhan mini wiconi kin niçu kta tuka ce.

11 Itancan, mini kin de temahentuya hiyeya qa takudan on edaku kte šni ; tokiya tanhan mini wiconi kin duha he, winohinca kin eciya.

12 Jakob ateunyanpi miniyowe kin de unqupi, qa etanhan iye mini yatkan, qa cinca qa tawanunyanpi ko, he hecon tuka niye iniyotan he.

13 Unkan Jesus ayupte ça heciya ; Tuwe mini kin de etanhan yatke cin nakun ipuza kta ;

14 Qa tuwe mini waqu kte cin etanhan yatke cin icimana ipuza kte šni. Tuka mini waqu kte cin he owihanke wanin wiconi iyahdeya kaduze kta, eya.

15 Unkan winohinca kin heciya ; Itancan, mini kin he etanhan maqu ye, hecen imapuza kte šni, qa nakun icimana mini kin de huwe wahi kte šni, eya.

16 Unkan, Nihihna kico ya

wo, qa den kici bi wo, Jesus eciya.

17 Tuka winohinca kin waayupte ça heciya ; Mihihna kin wanica ce. Nihihna wanica kehe cin he hecetu e ecen eha ce ;

18 Nihihna zaptan, tuka naha hibnayaye cin de nitawa šni ; hecen ehe cin he wicayaka ce, Jesus eciya.

19 Hehan winohinca kin heciya ; Itancan, wicašta wokcan kin henica imdukcan ;

20 Hunkake wicunyanpi paha kin de en ohodapi ece ; tuka niye, Jerusalem he en wicašta ohodapi ece e kta, kehapi ce.

21 Unkan Jesus heciya ; Winohinca, wicamada wo, anpetu wan u ce, paha kin de en, qa Jerusalem nakun en, Ateyapi kin ohoyadapi kte šni.

22 Niye taku ohoyadapi kin sdonyayapi šni ; unkiye taku ohoundapi kin sdonunyanpi ece. Juda oyate kin eciyatanhan wanikiyapi kin u ce.

23 Tuka anpetu u kin he wanna hiyohi, tona wowicake eciyatanhan ohodapi kin hena woksape wowicake eciyatanhan Ateyapi kin ohodapi kta. Ateyapi kin he tona hecen ohodapi kte cin akita ece.

24 Woksape kin he Wakan-tanka kin ee ; qa tona ohoda kinhan hena woksape wowicake eciyatanhan ohoda kta.

25 Hehan winohinca kin heciya ; Messiya Sdayapi eyapi kin hi kta, tohan hi kinhan taku kin owasin unkokiyakapi kta e sdonwaya.

26 He miye e ociciya ce, Jesus eciya.

27 He icunhan waonspewicakiye cin en hdipi, qa winohinca kin kici okiciciya un kin heon yušinyayapi. Tuka wanjidan ;

JÓHANNES.

Taku ayakita he; qa, Tokeca kici iyaa he, eyapi s̄ni.

28 Hehan winoñinca kin wakiškokpa eñpeya kihde ça, otonwe kin ekta ki, qa wicašta kin hewicakiya;

29 Wicašta wan taku ecamon qon owasin omiciyake cin he ito wanyag u miye. He Messiya kin ee s̄ni he.

30 Hehan otonwe kin etanhan enanpa, qa yanke cin en ai.

31 He icunhan waonspewicakiye cin cekiyapi qa, Itancan, wota wo, eciyapi.

32 Tuka iye hewicakiya; Taku yutapi sdonyayapi s̄ni kin heca wate kta e mduha ce.

33 Heon, Tuwe taku yutapi kahi he, wonspewicakiye cin ekiciyapi.

34 Tuka Jesus hewicakiya; Tuwe u maši kin he tawacin kin ecen ecamon kta, qa iye toñan kin weciyuštan kte cin he taku wate cin ee.

35 Ehake wi topa kinhan taku mnaunyanpi kta ce, ehapi. Tuka miš kaken eciciyapi; Wankan etonwanpi qa maga kin wanyaka po, wanna owasin ska qa mnayanpi kin wanna iyehantu.

36 Qa tuwe taku mnaye cin he wokajuju icu ece, qa owihanke wanin wiconi waskuyeca mnayan ece; hecen on tona woju, qa tona mnaye cin napin wiyuškini kta.

37 Wanji woju qa wanji mnayan, eyapi qon dee e wicakapi.

38 Niye htayanipi s̄ni tuka wamnananpi he econ cišipi. Wicašta tokeca htanipi unkan he htanipi kin en niye oyapapi.

39 Winoñinca kin, Token ecamon qon owasin omiciyaka ce, eye ciqon heon wicašta Samariya oyate otonwe kin he en ota Messiya hee kin wicadapi.

40 Heon Samariya oyate Jesus en hipi qa cekiyapi, iye tipi kin en un šipi. Unkan nonpa can hen un.

41 Unkan ia nañonpi kin hehan wicota wicadapi.

42 Qa, Taku odate cin he etanhan wicaundapi kin hee s̄ni, unkiš eya naunñonpi, Messiya hee qa oyate wanikiye kte cin hee e sdonunyanpi, winoñinca kin eciyapi.

43 Anpetu nonpa iyohakam hehan hetanhan ye ça Galile heciya hda.

44 Jesus iye atayedan hdaotanin, wicašta wokcan kin heca iye tamakoce kin en yuonihanpi s̄ni ece.

45 Unkan Galile ekta ki, hehan Galile wicašta kin iyowinkiyapi, Jerusalem ekta woñnapi kin icunhan taku econ qon owasin wanyakapi kin heon etanhan; iš eya woñnapi kin ekta ipi nakaes̄.

46 Unkan Galile en Kana otonwe kin, mini ikceka miniša icañye ciqon he ake en hdi. Unkan Kapernaum ekta wicašta itancan wanji cinhintku wazanka:

47 He Jesus Juda makoce kin hetanhan Galile en hi, nañon kin heon ekta ye ça cekiya, cinhintku kin asniye kta e ekta u kta; wanna te kta ikiyedan.

48 Hehan Jesus heciya; Taku wowanyake wowapetokeca ko wandakapi s̄ni keš wicayadapi kte s̄ni ce.

49 Unkan wicašta itancan kin heciya; Itancan, micinksi te s̄ni itokam kun u wo.

50 Tuka Jesus heciya; Hunktiya wo, nicinksi ni ce. Unkan wicašta kin Jesus ie cin wicada, qa ekta hda.

51 Tiyatakiya hda, unkan wi-

WICOWOYAKE 5.

cašta wowidake wicayuhe cin awicakipa, unkan, Nicinksi kin ni ce, eya okiciyakapi.

52 Wi kin tohan yanka hehan asni aya he, eya iwicawanga. Unkan, Htanihan wiyotanhana kintanna inasdoka, hetanhana tancan kata ayustan ce, eyapi.

53 Unkan atkuku kin tohan Jesus, Nicinksi ni ce, eciye cion behantu e kiksuya. Unkan iye qa tiyohnaka tawa koya wicadapi.

54 Jesus J'uda makoce etanhana Galile icicawin en hdi, wowape-tokeca econ kin icinonpa kin he dee

WICOWOYAKE 5.

1 Hehan iyohakam J'uda oyate omniciye wan kagapi he icunhana Jesus Jerusalem he en i.

2 Jerusalem en tahinca wanunyanpi tiyopa kin he en ikiyadan, mini kiwitayapi, Hebrew iapi Bethesda eciyapi, zaptankiya sohanziya hdepi.

3 Hena ohna wicašta wayazanka ota, hušte, ista gonga, țat'aka ko ota en makan hiyeya, mini skanskan ape hiyeya.

4 'Tohan iyehantu eca, mahpiya ohnihde wan mini kin en hi qa skanskanya ece. Tokiya yazan kin owasin tohan mini kin he skanskan eca tuwe tokaheya en iyohpeiciya eca asni ece.

5 Wicašta wan he en wanka, waniyetu wikcemna yamni sanpa sahdogan behanyan wayazanka.

6 Wicašta kin he makata wanka, wanakaja tanhan wayazanka Jesus wanyaka, qa, Anisni kta yacin he, eciya.

7 Wicašta wayazanke cin heciya; Itancan, mini kin skanskan keš tuwedan en iyohpemaye šni;

en mde kta keš tuwe tokeca mitokam en iyeiciya ece.

8 Najin, owinja ehdaku qa mani wo, Jesus eciya.

9 Unkan ecahankeya wicašta kin akišni, qa owinja kin ehdaku, qa mani. Unkan anpetu kin he anpetu wakan.

10 Heon etanhana J'uda oyate kin wicašta asniyanpi qon heciyapi; Nakaha anpetu wakan; owinja yeçin kin he hecetu šni ce.

11 Tuwe asnimaye cin he, Owinja ehdaku qa mani wo, emakiya ce, ewicakiya.

12 Hehan, Wicašta kin, Owinja ehdaku qa mani wo, eniciye cin he tuwe he, eya iwangapi.

13 Tuka wicašta asniyanpi kin he tuwe kin sdoneye šni: he icunhana wicota hen unpi hecen Jesus icunonpa iyaya.

14 Hehan iyohakam tipi wakan en wicašta kin he Jesus wanyaka, unkan, Wanyaka ye, wanna anisni; icimana wal'tani šni wo; okinni ake taku wanji šica sanpa tanka iyanihde kta ce, eciya.

15 Unkan wicašta kin he kihde ç'a, Tuwe asniye cion he Jesus ee, J'uda oyate owicakiyaka.

16 Heon etanhana J'uda oyate Jesus kuwa ayapi, qa anpetu wakan kin icunhana hena econ kin heon țeyapi kta e akitapi.

17 Unkan, Ate nahahin htani he etanhana miš'eya htawani, Jesus ewicakiya.

18 Unkan J'uda oyate hehan iyotan Jesus țeyapi kta sanpa akitapi, anpetu wakan botica, qa nakun Wakantanka atayedan Ateya keiciye cin, Wakantanka kici akiyecen ihdawa kin, heon etanhana.

19 Unkan Jesus waayupte ç'a

JOHANNES.

hewicakiya ; Wowicake, wowicake eciyatanhan heciciyapi, Cinhintkuyapi kin takudan iye cinka econ kta okihi s̄ni ; Ateye cin taku econ wanyaka eca, hehan Cinhintku kin is̄ eya iye-cen econ ece.

20 Ateyapi kin Cinhintku wašte kidakte cin heon taku econ kin hena owasin onspekiya ; qa nakun ees̄ wicohan dena sanpa tanka onspekiye kta, hecen ininihanpi kta.

21 Ateyapi kin tuwe ʒa keš̄ niye ʒa wiconi wicaqu ece ; he iye-cen Cinhintku kin is̄ tona cin kinhan wiconi wicaqu ece.

22 Nakun Ateyapi kin tuwedan yaco s̄ni, tuka woyaco owasin Cinhintku kin qu.

23 Heon etanhan owasin Ateyapi kin token ohodapi hecinhan he iye-cen Cinhintku kin ohodapi kta. Tuwe Cinhintku kin ohoda s̄ni kin he Atkuku u s̄i kin he nakun ohoda s̄ni.

24 Wowicake, wowicake eciyatanhan heciciyapi, Tuwe mioie kin anagoptan, qa u maši kin he awacin kinhan, owihanke wanin wiconi yuhe kta ; qa woyaco en i kte s̄ni, wanna wiconte etanhan wiconi ekta e i.

25 Wowicake, wowicake eciyatanhan heciciyapi, Anpetu wan u qon wanna hi, wicašta ʒa tona Wakantanka Cinhintku ho kin naħon kta ; qa tona naħon kinhan hena ni kta.

26 Ateyapi kin iye cinka wiconi hduha, he etanhan Cinhintku kin is̄ iye cinka wiconi hduhe kta e qu.

27 Qa nakun wowaške woyaco kin he nakun Cinhintku qu, Wicašta Cinhintku kin e heon etanhan.

28 Ihnuhan hena ininihanpi kin

do ; anpetu wan hi kta ce, wicašta wicaħapi kin owasin iye ho kin naħonpi kta ;

29 Qa hninanpapi kta, tona wašte econpi kin hena wiconi woekicetu ekta ; qa tona taku s̄ica econpi kin hena woyaco woekicetu ekta hiyupi kta.

30 Miye cinka taku ecamon owakitpani ; taku mdaco kin hena taku nawaħon kin heciyatanhan ; qa taku mdaco kin hena hecetu. Miye mitawacin he owakide s̄ni, tuwe u maši kin he tawacin owade.

31 Miye miħdaotanin kinhan, taku mdaotanin kin he wowicake s̄ni.

32 Wanji tokeca mayaotanin ece ; unkan wayaotanin iye mayaotanin kin he wowicake e sdonwakiya.

33 Johannes ekta ye wicayaši-pi ; unkan taku yaotanin kin wowicake kin hee.

34 Tuka wicašta akantu wayaotaninpi kin iwacu s̄ni ; tuka dena on yanipi kta e heciciyapi.

35 He peta ijanjan iyege ʒa okitanin ; unkan iyoyanpa tawa kin on kohanna iyuškin wacanipi.

36 Tuka Johannes sam iyeya tanka wayaotanin mduha ; wicohan ecamon kta Ate maqu qon hena e ecamon ece ; Ate umaši e yuotanin kin hena ee.

37 Qa Ateyapi umaši qon he nakun mahduotanin : He tohinni ho kin nayaħonpi s̄ni, qa itohnake wandakapi s̄ni :

38 Qa oie kin en niunpi s̄ni, tuwe u s̄i kin he wicayadapi s̄ni, heon etanhan.

39 Wowapi wakan kin en akita po ; heciyatanhan wiconi owihanke wanica duhapi kecannipi ; unkan omayake cin hena ee.

40 Tuka owihanke wanin wi-

WICOWOYAKE 6.

coni duhapi kta e on miye en mayaupi yacinni s̄ni.

41 Wicašta ekta mitawootanin kin awecite s̄ni.

42 Tuka Wakantanka wašte-dakapi kin he en niunpi s̄ni e sdonciyapi.

43 Ate cajeyan wahi, tuka iyo-winmayakiyapi s̄ni; tuwe iye caje atayedan hduha hi kin hee iyowinyakiyapi kta.

44 Niye iyakitedan nitawootaninpi kin ayecitapi, qa Wakantanka eciyatadhan wootanin kin ayakitapi s̄ni, he token on wicayadapi kta he.

45 Ate en aciyapi kta e kecan-makinpi s̄ni po; Moses he wacinyayapi qon he iye taku iyanionpapi ce.

46 Moses wicayadapi unkanš miš eya wicamayadapi kta tuka. He miye on wowapi kaga.

47 Tuka iye wowapi kage cin hena wicayadapi s̄ni kinhan, ecin token mioie kin wicayadapi kta he.

WICOWOYAKE 6.

1 Hena iyohakam Jesus Galile mde kin, he nakun Tiberias mde kin ee, he akasanpa iyaya.

2 Unkan oyate ota ihakam yapi, wicašta wayazanpika en wapetogya oňanyan wanyakapi qon heon etanhan.

3 Unkan Jesus paha wan ekta iyaya, qa waonspewicakiye cin om akan iyotanka.

4 Unkan woacaks̄in, Juda oyate wošnapı tawapi wan, he wanna ikiyedān ihan.

5 Jesus išta yuwankan ikikcu, qa wicota iye yanke cin en au wanwicayake cehan, Philip heciya; Aguyapi dena yutapi kte cin tokiyatadhan opeuntonpi kta he.

6 He yukcan kta on etanhan

heciya; token econ kte cin he sdonkiya tuka.

7 Hehan Philip ayupte; Kašpapidan opawinge nonpa aguyapi iyopeyapi, qa otoiyoŋi cikcistinna icupi ešta, nakun iyo-wicahi kte s̄ni ce, eya.

8 Hehan waonspewicakiye cin wanji, Simon Inyan sunkaku, Andrew eciyapi, he nakun heciya;

9 Psin ska aguyapi zaptan qa hogan nom hena den hoks̄idan wan yuha; tuka wicota qa hena on token hanpica he.

10 Unkan, Wicašta kin iyotanke wicaši po, Jesus eya. He en peji ota. Wicašta kin hena iyotankapi, unkan kektopawinge zaptan iyecetü.

11 Hehan Jesus aguyapi kin hena icu qa yawakan, qa waonspewicakiye cin wicaqu; unkan waonspewicakiye cin iyotang hiyeye cin wicakipamnipi; qa nakun hogan tohanyan cinpi kin.

12 Unkan imnanpi hehan waonspewicakiye cin hewicakiya, Oyaptapi kin hena pahi po, hecen takudan atakuni kte s̄ni.

13 Unkan psin ska aguyapi oyaptapi qon he etanhan makanopiye ohnaka ake nonpa pahipi; wotapi etanhan iwicakiciyaye cin hena ee.

14 Taku wapetogya Jesus econ kin oyate kin wanyakapi, qa heon heyapi, Wicašta wokcan itancan oyate en hi kta keyapi qon he wanna dee.

15 Oyate kin Jesus icupi, qa wicaštayatapi kaň wacinni e sdonkiya, qa paha kin icunonpa akan is̄nana iyaya.

16 Unkan wanna htayetu hehan waonspewicakiye cin mde kin ektakiya yapi;

17 Qa wata wan en opapi qa

JOHANNES.

mde kin he opta yapi, Kapernaum heciya i wacinpi. Unkan otpaza tuka nahanhin Jesus ekta wicahi s̄ni.

18 Unkan tateyanpa hinca, on etanhan mde kin nina taja aya.

19 Unkan wiyutapi wikcemna nonpa sam zaptan, qa is̄ wikcemna yamni hehanyan watopapi, hehan wata kin ikiyedani Jesus mini kin amani u wanyakapi ; unkan yuśinyayapi.

20 Tuka, He miye ce, ihnuhan koyakipapi kin do, ewicakiya.

21 Hehan iyokipiya wata kin en iyowinkiyapi ; unkan tokiya yapi qon, wata kin kohanna he en ihunni.

22 Ihanhanna hehan oyate mde kin icahda yukanpi kin, hen wata wanica, wanji waonspewicakiye cin en opapi qon hecye-dan, qa Jesus waonspewicakiye cin om wata kin en ope s̄ni, tuka waonspewicakiye cin is̄nana iyayapi, he wanyakapi :

23 Tuka Jesus aguyapi yawan qa yutapi qon he en ikiyadan Tiberias eciyatanhan wata toktokeca en hipi.

24 Oyate kin Jesus waonspewicakiye cin om he en yukanpi s̄ni wanyakapi, unkan oyate kin wata kin hena en opapi qa mde kin opta yapi, Jesus Kapernaum heci un kin he akin yapi.

25 Unkan mde kin akasanpa hen iyeyapi qehan, heciyapi ; Itancan tohinni den yahi he.

26 Jesus awicayupte ca heya ; Wowicake, wowicake eciyatanhan heciyapi, Omayadepi kin he taku wapetokeca wandakapi kin heon hecanonpi s̄ni, aguyapi innahan yatapi qon e heon.

27 Taku yutapi on wicatakuni s̄ni heon litanipi s̄ni po ; tuka taku yutapi owihanke wanin wiconi behanyan kte cin hee on

litani po, he Wicaŕta Cinhintku kin niçupi kta ; Wakantanka Ateyapi kin wanna he askan̄ton.

28 Hehan heciyapi ; Token econkupi kta, on Wakantanka tohan kin unko hanyanpi kta he.

29 Jesus waayupte ca hewicakiya ; Wakantanka wicohan tawa kin he dee, tuwe u s̄i kin he wicayadapi kta.

30 Heon etanhan heciyapi ; Taku wapetokeca ecanon kin tukte e heon, wanunyakapi qa wicaunidapi kta ; taku yakaga he.

31 Hunkake wicunyanpi kin eya wanna hewoskan manna yutapi qon ; Maḥpiya eciyatanhan aguyapi yutapi kta e wicaqu ce, eya owapi qon he iyececa.

32 Unkan Jesus hewicakiya ; Wowicake, wowicake eciyatanhan heciyapi ; Moses aguyapi kin he maḥpiya kin eciyatanhan niçupi s̄ni ; tuka Atewaye cin he aguyapi wowicake kin maḥpiya eciyatanhan niçupi.

33 Aguyapi Wakantanka tawa kin he tuwe maḥpiya eciyatanhan kuntkiya u, qa oyate wiconi wicaqu kin hee.

34 Unkan, Eca Itancan, aguyapi kin he ohinnian unqu po, eciyapi.

35 Tuka Jesus hewicakiya ; Aguyapi wiconi kin he miye ce. Tuwe en mau kinhan wotekteda s̄ni un kta ; qa tuwe wicamada kinhan ipuza s̄ni un kta.

36 Eya wanna wanmayadakapi, tuka wicamayadapi s̄ni e, eciyapi qon.

37 Ate tona maqu kin owasin miye en mau kta ; qa tuwe en mau kinhan tankan iyewaye kte s̄ni.

38 Maḥpiya eciyatanhan wahi kin, he mitawacin owape kte s̄ni, tuwe u maŕi kin he tawacin owecipe kta.

WICOWOYAKE 6.

39 Atewaya u masi kin he tawacin kin he dee, tona maqu kin wanjidan toki ehpewaye sni, ceen anpetu ihankeya kin piya icalhwaye kta.

40 Tuwe u masi kin he tawacin kin he dee, tona Cinhintku-yapi kin he wanyake ca wicada kin hena owihanke wanin wiconi yuhe kta, qa anpetu ihankeya kin he en piya icalhwaye kta.

41 Heon Juda oyate kin ajijipi ; Aguyapi mahpiya eciyatanhan kun u kin he miye ce, eye cion heon etanhan.

42 Qa heyapi ; Jesus Joseph cinhintku qon he dee sni he, atkuku hunku ko sdonwicunyanpi ce: hecen token, Mahpiya eciyatanhan wahi ce, eya okihi he.

43 Heon Jesus waayupte ca hewicakiya ; Niye iyakitedan waajijipi sni po.

44 Tuwedan iye cinka en mau kte sni, Ate u masi qon tuwedan en au sni kinhan, qa anpetu ihankeya kin en piya icalhwaye kta.

45 Unkan owasin Wakantanka eciyatanhan onspewicakiyapi kta ce, wicasta wokcan kin en cya owapi qon. Heon tona Ate waonspewicakiye ca anagoptanpi kin hena owasin en maupi kta.

46 Tuwedan Ateyapi kin tohinni wanyake sni, tuwe Wakantanka etanhan u kin hecedan Atkuku wanhdaka.

47 Wowicake, wowicake eciyatanhan heciciyapi, Tuwe miye wicamada kinhan, he owihanke wanin wiconi yuhe kta.

48 Aguyapi wiconi he miye.

49 Nihunkakepi kin hewoskan manna yutapi, tuka tapi.

50 Mahpiya eciyatanhan aguyapi hi kin he dee, tuwe etanhan yute cinhan te kte sni.

51 Aguyapi ni un kin he miye, mahpiya eciyatanhan wahi ; tuwe etanhan yute cinhan owihanke wanin ni kta. Aguyapi wicawaqu kte cin he micehpi kin ee, he oyate wicani kta e wicawaqu ce, eya.

52 Wicasta kin de iye cehpi etanhan unqupi qa untapi kta heye cin, he token okihi kta e heya he, Juda oyate iyakitedan eya hdokinicapi.

53 Hehan Jesus hewicakiya ; Wowicake, wowicake eciyatanhan heciciyapi ; Wicasta Cinhintku kin cehpi etanhan yatapi sni, qa we kin datkanpi sni kinhan wiconi takudan en niunpi kte sni.

54 Tuwe micehpi etanhan yute ca mawe yatke cinhan owihanke wanin wiconi yuha ece, qa anpetu ihankeya kin en piya icalhwaye kta.

55 Micehpi kin he woyute otancanke, qa mawe kin he woyatke otancanke.

56 Tuwe micehpi yute ca mawe yatke cin he mici un, qa mis kici waun.

57 Ate u masi kin he ni un, qa Ate on ni waun, he etanhan tuwe mayute cinhan miye on ni un kta.

58 Aguyapi mahpiya eciyatanhan hi kin he dee. Nihunkakepi manna yutapi qon de iyecece sni, he yutapi tuka tapi. Tuwe aguyapi kin de etanhan yute cinhan owihanke wanin ni kta ce, eya.

59 Kapernaum en omniciye tipi kin he ohna waonspekiya icunhan hena hecen eya.

60 Heon etanhan waonspewicakiye cin ota he nahonpi qehan, Wicoie kin de tehika ce, tuwe e nahon okihi kta he, eyapi.

61 Unkan Jesus waonspewica-

JOHANNES.

kiye cin hena heya ajjipi kin, iye atayedan sdonye ça hewicakiya; Tokeca de iyanipaṭopi he.

62 Wicašta Cinhintku kin wankan un qon ake ekta kihde ça, wandakapi kinhan, tokeca kta he.

63 Woniya kin he wiconi kaga ece, wicacehi kin takudan okihi śni. Wicoie eciciyapi kin hena woniya qa wiconi kin hee.

64 Tuka wanjikji he wicayadapi śni. Otokahe ekta tanhan tona wicadapi kte śni, qa nakun tuwe wiyopeye kte cin hena Jesus sdonya.

65 Unkan heya; He etanhan heciciyapi qon, Tuwedan iye cinka en mau okihi kte śni, tuwe Atewaye cin he qu kinhan hecedan okihi kta.

66 Hecetu; unkan heon waonspewicakiye cin ota ayuŝtanpi, qa icimana ihakam yapi śni.

67 Hehan Jesus akenonpapi kin, Niŝ eya yahdapi kta he, ewicakiya.

68 Unkan Simon Inyan ayupte; Itancan, tuwe ekta unyanpi kta he; owihanke wanin wiconi wicoie duhe cin;

69 Qa Messiya Wakantanka ni un Cinhintku kin he niye e wicaundapi qa sdonunyanpi ye, eya.

70 Unkan Jesus awicayupte; Akeninonpapi kin miye cicañnigapi śni he; tuka wanji wakanŝica yaunpi ce, eya.

71 Simon cinhintku Judas Iskariyot he ke ça hecen eya. Ake nonpapi kin he etanhan tuka he wiyopeye kte cin ce.

WICOWOYAKE 7.

1 Hena iyohakam Jesus Galile en un; Juda oyate te yapi kta

akitapi heon Juda makoce en un wacin śni.

2 Juda oyate woacakŝin woŝnapi ece kin he wanna kiyedan aya.

3 Heon etanhan iye. sunkawicaye cin heciyapi; Detanhan ya wo, qa Juda makoce kin 'en un wo, hecen waonspewicayakiye cin niohan ecanon ece kin hena wanyakapi kta.

4 Tuwe ihdutanin cin kinhan, taku nahmana econ śni ece. Dena ecanon kta hecinhan, iho oyate kin en ihdutanin wo.

5 Sunkawicaye cin iyepi nakun wicadapi śni.

6 Heon Jesus hewicakiya; Miye anpetu kin hinyanhin iyemichiantu śni; tuka niye qe anpetu kin ohinniyan wiyeya niciyan-kapi.

7 Oyate kin ŝicenidapi okihipi śni, tuka miye e ŝicemadapi; wicohan tawapi kin hena ŝica c mdaotanin ece kin heon etanhan.

8 Niye qe woŝnapi kte cin ekta ya po. Miye qe nahahin anpetu iyemichiantu śni, heon woŝnapi kin he ekta mde kte śni ce.

9 Hena hewicakiye ça hehan Galile en un.

10 Tuka sunkaku iyayapi kin iyohakam hehan, iŝ woŝnapi kte cin ekta ya, taninyan ye śni, tuka nahmana ya.

11 Woŝnapi kin icunhan Juda oyate odepi qa, Tokiya un he, eyapi.

12 Qa oyate kin iapi ota on aia-pi. Apa, He wicašta waŝte ce, eyapi: qa toktokeca iŝ, Hiya, oyate kin wiçahnayan ce, eyapi.

13 Juda oyate kowicakipapi, heon etanhan tuwedan taku ataninyan eye śni.

14 Woŝnapi kin cokaya hdoipi, unkan Jesus tipi wakan ohna inajin, qa wowicakiyaka.

WICOWOYAKE 7.

15 Unkan Juda oyate kin inihanpi qa heyapi ; Wicašta kin de tokiya tanhan wowapi kin onspe he ; tohinni onspekiyapi šni qon.

16 Unkan Jesus awicayupte a heya ; Wociciyakapi kin de miye etanhan šni, tuwe u maši kin he iye etanhan.

17 Tuwe iye tawacin ecen econ wacin kinhan, woyakapi kin de Wakantanka eciyatanhan hecinhan, qa iš miye cinka hena epa hecinhan, sdonye kta.

18 Tuwe iye en oie iiye cinhan he iye towitan okide ece ; tuka tuwe iš, tuwe uši kin he towitan okicide kinhan, he iye wowicake, qa wicowicaštašni takudan en un šni.

19 Moses woope kin niupi šni he ; tuka tuwedan woope kin ecen ecanonpi šni ; taku on emayayapi kta e ayakitapi he.

20 Oyate kin ayuptapi qa heyapi ; Wakan šica niyuhnaškinyan ; tuwe e eniyen akita he.

21 Hehan Jesus waayupte a hewicakiya ; Wicoħan wanji ecamon, unkan owasin niyušinyayapi.

22 Moses baħdayapi wicoħan kin niupi ; he Moses etanhan šni, tuka hunkakewicayapi kin etanhan ; unkan anpetu wakan eca wicašta wan bayeciħdayapi ece.

23 Hecen anpetu wakan eca wicašta wan bakiciħdayapi hecinhan, on Moses woope kage ciqon yujujupi kte šni ; wicašta wan anpetu wakan en ocowasin okizwaye cin heon cantamayahdepi he.

24 Wiyacinyan wayacopi šni po, wokonze e eciyatanhan wayaco po.

25 Hehan Jerusalem etanhan wanjikji heyapi ; Tuwe eyan akitapi kin he dee šni he.

26 Unkan iho, kagi šni ia tuka tuwedan taku eciye šni. Wicašta itancanpi kin awicakehan Messiya kin he dee e sdonyapi he.

27 Tuka wicašta kin de tokiyatanhan u kin sdonunyanpi ; tohan Messiya hi kinhan, tokiyatanhan u kin tuwedan sdonye kte šni, eyapi.

28 Hehan Jesus tipi wakan kin ohna waonspekiya icunhan hotankakiya heya ; Tuwe miye kin sdonmayayapi, qa tokiya tanhan wau kin he nakun : qa miye cinka wahi šni ; tuka tuwe u maši kin he wicaka, eqe sdonyayapi šni.

29 Tuka miye he sdonwakiya, he iye etanhan wahi, qa u maši kin hee.

30 Unkan heon insa yuze wacimpi, tuka nahaħin iyehantu šni kin heon tuwedan nape on yutanpi šni.

31 Unkan oyate kin etanhan wicota he iye kin wicadapi qa heyapi ; Tohan Messiya hi kinhan, de taku wapetogya econ kin, he sam iyeya hecon kta he, eyapi.

32 Oyate kin iyakitedan hekiciyapi he Pharisee kin nahonpi ; unkan wošna kagapi Pharisee ko, yuzapi kta e on akicita ekta ye wicašipi.

33 Hehan Jesus hewicakiya ; Ehake tokata cistiyedan ocipapi waun kta, hehan tuwe u maši kinhan heciya wahde kta.

34 Omayadepi kta, tuka iyemayayapi kte šni ; qa tokiya waun kin ekta yaupi kta ešta, oyakiptanipi kta.

35 Hehan Juda oyate kin iyakitedan hekiciyapi ; Tokiya ye kta he, qa iycunyanpi unkokihipi kte šni ; Helenes oyate kin ehna enanakiya iyayapi kin ekta

JOHANNES.

ye ca, Helenes wowicakiyake kta he.

36 Omayadepi kta tuka iyemayayapi kte s̄ni, qa tokiya waun kin ekta yaupi kta ēsta, oyakitanipi kta ce, eye cin wicoie kin he toketu he, eyapi.

37 Wōsnapi anpetu ehake qa tanka kin en, Jesus najin qa hotankakiya heya; Tuwe ipuza kinhan en mau qa mini yatke kta.

38 Tuwe wicamada kinhan, wowapi wakan eye cin iyececa, iye tanmahen tanhan wiconi mini wakpadan kaduze kta ce.

39 Tuka Woniya, tona iye wacinyanpi kin icupi kte cin hee on hecen eya: he ehan nahāhin Woniya Wakan kin wicaq̄upi s̄ni, nahāhin Jesus wowitan ehan i s̄ni.

40 Oyate kin etanhan wicota wicoie kin de nahonpi qehan, Awicakehan wicāsta wokcan kin he dee ce, eyapi.

41 Toktokeca is̄, Messiya kin he dee ce, eyapi. Tuka apa is̄, Messiya Galile etanhan u kta he, eyapi.

42 Dawid wicoicage tawa kin etanhan Messiya hinanpe kta, qa Bethlehem otonwe Dawid en un qon hetanhan u kta ce, wuwapi wakan eye s̄ni he.

43 Hetanhan oyate kin akipam wacinkiyuzapi.

44 Qa hunh̄i yuze wacinpi, tuka tuwedan nape on yutan s̄ni.

45 Hehan akicita kin, wōsna kagapi Pharisee ko ekta icicawin wicakipi; unkan, Tokeca e ayahipi s̄ni he, ewicakiyapi.

46 Akicita kin awicayuptapi; Wicāsta kin tuwedan tohinni wicāsta kin de iyecen oie ye s̄ni ce, eyapi.

47 Hehan Pharisee kin is̄ awicayuptapi, Nīs nakun nihnyanpi he.

48 Wicāsta itancanpi kin wanjikji qa Pharisee ko he wicadapi he.

49 Tuka oyate kin de, woope yukcanpi s̄ni kin hena wahtepi s̄ni ce, eyapi.

50 Nikodemos hanyetu ehan Jesus yanke cin en i qon, he itancanpi kin wanji ce, hewicakiya;

51 Woope unkitawapi kin, wicāsta token eye cin nahon s̄ni, qa taku econ kin atayedan s̄donye s̄ni itokam, yaco he.

52 Unkan ayuptapi qa heciyapi; Nīs Galile henitanhan he: Wawiwange qa wanyaka wo; wicāsta wokcan tuwedan Galile etanhan u s̄ni ce.

53 Hehan otoiyohi iye tipi kin ekta kihdapi.

WICOWOYAKE 8.

1 Jesus Oliwe Paba kin ekta i.

2 Qa ihanhanna anpao hehan tipi wakan kin en ki, unkan oyate kin owasin en ahi; unkan en iyotanke qa wowicakiyaka.

3 Unkan wōsna kagapi Pharisee ko winohinca wan nahma ihduśaka e en kahipi, qa cokata ehdepi;

4 Qa heciyapi, Waonspekiye, winohinca kin de wawiciahapi econ wanka icunhan iyeyapi.

5 Unkan Moses, woope kin en, tona hececa kin inyan on wicakininpi kta, unkekiciyapi qon: tuka nīs token ehe kta he.

6 Taku iyaonpapi kte cin he akitapi e heon etanhan he iyutanyan heciyapi. Tuka Jesus patuś inajin, qa nape on maka kin en owa.

7 Unkan kitanyan wiwangapi, hehan Jesus owotanna inajin, qa hewicakiya; Wanji tukte woahtani wanin yaunpi hecinhan,

WICOWOYAKE 8.

he tokaheya inyan on kinin kte.

8 Hehan ake patuś inajin qa ake maka kin en owa.

9 He nañonpi, unkan iye tawacin on ihdacopi, heon wanjikjidan tankata kinanpapi, tokaheya wicaśta tanka unpi, qa ecen hakaktapi koya owasin; qa Jesus isnana un ehpeyapi, winohinca cokata hdepi qon he koya.

10 Unkan Jesus ihduowotanana, qa tuwedan wanyake śni, winohinca ecedan ecen najin, unkan heciya, Winohinca, wiyansionpapi qon owasin toki iyayapi he; tuwedan niyaco śni he.

11 Han, Itancan, tuwedan śni, eya. Miś eya ciyaco śni, hunktiya wo, tokata yeye cin icimana wahtani śni wo, Jesus eciya.

12 Hehan ake Jesus owicakiye ca heya; Oyate iyoyamwicaye cin he miye. Tuwe mihakam u kin he otpaza ehna mani kte śni, iyoyanpa wiconi hee tawa kta.

13 Hehan Pharisee kin heciyapi; Niye atayedan nihdaotanin, heon wadaotanin kin he wowicake śni.

14 Jesus waayupte ca hewicakiya; Miye atayedan mihdaotanin qe yaś mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niyepi kin tokiya tanhan wau, qa tokiya mde cin hena sdonyayapi śni.

15 Wicacehpi eciyatanhan wadacopi; tuka miye qe tuwedan mdaco śni.

16 Tuka nakun wamdaco kinhan, wamdaco kin he wowicake kta; miśnana waun śni, tuka Ateyapi u maśi kin he miciun ece.

17 Wicaśta nom waayataninpi

kin he wowicake ce, woope duhapi kin en owapi qon.

18 Miye atayedan mihdaotanin, qa Ate u maśi kin he nakun ma-yaotanin.

19 Unkan, Niyate tukte e he, eciyapi. Jesus is awicayupte, Sdonmayayapi śni, qa nakun, Ateyaye cin sdonyayapi śni: Miye kin sdonmayayapi unkanś, Ate is nakun sdonyayapi kta tuka.

20 Tipi wakan kin en mazaska opiye he cin he en, Jesus waonspewicakiya icunhan hena hewieakiya. Heca tuka tuwedan Jesus otan wacinpi śni, anpetu kin nahakin kicahi śni heon.

21 Hehan Jesus ake hewicakiya; Wahde kta, qa omayadepi ecen woahntani ehna niťapi kta; qa tokiya wahde cin heciya dapi kta eśta oyakitpanipi kta.

22 Unkan Juda oyate kin heyapi; Iye icikte kta he. Tokiya mde cin heciya dapi oyakitpanipi kta ce, eye cin.

23 Hehan iye hewicakiya; Niye kuya tanhan yaunpi; qa miye e wankan tanhan waun; maka kin detanhan yaunpi, tuka miye maka kin dematanhan śni.

24 He etanhan wayahtanipi kin en niťapi kta ce, eciyapi. He miye kin wicayadapi śni kinhan wayahtanipi kin ehna niťapi kta ce.

25 Unkan, Tuwe niye he, eciyapi. Tokag ehan eciciyapi qon he dee, Jesus ewicakiya.

26 Taku ota eciciyapi, qa ciyacopi kta e mduha; tuka tuwe u maśi kin he wowicake; qa taku emakiye cin owasin oyate kin owicawakiyaka ce.

27 Iye Atkuku kin on hena hewicakiye cin he okañigapi śni.

28 Hehan Jesus hewicakiya;

Tohan Wicašta Cinhintku kin wankan eyahdepi kinhan, hehan he miye kin sdonyayapi kta, qa miye cinka takudan ecamon šni; tuka Ate taku onspemakiye cin hena ecedan ecen omdaka ece.

29 Tuwe u maši kin he mici ün; Ate mišnana amahduštan šni; taku iyokipi ecen ecamon ece, heon etanhan, eya.

30 Hewicakiya icunhan wicota wanna wicadapi.

31 Heon Juda oyate kin etanhan tona Jesus wicadapi kin hena hewicakiya; Mioie kin ohinniyan oyapapi kinhan, awicakehan waonspewicawakiye cin he niyepi kta;

32 Kinhan wowicake kin sdonyayapi kta; qa wowicake kin he niciyuškapi kta ce.

33 Hehan ayuptapi; Abraham towicoun kin unketanhanpi, qa tohinni tuwedan wowidag unyanpi šni; hecen, 'Niciyuškapi kta ce, ehe cin he token heha he.

34 Jesus awicayupte; Wowicake, wowicake on heciciyapi, Tuwe woahitani econ kin he woahitani en wowidake un ece.

35 Qa wowidake un kin he ohinniyan tipi kin ohna un šni ece; tuka Cinhintku kin hee ohinniyan timahen oonyan.

36 Heon Cinhintkuyapi kin niciyuškapi hecinhan, awicakehan tawaničiyapi kta.

37 Abraham towicoun kin enitanhanpi sdonwaya; tuka te mayayapi yacinpi, mioie kin en niunpi šni, heon etanhan.

38 Taku Ate ekta wamdake cin hena omdaka ece; qa niš niyate ekta taku wandakapi kin hee ecen ecanonpi ece.

39 Hehan ayuptapi qa heciyapi; Abraham he ateunyanpi kin ee. Unkan Jesus hewicakiya;

Abraham cinca kin he niyepi unkanš, Abraham ohanye cin he ecen ecanonpi kta tuka.

40 Tuka nakaha temayan ayakitapi, wicašta wan wowicake Wakantanka eciyatanhan nawahon kin he ociciyakapi kin he miye tuka: Abraham e qe hecen econ šni qon.

41 Niyatepi ohan kin hee ecen ecanonpi ece, eya. Hehan heciyapi; Tuwe cinca tanin šni kin heuncapi šni; ate unyanpi wanjidani unhapsi, Wakantanka kin hee.

42 Heon Jesus hewicakiya; Wakantanka he ateyayapi unkanš wašte mayadakapi kta tuka; miye kin Wakantanka kin hetanhan wahinape ča wau; qa miye cinka wahi šni, iye kin u maši.

43 He tokeca e iwae cin oyakahnigapi šni he; mioie kin anagoptan wacannipi šni kin heon etanhan.

44 Wakanšica ateyayapi kin henitanhanpi, qa niyatepi tawacin kin ecen ecanonpi yacinpi ece. He otokahe etanhan tinwicakte kin heca, qa wowicake kin en najin šni, wowicake takudan en un šni nakaes. Tohan woitonšni oyaka eca, he iye cinka ohdaka ece; iye kin woitonšni sa, qa woitonšni atkuku kin hee.

45 Tuka miye wowicake eciciyapi kin, heon etaphan wicamayadapi šni.

46 Niyepi kin wanji tukte he wawalitani e duwicakapi he. Qa wowicake epe cinhan, tokeca e wicamayadapi šni he.

47 Tuwe Wakantanka etanhan kin he Wakantanka oie anagoptan. Niye Wakantanka anagoptanpi šni ece, heon etanhan henitanhanpi šni.

WICOWOYAKE 9.

48 Hehan Juda oyate kin ayutapi qa heciyapi; Samariya oyate henitanhan, qa Wakansica niyuhnaşkinyan ce, unkeniciyapi qon he wicaunkapi ce.

49 Jesus ayupte; Wakansica mayuhnaşkinye şni; tuka Ate wahduwitan, qa niye wowiştênmayayapi.

50 Miye mitowitan awecite şni; tuka tuwe waakite ça waya-co yukan ce.

51 Wowicake, wowicake eciyatanhan heciciyapi, Tuwe mioie kin de yuhe cinhan, tohin-ni wiconţe wanyake kte şni, eya.

52 Hehan Juda oyate kin heciyapi; Wakansica niyuhnaşkinyan e dehan iyotan sdonunyanpi. Abraham hee kaeş ta, qa wokcanpi kin hena nakun ţapi; tuka niye, Tuwe mioie yuhe cinhan tohin-ni wiconţe ute kte şni ce, eha ce.

53 Abraham ateunyanpi kin hee kaeş te cin, niye e iniyotan he. Wokcanpi kin nakun heepi kaeş ţapi; qa niye nituwe e niçicaga he, eyapi.

54 Unkan Jesus waayupte; Miye cinka mihduonihan kinhan, mitowitan kin he taku kte şni; tuka Atewaye cin he mahduonihan ece; unkan he Wakantanka nitawapi, kehapi.

55 Heca ešta tohin-ni sdonyayapi şni; tuka miye e sdonwakiya. Qa he sdonwaye şni ce, epe cinhan, miş eya niyepi iyecen iwaton kte şni; tuka miye sdonwaya, heon etanhan oie kin tanyan weciyuha.

56 Abraham ateyayapi qon mitsanpetu kin wanyake kta cin linca; unkan he wanyake ça iyuşkin ce, eya.

57 Hehan Juda oyate kin heciyapi; Nahahin waniyetu wikce-

mna nizaptan şni, tuka Abraham wandaka he.

58 Jesus hewicakiya; Wowicake, wowicake eciyatanhan heciciyapi; Abraham un qon he itokam wanna waun ce, eya.

59 Hececa unkan inyan icupi, qa on kininpi kta; tuka Jesus na-içiñbe ça, tipi wakan etanhan wicehna tanhan tankata inanpe ça, etoopteya iyaya.

WICOWOYAKE 9.

1 Jesus ye cin tahepi, wicašta wan toka tonpi ehantanhan tonwe şni un e he wanyaka.

2 Unkan waonspewicakiye cin wiwangapi qa heyapi; Itancan, tuwe wahtani he, wicašta kin de atkuku, hunku, iyeka, wanji tukte wahtani he, on išta gonga tonpi he.

3 Jesus waayupte; He iye, qa atkuku, hunku, wanji wahtanipi on hecece şni; tuka Wakantanka ohan kin e he ayutaninpi kta e heon.

4 Anpetu icunhan, tuwe u maşi wicohan tawa kin ecen ecamon kta iyececa; hanyetu kin he hi kta, he en tuwedan wicohan econ okihi kte şni.

5 Tohanyan wicašta opeya wan kin, oyate iyoyamwicawaya ece, eya.

6 Hena heye ça hehan makata tagoşa, qa tage on upşija kage ça, iştagonge cin išta kin eu upşija ikiciun;

7 Qa heciya; Siloam miniyowe, yeşipi eyapi kin he kapi, he ekta ye ça en ihdujaja wo. Unkan ekta i, qa on ihdujaja qa hdi, unkan wawanyaka.

8 Heon itan anog tipi, qa tona wicašta iştagonge cin wanyakapi ece qon hena, Tuwe timata iyotang un qon he dee se, eyapi.

9 Wanjikji, He dee ce, eyapi : qa toktokeca is, He de iyececa ce : tuka iye kin, He miye ce, eya.

10 Unkan, Tokiya tanhan de on niista kin dumdaya he, eciyapi.

11 Unkan iye waayupte ca heya ; Wicašta wan Jesus eciyapi kin he upsija kage ca, ista anokatanhan imiciun, qa, Siloam miniowe kin ekta ye ca, mini on ihdujaja wo, emakiya qehan, ekta wai, qa mihdujaja, unkan watonwan, eya.

12 Unkan, Wicašta kin he tukte e he, eciyapi. Sdonwaye sni ce, eya.

13 Wicašta istagonge cion he Pharisee kin en wicakaipi.

14 Unkan anpetu wakan icunhan, Jesus upsija kage ca on wicašta kin he ista yukawakiya.

15 Hehan Pharisee kin is ake, token on ista yukawapi hecinhan he iwangapi. Unkan, Upsija e ista kin en imaun qa mihdujaja, unkan watonwan, ewicakiya.

16 Unkan Pharisee kin wanjikji ; Wicašta kin he anpetu wakan awacin sni, heon etanhan Wakantanka hetanhan sni, eyapi. Unkan apa, Wicašta wan walitani sa hecinhan, wowapetokeca dececa token eon okihi kta he, eyapi. Hecen on akipam wacinhnakapi.

17 Ake wicašta istagonge cion heciyapi ; Qa nis token eyakiya he, ista tonweniye cin. Unkan, He wicašta wokcan kin heca ce, eya.

18 Wicašta kin he ista gonga tuka ihnuhana tonwe cin he Juda oyate kin wicadapi sni, heon tuwe ista tonweyeyapi kin atkuku hunku ko wicakicopi ;

19 Qa wiwicawangapi qa heyapi ; De nicincapi qa tonwe sni

tonpi kehapi he ; qa tokiyatanhan nakaha tonwan he.

20 Atkuku hunku ko waayuptapi qa heyapi ; De unkcincapi tonwe sni tonpi he sdonunki-yapi ;

21 Tuka nakaha tokiya tanhan on tonwe cin de sdonunyanpi sni. Qa ista yukawa kin de nakun sdonunyanpi sni ; is eya hoksike sni kin, iye iwanga po, toketu kin he ecen eye kta ce.

22 Juda oyate kowicakipapi, qa heon etanhan atkuku hunku kici hecen eyapi. Tuwe, Messiya kin hee, taninyan eye cinhan, he omniciye tipi kin etanhan tankan iyeyapi kta, Juda oyate kin wanna wakiconzapi.

23 He etanhan, Iye es hoksike sni kin, iye atayedan winungapi sni, atkuku hunku kici eyapi.

24 Hehan ake icinonpa wicašta istagonge cion he wiwangapi qa heciyapi ; Wakantanka woyatan qu wo ; wicašta kin he walitani sa sdonunyanpi ce.

25 Iye waayupte ca heya ; He walitani sa hecinhan sdonwaye sni ; tuka taku wanji sdonwaya ; istamagonga tuka nakaha watonwe cin he.

26 Unkan, Taku tokanicon qa on ista kin niyukawa he, ake eciyapi.

27 Unkan awicayupte ; Wanna eya kes ociciyakapi, tuka nayahonpi sni ; ake icinonpa nayahonpi yacimpi he ; nis eya wonspewicakiye cin hen ope nihdawapi kta he, eya.

28 Hehan iwalitedapi sni qa heyapi ; Waonspewicakiye cin he wanji niye ; tuka Moses wonspewicakiye cin he unkiyepi.

29 Wakantanka Moses he okiya sdonunyanpi, tuka wicašta kin de tokiyatanhan u kin sdonunyanpi sni ce.

30 Unkan wicašta kin he waayupte ça hewicakiya ; Taku wuwinihan kin he dee ; naka išta mayumdaya, tuka tokiyatanhan u kin sdonyayapi šni.

31 Waštani sa kin hena Wakantanka anawicagoptan šniece, tuka tuwe Wakantanka yuonihan, qa tawacin okicipe cin, hee Wakantanka anakigoptan e sdonunyanpi.

32 Otokaheya tanhan tuwe wicašta tonwe šni tonpi išta kiyukawa oyakapi kin tuwedan nahon šni ce.

33 Wicašta kin de Wakantanka eciyatanhan šni unkanš takudan okihi kte šni ce, eya.

34 Unkan waayuptapi qa, Woaštani ocowasin ehna nitonpi, tuka waonspeunyakiyapi kta kecanni he, eciyapi ; qa tankan iyeyapi.

35 Tankan iyeyapi kin he Jesus nahon ; qa akipa, unkan, Wakantanka Cinhintku kin wicayada he, eciya.

36 Iye waayupte ça, He tuwe he, Itancan, wicawada kta ce, eya.

37 Wandake ça he iye e oniciya, Jesus eya.

38 Unkan, Itancan wicawada, eyaya itokam canpeška makehde inajin.

39 Unkan Jesus heya ; Oyate kin de ekta wicawahi, wicašta tons tonwe šni kin hena tonwanpi kta, qa tona tonwe cin hena išttagongapi kta, he woyaco kin hduha wahi ce.

40 Unkan Pharisee kicicapi kin hena nahonpi, unkan, Unkiš eya ištaungongapi he, eciyapi.

41 Išttagongapi unkanš woaštani wanin yaunpi kta ; tuka nakaha, Untonwanpi ce, ehapi ; heon woaštani niyukanpi, Jesus ewicakiya.

WICOWOYAKE 10.

1 Wowicake, wowicake eciyatanhan heciciyapi ; Tuwe taħinca tipi tiyopa ohna tin iyaye šni, tiyopa icunonpa tanhan ti iyohpaye cin he wabotice ça wamanon kin heca.

2 Tuka tuwe e tiyopa eciyatanhan tin iyaye cin hee taħinca tawa wicaye cin ee.

3 Qa iye tiyopa awanyake cin tiyopa kiciyugan ece, unkan taħinca kin he ho kin nahonpi ece ; taħinca tawa kin otoiyoħi cajeyan wicakico, qa tankan wicahdoya ece.

4 Unkan taħinca tawa kin tankan awicau eca, wicitokam ya ece ; unkan taħinca kin iš ihakam yapi ece, ho kin iyekiya nakaes.

5 Qa tuwe tokeca kinhan he ihakam yapi kte šni, tuka nakićipapi kta ; tuwe tokeca ho kin iyekiya šni, heon etanhan.

6 Wiyacinpi kin de Jesus ecen ewicakiya ; tuka taku owicakiyake cin hena okaħnigapi šni.

7 Hehan ake Jesus hewicakiya ; Wowicake, wowicake on heciciyapi, Taħinca tipi tiyopa kin he miye ce.

8 Tona mitokam hipi kin hena owasin waboticiapi qa wamanonpi kin hecapi ; tuka taħinca kin anawicagoptanpi šni.

9 Tiyopa kin he miye ; tuwe miye eciyatanhan ti iyohpaye cinhan ni kta ; qa mahen ye ça tankata inanpa eca wato tanyan iyeye kta.

10 Wabotice cin he wamanonpi, tin wicaktepi, waihangyapi henakiya on hi ece ; tuka wiconi yuhapi kta, qa takudan icakije šni unpi kta e heon miye wahi.

11 Waawanhdake wašte kin he miye. Waawanhdake wašte kin

JOHANNES.

he tañinca kin ón wiconi tawa ehpekiya.

12 Tuka tuwe odotapi un, qa waawanhdake kin ee ñni, qa tañinca tawa ñni kin he ñunktokeca en u wanyaka eca, tañinca kin ehpewicaye ça najica ece; unkan ñunktokeca iyawicalipaye ça ihangwicaya ece.

13 Odotapi un kin he wodotapi un, qa tañinca kin ihawicakta ñni, heon etanhan napa ece.

14 Waawanhdake wašte kin he miye, qa tañinca mitawa kin hena sdonwicawakiya, qa mitawa kin is nakun sdonmakiyapi ece.

15 Ate token sdonmakiye cin he iyecen mis Ate sdonwakiya; qa tañinca kin hena on wiconi mitawa kin ehpewakiya.

16 Qa tañinca toktokeca nakun wicamduha, tañinca tipi kin den un ñni: hena nakun awicawahi kta, hecen miho kin nañonpi kta; hetanhan tañinca tipi wanjidan kta, qa waawanhdake wanjidan kta.

17 Wiconi mitawa ehpewakiye ca, ake ewehdaku kte cin heon Ate wašte makidaka.

18 Tuwedan he maki kte ñni; qa miye cinka he wicawaqu; he amdustan kte cin owakihi, qa ewehdaku kte cin nakun owakihi; Ate hecen econ maši ce, eya.

19 Akeš wicoie kin dena on Juda oyate kin akipam tawacinci.

20 De taku wakan síca yuha, qa he ihnañkinyan, tokeca e nayañonpi he, wicota eyapi.

21 Tuka apa is, Tuwe wakan síca yuhe cin decen oieye ñni ece; taku wakan síce cin he ista gongapi ista wicakiyukawa okihi kta he, eyapi.

22 Wanna Jerusalem en yuwo-

hduze tonpi omniciye kagapi ece qon heñantu; unkan waniyetu.

23 Unkan icunhan tipi wakan ohna, Solomon ohanzi hdepi tawa qon he en Jesus omani.

24 Hehan Juda oyate itan ihdukñan himniciyapi qa beciyapi; Tohanyan wacin akipam yusunyakiyapi he; Messiya kin he niye hecinhan taninyan unkokiya po.

25 Jesus awicayupta; Wanna ociciyakapi tuka wicamayadapi ñni qon; Ate caje kin eciyatanhan wicoñan ecamon kin hena omayake cin ee.

26 Tañinca tawa wicawaýe cin he oyapapi ñni, he etanhan wicamayadapi ñni, eciciyapi qon he iyececa.

27 Tañinca mitawa kin miho kin nañonpi, qa hena sdonwicawakiya, qa mihakam unpi.

28 Qa owihanke wanin wiconi wicawaqu; qa icimana owihankepi kte ñni, qa minape kin etanhan tuwedan wicayušte kte ñni.

29 Ate hena maqu kin he taku owasin sam iyeya tanka; qa Ate nape kin etanhan tuwedan wicayušta okihi ñni.

30 Miye, qa Atewaye cin unwanjipidan, eya.

31 Hehan Juda oyate ake inyan icupi, on kininpi kta e heconpi.

32 Unkan Jesus awicayupta; Ate eciyatanhan wicoñan wašte ota cicipazopi; hena tukte wanji on nakaha inyan on mayakininpi kta he, eya.

33 Juda oyate ayuptapi qa heyapi; Wicoñan wašte on unnicininpi kte ñni, tuka iapi síca on, qa winicašta tuka Wakan-tanka niçicage cin heon etanhan.

34 Jesus awicayupte; Taku wakan kin henicapi, eciciyapi ce, he woope nitawapi kin en hecen kagapi ñni he.

WICOWOYAKE 11.

35 Hecen tona Wakantanka oie kin en wicahiyohi kin hena taku wakanpi ewicakiya hecinhan, qa wowapi wakan kin he yujujupica šni;

36 Hecen tuwe Ateyapi kin hduwakan qa makata u ši kin he, Wakantanka Cinhintku kin he miye ce, epe ciqon, heon, Taku šica eha ce, token eyakiyapi kta he.

37 Ate oħan kin hena ecen ecamon šni kinhan, wicamadapi šni po.

38 Tuka hecen ecamon kinhan, miye wicamayadapi šni ešta, wicoħan kin hena wicada po; hecen Atewaye cin micica, qa miye he wecica, heciyatanhan sdonayayapi qa wicayadapi kta ce, eya.

39 Heon etanhan nakun ake ŋinsa yuze wacinpi; tuka napapi kin etanhan ihdušpa.

40 Qa ake hetanhan Jordan wakpa kin he en, Johannes baptem wicaqu ece qon he en i, qa en onnyan.

41 Unkan wicota en hipi qa heyapi; Johannes takudan wapetogya ecen econ šni, tuka Johannes wicašta kin de etanhan tona oyake cin owasin wowिकाके.

42 Unkan hen wicota wicadapi.

WICOWOYAKE 11.

1 Unkan wicašta wan wayazanka, Lazarus eciyapi, Bethani hetanhan, Mary qa cunku Martha totonwepi kin hee.

2 Mary wihdi waštemna on Itancan kin sdaye ça, paha kin on siha kin kipakinta, Lazarus he hunkawanjitku wayazanke cin hee.

3 Unkan tawinoħtinpi kin, Itancan, wicašta wan wašteyadake

ciqon he wayazanka, eya hoši kaipi.

4 Jesus naħon unkan hecen eya, Wowayazan kin he wiconte ekta šni, tuka he Wakantanka towitan kin ee, qa heon Wakantanka Cinhintku kin yuwitanpi kta.

5 Martha iye tankaku, Lazarus kici, Jesus wašte wicadaka.

6 Wayazanke cin naħon, tuka anpetu nonpa ekta ye šni yanka.

7 Hehan Jesus waonspewicakiye cin hewicakiya; Juda ma-koce kin ekta unhdapi kta.

8 Unkan waonspewicakiye cin heciyapi; Itancan, nahanħin aškatudan Juda oyate kin inyan on nicininpi akitapi, qa ake ekta hde wacanni he.

9 Jesus waayupte; Anpetu wanjidani keš, wihiyayedan oape akenonpa šni he; tuwe anpetu icunhan mani kinhan našna šni ece; maka akan iyoyanpa kin he wanyaka heon.

10 Tuka tuwe hanyen mani kinhan hee našna kta, iyoyanpa takudan en un šni kin heon.

11 Hena hecen eya; qa hehan iyohakam hewicakiyu; Lazarus koda unyanpi qon iština, ekta mde ça mduħice kta ce.

12 Hehan waonspewicakiye cin, Itancan, iština hecinhan he hecetu kta ce, eyapi.

13 He wanna ŋa e Jesus heya; tuka iština mapi on oziiħiya e heya kecinpi.

14 Unkan hehan Jesus taninyan hewicakiya; Lazarus wanna ŋa ce:

15 Qa he icunhan hen waun šni kin heon niyepi en wimduškin, hecen on wicayadapi kta. Ho po, ekta unyanpi kta.

16 Hehan Thomas Didumos eciyapi kin he waonspewicakiye unmapi kin hewicakiya; Ekta unyanpi, qa kici unħapi kta ce.

JOHANNES.

17 Unkan Jesus en u qehan, hapi etanhan wanna topa can he sdonya.

18 Jerusalem Bethani ikiyedan, wiyutapi akezaptan ecetu hehanyan.

19 Unkan Martha Mary kici yukanpi en Juda oyate wicota magagaye wicaipi, hunkawanjiktupi kin heon.

20 Jesus en u Martha nahon, unkan itkokim ya; tuka Mary e timahen iyotanka yanka.

21 Hehan Martha Jesus heciya; Itancan, den yaun unkané, mi-hunkawanji te kte éni tuka;

22 Tuka detanhan taku Wakan-tanka yakida kinhan, Wakan-tanka niçu ktae sdonwaya ce.

23 Nihunkawanji ekicetu kta, Jesus eciya.

24 Eya woekicetu anpetu ihankeya kin hehan ekicetu kta e sdonwaya, Martha eya.

25 Unkan Jesus heciya; Woe-kicetu qa wiconi kin he miye, tuwe wicamada kinhan toke hin ta ésta ni kta.

26 Qa tuwe ni un, qa wicamada kinhan icimana te kte éni. He wicayada he.

27 Han, Itancan; Messiya Wakan-tanka Cinhintku makata hi kte ciqon he niye e wicawada ce, eciya.

28 Unkan hena hecen eya, hehan hde ça, tawinohtin Mary analibeyahan kico, qa heciya; Itancan kin den un, qa nico ce.

29 He nahon iheya, unkan ohankoya najin hiyaye ça ekta ya.

30 Nahankin Jesus otonwe kin ehan i éni, tuka Martha itkokipe ciqon he en un.

31 Hehan Juda oyate en yukanpi, qa magagayapi, he icunhan Mary ohankoya najin hiyaye cin wanyakapi qehan, ihakam iya-

yapi qa, Wicaésta hnakapi ekta ceye kta e ekta ya, eyapi.

32 Jesus najin kin Mary ehan i, qa wanyake cehan, ihukuya canpeška makehde ehpeiçiye ça, Itancan, den yaun unkané, mi-hunkawanji te kte éni tuka, eciya.

33 Mary ceye cin he Jesus wanyake ça, Juda wicaésta kici ipi kin hena nakun ceyapi; unkan iye atayedan comnihdazi, qa ihniyanyan.

34 Qa tokiya eyahnakapi he, eya. Unkan, Itancan, ekta u qa wanyaka ye, eciyapi.

35 Jesus ceya.

36 Hehan Juda oyate kin heyapi; Wanyaka po, ehan qon wašte dake hinca ce.

37 Qa wicaésta wanjikji, Wicaésta ista aohduta ee kaeš yukawa, wicaésta kin de te éni unkiya okihi kta naceca ce, eyapi.

38 Ake Jesus iye atayedan comnihdazi, qa wicaésta hnakapi kin en ya. He innija ohdoka ohna hnakapi, qa inyan wan-tanka aokañzapi.

39 Inyan kin tokan iyeya po, Jesus eya. Wicaésta te cin tawinohtin Martha heciya, Itancan, wanna topa can yanka e sicamna.

40 Wicayada kinhan, Wakan-tanka towitan wandake kta ce, eciciye éni he, Jesus eciya.

41 Hehan inyan kin tokan iye-yapi; wicaésta ta wanke cin etanhan. Unkan Jesus ista yuwan-kan ikikcu, qa beya; Ate ciya-wašte, namayañon kin heon;

42 Qa ohinniyan namayañon kin he sdonwakiya; tuka wicaésta hnakapi kin de en mitan okéan najinpi kin de on, he niye u mayasi kin wicadapi kta e on hepe.

43 Hecen eye ça hehan, Lazarus nunke cin hetanhan tankata

WICOWOYAKE 12.

hninanpa wo, awitukadan hoye-kiya qa eya.

44 Unkan wicašta țe cin tan-kata hninanpa, siha nape ko pa-htapi, qa ite opemni tonpi kin hena ecehna. Kiyuškapi qa ayušta po, iyaye kta, Jesus ewi-cakiya.

45 Hehan Juda wicašta Mary kici ipi qon, hena Jesus taku econ kin he wanyakapi, unkan wicota wicadapi.

46 Tuka wanjikji Pharisee kin ekta wicakipi, qa Jesus taku econ kin owicakiyakapi.

47 Hehan wošna kagapi Pharisee ko mniciyapi qa, Token econkupi he ; wicašta kin de taku wapetokeca ota econ kin, eyapi.

48 Iyowinunkiyapi kinhan wicašta owasin wicadapi kta ; kinhan Roma oyate kin den upi kta, qa otonwe kin de unkasotapi, qa nakun unkitaoyatepi kin hena ko.

49 Hehan wanji Kaiaphas eci-yapi waniyetu kin he en wošna kagapi itancan kin hee hewica-kiya ; Takudan oyakašnigapi šni.

50 Qa nakun awacannipi šni, wicašta wanjidan oyate on țe cinhan, hecen on oyate kin wicašte kte šni, he unkiyepi kin on hecetu kta ce, eya.

51 Iye etanhan on hecen eye šni, tuka omaka kin he en wošna kagapi itancan kin heon, Jesus oyate kin on țe kte cin he iyukcanyan heya.

52 Qa oyate kin heceedan šni, tuka Wakantanka cinca omdecahe cin hena owasin wanjidan-kiya kiwitaye kta.

53 Hehan anpetu kin hetanhan witaya akiipapi, țeypapi kte cin heon.

54 Heon etanhan Jesus Juda oyate kin wicehna taninyan

omani šni, tuka makoce wan he-woskan ikiyedan wanke, otonwe wan Ephraim eciyapi kin he ekta ya, qa waonspewicakiye cin om he en un.

55 Unkan woacakšin Juda oyate wošnapi kagapi wanna ikiyedan aya ; unkan wanna kayehan oyate ota Jerusalem en kata ihe-ya aya, woacakšin kin itokam piiciyapi kta.

56 Hehan Jesus akitapi, qa tipi wakan kin ohna najinpi icu-nhan iyakitedan hekiciyapi ; Token idukcanpi he ; wošnapi kin en u kte šni he.

57 Wošna kagapi tankapi qa Pharisee ko wanna wakiconzapi, tuwe Jesus tukten yanka sdonye cinhan, he oyake kta, hecen yuzapi kta.

WICOWOYAKE 12.

1 Woacakšin kin itokam šakpe can, hehan Jesus Bethani en i, Lazarus wicašta ța, tuka ekicetuyapi en un qon otonwe kin hee.

2 Unkan hen htayetu wotapi wan kicagapi, qa Martha e wapamni ; tuka kici iyotang wotapi kin Lazarus wanji hee.

3 Hehan Mary wihdi waštemna qa taku ota iyopeyapi, tke utapi wanjidan, he icu qa on, Jesus siha kin sdakiye ța, iye paha kin on siha kipakinta ; unkan ecamna kin tipi kin ojudan.

4 Hehan Simon cinhintku, Judas Iskariot eciyapi, waonspewicakiye cin wanji hee, wiyopeye kte cin hee hecen eya ;

5 He tokeca wihdi kin he kašpapidan opawinge yamni iyopeyapi, qa wašpanicapi kin wicakupi šni he.

6 He wamanon heca, qa maza-ska opiye yuhe ța, ohna maza-ska omnayan, heon hecen eya ; wo-

JOHANNES.

wahpanica kin incantowicahnake cin heon heye s̄ni.

7 Hehan Jesus heya ; Nagiyeye s̄ni wo ; anpetu wan mahnakapi kte cin he en amayuhe cin hee ce.

8 Tokesta wowahpanica ohinni wicaduhapi kta ; tuka miye e ohinniyan mayaduhapi kte s̄ni, eya.

9 He icunhan hen un kin Juda oyate wicota s̄donyapi ; unkan Jesus ecedan on en hipi s̄ni, tuka Lazarus, wiconṭe etanhan najinkiye ciqon, he wanyakapi kta on etanhan.

10 Unkan woṣna kagapi tankapi Lazarus nakun ṭeyapi kta akitapi :

11 Hee nakun on Juda oyate ota hduḥeyapapi, qa Jesus wicadapi.

12 Ihanhanna wicaṣta ota woṣnapi kin en hipi kin hena, Jesus Jerusalem etkiya u naḥonpi hehan,

13 Canwapa tanka etanhan canhaka icupi, qa itkokim yapi, qa panyanhan beyapi ; Hosanna, tuwe Israel Wicaṣtayatapi, Jehowa caje kin on u kinhan, he yawaṣtepi nunwe.

14 Unkan Jesus ṣonṣonna cinca wan iyeya, hehan akan iyotanka ; hecen wowapi kagapi qon ;

15 Zion cunwintku ihnuhan koyakipe cin ; iho, Wicaṣtayatapi nitawa ṣunka ṣonṣona cinca wan akan yanka u ce.

16 Dena taku kin tokaheya waonspewicakiye cin okaḥnigapi s̄ni ; tuka Jesus yutanpi hehan hena hecen wowapi en kagapi qon, qa nakun hena ecen ecakiconpi kin, hehan kiksuyapi.

17 Heon oyate kicicapi kin, Lazarus hnakapi tuka kipan, qa wiconṭe etanhan ekicetuye ciqon, hena he yaotaninpi.

18 Qa heon oyate kin itkokipapi, taku wapetokeca tanka kin de econ naḥonpi kin heon.

19 Unkan heon etanhan Phari-see kin iyakitedan hekiciyapi ; Wanyaka po, takudan oyakihipi s̄ni ; iho, wicaṣta owasin he ihakam iyayapi.

20 Helenes oyate kin etanhan wanjikji woṣnapi kin icunhan en ohodapi kta e ekta itanwan-kanhde upi ;

21 Hena eepi Philip, Galile makece Bethsada otonwe kin etanhan, he en ipi, qa, Itancan, Jesus wanunyakapi unciupi ce, eciyapi.

22 Philip u, qa Andrew okiyaka ; qa hehan Philip Andrew kici Jesus okiyakapi.

23 Unkan Jesus awicayupte ca heya ; Anpetu wan en Wicaṣta Cinhintku kin yutanpi kte cin wanna hiyohi.

24 Wowicake, wowicake eciyatanhan heciciyapi ; Aguyapi su kin maka ekta eḥpeyapi, ṭe s̄ni kinhan, is̄nana un kta ; tuka ṭe cinhan ota icaḥye kta.

25 Tuwe wiconi kin de waṣte kida kinhan, toki eḥpeye kta ; qa tuwe maka kin den wiconi ṣice kida kinhan, hee owihan-ke wanin wiconi ekta akpatan kta.

26 Tuwe omakiye kta cin kinhan mihakam un kta ; qa tukten waun hecinhan mitaokiye kin is̄ nakun hen un kta ; nakun tuwe omakiye kta hecinhan, Ate wicaṣta kin he yuonihan kta.

27 Wanna minagi kin nagiyeyapi, hecen token epe kta he. Ate, anpetu kin de etanhan emahdaku wo. Tuka heon anpetu kin de en wahi ce.

28 Ate nicaje kin hdutan wo. Unkan mahpiya kin eciyatanhan wicaho wan u qa ; Wanna eya

micaje kin wahdutan, nakun wahdutan kta, eya.

29 Unkan wicašta en najinpi kin he nañonpi qa, He wakinyan hoton, eyapi. Mañpiya ohnihde heca e okiya ce, apa eyapi.

30 Unkan Jesus waayupte ça heya; Wicaho kin de miye make šni, he niye nicapi.

31 Wanna oyate kin wicayacopi; qa wanna maka akan itancan kin tankan ehpeyapi.

32 Qa tohan maka kin detanhan wankan emahdepi kinhan, wicašta kin owasin miye en iwicawacu kta, eya.

33 Wiconęe kin tukte on ęe kte cin he ka e hecen eya.

34 Oyate kin ayuptapi; Wooke kin eciyatanhan, Messiya owihanke wanin un kta ce, eyapi naunñonpi; hecen, Wicašta Cinhintku kin wankan ehdepi kta ce, token on hecen eha he; Wicašta Cinhintku kin he tuwe he.

35 Hehan Jesus hewicakiya; Iyoyanpa kin ehake cistiyedan nicipi un; iyoyanpa duhapi kin icunhan en omani po; otpaze cin iyapaštąg niyanpi nun ce; tuwe otpaza icunhan omani kin he tokiya ye cin sdonye šni.

36 Iyoyanpa duhapi kin en iyoyanpa kin he wicada po, hecen on iyoyanpa cinca yaunpi kta ce. Jesus hena hecen eye ça, hehan iyaye ça inañbe wicakiya.

37 Taku wapetokeca ota econ, qa wanyagwicaya, tuka wicađapi šni.

38 Hecen Isaya wicašta wockan taku eye ciqon wanna iye- cetu; Itancan, tuwe wounyakapi kin wicada he; qa tuwe en Jehowa ñupahu kin yutaninpi he.

39 Qa heon etanhan wicađapi kta okihipi šni; heon Isaya ake hecen eya;

40 Išta gonge wicaye ça, cante

kin ekta nakun wacinton šni wicaya; hecen išta on wiwanpakapi kte šni, qa cante on takudan yukcanpi kte šni, qa ihdu- ecetupi kte šni, qa hecen woki- ziwicawaye šni.

41 Towitan kin he Isaya wan- yake ciqon he ehan hena hecen ekiciya.

42 Hececa tuka itancanpi etan- han wicota wicađapi; tuka Pharisee kin hena on etanhan yaotaninpi šni, omniciye tipi kin etanhan tankan iyewicayapi kta ikopapi heon.

43 Wicašta akantu yaonihanpi kin he iyotan ąapi, qa Wakan- tanka wicayaonihan kin he iő iyotan ąapi šni.

44 Hehan Jesus panyanhan heya; Tuwe wicamada kinhan, he miye wicamada šni, tuka tuwe u maši kin hee wicada ece.

45 Qa tuwe wanmayake cin he nakun tuwe u maši kin he wan- yaka.

46 Miye maka akan iyoyanpa wahi; hecen tuwe wicamada kinhan he otpaza en omani kte šni.

47 Qa tuwe mioie kin nañon, qa wicada šni ešta mdaco šni; wicašta wicayacopi kin heon wahi šni, tuka waniyapi kin hee on wahi.

48 Tuwe amaktašni, qa mioie kin icu šni kinhan he tuwe yaco kte cin hduha; wicoie omdake cin anpetu ihankeya kin en yaco kte cin hee.

49 He miye cinka hecen oie- waye šni; tuka Ate u maši kin he iye econ maši, taku epe kte ça taku omdake kte cin.

50 Qa toope kin he owihanke wanin wiconi e sdonwaya. To- ken epe cin hena, Ate hena he- cen emakiya, heon etanhan he- cen epa ece, eya.

WICOWOYAKE 13.

1 Anpetu en wośnapi ece kin itokam, anpetu qon wanna hi-yohi, he en maka kin detanhan iyaye kta, Atkuku ektakiya hde kta, Jesus sdonkiya, tona maka akan tawa kin waśtewicadake cin hena owihanketa waśtewicakida.

2 Wotapi ayastanpi hehantu; Judas Iskariot Simon cinhintku kin hee, Jesus wiyopeye kte cin, Wakansica wanna hecen cante ozekiya.

3 Hehan Jesus Atkuku taku owasin tawa kiye ciqon he sdonkiya un, Wakantanka eciyatanhan hi, qa ake Wakantanka ekta hde kta.

4 Hecen wotapi kin etanhan najin, qa śina ekihnaka; qa napipakinte wan icu, qa ipiyaka.

5 Qa hehan mini wakśica en okaśtan, qa waonspewicakiye cin siha wicakiyujaja, qa napipakinte wan ipiyake ciqon heon siha kin wicakipakinta.

6 Simon Inyan ehan ahi; unkan, Itancan, niye siha mayakidujaja kta he, eciya.

7 Unkan Jesus ayupte qa, Taku ecamon kin de nakaha sdonyaye śni, tuka ihakamya sdonyaye kta, eciya.

8 Icimana siha mayakidujaja kte śni, ake Inyan eciya. Hehan Jesus ayupte; Ciciyujaja śni kinhan takudan on miyecica kte śni, eya.

9 Hehan Simon Inyan heciya; Itancan, siha ecedan śni, tuka minape, mapa koya.

10 Unkan Jesus heciya; Tuwe wanna ihdujaja kin he takudan sanpa cin śni, siha ecedan yujajapi kta, eya wanna ocowasin ska; unkan niye niskapi, tuka iyuhpapi śni.

11 Tuwe wiyopeye kte cin he sdonya, heon etanhan, owasin niskapi śni ce, eya.

12 Unkan siha wicakiyujaja yuśtan kin hehan śina ehdaku qa hdowin qa iyotanke qa, Taku tokaciconpi kin de sdonyayapi he, ewicakiya.

13 Waonspekiya qa Itancan, emayakiyapi ece; he tanyan ehapi; he miye nakaes.

14 Heon etanhan miś miye Waonspekiya qa Itancan mayadubapi kin, siha ciciyujajapi kinhan, niś eya otioyohi siha yeci-yujajapi kta iyececa.

15 Waonspeciciyapi kin he niś he iyecen ecanonpi kta e hecaciconpi.

16 Ookiye unpi kin he Itancan kin iyakapa śni; qa tuwe u śipi kin he tuwe u śi hecinhan, he iś iye kapa śni, wowicake, wowicake eciyatanhan eciciyapi.

17 Taku kin dena sdonyayapi hecinhan, ecen ecanonpi kinhan waśteya yaunpi kta.

18 Taku epe cin de niye iyuhpa heciciyapi śni; tona wicawakahnige cin hena sdonwicawakiya; tuka wowapi en kagapi qon yuecetu kta; Tuwe kici aguyapi wata ece kin he miye on siha yuwankan ehdaku ce.

19 Taku kin dena ecetu śni itokam ociciyakapi; hecen tohan iyecetu kinhan, he miye e wicayadapi kta.

20 Tuwe tokiya yewakiye cin tuwe iyowinkiye cinhan, he miye e iyowinmaye; qa tuwe iyowinmaye cinhan, he tuwe u maśi kin he iyowinkiya, wowicake, wowicake eciyatanhan eciciyapi.

21 Jesus hena hecen eye qa hehan toksape kin ekta iyahdeiciya, hdaotanin qa heya; De dukanpi kin etanhan wanji wi-

WICOWOYAKE 14.

yopemayayapi kta, wowicake, wowicake on eciciyapi ce.

22 Hehan waonspewicakiye cin opakicilhta yukanpi, wanji tukte e on heye cin sdonyapi s̄ni.

23 Unkan Jesus waonspewicakiye cin wanji nina wašte kidake ciqon, he eca maku kin en makan iwanka.

24 Heon Simon Inyan he wikipyuta, qa wanji tukte he on heye cin he iwange s̄i.

25 Hehan he Jesus maku kin en iwanke ça, Itancan, he tuwe he, eya.

26 Jesus ayupte; Wanji tukte hpanyanpi onspa waqu kinhan hee kta, eya. Hecen onspa hpanye ça, Judas Iskariot ecia-pi Simon cinhintku he qu.

27 Unkan Judas hpanyanpi kin icu, hehan Satan mahen iyaya. Hecen Jesus heciya; Taku eanon kte cin kohanna econ wo.

28 Wahna wotapi kin ihdukšan yukanpi kin, taku on heye cin tuwedan okah̄nigapi s̄ni.

29 Judas mazaska opiye yuhe cin heon, Jesus wošnapi kta on taku cinpi kin he opeton s̄i; qa is, wahpanicipi kin taku wicaqu s̄i, apa kecini.

30 Unkan hpanyanpi qon he icu qehan, hecehnana tankan iyaya; wanna hanyetu behantu.

31 He tankan iyaya, hehan Jesus heya; Wanna Wicašta Cinhintku kin yutanpi, qa nakun iye ecia-tanhan Wakantanka is yutanpi.

32 Qa iye ecia-tanhan Wakantanka yutanpi hecinhan, hehan Wakantanka is iye kin on hdutan kta, nakun kohanna hdutan kta.

33 Hoks̄iyoqopa ehake ptenyedan ocipapi kta. Amayakitapi kta, qa Juda oyate ewicawakiye ciqon; Tokiya mde cin ekta yapi kta oyakhipi s̄ni ce; he iyecen nakaha eciciyapi.

34 Woahope teca wan ciçupi, otoiyohe wašteyecidapi kta; wašteyecidapi kin he iyecen wašteyecidapi kta.

35 Heon waonspewicakiyapi yaunpi kin wicašta owasin sdonyapi kta, otoiyohe wašteyecidapi kinhan.

36 Itancan, tokiya de kta he, Simon Inyan ecia. Jesus ayupte; Tokiya mde cin ekta de kta esta nakaha oyakihhi kte s̄ni, tuka ihakamya mihektam yau kta, eya.

37 Unkan Inyan heciya; Itancan, tokeca nakaha cibakam waun kta owakihhi s̄ni he; niye on wiconi mduhe cin ehpewaye kta, eya.

38 Jesus ayupte; Miye on wiconi nitawa ehpeyaye kta he. Wowicake, wowicake on heciya; Anpaohotonna kin hoton s̄ni itokam yamni akibde sdonmayaye s̄ni, kehe kta ce, eya.

WICOWOYAKE 14.

1 Ihnuhan eante nisicapi kinhan; Wakantanka wicayadapi, qa mis̄ nakun wicamayadapi.

2 Ate ti kin en ounyanpi kte cin ota yanka; he hecece s̄ni unkanis̄ ociciyakapi kta tuka; ekta wahde ça oyanke kin ciciyustanpi kta.

3 Ekta mde ça oyanke ciciyustanpi kinhan, hehan ake wau qa acihdapi kta; hecen mis̄ waun kin he en nis̄ nakun yaunpi kta.

4 Unkan tokiya mde cin he sdonyayapi, qa canku kin he nakun sdonyayapi.

5 Itancan, tokiya de cin sdonnyanpi s̄ni, tokiya tanhan cankur kin he sdonnyanpi kta he, Thomas ecia.

6 Unkan Jesus heciya; Canku, qa wowicake, wiconi ko he mi-

ye; tuwedan Ateyapi kin en u
 śni, miye eciyatanhan ecedan
 en u ece.

7 Sdonmayayapi unkanś nakun
 Atewaye cin sdonyayapi kta tu-
 ka; qa detanhan sdonyayapi qa
 wandakapi ce.

8 Itancan, Ateyaye cin wan-
 yag unyan po, hecen iunmnanpi
 kta, Philip eciya.

9 Hehan Jesus heciya; Philip,
 wanna wanakajatanhan cicipi
 waun, tuka nahanhin sdonma-
 yaye śni he; tuwe wanmayake
 cin he Ateyapi kin wanyaka;
 hecen tokeca, Ateyapi kin wan-
 yag unyan miye, eha he.

10 Atewaye cin he wecica qa
 Atewaye cin he micica kin he
 wicayada śni he. Wicoie ecici-
 yapi kin dena miye cinka ecici-
 yapi śni; Atewaye micica kin
 he wicoħan kin hena iye econ.

11 Atewaye cin he wecica qa
 Atewaye cin he micica he wica-
 mada po; qa is wicoħan kin he-
 na e on wicamada po.

12 Wowicake, wowicake on
 heciciyapi; Tuwe wicamada kin
 he wicoħan ecamon kin hena is
 iyecen econ kta, nakun ees san-
 pa tanka econ kta; Ate ekta
 wahde kte cin heon etanhan.

13 Qa micaje kin on taku ya-
 dapi kinhan, ecen ecamon kta;
 Ateyapi kin Cinhintku kin on
 yutanpi kta e heon.

14 Taku wanji micaje on ya-
 dapi kinhan, ecen ecamon kta.

15 Wašte mayadapika^a hecin-
 han, mitawoahope kin tanyan
 yuha po.

16 Hehan Ate cewakiye kta,
 unkan wicakicanpte wan tokeca
 niçupi kta, he owihanke wanin
 nicipi un kta.

17 Wowicake Woniya kin hee,
 oyate kin he icu okihipi śni, to-
 hinni wanyakapi śni qa sdonya-

pi śni; tuka niye he sdonyaya-
 pi, he nicipi un qa en niunpi kta.

18 Wandenica elpeciyapi kte
 śni; ake cihdiyohipi kta.

19 Wanna ptenyedana kinhan
 oyate wanmayakapi kte śni, tu-
 ka niye wanmayadakapi kta;
 wani waun, qa nis yani yaunpi
 kte cin heon.

20 Anpetu kin he en, Atewaye
 cin he wecica, qa nis miyecicapi,
 qa mis ocicipapi kin he sdonya-
 yapi kta.

21 Tuwe mitawoahope yuhe
 ça, hena ope cinhan he wašte-
 madake cin ee; qa tuwe wašte-
 madake cinhan, Atewaye cin he
 waštedake kta, qa mis nakun
 waštedadake kta, qa en mihdu-
 tanin kta ce.

22 Hehan Judas, Iskariot hee
 śni, he heciya; He tokeca Itan-
 can, unkišnana sdonniye unya-
 yapi kta he, qa oyate kin sdon-
 niyanpi kte śni.

23 Jesus waayupte ça heciya;
 Tuwe waštemadake cinhan
 mioie kin yuhe kta; qa Atewa-
 ye cin waštedake kta, qa tukten
 un kinhan en unhipi kta, qa ti
 kin en kici unyakonpi kta.

24 Tuwe waštemadake śni kin
 he mioie kin yuhe śni. Wicoie
 nayahonpi kin de mitawa śni,
 Atewaya umaši kin he iye tawa.

25 Ocicipapi kin en taku kin he-
 na heciciyapi.

26 Tuka Wicakicanpte, Woniya
 Wakan kin hee, Atewaye cin
 micaje on usi kte cin he, taku
 owasin onspenicicyapi kta, qa ta-
 ku eciciyapi kin owasin kiksuyeni-
 cicyapi kta.

27 Wokiyapi aihpeciyapi; wo-
 okiye mitawa ciçupi: wicašta
 akantu kiciçupi he iyecen ciçupi
 śni. Ihnuhan cante nisicapi qa
 kopehda yaunpi kinhan.

28 Wahde ça ake en ciupi kta

WICOWOYAKE 15

eciciyapi kin he wanna nayañonpi. Wašte mayadapi kinhan iduſkinpi kta; Atewaye cin ekta wahde kta epe cin he; Atewaye cin he iye mikapeya tanka.

29 Qa nakaha hena heciciyapi, taku kin itokam; tohan he hiyohi kinhan hehan wicayadapi kta.

30 Detanhan taku ota eciciyapi kte ſni; maka akan itancan kin wanna u, tuka miye kin en takudan tawa ſni.

31 Tuka Atewaye cin waštewakida; qa Ate taku emakiye cin owasin ecen ecamon ece, he oyate kin sdonyapi kta. Najin po, detanhan icunonpa unyanpi kta.

WICOWOYAKE 15.

1 Hastanhanka iyuwi wowicake kin he miye, qa Atewaye cin he kicanye cin ee.

2 Adetka tona miye on waskuyeca icañye ſni kin hena yupsun; qa adetka tona waskuyeca icañye cin hena pakinta, hecen on waskuyeca ota icañye kta.

3 Eya wanna niskapi, wicoie ociciyakapi kin heon.

4 Mici un po, hecen miſ cicipi waun kta. Hastanhanka iyuwi adetka wiyuwi kin en ikoyake ſni kinhan waskuyeca icañya okihi ſni ece; he iyecen miyeci yaunpi ſni ehantanhan, miſ eya oyakhipi kte ſni.

5 Hastanhanka iyuwi kin he miye, adetka kin he niyepi. Tuwe mici un qa miſ kici waun kin he waskuyeca ota icañya; miye kin en icunonpa yaunpi kinhan takudan oyakhipi kte ſni.

6 Tuwe mici un ſni kinhan adetka iyecen tankan ehpeyapi, hecen ſnija aya; unkan hena wicaſta pahipi qa petan ehpeyapi, hecen huñnaga ece.

7 Miyeci yaunpi qa mioie kin

he nicipi un kinhan, taku tona yacinpi kin hena yadapi kta, unkan ecen ecaniconpi kta.

8 Waskuyeca ota icañyayapi kinhan Atewaye cin nina yutanpi kta; qa heciya tanhan waon-speciciyapi yaunpi kta.

9 Atewaye cin token wašte makida kin he iyecen wašte cicipi; mitowašte kin he kici un po.

10 Mitawoahope kin duhapi kinhan, mitowašte kin he kici yaunpi kta; Ate tawoahope mduhe cin heon towašte kin kici waun kin he iyececa.

11 Taku eciciyapi kin dena on mitowiyuſkin kin nicipi un kta e, qa nitowiyuſkinpi kin he ece-tu nicipiyapi kta.

12 Mitawoahope kin he dee, waštecicipi kin he iyecen wašteyecidapi kta.

13 Tuwe takuwicaye cin on wiconi ehpekiye cinhan, he wowašte kin tuwedan kapeye ſni.

14 Taku econ ciſipi kin owasin ecen ecanonpi kinhan takuciyapi yaunpi.

15 Ookiye wicayapi wanna eciciyapi ſni; ookiye yapi un kin he Itancan ye cin taku econ keſ sdonye ſni. Tuka takuciyapi eciciyapi; Atewaye cin tona nañonunaye cin owasin sdonye cicipi kin heon.

16 Niye he mayakañnigapi ſni, tuka miye e cicañnigapi qa ciyusutapi; hecen tokiya dapi qa waskuyeca icañyayapi kta; qa waskuyeca nitawapi kin ohinniyun un kta; hecen micaje on Atewaye cin taku yakidapi kinhan niçupi kta ce.

17 Otoiyohe wašte kicida po, he iwahokoncicipi ce.

18 Oyate kin ſice nidapi eſta, he itokam miye ſice madapike ciquon he sdonyayapi.

19 Oyate kin enitanhanpi unkaná oyate kin taku iye tawapi wašte kidapi kta; tuka oyate kin henitanhanpi šni, miye e oyate kin etanhan cicalnigapi kin heon oyate kin šice nidapi.

20 Wicoie wan eciciyapi qon he yeksuyapi; Ookiye yapi un kin he Itancan yuhe cin kakipe ça iyotan tanka šni. Šicaya makuwapi hecinhan, niš oyate kin šicaya nicuwapi kta; qa mioie yuhapi hecinhan, niš nioie kin niciyuhapi kta.

21 Tuka micaje kin on hena owasin ecen ecaniconpi kta; tuwe u maši kin he sdonyapi šni heon etanhan.

22 Wahi šni qa owicawakiye šni kinhan, woahšani nicapi kta tuka; tuka detanhan woahšani woakahpe nicapi.

23 Tuwe šice madake cin he nakun Atewaye cin šice daka.

24 Wicohan tuwedan hecen econ šni iyecen ecawicawecon šni unkaná, woahšani nicapi kta tuka; tuka wanna Atewaye cin kici wanmayakapi, qa napin šice undakapi.

25 Tuka woope tawapi kin en wicoie kagapi qon he wanna iyecetu; Takudan on etanhan šni šice madakapi ce.

26 Tuka Wicakicanpte, Atewaye cin etanhan uwaši kte cin he, Wowicake Woniya kin hee, tohan hi kinhan, he iye Atewaye cin etanhan u kta, qa omayake kte cin hee.

27 Qa niš nakun omayadakapi kta, toka ehantanhan miyahna yaunpi qon heon.

WICOWOYAKE 16.

1 Wayahtanipi kte šni e heon dena taku kin ociciyakapi.

2 Omniciye tipi kin etanhan

tankan iyenyanpi kta; nakun anpetu wan u kta, hehan tuwe kašta niktepi kinhan, he Wakantanka iyokipiya kecin kta.

3 Atewaye cin sdonyapi šni, qa miš nakun sdonmayanpi šni, he etanhan henakiya hecen ecannonpi kta.

4 Tuka dena ociciyakapi, hecen tohan iyehantu kinhan, dena wanna eciciyapi kin he yeksuyapi kta. Qa dena otokahe ekta eciciyapi šni, hinyahin cicipi waun kin heon etanhan.

5 Tuka wanna tuwe umaši kin he ekta wahde kta; qa wanjidan, Tokiya de kta he, emayakiyapi šni.

6 Tuka taku kin dena ociciyakapi, heon nicantepi kin ekta iyoniyakapi.

7 Tuka wowicake ece ociciyakapi; wahde cinhan heon tanyan yaunpi kta, qa wahde šni kinhan Wicakicanpte kin en nihipi kte šni; tuka wahde cinhan niyepi ekta uwaši kta.

8 Unkan he tohan hi kinhan, woahšani, woowotanna qa woyaco kin on oyate kin sdonyewicaye kta:

9 Woahšani kin, wicamadapi šni kin heon:

10 Woowotanna kin, Atewaye cin ekta wahde kta, qa icimana wanmayadakapi kte šni, heon:

11 Woyaco kin, oyate kin de itancan un kin he wanna yacopi, heon etanhan.

12 Nakun taku ota eciciyapi kta mduha, tuka hena e qe nahanhin yuha oyakihipi šni.

13 Tuka tohan Wowicake Woniya kin he iye hi kinhan, wowicake ocowasin en aniyanni kta; iye atayedan on ie kte šni, tuka taku nañon kin hena oyake kta, qa taku tokata ekta hena oniciyakapi kta.

WICOWOYAKE 16.

14 Mayutan kte cin hee, taku mitawa kin hena icu, qa oniciyakapi kta.

15 Taku Ate tawa kin hena owasin mitawa; he etanhan, Tona mitawa kin hena icu, qa oniciyakapi kta ce, eciciyapi.

16 Wanna askayedan hehan wanmayadakapi kte sni; hehan ake askadan ake wanmayadakapi kta, Ate ekta wahde kte cin heon.

17 Hehan waonspewicakiye cin iyakitedan hekiciyapi; Unkekiyapi kin he taku hwo; Wanna askayedan wanmayadakapi kte sni, qa hehan askadan ake wanmayadakapi kta; qa, Ate ekta wahde kte cin heon.

18 Heon heyapi; Askayedan eye cin he taku he; taku eye cin sdonunyanpi sni ce.

19 Wiwangapi cinpi kin he Jesus sonya, unkan heon hewicakiya; Wanna askayedan wanmayadakapi kte sni, qa hen ikiyedan wanmayadakapi kta, epe cin he, he token kapi hwo, otoi-yohi eyeciyapi he.

20 Wowicake, wowicake on heciciyapi; Nihinniçiyapi qa yaceyapi kta, tuka oyate kin iyuskinpi kta; iyoniciçicapi kta, tuka iyoniciçicapi kin he wowiyuskin wan en un kta.

21 Winohinca cinca ton kta eca yazan hda, wanna iyekicihan-tu kin heon; tuka tohan hoksi-voçopa ton eca, yazan hda qon he kiksuye sni, wicaçta oyate kin den tonpi eca wowiyuskin ye cin heon.

22 He iyecen nakaha iyokiçin dukanpi, tuka ake wanciyakapi kta, kinhan nicantepi kin wiyuskin kta, qa widuskinpi kte cin he tuwedan nicipi kte sni.

23 Unkan anpetu kin he en takudan imayanungapi kte sni.

Wowicake, wowicake on heciciyapi; Taku micaje on Atewaye cin yakidapi kinhan niçupi kta.

24 Nahahin dehanyan micaje on takudan yadapi sni. Da po, iyacupi kta, hecen wowiyuskin ojudanniçiyapi kta.

25 Hena taku iyacinyan heciciyapi; tuka anpetu wan u kta, hehan wiyacinyan takudan eciciyapi kte sni, tuka taninyan Ateyapi kin on ociciyakapi kta.

26 Tohan iyehantu kinhan micaje on taku yadapi kta, tuka Atewaye cin wocekiye eciciyapi kta, epe sni.

27 Ate iye atayedan waçte nidapika, waçte mayadapike ca Wakantanka eciyatanhan wahi kin he wicayadapi kin heon.

28 Atewaye cin eciyatanhan wau, qa oyate kin de en wicawahi Ake oyate kin ehpewicawaye kta qa Ate ekta wahde kta.

29 Wanna wiyacinyan iyae sni, ataninyan iyaa ce, waonspewicakiye cin eciyapi.

30 Taku owasin sonyaye ca, tuwe winiwange kta iyecece sni yaun e wanna sdonunyanpi; heon etanhan Wakantanka eciyatanhan yahi kin he wicaundapi, eyapi.

31 Jesus awicayupte; Wanna wicayadapi he.

32 Anpetu wan u kta qa wanna hiyohi, enanakiya otoi-yohi yahdapi kta, qa miçnana ehpe-mayayapi kta; tuka nakun miçnana waun sni, Atewaye cin he mici un.

33 Wookiye amayaduhapi kta heon etanhan hena heciciyapi. Oyate kin de en wokakije duhapi kta; tuka wiyuskin po, miye oyate kin ohiwicawaya ce.

WICOWOYAKE 17.

1 Jesus hena hecen eye ça hahan ísta yuwankan icu, qa mahpiya kin ekta etonwan qa, Ate wanna anpetu kin hiyohi, Nicinkí kin hdutan wo, hecen on Nicinkí kin nihdutan kta ce.

2 Wicacelipi owasin on wowaśake yaqu qon, hecen tona yaqu kin owasin owihanke wanin wiconi wicaqu kta.

3 Unkan owihanke wanin wiconi kin he dee, wowicake Wakan-tanka niye e sdonniyanpi kta, qa Jesus Messiya uyaśi qon.

4 Maka kin akan ciyutan; qa wicokicanye mayaqu qon wanna owasin wahduśtan.

5 Unkan nakaha, Ate niye kin on miye mahdutan wo, wicoicage wanice cin he itokam wowitan niyeci hduha waun qon heon.

6 Oyate kin den wicaśta tona mayaqu kin hena en nicaje mdatanin; hena nitawa, tuka hena mayaqu; unkan hena nioie qon niciyuhapi.

7 Taku mayaqu kin owasin he niye etanhan u, wanna sdonyapi.

8 Nioie mayaqu qon he wanna wicawaqu; unkan icupi, qa niye eciyatanhan wahi kin he tanyan sdonyapi, qa niye e umayaśi kin he wicadapi.

9 Hena on wocekiye ewicaweciya, maka akan wicaśta kin hena on wocekiye eciciye śni, tuka tona mayaqu kin hena on wocekiye eciciye, hena nitawa kin he etanhan.

10 Taku mitawa kin hena owasin nitawa, qa niś taku nitawa kin hena mitawa, qa hena on wowitan waun.

11 Wanna oyate kin dematanhan śni, tuka iye e oyate kin en opeya ni unpi, qa miye wanna

nitankiyadan waku kta. Ate wakan, nicaje kin on dena mayaqu qon hduha wo, hecen unwanjidan qon ísiyecen wanjidan kta.

12 Oyate kin den om waun kin he icunhan nicaje kin on wicawahduha. Mayaqu qon hena e wicawahduha, qa owasin ehpekiyapi śni, wicaśta wayutakuni śni cinhintku kin hecedan ehpekiyapi, hecen wowapi en un qon wanna iyecetu.

13 Wanna nitankiyadan waku kta, oyate kin den opeya waun kin en ehake hecen epa, hecen on mitowiyuśkin kin iyepi en wicakiyuśtanpi kta.

14 Nioie wicawaqu, qa oyate kin śice wicadapika, oyate kin hetanhanpi śni heon etanhan hececa, oyate dematanhan śni he iyecen.

15 Oyate kin detanhan ewicayahdaku kta e heon wocekiye eciciye śni, tuka taku śice cin he en anawicayecipte kta e heon.

16 Oyate kin de ematanhan śni kin he iyecen íś oyate kin de etanhanpi śni.

17 Wowicake nitawa kin he on wicayuwakan wo; nioie kin he wowicake.

18 Oyate kin deci u mayaśi qon, he iyecen íś oyate kin ecen ye wicawaśi.

19 Qa iyepi on miye mihduwakan, hecen on wowicake eciyatanhan wicayuwakanpi kta.

20 Qa denana on wocekiye ewicaweciye śni, nakun tona wicoie oyakapi eciyatanhan wicamadapi kin hena koya.

21 Hecen on owasin wanjipidan kta, niye kin iyecen, Ate, miyecica, qa miś cicica; qa hecen íś unkicicapi kta; qa oyate kin niye u mayaśi kin he wicadapi kta.

22 Wowitan mayaqu qon he wanna wicawaqu; hecen on unwanjidan kin iyecen wanjipidan kta.

23 Miś wicakici waun, qa niś mici yaun, hecen wanjidan en wicayustanpi kta; qa hecen niye umayasi kin he oyate kin sdonyapi kta; qa wastemayakida kin he iyecen wastewicawakida ece.

24 Ate, tona mayaqu kin hena, tokiya waun kin hen mici unpi kta wacin; hecen wowitan mayaqu qon he wanyakapi kta, wicoicage kin de itokam wastemayakida kin heon etanhan.

25 Ate owotanna, oyate kin sdonniyanpi śni ye, tuka miye sdonciye ciqon, qa dena is niye e u mayasi kin he sdonyapi.

26 Unkan nicaje kin he sdonye wicawakiya qa nakun sdonye wicawakiye kta; hecen wawacinkta duza on wastemayakida qon he dena en un kta, qa miś nakun owicawape kta.

WICOWOYAKE 18.

1 Jesus hena hecen eya, hehan waonspewicakiye cin om Kedron wakpadan kin akasanpa iyaya, hen can wojupi wan, unkan he en i, waonspewicakiye cin om.

2 Unkan Judas wiyopeye cin he is nakun makoce kin he sdonya, Jesus hen waonspewicakiye cin om emniciya ece qon heon.

3 Heon Judas akicita wicoun wan icu, qa akicita tancan ko, wośna kagapi qa Pharisee kin etanhan, om wipe yuhapi, qa petijanjan can itkonya ko yuha en yapi.

4 Jesus taku hiyahde kte cin owasin sdonkiya, itkowicakipe ca, Tuwe e oyadepi he, ewicakiya.

5 Jesus Nazareth etanhan, eya ayuptapi. Unkan Jesus, He miye ce, eya. Unkan Judas he wiyopeye ciqon ee en opa.

6 Unkan Jesus, He miye ce, ewicakiya hehan icicawin kihdapi, qa makata ihpayapi.

7 Heon etanhan ake wiwicawanga; Tuwe ayakitapi he, eya. Unkan, Jesus Nazareth etanhan, eyapi.

8 Jesus waayupte; He miye ce, eciciyapi qon; hecen miye e omayadepi hecinhan dena ito kihdapi kta.

9 Wicoie wan eye ciqon he iyecetu kta, Tona mayaqu kin wanjidan ehpewakiye śni ce.

10 Unkan Inyan mazasagye wan yuhe cin ehdaku, qa on wośna kagapi itancan ookiye wicaya wan noge etapa eciyatanhan ape ca kaśpa iyeya, ookiye unna kin he Malkos eciyapi.

11 Hehan Jesus Inyan heciya; Mazasagye nitawa ojuha en iyeikiya wo. Wiyatke Ate maqu kin he mdatke kte śni he.

12 Juda oyate akicita tancan, akicita eyanpaha, akicita ikcedan ko Jesus yuzapi, qa pahitapi.

13 Qa tokaheya Annas kaipi; Kaiaphas omaka kin he en wośna kagapi itancan kin he tunkanku kin hee.

14 Wicaśta wanjidan oyate kin on te kte cin he hecetu kta ce, Juda oyate iwahokonwicakiye ciqon Kaiaphas ee.

15 Unkan Simon Inyan Jesus ihakam ya, nakun waonspewicakiye cin tokeca wan; unkan waonspewicakiye cin tokeca kin he wośna kagapi itancan kin sdonya qon, heon hee wośna kagapi itancan tihocoka kin en Jesus kici iyaya.

16 Tuka Inyan e tankan tiyopa kin en najin. Hehan waon-

spewicakiye cin unma, wošna kagapi itancan sdonya qon, he tankan hiyu, qa tiyopa awanya-ke cin he okiye ça, Inyan tin hiyuya.

17 Hehan wikoška tiyopa awanyake cin he Inyan heciya; Wicašta kin de waonspewicakiye cin wanji niye he. Unkan, Hemaca šni ce, eya.

18 Akicita eyanpaha wowidag wicayapi ko hen najinpi, šni hdapi qa cetipi; unkan he en petiškanpi: unkan Inyan is owlcapeya inajin, qa petiškan.

19 Hehan wošna kagapi itancan kin Jesus wiwanga, waonspewicakiye cin heon, qa iye woonspe tawa kin he nakun.

20 Jesus ayupte; Oyate kin en taninyan womdaka ece; omnickiye tipi etu, qa tipi wakan ko en, Juda oyate mniciyapi ece kin en ohinniyān waonspekiya wau, qa takudan anaħbeyahan epe šni ce.

21 Taku on wimayanunga he; token ewicawakiye cin tona nahonpi kin hena e wiwicawanga wo, token epe cin he sdonyapi ce.

22 Hena hecen eya, unkan akicita eyanpaha wan en najin kin he Jesus apa, qa heya; Wošna kagapi itancan kin hecen adu-pta he.

23 Unkan Jesus ayupte; Šicaya iwaa hecinhan taku šica epe cin he yaotanin wo; tuka tanyan epa hecinhan, tokeca amayapa he.

24 Annas Kaiaphas wošna kagapi itancan kin paħtapi ecen ekta aye wicakiye ciqon.

25 He icunhan Simon Inyan petiškan najin. Heon heciyapi; Waonspewicakiye cin he wanji niye he. Tuka anakiħbe ça, Hemaca šni ce, eya.

26 Wošna kagapi itancan kin wowidake tawa wan, Inyan noge kašpe ciqon he takuya, Wojupi kin en kici yaun wanciyake šni he, eciya.

27 Tuka ake Inyan anakiħman; unkan he icunhan anpa ohotonna wan hoton.

28 Hehan Kaiaphas etanhan woyaco tipi kin en Jesus aipi; unkan wanna anpa. Iħdušapapi kte šni e heon woyaco tipi kin en ipi šni, wošnapi kin hdutapi kta e heon.

29 Unkan Pilate tankata hinanpe ça, en wicau qa, Wicašta kin de taku e iyayaonpapi he, ewicakiya.

30 Waayuptapi qa heciyapi; Wicašta kin de oħan šice šni unkanš unnicahipi kte šni tuka, eyapi.

31 Hehan Pilate hewicakiya; Niye ito eyaku po, qa wayeconzapi kin eciyatanhan yaco po. Hehan, Wicašta ŧeyapi unkiye unkokihipi šni ye, Juda oyate eciyapi.

32 Hecen Jesus oiè qon ecetu kta, token wiconŧe on ŧe kta eye ciqon he.

33 Hehan woyaco tipi timahen Pilate kihde ça, Jesus en au wicakiye ça, Juda oyate wicaštayapapi qon he niye he, eciya.

34 Jesus ayupta; He niye cinka heha he; qa is tuwe tokeca miye on hecen oniciyaka he.

35 Pilate ayupte; Juda wicašta hemaca he; nitaoyatepi kin hena, qa wošna kagapi tankapi kin he iye miye en anihipi. Token oyahanda he.

36 Jesus ayupte; Wokiconze mitawa kin he maka kin detanhan šni; wokiconze mitawa kin maka kin detanhan unkanš, mitaokiye kin kis unpi kta, qa Juda oyate kin makaškapi kte šni

WICOWOYAKE 19.

tuka. Tuka nakaba wokiconze mitawa kin detanhan ūni.

37 Hehan Pilate heciya ; Wicaſtayatapi kin henica he. Unkan Jesus ayupte ; Wicaſtayatapi hemaca e ecen eha ; hema-ca kta e on matonpi, qa heon makata wahi, wowicake mdatanin kta e heon. Tuwe wowicake eciyatanhan un kinhan he miho kin naħon ece.

38 Wowicake kin he taku he, Pilate eciya. Hena hecen oie ya, unkan Pilate tankata inanpe a, Juda oyate en wicaye a, Wicaſta kin he taku ūica econ takudan iyewaye ūni, ewicakiya.

39 Tuka wicoħan duhapi kin heciyatanhan, woacakūin anpetu ehan unkipi eca, tuwe kaſka hnakapi wanji wakiyuſka ece qon. Juda oyate wicaſtayatapi kin de wakiyuſka yacinpi he, eya.

40 Unkan ake owasin panyehan howayapi qa heyapi ; Wicaſta kin dee kte ūni, tuka Barabbas e hee kta. Unkan Barabbas e qe wawicaki sa kin heca.

WICOWOYAKE 19.

1 Unkan hehan Pilate Jesus icu qa kapsinpsinta.

2 Unkan akicita wapepeka wapaha wan kazontapi qa wapaha kiyapi, qa ūina to wan in kiyapi.

3 Qa, iħo, Juda Wicaſtayatapi kin, eciyapi, qa nape on apapi.

4 Pilate ake tankan inanpe a, Iħo, wicaſta kin dee e tankan cicaupi, hecen on taku ūica takudan en iyewaye ūni e sdonya-yapi kta, ewicakiya.

5 Hehan Jesus wapepeka wapaha kin un, qa ūina to kin in, tankata inanpa. Unkan, Wan-yaka po, wicaſta kin dee ce, ewicakiya.

6 Unkan woūna kagapi tankapi qa akicita tancanpi kin, he wan-yag iheyapi hehan, panyehan heyapi, Icipaweħ okatan wo, icipaweħ okatan wo. Niūnana icu-pi qa icipaweħ okatan po, miye qe taku ūica econ takudan iyewaye ūni, Pilate ewicakiya.

7 Wowakiconze wan unhapi, wowakiconze unhapi kin eciyatanhan e kta iyececa, Wakan-tanka Cinhintku keiiye cin heon etanhan, Juda oyate kin eya ayuptapi.

8 Unkan Pilate iapi kin he naħon qehan, iyotan inihan ;

9 Qa woyaco tipi kin timahen kihde a, Nitokiya tanhan he, Jesus eciya. Tuka Jesus ayupte ūni.

10 Hehan Pilate heciya ; Amayadupte ūni he. Iciyaweh onicatanpi owakihi ; qa niciyuſkapi nakun owakihi, he sdonyaye ūni he.

11 Hehan Jesus ayupte ; Wankan tanhan taku kin de niupi ūni unkanū takudan on omayakihi kte ūni tuka ; heon tuwe niye en amahi kin he iye woaħtani tanka.

12 Hetanhan Pilate kiyuſkapi akita. Tuka, Wicaſta kin de yakiduſke cinhan Kesar takuyaye ūni ; tuwe wicaſtayatapi iicage cinhan Kesar i en hiyeya ece, Juda oyate kin panyehan eyapi.

13 Pilate iapi kin he naħon, unkan Jesus tankan yuba inanpa, qa oiyotanke tawa kin he ohna kiyotanka, inyan mdaya omanipi kin en, he Hebrew iapi kin etanhan Gabbatha eciyapi.

14 Woacakūin itokam anpetu piiyapi ece kin hetu, qa wiyo-tanhe cin hehantu ; Wicaſtayatapi nitawapi kin wanyaka po, Pilate Juda oyate kin ewicakiya.

15 Tuka, Iĉunonpa, icunonpa

iyeye ça icipaweñ okatan wo, panyehan eyapi. Wicaštayatapi nitawapi kin de icipaweñ owakatan kta he, Pilate ewicakiya. Unkan wošna kagapi tankapi kin ayuptapi ; Kesar ecedan wicaštayatapi unhapi ce.

16 Hehan icipaweñ okatanpi kta e wicaqu. Unkan Jesus icupi qa token ayapi.

17 Unkan Jesus can susbeca kiçin, qa makoce wan Wicapahu eciyapi, he Hebrew iapi on Golgotha eciyapi, he ekta aya.

18 Hen icipaweñ okatanpi, qa wicašta toktokeca nom itan anokatanhan ewicahdepi, qa Jesus okitahedan.

19 Unkan Pilate wowapi wan kage ça, can susbeca inkpa kin en ehnaka ; JESUS NAZARETH ETANHAN, JUDA OYATE WICAŠTAYATAPI KIN.

20 Wowapi kin de Juda wicašta ota yawapi ; makoce kin Jesus en icipaweñ okatanpi kin he otonwe kin ikiyedan, qa he Hebrew, qa Helenes, qa Roma iapi henakiya wicoie kin on owapi.

21 Hehan Juda oyate etanhan wošna kagapi tankapi kin Pilate heciyapi ; Juda oyate Wicaštayatapi kin, eya owa šni wo ; tuka, Juda oyate Wicaštayatapi kin he miye ce, eiçiye cin, hee e ccen owa wo.

22 Tuka Pilate waayupte ; Taku owawa kin he wanna owawa ce, eya.

23 Akicita Jesus icipaweñ okatanpi, hehan tawokoyake icupi, qa wopamni tom kagapi, akicita otoiyo hi kicipamnipi ; qa nakun tašina icupi ; šina kin he okagege wanica, wankan tanhan kun ihankeya kin hehanyan okagege codan kagapi :

24 Heon etanhan iye iyakitedan hekiciyapi ; Šina kin he unyuhdecapi kte šni, econkupidan qa yeunkiyapi kta, hecen tuwe ohiye cinhan yuhe kta. Hecen wowapi en kagapi qon he iyece-tu ; Mitawokoyake kicipamnipi, qa mitašina kin he oconna en yekiyapi ce. Unkan akicita kin hena hecen econpi.

25 Unkan Jesus hunku, qa tankaku kicica, Mary Kleopas tawicu, qa Mary Magdalene, hena can susbeca kin icahda najinpi.

26 Jesus hunku wanhdaka, qa en ieunonpa ikiyadan waonspe-wicakiye cin wanji iyotan kidake eiçon wanhdaka, unkan, Winohinca, nicinkši kin hee ce, hunku kin eciya.

27 Qa waonspekiyapi kin he iš, Wanyaka wo, nihun kin hee ce, eciya. Unkan waonspekiyapi kin he anpetu kin hetanhan iye ti kin ekta aki.

28 Wanna taku kin owasin ecetu Jesus wanyaka, qa wowapi en kagapi qon iyecetu kta e heon, Imapuza ce, eya.

29 Unkan mini škumna wakšica ojudan en icunhan han ; mini škumna icupi, qa nakun mini iyuhepe wan en oputkanpi, qa peji liota hu wan icam yeyapi, qa i kin en qupi.

30 Unkan Jesus mini škumna icu qehan, Wanna yušanpi ce, eya ; hehan pa makata iyeye ça taniya kin hiyuya.

31 Hehan Juda oyate kin Pilate cekiyapi, hu kawegapi qa etanhan icupi kta ; hecen anpetu wakan icunhan, tancan kin can susbeca kin akan un kte šni, anpetu en piiçiyapi kin wanna hehantu, qa anpetu wakan kin he anpetu tanka, heon.

32 Unkan akicita en hipi, qa tokaheya kin hu kawegapi, qa

WICOWOYAKE 20.

nakan unma kici icipaweh okatanki qon.

33 Hehan Jesus ehan ipi, unkan wanna ta wanyakapi, heon hu kin kawegapi s̄ni.

34 Tuka akicita wanji wahu-keza wan on euwi kin en capa; unkan we mini ko au.

35 Tuwe wanyake ca yaotan-kin kin he wayaotanin kin he wovicake. Wowicake eye cin he sdonkiya, qa hecen on wicaya-dapi kta.

36 Hena hecetu, unkan wicowoyake wowapi en kagapi qon iyecetu; Hu kin wanjidan kawegapi kte s̄ni ce.

37 Qa nakan wowapi icinonpa hecen eya; Tuwe pahdokapi kin he wanyakapi kta.

38 Hehan ihakam Joseph Arimathea etanhan Pilate cekiya, Jesus tancan kin icu kta e heon; unkan is̄ eya Jesus waonspewicakiye cin wanji ee, tuka ana-hbeya, Juda oyate kowicakipe cin heon; unkan Pilate ayupta. He en u, qa Jesus tancan kin hdokiyahda.

39 Unkan Nikodemos, tuwe tokaheya hanyen Jesus en hi qon hee, nakan en hi, qa pejihuta wastemna nom icicahiyapi, tkentapi opawinge ecetu, yuha hi.

40 Hehan Jesus tancan kin icupi, qa minihuha ska iyapemnipi, pejihuta wastemna iyahna, Juda oyate wicasta hnakapi ece kin he iyeeeca.

41 Unkan icipaweh okatanpi qon he en ikiyadan wojupi wanhan, wojupi he cin he en ohna wicasta hnakapi wan iyustan yanka, tuwedan he ohna oonpapi s̄ni.

42 Juda oyate piiciyapi anpetu kin he icunhan, ohna wicasta hnakapi en ikiyadan yanke cin

heon Jesus tancan kin en ohnakapi.

WICOWOYAKE 20.

1 Anpetu wakan kin en, anpetu tokaheya hanhanna hinca, nahanhin otpaza, hehan Mary Magdalene hnakapi qon ekta i, qa inyan kin hnakapi etanhan icunonpa iyeyapi e wanyaka.

2 Hehan inyang hde ca Simon Inyan hee, qa waonspewicakiye cin unma Jesus wastekidake ci-qon, hena en hi qa hewicakiya; Itancan kin hnakapi kin etanhan eyakupi, qa tukten hnakapi kin sdonunyanpi s̄ni ye.

3 Unkan Inyan waonspewicakiye cin unma qon kici tankan inanpapi, qa en hnakapi qon ekta yapi.

4 Napin inyang yapi; qa waonspewicakiye cin unma qon hee duzahe ca Inyan kapa, qa iye tokaheya ehan i;

5 Patuś inajin, qa hnakapi kin aokasin, minihuha ecedan wanyaka, tuka mahen iyaye s̄ni.

6 Hehan is̄ Simon Inyan iyohi, unkan katinyan mahen iyaya, minihuha ecedan makata yanka wanyaka.

7 Minihuha pa akan ehnakapi kin he, minihuha umanpi qon en ope s̄ni, he is̄ aiyog pehan yan-ka.

8 Hehan waonspewicakiye cin unma tokaheya hi qon he is̄ hnakapi kin mahen iyaya, qa is̄ eya wanyake ca wicada.

9 He wiconte etanhan ekicetu kta, eyapi, wowapi en kagapi qon he hinyañin tanyan sdonyapi s̄ni.

10 Hehan waonspewicakiye cin hena iye tipi ekta icicawin hda-pi.

11 Tuka hnakapi kin itankan Mary e ecen najin, qa ceya.

Unkan ceyaya pátus inajin, qa hnakapi kin en aokasin.

12 Qa mañpiya obnihde nom wokoyake ska ece koyakapi kin hena wanwicayaka, Jesus tancan wanke ciqon itan anokatanhan, unma pa wanke ciqon eciyatanhan, qa unma is siha qon eciyatanhan yukanpi.

13 Unkan, Winohinca, taku on yaceya he, eciyapi. Unkan is, Itancan mitawa tancan kin icupi, qa toki ehnakapi kin sdonwaye sñi ce, ewicakiya.

14 Heye ça hehan ihdamna unkan Jesus en najin wanyaka, tuka Jesus hee kin sdonye sñi.

15 Unkan Jesus heciya, Winohinca taku on yaceya he; tuwe ayakita he. Unkan is he wakicye hee kecin, qa heon, Itancan, he niye iyacu hecinhan tokiya eyahnake cin omakiyakaye, kinhan ewehdaku kta ce, eciya.

16 Unkan Jesus heciya, Mary. Unkan iye ihdamna, qa, Rabboni, eciya; he Waonspekiye eyapi.

17 Unkan Jesus heciya; Ihnuhan omayadutan kin; nahanñin Ate ekta wahde sñi ce. Tuka mihunkawanji ekta wicaye ça hewicakiya wo, Ate ekta wahde kta, he ate yayapi kin ee, he Wakantanka mitawa kin ee, qa nis he Wakantanka nitawapi kin ee ce, eya.

18 Hehan Mary Magdalene ku qa, Itancan kin wanhdake ça hena hecen eciye cin, waonspewicakiye cin owicakiyaka.

19 Anpetu kin he anpetu tokaheya kin ee, ihtayetu kin he en waonspewicakiye cin, Juda oyate kowicakipa, qa aonaicitag yukanpi, en Jesus wicacokaya inajin, qa, Wookiye nicipi un kte, ewicakiya.

20 Hecen eye ça hehan nape cuwi ko wicakipazo. Waonspewicakiye cin Itancan kin wanwicakipi, unkan wiyuskinpi tanka.

21 Wookiye nicipi un nunwe, ake Jesus ewicakiya. Ate u masi kin he iyecen mis ye cisipi.

22 Hecen eye ça hehan awicaniya qa, Woniya Wakan ieu po, ewicakiya.

23 Tona woahñani wicayecicajujupi kinhan, hena wicakicicajujupi kta; qa tona wicayakipaganpi sñi kinhan, hena wicakipaganpi kte sñi.

24 Ake nonpapi kin etanhan Thomas Didumos eciyapi he Jesus hi kin he icunhan en ope sñi.

25 Itancan kin wanwicakipi, waonspewicakiye cin unmapi kin eciyapi. Tuka iye kin hewicakiya; Maza on nape en okatanpi qon he wanmdake sñi, qa napsukaza maza okatanpi kin en omdutan sñi, qa cuwi nakun en nape yewaye sñi kinhan, wicawada kte sñi ce, eya.

26 Unkan anpetu sahdogan iyohakam, hehan ake waonspewicakiye cin mahen yukanpi, qa Thomas owicapeya un. Hehan Jesus en hi, tiyopa onatag han, qa wicacokaya inajin, qa, Wookiye nicipi un nunwe, ewicakiya.

27 Hehan Thomas heciya; Nipsukaza uye ça minape kin wanyaka wo; qa ninape kin uye qa micuwi kin en oputkan wo, qa wacetunhda sñi wicada wo.

28 Unkan Thomas ayupte ça heciya; Itancan mitawa, qa Wakantanka mitawa.

29 Jesus heciya; Thomas, wanmayadake cin heon wicayada; tuka tona wanmayakapi sñi esta wicadapi kinhan, hena wicayawaštepi ce.

30 Unkan waonspewicakiye cin wanwicakipi en taku tokeca ota

WICOWOYAKE 21.

wapetokeca Jesus econ, tuka hena ege wowapi kin de en kagapi s̄ni.

31 Tuka dena e owapi, heon Jesus he Messiya Wakantanka Cinhintku kin hee e wicayadapi kta ; qa wicayadapi kin on, iye eaje kin eciyatanhan, wiconi duhapi kta.

WICOWOYAKE 21.

1 Hena iyohakam Jesus ake waonspewicakiye cin en ihdutanin, Tiberias mde kin etu ; unkan ihdutanin kin he kaketu :

2 Simon Inyan, qa Thomas Didumos eciyapi, qa Nathanael, Kana Galile makoce kin hetanhan, qa Zebedee cinhintku nadin, qa waonspewicakiye cin tokeca nonpa, hena witayapi etu.

3 Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi, qa wata wan en opapi, tuka hanyetu kin he takudan ktepi s̄ni.

4 Ihanhanna qehan wicihuta ekta Jesus najin ; tuka waonspewicakiye cin Jesus hee kin sdonyapi s̄ni.

5 Unkan Jesus hewicakiya, Hoksiyopa, taku yutapi duhapi he. Unkan, Hiya, eyapi.

6 Unkan hewicakiya ; Ho kin he wata etapa kin eciyatanhan ehpeya po, etanhan iyeyayapi kta ce. Unkan ecen iyohpeyapi, tuka ehaes hogan kin ota kin heon ehdakupi okitpanipi.

7 Hehan waonspekiyapi wan Jesus wastedake ciqon he Inyan heciya ; Itancan kin hee ce. Simon Inyan, Itancan kin hee, eya nahon qehan, tancodan un kin heon onhdohda kiqun qa minin ehpeiçiya.

8 Unkan waonspewicakiye cin unmapi kin wata cistinna wan

ohna upi, huta kin icannan yakonpi, wiciçpa opawinge nom hehanyan, qa ho kin hogan ojudan akupi.

9 Wanna hutata kihunnipi, hehan petaga itkon wanyakapi, qa hogan aguyapi ko akan yanka.

10 Unkan Jesus hewicakiya, Hogan nakaha iyacupi kin etanhan aku po.

11 Simon Inyan ekta ye ça ho kin heyata hiyuya, hogan tankinyan ece opawinge qa sanpa wikcemna zaptan qa sam yamni ; hogan kin ota ho kin ohnaka tuka iyuhdece s̄ni.

12 Upi qa de yuta po, Jesus ewicakiya. Unkan waonspewicakiye cin etanhan, Tuwe niye he, eyapi kta tuka tuwedan tawatenye s̄ni ; Itancan hee kin he sdonyapi kin he etanhan.

13 Hehan Jesus en ye ça aguyapi icu, qa wicaqu, hogan nakun iyecen econ.

14 Piya ekicetu kin etanhan, de iyamni Jesus waonspewicakiye cin en ihdutanin.

15 Unkan wotapi ayaçtanpi, hehan Jesus Simon Inyan heciya ; Simon Jona cinhintku, dena ege sam iyeya waste mayadaka he. Han, Itancan, waste cidaka e sdonyakiye ciqon, eya. Tahincadan mitawa kin taku yutapi wicaqu wo, eciya.

16 Ake icinonpa, Simon Jona cinhintku waste mayadaka he, eciya. Han, Itancan, waste cidaka e sdonyakiya, eya. Tahinca mitawa kin wo wicaqu wo, eciya.

17 Ake iciyamni, Simon Jona cinhintku waste mayadaka he, eciya. Yamni akihde, Waste mayadaka he, eya iwange cin heon Inyan iyokiçica ; unkan heciya, Itancan, taku owasin sdonyaya ; wastecidake cin he

OĤANYANPI QON.

sdonyaya. Hehan Jesus, Tahinca mitawa kin wo wicaqu wo, eciya.

18 Wowicake, wowicake on heciya; Koniška qehan niye cinka ipiyag yeton qa tokiya yacin eca ekta da ece, tuka tohan winicahinca kinhan wicašta tokeca wan ekta nape yeyakiye kta, kinhan ipiyag niconon qa tokiya yacin šni ešta ekta aniye kta ce, eya.

19 Wiconęe tukte e on Wakan-tanka yutan kta e he kiciyaotanin kta heon'hecen eya. Hecen eye cin hehan, Miyahna u wo, eciya.

20 Hehan Inyan hakikta, qa waonspekiyapi wan Jesus iyotan kidace ciqon hee wicikektam u e wanyaka, htayetu wotapi icunhan maku kin ipahin wanke ęa, Itancan, tuwe e wi-yopeniye kta he, eye ciqon hee.

21 Inyan he wanyaka unkan Jesus heciya, Itancan, de iš taku e akipe kta he.

22 Ake tohan wahi kte cin hehanyan decen un kta wacin ešta, he etanhan initokeca he; niye miyahna u wo, Jesus eciya.

23 Heon etanhan wicoie kin de hunkawanjinkiciyapi kin wicehna iyaya; waonspekiyapi kin de te kte šni, eyapi kin. Tuka Jesus, He te kte šni ce, eciye šni; tuka, Wahi kte cin hehanyan decen un kta, wacin ešta, he etanhan initokeca he.

24 Taku kin hena waonspekiyapi kin he yaotanin qa wowapi en kaga; qa taku yaotanin kin he wowicake kin e sdonunyanpi.

25 Nakun taku ota Jesus econ, tuka nakun hena owasin otoiyo-hi kagapi ešta, oyate hiyeye cin wowapi kagapi kte cin he yuhapi kta epce šni. Amen.

YEWICAŠIPI KIN

OĤANYANPI QON.

WICOWOYAKE 1.

1 Theophile, wicoie tokaheya wakage cin he en Jesus tokaheya taku econ qa waonspekiye cin *omdaka*;

2 Tona wicakalnige ęa yewicašiqon hena Woniya Wakan kin eciyatanhan wahokonwicakiye cin iyohakam, anpetu wan en wankan eyakupi kin hehanyan.

3 Iye kakije cin iyohakam hena eqe en ni un taninięiya, woyuotanin ota on, anpetu wikcemna topa hehanyan wanyagięiya, qa Wakantanka tokiconze taku tawa kin ęajehdata ece;

182

4 Qa mniciyapi kin en owicapeya un qehan, Jerusalem etanhan ye šni wicaši, qa Ateyapi kin wahowicaye ciqon he apepi kta; He miye eciyatanhan nayahonpi ee;

5 Awicakehan Johannes mini on baptem wicaqu, tuka tokata anpetu tonana ihan, hehan Woniya Wakan on baptem nięupi kta ce, eya.

6 Unkan hena witaya yukampi hehan, Itancan, wanna dehantu Israel *oyate* wokiconze kin piya wicayaqu kta he, eya iwangapi.

7 Unkan hewicakiya; Tohanyan qa tohantu kin, Ate iye to-

WICOWOYAKE 1.

wasake kin en ekihnake cin hena sdonyayapi kta iyecece sni ;

8 Tuka Woniya Wakan kin en nihipi kinhan, wowasake duhapi kta ; hehan Jerusalem en, qa Judamakoce kin owancaya, qa Samaria qa maka ihanke kin hehanyan mayadaotaninpi kta ce.

9 Unkan hena hecen eye ça, wanhdakapi icunhan, yuwankan icupi ; qa wanyakapi kin etanhan mahpiya sapa wan eyaku.

10 Unkan he wankan iyaye cin, mahpiya ekta etonwan yukampi kin he icunhan, iho, wicašta nom ska ihduzapi en wicikiyadan najinpi ;

11 Qa, Galile wicašta, tokeca e mahpiya ekta etonwan nayajinpi he. Jesus e qe niyepi etanhan mahpiya ekta eyakupi kin, he mahpiya ekta wankan iyaya wandakapi kin he iyecen ake u kta, ewicakiyapi.

12 Hehan Oliwe paha ec iyapi kin hetanhan Jerusalem ekta icicawin hdapi ; he Jerusalem ikiyedan, anpetu wakan oicimani wanji ecetu.

13 En hdipi qa wankan tipi wanji tin iyayapi qa hen iyukanpi, Inyan, qa Jakob, qa Johannes, qa Andrew, Philip, qa Thomas, Bartholomew, qa Mattheos, Jakob Alpheus cinhintku, qa Simon Zelotes, qa Judas Jakob sunkaku :

14 Hena owasin tawacin wanjidand wocekiye eyapi qa kida yukampi, winohinca kin hena om, qa Mary Jesus hunku, qa iye hunkawanjinwicaye cin hena koya.

15 Unkan anpetu kin hena en Inyan ookiye unpi kin wicacokaya najin, (wicacaje owasin opawinge sanpa wikcemna nom wicayawapi ;)

16 Qa heya ; Wicašta hunka-

wanjinciyapi, Judas tona Jesus iyalipayapi qon en mdetabunka kin he on, ehanna Woniya Wakan, Dawid i kin eciyatanhan, ie ciqon, wowapi en kagapi kin, he ecetuyapi kta hunšte.

17 He iye unkiyopeyapi yawapi, qa wicohtani kin de en opatuka.

18 Unkan wicašta kin he wicohtani iyunwin kin maga wan iyopekiye ça, ehna makata ihpaya, unkan tancan kin kamdas ihpaye ça, supe kin owasin tankan hiyu.

19 Tona Jerusalem en yakonpi sa owasin he sdonyapi ; qa heon maga kin he iye iapi kin eciyatanhan, Akeldama ec iyapi, he We maga, eyapi.

20 Odowan wowapi kin en kaken kagapi ; He tukten ti qon hewoskan yanke ça, tuwedan ohna ti sni nunwe ; qa, Awanhdakapi wicohan yuhe ciqon he tuwe tokeca icu kta.

21 Heon etanhan wicašta kin dena ohinniyau om unyakonpi, Jesus Itancan kin unkopapi, ti mahen i, qa tankan ye cin,

22 Tokaheya Johannes baptem wicaqu qon hetanhan, anpetu kin en unkiyepi etanhan wankan eyakupi kin hehanyan, hena etanhan, piya ikicage cin, wanji unkiyopeyapi oyaka ece e kta, eya.

23 Unkan nom najinwicakiyapi, Joseph Barsabas ec iyapi, he, Owotanna, eya caštonpi, qa Matthias.

24 Hehan ookiyapi qa heyapi ; Itancan niye wicacante owasin sdonya nanka, wicašta kin dena unma tukte yakahnige cin he yutanin wo ;

25 Ookiye wicohan qa yewicašipi kin de en ope kta, Judas iye oyanke tawa kin ekta hde kta e etanhan hinhpaye cin he.

OHANYANPI QON.

26 Hehan woohiye ehpekiyapi, unkan woohiye kin Matthias ahinhpaya; qa hecen yewicasipi akewanjipidan kin owicapeya yawapi.

WICOWOYAKE 2.

1 Anpetu iwikcemna zaptan kin wanna iyehantu, unkan owasin tawacin wanjidan witaya yukanpi.

2 Hehan ihnuhanna, tate wan wasagya uye cin he iyecen, oqo wan mahpiya kin eciyatanhan hiyu, qa tapi ohna yukanpi kin ocowasin ojudan.

3 Unkan wicaceji, peta se ececa, en wicatanin, qa otoiyohei kicipamnipi kin en awicahan.

4 Unkan owasin Woniya Wakan kin on ojupidan qa wicaceji toktokeca on iapi, Woniya Wakan ie wicakiye cin he iyecen.

5 He ehan wicasta owotanna Juda wicasta kin hecapi, mahpiya ihukuya oyate hiyeye cin etanhan Jerusalem en tipi.

6 Wicaho kin de otanin, unkan wicota en mniciyapi qa inihanpi, otoiyohei iye iapi tawapi kin on, hena ia yukanpi he nakihonpi kin heon.

7 Owasin inihanpi qa yusinyayapi qa otoiyohei hekiciyapi; Tona ia yukanpi kin hena owasin Galile wicasta kin hecapi sni he.

8 Token on otoiyohei iapi kin yuha untonpi kin hena ia nawicunhonpi he.

9 Parthe qa Mede qa Elamite, qa Mesopotamia en tipi qon, Juda makoce kin en, qa Kappadokia en, Pontos qa Asia en;

10 Phrugia qa Pamphulia en, Egipta qa Libue makoce kin en, Kurene ihduksan, Roma oyate kin etanhan, Juda wicasta, qa en opewicakiyapi qon,

11 Krete qa Arabe kin heun-

capi, Wakantanka taku tanka econ kin, unkiye unkiapi kin eciyatanhan, hena ia oyakapi kin naunhonpi ce, eyapi.

12 Owasin inihanpi, qa yusinyayapi, qa otoiyohei hekiciyapi; De taku kapi hwo.

13 Qa wanjiksi ihañapi qa; Dena minisa skuya on imnanpi ce, eyapi.

14 Tuka Inyan ake wanjipidan kin om najin, ho yuwankan icu, qa hewicakiya; Juda wicasta, tona Jerusalem en dukanpi ko, owasin he de sdonyapi, qa mioie kin anagoptan po.

15 Niye hecannipi kin hecetu sni, wanna anpetu kin en yamni ape cin behantu, heon wicasta kin dena witkopi sni.

16 Tuka Joel wicasta wokcan oyake ciqon he dee.

17 Unkan anpetu ihankeya kin en, (Wakantanka eya,) mitaniya kin wicacehi owasin awicawakastan kta; unkan nicinksi pi nincunksi pi ko wokcanpi kta, qa koska nitawapi kin wowanyake kin wanyakapi kta, qa wicahinca nitawapi kin wowihande imnanpi kta ce.

18 Anpetu kin hena en wicasta taokiye, qa winyan taokiye mitawa kin, hena en mitaniya awicawakastan kta, qa hena e wokcanpi kta.

19 Unkan wankan mahpiya kin ekta taku on yusinyayapi wicawaqu kta, qa kuya maka kin akan wowapetokeca kin, we qa peta qa sotoju.

20 Itancan taanpetu tanka woinihan kin he hi sni itokam, anpetu wi kin otpaza icu kta, qa hanyetu wi kin is we icage kta.

21 Unkan hehan tuwe Itancan caje kin hoyekiye cinhan he nikiyapi kta ce.

WICOWOYAKE 2.

22 Israel wicašta, wicoie kin de nañon po; Jesus Nazareth etanhan qon, wicašta wan niyepi kin ekta, Wakantanka hdu-tanin qon, wicowaśake, taku on inihanpi, qa wowapetokeca niyepi cokaya Wakantanka econ kiye ciqon hena e niye sdonya-yapi.

23 He qe Wakantanka atayedan wakiconze ça, iye osdonye kin eciyatanhan qupi qon, he iyacupi, qa nape śikśica on icipaweh oyakatanpi, qa yaktepi.

24 Hee Wakantanka ekicetu ye ça, wiconțe icaśke kin kiyuśka, en yuhapi kta okibipica śni nakaś.

25 Dawid he ke ça, kaken eya; Ohinniyan mitokam Jehowa wanmdaka, mietapa kin ekta yanke, heon pahoho śni waun kta.

26 Heon micante kin iyuśkin, qa miceji kin ipsica; qa micehpi kin woape en wanke kta.

27 Minagi kin he hades ekta ehpemayakiye śni, qa Wanji Wakan nitawa kin he wicahwin wanyake kta e on yaqu kte śni.

28 Wiconi canku kin sdonye mayaye kta; qa niite kin etanhan wowiyuśkin on imnamaya-ye kta.

29 Wicašta hunka wanjinci-yapi, Dawid hunkakeyapi un kin he eciyatanhan taninyan ociciyakapi kta; he țe ça hapi, qa anpetu kin dehanyan ohna hnakapi kin unkiicipi wanka.

30 He wicašta wokcan kin heca, qa Wakantanka wokonze on konza, wicacehpi eciyatanhan iye tancan aicage kte cin he etanhan Messiya, iye oiyotan-ke kin akan iyotanke kta e icaħ-ye kta he sdonya.

31 Hecen tokaheya tanhan he wanyake ça Messiya ekicetuya-

pi kin he cajeyata, nagi kin hades ekta ehpekiyapi kte śni, qa ceħpi kin wicahwin wanyake kte śni.

32 Jesus iye qe Wakantanka ekicetuye cin he unkiyepi owasin unyaotaninpi ece.

33 He Wakantanka etapa kin ekta yuwankan icupi, qa Ātkuku kin Woniya Wakan iwahoye ciqon he icu, heon nakaha taku wandakapi qa nayahonpi kin he akaśtan.

34 Dawid e qe maħpiya ekta wankan iyaye śni, tuka kaken eya; Jehowa Itancan mitawa kin kaken eciya, Mietapa kin eciyatanhan iyotanka wo,

35 Tona toka niye cin hena nisiha oahe kin ewahnake kte cin hehanyan.

36 Heon etanhan, Israel tiyohnaka owasin, de tanyan sdonya wo, Jesus icipaweh oyakatanpi qon, hee Wakantanka Itancan qa Messiya kaga ce.

37 He nañonpi unkan cante kin ekta iyoyakapi, qa Inyan qa yewicaśipi unmapi kin om, Wicašta hunkawanjin unniyanpi token eonkupi kta he, ewicakiyapi.

38 Hehan Inyan hewicakiya; Ihducetutu po, qa woahñani nicicajujupi kta e on Jesus Messiya caje kin on baptem niçupi kta; kinhan Woniya Wakan itunicihanpi kin he iyacupi kta.

39 Wahoyapi kin de niye nitawapi, qa nicincapi, qa tona itehanyan yukanpi kin owasin, tona Itancan unkita Wakantankapi kin wicakico kte cin hena tawapi ce, eya.

40 Qa wicoie tokeca ota on wicakiyatanin, qa wahokonwicakiye ça heya; Wicoicage śice cin de etanhan niçiya po.

41 Unkan tona oie kin iyuśkin-

OHANYANPI QON.

yan icupi kin hena baptem wicaqupi; hecen anpetu kin he en wicanagi kektopawinge yamni en opapi.

42 Qa yewicasipi kin taku onspewicakiyapi kin en katinyan opapi ece, qa om taku yuhapi, aguyapi kiyuspapi qa wocekiye eyapi kin en ece unpi.

43 Unkan wicašta owasin nina yušinyayapi; unkan yewicasipi kin taku wakanyan econpi qa wowapetokeca ota econpi ece.

44 Unkan tona wicadapi kin hena owasin witaya yukanpi, qa taku owasin ptaya yuhapi.

45 Qa tona maga qa woyuha yuhapi kin hena e wiyopekiyapi, qa otoiyohei cinpi kin iyecen owasin wicakipamnipi.

46 Qa anpetu otoiyohei, tawacin wanjidan, tipi wakan kin ohna yukanpi, qa tipi iyaza aguyapi kiyuspapi, wowiyuškin cante okonwanjidan ko yuha taku yutapi icupi.

47 Wakantanka yatanpi, qa oyate kin owasin en wowaste yuhapi. Unkan Itancan kin tona nipi kte cin heca, anpetu otoiyohei, okodakiciye kin en ope wicakiya.

WICOWOYAKE 3.

1 Unkan hehan Inyan qa Johannes kici, tipi wakan kin ekta kaitawankanhde yapi, napsinwanka ape cin, wocekiye eyapi ece kin hehantu.

2 Unkan wicašta wan tonpi kin ehantanhan hušte un kin he yuha ahipi, anpetu otoiyohei tipi wakan tiyopa wan, Wašte eciyapi kin he en ehdepi, tona tipi wakan tin yapi kte cin hena taku wicakida kte cin heon.

3 Hee Inyan Johannes kici tipi wakan kin timahen yapi kta

wanwicayake ça, taku wicakida.

4 Unkan Inyan opahta, qa Johannes kici, qa, Ekta unkatonwan po, eya.

5 Taku okini kta kecin qa hecen anawicagoptan yanka.

6 Hehan Inyan; Mazaska mazaskazi ko takudan mduhe šni, tuka taku mduhe cin ciçu kta, Jesus Messiya Nazareth etanhan, he caje on najin, qa mani wo, eciya.

7 Qa nape etapa kin en yuze ça najin kiya; unkan ihnuhanna siha škahu ko wašag hiuhda.

8 Hehan iye kin psin iyaye ça najin, qa mani, qa om tipi wakan kin timahen iyaya, mani, qa psipsica, qa Wakantanka idowan.

9 He mani qa Wakantanka idowan kin oyate kin iyuhpa wanyakapi;

10 Qa wicašta tipi wakan, tiyopa Wašte eciyapi, kin en hiyotanke ça taku da ece qon he dee sdonyapi; qa taku ecakiconpi kin on etanhan nina inihanpi, qa yušinyayapi.

11 Unkan, wicašta hušte qon wanna okizi kin he Inyan Johannes kici wicayus najin, hena en oyate owasin kiwitaya inyang iheyapi, qa nina yušinyayapi, omanipi Solomon tawa kin hetu.

12 Unkan Inyan he wanyake çehan, oyate kin hewicakiya; Israel wicašta, tokeca he on niyušinyayapi, qa tokeca opaunhitapi nayajinpi he; unkiye wowasake qa wowaste unhdubapi kin heon wicašta kin de mani unyanpi *kecanunyakinpi seca*.

13 Abraham, qa Isaak, qa Jakob Wakantanka tawapi; hunkake wicunyanpi Wakantanka tawapi kin he Cinhintku Jesus wanna hdutan; he niyepi e wi-

WICOWOYAKE 4.

cayaqupi, qa Pilate itokam yaki-pajinpi, he iye kiyuske kte hinca tuka.

14 Tuka Wanji Wakan qa Owotanna un kin he niye yaki-pajinpi, qa wicakte sa wan kiyuskapi yacinpi.

15 Qa Wiconi Itancan kin he yaktepi; he qe Wakantanka wicate cin etanhan najinkiye cin unkiye unkoyakapi ece.

16 Qa iye caje kin, caje wicadapi kin heon, wicašta kin de wandakapi qa sdonayapi kin he yuwasaka; han, iye wacinyanpi kin he wicašta kin de tanyan okiziya, niyepi owasin en.

17 Unkan nakaha mihunkawanji, iyukcan šni hecanonpi, qa wicašta itancan wicaduhapi kin hena nakun, he sdonwaya.

18 Tuka Wakantanka Messiya token kakije kte cin, wicašta wokcan kin owasin i kin eciyatanhan, oyake ciqon hena he en hduacetu.

19 Heon ihduacetupi, qa ihduhomni po; hecen wayahtanipi kin nicicajujupi kta ce; tohan anpetu yucetupi kin Itancan itohnake kin eciyatanhan u kinhan;

20 Qa Jesus Messiya oniciyakapi qon he usi kta.

21 He qe mahpiya kin ekta eyakupi kta, taku owasin ekicetuyapi kta anpetu kin hehanyan, Wakantanka maka icage cin hetanhan wicašta wokcan wakan wicahduhe cin owasin i kin eciyatanhan oyake ciqon hee.

22 Moses iye qe hunkakeyapi kin hewicakiya; Nihunkawanjipi kin etanhan wicašta wokcan wanji, miye iyemaceca, Jehowa Wakantanka nitawapi kin icañniciciyapi kta; he taku eniciyapi kte cin owasin anayagoptanpi kta.

23 Qa wicanagi otoiyo hi, wicašta wokcan kin he anagoptan šni kinhan, he oyate kin etanhan ihangyapi kta ce.

24 Unkan wicašta wokcan owasin, Samuel hetanhan, tona iyohakam woyakapi qon anpetu kin dena cajeyatapi.

25 Wicašta wokcan cincapi kin he niyepi, qa wicoun Wakantanka hunkake wicunyanpi wicakicage ciqon, he qe Abraham heciya; Unkan nicinca kin on etanhan wicowazi maka akan ua kin owasin yawaštepi kta ce.

26 Wakantanka iye Cinhintku Jesus najinkiye ca niyawaštepi kta e on niyepi tokaheya en u ši, otoiyo hi wayahtanipi kin etanhan ihduhomni niyanpi kta e heon.

WICOWOYAKE 4.

1 Unkan hena hecen oyate kin ewicakiyapi kin icunhan, wošna kagapi, qa tipi wakan en itancan kin, Saddukee ko en wicahipi;

2 Oyate kin waonspewicakiyapi, qa Jesus eciyatanhan wiconte etanhan woekicetu kin he oyakapi kin heon šihdapi;

3 Qa nape on iyawicahpayapi, qa wicakaška tipi kin en iyewicayapi, ihanhanna kte cin hehanyan; wanna htayetu nakaes.

4 Tuka wicoie nahonpi qon hena wicota wicadapi; unkan wicašta kektopawinge zaptan ecetu.

5 Unkan ihanhanna hehan, wicašta itancanpi, hunkawicayapi kin, wowapi kagapi ko;

6 Qa Annas wošna kagapi itancan, qa Kaiaphas, qa Johannes, qa Aleksandros, qa tona wošna kagapi itancan takuwicaye cin hena koya Jerusalem en mniciyapi.

7 Unkan wicacokaya ewica-

OHANYANPI QON.

hdepi, qa wiwicawangapi ; Taku wowašake, qa tuwe caje kin on hecanonpi he, eyapi.

8 Hehan Inyan Woniya Wakan on ojudan, hecen êwicakiya ; Oyate en wicašta itancanpi, qa Israel hunkawicayapi kin ;

9 Anpetu kin de wicašta hušte qon tanyan ecakiconpi, qa token on okizi kin, he on wiunyanun-gapi hecinhan ;

10 Niyepi owasin, qa Israel oyate kin owasin de sdonya po, Jesus Messiya Nazareth etanhan, icipaweñ oyakatanpi qon, Wakantanka wicašte cin etanhan ekicetuye cin, he caje on wicašta kin de nitokam okizi najin.

11 Inyan kin de ticagapi yanpi kin ayaktapi šni, tuka he oise en itancan kin ee.

12 Qa tuwe tokeca eciyatanhan wanikiyapi kin yuke šni ; qa wicacaje tokeca mañpiya kin ihukuya wicašta wicaqupi, on unnipi kte cin wanica ce.

13 Unkan Inyan qa Johannes waditakapi kin he wanyakapi, qa taku ota onspeiciyapi šni qa wicašta ikceka kin hecapi e sdonyapi qehan, nina yušinyayapi, qa hena Jesus kici unpi qon he iwicayucanpi.

14 Qa wicašta okiziyapi qon he wiciyopeya najin wanyakapi ; unkan taku awicayuptapi kte cin takudan yuhapi šni.

15 Tuka omniciye kin etanhan tankan ye wicašipi, hehan he akiipapi ;

16 Qa iyakitedan hekiciyapi ; Wicašta kin dena token ecawicunkiconpi kta hwo ; wowape-tokeca tanka kin de econpi kin he tona Jerusalem en yakonpi kin owasin sdonyapi, qa anaunhmanpi kta unkokihipi šni.

17 Tuka he oyate kin en ana-

ptapi kta e heon nina wakokipe wicunkicagapi kta, qa caje kin de on tohinni wicašta wowicakiyakapi kte šni, *unkeyapi* kta ce.

18 Unkan hehan wicakicopi, qa Jesus caje kin on takudan ie šni, qa waonspekiye šni wicašipi.

19 Tuka Inyan Johannes kici awicayuptapi qa heyapi ; Wakantanka itokam, niyepi anaunigoptanpi kta, qa is Wakantanka anaungoptanpi kta, unma tukte owotanna kin, niš iyukan po.

20 Taku sdonunyanpi qa nanhonpi qon hena oyake šni unyakonpi kta e unkokihipi šni.

21 Hehan ake wakokipe wicakicagapi tamwicakiyapi, qa hde wicašipi, taku on taku iyawicaponpapi kta takudan iyeyapi šni, oyate kin on etanhan ; taku econpi kin heon owasin Wakantanka yatanpi.

22 Wicašta wookizi wowape-tokeca kin he en econpi qon he wanna waniyetu wikcemna topa sam iyeya.

23 Unkan kihdewicayapi, hehan iye takodawicayapi kin ekta hdapi, qa wošna kagapi, hunkawicayapi kin ko, taku token ewicakiyapi qon owasin ohdakapi.

24 Unkan hena nahonpi qehan, witaya Wakantanka hoyekiyapi qa heyapi ; Itancan Wakantanka he niye, mañpiya, maka, miniwanca qa taku ohnaka ko owasin yakaga.

25 Dawid nitaokiye kin i kin eciyatanhan kaken ehe cin ; Tokeca e lkewicašta kin oqoyapi, qa oyate kin taku ecinšniyan yukanpi he.

26 Maka wicaštayatapi kin najin hiyaye ça, wicašta itancanpi kin witaya mniciyapi, Itancan

WICOWOYAKE 5.

kin en, qa Sdakiye ciqon he nakun.

27 Awicakehan Jesus Nicinksi wakan sdayakiye ciqon he en, Herod, qa Pontiyos Pilate, Ikcewicašta, Israel oyate ko mniciyapi;

28 Ehanna taku, ninape nitawacin ko on, econ yakonze ciqon, he ecen econpi kta heon etanhan.

29 Unkan nakaha, Itancan, token wakokipe unkcigapi kta tamunkiyapi kin he wanyaka wo; qa nitaokiye kin nioie nina waditagya oyakapi kta e wicaqu wo;

30 Wawokiziya on ninape kin yahdugate cin heon; qa Jesus Nicinksi wakan caje kin on taku wapetokeca, qa on yušinyayapi kte cin hena econpi kta.

31 Unkan wocekiye eyapi, hehan tukten witaya yukanpi kin he yuhuhuzapi, qa owasin Woniya Wakan kin on ojupidan, qa Wakantanka oie kin waditagya oyakapi.

32 Unkan wicota wicadapi kin hena wicacante wanjidan wicanagi wanjidan ko yuhapi; qa taku tonpi kin tuwedan, De mitawa ce, eye šni; tuka taku owasin witaya yuhapi.

33 Unkan yewicašipi kin hena wowašake tanka on Jesus Itancan piya ikicage cin he oyakapi; unkan wowašte tanka owasin en un.

34 Unkan hena tuwedan takudan icakije šni unpi; tuka tona maga, qa tipi yuhapi qon hena wiyopekiyapi, qa taku wiyopeyapi kin on taku icupi kin he ahapi,

35 Qa yewicašipi kin siha hdepi kin en ehnapapi: unkan wicašta otoiyohe taku token cinpi kin hecen pamni wicaqupi ece.

36 Unkan Josés, he yewicašipi kin Barnabas, eya cajeyatapi qon, Wicakicanpte cinhintku kin, eyapi kin he kapi, Lewi wicowazi qa Kupros makoce kin etanhan;

37 Hee makoce onšpa hdube cin wiyopekiye ca mazaska kin hdohi, qa yewicašipi siha hdepi kin en ehna.

WICOWOYAKE 5.

1 Tuka wicašta wan Ananias eciyapi, tawicu Sapphira kici, maga wan wiyopekiya;

2 Qa mazaska apa anakihbe, tawicu kin is nakun sdotkiya; unkan apa abi, qa yewicašipi kin sihapi kin en ehna.

3 Tuka Inyan heciya; Ananias, tokeca e Woniya Wakan kin oiyaton kte šni e Satan nicante kin en ocowasin iyohpaya, qa maga iyopeyapi kin apa anayakihman he;

4 Nahahin ecen un qon he ehan yahduhe šni he; qa wiyopekiyapi kin he ehan nakun nitawa šni he. Tokeca nicante ekta hecen econ wacani he. Wicašta akantu kin hee šni, tuka Wakantanka en iyatonšni ce.

5 Unkan Ananias hena oie kin nahon qehan, hinhpaye ca ta iyaya. Unkan tona hena taku kin nahonpi kin owasin nina wicopapi.

6 Unkan koška kin najinpi, qa opazuntapi, qa tankan ayapi, qa hapi.

7 He iyohakam wihiyayedan oape yamni, hehan tawicu kin taku econpi qon sdonye šni ecen tin hiyu.

8 Unkan Inyan heciya; Kana on maga iyopeyakiyapi he, omakiyaka wo. Unkan is; Han, kana on, eya.

OHANYANPI QON.

9 Unkan Inyan; Token on sakim Itancan Taniya kin iyutanyayapi kta ecen wacinduzapi he. Wanyaka wo, tona nihina hapi kin hena sihapi kin tiyopa kin en najinpi, qa niye nakun tankan aniyampi kta, eciya.

10 Hehan is eya hecehnana iye siha kin ekta hinhpaye ca ta iyaya. Unkan koskapi qon en hiyupi, qa wanna ta e wanyakapi, hehan is eya tankan ayapi, qa hihnaku kin kici hapi.

11 Unkan okodakiciye kin owasin, qa tona hena taku kin nahonpi owasin nina wikopapi.

12 Unkan yewicasipi kin napepi kin on oyate kin en wowinihan wicohan qa wowapetokeca ota econpi. Unkan owasin wicacante wanjidan yuha Solomon omanipi tawa kin ohna yukanpi.

13 Qa wicasta tokeca tuwedan en owicapa okihi sni, tuka oyate kin wicakinihanpi.

14 Qa tona wicadapi kin sanpa ota Itancan kin en opapi, wicawinyan ko wicota.

15 Hecen tona wicayazan kin hena tankan awicaupi, qa canku otioyohi ohna, ohehdepi qa owinja ko akan ahiwicahnakapi, Inyan hen hiyaye cinhan hunh ohanzi wicaye kte cin heon.

16 Unkan, otonwe itan ihduksan kin hena etanhan wicota Jerusalem en hipi, qa tona wayazanpi, tona taku wakan sica wicayuhnaškinyanpi ko en awicahipi; unkan owasin asnapi.

17 Hehan woŋna kagapi itancan kin najin hiyaye ca, tona om un kin, Saddukee wicowazi kin etanhanpi, hena winawizipi on ojupidan;

18 Qa nape on yewicasipi kin iyawicalhpayapi, qa wicakaŋka

tipi ikceka kin ohna ewicahnakapi.

19 Tuka Itancan taohnihde ye cin he hanyen wicakaŋka tipi tiyopa kin yuzamni, qa tankan awicau qa heya;

20 Hunktiya po, tipi wakan kin ohna injinpi qa wiconi kin de wicoie kin owasin oyate kin owicakiyaka po.

21 He nahonpi, unkan hanhanan hin tipi wakan kin timahen yapi, qa wowicakiyakapi. Hehan woŋna kagapi itancan, qa tona om un kin hena witaya iheyapi, qa omniciye tanka kin mniciye wicasi, Israel cinca hunkawicayapi kin owasin koya; unkan wicakaŋka tipi kin ekta wicahuweye wicasipi.

22 Tuka akicita kin wicakaŋka tipi kin en hipi, qa iyewicayapi sni, hehan hoŋi hdapi;

23 Qa heyapi; Awicakehan wicakaŋka tipi kin sutaya onatakapi ecen iyeunyanpi, qa tiawanyag wicakiyapi kin tiyopa kin itokam najinpi; tuka unyuhdokapi qehan, tuwedan en wanunyakapi sni.

24 Unkan woŋna kagapi itancan, qa tipi wakan en itancan kin, woŋna kagapi kin hena koya, hena wicoie kin nahonpi qehan, he toketu kta hecinhan iyukanpi sni.

25 Hehan wanji en hi qa; Iho, wicasta wicakaŋka tipi kin en ewicayahnakapi qon hena tipi wakan kin ohna injinpi qa oyate kin waonspewicakiyapi ce, eya owicakiyaka.

26 Hehan akicita tancan kin akicita ko ekta yapi qa iwastedan awicaupi, oyate kin inyan on wicakininpi kta e kokipapi heon etanhan.

27 En awicahipi qa omniciye kin wicacokaya najin wicakiya-

WICOWOYAKE 6.

pi; unkan wotna kagapi itancan kin wiwicawanga,

28 Qa heya; Wicacaje kin de on wowicayakidakapi kte sni, nina unkeniciyapi sni he; unkan iho, woonspe nitawapi kin on Jerusalem ojudan yayapi, qa wicasta kin de we kin en unkeyaupi kta wacannipi.

29 Hehan Inyan, yewicasipi kin om, awicayupte qa heya; Wicasta akantu hee sni, tuka Wakantanka hee e anaungoptanpi kta iyececa.

30 Jesus yaktepi qa oan akan okeyayapi qon he atewicunyanpi ta Wakantankapi kin hduecetu:

31 Hee kin Wakantanka wankan ehdaku, iye nape etapa kin ekta Itancan qa Wanikiya un kta, Israel ihduacetupi qa wotani kajujupi kin wicaqu kta e heon.

32 Unkan unkiye, iye on, wicoie kin hena unkoyakapi ece, qa Woniya Wakan tona Wakan-tanka anagoptanpi wicaqu kin, he is eya hena yuotania ece.

33 He nahonpi qehan canteptanyanpi, qa tewicayapi kta e akiapi.

34 Hehan Pharisee waa Gamaliel eciyapi, woope waonspekiya, qa oyate kin en okinihan, he omniciye kin en najin, qa yewicasi-pi kin cistiyedan tankan aye wicasi:

35 Qa hehan hewicakiya; Israel wicasta, wicasta kin dena taku ecawicakicon wacannipi kin he itonpa po.

36 Anpetu kin dena itokam Thudas icaga, he taku wicasta keiciya; unkan wicasta opawinge topa ecetu ihakam yapi; tuka he iye ktepi, qa tona wicadapi qon owasin enanakiya iyewicayapi qa takuni sni aya.

37 Qa he iyohakam Judas Galile etanhan, owicawapi anpetu kin he ehan najin, qa oyate ota ihakam awicaya; he nakun ihangyapi, qa tona wicadapi qon owasin enanakiya eyaya.

38 Heon nakaha heciciyapi; Wicasta kin dena wicihayata najinpi, qa awicayustan po; wokonze qa wicohan kin de wicasta akantu kin etanhan hecinhan atakuni kte sni;

39 Tuka Wakantanka eciyatanhan un kinahan, yujuju oyakihipi sni; okinni Wakantanka kici yeciza dukanpi kta naceca, eya.

40 Unkan he anagoptanpi, qa yewicasipi kin wicakipanpi, qa wicakapsinpsintapi qehan, Jesus caje kin on woyake sni wicasi-pi, qa wicakiyuskapi.

41 Unkan iye omniciye kin etanhan hdapi, qa Jesus caje kin on wowistece en awicaupi iyececa wicayawapi kin heon wiyuskinpi.

42 Qa anpetu otoiyohi tipi wakan kin ohna, qa tipi iyaza wahokonwicakiyapi, qa Jesus Mes-siya oyakapi ayaastanpi sni.

WICOWOYAKE 6.

1 Unkan anpetu kin hena en, waonspewicakiyapi kin wanna wicota aya qehan, Helenes Hebrew oyate kin wicabapi, anpetu otoiyohi wapamnipi kin en wiwazica wicayuhapi kin hena awicatonwanpi sni kin heon etanhan.

2 Hehan akenonpapi kin waonspewicakiyapi kin owasin wicakicopi qa hewicakiyapi; Wakantanka oie kin unkeyustanpi, qa wahna wotapi wiyeya eunhnakapi kte cin hecetu sni.

3 Heon hunkawanjin unniyanpi enitanhanpi wicasta owotanna

OĤANYANPI QON.

yawapi, qa Woniya Wakan wicoksape ko on ojupidan šakowin wicakaĥniga po, wicoĥan kin de yuhe wicunkiŷapi kta.

4 Tuka unkiye qe cekiyapi qa wicoie oyakapi kin en ohinniyan ye unkiŷiyapi kta ce.

5 Unkan wicoie kin he oyate kin owasin iyokipipi; qa Stephanos, wicašta wan wacinyanpi Woniya Wakan ko ojudan, kin he kaĥnigapi, qa Philip, qa Procoros, qa Nikanor, qa Timon, qa Parmenas, qa Nikolas Antiyoka ekta en opekiyapi qon.

6 Hena yewicašipi kin wicacokaya ewicāhdepi; unkan wocekiye eyapi, hehan nape on awicaputakapi.

7 Unkan Wakantanka oie kin icage qa Jerusalem en waonspewicakiyapi kin nina ota aya; qa wošna kagapi kin ota nakun wacinyanpi kin en opapi.

8 Unkan Stephanos wowacinye wowašake ko on ojudan, taku on yušinyayapi, qa wapetokeca tanka econ, oyate kin en.

9 Unkan wicašta wanjikji omniciye tipi wan, Wicakiyuškapitawapi eciyapi kin hetanhan, qa Kurene qa Aleksandre wicašta kin, qa Kilikia qa Asia etanhanpi, hena en inajinpi qa Stephanos kici hdokinicapi.

10 Tuka Woksape Woniya ko on ie cin he okilipi šni.

11 Hehan wicašta opewicatonpi, unkan hena e, Wicašta kin qe Moses qa Wakantanka nakun wicoie šica ewicakiya, naunĥonpi ce, eyapi.

12 Hecen oyate kin, qa hunkawicayapi, wowapi kagapi ko iyowicapaštakapi; unkan anatanhipi, qa yuzapi, qa omniciye kin en ahipi.

13 Qa oitonšni waayatanin kin heca najin wicakiyapi; hena is

heyapi; Wicašta kin de tipi wakan kin de wicoope ko on taku šica eye cin ayaštan šni.

14 Jesus Nazareth etanhan qon he tipi kin de ihangye qa, wicoĥan Moses unqupi qon hena yutokeca kta ce, eya naunĥonpi ce.

15 Unkan omniciye kin en iyotankapi kin owasin opašta yukanpi, qa ite kin he maĥpiya ohnihde wan ite kin iyececa wanyakapi.

WICOWOYAKE 7.

1 Hehan wošna kagapi itancan kin heya; Hena hecetu he.

2 Unkan iye hehan heya; Wicašta hunkawanjinciyapi, ateci-yapi ko anamagoptan po. Wowitan Wakantanka kin, Abraham ateunyanpi Mesopotamia en ounye ciqon, Carran en ahiti kin he itokam, en ikpazo;

3 Qa heciya; Nita makoce qa nitakuye kin etanhan ya wo, qa makoce wan cicipazo kte cin he ekta u wo, eciya.

4 Hehan Kaldeya makoce kin etanhan hiyu qa Carran en ahiti. Hen atkuku kin qa, unkan hetanhan makoce kin en nakaha oununyanpi kin den ahiti.

5 Unkan tawa kte cin siba oahe kin hinskokeca qu šni, tuka he yuhe kta qa iyohakam cinca kin yuhapi kta e qu kta iwahoya; nahašin cinca wanica.

6 Unkan Wakantanka kaken eya; He cinca kin makoce tokeca en unhdaka unpi kta; unkan hen wowidake wicayuhapi, qa waniyetu opawinge topa hehanyan šicaya wicakuwapi kta.

7 Qa oyate kin hena wowidag wicayuhapi kte cin he wicamdaco kta; qa he iyohakam etanhan hiyupi kta qa makoce kin

WICOWOYAKE 7.

den ohomadapi kta ce, Wakan-tanka eya.

8 Hehan bakiñdayapi wicoope kin he qu. Unkan hecen Isaak cincaya, qa anpetu isahdogan hehan bakiñdaya. Isaak Jakob cincaya; qa Jakob hunkake-wicayapi akenonpapi qon cincawicaya.

9 Unkan hunkakewicayapi qon Joseph inakiwizipi, qa Egipta ekta wiyopekiyapi. Tuka Wakantanka kici un;

10 Qa wokakije kin owasin etanhan ehdaku, qa Pharo Egipta wicaštayatapi kin itokam wowaonsida woksape ko qu; unkan Egipta en wicašta itan-can kaga, qa iye ti kin ocowasin en.

11 Hehan Egipta makoce Kanan ko owancaya wicaakiñan, qa nina wicakakija; unkan hunkake wicunyanpi kin taku yutapi iyeyapi šni.

12 Tuka hehan Egipta heciya wannabeza yukan, Jakob nahon, unkan hunkake wicunyanpi kin tokaheya ekta ye wicaši.

13 Unkan inonpa hehan, Joseph hunkawanjinwicaye cin sdonkiyewicakiye, qa hehan Joseph otakuye kin Pharo en oyakapi.

14 Hehan Joseph atkuku kin wahoye qa kico, qa takuwicaye cin owasin nakun, wicanagi wikcemna šakowin sanpa zaptan.

15 Hecen Jakob Egipta ekta apamahde iyaye qa hen řa, iye qa nakun hunkake wicunyanpi kin:

16 Unkan Sucem ekta awicayapi, qa wicahnakapi wan, Abraham Sucem atkuku Emmor he cinca kin, mazaska on, opewicakicaton qon he en wicahnakapi.

17 Tuka anpetu wahoyapi, Wakantanka Abraham konza iwa-

hoye ciqon he wanna kiyadan u, hehan oyate kin icage qa Egipta en ihduotapi.

18 Hehan wicaštayatapi tokeca wan Joseph sdonye šni kin he icaga.

19 Unkan he qe takuwicunyanpi kin wicahnaye qa, hunkake wicunyanpi kin śicaya ecawicakicon, hecen hokśiyooqopa kin nipi kte šni e tankan ehpewicakiyapi qon.

20 He ehan Moses tonpi, he qe hokśiyopa owanyag wašte hinca; unkan wi yamni hehanyan atkuku ti kin ohna icañkiyapi.

21 Qa tankan ehpeyapi, hehan Pharo cunwintku kin eyaku, qa iye cinca kin hecen icañya.

22 Unkan Moses Egipta oyate wicoksape kin owasin onspekiyapi, qa wicoie, wicoñan ko on waśaka.

23 Unkan wanna waniyetu wikcemna topa, hehan hunkawanjitku Israel cinca kin wanwicahdag ye kta wacinyuza.

24 Qa wanji śicaya ecakiconpi kin he wanhdake řehan, okiye qa śicaya ecakiconpi qon he tokicicon, qa Egipta wicašta kin kaštaka.

25 Hunkawanjitku kin, iye nape kin on Wakantanka wiconi wicaqu kte cin he iyukanpi kta kecin, tuka okañnigapi šni.

26 Ihanñanna hehan ake kiczapi kin en taniniřiye qa wooikiye wicakicage kta wacin qa heya; Wicašta hunkawanjin yeciyapi, tokeca śicaya ecayeciconpi he.

27 Tuka tuwe takodaku kin śicaya ecakicon kin he paha iye-ye qa, Tuwe unkiyepi en wicašta itancan qa wayaco nicaga he.

28 Egipta wicašta itanihan yakte qon he iyecen mayakte kta he, eya.

OĦANYANPI QON.

29 Wicoie kin de on Moses nape a Madiyan makoce kin en hewotahedan un, a hen hoksidan nom cinca wicaya.

30 Unkan wanna waniyetu wikcemna topa ihunniyan, hehan hewoskan makoce kin en Sina Paha kin hetu, can yuħaħa wan ohna peta ide kin en, Itancan taohnihde wan taniniiya.

31 Unkan Moses he wanyake ehan, wowanyake kin on yuħinyaya; a tanyan wanyake kta e on kiyedan ya, hehan Itancan ho kin en tanin;

32 a, Nihunkake Wakantanka tawapi kin he miye; Abraham ta Wakantanka, Isaak ta Wakantanka, a Jakob ta Wakantanka kin, eya. Unkan Moses cancan a ekta etonwan okihi ŗni.

33 Unkan Itancan kin heciya; Nitahanpe kin hduŗdoka wo, tukten nayajin kin he maka wakan ce.

34 Ekta ewatonwe a, Egipta en mitaoyate token kakijapi kin he wanmdake a comnihdazipi kin nawaħon, a wicawakiyuŗke kta e on kun hibu; unkan nakaha u wo, Egipta ekta ye ciŗi kta.

35 Moses aktapi ŗni a; Tuwe wicaŗta itancan a wayaco nicaga he, eciyapi qon he Wakantanka wicaŗta itancan wanikiya ko kage a ye ŗi, maħpiya ohnihde can yuħaħa kin en taniniiye cin he nape kin on.

36 Unkan hee tankan awicau, a taku on yuħinyayapi wapetokeca ko, Egipta makoce kin en, Mde ŗa ekta, a hewoskan makoce kin etu, waniyetu wikcemna topa hehanyan econ.

37 Moses Israel cinca kin; Hunkawanjin wicayayapi etanhan wicaŗta wokcan wan miye

iyemaceca, Itancan Wankantanka nitawapi kin icaħniciciyapi kta, he anayagoptanpi kta ce, ewicakiye ciqon he dee.

38 a hewoskan makoce kin ekta okodakiciye kin kici un qon hee, Sina paha kin etu, maħpiya ohnihde kin okiye a nakun hunkake wicunyanpi kin; a he wiconi oie kin unqupi kta e icu.

39 Unkan hee kin hunkake wicunyanpi kin anagoptonpi cinpi ŗni, tuka heyata iyeyapi, a can-tepi kin en Egipta ekta hdapi.

40 a Aaron heciyapi; Taku wakan unkitokam yapi kte cin un-kicaga po; Moses Egipta makoce kin etanhan unkaupi qon he tokiya iyaya sdonunyanpi ŗni ce.

41 Unkan anpetu kin hena en ptejicadan wan kagapi, a wakagapi kin he taku wakiyuŗnapi, a iye nape kagapi kin on wiyuŗkinpi.

42 Hehan Wakantanka ihduhomni, a maħpiya ohnaka kin ohodapi kta e awicayuŗtan; wicaŗta wokcan tawowapi en kagapi kin he iyececa; Israel ti kin woteca ktepki woŗnapi ko, hewoskan makoce kin en, waniyetu wikcemna topa hehanyan mayaqupi he.

43 Unkan ito Molok tawakeya kin, a Remphan taku wakan yadapi wicanħpi tawa kin he iyacupi; hena wakagapi kin itokam canpeŗka makehde inayajinpi kta e yakagapi: Unkan ito Babulon akotanhan aciyapi kta ce.

44 Hunkake wicunyanpi kin hewoskan makoce kin en waayatani wakeya kin yuhapi; tuwe Moses okiye a, token wanyake cin he iyecen kage kta keciye ciqon, hee yuŗtan qon iyececa.

WICOWOYAKE 8.

45 He hunkake wicunyanpi kin icupi, qa Joshua kici lkecwicašta tamakoce kin en ahipi, hena e Wakantanka hunkake wicunyanpi itepi kin etanhan heyata iyaye wicaya, Dawid taanpetu kin behanyan ;

46 He Wakantanka itokam wowaonsida iyeye ça, Jakob ta Wakantanka kin tipi wan iye-kiciyiye kta cin.

47 Tuka Solomon tipi wan kicaga.

48 Hececa tuka, Iyotan Wankan un kin tipi wicanape on kagapi kin ohna ti šni ; wicašta wokcan hecen eye cigon ;

49 Mašpiya kin he oiyotanke mitawa kin ee, qa maka kin he misiha oahe kin hee ; ecin tukte tipi miyecagapi kta he, qa tukten ozimiciyiye kta he.

50 Minape kin taku henana owasin kage šni he, Itancan kin eya ce.

51 Tahu nisutapi, qa cante noge ko banicidayapi šni kin, ohin-niyan Woniya Wakan kin yakipajinpi, nihunkakepi econpi qon he niye iyenicceapi.

52 Wicašta wokcan kin tukte wanji e nihunkakepi kin šicaya kuwapi šni he. Wanji Owotanna un kin he u kte cin tona oyakapi qon hena wicaktepi ; qa he qe niš niyepi wanna iyopeyayapi qa yaktepi.

53 Mašpiya ohnihde ahipi kin he eciyatanhan wope kin iyacupi, tuka tanyan yeciyuhapi šni ce, eya.

54 Unkan hena taku kin nahonpi hehan, cante kin ekta nina iyoyakapi, qa hi ahdakokokapi.

55 Tuka iye Woniya Wakan kin ojudan mašpiya ekta opahta yanke ça, Wakantanka towitan kin, qa Jesus Wakantanka etapa

kin eciyatanhan najin e he wan-yaka ;

56 Qa heya ; Wanyaka po, mašpiya kin yuzamnipi, qa Wicašta Cinhintku kin Wakantanka etapa kin eciyatanhan najin e wanmdaka ce, eya.

57 Hehan hotankakiya hotaninpi, qa nogepi kin ohmus hduzapi, qa tawacin wanjidan on iyahpayapi ;

58 Qa otonwe kin tankan ehpeyapi, qa inyan on kininpi. Unkan waayataninpi kin wokoyake kin koška wan, Salos eciyapi, he siha kin en ekihnakapi.

59 Unkan Stephanos inyan on kininpi, he icunhan cekiye ça heya, Jesus Itancan, minagi kin ehdaku wo.

60 Hehan canpeška makehde inajin qa hotankakiya boyekiya ; Itancan woahani kin de iyepi kin en awicau šni wo. Hena hecen eye ça hehan ištınma iyaya.

WICOWOYAKE 8.

1 Unkan he te cin Salos iyowinkiya. Unkan anpetu kin he en okodakiciye Jerusalem en un kin šicaya wicakuwapi tanka. Qa owasin Juda makoce qa Samaria ekta enanakiya iyewicayapi, yewicašipi kin henana yapi šni.

2 Unkan wicašta awacin unpi kin heca Stephanos yuha ayapi, qa nina akiceyapi.

3 Tuka Salos okodakiciye kin yutakuni šni wicakuwa, tipi iyaza tin iyaye ça, wica winyan ko wicayuze ça, wicakaška tipi kin en iyewicaya.

4 Heon etanhan tona enanakiya iyayapi qon hena owancaya iyayapi, qa wicoie kin oyakapi ece.

5 Hehan Philip Samaria oton-

OHANYANPI QON.

we kin ekta apamahde iyaye ça, Messiya owicakiyaka.

6 Unkan oyate kin Philip taku wapetokeca econ kin nahonpi qa wanyakapi qehan, taku tona oyake cin cante wanjidan on anagoptanpi.

7 Taku wakan síca hotankakinya hotaninyan tona wicayuhna-şkinyanpi kin etanhan inanpapi, qa tona taťapike cin huştepi ko ota okizipi.

8 Unkan otonwe kin he en wiyuşkinpi tanka.

9 Unkan wicaşta wan Simon eciyapi, otonwe kin he en wanakaja tanhan wapiyapi econ, qa Samaria oyate kin yuşinyewicaye ça, iye wicaşta tanka keiciya.

10 He owasin anagoptanpi, cistinpidan tankinkinyan ko, qa; Wakantanka towaşake tanka kin he dee ce, eyapi.

11 Wanakaja tanhan wapiyapi econ kin on yuşinyewicaye cin heon he anagoptanpi.

12 Tuka Wakantanka tokiconze kin, qa Jesus Messiya caje kin eciyatanhan taku Philip oyake cin hena wicadapi qehan baptem wicaqupi, wica winyan ko.

13 Qa Simon is eya wicada, qa baptem qupi; hehan Philip kici un, qa wowakta taku wapetokeca tanka ko wanyake cin heon yuşinyaya.

14 Unkan Jerusalem ekta yewicaşipi kin, Samaria Wakantanka oie kin icupi kin he nahonpi qehan, Inyan qa Johannes kici ekta ye wicaşipi.

15 Hena e ekta apamahde hipi, qa Woniya Wakan icupi kta heon wocekiye ewicakiciyapi.

16 He nahahin tuwedan ahinhe şni, Jesus Itancan caje kin on baptem wicaqupi kin hecedan.

17 Hehan nape on awicaputakapi, unkan Woniya Wakan kin icupi.

18 Unkan yewicaşipi kin nape on awicaputakapi kin he eciyatanhan Woniya Wakan wicaqupi kin he Simon wanyaka, hehan mazaska wicakahi;

19 Qa heya; Tuwe nape on awaputake cinhan he Woniya Wakan icu kta e wowaşake kin he maqu po.

20 Tuka Inyan heciya; Mazaska nitawa kin niye kici atakuni şni nunwe. Taku Wakantanka wicaqu ece kin he mazaska on opetonpi kta kecanni kin heon etanhan.

21 Wicoie kin de en oyape şni qa takudan nitawa şni; Wakantanka itokamya nicante kin owotanna şni.

22 Heon etanhan taku síce cin de on iyopeiciye ça, Wakantanka cekiya wo, nicante taku awacin kin nicicajujupi nun ce.

23 Nahanhin pizi pa hinca, qa woahitani icaşke kin en yaun e wanmdaka ce.

24 Hehan Simon ayupte ça heya; Taku ehapi kin takudan mahiyahde kte şni heon niş ito miye on Itancan kin cekiya po.

25 Unkan wanna yaotaninpi, qa Itancan oie kin oyakapi qehan, Jerusalem ekta icicawin hdapi, qa Samaria otonwe ota kin en wotanin waşte kin oyakapi.

26 Unkan Itancan taohnihde ye cin Philip okiye ça heciya; Najin qa itokahkiya, canku wan Jerusalem hetanhan iyaye ça Gaza en iyohpaye cin he en i wo, he hewoskan kin ee.

27 Hehan iye najin, qa-iyaya. Unkan iho, Ethiopia wicaşta wan yunokos heca, Ethiopia wicaşta-

WICOWOYAKE 9.

yatapi winohinca, Kandake eciyapi, he ihukuya wicašta tanka, qa woyuha tawa kin owasin kiciyuha un kin, he Jerusalem ekta cekiyē kta e i.

28 Qa he wanna hde ça canpahmihma ohna kiyotanke ça, Isaya wicašta wokcan kin he yawa yanka.

29 Unkan Woniya Wakan kin Philip heciya; Ekta ye ça canpahmihma kin de kici ya wo.

30 Hehan Philip ekta inyang ye ça Isaya wicašta wokcan kin yawa yanke cin he nahon qa; Taku dawa kin he oyakahniga he, eciya.

31 Unkan; Tuwedan onspemakiye ūni ecin token owakihi kta he, eye ça, Philip en u qa kici iyotanke kta, keya.

32 Wowapi yawa yanke cin iapi kin he dee; Tahinca wan ktepi kte cin en aipi, qa tacincadan hin wicayusda kin itokam inina yanke cin, he iyecan is iye i hdukawa ūni.

33 Wicawahpanica en un qehan, yacopi kin he ekiciyakupi; qa wicoicage tawa kin tuwe oyake kta he; wiconi tawa kin maka kin etanhan ayapi ce.

34 Hehan yunokos kin Philip ayupte ça heciya; Ceciciya ce, tuwe on wicašta wokcan kin hena hecen eya he, iye icica qa is wicašta tokeca ka.

35 Hehan Philip i hdukawa qa wewapi kin he etanhan ie ça Jesus e okiyaka.

36 Unkan canku kin ohna hda-pi, qa mini yuke cin wan iyohipi. Hehan yanokos kin; Mini wan-yaka wo, baptem maqupi kta e taku tehinda kta he, eya.

37 Unkan Philip, Nicante kin ocowasin on wicayada kinhan enicicetu kta, eciya. Hehan is ayupte ça; Jesus Messiya he

Wakantanka Cinbintku kin ee wicawada ce, eya.

38 Hehan canpahmihma kin owanji yanke ūi; qa mini kin ekta kun iyayapi, Philip qa yunokos kin; unkan baptem qu.

39 Unkan mini kin etanhan hdicupi qehan, Itancan Taniya kin Philip eyaku, qa yunokos kin ake wanyake ūni; unkan canku kin ohna iyuskinyan hda.

40 Tuka Philip Azotos ekta iyekiyapi; qa otonwe kin owasin opta ye ça wotanin wašte kin oyaka, ecen Kesareya ekta iyohi.

WICOWOYAKE 9.

1 Unkan Salos waaiapi tin wicaktepi ko Itancan waonspewicakiye cin awicapogan, woūna kagapi itancan kin en i;

2 Qa Damaskos en omniciye tipi kin ekta wowapi da; hecen canku kin de ohna yakonpi kin tona iyewicaye kte cin, wicawinyan ko, Jerusalem ekta kaska awicahdi kta e heen.

3 Unkan icimani ye cin Damaskos ikiyedan ya; unkan ihnuhana ojanjan wan mahpiya eciyatanhan ihduūsan iyoyanpa.

4 Hehan makata hinūpaye qehan, wicaho wan nahon, Salos, Salos, tokeca ūicaya mayakuwa he, eciya.

5 Unkan is; Itancan nituwe he, eya. Hehan Itancan kin is; Jesus ūicaya yakuwa kin he miye; can pesto kin nayahake cin he tehika ce, eya.

6 He cancan qa yusinyaye ca; Itancan taku ecamon yacin he, eya. Unkan Itancan kin; Najin qa otonwe kin ekta ya wo, token eanon kte cin oniciyakapi kta ce, eciya.

7. Unkan wicašta om icimani kin yusinyaya najinpi, wicaho

OHANYANPI QON.

kin nañonpi tuka tuwedan wan-
yakapi šni.

8 Unkan Salos maka kin etan-
han najin qa išta kamdaya he-
han, tuwedan wanyake šni; un-
kan nape on yus ayapi, qa Da-
maskos ekta aipi.

9 Unkan anpetu yamni wawan-
yake šni un; qa takudan yute
šni qa yatke šni.

10 Unkan Damaskos en waon-
spekiyapi wan, Ananias eciyapi,
he wowihanmde en Itancan kin;
Ananias, eciya. Unkan is; Itan-
can, de miye ce, eya.

11 Hehan Itancan kin heciya;
Najin qa canku wan Owotanna
eciyapi kin he ekta ye ça Judas
ti kin en Salos eciyapi, Tarsos
etanhan he akita wo; wanna
cekiya un;

12 Qa wowihanmde wan en wi-
cašta wan Ananias eciyapi tin
hiyu, qa tonwe kta e on nape on
aputake cin he wanyaka ce.

13 Hehan Ananias ayupta; I-
tancan, wicota etanhan wicašta
kin he Jerusalem ekta, tona owo-
tanna wicaduhe cin taku šica
ecawicakicon kin hena nawa-
hon;

14 Qa deciya nakun wošna ka-
gapi kin eciyatanhan wowašake
yuha un, tona nicaje hoyekiyapi
kin hena owasin wicakaške kta
ce, eya.

15 Tuka Itancan kin is heciya;
Hunktiya wo, wakšica wakalini-
ge cin he wanji ee, micaje kin
lkewicašta, qa wicaštayatapi
kin Israel cinca ko itokam yuha
un kta:

16 Qa micaje kin on taku token
kakije kte cin he wakipazo kta
ce, eya.

17 Hehan Ananias ye ça, tipi
kin timahen iyaye ça, nape on
aputake ça heya; Salos mihun-
kawanji, yatonwe ça Woniya

Wakan on onijudan kta e Itan-
can kin u maši; Jesus canku
ohna yau kin en taniniçiye ci-
qon hee.

18 Unkan ihnuhanna taku ho-
cešpu kin iyececa išta kin etan-
han hinhpaya; unkan ecahan-
keya tonwe ça najin, qa baptem
qupi.

19 Unkan taku yutapi icu qe-
han, wašuka aya. Unkan Salos
anpetu tonana waonspewicaki-
yapi kin, Damaskos en yakonpi,
hena om un.

20 Qa kohanna omniciye tipi
kin ohna Messiya he Wakantan-
ka Cinhintku kin ee ce, eya oya-
ka.

21 Unkan tona nañonpi kin
owasin yušinyayapi qa heyapi;
Jerusalem ekta tona wicacaje
kin de hoyekiyapi kin šicaya
wicakuwa, qa nakaha wicakaške
ça, wošna kagapi kin ekta awi-
caye kta e on den hi kin he dee
šni he.*

22 Tuka Salos sanpa wašaka
icage ça Juda wicašta Damaskos
ekta yakonpi kin hena inina yan-
ke wicakiye ça, He Messiya
kin ee e yawicaka.

23 Wanna anpetu ota hehan
Juda oyate kin he že yapi kta e
akiipi.

24 Tuka hecen konzapi kin he
Salos sdonya. Unkan ktepi kta
e anpetu hanyetu ko otonwe ti-
yopa kin awanhdakapi.

25 Hehan waonspewicakiyapi
kin hanyen icupi, qa makanopi-
ye wan ohna otonwe conkaške
kin etanhan kun iyeyapi.

26 Unkan Salos Jerusalem en
hdi qehan, waonspewicakiyapi
kin om un kta cin; tuka owasin
kokipapi, qa wanna waonspeki-
yapi kin heca e wicadapi šni.

27 Tuka Barnabas he icu, qa
yewicašipi kin en abi, qa token

WICOWOYAKE 10.

tapehi Itancan kin wanyake ça, he okiye ça, token Damaskos ekta Jesus caje kin on waditagya oyake cin hena owicakiyaka.

28 Unkan Jerusalem ekta om un, qa timahen u qa tankan ya ece; qa Jesus Itancan kin on wasagya woyaka.

29 Qa Helenes oyate kin om hdokinica. Tuka hena eqe he ktepi kta akitapi.

30 Hunkawanjin kiciyapi kin he sdonyapi, unkan Kesareya ekta aipi, qa Tarsos heciya hde sipi.

31 Hehan okodakiciye kin Juda makece kin owancaya, qa Galile, qa Samaria ekta wookiye yuhapi, qa icagapi; qa Itancan kin kokipeyahan manipi, qa Woniya Wakan wicakicanpte cin en unpi, qa hecen ihduotapi.

32 Unkan Inyan *makoce* kin owasin opta iyaye çehan, Ludda ekta wicašta owotanna yukampi kin hena en wicahiyohi.

33 Qa wicašta wan Eneas eciyapi hen wanyaka; he waniyetu şahdogan makan wanka, taçaka ececa.

34 Unkan Inyan; Eneas Jesus Messiya asniniyan, najin qa owinja hdatata wo, eciya. Unkan ihnuhanna najin hiyaya.

35 Unkan tona Ludda qa Saron en yakonpi kin owasin he wanyakapi, qa Itancan kin ekta ihduhomnipi.

36 Unkan Joppa ekta waonspekiyapi wan Tabitha eciyapi, he Tatokadan eyapi kin he kapi; winohinca kin he ohan wašte qa taku wacantkiya econ kin ojudan:

37 Unkan he anpetu kin hena en wayazanka, qa ta iyaya. He yujajapi qehan, wankan tipi wan ekta ehnakapi.

38 Unkan Ludda Joppa ikiyedand, qa Inyan hen un kin waon-

spewicakiyapi kin nañonpi qon, heon wicašta nom ekta ye wicašipi, qa ecadan en wicau kta e iwahoyapi.

39 Hehan Inyan najin qa hena om hda. Ekta i, unkan wankan tipi kin en aipi, unkan wiwazica kin owasin en najinpi, qa ohde wokoyake ko, Tabitha ni un qehan, kage ciqon hena pazo yan-kapi, qa ceyapi ece.

40 Tuka Inyan hena owasin tankan iyewicaye ça, canpeška makehde inajin qa wocekiye eya, hehan tancan wanke ciu ekta ihdamna qa; Tabitha, najin wo, eya. Unkan išta kamdaye ça Inyan wanyake çehan iyotanka.

41 Unkan nape yekiye ça najinkiya; qa wicašta owotanna wiwazica ko wicakico qehan, he ni un e wicakipazo.

42 Unkan Joppa owancaya he otanin, qa wicota Itancan kin wacinyanpi.

43 Unkan Inyan anpetu ota Joppa en, wicašta wakpanyan wan Simon eciyapi, he kici yan-ka.

WICOWOYAKE 10.

1 Unkan Kesareya en wicašta wan Kornelios eciyapi, akicita opawinge obe wanjidan, Italike eciyapi, kin he en itancan kin hee;

2 Wicašta wakinihan, qa Wakantanka kokipeyahan un, tiyohnaka kici; qa oyate kin nina cantewicakiya, qa ohinniyan Wakantanka cekiya un ece.

3 He qe anpetu wan en, nacinwanka apa hehantu, wowan-yake wan en, Wakantanka tao-hnihde wan en hi, qa, Kornelios, eciye cin he taninyan wanyaka.

4 Unkan he opahta yanke ça inihan qa; Itancan taku he, eya.

OHANYANPI QON.

Unkan ís ito heciya ; Wocekiye nitawa qa wacantkiya oyahande cin he Wakantanka itokam kiksuyapi.

5 Heon nakaha Joppa ekta wicasta ye wicasi, qa Simon Inyan eciyapi kin he kico wo.

6 Wicasta wakpanyan wan Simon eciyapi ti kin miniwanca kahda han, he kici yanka. He token ecanon kte cin oniciyake kta ce.

7 Unkan mahpiya ohnihde Kornelios okiye cin he wanna kihda, hehan tiawanyag wicakiye cin nom, qa akicita waste ohinniyan tankiyadan wicahduhe cin wanjidan, hena wicakico ;

8 Qa hena taku kin owasin owicakiyake cehan, Joppa ekta ye wicasi.

9 Unkan icimanipi, qa ihanhanna wanna otonwe kin ikiyadan, hehan Inyan tipi kin akan wocekiye eya iyaya, wanna wiyotanhe cin behantu.

10 Nina wotektehda, qa wote kta cin, tuka taku yutapi wiye-ya ehnakapi kin he icunhan wokiksuye sni wan ahinhpaya.

11 Unkan mahpiya kin yuzamnipi e wanyaka, qa heciyatanhan taku wan minihuha ska tanka iyececa, oise topa kin iciyakaškapi he kutkiya u, qa maka kin ahe kiyapi.

12 He ohna taku maka akan wahutopa ocaje owasin, qa woteca, qa watutka, qa mahpiya okinyanpi kin.

13 Unkan wicaho wan tanin qa ; Inyan, najin, qa kte, qa yuta wo, eciya.

14 Tuka ís ; Itancan, hecetu sni, tohinmi taku ikceka qa asape cin wate sni ce, eya.

15 Unkan ake icimonpa wicaho kin tanin qa ; Taku Wakantan-

ka pakinte cin he ikceka eciye sni wo, eya.

16 Yamni akihde hecen econpi, qa hehan taku kin he mahpiya kin ekta akiyahdapi.

17 Unkan Inyan wowanyake wanyake cin he taku kin iyukan sni un, he icunhan, ito wicasta Kornelios u wicasi qon hena Simon ti kin akitapi, qa wanna tiyopa kin itokam en hinajinpi ;

18 Qa panpi qa ; Simon Inyan eciyapi den yanka he, eya iwicawangapi.

19 Wowanyake kin he Inyan awakicin un kin he icunhan, Woniya Wakan kin heciya ; Wanyaka wo, wicasta yamni onidepi.

20 Heon najin qa kun hde ca, takudan cetunhda sni om ya wo, hena u wicawasi ce, eya.

21 Hehan Inyan wicasta Kornelios u wicasi qon hena ekta kun wicai, qa ; Tuwe ayakitapi kin he miye ce ; taku on yahipi he, ewicakiya.

22 Unkan ís heyapi ; Kornelios akicita opawinge wicayuhe cin, wicasta owotanna, qa Wakantanka kokipeyahan un he Juda oyate kin iyuhpa oyakapi, hee mahpiya ohnihde wakan wan okiye ca, tuwe nihuwe u wicasi, qa iye ti kin ohna nioie kin nahon kta, keya ce, eyapi.

23 Hehan tin u wicasi qa won wicaya. Unkan ihanhanna Inyan hena om hda, unkan Joppa etanhan hunkawanjinkiciyapi kin wanjikji opapi.

24 Unkan ihanhanna qehan Kesareya iyohipi. Unkan Kornelios tona takuwicaye ca koda wicaye cin hena wicakico, qa om ape yanka.

25 Unkan Inyan en u, hehan Kornelios itkokim ye ca, siha

WICOWOYAKE 10.

kin en makata ehpeiçiye ça ce-kiya.

26 Tuka Inyan ís najin kiye ça; Najin wo, mís eya wima-çašta ce, eya.

27 Qa kici wohdaka ecen tipi kin timahen i, qa wicota mnici-yapi kin wanwicayaka.

28 Hehan hewicakiya; Tuwe Juda wicašta kin heca e oyate tokeca etanhan wan kici un, qa en hi kin he hecetu šni e sdon-yayapi, tuka tuwedan wicašta ikceka qa ašape cin ewakiye kte šni he Wakantanka sđonye ma-kiya.

29 Heon etanhan mahuwe ipi kin ecen waceřunhda šni hibu, heon taku on miyecopi hecinhan he iciwangapi, eya.

30 Unkan Kornelios heya; Wanna ehantanhan anpetu topa he ehan, qa nakaha oape kin de-hantu, wote šni waun, qa napcin-wanka ape cin behan wati kin en cekiya waun; unkan wicašta wan wokoyake wiyatpa koyake cin he en mahinajin;

31 Qa, Kornelios wocekiye ni-tawa kin he nařonpi, qa taku wacantkiya ecanon kin he Wa-kantanka itokam kiksuyapi ce.

32 Heon Joppa ekta tuwe ye ši, qa Simon Inyan eciyapi kin he kico wo; he wicašta wakpan-yan wan, Simon eciyapi, ti kin miniwanca kahda he cin he ohna yanka. He hi kinhan taku eniciye kta ce, eya.

33 Heon kohanna wahociya; qa yahi kin he tanyan ecanon. Heon nakaha unkiyepi kin owa-sin Wakantanka itokam unkanpi, taku Wakantanka eye niši kin owasin naunřonpi kta ce

34 Hehan Inyan i hdukawa qa heya; Awicakehan Wakantan-ka wicašta itohňake kin iwanya-ke šni e imdukcan.

35 Tuka oyate otoiyo hi en, tu-we kokipeyahan un, qa owotan-na ohanye cin he waštedaka ece.

36 Jesus Messiya kin, owasin en Itancan kin hee, he eciya-tanhan wicoie Israel cinca kin wookiye iwahowicayapi qon.

37 Wicoie kin he sđonyayapi, Juda makoce kin owancaya oya-kapi, Galile etanhan, Johannes baptem oyake cin hehan tanhan.

38 Jesus Nazareth etanhan kin he Wakantanka sđakiya, Wo-niya Wakan wowašake ko on; qa he qe taku wašte econ iyaya ece, qa tona taku wakan šica wi-cayuhnaškinyan kin hena okizi-wicaya ece, Wakantanka kici un kin heon.

39 Qa taku Juda oyate tama-koce, qa Jerusalem ekta econ qon owasin unyaotaninpi ece. He iye kin ktepi, qa can wan akan otkeyapi qon.

40 Tuka anpetu iciyamni qe-han Wakantanka piya icalhiye ça, taninyan wicakipazo.

41 Oyate kin iyuhpa šni, tuka tona otokaheya ekta Wakantan-ka wicakaňnige ciqon hena en, waayataninpi kin unkiyepi, wi-conře etanhan piya ikicage cin iyohakam kici wauntapi qa wa-unyatkanpi ece.

42 Unkan oyate kin wahokon-wicakiye unšipi qa nipi řapi ko en wayaco Wakantanka kage cin he iye ce, eya oyake unšipi.

43 He wicašta wokcan kin owasin oyakapi; iye caje kin eciyatanhan tuwe wicada kin-han woařtani wokajuju kin yuhe kta ce.

44 Wicoie kin dena Inyan ecen eye cin he icunhan, tona őie kin nařonpi owasin Woniya Wakan kin awicahinřpaya.

45 Unkan bakiňdayapi kin etan-

hanpi tona wicadapi qon, tona Inyan kici hipi kin hena yuŝin-yayapi, Woniya Wakan wicaqu-pi ece kin he Ikcewicaŝta iyepi kaes awicakaŝtanpi kin heon etanhan.

46 Wicaceji tokeca on iapi, qa Wakantanka yatanpi kin he nahonpi. Hehan Inyan waayupte a ;

47 Tuwe mini tehinda okihi, qa hena baptem wicaqupi kte ŝni he ; hena ege unkiyepi kin iyecen Woniya Wakan kin icupi ce, eya.

48 Hehan Itancan caje kin on baptem wicaqu wicaŝi. Hehan anpetu ota en yanke kta e iceki-yapi.

WICOWOYAKE 11.

1 Unkan yewicaŝipi kin hunkawanjinkiciyapi ko, Juda makoce kin en yakoupi qon, Ikcewicaŝta Wakantanka oie icupi kin he nahonpi.

2 Unkan Inyan Jerusalem en hdi kin, hehan tona bakilidayapi kin etanhanpi qon he kici akini-capi ;

3 Qa heyapi, Wicaŝta bakilidayapi ŝni kin heca en wicayai, qa om wayata ce.

4 Hehan Inyan wohdake a owasin eceken owicakiyake a heya ;

5 Joppa otonwe kin en, woccekiye eya waun, unkan wokiksuye ŝni wan en taku wowanyake waumdaka, taku wan minihulha ska tanka iyececa, oise topa kin icyakaŝkapi maĥpiya kin eciyatanhan kun aupi, qa miye eka mahiyohi.

6 He opalita manke a awacin waun, unkan maka akan taku wahutopa, qa wamanica, qa wanutka, qa maĥpiya okinyanpi kin wanmdaka.

7 Unkan wicaho wan ; Inyan najin, qa kte, qa yuta wo, emakiye cin he nawahon.

8 Tuka miŝ ; Itancan hecetu ŝni, taku ikceka qa aŝape cin tohinni mii kin ohna iyaye ŝni, epa.

9 Tuka maĥpiya kin eciyatanhan wicaho kin ake amayupta ; Taku Wakantanka pakinte cin he ikceka eciye ŝni wo, eya.

10 Yamni akihde hecen econpi, qa hehan maĥpiya kin eka owasin hdokiyahdapi.

11 Unkan ito wicaŝta yamni, Kesareya etanhan miye eka mahiyu ŝipi qon, hena wanna tipi ohna waun kin itokam hina-jinpi.

12 Hehan Woniya Wakan kin iŝ ; Takudan ceĥunwicahda ŝni hena om yahde kta ce, emakiya. Unkan hunkawanjinkiciyapi kin dena ŝakpe om indamde a wicaŝta qon he ti kin en unkipi.

13 Hehan iye, token maĥpiya ohnihde wan iye ti kin en hina-jin wanyake ciqon he unkokiyakapi ; hee kin kaken eciya ; Joppa eka wicaŝta ye wicaŝi, qa Simon Inyan eciyapi kin he u ŝi wo.

14 He taku eniciye kte cin on yani kta, qa nakun tiyohnaka nitawa kin owasin, eya ce, eya.

15 Unkan miŝ tokaheya iwae cin, hehan Woniya Wakan kin awicahinĥpaya, tokag ehan unkiyepi kin en hi qon iyececa.

16 Hehan Itancan oie qon weksuya ; Awicakehan Johannes mini on baptem wicaqu, tuka niyepi kin Woniya Wakan on baptem niĥupi kta ce, eye ciqon he.

17 Hecen unkiye Jesus Meŝiya Itancan kin wicaundapi, Wakantanka taku unqupi qon he iyecen wicaqu kinhan, miŝ

WICOWOYAKE 12.

matuwe he, Wakantanka anawap-
pte kta owakihi he.

18 Hena oie kin nahonpi un-
kan inina yukanpi qa Wakan-
tanka yatanpi qa heyapi; Awi-
cakehan Ikcewicašta on nipi kta
e ihduacetupi kin Wakantanka
wicaqu ce.

19 Unkan Stephanos te cin on
šicaya wicakuwapi qon, heon
enanakiya iyewicayapi kin hena
Phenike, qa Kupros, qa Antiyoka
ekta ipi, qa wicoie kin Juda oya-
te kin ecedan owicakiyakapi.

20 Unkan hena wanjikji Ku-
pros qa Kurene wicašta kin he-
ca, hena Antiyoka en hipi qe-
han, Helenes wicašta kin wowi-
cakiyakapi, qa Jesus Itancan
kin oyakapi.

21 Unkan Itancan nape kin he-
na om un, qa wicota wicadapi,
qa Itancan kin ekta ihduhomni-
pi.

22 Hena taku kin okodakici-
ye Jerusalem en un kin nogepi
kin en otanin, hehan Barnabas
Antiyoka ekta i kta e ye šipi.

23 He ekta i, unkan Wakan-
tanka towaonsida kin wanyake
čehan iyuškin, qa cante kin oco-
wasin on Itancan kin opapi kta
e owasin iwahokonwicakiya.

24 He wicašta wašte, qa Wo-
niya Wakan wacinyapi ko on
ojudan. Unkan wicota Itancan
kin opapi.

25 Hehan Barnabas Salos aki-
te kta e Tarsos ekta iyaya. He
iyeya, unkan Antiyoka en ahdi.

26 Qa waniyetu mdoketu ahna,
tipi wakan kin en mniciyapi, qa
oyate ota waonspewicakiyapi;
unkan Antiyoka ekta, waonspe-
wicakiyapi kin tokaheya Kris-
tian ewicakiyapi.

27 Unkan anpetu kin hena en,
wicašta wokcan Jerusalem etan-
han Antiyoka ekta hipi.

28 Hena wanji, Agabos eciyapi
kin he inajin, qa maka kin owan-
caya wicaakihan wan tanka u
kta e Woniya Wakan kin eciya-
tanhan oyaka. Unkan he Kla-
dios Kesar taanpetu kin en ece-
tu.

29 Unkan hehan waonspewica-
kiyapi kin otoiyohipi, token oki-
hipi kin, hecen hunkawanjitektupi
Juda makoce kin en yakonpi
kin, wawokiyapi kin wicaqupi
kta e konzapi.

30 Hecen econpi, qa Barnabas
Salos kici napepi kin on hunka
wicayapi kin wicakaš wicašipi.

WICOWOYAKE 12.

1 Unkan hehan Herod wica-
štayatapi kin okodakiciye kin
wicakiyuše kta e nape yekiya;

2 Qa Jakob Johannes cincu
qon he mazasagye on kte.

3 Qa he Juda oyate kin iyoki-
pipi e wanyake čehan, Inyan
nakun yuze kta aya; aguyapi
on napohyapi codan anpetu kin
he ehan.

4 Unkan he iyahpaye čehan,
wicakaška tipu kin en ehna ke
čakicita ake šakpe awanyag wi-
caši, wošnapi kin enakiyapi kin-
han oyate kin ekta tankan au
kta kecin.

5 Hecen Inyan wicakaška tipu
kin ohna awanyakapi; unkan on
okodakiciye kin Wakantanka
nina cekiyapi.

6 Unkan Herod wanna tankan
au kta hehan, hanyetu kin he en
Inyan akicita nom, unma itan
anokatanhan iština wanke ča,
maza icicahiha nom on iyaka-
škapi, qa tiawanyag kiyapi kin
hena tiyopa kin itokam wicaka-
ška tipu kin awanyakapi.

7 Unkan inyan, Itancan taohni-
hdeye cin en hi, qa ojanjan wan

OHANYANPI QON.

wicakaška tipi kin en iyoyanpa ; unkan Inyan cuwi kin en ape ça najin kiye ça heya ; Kohanna najin wo. Unkan maza icicahiha kin nape kin etanhan hinŋpa-ya.

8 Hehan maŋpiya ohnihde kin ; Ipihdag kiton qa hanpokihan wo, eciya. Unkan is ecen econ. Hehan ; Sina hdowin qa miya-hna u wo, eciya.

9 Hehan tankan ya ; unkan is eya ihakam ye ça, maŋpiya ohnihde taku ecakicon kin he wicakapi kin sdoneyeni ; tuka wowan-yake wan wanyaka kecin.

10 Unkan wicakašta tipi tokaheya qa iyokihe kin etanhan hinan-papi, hehan maza tiyopa kin en iyohipi, he otonwe kin ekta iyahde, he iye cinka wicakiyuhdog iyaya. Unkan tankan yapi, qa canku wanjidan ihunnipi, hehan maŋpiya ohnihde kin eŋpeya kihda.

11 Unkan Inyan kiksuya hinhda qa heya ; Nakaha awicakehan Itancan kin ohnihde tawa kin u ši, qa Herod nape kin, Juda oyate aepi ko, owasin etanhan emahdaku e sdonwakiya ce.

12 Unkan he awakicin qehan, Johannes Markos eciyapi kin, he hunku Mary ti kin ekta i, hen wicota mniciyapi, qa cekiya yukanpi.

13 Unkan Inyan tipi tiyopa kin kabubu yanke cin he icunhan, wicinyanna wan Rhoda eciyapi, he ekta wanaŋon i :

14 Qa Inyan ho kin iyekiye qehan, wowiyuŋkin on tiyopa yuhdoke ŋni, tuka inyang hdicu qa, Inyan tiyopa kin itokam najin e oyaka.

15 Unkan, Niyuhmaŋkinyanpi ce, eciyapi. Tuka is hecen eya kitan. Hehan, Maŋpiya ohnihde tawa kin hee ce, eciya.

16 Tuka Inyan katinyan tiyopa kin kabubu yanka. Unkan yuhdokapi qa wanyakapi hehan yuŋinyayapi.

17 Tuka inina yukanpi kta e namwicakicawin, qa token on Itancan kin wicakaška tipi kin etanhan tankan hiyu kiye cin he owicakiyaka. Qa heya, Jakob qa hunkawanjinkiciyapi kin hena oie kin owicakiyaka po. Hehan tankan kinape ça token iya-ya.

18 Unkan anpa kamdeze cin hehan Inyan toki iyaye cin he akicita kin nina aqoyapi.

19 Unkan Herod akita, tuka iyeye ŋni hehan, tiawanyag wicakiyapi kin hena wiwicawange ça, wicaktepi kta e konza. Qa hehan Juda makoce kin etanhan apamahde iyaye ça Kesareya en ounyan.

20 Unkan Herod Turos qa Sison oyatepi kin wicakize wacin ; tuka hena e wicocante wanjidan en hipi, qa Blastos wicasta-yatapi ohehdepi tipi tawa kin awan-yake cin he yuwaŋtepi qehan, wookiye dapi ; iye tamakocepi kin wicasta-yatapi tawa kin on icaliyapi kin heon etanhan.

21 Unkan anpetu wan cajeyatapi qon he en Herod wicasta-yatapi ihduze ça, woyaco oiyo-tanke kin akan kiyotanke ça, wowicakiyaka.

22 Hehan oyate kin hotankakiya hotaninpi qa ; He wicaho ŋni, Wakantanka ho kin hee ce, eyapi.

23 Unkan ihnuhanna Itancan taohnihde ye cin he kaštaka, Wakantanka wowitan qu ŋni kin heon etanhan. Unkan wamduŋkadan yutapi qa hecen ŋa iyaya.

24 Tuka Wakantanka oie kin icage ça tankaya aya.

WICOWOYAKE 13.

25 Unkan Barnabas Salos kici wawokiyapi qon hduŝtanpi qehan, Jerusalem etanhan hdicupi, qa Johannes Markos eciyapi qon he yuha hdapi.

WICOWOYAKE 13.

1 Unkan Antiyoka ekta okodakiciye kin en wicaŝta wokcan waonspekiya ko wanjikji yukan; Barnabas, qa Simeon he nakun Niger eciyapi, qa Lukios Kurne etanhan, qa Manaen, Herod wicaŝta ihdawa qon kici icage cin hee, qa Salos.

2 Hehan Itancan kin cekiyapi qa wote ŝni unpi kin icunhan, Woniya Wakan kin heya; Barnabas Salos kici wokicanye iwicaweco kin heon ewicamicihde po, eya.

3 Unkan hehan takudan yute ŝni wocekiye eyapi, qa nape awicaputakapi, hecen ye wicaŝipi.

4 Hena Woniya Wakan tokiya ye wicaŝi, unkan Selukiya ekta iyohipi, qa hetanhan Kupros etkakiya watom yapi.

5 Qa Salamis en iyukanpi hehan, omniciye tipi Juda oyate tawapi kin ohna Wakantanka oie kin oyakapi, qa Johannes he ookiye yuhapi.

6 Unkan wita kin opta yapi, qa Paphos ekta iyohipi qehan, wicaŝta wapiyapi econ kin, wicaŝta wokcan itonŝni, Juda wicaŝta kin heca wan, Barjesus eciyapi he wanyakapi:

7 He Sergios Palos, wicaŝta ksapa, makoce kin en itancan yanke cin he kici un. He qe Barnabas qa Salos kici wicakico, qa Wakantanka oie kin nahon cin.

8 Tuka Elumas wapiye cin, caje kin hecen kapi, he wicakipajin, qa wicaŝta itancan kin

wacinyanpi kin etanhan yuhomni kta e akita.

9 Hehan Salos, iye nakun Palos eciyapi, Woniya Wakan on ojudan he opahta najin,

10 Qa heya; Taku wohnye owasin on ojudan, qa wicohan ŝica owasin, Wakan ŝica cinca niye qa, taku owotanna owasin toka yaye cin, Itancan tacanku owotanna kin kaŝeyaye cin he aduŝtan kte ŝni he.

11 Hecen dehan inyun, Itancan nape kin iyahdeniyan; unkan anpetu ota iŝta nigonge qa anpetu wi kin wandake kte ŝni, eciya. Unkan ihnuhanna oyo qa otpaza wan ahinhpaya; qa tuwe nape yus aye kta e akin iyaya.

12 Hehan taku econpi kin wicaŝta itancan kin wanyake qehan wicada, qa Itancan tawoonŝpe kin on yuŝinyaya.

13 Unkan Palos tona om un kin hena Paphos etanhan pacanan iyeyapi, qa Pampuliya ekta Perge en iyohipi. Hehan Johannes awicayuŝtan qa Jerusalem ekta icicawin hda.

14 Hehan Perge etanhan inanpapi, qa Antiyoka Pisidiya en, he ekta ipi, qa anpetu wakan hehan omniciye tipi kin en tin iyayapi, qa iyotankapi.

15 Unkan wope, qa wicaŝta wokcan tawowapi kin, hena yawapi enakiyapi qehan, omniciye tipi kin en wicaŝta itancan wicakiyapi kin iŝ wicakicopi qa, Wicaŝta hunkawanjin unniyanpi wicakicanpte oie wanji duhapi kinhan oyate kin owicakiyaka po, ewicakiyapi.

16 Hehan Palos najin, qa namwicakicawin qa heya, Israel wicaŝta, qa tona Wakantanka kokiŝipi kin anagoptan po.

17 Israel oyate kin de Wakan-

OĤANYANPI QON.

tanka tawapi kin he hunkake wicunyanpi kin wicakaĥnige a, oyate kin Egupta makoce kin en yakonpi kin he icunhan yuwankan iwicacu, a isto hduwankan iyeye cin on tankan awicau.

18 a waniyetu wikcemna topa hehanyan hewoskan makoce kin en won wicakiya.

19 a oyate akowinpi Kanan makoce kin en, ihang wicaye ehan, makoce kin woohiye eciyatanhan kicipamni wicakiya.

20 a he iyohakam, wicašta wayaco kin heca wicaqu, waniyetu opawinge topa sanpa wikcemna zaptan hehanyan, ecen Samuel wicašta wokcan qon *ica-a*.

21 Unkan hehan wicaštayatapi wan cinpi ; a Wakantanka Saul, Kiš cinhintku, Benjamin wicoun kin hetanhan, wicašta kin he wicaqu, waniyetu wikcemna topa hehanyan.

22 a he heyata iyeye ehan, Dawid icaĥwicakiciciye a wicaštayatapi kaga ; he oyake a heya, Dawid Jesse cinhintku kin he iyewakiya, wicašta wašte wakidake cin, he mitawacin kin ocowasin ecen econ kta ce.

23 Wakantanka token eye ci-qon he eciyatanhan, wicašta kin de cinca kin etanhan, Jesus Waniykiya kin, Israel oyate kin icaĥwicakiciciya.

24 He ihdutanin ni qon itokam, Johannes baptem on ihdu-ecetupi kte cin he Israel oyate kin iyulpa en eyanpaha owicakiyaka.

25 Unkan Johannes oinyanke kin ihunniye kte cin, hehan hecen eya, Miš matuwe kecannipi he : He miye ni ; tuka iho, wanji mihektam u kin he tahaŋpe siha kin etanhan kiyuška owakihi ni ce.

26 Wicašta hunkawanjin ciyapi kin, Abraham cinca wicaye cin, a tona Wakantanka koki-papi kin, niš niyepi wiconi oie kin de oniciyakapi.

27 Tona Jerusalem en yakonpi, wicašta itancan wicayuhapi ko, he iyekiyapi ni, a wicašta wokcan oiepi, anpetu wakan eca yawapi ece kin he nakun ; hecen he yacopi kin on hena ecetuyapi.

28 a taku on e kte cin takudan iyeyapi ni qeyaš, he ktepi kta e Pilate icekiyapi.

29 a on taku wowapi en kagapi qon owasin ecetuyapi ehan, can kin etanhan eyakupi, a ohna hnakapi wan en ohnakapi.

30 Tuka e cin etanhan Wakantanka najin kiya.

31 Unkan tona Galile etanhan Jerusalem ekta om hi qon hena anpetu ota wanhdakapi, a hena eepi dehan oyate kin wicakiyaotaninpi ece.

32 Unkan unkiye wotanin wašte unkoniciyakapi, hunkake wicunyanpi taku iwahowicaye ciqon,

33 He cincawicayapi unkiyepi kin en, Wakantanka ecetukiya, Jesus piya icaĥkiye cin hee on ; hecen odowan icinonpa kin en kaken owapi qon, Micinksi kin he niye, anpe dehan cinca cicaga ce.

34 a wicašte cin etanhan najin kiye a, wicaĥwin kin ekta i kte ni, heon kaken eya, Dawid towaonsida wicakapi kin he cicupi kta ce.

35 Heon etanhan wanji tokeca en hecen eya ; Wanji Owotan-na nitawa kin he wicaĥwin wanyake kta e iyowinyakiye kte ni.

36 Dawid wicoicage tawa kin

WICOWOYAKE 14.

tanyan owicakicihan, Wakan-tanka tawacin kin eciyatanhan, heban ístinma iyaye ça, hun-kake wicaye cin om hnakapi, qa wicahwin wanyaka.

37 Tuka tuwe Wakantanka najin kiye cin he wicahwin wan-yake ñni.

38 Heon wicašta hunkawanjin ciyapi, wicašta kin de eciyatanhan, woahitani kajujupi kin oniciyakapi e sdonya po.

39 Qa taku owasin, Moses ta-woabope kin niyuowotanpidan kta e okitpani kin hena ee kaeš etanhan, tuwe wicada kinhan iye on owotanna kagapi kta.

40 Heon itonicipa po, okinni taku wicašta wokcan kin en ca-jeyatapi qon he en nihiyahdepi kta :

41 Tona ayaktapi ñni kin, wa-wanyakapi qa inihanpi qa yuta-kuni ñni iyeiciya po ; anpetu ni-tawapi kin en wicohan wanji ecamon kta, qa wicohan kin he tuwe oniciyakapi ešta wicaya-dapi kte ñni ce.

42 Unkan Juda wicašta kin omniciye tipi kin etanhan tan-kan hdicupi, hehan wicoie kin hena anpetu wakan hepiya, owi-cakiyakapi kta e icewicakiyapi.

43 Unkan omniciye kin wanna enakiyapi, hehan Juda wicašta qa oyate tokeca etanhan he en opapi qon, cekiya unpi kin hena wicota Palos qa Barnabas kici owicapapi. Unkan wowicaki-yakapi, qa Wakantanka towaon-šida kin en unpi kta e iwaho-konwicakiyapi.

44 Unkan ake anpetu wakan, hehan Wakantanka oie nañonpi kta e otonwe kin iyuhpa se en kiwitaya iheyapi.

45 Tuka Juda wicašta kin he-na wicota kin wanyakapi qehan, wimawizipi on ojupidan, qa Pa-

los taku eye cin he akinicapi qa aiapi.

46 Hehan Palos Barnabas kici waditake icicagapi qa heyapi, Wakantanka oie kin niyepi to-kaheya oniciyakapi kta e hece-tu ; tuka he ayaktapi ñni, qa owihanke wanin wiconi kin iye-nihantupi ñni nihdukcanpi kin heon, iho, Ikcewicašta kin ekta unkihdamnapi.

47 Hecen Itancan kin iwa-hounyanpi ; Ikcewicašta iyoyan-pa kin ecihnaka, maka ihanke kin behanyan niwicayakiye kte cin heon.

48 Unkan Ikcewicašta kin, hena oie kin nañonpi qehan, nina iyu-škinpi, qa Itancan oie kin ya-tanpi. Unkan tona owihanke wanin wiconi yuhapi kta e wi-cakañnigapi qon hena wicadapi.

49 Unkan Itancan oie kin ma-koce kin he owancaya oyakapi.

50 Tuka Juda wicašta kin is, winoñinca okinihan cekiya unpi kin hena iyowicapaštakapi, qa otonwe kin en wicašta itancanpi kin nakun, hecen Palos Barna-bas kici šicaya wicakuwapi, qa makoce kin he etanhan hdicu wicayapi.

51 Tuka is iyepi kin, hena en, siha watušekšeca askape cin he hdatatapi, qa Ikonium ekta ipi.

52 Unkan waonspewicakiyapi kin wowiyuškin Woniya Wakan ko on ojupidan.

WICOWOYAKE 14.

1 Unkan Ikonium ekta, sakim omniciye tipi, Juda oyate tawa-pi kin he en timahen yapi, qa iyecen iapi, hecen Juda wicašta Helenes ko ota wicadapi.

2 Tuka Juda wicašta tona wi-cadapi ñni kin hena Ikcewicašta kin iyowicapaštakapi, qa hun-

OHANYANPI QON.

kawanjin kiciyapi kin sícaya wacinwicakiyus wicakiyapi.

3 Unkan tehan en yukanpi, qa Itancan kin on waditagya iapi, he qe wowaonsída oie kin hdaotanin, qa wowapetokeca wakan-yan econpi ko econ wicakiya.

4 Tuka otonwe kin oyate kin akipam iyeyapi; apa Juda wicasta kin om tipidan, qa apa is yewicasipi kin hena owicapapi.

5 Unkan Ikcewicasta, qa Juda oyate kin, tona itancan wicayuhapi kin hena koya, hena anawicatani, sícaya wicakuwapi qa inyan on wicakinipi kta;

6 He iye sdonkiyapi, qa Lustra qa Derbe, Lukaoniya en otonwe kin, makoce ihduksan ko en onapapi.

7 Qa hen wotanin waste kin oyakapi.

8 Unkan Lustra en wicasta wan siha on okitpani iyotankehahan yanka, tonpi kin ehantanhahan hušte, qa tohinni mani šni.

9 He Palos ie cin nahon; unkan he opahta yanke ca, wacin-yanpi on ni kte cin yuha e wan-yaka,

10 Hehan hotankakiya, Nisiha on bosdan najin wo, eya. Unkan is psin iyaye ca mani.

11 Unkan Palos taku econ kin he oyate kin wanyakapi qehan ho yuwankan icupi qa Lukaoniya iapi kin eciyatanhan, Taku wakan kin wicasta ihduza unkiyepi en kun unhiyupi ce, eyapi.

12 Qa Barnabas Jupiter eya castonpi; qa Palos is, Hermes eciyapi, iapi on itancan kin hee, heon etanhan.

13 Hehan Jupiter otonwe itokam yanke cin he wošna kagapi tawa kin he tatanka watešdake ko, tiyopa kin en ahi, qa oyate kin om wošna kta tuka.

14 He yewicasipi kin, Barnabas Palos kici, nahonpi qehan, wokoyake aihdupotapi, qa oyate kin ekta inyang yapi, hotaninpi,

15 Qa heyapi, Wicasta kin, tokeca e hecanonpi he; niye yaunpi kin iyecen, wicasta akan-
tu kin heuncapi, qa hena taku-šnišni kin aduštani qa Wakan-
tanka ni un kin ekta nihduhomni-
pi kta e iwahokonunniciyapi; he
mahpiya, maka, qa miniwanca,
taku ohnaka ko, owasin kage cin
hee.

16 He wicoicage hekpata un kin en, oyate kin owasin canku tawapi kin ohna manipi kta e iyowinwicakiya.

17 Hececa esta tanyan econ, qa mahpiya eciyatanhan magaju wicaqu, makoncage taku ota icašye cin hena ko, qa woyute wowiyuškin ko on cante imna-
unyanpi qon, he eciyatanhan
ohinniyah ihdutanin ce.

18 Unkan wicoie kin hena on wawicakiyušnapi kte cin oyate kin kitan se ayušan wicayapi.

19 Hehan Antiyoka qa Ikonium etanhan Juda wicasta wanjikji en hipi qa oyate kin iyowicapa-
štakapi; hecen Palos inyan on
kininpi qa otonwe kin tankan
yusdohan ayapi, wanna ta ke-
cinpi.

20 Tuka waonspewicakiyapi kin ihduksan hinajin yukanpi kin icunhan, iye najin hiyaye ca otonwe kin en i. Unkan ihan-
hanna qehan Barnabas kici Der-
be ekta iyaya.

21 Unkan otonwe kin he en wotanin waste kin oyakapi, qa wicota waonspewicakiyapi qe-
han, hehan Lustra, qa Ikonium,
qa Antiyoka ekta icicawin hdapi.

22 Qa waonspewicakiyapi na-
gipi kin wašag wicakiyapi, qa
wacinyanpi kin en kitanyan unpi

WICOWOYAKE 15.

hta e iwahokonwicakiyapi, qa wokakije ota iyoopteya Wakantanka tokiconze kin en unkipi kta ce.

23 Unkan okodakiciye otioyohi en hunka wicayapi kin wicakagapi, qa wote *śni* wocekiye eyapi qehan, Itancan wicadapi qon he awanwicahdake kta e *icekiyapi*.

24 Unkan Pisidia opta yapi hehan Pampulia en kiyohipi.

25 Qa Perge en wicoie kin oyakapi qehan, Atalia ekta apamahde iyayapi.

26 Qa hetanhan Antiyoka ekta watom hdapi, wicohtani wanna hdustanpi kin heon, Wakantanka towaonsida kin yuhapi kta e *icekiyapi* qon he hetu.

27 Hen hdipi qa okodakiciye kin mniciye wicasipi, qa Wakantanka token econ wicakiye cin hena owasin owicakiyakapi, qa wacinyanpi tiyopa wan Ikcewicašta kin wicakiyuhdoke cin he nakun.

28 Unkan hen waonspewicakiyapi kin om tehan owanji yukanpi.

WICOWOYAKE 15.

1 Unkan wicašta wanjikji Juda makoce kin etanhan apamahde yapi, qa hunkawanjinkiciyapi kin wahokonwicakiyapi qa, Moses toope kin eciyatanhan bani-ciħdayapi *śni* kinhan yanipi kte *śni* ce, eyapi.

2 Unkan Palos Barnabas kici hena wicakigepi, qa nina awicakinicapi, hehan wiwicawangapi kin he on, Palos Barnabas kici, qa iyepi kin etanhan wicašta tokeca wanjikji ko, yewicasipi kin, qa hunkawicayapi kin, Jerusalem ekta yakonpi kin, hena en wicayapi kta e konzapi.

3 Unkan okodakiciye kin hena

hecen yewicakiyapi qehan, Phenike, qa Samaria opta yapi, qa Ikcewicašta ihduhomnipi kin he oyakapi; qa hunkawanjin kiciyapi kin owasin en wowiyuŝkin tanka kagapi.

4 Unkan Jerusalem ekta ipi qehan, okodakiciye kin he, qa yewicasipi kin, hunkawicayapi kin hena ko, tin hiyu wicakiyapi; hehan Wakantanka token econ wicakiye cin owasin ohdakapi.

5 Tuka Pharisee yuomdecapi kin etanhan wanjikji wicadapi qon hena inajinpi qa heyapi, Bawicakiħdayapi qa Moses toope kin ope wicasipi kta iyececa ce, eyapi ce.

6 Unkan wicoie kin de akiiapi kta e on yewicasipi kin, hunkawicayapi ko witaya mniciyapi.

7 Qa nina wikiciwangapi hehan, Inyan inajin qa hewicakiya, Wicašta hunkawanjinciyapi kin, ehanna unketanhanpi kin Wakantanka miye makafinige ca, mii kin eciyatanhan Ikcewicašta kin wotanin wašte oie kin nahonpi, qa wicadapi kta e konzadonyayapi.

8 Qa Wakantanka wicacante kin sdonye cin he wicayaotanin, qa Woniya Wakan unkiye *unqupi qon*, he iyecen wicaqu.

9 Qa takudan ocitkonze *śni* untagapi, iye cantepi kin nakun wicadapi kin on wicakipakinta.

10 Heon nakaha tokeca e Wakantanka iyutanyayapi, qa ean napinpi wan, hunkake wicunyanpi qa unkiyepi kin yuha unkokihipi *śni* kin he waonspewicakiyapi tahupi kin en eyahnakapi kta he.

11 Tuka Jesus Messiya Itancan kin towaonsida kin on, *iŝ* iyepi kin wiconi *yuhapi kte* cin, he iyecen unkiŝ unhapi kta e wicaundapi ce.

OĤANYANPI QON.

12 Hehan omniciye kin ōwasin inina yukanpi, qa Barnabas Palos kici, wowapetokeca wakanyan econpi ko, Wakantanka Ikcewicašta kin ekta econ wica-kiye cin hena ecen oĥdakapi kin naĥonpi.

13 Unkan wanna ayaštaŋpi, hehan Jakob ayupte a heya; Wicašta hunkawanjin ciyapi, miye namaĥon po.

14 Otokahe ekta token Wakan-tanka Ikcewicašta kin etanhan oyate wanji, iye aje kin on, iwicacu kta e ekta wicai qon he Simon oyaka.

15 Qa he kici wicašta wokcan oiepi qon okonwanjidan, kaken wowapi en kagapi;

16 He iyohakam miĥdamna, qa Dawid tawakeya jujuwaha cin he piya wakage kta; qa mdecahe cin hena ake wakage a ecen he wakiye kta.

17 Qa hecen wicašta okapta-pi kin, Ikcewicašta .owasin ko, tona micaje icajewicayatapi kin hena Jehowa akitapi kta ce, Itancan kin hena owasin econ kin he heya ce.

18 Otokaheya tanhan Wakan-tanka taku icaĥye cin owasin sdonkiya.

19 Heon etanhan miš kaken imdukan, Ikcewicašta kin tona Wakantanka ekta ihduhomnipi kin hena nagiyewicunyanpi kte šni.

20 Tuka wakagapi on ašapapi kin, qa wiinaĥmanpi kin, qa we, qa taku weye šni yuštapi kin, hena itehan yeiiyapi kta e wowapi wicunkicagapi kta.

21 Wanakaja tanhan tona Moses oyakapi kin hena otonwe otioyohi kin en yukanpi, qa anpetu okiĥpapi eca, omniciye tipi kin ohna he yawapi ece, eya.

22 Hehan iš iyepi kin etanhan

wicašta kaĥnigapi kin heca, Judas Barsabas eciyapi, qa Silas, hunkawanjin kiciyapi kin en wicašta okinihan, hena Palos qa Barnabas kici, Antiyoka ekta ye wicašipi kta e, yewicašipi kin, hunka wicayapi kin, okodakiciye kin owasin ko iyokipipi.

23 Qa heciya ayapi kta e kaken wowapi kagapi; Yewicašipi kin, qa hunka wicayapi, hunkawanjin kiciyapi kin hena ko, hunkawanjin kiciyapi Ikcewicašta etanhan, Antiyoka, qa Suria, qa Kilikia en yakonpi kin, Wookiye yukan po.

24 Unkiyepi etanhan wanjikji iyayapi, qa wicoie on nagiyenyanpi, qa ninagipi kin nipahohopi qa, Baniiĥdayapi, qa wicoope kin oyapapi kta ce, eniciyapi ce, naunĥonpi; unkiye tohinni heye wicunšipi šni tuka:

25 Heon etanhan tawacin wanjidan hduha unwitayapi qehan, wicašta kaĥnigapi kin heca e niyepi kin ekta ye wicunšipi kta e iyounkipipi, Barnabas qa Palos waštewicunkidakapi kin hena om:

26 Hena wicašta kin wiconi eĥpekiyapi seca, Jesus Messiya Itancan unkiyapi kin heon etanhan.

27 Hecen Judas qa Silas ye wicunšipi, hena e wicoie on atayedan hecen oniciyakapi kta.

28 Woniya Wakan kici hecen iyounkipipi, waqinpi tokeca unkanihnakapi kte šni, tuka dena taku owotanna kin hecehnana;

29 Taku wakagapi wakiyušnapi, qa we, qa taku we ye šni yuštapi, qa wiinaĥmanpi kin hena itehan yeniiiyapi kta. Hena itehanyan yaunpi kinhan tanyan ecanonpi kta. Tanyan yaunpi nunwe.

30 Hecen hena ye wicašipi qe-

han, Antiyoka ekta ipi, qa oyate kin kawitaya iheyapi, hehan woyapi kin he wicaqipi.

31 He yawapi, unkan wahokonwicakiyapi kin on nina iyuskinpi.

32 Unkan Judas qa Silas wicasta wokcan kin hecapi, heon hunkawanjin kiciyapi kin oie ota on wahokonwicakiyapi, qa wicayasutapi.

33 Wanna anpetu ota en yukanpi, hehan hunkawanjin kiciyapi kin hena yewicasipi kin ekta wookiye hde wicasipi.

34 Tuka Silas en un kta e iyo-
kipi.

35 Palos qa Barnabas Antiyoka en unpi, wicasta tokeca ota ko, oyate kin waonspewicakiyapi, qa Itancan oie kin oyakapi.

36 Unkan iyohakam anpetu tonana, hehan Palos Barnabas heciya, Tukten Itancan oie kin unkoyake cion, ake otonwe otoiyo hi ekta unye ca, hunkawanjin wicunye cin wanwicundhake ca, token yakonpi kin *sdomunye kta ce, eya.*

37 Unkan Barnabas he is, Johannes Markos eciyapi, yuha yapi kta cin.

38 Tuka he Pampulia ekta ehewicaye ca wicohtani kin en owicape sni qon, heon etanhan Palos he yuha yapi kte cin iyokipi sni.

39 Unkan he on hdokinicipi qa hecen otoiyo hi ehpekiciyapi : unkan Barnabas Markos yuha Kupros ekta watom iyaya.

40 Tuka Palos Silas kahnige ca, Wakantanka jowaonsida kin kici un kta e hunkawanjinkiciyapi kin icekiyapi qehan, hehan iyaya ;

41 Qa Suria qa Kilikia opta iyaye ca, okodakiciye kin suta wicakaga.

WICOWOYAKE 16.

1 Hehan Derbe qa Bustra ekta iyohi ; unkan iho, waonspekiyapi kin wanji hen un, Timotheos eciyapi, Juda winohinca wicacin he cinhintku, tuka atkuku kin e Helenes oyate kin etanhan.

2 Hunkawanjin kiciyapi Lustra, qa Ikonium en yukanpi kin hena, he waste e oyakapi.

3 Hetanhan Palos kici ya cin, qa Juda wicasta hen unpi kin hena on, he icu qa bakicihdaya ; atkuku kin Helenes heca e owasin sdonyapi.

4 Unkan otonwe iyaza yapi, qa yewicasipi kin, kunka wicayapi ko, Jerusalem en yukanpi kin woahope kagapi qon hena tanyan yuhe wicasipi.

5 Hecen okodakiciye kin wacinyanpi kin en wicayasutapi, qa anpetu otoiyo hi nina yuota aya.

6 Unkan Phrugia qa Galatia makoce kin opta iyayapi, qa Asia en wicoie kin oyakapi kte cin Woniya Wakan kin tehinda qehan ;

7 Hehan Musia ekta ipi, qa hetanhan Bithunia ekta ye wacinpi, tuka Woniya kin iyowicaki sni.

8 Unkan Musia opta iyayapi qehan, Troas en iyohipi.

9 Unkan hanyen Palos wowanyake wan wanyaka ; Wicasta wan Makedonia etanhan tanyan inajin, qa cekiye ca, Makedonia en u, qa ounkiya po, eya.

10 Wowanyake kin de wanyake cin heon hinnakaha Makedonia heciya unyanpi kta e uncinpi, Itancan kin hena wotanin waste kin owicunkiyakapi kta cin heon unkipi e unhduncanpi.

OĦANYANPI QON.

11 Hecen Troas etanhan paccanan iyeunyanpi, qa Samotrake ekta owótanna unyanpi, qa hetanhan ihanlianna Neapolis en unkipi.

12 Qa hetanhan Philippi en unkipi, otonwe teca qa Makedonia makoce onśpa kin he en otonwe tokapa kin hee. Qa anpetu tonana otonwe kin he en unkanpi.

13 Unkan anpetu wakan hehan, otonwe kin etanhan inaunpapi, qa wakpa wan icahda wocekiye eyapi ece qon he en unkipi; hen unkiyotankapi, qa winohinca ece en mniciyapi kin hena owicunkiyapi.

14 Unkan winohinca wan, Ludia eciyapi, Thuatira otonwe kin etanhan, wokoyake duta ece wiyopeye cin heca, Wakantanka kokipeyahan un he nahon yanka: unkan cante kin Itancan kin yuzamni, on Palos oie kin anagoptan.

15 Unkan tiyohnaka kin om baptem qupi qehan, hehan ceunkiyapi qa, Itancan kin on wicawaka kecanmayakinpi hecinhan, wati kin en tin upi, qa ohna yukan pe, eye qa ecen econ unkiyapi.

16 Hetanhan wocekiye eya unyanpi eca, wicinyanna wan itkounkipapi ece, he taku wakan woyaka ece kin yuhe qa, wakan-yan wohdag un kin heon tawayapi kin taku ota wicakicanna.

17 He Palos unkiyepi ko unkihakam u, qa; Wicaśta kin dena Wakantanka tehan wankantuya un kin taokiyeye wicaye cin, wiconi canku kin unkokiyakapi kin hena eepi ce, eya hoyekiya.

18 Qa anpetu ota hecen econ. Tuka Palos nagiyeye cin heon hakikta qa, Jesus Messiya caje on winohinca kin de etanhan

tankata inanpe ciśi, taku wakan kin eciya. Unkan wihiyayedan oape kin he en tankan hiyu.

19 Unkan winohinca kin de yuhapi kin heepi, taku kamnanpi kte cin he akitakunipi śni kin he wanyakapi e etanhan, Palos Silas kici wicayuzapi, qa tipi hocoka kin ekta wicaśta tokahe wicakiyapi kin en awicayapi:

20 Qa wicaśta itancan wicakiyapi kin en wicakaipi, qa heyapi, Wicaśta kin dena Juda wicaśta kin hecapi, otonwe unki-tawapi kin nina nagiyeyapi;

21 Qa wicoĦan onspewicakiyapi kin hena e, Roma wicaśta heuncapi kin, unki cupi qa unkopapi kta e iyecece śni.

22 Unkan oyate kin owasin wityaya takpe wicaupi; qa wicaśta itancan wicakiyapi kin wokoyake awicayupotapi, qa wicakapsinsinte wicaśipi.

23 Unkan ota awicapapi, behan wicakaśka tipi kin en iyewicayapi, qa tipi awanyake cin sutaya wicayuhe śipi.

24 He hecen econ śipi, unkan wicakaśka tipi temahentuya kin he en onawicataka, qa siha kin can on kaśkapi ece kin en sutaya kaśka wicahnaka.

25 Unkan hanye cokaya hehan, Palos Silas kici Wakantanka cekiyapi, qa yatan dowanpi; unkan wicaśta wicakaśkapi kin he nahonpi.

26 Unkan ihnuhanna maka kin nina huhuzahan, qa tipi ahe cin hena yuhuhuzapi, qa tiyopa kin owasin kazamni iyaye qa, on pawicaĦtapi kin owasin mdecahan hinbda.

27 Hececa, unkan wicakaśka tipi awanyag kiyapi kin kikta, qa tiyopa kin yuzamni han wanyaka, unkan wicaśta wicakaśkapi kin owasin kihdapi kecin, he-

WICOWOYAKE 17.

on mazasagye ehdaku qa on
icikte kta ;

28 Tuka Palos nina hoyekiye
ca, Kiuniiciye sni wo, owasin
den unkanpi ce, eya.

29 Hehan petijanjan wan da,
qa tin iyaye ca, cancan Palos
Silas kici siha hdepi kin en
ekpeiciya ;

30 Qa tankan awicaye ca, Itan-
campi wani kta e token ecamon
kta he, ewicakiya.

31 Unkan, Jesus Messiya Itan-
can kin wacinyan wo, hecen
nicinca om yani kta ce, eci-
yapi.

32 Qa Itancan oie kin okiya-
kapi, tona ti kin en yukanpi kin
hena owasin koya.

33 Unkan hanyetu kin wihiya-
yedan oape kin he en, iwicacu,
qa oape kin wicakiyujaja, qa he-
han baptem qupi, tiyohnaka owa-
sin ko.

34 Qa iye ti kin en awicaki qa
won wicaya ; qa tiyohnaka kin
om wicada qa iyuskin.

35 Unkan wanna anpa qehan,
itancan wicakiyapi kin akicita
eyanpaha kin ekta ye wicasipi,
qa, Wicasta kin hena wicakiyu-
ska wo, eyapi.

36 Unkan wicakaška tipi awan-
yake cin, hena oie kin Palos oki-
yake ca, Itancan wicakiyapi kin
niciyuskapi kta keya hoši hipi,
heon etanhan tankan kinanpapi,
qa woikiye hda po, eya.

37 Tuka Palos hewicakiya, Ro-
ma wicasta heuncapi, tuka un-
yacopi sni ecen taninyan un-
kapsinsintapi, qa onatag eun-
hakapi, qa hinnakaha anahbeya
hde unšipi he : hiya, iye ataye-
dan upi, qa tankan unkaupi kta,
eya.

38 Hehan akicita eyanpaha kin
itancan wicakiyapi kin dena owi-
cakiyakapi, unkan Roma wicasta

kin hecapi e nahonpi kin heon
inihanpi.

39 Qa iye atayedan ekta ipi, qa
cewicakiyapi, qa tankan awicau-
pi, qa otonwe kin etanhan hdapi
kta icewicakiyapi.

40 Unkan wicakaška tipi kin
etanhan tankata inanpapi, qa Lu-
dia ti kin en ipi ; qa hunkawan-
jin kiciyapi kin wanwicahdaka-
pi, hehan wicakihnapi, qa etan-
han token iyayapi.

WICOWOYAKE 17.

1 Unkan Amphipolis qa Apolo-
nia opta yapi kin, hehan Thesa-
lonike en ipi ; hen Juda oyate
omniciye tipi kin wanji yu-
kan.

2 Unkan Palos token econ ece
kin ake ecen econ, qa timahen i,
qa anpetu okihpapi yamni, wo-
wapi wakan kin eciyatadhan,
oyate kin wowicakiyaka.

3 Ie ca Messiya te kte ca, wi-
conte kin etanhan najin kta e
hecetu e yaotanin, qa, Jesus oci-
ciyakapi kin he Messiya kin ee
ce, eya.

4 Unkan hunh wicadapi, qa
Palos Silas kici owicapapi, He-
lenes wicasta owotanna ota, qa
winohinca tokapapi kin wani-
stipidan sni.

5 Tuka Juda oyate wicadapi
sni kin hena wohinyanpi, qa wo-
peton tipi hocoka kin etanhan
wicasta sica wanjikji iwicacupi,
qa kiwitaya iheyapi, qa otonwe
kin ocowasin oqoyeyapi, hehan
Jason ti kin takpe ipi, qa oyate
kin ekta tankan hiyu wicayapi
kta e akitapi.

6 Qa iyewicayapi sni qehan,
Jason hunkawanjinkiciyapi wan-
jikji om otonwe kin en wicasta
itancanpi kin ekta awicapi, qa
hotankakiya hotaninpi, Tona ma-

OĤANYANPI QON.

ka kin yuahdap^sinyan ehpeyapi qon hena den hipi :

7 Qa Jason hena tin u wicaśi. Unkan hena owasin Kesar toope kin opapi śni, qa, Wicaśtayatapi tokeca wan Jesus hee ce, eya oyakapi ece, eyapi.

8 Unkan otonwe en wicaśta itancanpi kin oyate ko, hena nahonpi kin inihan wicayapi.

9 Unkan Jason qa unmapi kin taku iwakta wicayapi, hehan awicayustanpi.

10 Hehan hunkawanjin kiciyapi kin Palos Silas kici hanyen Berea ekta awicayapi. Hena ekta ipi, qa Juda oyate omniciye tipi yuhapi kin he en timahen yapi.

11 Hena is Thesalonike oyate kin sam iyeya wacin ksapapi, wicoie kin tawacin inahni on icupi, qa hena hecetu e sdonyapi kta, heon anpetu iyohi wowapi wakan kin en akitapi ece.

12 Heon etanhan wicota wica-dapi, Helenes winohinca okinihan, qa nakun wicaśta ota.

13 Tuka Berea ekta Palos Wakantanka oie kin oyake cin he, Juda wicaśta Thesalonike en un kin hena sdonyapi qehan, ekta ipi, qa wicota kin wicayaśkiśka-pi.

14 Unkan hehan hunkawanjinkiciyapi kin Palos miniwanca kin ekta ye kta se tokan ye śipi; tuka Silas qa Timotheos hen owanji yukanpi.

15 Unkan tona Palos ayapi qon hena Athenas ekta aipi; qa Silas Timotheos kici kohanna en upi kta e iwahowicaye cin he hośi wicakahdapi.

16 Unkan hena Athenas ekta upi kta e Palos awicape yanke cin, he icunhan, otonwe kin wakagapi ojudan e wanyake qa on wacin iyokiśica binhda.

17 Qa heon omniciye tipi kin ohna Juda oyate, qa tona owicapapi kin hena om wohdaka, qa nakun anpetu otoiyo hi wopeton tipi hocoka kin ekta tona itkowicakipe oin hena om.

18 Unkan hehan Epikureos qa Stoikos oyate kin etanhan, wicaśta woksape cinpi wanjikji Palos itkokipapi qa, I wakan kin de token eye kta he, hunh eyapi; qa hunh is, He taku wakan tokeca ehde sececa ce, eyapi; Jesus qa wiconte etanhan woe-kicetu kin hena owicakiyaka, heon etanhan.

19 He icupi, qa Areyos paha kin ekta aipi qa, Woonspe teca odake cin he taku kin sdonunyanpi kta uncinpi :

20 Taku wotanin tokeca noge on nahon unyayapi kin hena token kapi hecinhan, sdonunyanpi kta ce, eciyapi.

21 Athenas oyate, qa wicaśta tokeca en yukanpi kin owasin, taku tokeca econpi śni, taku nakaha otanin kin oyakapi, qa nahonpi kin heceyedana.

22 Hehan Palos Areyos paha kin cokaya inajin, qa heya; Athenas wicaśta kin, taku wakan kin nina awacannipi e, taku owasin on imdukcan.

23 Naka taku wakan yadapi kin en awahimdanda, unkan iho, wahna wośnapi wan, Taku wakan sdonyapi śni un kin, akan owapi kin he iyewaye. He iyukcanśniyan ohoyadapi kin hee e ociciyakapi.

24 Taku Wakan kin tuwe maka taku ohnaka ko owasin kageca, mahpiya maka ko Itancan kin hee, heon tipi wakan wicanape on kagapi kin ohna ti śni;

25 Qa iye kin owasin wiconi, qa woniya, qa taku owasin ko wicaku ece kin, he taku icakije

cin iyecen, wicašta nape kin on okiyapi šni ece.

26 Qa wicawe wanjidan on, wicašta oyate hiyeye cin owasin, maka kin owancaya etipi kta e wicakaga; qa tohanhan nipi, qa tuktektan tipi kte cin hena otohahe tanhan wicakiciyuštan.

27 Heon Itancan kin akitapi kta iyececa, okinni yutantan akitapi kinhan iyeyapi kta, otoi-yohi unkitehanpi šni un tuka ce.

28 Iye atayedan on unnipi, qa unškanškanpi, qa en unyakonpi ece: enitanhanpi wicašta odowan kagapi ece kin hena wanjikji heyapi qon, Unkiš eya he cinca unyakonpi ce.

29 Hecen Wakantanka cinca unyakonpi kin, mazaskazi, qa mazaska, qa inyan, wicašta wayupike wacinksape bagopi kin, Taku Wakan kin iyacinpi kta iyececa unkecinpi kte šni.

30 Qa wookahnige šni omaka kin hena, Wakantanka ekta etonwe šni; tuka wanna wicašta owasin owancaya ihducetuwicaši.

31 Qa anpetu wan en wicašta kin woowotanna on wicayaco kta e konza, wicašta kašnige ciquon he on *hecon kta*, qa wiconęte kin etanhan najin kiye cin heon he owasin sdoneyewicaya ce, eya.

32 Unkan wicaęte cin piya icahyapi kin he nahonpi qehan, hunh ihašapi; qa apa is, He on ake naunnihonpi kta ce, eyapi.

33 Hecen Palos wicacokaya tanhan token iyaya.

34 Tuka wicašta wanjikji opapi, qa wicadapi; Dionusius Areyos paha omniciye kin en ope ciquon he wanji ee, qa winofinca wan Damaris eciyapi, qa nakun toktokecapi.

WICOWOYAKE 18.

1 Hena iyohakam Palos Athenas ayuštan, qa Korinth ekta i:

2 Qa hen Juda wicašta wan iyeya, Akula eciyapi, Pontos en tonpi, qa aškatudan Italia etanhan hiyu, tawicu Priskila kici; Kludios Juda wicašta kin owasin Roma ayuštan wicaši kin heon etanhan. Unkan hena en wicahi;

3 Qa kici wicoštani okonwanjidan, heon om un, qa om htani, wakeya kagapi kin hecapi.

4 Qa anpetu wakan eca omniciye tipi kin ohna wowicakiyaca ece, qa Juda oyate Helenes ko cinwicakiya.

5 Unkan Silas qa Timotheos Makedonia etanhan hiyupi qa en hipi qehan, Palos nagi kin ekta iyopašttag içiye ça, Jesus he Mes-siya kin ee ce, Juda oyate kin owicakiyaca.

6 Unkan hena e wakipajinpi, qa šicaya iapi kin, hehan Palos wokoyake aihdatata, qa hewicakiya, Niwe kin nipapi kin akan niunpi nunwe, miye mabapica šni waun, detanhan Ikcewicašta kin ekta mde kta ce.

7 Unkan hetanhan tankan ye ça, wicašta wan Wakantanka ohoda, Justos eciyapi he ti kin omniciye tipi kin ikiyadan han; unkan tipi kin he en tin iyaya.

8 Unkan Krispos, omniciye tipi kin en itancan kin, he Itancan kin wacinyan, tiyohnaka owasin om; qa Korinth oyate kin wicota nahonpi qehan wicadapi, unkan baptem wicaqupi.

9 Unkan hehan hanyen wowihamde en, Itancan kin Palos heciya, Ihnuhan taku koyakipe cin, tuka nina ie ça, inina yanke šni wo.

10 Miye cicica, qa tuwedan

OĤANYANPI QON.

kiununiye kta e iyanihpaye kte ŗni; otonwe kin de ohna oyate ota wicamduha ce, eya.

11 Unkan hen wi ake ŗahdogan hehanyan iyotanke a, Wakantanka oie kin onspewicakiya.

12 Unkan Galiyo Akeya makoce kin en itancan un kin, hehan Juda oyate witaya Palos takpe ipi, a woyaco oiyotanke kin en ahipi;

13 a, Woahope kin eciyatanhan ŗni Wakantanka cekiyapi kta e wicaŗta kin onspewicakiye cin he dee ce, eyapi.

14 Unkan Palos i hdukawa kta, hehan Galiyo Juda oyate kin hewicakiya; Juda wicaŗta kin, de taku ŗica econpi, a iŗ wicaŗtaŗniyan oĥanyanpi kin hee unkanŗ, naciĥonpi kta iyececa tuka:

15 Tuka wicoie, a wicacaje, a wope nitawapi on wiwan-gapi kin heca hecinhan, niŗ ito ekta etonwan po; taku hececa on wimdukcan kte ŗni ce.

16 Hehan woyaco oiyotanke kin etanhan kaĥam iyewicaya.

17 Unkan Helenes wicaŗta kin owasin Sosthenes, omniciye tipi kin en itancan kin he, icupi, a woyaco oiyotanke kin itokam apapi. Tuka Galiyo hena taku kin ekta ewacin ŗni yanka.

18 Unkan he iyohakam Palos anpetu ota hen yanke ehan, hunkawanjin kiciyapi kin awicayuŗtan, a Suria ektakiya watom iyaya, Priskila Akula kici opapi. Kenkreya ekta paha kin bakiŗda, hecen iciconza kin heon.

19 Hehan Ephesos ekta iyohi, a hen eĥpewicaya; tuka iye kin omniciye tipi kin en tin iyaye a, Juda oyate kin om wohdaka.

20 Unkan en tehan owanji yanke kta e cinpi eŗta wicada ŗni:

21 Tuka napewicayuze a, Jerusalem ekta woŗnapi u kte cin he en owape kta, tuka Wakantanka iyokipi kinhan, ake en ciĥdipi kta ce, eya. Hehan Ephesos etanhan watom iyaya.

22 a Kesareya en huta ekta ihunni, a ĥen ihe a okodakiciye kin napewicayuze ehan, Antiyoka ekta apamahde iyaya.

23 a anpetu ota hen un kin, hehan Galatia a Phrugia makoce kin owancaya ye a, waonspewicakiyapi kin owasin waŗag wicakiya.

24 Unkan Juda wicaŗta wan, Apolos eciyapi, Aleksandrea en tonpi, wicaŗta wayapike a woyapi wakan on waŗaka, he Ephesos ekta hi.

25 Wicaŗta kin he Itancan tancanku kin onspe, a nagi kata, heon ninana ie a, Itancan taku tawa kin onspewicakiya, Johannes baptem tawa kin becedan sdonya tuka.

26 Hee omniciye tipi kin ohna waditagya ia; unkan Akula a Priskila naĥonpi ehan, he icupi, a Wakantanka tancanku kin sanpa tanyan okiyakapi.

27 Unkan Akeya ekta ye wacin, hehan hunkawanjin kiciyapi kin heciya wowapi wicakicagapi, a he iyowinkiyapi kta e iwahokonwicakiyapi. He beciya i, a tona wowaonŗida kin on wicadapi qon hena nina owicakiya;

28 a Juda oyate kin omniciye en nina awacin wicaye a, wowapi wakan kin eciyatanhan Jesus he Meŗŗiya kin ee e yatanin.

WICOWOYAKE 19.

1 Unkan Apolos Korinth en un kin icunhan, Palos iĥeyata makoce kin opta ye a, Ephesos

ekta iyohi, qa hen waonspewicakiyapi wanjikji iyewicaya :

2 Qa hewicakiya, Wicayadapi ebantanhon Woniya Wakan kin iyacupi he. Unkan is, Woniya Wakan yukan e nahahin naunhonpi sni ce, eyapi.

3 Unkan, Taku on baptem nicupi he, ewicakiya. Unkan, Johannes baptem tawa kin hee ce, eyapi.

4 Unkan Palos, Johannes ihducetupi kte cin on baptem wicaqu, qa oyate kin tuwe u kte cin he wicadapi kta, kewicakiya, he Jesus Messiya kin ee ce, eya.

5 He nahonpi, unkan Jesus Itancan caje kin on baptem wicacupi.

6 Hehan Palos nape on awicaputake ca, Woniya Wakan en wicahi, unkan ceji tokeca on iapi qa wokcanpi.

7 Hena owasin wica ece wikcemna ake nonpa.

8 Unkan omniciye tipi kin tin iyaye ca, wi yamni waditagya ie ca wohdaka, qa Wakantanka tokiconze taku tawa kin onspewicakiya.

9 Tuka wanjikji suta icicagapi qa wicadapi sni kin hena, wicota kin en, canku kin de on sicaya eyapi qehan, hena awicayustan, qa waonspewicakiyapi kin aiyog iyewicaye ca, anpetu otioyohi, tuwe Turannos eciyapi, he oya-wa tipi yuhe cin ohna woyaka ece.

10 Waniyetu nonpa hehanyan hecen econ, unkan tona Asia en yakonpi kin hena owasin Jesus Itancan oie kin nahonpi, Juda Helenes wicasta ko.

11 Unkan Palos nape kin on Wakantanka wowapetokeca wakan kin econ ece.

12 Hecen iye tancan kin etan-

han, napipakinte qa makuakalpe kin wayazanpi kin en akipi; unkan wowayazan kin ayustan iyaye ca, taku wakan sicapi kin tankan inanpapi.

13 Unkan wanjikji, Juda wicasta wapiyapi kin heca, tona taku wakan sica yuhapi kin hena en, Jesus Itancan kin cajeyata utapi, qa, Jesus Palos oyake cin he cajeyan naunhon po, eyapi.

14 Qa Juda wicasta wosna kagapi wanji, Skewa eciyapi, he cinhintku sakowin kin hena heconpi.

15 Tuka woniya sice cin he waayupte ca, Jesus sdonwaye ca, Palos nakun sdonwaya, tuka nis nituwepi he, eya.

16 Unkan wicasta taku wakan sica yuhe cin he iyawicalhpaye ca, ohiwicaya, hecen tancodan kiunniyanpi ecan tipi kin etanhon tankan najicapi.

17 Unkan tona Ephesos en yukanpi kin, Juda qa Helenes oyate kin owasin he sonyapi; qa wokokipe owasin awicahinhpaya, unkan Jesus Itancan caje kin yatanpi.

18 Unkan tona wicadapi kin etanhon wicota en ahi, qa wohdakapi, wicohan qon ohdakapi;

19 Qa tona wapiyapi econpi kin hena wicota wowapi tawapi kin en ahipi, qa owasin wicotokam huhnahyapi; hena iyopeyapi kin hdawapi, qa mazaska kektopawinge wikcemna zaptan iyawapi.

20 Hecen Itancan oie kin nina icage ca ohiya.

21 Unkan hena taku kin wana enakiyapi, hehan Palos woniya eciyatanhan konza, Macedonia qa Akeya opta ye cinhan, hehan Jerusalem ekta ye kta, qa, Heciya wai kinhan hehan Roma wanmdake kta ce, eya.

22 Qa ookiye wicayuhe cin nom, Timotheos qa Erastos, hena Makedonia ekta ye wicaŝi, tuka iye anpetu tonana Asia en owanjidan yanka.

23 Unkan he icunhan canku kin de on nina owodutaton.

24 Tuwe Demetrios eciyapi, mazaska kage cin heca, he mazaska kokadan Diana kicaga ece, qa tona wocon kin he econpi kin hena taku ota wicakicamna.

25 Hena eepi, qa tona opeya Ĥtanipi kin hena ko wicakico qa hewicakiya, Wicaŝta kin, wicoĤtani kin de on woyuha untongi e sdonyakiyapi.

26 Qa nakun Ephesos ecedan ŝni, tuka Asia owancaya, Palos kin de oyate ota wahokonwicakiye qa, wicayuhomni qa, Taku wakan nape on kagapi kin hena wakan ŝni ce, eya owicakiyaka e sdonyayapi qa nayaĥonpi.

27 Qa hecen taku on waunkamnanpi ece kin he waĤtedapi kte ŝni seca, qa hecedan ŝni, nakun Diana taku wakan tanka tipi wakan tawa kin takudapi kte ŝni, qa wowitan hduhe cin yutakuni kte ŝni, he qa Asia owancaya, qa oyate kin iyuhpa ohodapi tuka ce, eya.

28 Unkan hena naĥonpi qehan, nina canteptanyanpi qa, Diana Ephesos oyate tawapi kin he tanka ce, eyaya hotaninpi.

29 Unkan otowwe kin owancaya nina owodutaton; qa Gayos qa Aristarkos kici, Makedonia wicaŝta kin, Palos kici hipi qon hena iwicacupi, qa tawacin wanjidan owanyake tipi kin en inyang yapi.

30 Unkan Palos oyate kin en wicai kta, tuka waonspewicakiyapi kin iyokipi ŝni:

31 Qa Asia en wicaŝta tokapapi wanjikji, iye takodawicaye cin hena wahoyapi, qa owanyake tipi kin timahen iyohpaye kte ŝni e icekiyapi.

32 Heon hunĥ taku eya hotaninpi, qa hunĥ iŝ togye eyapi; omniciye kin nina oqoyapi; qa tokeca e' on mniciyapi kin ota sdonyapi ŝni.

33 Hehan Aleksander wicota kin etanhan ahiyupi, qa Juda wicaŝta kin he cokata iyaye yapi. Unkan Aleksander namwicakicawin, qa oyate kin wowicakiyake kta.

34 Tuka he Juda wicaŝta kin heca e sdonyapi, unkan wihiyayedan oape nonpa hehanyan, owasin ho wanjidan hotankakiya hotaninpi, Diana Ephesos oyate tawapi kin he tanka ce, eyaya yukanpi.

35 Unkan wowapi kage cin he oyate kin wicayuina qehan, hecen eya, Ephesos wicaŝta kin, Ephesos otowwe kin de Diana taku wakan tanka he tipi wakan tawa kin awanyag un, qa wakagapi Jupiter etanhan hinĥpaye ciqon he nakun, he tuwe wicaŝta kin he sdonye ŝni he.

36 Dena taku kin ceĤunhdapica ŝni, heon inina dukanpi, qa takudan inahniyan ecanonpi kte ŝni tuka.

37 Wicaŝta kin dena tipi wakan kin etanhan takudan manonpi ŝni, qa taku wakan nitawapi kin yaŝicapi ŝni, tuka den awicayahipi.

38 Demetrios qa tona om Ĥtani kin hena tuwe en taku aupi cinpi kinhan, woyaco anpetu yukan, qa nakun wicaŝta wayacopi kin; otioyohi wiyakicionpapi kta.

39 Qa niŝ taku tokeca on wilingapi hecinhan, omniciye wi-

coope kin eciyatanhan un kin he en yacopi kta.

40 Anpetu kin de owodutaton kin on wiunwangapi kta naceca ; omniciye kin de on etanhan taku unkeyapi kte cin takudan un-hapi šni ce, eya.

41 Unkan hena hecen eye ce-han, hehan omniciye kin hde wicaši.

WICOWOYAKE 20.

1 Owodutaton kin he henakeca, hehan Palos waonspewicakiyapi kin wicakico, qa i iwicaputaka, qa Makedonia ekta ye kta e hetanhan iyaya.

2 Unkan makoce kin hena opta iyaye ça, oie ota on iwahokonwicakiye ce-han, Helenes makoce kin en iyohi :

3 Qa wi yamni hen owanji yanka. Unkan Suria ekta watom ye kta, hehan Juda wicašta kin nahmana iyapepi kin heon Makedonia opta icicawin hde kta e iciconza.

4 Unkan Sopater Berea etanhan, qa Thesalonike etanhan Aristarkos Sekundos kici, qa Gayos Derbe etanhan, qa Timotheos, qa Asia wicašta, Tucikos qa Trophimos, hena Asia ekta Palos kici yapi.

5 Hena e tokata yapi, qa Troas en unkapepi.

6 Unkan aguyapi on napohiyapi codan anpetu kin iyohakam, Philippi etanhan watounpapi, qa anpetu zaptan hehan Troas en wicunkihdegapi, qa hen anpetu šakowin unkokihpapi.

7 Unkan anpetu tokaheya kin he en waonspewicakiyapi kin aguyapi kiyušta imniciyapi, hehan Palos wowicakiyaka, hanhanna hetanhan hde kta, hecen hanye cokaya hehanyan wahokonwicakiya yanka.

8 Unkan wankan tipi ohna mniciya yukanpi kin he en petijanjan ota hdepi.

9 Unkan koška wan, Yutikos eciyapi kin he owanyeye kin en iyotankehan yanke ça, ištınbe linca : unkan Palos tehan woyake cin icunhan, ištınma iwanke ça, owanka iciyamni kin hetanhan hinhpaye ça ta ecen eyakupi.

10 Hehan Palos kun ye ça akan ehpeiçiye ça, poskin yuze ça, Ihnuhan yaceyapi kin, taniya kin nahahin mahen un ce, eya.

11 Qa ake wankan ye ça, aguyapi kiyušte ça, yute ça, tehan ia yanke cin, anpa kamdeze cin hehanyan, hehan hetanhan kihda.

12 Unkan koška qon ni ikikcupi qa nina pidapi.

13 Unkan unkiye tokaheya wita wata kin ekta unyanpi, qa Asos ekta watom unyanpi, heciyatanhan Palos en ope unšipi kta unkecinpi ; iye qe hehanyan mani cin, qa heon hecon unšipi.

14 Unkan Asos ekta eunkihdegapi qehan, hehan en ope unkiyapi, qa Mitulene en unhipi.

15 Unkan hetanhan iyoopta watom unyanpi, qa ihanhanna qehan Kios en iyotakons unyanpi ; qa ake ihanhanna qehan Samos iyounhipi, qa Trogulios en owanji unkanpi ; qa ake ihanhanna qehan Miletos ekta unkipi.

16 Palos Ephesos en icunom watom iyaye wacin, Asia en okihpe kte šni, qa okihi kinhan anpetu iwilecmna zaptan kin he en Jerusalem en un kta cin, qa heon inahni.

17 Unkan Miletos etanhan ye wicaši, qa Ephesos en okodakiciye hunkawicayapi kin wicakico.

OHANYANPI QON.

18 Unkan hena en hipi, hehan hewicakiya; Asia en wahi qon anpetu tokaheya hehantanhan, token ohinniyan cicipi waun kin sdonyayapi.

19 Tawacin ocowasin waħba-yedan waun, Itancan kin ohowada, istamnihanpe ota, qa taku wawiyutanyan un kin, Juda oyate nahmana iyamapepi kin on mahiyahde kin hena koya.

20 Qa taku on tanyan yaunpi kte cin takudan ipicidapi ŗni, tuka omniciye kin en, qa tipi iyaza wociciyakapi qa waonspeciciyapi ece.

21 Wakantanka ekta ihdueceptu, qa Jesus Messiya Itancan unkiyapi wacinyanpi kin hena, Juda Helenes oyate ko en mdaotanin ece.

22 Unkan nakaha iho, Woniya kin on makaškapi ecen Jerusalem ekta mda, qa heciya taku mahiyahde kte cin sdonwakiye ŗni.

23 Tuka otowe otoiyo hi en Woniya Wakan mayaotanin qa, On kaškapi qa wokakije micium, keya ce.

24 Tuka hena takuwada ŗni, qa wiconi mitawa kin tehike wakida ŗni, iyuškinyan ihunniyan waimnanke kta, qa wicoħan Jesus Itancan maqu kin, Wakantanka towaonsida wotanin wašte omdake kte cin hee tanyan mduħtan kinhan.

25 Qa nakaha iho, niyepi kin Wakantanka tokiconze kin ociciyag ciipi qon owasin ake miite kin wanmayadakapi kte ŗni e sdonwakiya.

26 Heon anpetu kin de waaya-tanin ciciyapi, wicašta owasin we kin on ašape ŗni waun.

27 Wakantanka tawacin kin ocowasin ociciyakapi qa takudan anawaħbe ŗni.

28 Heon tanyan piiciyapi, qa optaye owasin en, Woniya Wakan waawanhdake nicagapi kin hena koya, qa Wakantanka taokodakiciye kin, iye we kin on opekiron qon he awanhdaka po.

29 Miye imdamde cinhan, hehan ŗnktokeca ocin ŗicapi kin niyepi en niipi kta, qa taħinca kin itonwicapapi kte ŗni he sdonwaya.

30 Qa niyepi enitanhanpi wicašta icagapi kta, qa is iyepi ibakam waonspewicakiyapi kin u wicakiyapi kta e nina yaškiškapi kta.

31 Heon kiktahan un po, qa waniyetu yamni, anpetu hanyetu ko, istamnihanpe *amau*, qa otoiyo hi wahokonciyapi amdaħtan ŗni, he kiksuya po.

32 Hunkawanjinciyapi, nakaha Wakantanka is iye, qa towaonsida oie kin en aciupi; he icaħniyanpi, qa tona ska wicakagapi kin owasin om taku yuhe nicyapi kta e okihi.

33 Tuwe mazaska, qa mazaska-zu, qa wokoyake tawa kin wakon ŗni.

34 Han, minape kin dena on taku wacin kin miħdamna, qa tona om waun kin hena wicawecamma qon he niye sdonyayapi.

35 Hena owasin en waonspeciciyapi, hecen ħtayanipi, qa tona wašake ŗni un kin owicayakiyapi kta, qa Jesus Itancan oie qon yeksuyapi kta, Wicaqupi kin hee wowašte, qa icupi kin hee aoptetu, eye cigon he.

36 Hena hecen eya, unkan hehan canpeška makehde inajin, qa owasin om cekiya.

37 Unkan owasin nina ceyapi, qa Palos poskin yuzapi, qa iputakapi.

38 Miite kin ake toħinni wanmayadakapi kte ŗni *eye cigon*, oie

WICOWOYAKE 21.

kin de on iyotan nina iyokišica-pi. Unkan wita wata kin ekta kici yapi.

WICOWOYAKE 21.

1 Unkan hena ehpewicunyanpi, qa pacanan iyeunyanpi, hehan Kos ekta owotanna unkupi, qa ihanhanna hehan Rodos ekta, qa hetanhan Patara en iyounhipi.

2 Qa hen wita wata wan Phenike ekta watom ye kte cin iyeunyanpi, qa he en unkopapi, qa hetanhan unyanpi.

3 Qa Kupros taninyan wanunyakapi, hehan catka tanhan ehpeya unhiyupi, qa Suria ekta watom unkupi, qa Turos en unhdihunipi, hen wata taku ohnaka kin wahetajupi kta.

4 Unkan waonspewicakiyapi kin iyewicunyanpi, qa hen anpetu šakowin unkokihpapi; hena e qe Woniya Wakan eciyatanhan Palos Jerusalem ekta ye kte šni, keciyapi.

5 Tuka anpetu kin hena wanna unkihunnipi, hehan hetanhan inaunpapi, qa hena is tawicipi šiceca ko owasin opapi, otonwe itankata hehanyan, qa huta kin ekta canpeška makehde inaunjipi, qa ptaya ceunkiyapi.

6 Unkan hehan nape unkiciyuzapi, qa unkiš wata kin en unkopapi, tuka iyepi kin ekta hdapi.

7 Unkan Turos etanhan watom unkupi kin he ihunni unkiyapi, hehan Ptolemis ekta unhipi; qa hunkawanjin kiciyapi kin nape wicunyuuzapi, qa anpetu wanjidan om unkanpi.

8 Unkan ihanhanna qehan, tona Palos kici unyakonpi kin, hetanhan inaunpapi, qa Kesarea en iyounhipi; qa Philip wotanin wašte oyake cin he ti kin en unyanpi, šakowinpi qon he wanji ee, qa he kici unyakonpi.

9 Unkan he cunwintku topa witanšna unpi, hena wokcanpi ece.

10 Unkan hen anpetu ota owanji unkanpi kin icunhan, wicašta wokcan wan Agabos eciyapi, Juda makoce kin hetanhan apamahde hi.

11 Qa en unhiyupi qehan, Palos ipiyaka tawa kin icu, qa on siha nape ko iyaihdaške qa, Woniya Wakan kin heya ce, Wicašta tuwe ipiyaka kin de tawa hecinhan, he Juda wicašta, Jerusalem ekta, hecen kaškapi kta, qa Ikcewicašta kin nape kin en wicaqupi kta ce, eya.

12 Unkan he naunhionpi qehan, tona en tipi kin hena om, ceunkiyapi, Jerusalem ekta ye kte šni.

13 Tuka Palos, Token ecanonpi qa yaceyapi, qa hecen cante mayadutakunipi šni he, Jesus Itancan caje kin on Jerusalem ekta makaškapi, qa nakun mašte kta e wiyeya manka ce, eya.

14 Unkan wicada šni qehan, unkayaštanpi qa, Itancan tawacin kin ecen econpi nunwe, unkeyapi.

15 Unkan anpetu kin hena iyohakam owasin piunkiçiyapi, qa Jerusalem ekta itawankanhde unyanpi.

16 Nakun Kesarea etanhan waonspewicakiyapi kin wanjikji unkopapi, qa wanji Mnason eciyapi kin he aupi, he Kupros etanhan, wanakaja waonspekiyapi kin heca, he ti kin en unyakonpi kta.

17 Unkan Jerusalem ekta iyounhipi, hehan hunkawanjinkiciyapi kin iyuškinyan tin unki-copi.

18 Unkan ihanhanna kin hehan, Palos kici Jakob ekta unyanpi; unkan hunkawicayapi kin owasin en yukonpi.

OHANYANPI QON.

19 Hena nape wicayuze ça, hehan Ikcewicašta kin ekta iye woyake cin on token Wakantan-ka econ qon owasin ecekcen owicakiyaka.

20 Unkan hena nañonpi qehan, Itancan kin idowanpi qa *Palos* heciyapi, Cinye, Juda wicašta kektopawinge ota wicadapi, qa owasin wicoope kin sutaya awa-kicinpi kin he wandaka.

21 Qa niye, Juda oyate Ikce-wicašta ehna yakonpi kin hena owasin Moses toope kin ahdu-ştanpi kta e onspewicayakiye ça, cinca bawicakicihdayapi kte şni, qa wicoñan kin hena eciyatan-han manipi kte şni, keha keyapi e nañonpi.

22 Heon toketu kta he. Awicakehan wicota kin kawitaya iheyapi kte. Wanna yahi kin he nañonpi.

23 Hecen token unkeniciyapi kin de ecen econ wo. Wicašta tom token içiconzapi kin hena om unyakonpi.

24 Hena owicape ça, om ihdu-ska, qa mazaska on owicakiya wo, hecen paha kin hduşđapi kta. Unkan hecen token oniyakapi nañonpi qon hena taku şni, qa niş eya owotanna mayani, qa wicoope kin opeya yaun kin he owasin sdonyapi kta.

25 Tuka Ikcewicašta, tona wicadapi kin hena wowapi wicun-kicagapi, qa wicoñan kin dena takudan opapi kte şni unkeyapi qon, tuka taku wakagapi waki-yuşnapi, qa we, qa taku we ye şni yuštapi kin, qa wiinañmanpi kin hena en ihdoipi kte şni ce, hecedan unkeyapi.

26 Hehan *Palos* wicašta kin hena owicape ça, ihanñanna kin hehan om ihduska, qa ihduskapi anpetu kin wanna henakeca kte cin he yuotanin kta e tipi wa-

kan kin tin iyaya; taku qupi wan otoiyoñi on woşnapi kta he-hantu.

27 Unkan anpetu şakowin qon wanna henakeca kte hehan Ju-da wicašta, Asia etanhan upi qon hena tipi wakan kin en un wanyakapi qehan, oyate kin owasin iyowicapaştakapi qa *Pa-los* iyahpayapi;

28 Qa hotaninpi, Israel wica-šta kin, ounkiya po; wicašta kin de oyate kin en, qa wicoope kin, qa nakun tipi kin de aie ça, owancaya hecen onspewicaki-ya; qa nakun Helenes wicašta kin tipi wakan kin en awicahi, qa hecen tipi iyotan waşte kin de aşamya ce, eyapi.

29 He itokam Trophimos, Ephesos wicašta kin heca, e otonwe kin en kici un qon he wanyakapi, unkan he *Palos* tipi wakan kin en ahi, kecinpi.

30 Unkan otonwe kin ocowasin nina oqoyapi, oyate kin kawita-ya iheyapi, qa *Palos* icupi, qa tipi wakan kin etanhan tankan yusdohan ayapi, unkan ecahan-keya tiyopa kin ecen iyeyapi.

31 Wanna ktepi kta e akitapi, hehan akicita tancan wicobe yu-he cin he, Jerusalem owancaya owodutaton ce, eya okiyakapi kin he nañon;

32 Qa kohanna akicita, akicita tancan ko iwicacu, qa inyang ye ça ekta wicai. Unkan akici-ta tancan akicita ko wanwicayakapi qehan, *Palos* apapi kin ayuştanpi.

33 Hehan akicita tancan kin en ye ça, icu, qa maza icicahiña nom on kaşte wicaşi; qa he tuwe kin, qa token econ kin he, eya iwicawanga.

34 Tuka oyate kin hunñ taku eya hotaninpi, qa hunñ iş togye eyapi. Unkan owodutaton kin

WICOWOYAKE 22.

on wowicake kin sdonya okitpani, heon conkaške kin mahen aye wicaši.

35 Unkan can iyadipi kin en hdipi, hehan akicita kin yuha ayapi, oyate kin aotins upi kin heon etanhan.

36 Oyate kin iyuhpa ihakam yapi qa, Yutokan aya po, eya hotaninpi.

37 Unkan conkaške kin mahen ayapi kta, hehan Palos akicita tancan kin heciya, Taku eciciye kta tuka ce, iyowinmayakiye kta he. Unkan is, Helenes iapi kin onnispe he, eya.

38 Egipta wicašta anpetu kin dena itokam icage ca, wicašta wabotica kin hecapi kektopawinge topa ihakam hewoskan makoce kin ekta awicaye cigon be niye šni he.

39 Unkan Palos, Juda wicašta Kilikia en, Tarsos *otonwe* kin hetanhan waun, *otonwe šice šni* en imacaga. Ceciciya ce, oyate kin taku ewicawakiye kta, iyowismakiya wo, eya.

40 Hecen iyowinkiya; unkan Palos can iyadipi kin akan inajin, qa oyate kin namwicakicawin. Unkan inina yukanpi qehan, Hebrew iapi kin on ie ca, bewicakiya;

WICOWOYAKE 22.

1 Wicašta hunkawanjinciyapi qa hunkakeciyapi kin, nakaha niyepi en wowahdake cin namahton po.

2 Unkan Hebrew iapi un wowicakiyake cin he nahonpi qehan, iyotan inina yukanpi.

3 Unkan hecen eya; Juda wicašta kin hemeca, Kilikia ekta Tarsos en matonpi, qa *otonwe* kin de en icahtmayanpi, qa Gamaliel siha kin ekta, hunkake

wicayapi wicoope yuhapi kin tanyan onspemakiyapi, qa Wakantanka on nina inawašni, niyepi kin owasin nakaha yaunpi kin iyececa.

4 Qa canku kin de wiconte aiyahdeya šicaya wakuwa, wicawakaške ca, wicakaška tipi kin en iyewicawaya, wica winyan ko.

5 Hecen wošna kagapi itancan, qa hunka wicayapi kin owasin mayaotaninpi ece. Hena epi hunkawanjinkiciyapi kin wowapi wicakicagapi qa maqupi qon, hecen Damaskos ekta imdamde, heciya tona yukanpi kin hena wicakaška Jerusalem ekta wicakaštakapi kta e awicawau kta, heon etanhan.

6 Ohnihde waun, qa Damaskos wanna ikiyadan, unkan wiyotanhe cin hehan, iho, ihnuhanna mahpiya kin eciyatanhan iyoyanpa tanka wan aohdute mayan.

7 Hehan makata mahinhpaye ca, wicaho wan nawašon, Salos, Šalos, tokeca e šicaya mayakuwa he, emakiya.

8 Unkan miš amdupte ca, Itancan nituwe he, epa. Hehan is, Jesus Nazareth etanhan šicaya yakuwa kin he miye ce, emakiya.

9 Unkan tona om waun kin ojanjan kin wanyakapi, qa nina inihanpi, tuka wicaho omakiye cin he nahonpi šni.

10 Hehan miš, Itancan token ecamon kta he, epa. Unkan Itancan kin, Najin, qa Damaskos ekta ya wo, heciya token ecanon kte cin owasin oniciyaka-pi kta ce, emakiya.

11 Unkan iyoyanpa wiyatpa kin on wawanmdake šni, hecen tona om waun kin hena minape kin yus amayanpi, qa Damaskos en wai.

OĤANYANPI QON.

12 Qa wicašta wan, Ananias eciyapi, wicoope kin eciyatanhan owotanna, Juda oyate hen yakonpi kin owasin he oyakapi ;

13 He en mahi, qa najin, qa hemakiya, Salos, misunka tonwan wo. Unkan wihiyayedan oape kin he en ekta ewatonwan.

14 Hehan iye heya ; Hunkake wicunyanpi Wakantanka tawapi kin nicašniga, iye tawacin kin sdonyaye kta, qa Wanji Owotanna kin wandake ça, he i kin eciyatanhan ho kin nayahon kta ;

15 Qa iye ou taku wandake ça, nayahon kin wicašta owasin owicayakidake kta heon.

16 Unkan nakaha taku e ayape he. Najin wo, baptem niçupi kta, Itancan caje kin hoyeyakiye kta, hecen wayahitani kin yakpakinte kta ce, eya.

17 Unkan ake Jerusalem ekta icicawin wahdi, qa tipi wakan kin ohna cekiya waun, hehan woakiktonje wan mahiyahde ;

18 Qa Itancan kin wanmdaka ; he kaken emakiya ; Inahni, qa kohanna Jerusalem etanhan inanpa wo, mayadaotanin kin he wiçadapi kte šni ce, eya.

19 Unkan hepa ; Itancan, tona wacinniyampi kin hena wicawakaška, qa omniciye tipi kin ohna wicawakukaštaka ece qon he sdonyapi :

20 Qa Stephanos waayatanin nitawa kin we papsonpi qehan, hen nawajin, qa he iyowinwicawakiye ça, tona ktepi tašina awanwicaweciyaka qon.

21 Hehan, Hunktiya wo, detanhan tehan ye ciši, Ikcewicasta kin ekta, emakiya ce.

22 Unkan wicoie kin de hehanyan nahon yukampi, hehan nina hotaninpi qa, Wicašta kin de ma-

ka kin etanhan aya po, ni kta e iyecece šni ce, eyapi.

23 Unkan hotankakiya hotaninpi, qa šina ehpekiyapi, qa watušekešeca wankan yeyapi kin ;

24 Hehan akicita tancan kin, conkaške mahen aupi, qa kapsinsintapi kin on wiwangapi kta, keya ; hecen tokeca on oyate kin nina aoqoyapi kin he sdonye kta.

25 Unkan telmiso on kaškapi icunhan, Palos akicita tancan wan en najin kin heciya, Roma wicašta kin heca, qa nahahin yacopi šni, tuka yakapsinsintapi kta oyakihipi he.

26 Akicita tancan kin he nahon, unkan akicita tancan tanka kin hoši hde ça heya ; Taku ecanon kte cin he itonpa wo, wicašta kin he Roma kin heca.

27 Hehan akicita tancan tanka kin en hi, qa heciya, Roma wicašta kin henica he, omakiyaka wo. Unkan, Han, eya.

28 Unkan akicita tancan qon beya, Ihduhapi kin de ota iyopewakiya, eya. Tuka miš hecen matonpi ce, Palos eya.

29 Heon kohanna tona Palos wiwangapi kte cin hena ayušan iyayapi, qa akicita tancan tanka kin nina kopehda ; he kaška tuka Roma wicašta kin heca e sdonye cin he etanhan.

30 Unkan ihanhanna qehan, Juda oyate taku iyaonpapi hecinhan, he atayedan sdonye kta, heon icaške kin etanhan kiyuške ça, wošna kagapi, hunkawicayapi ko owasin mniciye wicaši, qa hehan en ahi, qa wicacokaya ehde.

WICOWOYAKE 23.

1 Unkan Palos omniciye kin opawicahita yanke ça, Wicašta

hunkawanjin ciyapi, Wakantanka itokam mitawacin ocowasin wašte, anpetu kin dehan wani, eya.

2 Unkan Ananias wošna kagapi itancan kin, tona ikiyadan najinpi kin *Palos* i kin ohna ape wicaši.

3 Hehan Palos heciya, Conkaške skayapi kin, Wakantanka anipe kta ce; wicoope kin eciyatadhan mayadaco kta e yahidotanka tuka wicoope kašeya amape wicayaši.

4 Unkan tona en najinpi kin, Wakantanka wawayušna itancan tawa kin he šicaya owayakiya he, eyapi.

5 Unkan Palos, Hunkawanjinciyapi, he wawayušna itancan kin ee sdonwaye šni, eya; Wowaپی en kaken kagapi, Nitaoyate kin en wicašta itancan kin dašice kte šni ce.

6 Tuka apa Saddukee, qa apa is Pharisee kin hecapi e Palos iyukcan qehan, hehan omniciye kin en hotankakiya heya; Pharisee kin hemaca, qa nakun Pharisee cinhintku kin, qa wicašte cin piya ikicagapi kte cin ape waun kin heon etanhan nakaha mayacopi ce.

7 Unkan hecen eye çehan, Pharisee Saddukee kin om hdokincapi, qa omniciye kin akipam iyeyapi.

8 Piya ikicagapi kin wanica, qa mašpiya ohnihde, wanagi ko wanica ce, Saddukee kin eyapi ece; tuka Pharisee kin, Napin yukan ce, eyapi ece.

9 Hecen nina owodutaton, qa wowapi kagapi Pharisee etanhanpi kin hena inajinpi, qa wicakigepi, qa heyapi, Wicašta kin de en taku šica takudan iyeunyanpi šni; tuka wanagi, qa mašpiya ohnihde wan taku okiyake

cin he hecetu kinhan, Wakantanka kici unkcizapi kte šni.

10 Nina hdokincapi, unkan Palos yušpašpa icupi kta e akicita tancan tanka kin kokipe ça, heon akicita kin kun ye wicaši, hena wicacokaya tanhan icupi, qa conkaške kin mahen akupi kta.

11 Unkan he ištayetu, hehan Itancan kin en hinajin qa, Palos cante wašte wo, Jerusalem en mayadaotanin kin he iyecen Roma ekta mayadaotanin kta ce, eciya.

12 Unkan anpa kamdeze cin, hehan Juda wicašta wanjikji okodakiciye wan kagapi, qa witaya içiconzapi, takudan yutapi kte šni, qa takudan yatkanpi kte šni, Palos ktepi šni kin hehanyan kta, keyapi.

13 Wakiconzapi kin hena wicašta wikcemna topa aktonpi.

14 Unkan hena wawayušna tankapi, qa hunka wicayapi ko en wicayapi, qa heyapi; Palos unktepi šni kin hehanyan, takudan untapi kte šni e wokonze on unkiconzapi.

15 Heon etanhan hanšanna, niye omniciye kin owasin om akicita tancan tanka kin he au yašipi kta, taku sanpa atayedan inungapi kta seca e heon; qa unkiš he ikiyadan aupi šni, hehan unktepi kta e wiyeya unkanpi kta ce, eyapi.

16 Unkan hena našmana iyape yukanpi kin he Palos tonškaku kin našon qehan, hehan ekta ye ça conkaške kin timahen i, qa Palos okiyaka.

17 Hehan Palos akicita tancan wanji kico qa, Koška kin de akicita tancan tanka kin ekta aya wo, taku okiyake kta ce, eya.

18 Unkan heon he icu, qa akicita tancan tanka kin ekta ai qa,

OĤANYANPI QON.

Palos kaškapi un kin he mico, qa koška kin de cicahi kta e econ maši, taku oniciyake kta keya ce, eya.

19 Hehan akicita tancan tanka he nape yuze a kicišnana icunom iyaye a, Taku omayakidake kta he, eya iwanga.

20 Unkan, Heyakecinhan Juda wicašta kin omniciye kin en Palos au nišipi kta wanna konzapi, taku sanpa atayedan iwangapi kta seca e heon heyapi.

21 Tuka niš awicayupte šni wo. Wicašta wikcemna tom aktonpi kin wokonze on waki-conzapi, Palos ktepi šni hehanyan takudan yutapi kte šni qa takudan yatkanpi kte šni, hena nakaha wiyeya yukanpi qa niš awicadupte kte cin he ape yukanpi, eya.

22 Hehan akicita tancan tanka koška qon hdicu ye a, Hena omayakidake cin he tuwedan sdonye ye šni wo, eciya.

23 Qa hehan akicita tancan nom wicakico qa, Akicita opawinge nom taku owasin on wicayuwiyeya po, qa nakun šuktanka akan yotankapi kin wikcemna šakowin, qa wahukeza yuhapi kin opawinge nom, hanyetu kin oape iyamni, hehan Kesarea ekta yapi kta ce.

24 Nakun šuktanka wiyeya ehna po, Palos akan yankekiyapi kta, qa Phelika wicašta itancan yanke cin he en tanyan aipi kta, ewicakiya.

25 Hehan wowapi wan kaken kaga :

26 Kladios Lusias, Phelika wicašta itancan iyotan wašte kin wowapi kicaga ce. Wookiye.

27 Wicašta kin de Juda wicašta kin icupi, qđ wanna ktepi kta hehan akicita hduha en wai, qa etanhan iwacu, he Roma wica-

šta kin heca e nawahon kin heon.

28 Qa taku iyaonpapi kin he tanyan sdonwaye kta wacin, heon iye omniciye yuhapi kin en awai ;

29 Qa iye wicoope hduhapi kin eciyatanhan wiwangapi kin iyaonpapi wanmdaka, tuka taku on ktepi, qa kaškapi kta e iyaonpapi kin takudan iyewaye šni.

30 Qa wicašta kin de Juda wicašta nahmana iyape yukanpi kin he omakiyakapi qehan, kohanna niye ekta aye wicawaši, qa tona taku en aupi kte cin hena hecen iyaonpeya eniciye wicawaši. Tanyan yaun nunwe.

31 Hehan akicita iš econ wicaši qon iyecen Palos hanyen icupi, qa Antipatris en aipi ;

32 Qa hanhanna hehan šuktanka akan yotankapi kin hena hetanhan ayapi kta e ehpewicayapi, qa conkaške kin ekta hdicupi.

33 Unkan hena iš Kesarea ekta ipi, qa wicašta itancan wowapi qon qupi qehan, hehan Palos itokam ehdepi.

34 Unkan iye he yawa, qa makoce kin tukte e etanhan un hecinhan wiwanga ; qa Kilikia etanhan un kin he sdonya ;

35 Hehan, Tohan tona taku iyanionpapi kin hena nakun hipi kinhan, hehan miš eya nacišon kta ce, eya ; qa Herod woyaco tipi tawa qon he ohna awanyag wicaši.

WICOWOYAKE 24.

1 Unkan hetanhan anpetu zaptan, hehan Ananias wawayušna itancan kin hee, qa hunkawicayapi kin om, ekta apamahde ya, nakun wicašta ieksapa wan, Tertulos eciyapi, hena wicašta itancan kin itokam Palos taku iyaonpapi kta.

WICOWOYAKE 24.

2 Unkan en kicopi qehan, Tertulos taku iyaonpe ça heya ;

3 Niye enitanhan wookiye tanka unhapi ce, qa waawandake cin eciyatanhan oyate kin de en wicohan wašte econpi ece kin he ohinniyan qa owancaya unki-cupi, qa on, Phelika iyotan wašte, wopida unkeniciyapi ce.

4 Tuka sanpa nagiyeciye kte šni, heon ceciciya ce, nitowaonšida kin on wicoie wanjikji naunyaonpi kta.

5 Wicašta kin de makošice, qa maka kin owancaya Juda oyate cante okičuninwicaye cin, qa yuomdecapi wan^{*}Nazareth etanhanpi, ewicakiyapi kin he en mdetahunkapi kin he wanji dee e iyeunyanpi ce.

6 He tipi wakan kin yušape kta ; unkan hehan unkiš unki-cupi, qa wicoope unkitawapi kin eciyatanhan unyacopi kta ;

7 Tuka Lusias akicita tancan tanka kin ekta i, qa wicowašake tanka on unnapepi kin etanhan eyaku.

8 Qa tona taku iyaonpeya eyapi kin hena niye kin ekta u wicaši. Hena wiwicanunge cinhan taku iyaunkonpapi kin owasin atayedan sdonyaye kta ce.

9 Unkan Juda wicašta kin iš waayuptapi qa, Hena hecetu ce, eyapi.

10 Hehan wicašta itancan kin Palos ie kta e namkicawin, hehan waayupte ; Oyate kin de en waniyetu ota wicašta wayaco nanka e sdonwaya, heon etanhan nakaha iyuškinyan wowahdaka.

11 Hecen Jerusalem ekta cekiya imdamde cin, hehantanhan wanna anpetu ake nomnana e sdonyaye kta oyakihi.

12 Qa tipi wakan kin ohna tuwe kici awakinica ecen wanma-

yakapi šni, qa omniciye tipi kin ohna, qa otonwe kin en, oyate kin wicayuumdeca waun šni.

13 Qa nakaha taku iyamaonpapi kin hena yasutapi kta e okihipi šni.

14 Tuka de ociciyaka, yuomdecapi kin cajeyatapi qon he canku kin ohna hunkake wicawaye cin Wakantanka tawapi kin ohowada, qa wicoope, qa wicašta wokcan taku owapi qon hena owasin wicawada :

15 Qa Wakantanka wacinwaye, qa wicašte cin, wašte šica ko, ake woekicetu kte cin he ape waun, he iš iyepi nakun hecen wicadapi.

16 Heon Wakantanka, qa nakun wicašta kin en tawacin takudan iyaonpepica šni waun kta e ohinniyan opimičiya ce.

17 Unkan nakaha waniyetu ota iyohakam, mitaoyate kin taku qupi, wošnapı ko wicaweci-cau kta e wahdi.

18 Qa hecen tipi wakan kin ohna mihduska waun, wicota qa owodutaton kin unmana en owape šni, ecen Juda wicašta Asia etanhan wanjikji wanmayakapi qon.

19 Hena eepi kin niye en nihiyupi, qa taku yuhapi kinhan iyamaonpapi kta tuka.

20 Qa dena iš, omniciye kin en nawajin kin, he icunhan taku šica ecamon kin taku sdonyapi kinhan oyakapi kta.

21 Tuka wicacokaya nawajin qehan, wicoie wanjidataniyan epa, Anpetu kin de wicašte cin woekicetu kte cin heon mayadacopi, epe ciqon hee, eya.

22 Unkan Phelika hena nañon qehan, qa canku kin de on sanpa tanyan sdonye kta cin kin heon, hde wicaši qa, Tohan Lusias akicita tancan tanka hi kinhan,

OĤANYANPI QON.

niyepi kin on taku owasin sdon-
waye kta ce, eya.

23 Qa akicita tancan wan Pa-
los awanyag kiye a, woozi yuhe
kta, qa iye takuwicaye cin tuwe
en hi qa okiye kta cin kinhan
tehinda kte ni, *keya*.

24 Unkan anpetu tonana iyo-
hakam, Phelika, qa tawicu Dru-
sila eciyapi, Juda winoĥinca kin
heca, he kici hi, hehan Palos
kico, qa Messiya wacinyanpi kin
on naĥon.

25 Unkan Palos wicoowotan-
na, qa iyatahde iiyapi ni, qa
woyaco u kte cin hena oyake
cin, he icunhan Phelika cancan,
qa, Nakaha ekta hda wo, tohan
tanyan iyomakipi kinhan ake
cico kta ce, eya.

26 Palos kiyuke kta e on ma-
zaska qupi kta kecin, heon kico,
qa kici wohdaka ece.

27 Tuka wanna waniyetu non-
pa, hehan Phelika yanke cin en
Porkios Phestos hiyotanka. Un-
kan Phelika Juda oyate kin iyo-
kipi wicaye kta cin, qa heon Pa-
los kakapi ecen eĥpeya kihda.

WICOWOYAKE 25.

1 Unkan Phestos makoce kin
he en hiyotanke cin, iyohakam
anpetu yamni, hehan Kesarea
etanhan Jerusalem ekta itawan-
kanhde iyaya.

2 Unkan wawayuna itancan
qa Juda wicata tokapapi kin,
Palos on okiyakapi qa cekiyapi;

3 Cinkiyapi, Jerusalem ekta
Palos au wicakiye kta, qa iyepi
kin naĥmana ktepi kta e tahepi
iyapepi kta.

4 Tuka Phestos, Palos Kesa-
rea ekta awanyakapi kta, qa
iye kin ecadan ekta hde kta,
keya.

5 Qa niyepi kin etanhan tona

waakapi kinhan, apamahde om
mde kta, qa wicata kin he taku
en un kinhan wiyaonpapi kta
ce, eya.

6 Unkan anpetu ahdogan, qa
i wikcemna hena om un kin,
hehan Kesarea ekta hda, qa
ihanĥanna qehan woyaco oiyo-
tanke kin akan kiyotanke cin,
hehan Palos en au wicai.

7 He en hi, unkan hehan Juda
wicata Jerusalem etanhan hipi
qon hena ihdukan naĥinpi, qa
wiyaonpapi tanka ota Palos en
aupi, tuka yaecetupi okihipi ni.

8 Hehan iye wohdaka; Juda
oyate wicoope hduhapi, qa tipi
wakan kin en, qa nakun Kesar
en takudan wawaĥtani ni ce,
eya.

9 Tuka Phestos Juda oyate kin
iyokipi wicaya cin, heon Palos
ayupte a heciya; Jerusalem
ekta de a, heciya mitokam de-
na on niyacopi kta tawaĥenyaya
he, eya.

10 Hehan Palos, Kesar woya-
co oiyoatanke tawa kin en nawa-
jin, hen mayacopi kta iyececa;
Juda oyate kin taku ice cin ta-
kudan ecawicawecon ni e tan-
yan sdonyaya.

11 Wawaĥtani, qa taku ica
on maktepi kta iyecece cin he
ecamon kinhan, mae kta tawa-
ĥenwaya tuka; tuka dena taku
iyamaonpapi kin taku ni kin-
han, tuwedan hena mayuhe wi-
cakiye kte ni. Kesar cajemda-
ta ce, eya.

12 Hehan Phestos, tona owi-
capeya wayaco iyotanke cin he-
na om wohdaka, hehan ayupta;
Kesar cajedata, Kesar ekta de
kta ce, eya.

13 Unkan anpetu tonana iyo-
hakam, Agrippa wicatayatapi
kin Bernike kici, Phestos nape
yuzapi kta e on Kesarea en hipi.

WICOWOYAKE 26.

14 Qa anpetu ota hen yukanpi, hehan Phestos wicaštayatapi kin Palos on okiyake ça heya, Wicašta wan Phelika kaška ehnahe cion he nahanhin ecen yanka.

15 Jerusalem ekta wai qehan, wawayušna tankapi, qa Juda hunka wicayapi kin hena he kapi, qa omakiyakapi, qa yacopi kta e cinpi.

16 Hena hecen awicamdupte ça, Wicašta wan taku iyaonpapi kinhan, tona taku iyaonpeya eyapi kin wicitokam wiyaonpapi kin en waayupte iyowinkiyapi šni kinhan, ťeyapi yacopi kin he Roma wicohan šni ce, epa.

17 Heon hena den hipi, unkan mdutehan šni, tuka ihanhanna hehan, woyaco oiyotanke kin akan wakimdotanke ça, wicašta kin he en au wicawaši.

18 Hehan tona taku iyaonpapi kin hena najinpi, tuka token wacami qon he iyecen takudan iyaonpapi šni.

19 Tuka iyepi wocekiye eyapi kin eciyatanhan wiwicawangapi kin wanjikji he en aupi, qa nakun wanjí Jesus eciyapi kin he ťa, tuka ake kini kin, Palos keya ece.

20 Unkan wiwicawangapi heca kin imdukan šni heon, Jerusalem ekta de ça heciya dena on niyacopi kta tawaťenyaya he, eya imunga.

21 Tuka Palos Sebastos cajeyate ça, he itokam yacopi kta keye cehan, Kesar ekta aye wicawakiye kta hehanyan awanyag wicawaši.

22 Hehan, Miš eya wicašta kin de nawañon kta wacin ce, Agrippa Phestos eciya. Unkan is, Heyakecinhan nayañon kta ce, eya.

23 Unkan ihanhanna qehan,

Agrippa Bernike kici wokoyake waštešte kiçun hipi, qa wanañon tipi kin en tin ipi; qa nakun akicita tancanpi kin, qa otonwe en wicašta tokapapi kin hena ko; hehan Phestos econwicaši kin on Palos en ahipi.

24 Unkan Phestos heya, Agrippa wicaštayatapi kin, qa wicašta tona den om unkanpi kin, wicašta kin on Jerusalem ekta, qa deciya nakun, Juda oyate kin owasin cemakiyapi qa, Sanpa ni kta e hecetu šni ce, eya hotaninpi qon, he dee wandakapi.

25 He taku šica econ kin, on ťe kte cin, takudan iyewaye šni, qa is iye Sabastos cajeyate cin, heon ekta ayapi kta e wakonza.

26 Tuka he on, mayuhe cin taku wecage kte cin atayedan takudan mduhe šni. He etanhan nakaha en cicahipi, wicaštayatapi kin niye iniyotan, hecen tohan tanyan wiwangapi kinhan, token wakage kte cin taku mduhe kta.

27 Wicašta wan kaškapi kin he heciya aye šipi, qa wiyaonpapi kin takudan kagapi šni kinhan, he hecetu šni imdukan ce, eya.

WICOWOYAKE 26.

1 Hehan Agrippa Palos heciya, Wanna woyahdake kte cin iyowinniciyapi ce. Unkan hehan Palos nape kin hdugate ça wohdaka.

2 Agrippa wicaštayatapi kin, Juda oyate taku iyamaonpapi kin owasin nakaha nitokam wawahdake kte cin heon imduškin.

3 Juda wicohan kin wiwangapi ko owasin tanyan hdukan nanka sdonwaya, heon etanhan. Qa hecen ceciciya ce, wacin tanka on namañon wo.

4 Tokaheya tanhan Jerusalem
229

OĤANYANPI QON.

ekta mitaoyate kin om, homa-
ksidan ehantanhan, token oĥan-
yan waun qon Juda wicašta kin
owasin sonyapi.

5 Token ohoundapi ece kin
owotanna hince cin en opeya
waun, Pharisee hemaca, hena e
otokaheya tanhan sdonmayanpi,
oyakapi cinpi unkanš.

6 Qa nakaha Wakantanka hun-
kake wicunyanpi kin iwahowi-
caye ciqon he apepi kin on, den
mayacopi kin ecen nawajin.

7 De ekta wicoun unkitawapi
ake nonpapi kin iyohipi kta e ape
yukanpi, qa anpetu hanyetu ko
cekiyapi ece. Agrippa wicašta-
yatapi kin, woape kin de on Ju-
da wicašta wimawangapi qon.

8 Wakantanka wicašte cin ake
ekicetu wicaye cin he tokeca e
he taku wicadapica šni kecanipi
he.

9 Miš eya Jesus Nazareth etan-
han caje kin on, taku ota kipa-
jinyan ecamon kta iyececa ke-
pce ciqon.

10 Jerusalem ekta hena hecen
ecamon qon; qa wawayušna
tankapi kin wowašake maqupi
kin on, wicašta owotanna kin
ota wicakaška tipi kin en iye-
wicawaye ca, te yapi kta wica-
yacopi qehan, miš eya iyecen
epa ece.

11 Qa omniciye tipi kin iyaza
otakiya wicawakaštake ca, wao-
štehda wicawakiye ca, nina can-
niye wicawaye cin heon otonwe
tokeca ekta šicaya wicawaku-
wa.

12 He icunhan wawayušna tan-
kapi kin wowašake wowapi ko
maqupi kin, he yuha Damaskos
ekta imdamda.

13 Unkan tahepi iho, wicašta-
yatapi, anpe cokaya kin hehan-
tu, iyoyanpa wan anpetu wi kin
sam iyeya wiyatpa kin he wan-

mdaka, he ihduksan iyoyanpa
maye ca tona om mawani kin
hena nakun.

14 Unkan owasin makata
ehpeunkiçiyapi, hehan wicaho
wan nawahon, Hebrew iapi on
hecen emakiya, Salos, Salos, to-
keca šicaya mayakuwa he, can
pesto kin nayahtake cin he te-
hika ce.

15 Unkan miš, Itancan, nituwe
he, epa. Unkan, Jesus šicaya
yakuwa kin he miye ce, eya.

16 Tuka inajin, qa nisiha kin
on najin wo; token wandake
ca, tokata taku wanyag ciciye
kte cin hena en waayatanin, qa
ookiye kin cicage kta e heon
nakaha wanmayag ciciya.

17 Oyate kin etanhan ecihda-
ku kta, Ikcewicašta kin nakun,
hena e ekta nakaha ye ciši.

18 Išta wicadumdaye ca, otpa-
za etanhan iyoyanpa ekta, qa
Satan towašake kin etanhan
Wakantanka ekta wicaduhomni
kta; qa hecen wacinmayanpi
kin on wahtanipi wicakicicaju-
jupi kin, qa tona ska wicakagapi
kin hena om woyuha yuhapi kta
ce.

19 Hecen on, Agrippa wicašta-
yatapi kin, mahpiya wowanyake
kin he cečunwahda šni.

20 Tuka tokaheya Damaskos
en yakonpi, qa Jerusalem, qa
Juda makoce kin owancaya, qa
nakun Ikcewicašta kin, ihdue-
cetupi, qa Wakantanka ekta
ihduhomnipi kta, qa ihduecetu-
pi wicoĥan kin econpi kta hena
hecen owicawakiyaka ece.

21 Hena on etanhan, Juda wi-
cašta kin tipi wakan kin ohna
mayuzapi, qa maktepi kta tuka.

22 Tuka Wakantanka omakiye
cin heon anpetu kin dehanyan
wani, qa tona ciqapidan tankin-
yanyan ko, wicawakiyaotanin,

qa wicašta wokcan kin Moses kici taku u kte cin oyakapi qon henana owicawakiyaka ece.

23 Messiya kakije kte ça iye tokaheya wicašte cin etanhan najin kta, qa oyate kin Ikce-wicašta ko iyoyam wicaye kte cin.

24 Hena hecen eya, unkan Phestos hotankakiya ie ça, Palos niyuhnaşkinyan, wowapi ota onspeniçiciye cin he wicayuhnaşkinyan en iyenian ce, eya.

25 Tuka iye, Phestos iyotan wašte kin, mayuhnaşkinye şni, tuka wowicake wicowaşbadan oie kin epa ce, eya.

26 Qa wicaştayatapi kin is hena tanyan sdonya, heon itokam waditagya wowahdaka, hena taku kin iye kin anakihmanpi şni e mdukan, okaşmin en econpi şni nakaes.

27 Agrippa wicaştayatapi kin, wicašta wokcan kin hena wicayada he. Wicayada e sdonwaya.

28 Hehan Agrippa Palos heciya; Kitan ecinyan Kristian hemaca kta e awacinmayaya ce.

29 Unkan Palos heya, Wakan-tanka cewakiya ce, niye nişnana şni, tuka tona anpetu kin de namaşonpi kin owasin, kitan ecinyan hee şni, tuka ocowasin miş waun kin iyecen yaunpi kta, tuka icaške kin dena ope kte şni.

30 Hena hecen eya, unkan hehan wicaştayatapi, qa wicašta itancan kin, Bernike kici, qa tona om iyotankapi kin hena ko najinpi;

31 Qa icunom yapi qa, Wicašta kin de taku on te kte ça, kaşkapi kte cin takudan econ şni ce, iya-kitedan ekiciyapi.

32 Hehan, Wicašta kin de Kesar cajeyate şni unkanş kiyuşkapi kta tuka, Agrippa Phestos eciya.

WICOWOYAKE 27.

1 Unkan Italia ekta watom unyanpi kta e wanna konzapi, hehan Palos qa wicakaşkapi tokeca kin, akicita tancan wan, Sebastos taobe kin etanhan, Julios eciyapi kin, he wicayuhekiyapi.

2 Unkan wita wata wan Adramutium etanhan, Asia makoce kin ekta tuktekten oihunni kte cin he en unkopapi, qa pacanan iyeunyanpi, qa Aristarkos Makedonos, Thesalonike etanhan, he kici unyanpi.

3 Unkan ihanşanna qehan, Sidon en unkihunnipi. Unkan Julios Palos tanyan okicihan, takuwicaye cin ekta wicai, qa hena etanhan taku yuhe kta e iyowin-kiya.

4 Unkan hetanhan pacanan iyeunyanpi, qa Kupros ihukuya watounpapi, tatoheya unyanpi kin heon.

5 Unkan Kilikia qa Pamphulia miniwanca kin unkihunnipi qehan, Lukia en Mura eciyapi kin he ekta unhipi.

6 Unkan hen wita wata wan Aleksandria etanhan, Italia ekta watom ye kte cin, he akicita tancan kin wanyake ça, he en ope unyanpi.

7 Unkan anpetu ota iwaştedan watounpapi qa kitan se Knidos en iyotakons unkipi, tatoheya unyanpi nakaes, hehan Krete ihukuya, Salmone iyotakons watounpapi.

8 Qa he kitan se kapeya unyanpi, hehan makoce wan Oihunni wašte eciyapi kin he en unkipi, he Lasea otonwe kin ikiyadan.

9 Wanna anpetu ota, qa watounpapi kin okokipe aya, hamdepi tanka kin wanna enakiyapi, hehan Palos wahokonwicakiya;

OHANYANPI QON.

10 *Qa hewicakiya, Wicašta kin, watounpapi kte cin de on wita wata kin taku ohnaka ko yutakunipi kte šni, qa nakun unkiyepi kin iyotanhan iyeunkiyapi kta e imdukcan ce, eya.*

11 *Tuka akicita tancan kin, wahektape cin qa wita wata tawa kin hena anawicakicigoptan, qa Palos ie cin he wicada šni.*

12 *Unkan oihunni kin he en waniyetu osan yukanpi kte cin he wašte šni, heon hetanhan yapi, qa okihipi kinhan, Phenike ekta watom ipi, qa ben waniyetu owanji yukanpi kta, wicota keyapi; Krete en oihunni wan itokagatanhan, wiyohpeyata ohna waziyata etkiya huta kin yuškomya wanke cin hee.*

13 *Unkan okaga tanhan tate kin iwaštedan hiyu, qa hecen token wacinpi qon wanna ecetu kecinpi, hehan kiyuškapi qa Krete ikiyedan watopapi.*

14 *Tuka iecadan, tateyanpa wan ohitike cin he en iyapa hiyu, he Tate-taja eciyapi.*

15 *Unkan wita wata kin nina iyapa, hecen tatoheya yapi okihipi šni, hehan kaha iyeunyanpi iyowiaunkiyapi.*

16 *Unkan wita wan Klauda eciyapi, he ikiyadan unyanpi, hehan kitan hin wata cistinna kin icu unkokihipi.*

17 *He yuwankan ehdakupi, qa icaške kin unpi, qa wita wata kin opta yuskiskitapi, hehan wiyaka šice cin en iyohpeyapi kta kokipapi, qa heon šina on watopapi kin palpapi, qa hecen tate on kaha iyewicayapi.*

18 *Qa nina unkakihanšicapi, heon ihanhanna, hehan wata kin etanhan taku tankan ehpeyapi.*

19 *Qa anpetu iciyamni hehan, unnapepi kin on, wita wata kin*

en, taku wowinyunyanpi kin minin ehpeunyanpi.

20 *Unkan anpetu ota, anpetu wi wicanhpi ko tanin šni un, qa nina unkakihanšicapi, hehan un-nipi kta unkeciŋpi qon he wanna unkayuštanpi.*

21 *Tuka tehan takudan yute šni unpi kin, hehan Palos wicacokaya najin, qa, Wicašta kin, anamayagoptanpi qa Krete etanhan pacanan iyeyayapi kte šni iyececa, hecen taku šice ca wicakakije cin de nihyahdepi kte šni tuka.*

22 *Qa nakaha ceciciyapi ce, cante wašte po; tuwedan niŋapi kte šni, tuka wita wata kin hecedan.*

23 *Wakantanka ohowada, qa iye mayuhe cin he taohnihde ye cin hinhan en mahinajin.*

24 *Qa, Palos kokipe šni wo; Kesar itokam inayajin kta, unkan tona om watoyape cin owasin Wakantanka niču ce, eya ce.*

25 *Heon etanhan, wicašta kin, cante wašte po; Wakantanka wicawada, token emakiye cin he ecetu kte.*

26 *Tuka wita wan en iyeunyanpi kta ce, eya.*

27 *Unkan otpaza iaketopa kin, hehan Adria miniwanca kin ohna kaha iyeunyanpi kin icunhan, hanye cokaya hehan watope wicakiyapi kin makoce wan ikiyadan upi kecinpi.*

28 *Qa hehan mazasu haħonta ikoyake cin minin iyeyapi, qa akatinpi wikcemna nonpa e iye-yapi. Hetanhan kitanna kapeya yapi, hehan ake econpi, unkan wauna akatinpi ake zaptan.*

29 *Unkan innija kin en iyewicayapi kta e kokipapi, heon wahektapa kin etanhan maza aspeiciyapi tom minin iyeyapi, qa anpao kta e cinpi hinca.*

WICOWOYAKE 23.

30 Unkan watope wicakiyapi kin wita wata kin etanhan najicapi kta akitapi, qa wata cistina qon he mini kin ekta yuhukun iyeyapi, watokapa tanhan maza aspeiçiyapi minin iyeya konzapi.

31 Unkan Palos akicita tancan kin akicita ko hewicakiya; Denawita wata kin ohna yukampi ãni kinhan, yanipi oyakhipi kte ãni ce.

32 Hehan akicita kin wata cistina hahonta ikoyake cin bapsakapi, qa kun iyeyapi.

33 Wanna anpao kta hehan Palos owasin taku yutapi icu wicafi, qa heya, Nakaba takudan yute ãni yaunpi anpetu iake topa kin he dee, hehanyan takudan iyacupi ãni.

34 Heon ceciciyapi ce, taku yutapi icu po, on wanisakapi kta ce, paha nitawapi sukaza wanjidan hinhpaye kte ãni ce.

35 Hena hecen eya hehan aguyapi icu, qa owasin wicitokam Wakantanka cekiyeye qa, kiyuãpe qa yuta.

36 Hehan owasin cante waãtepi, qa woyute icupi.

37 Unkan wita wata kin ohna, wicanagi owasin opawinge nom sanpa wikcemna ãakowin sanpa ãakpe unyakonpi.

38 Unkan taku yutapi on imnanpi hehan wita wata kin yukapojedanpi, qa aguyapi su kin minin ehpeyapi.

39 Unkan wanna anpa kamdeze çehan, makoçe kin iyekiyapi ãni; tuka kahmin wan huta oihunni waãte kin he wanyakapi, qa okhipi kinhan, he ea wita wata kin aipi kta, keyapi.

40 Hehan maza aspeiçiyapi kin bapsag iyeyapi, qa minin ehpeyapi, qa iyupse yuza icaãke kin kiyuãkapi; hehan ãina watope-

kiyapi tanka kin yuwankan iyeyapi, qa huta kin ekta yapi.

41 Tuka tukten miniwanca nom kokijuya hiyu kin he en iyohpayaapi, qa hen wita wata kin azi yapi. Unkan watokapatanhan kin he sutaya ihan, tuka wahektapatanhan kin taja on kamden iyeya.

42 Unkan akicita kin wicakaskapi kin hena wicaktepi kta e konzapi, okinni wanjikji huta kin ekta niwanpi, qa najicapi kta, keyapi.

43 Tuka akicita tancan kin is Palos nikiye kta cin kin, heon taku econpi kte cin iyowicaki ãni; qa hehan tona niwan okhipi kin hena tokaheya minin ehpeiçiyapi qa huta kin ekta niwaupi kta, keya.

44 Hehan tona nahalin en un kin hena, hunh canmdaska akan, qa hunh is wita wata etanhan onãpaspadan akan iyayapi. Unkan hecen owasin huta kin ekta tanyan iyohipi.

WICOWOYAKE 28.

1 Unkan ekta tanyan iyohipi hehan wita kin he Melite eciyapi e sdonyapi.

2 Unkan Ikcewicaãta kin nina taku waãte ecaunkiconpi, cetipi qa otioyohi en unkieopi, nina magaju qa osni kin heon etanhan.

3 Unkan Palos can cikcistina ota pahi, qa peta en aonpa hehan, wamduãkadan wan iyokatapi kin etanhan hiyu, qa Palos nape kin en ikoyag iciya.

4 Unkan nape kin en taku ocinãice cin de ikoyake cin he Ikcewicaãta kin wanyakapi qehan, iyakitedan hekiciyapi; Awicakehan wicaãta kin de tin wicakte kin heca, miniwanca kin

OHANYANPI QON.

etanhan ni hiyu esta, taku owotanna kin he ni kta e iyowinkiyeni ce.

5 Tuka wamduškadan qon nape kin etanhan peta kin en hdatata ehpeye ça tuktedan kiunniye šni.

6 Tuka kapo kta, qa išihnuhan-na řa iyaye kta kecinpi. Qa tehan ekta etonwan yukanpi qa tuktedan kiunniye šni un kin wanyakapi, hehan tawacin kin tokeca hinhdapi qa, De taku wakan kin hee ce, eyapi.

7 Unkan hen ikiyedan, wita kin ohna wicařta tokapa, Publios eciyapi kin he makoce onřpa yuha; unkan he tin hiyu unřipi, qa anpetu yamni hehayan tanyan wo unqupi.

8 Unkan Publios atkuku kin wayazanka, tancan kate ça we ece ihaya. Palos he en i, qa cekiye ça, nape on aputake ça asniyan.

9 Hecen econ, unkan hehan wita kin en tona wowayazan yuhapi kin hena en hipi, qa asni wicayapi.

10 Heon etanhan nina unkinihanpi, qa hetanhan unyanpi kte cin, hehan taku uncinpi kin owasin unqupi.

11 Unkan wi yamni, hehan wita wata wan Aleksandrea etanhan, he wita kin hen waniyetu wanke cin, he wiyokiyedan yuke cin, Jupiter cekpapi tawa kin hee, unkan he en unkopapi.

12 Qa Surakusa ekta unkihunnipi, qa anpetu yamni unyakonpi.

13 Unkan hetanhan ohomni unyanpi, qa Regium ekta unhipi. Qa anpetu wanjidan iyohakam, tate itokaga tanhan uya, qa anpetu inonpa hehan Puteoli en unkipi.

14 Hen hunkawanjin kiciyapi kin *wanjiki* iyewicunyanpi, qa anpetu řakowin om unyakonpi

kte e cinpi. Hehan Roma ekta-kiya unyanpi.

15 Unkan heciyatanhan hunkawanjin kiciyapi kin unkiyepi eciyatanhan nahonpi, qa itkounkipapi au, Appiiphorum qa Owote tipi yamni kin hehayan. Hena Palos wanwicayaka, unkan Wakantanka wopida eciye ça wakiřag iciya.

16 Unkan Roma ekta unkipi, hehan akicita tancan qon wicařkařke cin hena wicařtayatapi taakicita tancan kin qu, tuka Palos akicita wanjidan awanyag un kin he kiciřnana yanke kta e iyowinkiyapi.

17 Unkan anpetu yamni iyohakam, Palos Juda wicařta tokapapi kin wicakico. Qa en mniciyapi hehan hewicakiya, Wicařta hunkawanjinciyapi, atewicunyanpi oyate qa wicořan kin en taku řica takudan ecamon šni esta, Jerusalem ekta makařkapi ecen Roma oyate napepi kin en iyemayanpi.

18 Hena iš wimawangapi qehan makiyuřkapi kta, miye en taku on maře kte cin takudan *iyeyapi* šni.

19 Tuka Juda wicařta kin nina tehindapi kin heon, Kesar caje mdate kta iyececa wadaka, mitaoyate kin taku iyawicawaonpe kte cin takudan mduhe šni tuka qon.

20 Heon etanhan nakaka cicipi, wanciyakapi qa wociciyakapi kta, Israel oyate awacinpi kin he on maza icicariřa kin de on makařkapi ce, eya.

21 Hehan iš eya heciyapi, Juda makoce kin etanhan niye on wuwapi unkahipi šni, qa hunkawanjin kiciyapi heciyatanhan hipi kin tuwedan taku řica iyanionpe ça oyake šni.

22 Tuka niř token nitawacin

WICOWOYAKE 1.

kin naunnihonpi kta uncinpi, yu-
omdecapi kin de owancaya ya-
sicapi e sdonunyanpi ce.

23 Unkan aspetu wan cajeya-
tapi kin he en wicota Palos
yanke cin en hipi ; unkan is
Wakantanka tokiconze kin ya-
tanin, qa onspewicakiye ca, Mo-
ses toope kin wicasta wokcan
ko, etanhan Jesus on wahokon-
wicakiya anpao kin etanhan
otpaze cin hehanyan.

24 Unkan hunh taku oyakapi
kin wicadapi, qa hunh is wica-
dapi sni.

25 Unkan okonwanjidan awa-
kicinpi sni kin, hehan kihdapi,
Palos wicoie wanjidan oyake
cin iyohakam ; Woniya Wakan
kin Isaya wicasta wokcan kin
en, hunkake wicunyanpi kin
tanyan wowicakiyaka ;

26 Qa heya, Oyate kin de ekta
wicai, qa heya wo ; Wanahonpi
kin on nayahonpi kta tuka oya-
kahinigapi kte sni, qa wawanya-

kapi kin on wandakapi kta tuka
widukanpi kte sni :

27 Oyate kin de cantepi kin
cepa aye ca nogepi kin on kitan
se wanahonpi, qa istapi kin o-
lmus icupi ; ista kin on wawan-
yakapi kte sni, qa noge kin on
wanahonpi kte sni, qa cante kin
on okahinigapi kte sni, qa ihdue-
cetupi kte sni, qa mis okizi wi-
cawaye kte sni heon etanhan.

28 Hecen on he sdonya po,
Wakantanka wiconi tawa kin
Ikeewicasta kin wicaqupi, un-
kan hena is nahonpi kta ce.

29 Hena hecen eya, unkan Ju-
da wicasta kin kihdapi, qa nina
hdokinicapi.

30 Unkan Palos waniyetu nom
tipi iyunwin ton odote cin he
ohna yanke ca, tona en hipi kin
owasin tin u wicasi.

31 Wakantanka tokiconze kin
yaotanin, qa Jesus Messiya Itan-
can taku tawa kin waditagya
oyaka ece, tuwedan tehinda sni.

PALOS,

ROMA OYATE

WOWAPI WICAKICAGE CIN.

WICOWOYAKE 1.

1 Palos Jesus Messiya taokiye,
yewicasipi kin en kicopi, Wa-
kantanka tawootanin waste on
kahinigapi ;

2 Ehanna wowapi wakan kin en
wicasta wokcan oyakapi qon hee ;

3 Iye Cinhintku Jesus Messiya
Itancan unyanpi kin heon etan-
han ; he qe wicacehpi eciyatan-
han Dawid cinca kin hetanhan
icaga ;

4 Qa wowa sake on Wakantan-
ka Cinhintku kin hee e yuotan-
inpi, Woniya Wakan kin eci-
yatanhan, wiconte etanhan piya
ikicage cin he en ;

5 Iye kin eciyatanhan wowaste
unkicupi, qa oyate owasin wa-
cinyanpi kin anagoptanpi kte cin
heon yewicasipi wicohan kin he
nakun, iye caje kin on :

6 Hena ehna Jesus Messiya
wicakico kin he niyepi.

7 Tona Roma ekta un kin owa-

sin, Wakantanka wáste wicakida, yaowotanpidan kte cin on wicakico kin hena, *wowapi cicagapi*. Wowaosída, wookiye ko, Wakantanka ateunyanpi, qa Jesus Messiya Itancan kin etanhan, nicipi un nunwe.

8 Tokaheya, Jesus Messiya eciyatanhan, niyepi owasin on etanhan, Wakantanka mitawa kin wopida ewakiya ece, niye wacinyayapi kin he maka kin owancaya cajeyatapi kin heon.

9 Wakantanka minagi kin eciyatanhan ohowada, iye Cinhintku tawootanin wáste kin en, he sdonmayan, ayaştan şni wocekkiye epa eca, ohinniyancajeciya-tapi ece;

10 Qa nakaha Wakantanka tawacin kin eciyatanhan ekta ciupi owakihi kte cin heon cewakiya ece.

11 Wanciyakapi nina wacin, woniya etanhan taku wicakupi wan cicupi kta, on niyusutapi kte cin heon etanhan.

12 Niyepi kin on iyuskinmayanpi kte cin he waka, niş niye qa miş miye napin wacinunyanpi kin on etanhan.

13 Mihunkawanji, he de sdoney şni dukanpi kta wacin şni, wana ota ekta ciupi kta kepa, tuka dehanyan iyomakipi şni, niyepi ekta waskuyeca wanjikji mduhe kta wacin, oyate toktokeca kin en *mduhe* cin he iyececa.

14 Helenes, Ikcewicašta ko, ksapapi, wacintonpi şni ko, hena iyohi wicaweciye şni waun.

15 Hecen token owakihi kin, niyepi nakun Roma ekta yaunpi kin, wootanin wáste kin ociciyakapi kta wacin.

16 Messiya tawootanin wáste kin on imaštece şni; he niwicaye kte cin on Wakantanka to-

waşake kin hee, tona wicadapi kin hena en, Juda wicašta kin he tokaheya, qa behan Helenes wicašta kin hena.

17 Heon etanhan Wakantanka owotanna ohanye cin he wacinyanpi kin etanhan wacinyanpi ekta yuotaninpi; wowapi qon iyececa, Tuwe owotanna kin he wacinyanpi on ni kta ce.

18 Maşpiya kin etanhan Wakantanka tocanniye kin yuotaninpi, woaktaşni owasin qa wicašta woahitani econpi kin en, tona woahitani on wowicake kin ana-tapi kin hena en.

19 Hena on Wakantanka token sdonyapi kte cin taninyan un; Wakantanka sdoney wicakiya nakaes.

20 Maka kagapi kin hetanhan Wakantanka towakan qa towaşake otokahe wanice cin hena tanin, hena wanyagpica şni ešta, taku kage cin on etanhan sdonyapi ece; hecen on woanaşbe yuhapi kte şni.

21 Qa hecen Wakantanka sdonyapi, tuka Wakantanka iyecen yutanpi şni, qa pidapi şni; tuka tawacinpi kin ekta wañanñan-icida ayapi, qa iye cantepi wacintonşni kin otpas aya.

22 Ksapecidapi kin en icunhan witkotkoka icalñ ayapi.

23 Qa Wakantanka tepica şni towitan kin he wicašta te kte cin ouncage kin iyecen yutokecapi, qa zitkadan, wahutopa, wanutka kin hena koya.

24 Heon iye cantiheyapi şice cin en Wakantanka awicayuştan, ihduşapapi kte ca, iye tancanpi kin kiciyuşitnpi kte cin heon.

25 Hena Wakantanka wowicake tawa kin woitonşni kagapi, qa taku icalñyapi kin he yuonihanpi qa ohodapi, waicalñ-

WICOWOYAKE 2.

ye cin he isanpa, he qe owi-
hanke wanin yawaštepi nunwe.

26 Heon etanhan wocantiheye
šice cin en Wakantanka awica-
yuštan; hecen winoŋinca wica-
yuhapi kin hena e wicoŋan owo-
tanna kin yutokecapi, qa owo-
tanna šni econpi ece.

27 Qa wicašta kin iš eya win-
yan yuhapi kin he ayuštanpi, qa
iš iyepi otqiyohi winktapi on ki-
cicinpi, wica kin wica kici wo-
wištece okicilhyanpi, qa iye
tancan mahen wahtanipi kin ta-
ku iyohi kte cin he yuhapi.

28 Qa Wakantanka wacin en
yuze wacinpi šni kin he iyecen,
Wakantanka iš eya wicotawa-
cin wahte šni kin en awicayu-
štan, hecen taku wowištece kin
hduštanpi kta.

29 Hena e woahšani owasin,
wiinahmanpi, wicošice, waicu-
cupi kte cin, qa oŋinyanpi on
iyatahdepi; winawizipi, tin wi-
caktepi, wakinicapi, wohnaye,
qa wocanniye on ojupidan.

30 Waajijipi sa, waaiapi sa,
Wakantanka šice dapika, wa-
hanicidapi, wamnaicidapi, ihda-
tanpi sa, taku šica kagapi sa,
hunkakeyapi kin anawicago-
ptanpi šni;

31 Wacintonpi šni, woope ki-
caksapi, wacantkiyapi šni, wacin
tankapi šni, qa waonšidapi šni.

32 Hena Wakantanka toope
kin sdonyapi; (tona hecen econ-
pi kin hena wiconšte iyahdeci-
yapi,) tuka iš iye hecen econpi
qa tona heconpi kin hena on
iyokipipi ece.

WICOWOYAKE 2.

1 Heon etanhan wicašta kin
nituwe kašta, wadaco kinhan
iyaonpepica šni yaun kte šni.
Taku on wicašta tokeca daco

kinhan he en niye nihdaco, wa-
daco tuka niš eya he kici taku
okonwanjidan ecanon ece.

2 Tona wicoŋan hecen econpi
kin hena Wakantanka wowicako
eciyanhan wicayaco kin he
sdonunyanpi.

3 Qa wicašta kin, niš tona he-
conpi kin wicadaco, qa iyecen
ecanon kinhan, Wakantanka wi-
cayaco kin he nayeciye kta ke-
canni he.

4 Qa iš iye towašte wowijice
kin ayakta šni he, wacintanka
qa wawacinkta yuza tanka ko-
ya; qa Wakantanka towašte
kin nihduecetu kta aniye cin
hee e sdonyaye šni he.

5 Tuka cante nitehika, qa ni-
hduecetu šni kin eciyanhan,
wocanniye anpetu, qa Wakan-
tanka owotanna wicayaco kin
yutaninpi iyehantu kte cin en,
wocantiyahde amnayaya he.

6 He wicašta otoiyoŋi iye oŋan
kin eciyanhan wicakieu ece
e kta:

7 Tona wicoŋan wašte en ape
yukanpi, qa wowitan, woyuoni-
han, qa ŧepica šni kin akitapi
ece kin hena wiconi owihanke
wanice kta:

8 Tuka tona wakinin unpi, qa
wowicake kin anagoptanpi šni,
tuka woahšani awacinpi kin he-
na, wošihda, qa wocanniye,

9 Wošitkihda, qa wokakije,
wicašta otoiyoŋi taku šica econ
kin wicanagi kin *kiciun* kta, Ju-
da wicašta kin he tokaheya, qa
hehan Helenes hee kta.

10 Tuka wowitan, woyuoni-
han, wookiye ko, tona wašteya
oŋanye cin hena kiciun kta, Ju-
da wicašta kin he tokaheya, qa
hehan Helenes hee kta.

11 Wakantanka wicašta ito-
hnake ekta etonwe šni ece.

12 Tona woope codan wahta-

nipi kin hena woope codan yutakunipi kte sni, qa tona woope kin en wahtanipi kin hena woope kin eciyatanhan wicayacopi kta.

13 Wakantanka ekta tona woope nahonpi kin hena owotanna kin eepi sni, tuka tona woope kin ecen econpi kin hena owotanna wicayawapi kta.

14 Tohan Ikcewicašta woope yuhapi sni kin hena iye cinka woope wicohan kin ecen econpi kinhan, woope yuhapi sni esta, is iye woope ihduhapi ece.

15 Hena is iye cantepi kin ekta woope wicohan owapi kin he hdutaninpi, iye tawiyukan kin nakun he yaotanin, qa tawacinpi kin otioyohi tuktektan iyakicionpapi, qa akes anakihmanpi ece.

16 Anpetu wan en, Wakantanka wotanin waste mitawa kin eciyatanhan, Jesus Messiya on, wicašta taku nahmana awacinpi kin yaco kinhan.

17 Iho, Juda wicašta eniciyapi, qa woope kin awacin nanke ca Wakantanka on nihdatan,

18 Qa iye tawacin kin sdonyaya, qa taku tona waste kin idukan, woope kin tanyan onnispe nakaes;

19 Qa tona ista gongapi kin tanyan yewicayaye ca, otpaza ehna un kin iyoyamwicaye cin he niye kecannicin;

20 Qa wacinton sni kin hena waonspekiya niyuhapi, qa hoksiyoqopa kin onspewicayakiya ece, qa woope kin en wosdonye wowicake ko uncage kin yuha yaun.

21 Heon etanhan wicašta tokeca onspeyakiye cin nis niye onspeniciye sni he. Wamanonpi kte sni keya odate cin, nis niye wamayanon he.

22 Wawicihahapi econpi kte sni kehe cin, nis niye tuwe wawiyakihaha he. Wakagapi kin wahteyada sni kin nis niye tipi wakan kin etanhan wamayanon he.

23 Nis woope kin en iniwin-ka kin, woope kicaksapi kin on Wakantanka wowištenyaya he.

24 Niyepi eciyatanhan Ikcewicašta kin Wakantanka caje kin ostehdapi ece; wowapi en kagapi qon iyececa;

25 Woope kin oyape cinhan, awicakehan bakihdayapi kin taku okihi ece; tuka woope yakaksa ece kinhan, banicihdayapi kin he bakihdayapi sni icaga.

26 Heon bakihdayapi sni kin he woope woowotanna kin tanyan ope cinhan, he bakihdayapi sni kin bakihdayapi kiciyawapi kte sni he.

27 Qa bakihdayapi sni ece kin he woope kin ope cinhan, he, niye oowa qa bakihdayapi kin cciyatanhan woope yecakse cin, niyaco kte sni he.

28 Tuwe akan tanhan ecedan hecece cin, he Juda wicašta kin heca sni; qa bakihdayapi akan tanhan qa wicacehpi ecedan en un kin he hee sni;

29 Tuka tuwe mahen tanhan hecece cin he Juda wicašta kin hee, qa bakihdayapi kin he oowa kin en he sni, tuka wicanagi kin en un kin hee; he wowitan kin wicašta akantu eciyatanhan sni, tuka Wakantanka eciyatanhan un.

WICOWOYAKE 3.

1 Hecen Juda wicašta kin token iyotan un he, qa bakihdayapi kin he taku okihi he.

2 Taku owasin on iyotan, tuka tokaheya Wakantanka oie kin wicawupi qon he.

WICOWOYAKE 3.

3 **Qa** wanjikji wicadapi **śni** **ésta**, hecen tokeca kta he. Hena wicadapi **śni** kin he Wakantanka wacinyanpi kin ecetu **śni** ye kta he.

4 **Hiya**, hecetu **śni**; Wakan-tanka wowicake kta, qa wicašta otoiyo hi iton kte **śni**; wowapi en kagapi qon iyececa; Nioie kin on nihdaowotanna kta, qa niya-copi kin en ohiyaye kta ce.

5 **Tuka** waunhtanipi kin hena Wakantanka toowotanna yutan-in kinhan token unkeyapi kta he; Wakantanka kakišwicaye cin he owotanna **śni** he; (wica-šta akantu kin iyecen iwaa;)

6 **Hiya** hecetu **śni**; *hecetu* kinhan token Wakantanka wicoi-cage kin wicayaco kta he.

7 **Oiwaton** **śni** kin on etanhan Wakantanka towicake kin he iye towitan kin hduotanin kinhan, token on etanhan wahtani sa iyecen mayacopi he.

8 **Qa** tokeca taku wašte u kte cin heon taku šica econkupi kte **śni** he, unkacicagapi qa wanjikji, unkeyapi ce, keyapi kin iyececa; hena wicayacopi kin he owotanna.

9 **He** etanhan tokeca kta; unkiye iyotan unwaštepi he. **Hiya**, takušnina on. **Wanna** **Juda** **Helenes** wicašta ko, owasin wo-ahtani ihukuya yukanpi kin he unyaotaninpi qon.

10 **Wowapi** en kagapi qon iyececa; **Tuwedan** owotanna un **śni**;

11 **Tuwedan** okalinige **śni**; **tuwedan** Wakantanka akite **śni**;

12 **Owasin** icunonpa iyayapi, **ptaya** ihdušicapi; **tuwedan** taku wašte econ **śni**, wanjidan **ésta**.

13 **Dotepi** kin wicahnakapi yu-**hdokapi** kin hee; **cejipi** kin on **wicahnayanpi** ece, **ihapi** kin en **šinteħda** tage yukan:

14 **Ipi** kin wicayašicapi qa wicoie pa hinca ko on ojudan:

15 **Šihapi** kin iš weyapi kta e duzahanpi;

16 **Tacankupi** kin ohna wico-takuni **śni** wicokakije ko yukan;

17 **Qa** wookiye canku kin he sdonyapi **śni**.

18 **Qa** **istapi** kin itokam **Wakantanka** kokipapi kin wanica ce.

19 **Woope** kin taku tona eye cinhan, tona woope ihukuya un kin hena hewicakiya ece e sdon-**unyanpi**. Hecen wicai otoiyo hi iohmus icupi kta, qa wicoicage owasin **Wakantanka** itokam wicayacopi kta.

20 **Heon** etanhan iye itokam, woope wicoħan kin on, wicace-ħpi takudan yaowotanpi kte **śni**; woope kin eciyatanhan wo-ahtani sdonkiyapi ece.

21 **Tuka** nakaha woope codan **Wakantanka** toowotanna kin yutaninpi; woope qa wicašta wokcanpi kin he yaotaninpi ece.

22 **Wakantanka** toowotanna kin, **Jesus** **Messiya** wacinyanpi kin eciyatanhan u kin hee, tona wicadapi kin owasin en, qa owasin akan un, qa owasin akiyece-capi.

23 **Owasin** hin wahtanipi, qa **Wakantanka** towitan kin iyohi **śni** unpi.

24 **Qa** iye towaonšida kin on iyunwin codan owotanna wicayawapi, wopekintonpi **Jesus** **Messiya** en un kin he eciyatanhan.

25 **He** **Wakantanka** toka qe-han ehde, wokajuju kta, iye we kin wacinyanpi kin eciyatanhan, iye toowotanna hduotanin kte, wo-ahtani ehanna econpi qon hena kajujupi kin on etanhan.

26 **Wakantanka** tehan ape un kin en, nakaha iye toowotanna

kin hdutanin kta e heon; hecen iye kin owotanna un kta, qa nakun tuwe Jesus wacinye cinhan, he yaowotan kta.

27 Hehan ihdatanpi kin toki un he. He anaptapi. Woope kin tukte e on; wicohan kin hee he. Hiya, wacinyanpi woope kin hee on etanhan.

28 Heon woope wicohan codan, wacinyanpi on etanhan, wicašta kin owotanna yawapi e he unkiyukanpi.

29 Juda oyate isnana Wakan-tanka tawapi he; qa Ikcewicašta tawapi šni he. Hiya, nakun Ikcewicašta tawapi.

30 Tuwe wacinyanpi on baki-hdayapi kin yaowotanna kte, qa wacinyanpi eciyatanhan baki-hdayapi šni kin owotanna yawa kte cin he Wakantanka wanjidan.

31 Hecen wacinyanpi kin on woope kin ecetu šni unyanpi he. Hiya, hecetu šni, tuka woope kin unyusutapi.

WICOWOYAKE 4.

1 Heon, Abraham ate unyanpi kin, wicacehpi eciyatanhan taku iyeye ciqon tukte e he, unkeyapi kta he.

2 Abraham wicohan on ihdu-owotanna kinhan taku iwinkta kte cin hduha, tuka Wakantanka itokanya šni.

3 Wowapi wakan kin token eya he. Abraham Wakantanka wacinyan, qa woowotanna kiciyawapi qon.

4 Tuwe litani kin he wokajuju kin wowaonsida iyecen kiciyawapi šni, tuka wopetonpi kin he iyeecca.

5 Tuka tuwe ohanye šni, qa tuwe tona wahtanipi kin wica-yaowotanna kin he wacinyo cin-

han, wacinyanpi kin he wicoowotanna kiciyawapi ece.

6 Wicašta kin tuwe wicohan codan Wakantanka wicoowotanna kiciyawa kin wowašte yuhe cin he Dawid oyake ciqon iyeecca:

7 Tona taku šica econpi qon wicakicicajupui, qa wahtanipi kin yutokan iyewicakiciciyapi kin hena wicayawaštepi ece.

8 Wicašta kin tuwe Itancan kin woahtani kiciyawa šni kin he yawaštepi ce.

9 Unkan wowašte kin de baki-hdayapi kin ecedan en au he; qa is baki-hdayapi šni kin nakun en au he. Wacinyanpi kin he Abraham woowotanna on kiciyawapi ce, unkeyapi qon.

10 Token he on kiciyawapi he; baki-hdayapi kin en un, qa is baki-hdayapi šni en. Baki-hdayapi en un šni, tuka baki-hdayapi šni kin en icunhan.

11 Qa nahanhin baki-hdayapi šni un kin en icunhan, baki-hdayapi kin he wowapetogton, w-wacinye woowotanna ipuspe kin hee icu; hecen tona wacinyanpi kin owasin, bawica-hdayapi šni ešta, he ateyapi kta, qa nakun hena e wicoowotanna wicakiciyawapi kta.

12 Qa tona baki-hdayapi kin heceepidan šni, nakun Abraham ateunyanpi, hinahin baki-hdaye šni, he ehan wacinye ciqon, tona he oye kin ohna manipi kinhan, hena is eya baki-hdayapi kin en ateyapi kte cin heon.

13 Maka kin tawaye kte cin, Abraham iye cinca kin om, iwa-hoyapi qon he woope kin eciyatanhan šni, tuka wacinyanpi on woowotanna kin eciyatanhan.

14 Tona woope kin eciyatanhanpi kin hena tawayapi kte cin cepe hecinhun, wacinyanpi kin

WICOWOYAKE 5.

ecetuśniyapi, qa wahoyapi qon he nakun takudan okihi śni.

15 Wooke kin he wocanniye kaga; tukten wooke wanica hecinhan hen woahṭani nakun wanica.

16 Heon etanhan, he wacinyanpi kin on, wowaonśida eciyatanhan kte cin heon, qa wahoyapi qon cincapi kin owasin en wicakiciyusutapi kta, tona wope eciyatanhan un kin hecedan śni, tuka tona Abraham, unkiye owasin ateunyanpi kin, wacinye ciqon en opapi kin hena koya.

17 Wowapi qon iyececa; Ikcewicaśta oyate ota atenyianpi kta e ecihde ce; Wakantanka wicaṭe cin ake ni wicaye qa, taku tona un śni kin hena taku un kin iyecen cajeyata ece kin he wacinyan kin heon etanhan.

18 Oyate ota ateyapi kte cin he apepica śni, tuka wacinyan un kin heon ape, taku eyapi qon iyececa; Nicinca iyenaka kta ce.

19 Qa waśagya wacinye cin heon iye tancan kin wanna kan he awakicin śni, wanna waniyetu opawinge ikiyedat, qa Sara tamni kin nakun wanna ecece śni tuka.

20 Qa Wakantanka wahoye cin he ceṭunhda kin on kaktihanhan śni; tuka wacinyanpi on wakiśaka un, qa Wakantanka yatan.

21 Qa taku iwahoye cin he ecen econ kta okihi e he nina wicada.

22 Heon etanhan he wicoowotanna kiciyawapi.

23 Qa he hecen kiciyawapi kin he iye isnana on wowapi kin en kagapi śni;

24 Tuka unkiyepi on, he unkiyawapi kte cin heon etanhan, tuwe Jesus Messiya Itancan unkiyapi kin wiconṭe etanhan na-

jin kiye ciqon he wacinyanpi kinhan.

25 Iye waunṭanipi kin on wicacupi, qa owotanna unyawapi kte cin on ake najinkiyapi qon.

WICOWOYAKE 5.

1 Hecen wacinyanpi on owotanna unyawapi kin, heon etanhan Wakantanka ekta wookiye unhapi, Jesus Messiya Itancan unkiyapi kin eciyatanhan.

2 Qa he iye eciyatanhan en unhiyupi, wowaonśida en aban naunjinpi kin en, wacinyanpi kin on etanhan, qa Wakantanka towitan kin ape unkiyuśkinpi ece.

3 Qa hecedan śni, nakun wokakije on unkiyuśkinpi ece; wokakije kin he wacin tankapi kaga e sdonunyanpi;

4 Qa wacin tankapi kin he wiyukcanpi, qa wiyukcanpi kin he woape;

5 Qa woape kin he isṭen wicaye śni, Woniya Wakan unqupi kin he eciyatanhan, Wakantanka towaśte uncantepi kin en unkokicicaśtanpi kin he etanhan.

6 Takudan unkokihipi śni kin he icunhan, wanna iyehantu qehan Messiya waṭtanipi sa kin on ṭa.

7 Tuwedan wicaśta owotanna kin on ṭe kte śni naceca; tuka okinni wicaśta waśte on tuwe ṭe kta tawaṭenye kta nace.

8 Tuka waṭtanipi sa heuncapi kin he icunhan, Messiya unkiyepi on ṭe cin he en, Wakantanka token canteunkiyapi kin hduotanin.

9 Hecen sam iyeya, nakaha iye we kin on owotanna unyawapi kin, iye eciyatanhan wocanniye kin etanhan eunhdakupi kta.

10 Toka unyakonpi qehan he

icunhan, iye Cinhintku ƚe cin eciyatanhan, Wakantanka kici okiciciye unyanpi hecinhan, he sam iyeya kici okiciciya unyan-konpi kin, iye ni un kin eciyatanhan ni unyanpi kta.

11 Qa hecedan ƚni, tuka nakun Wakantanka kin en unkiyuƚkinpi, Jesus Messiya Itancan unkiyapi kin eciyatanhan, he etanhan nakaha wookiye unhapi.

12 Heon etanhan wicaƚta wanjidan eciyatanhan woahtani wicoicage kin wicehna hiyu, qa woahtani etanhan wiconƚe, qa hecen wiconƚe wicaƚta owasin akan iwicayaya, owasin wahtanipi nakaes.

13 Woope kin itokam woahtani wicaƚta kin ehna un; tuka tukten woope wanice cinhan hen woahtani wicakiciyawapi ƚni ece.

14 Hececa esta, Adam qa Moses iyotahedan wiconƚe onunyan, Adam tuwe u kte cin oowa kin hee wahtani kin tona iyecen wahtanipi ƚni kin hena eepi kaes en onunyan.

15 Tuka woahtani qon he kici wowaonsida kin akidecece ƚni. Wicaƚta wanjidan wahtani qon he on wicota ƚapi hecinhan, he sam iyeya Wakantanka towaonsida, qa wowaonsida on ituwicakihanpi kin he wicaƚta wanjidan, Jesus Messiya kin hee on wicota en wicakiciyuota kta.

16 Qa wicaƚta wanjidan wahtani qon eciyatanhan, wowaonsida on ituwicakihanpi kin he iyecece ƚni. Wanjidan on etanhan wiconƚe iwicayacopi: tuka wowaonsida on ituhanpi kin he woahtani ota etanhan wicayawotanna kta.

17 Wicaƚta wanjidan wahtani kin on etanhan wanjidan eciyatanhan wiconƚe onunyan hecin-

han, he sam iyeya tona wowaonsida untkana, qa wicoowotanna wicaqupi kin icupi kin hena, wanjidan, Jesus Messiya kin hee, e eciyatanhan wiconi kin en onunyanpi kta.

18 Heon etanhan woahtani wanjidan eciyatanhan, wicaƚta owasin en wiconƚe iwicayacopi kin aupi; he iyecen woowotanna wanjidan on etanhan wiconi iwicayaowotanna kin he wicaƚta owasin en aupi.

19 Wicaƚta wanjidan waanagoptan ƚni un qon he etanhan wicota wahtani sa wicakagapi kin, he iyecen wanji waanagoptan un kin eciyatanhan wicota owotanna wicakagapi kta.

20 Woahtani ihduota kte cin heon woope kin hi, tuka tukten woahtani yuota ikicage ciqon hen wowaonsida nina sam iyeya ihduota.

21 Hecen wiconƚe en woahtani onunye ciqon he iyecen wiconi owihanke wanica en wowaonsida onunye kta, Jesus Messiya Itancan unkiyapi kin eciyatanhan.

WICOWOYAKE 6.

1 Hecen taku unkeyapi kta he. Wowaonsida yuotapi kte cin heon woahtani en unkitanpi kta he.

2 Hiya hecetu ƚni. Tona woahtani ekta unƚapi kin, token he en nakun unnipi kta he.

3 Tona Jesus Messiya en baptem wicaqupi kin hena iye ƚe cin en bsptem wicaqupi kin he sdonyayapi ƚni he.

4 Heon etanhan baptem eciyatanhan he kici unhnakapi, wiconƚe kin en. hecen iye Atkuku towitan kin Messiya wicate cin etanhan ekicetu ye ciqon he iyecen unkiƚ eya wiconi teca kin en maunnipi kta.

WICOWOYAKE 7.

5 **Qa iye te cin iyacinpi kin en kici huunhdepi hecinhan, nakun he piya ikicage cin en iyecen unyakonpi kta.**

6 **Qa wicašta tanina unhapi kin he iye kici icipaweñ okatanpi kin he sdonunkiyapi, hecen woahłani tancan kin he ihangyapi kta, qa hetanhan woahłani wowidag unyanpi kte śni.**

7 **Tuwe te cinhan, he wanna woahłani etanhan kiyuškapi.**

8 **Hecen Messiya kici unłapi hecinhan, kici unnipi kta e wacinunyanpi.**

9 **Qa Messiya wicašte cin etanhan ekicetuyapi qon he ake icimana te kte śni e sdonunyanpi; tokata wiconęe tohinni yuha okihi kte śni.**

10 **He te cion wancadan woahłani on ta; qa he kini kin Wakantanka on ni un.**

11 **He iyecen niś eya woahłani on te nihdawapi, tuka Wakantanka ekta ni yaunpi, Jesus Messiya Itancan unkiyapi kin eciyatanhan.**

12 **Heon nitancan te kte cin en woahłani ounye śni nunwe, hecen wocantiheye śice cin anayagoptanpi kte śni.**

13 **Qa nihuhapi kin hena wicoħan śica en woahłani wowinyunye kta e qupi śni po, tuka wicašte cin etanhan ni un kin iyecen Wakantanka ičiču po, qa nihuhapi kin wicoowotanna en Wakantanka wowinyunye kiya po.**

14 **Woahłani icimana inidakapi kte śni. Woope kin ihukuya yaunpi śni tuka wowaonśida kin ihukuya.**

15 **Hecen tokeca kta; woope kin ihukuya unyakonpi śni, tuka wowaonśida ihukuya unyakonpi kin heon etanhan waunłtanipi kta he. Hiya hecetu śni.**

16 **Tuwe anayagoptanpi kta inidake ničiyapi kin he anayagoptanpi kin on wowidake niyanpi kin he sdonyayapi śni he; he woahłani wiconęe aiyahdeye cin hee, qa is waanagoptanpi kin on wicoowotanna kta.**

17 **Tuka Wakantanka wopida kiciun nunwe, woahłani inidakapi tuka qon; tuka woonspe ecedan en yenianpi qon he cante eciyatanhan oyapapi.**

18 **Qa woahłani etanhan enihdakupi ĳin, heon wicoowotanna wowidake niyan yaunpi.**

19 **Wicašta akantu kin iyecen iwaa ce, nicełpipi waśake śni kin heon etanhan. Wicośice en nihuhapi kin aśapapi qa woahłani wowinyunniyanpi kta e iyowinyakiyapi qon, he iyecen nakaha wicayuecedan kin en nihuhapi kin wicoowotanna inidakapi kta e iyowinkiya po.**

20 **Woahłani wowidake niyanpi qehan, wicoowotanna inidakapi śni.**

21 **Hehan taku nakaha on inistecapi kin hena en taku waskuyeca duħapi qon he tukte e he; hena e ihanke kin he wiconęe ee.**

22 **Tuka nakaha woahłani etanhan enihdakupi, qa Wakantanka wowidake niyanpi, heon wicayuecedan on waskuyeca duħapi, qa he ihanke kin owihanke wanin wiconi kin hee.**

23 **Woahłani wokajuju kin he wiconęe ee; tuka Wakantanka taku ituwicakiħan kin he, Jesus Messiya Itancan unkiyapi kin eciyatanhan, owihanke wanin wiconi kin hee.**

WICOWOYAKE 7.

1 **Mihunkawanji, (tona woope sdonyapi kin hena owicawakiya); woope kin wicašta kin wo-**

widag ya, tohanyan ni un kin hehanyan, he sdonyayapi śni he.

2 Winoñinca kin tuwe hihna ton kinhan, hihnaku ni un kin hehanyan, toope kin on kaškapi ; tuka hihnaku kin wanna te cinhan hehan hihnaku toope kin etanhan kiyuškapi.

3 Hecen hihnaku ni un kin icunhan, wicašta tokeca hihnaye cinhan, wawicibaħapi econ eciyapi kta ; tuka hihnaku te cinhan hehan woope qon etanhan kiyuškapi qa wicašta tokeca hihnayan ešta he wawicibaħapi econ śni.

4 Heon etanhan, mihunkawanji, niś eya Messiya tancan kin eciyatanhan woope kin ekta niħapi kin ; hecen tuwe tokeca hihnayayapi kta, tuwe wicašte cin etanhan ekicetuyapi qon he hee ; hecen Wakantanka on waskuyeca icaħunyanpi kta.

5 Wicaceħpi kin en unyakonpi qehan, woaħtani wocantiheye kin, woope kin eciyatanhan un kin, hena waskuyeca wiconšte icaħkiciciye kta e heon unħuħapi kin en oħanyan.

6 Tuka nakaha woope kin etanhan unkiyuškapi, taku on unkaškapi qon he ekta unħapi kin ; hecen oowa tanina kin en wowidag unyanpi kte śni, tuka woniya teca kin en.

7 Hecece cinhan token unke-yapi kta he : Woope kin he woaħtani kin ee he : Hiya, hecetu śni ; woope eciyatanhan śni unkanś, woaħtani sdonwakiye kte śni tuka qon. Woope kin, Tokan tawa yacin kte śni ce, eye śni unkanś, wocantiheye śice cin sdonwaye kte śni tuka.

8 Hehan woaħtani woahope kin wowinyunye ċa, miye mahen wocantiheye śice cin owasin mi-

caga. Woope codan woaħtani ċa wanka.

9 Ehanna woope codan ni wauñ ; tuka woahope kin he hi qehan, woaħtani kini, qa miye maħa.

10 Qa woahope kin wiconi kta e on yuřtanpi qon he wiconšte kin ee imicicaga ce.

11 Woaħtani woahope kin woinyunyan, hecen mahnaye ċa, on makte.

12 Hecen woope kin he wakan ; qa woahope kin he nakun wakan, owotanna qa wašte.

13 Hecen taku wašte kin he wiconšte imicicaga he. Hiya hecetu śni. Tuka woaħtani kin he woaħtani hee e tanin kta, heon taku wašte on etanhan wiconšte icaħ miciciya ; hecen woahope kin eciyatanhan woaħtani kin iyotan śice kta.

14 Woope kin he wakan sdonunyanpi ; tuka miye qe wicaceħpi kin hemaca, qa woaħtani ihukuya wiyopemayanpi.

15 Taku ecamon ece kin he iyowinwakiye śni. Taku wacin kin he ecen ecamon śni ; tuka taku śice wadake cin he ecen ecamon ece.

16 Taku wacin śni kin he ecen ecamon kinhan, woope kin he wašte e mduotanin.

17 Qa hecen tuwe hecon kin he miye śni, tuka woaħtani miye mahen un kin hee.

18 Miye en, micheħpi kin he waka, taku wašte en maun śni e sdonwakiya. Iċiconzapi kin he iyemicihantu, tuka token taku wašte ecamon kte cin iyewakiye śni.

19 Taku wašte wacin kin he ecen ecamon śni ; tuka taku śica wacin śni kin hee ecen ecamon ece.

20 Hecen taku wacin śni kin

WICOWOYAKE 8.

he ecen ecamon kinhan, tuwe hecon kin he miye *śni*, tuka woahntani miye mahen un kin he *hecon*.

21 Hecen woope wanji iyewakiya, taku wašte ecamon wacin eca, taku *śica* miye en miciun ece.

22 Wicašta mahentu kin eciyatanhan Wakantanka toope kin on imduškin :

23 Tuka mihuha kin en woope tokeca wan wanmdaka, he mitawacin toope kin kici kicize *ča*, woahntani woope mihuha kin en un kin he en wayaka amahda.

24 Wicašta nina iyokišice cin he miye ; tuwe wiconšte tancan kin de etanhan emahdaku kta he.

25 Wakantanka wopida ewakiya ece, Jesus Messiya Itancan unkiyapi kin hee on etanhan. Hecen miye mitawacin kin on Wakantanka toope kin wowidag mayan, tuka wicacehpi eciyatanhan woahntani woope kin he *imadaka*.

WICOWOYAKE 8.

1 Heon etanhan, nakaha tona Jesus Messiya en un kin, hena wiconšte iwicayacopi wanin unpi, wicacehpi eciyatanhan manipi *śni*, tuka Woniya kin eciyatanhan.

2 Wiconi Woniya toope kin Jesus Messiya en un kin, he woahntani wiconšte ko woope kin etanhan makiyuška.

3 Woope kin wicacehpi eciyatanhan waške *śni* un qon he taku okihi *śni* kin hee Wakantanka *econ*, iye Cinhintku wicacehpi wahtani ounce kin en hiyuya, woahntani on, qa wicacehpi kin en woahntani yaco.

4 Hecen tona wicacehpi kin eciyatanhan maunniipi *śni*, tuka

Woniya eciyatanhan, unkiyepi en woope wicoowotanna kin ecetu kta.

5 Tona wicacehpi eciyatanhan un kin hena wicacehpi taku tawa kin awacinpi ; qa tona Woniya kin eciyatanhan un kin hena taku Woniya tawa kin *awacinpi*.

6 Wicacehpi awacinpi kin he wiconšte kin ee ; tuka Woniya awacinpi kin he wiconi qa wookiye kin hee.

7 Wicacehpi wicotawacin kin he Wakantanka toka ya. He Wakantanka toope kin ope *śni*, qa nakun ecaca okihi *śni*.

8 Hecen tona wicacehpi kin en un kin hena Wakantanka iyokipi yapi kta okitpanipi.

9 Tuka niyepi wicacehpi kin en yaunpi *śni*, Woniya kin en yaunpi, Wakantanka Taniya kin niyepi kin en ounye cinhan. Qa tuwe Messiya Taniya kin yube *śni* kinhan he tawa *śni*.

10 Qa Messiya en niunpi kinhan, wicatanhan kin he woahntani eciyatanhan *ča*, tuka wicanaagi kin he wiconi un, wicoowotanna eciyatanhan.

11 Tuwe Jesus wicašte cin etanhan najin kiye ciqon he Taniya kin niyepi en ounye cinhan, tuwe Messiya wicašte cin etanhan najin kiye ciqon hee nitancan tapi kte cin ekicetu ye kta, iye Taniya Wakan niyepi en ounye cin he eciyatanhan.

12 Heon etanhan, mihunkawanji, wicacehpi kin takudan ikicazo *śni* unyakonpi, on etanhan wicacehpi kin eciyatanhan unniipi kta.

13 Wicacehpi kin eciyatanhan yanipi kinhan nišapi kta ; tuka Woniya kin eciyatanhan wicatanhan wicohan kin *te* yakiyapi kinhan yanipi kta.

ROMA.

14 Wakantanka Taniya kin tona yus awicaye cin hena Wakantanka cinca wicaye cin eepi.

15 Ake wokokipe kta e on ookiyeyapi woniya kin iyacupi ūni, tuka cinhintkuyapi woniya kin he iyacupi, on Abba, Ate, eya hoyeunkiyapi ece.

16 Qa Wakantanka cinca kin heuncapi e unnagipi kin kici Woniya kin e unyuotaninpi.

17 Unkan uncincapi kinhan tawayapi kte cin heuncapi; Wakantanka tawayapi; Messiya kici tawayapi kte cin; kici unakijapi kinhan, nakun kici wowitan unhapi kta ce.

18 De nakaha wicokakije kin he, wowitan unkiyepi en ecadan yutaninpi kte cin kici akiyecen yawapi kta e iyecece ūni wadaka.

19 Wakantanka cinca wicayutaninpi kte cin on taku kagapi kin cantokpaniyan ape yanka.

20 Taku kagapi kin he woecetu ūni kin en ihukuya ye kta cin ūni, tuka tuwe woape on he wowidagye cin hee on etanhan.

21 Qa taku kagapi kin hee kaeū wicahwin wowidagyi kin etanhan kiyuūkapi kta, qa Wakantanka cincawicaye cin ihuhapi wowitan kin en yeyapi kta.

22 Taku icage cin owasin dehanyan witaya comnihdazi, qa hoksiksuya un e sdonunyanpi.

23 Qa hecedan ūni, tuka unkiū eya Woniya kin taku tokaheya icaūya unhapi kin, unkiyepi qe comniunhdazipi, qa atayedan cinca yapi kte cin unkapepi, unkitancanpi ekicetu ye kte cin hee.

24 Woape kin on niunyanpi; tuka woape wanyakapi kin he woape kin ee ūni, tuwe taku wanyake cinhan tokeca e nahahin ape yanka he.

25 Tuka taku wanunyakapi ūni

kin he unkapepi hecinhan, hehan wacintankapi on unkiyepi kta e ape unyakonpi ece.

26 Qa nakun Woniya kin iū waunūsakapi ūni kin en icunhan ounkiyepi ece. Token wocekiye unkeyapi kte cin sdonunki-yapi ūni, tuka Woniya kin e qe unkiyepi on wocekiye eya, howayapi oyagpica ūni kin on.

27 Qa tuwe wicacante iyukkan kin he Woniya kin token wacin yuze cin sdonya, he Wakantanka tawacin kin eciyatanhan tona owotanna un kin hena on wocekiye eya ece.

28 Unkan Wakantanka waūte dakapi kin hena taku owasin tanyan owicakihan ece e sdonunyanpi, tona iye tawacin kin eciyatanhan wicakicopi kin hena.

29 Tona otokaheya tanhan sdonwicakiye ciqon hena wicakiconza, iye Cinhintku ouncege kin en icagapi kte cin heon, qa hecen he hunkawanjitku ota ehna tokapa kta.

30 Qa tona wicakiconze ciqon hena wicakico; qa tona wicakico qon hena wicayaowotanna; qa tona wicayaowotanna qon hena iū eya wicayutan.

31 Heon etanhan hena taku kin en taku unkeyapi kta he. Wakantanka unkiyepi un kinhan, tuwe kaūeunyanpi kta he.

32 Tuwe iye Cinhintku kin kpatan ūni, tuka unkiyepi owasin on kpanan qon, he iye kici taku owasin iyakiūyaya unqupi kte ūni he.

33 Tona Wakantanka wicakalnige cin hena tuwe taku iyawicakonpe kta he. Wicayaowotanna kin he Wakantanka kin ee ce.

34 Tuwe wayaco kta he. Tuwe ūe ciqon he Messiya ee, qa ake

WICOWOYAKE 9.

piya ikicage cin hee, Wakantanka etapa kin eciyatanhan yanke ca, unkiyepi on wocekiye eciya.

35 Tuwe Messiya towašte kin etanhan unyušpapi kta he. Wicokakije, wošitkihda, wicokicize, wicaakihan, tancowicakadan, wokokipe, qa maza sagye okihi kta he.

36 (Owapi qon he hecetu, Niye kin on anpetu ohinniyun unktepi unyakonpi, taħinca ktepi kte cin iyecen unyawapi ce.)

37 Tuka hena taku kin owasin en, tuwe canteunkiyapi qon he eciyatanhan, tanyan ohiye unyakonpi.

38 Heon, wiconte, qa wiconi, qa maħpiya ohnihde cin hena, qa wokiconze kin, qa wicowaške kin, qa taku nakaha un kin taku u kte cin ko ;

39 Qa taku wankantuya un kin, qa taku mahentuya un kin, qa taku icage cin tokeca, takudan Wakantanka towašte, Jesus Messiya Itancan unkiyapi en un kin, he etanhan unyušpapi kte šni e sdonwaye ħinca.

WICOWOYAKE 9.

1 Messiya eciyatanhan wowicake epe, itonšni mawanica, minagi kin hee e Woniya Wakan kin kici mahdutanin ;

2 Nina iyomakišice ca micante ekta ohinniyun iyokišin waun.

3 Mihunkawanji qa tona wicaceħpi eciyatanhan takuwicawaye cin hena on, Messiya etanhan mayacopi tawaženwaya owakihi tuka.

4 Hena Israel wicašta kin hecapi, qa atayedan cinksi wicaye cin hena eepi, qa wowitan, qa wicotakuye, qa woop wicaqupi kin, qa wawokiyapi kin, qa wahoyapi kin hena tawapi.

5 Qa hunkake wicayapi kin etanhanpi kin hena eepi, qa hena etanhan wicaceħpi eciyatanhan Messiya inapa, he owasin iwankam Wakantanka kin ee, owihanke wanin wowašte yuha nunwe.

6 Wakantanka oie kin ecetu šni aye cin he wake šni. Tona Israel etanhanpi kin hena owasin Israel hecapi šni.

7 Qa Abraham etanhan icagapi kin heon owasin cincapi kin hecapi šni. Tuka, Isaak etanhanpi kin hena nicinca ewicakiyapi kta ce.

8 He kaketu, tona Wakantanka cinca wicaye cin hena wicaceħpi eciyatanhan cinca wicayawapi qon heon etanhan šni, tuka tona cinca wahoyapi qon hena e wicowazi kin ee iyawapi.

9 Wahoyapi wicoie kin he decetu, Omaka dehantu kinhan wau kta, qa Sara cinbintku wan ton kta ce.

10 Qa heceyedani šni, tuka Rebeka nakun wanjidani on, Isaak ateunyanđi kin hee on, ihduške ceħan,

11 Nabanħin tonpi šni, taku wašte taku šica ko unmana nahanħin econpi šni, Wakantanka tawacin kin wicakaħnigapi kin en sutaya un kte cin heon, wicoħan kin eciyatanhan šni, tuka tuwe wicakico kin he eciyatanhan ;

12 Hehan heciyapi, Hakakta kin he tokapa kin wowidag ye kta ce.

13 Owapi qon he kaketu, Jakob wašte wadaka, tuka Esau šice wadaka ce.

14 Hecen token unkeyapi kta he. Wakantanka owotanna šni econ he. Ĥiya, hecetu šni.

15 He Moses heciya ; Tuwe onsiwakida kte cin he onsiwaki-

da kta, qa tuwe wacin en mduze kte cin he wacin en mduze kta ce.

16 Heon etanhan tuwe oin kin eciyatanhan šni, qa tuwe inyanke cin he nakun eciyatanhan šni, tuka Wakantanka onšiwicakida kin he eciyatanhan ece.

17 Wowapi wakan kin he Pharo heciya; He dee on etanhan icañciya, niye en mitowašake kin wahduotanin kta, qa maka owancaya micaje kin oyakapi kte cin heon.

18 Heon etanhan tuwe kañnige cinhan, he onšikida ece; qa tuwe kañnige cinhan he yutehi ece.

19 Hecen hemayakiye kta nace; Tokeca e nahanhin wicaba he; tuwe e iye tawacin kin ece-tušniya he.

20 Hiya, wicašta kin, niš nituwe he, hecen Wakantanka i en hiyeyaya he. Taku kagapi kin he tuwe kage cin, Tokeca hecen mayakaga he, eciye kta he.

21 Maka wakšica kage cin heca maka kin okihi šni he, upšija omnaye wanjidan etanhan wakšica wan woyuonihan, qa wanji iš wowištece on kage kte šni he.

22 Hecen Wakantanka wocanniye kin hduotanin kta cin, qa towašake kin sdonye unkiyapi kta e on wocanniye wakšica wicotakuni šni kicagapi qon hena wawacinkta yuza tanka on wicakuwa kinhan;

23 Qa tona wowaonšida wakšica kin otokaheya tanhan wowitan on wiyeya ehnakapi qon, hena en iye towitan wowijice kin hduotanin kta.

24 He wicakieo kin hena unkiyepi, Juda oyate etanhanpi kin hecedan šni, tuka nakun Ikcewicašta etanhanpi.

25 Hose en heye ciqon iyececa;

Tona mitaoyate šni kin hena mitaoyate ewicawakiye kta, qa wašte dakapi šni qon he wašte dakapi kin ewakiye kta.

26 Qa tukten, Mitaoyate kin he niyepi šni ce, ewicakiyapi qon, hen, Wakantanka ni un cinca kin ewicakiyapi kta ce, *eya*.

27 Isaya iš *eya* Israel oyate kin on hotanin; Israel cincapi kin miniwanca wiyaka sukaza iye-cen ota yawapi ešta, tona okaptapi kin henana nipi kta ce, *eya*.

28 Wayawapi yuptecedan kta qa wicoowotanna en hduštan kta; maka akan Itancan kin wayawapi ptecedan wan kage kta.

29 Qa he itokam Isaya heye ciqon; Sabaoth Itancan kin wicowazi wan unkokicicaptapi šni unkanš, Sodom iyecen unyankonpi kta, qa Gomorra en unkiyoptapi kta tuka.

30 Hecen token unkeyapi kta he. Ikcewicašta kin wicoowotanna iyeyapi ce, wacinyanpi kin eciyatanhan wicoowotanna kin hee.

31 Tuka Israel wicoowotanna woope odepi qon hena wicoowotanna woope kin iyohipi šni.

32 Tokeca he. Wacinyanpi kin eciyatanhan šni, tuka woope wicoħan kin eciyatanhan odepi kin, heon etanhan. Inyan ibotopi kin de on siha ibotopi.

33 Wowapi kagapi qon iyececa; Wanyaka wo, Zion en inyan ibotopi, qa imnija on ħicahanpi wan ewahde; qa tuwe he wacinye cinhan inihan kte šni.

WICOWOYAKE 10.

1 Mihunkawanji, micante cantihye a taku Wakantanka icewakiye cin, Israel oyate kin wicani kte cin hee.

WICOWOYAKE 11.

2 Hena wicaweciyaotanin, Wakantanka wacin en yuzapi tuka he wosdonye eciyatanhan šni.

3 Wakantanka toowotanna kin sdonyapi šni, qa iye wicoowotanna tawapi kin hdsutapi akitapi, qa Wakantanka toowotanna kin he ihukuya iyeiciyapi šni.

4 Tona wicadapi kin owasin en Messiya kin he wicoowotanna woopo woyuŝtan kin hee.

5 Woowotanna woopo kin eciyatanhan kin he on Moses kaken owa qon; Wicaŝta tuwe hena taku kin econ kinhan, hee hena on ni kta ce.

6 Tuka wacinyanpi eciyatanhan wicoowotanna un kin he kaken eya, Nicante kin mahen, Messiya kun ahi kte cin heon tuwe mahpiya ekta wankan ye kta he;

7 Qa, Wicaŝe cin etanhan Messiya yuwankan au kte cin heon tuwe woŝbe kin ekta ye kta he, eye šni wo.

8 Tuka taku eya he; Wicoie kin he nikiyedan un, nii kin ohna, qa nicante kin en un, wacinyanpi wicoie unkoyakapi kin he hee.

9 Nii kin on Jesus Itancan kin yahdaotanin, qa he wicaŝe cin etanhan Wakantanka ekicetu ye cin he, nicante kin eciyatanhan wicayada kinhan, yani kta.

10 Wicoowotanna kta e wicacante on wicadapi, qa wiconi kta e wicai kin on wohdakapi ece.

11 Wowapi wakan kin he heya, Tuwe he wacinye cinhan, he wiŝtece kte šni ce.

12 Juda qa Helenes oyate kin kici ocikpanipi wanica. Tuwe owasin en Itancan kin he tona hoyekiyapi kin hena owasin en wijinya un.

13 Tona Itancan caje kin ho-

yekiyapi kinhan hena otioyohi nipi kta.

14 Tuka tuwe kin wacinyanpi šni kinhan token on he hoyekiyapi kta he; qa he nahahin nahonpi šni kinhan token wacinyanpi kta he; qa tuwedan oyake šni kinhan token nahonpi kta he.

15 Qa ekta ye wicaŝipi šni kinhan token oyakapi kta he. Owapi qon he hecetu; Tona wookiye wotanin waŝte kin oyakapi, qa taku waŝte en wotanin waŝte oyakapi kin hena sihapi kin iyotan waŝte ce.

16 Tuka owasin wotanin waŝte kin anagoptanpi šni. Isaya heye ciqon; Itancan, tuwe unko-yakapi kin wicada he.

17 Heon etanhan wanaonpi kin eciyatanhan wicadapi kin u, qa wanaonpi kin he Wakantanka oie kin eciyatanhan.

18 Unkan miŝ, Hena nahonpi šni he, epe. Hiya, hena oqo kin makoce owasin ekta iyaye a wicoie kin maka ihanke kin behanyan i.

19 Qa Israel oyate kin he sdonyapi šni he. Tokaheya Moses heya, Tona oyate šni se un kin hena on iyocipaŝtakapi kta, qa ikce oyate wacinton šni wan on ŝindhaciyapi kta ce.

20 Tuka Isaya nina waditake a heya; Tona omadepi šni qon hena e iyemayanpi, qa tona amakitapi šni qon hena en mihdu-tanin ce.

21 Qa Israel oyate kin hewicakiya, Anpetu osan oyate wanaonpi šni qa wacetuŝhdapi kin he nape wicawakiyugata ce.

WICOWOYAKE 11.

1 Heon hepa, Wakantanka taoyate kin ehewicakiya he. Hiya hecetu šni. Israel wica-

šta kin hemaca, Abraham cinca, qa Benjamin wicoun kin hema-tanhan.

2 Wakantanka taoyate kin to-na otokaheya tanhan sdonwica-kiye ciqon hena ehpewicakiye šni. Wowapi wakan Elijah on token eye cin sdonyayapi šni he ; Wakantanka cekiyē ca, Israel oyate kin cajeyata qa heya ;

3 Itancan, wicašta wokcan ni-tawa kin hena wicaktepi, qa wa-hna wošnapi nitawa kin yujuju-pi, qa miye mišnana omakaptapi, unkan te mayanpi kta akitapi ce.

4 Tuka Taku Wakan kin token eya ayupta he ; Nahahin Baal en canpeška makehde inajinpi šni kin wicašta kektopawinge šakowin wicawahduha ce.

5 He iyecen nakaha wowaon-sida wicakahnigapi kin eciya-tanhan hunh okaptapi.

6 Qa he wowaonsida eciyatan-han kinhan hehan wicoħan eci-yatanhan šni ; hecetu šni kin-han, wowaonsida kin wanna wowaonsida heca šni. Qa wi-coħan eciyatanhan kinhan, he-han wowaonsida eciyatanhan šni ; hecece šni kinhan, wicoħan kin wanna wicoħan heca šni.

7 Hecen toketu kta he ; Israel taku akite ciqon he iyeye šni, tuka tona wicakahnigapi kin he-na e iyeyapi, qa unmapi kin išta gonge wicayapi.

8 Wowapi qon iyecēca ; Wi-caħba wicacante kin Wakantan-ka wicaqu, išta on wiwanyakapi kte šni, qa noge on winahonpi kte šni, anpetu kin dehanyan.

9 Qa Dawid iŝ heya ; Wahna wotapi tawapi kin he mazaħta-kiyapi, qa wihmunke, qa wona-hnaye, qa iyunwin yuhapi kin hee kta ce.

10 Išta kin aotpaswicayapi kte,

heon wawanyakapi kte šni ; qa cankahu ohinniyan patuš inajin-pi nunwe.

11 Heon hepe ; Hinħpayapi kta on hicahanpi he. Hiya, hecetu šni ; tuka hicahanpi kin on etan-han Ikcewicašta kin wiconi iyo-wicahi, hena iŝ eya iyowicapa-štakapi kta e heon.

12 Hena e hicahanpi kin he wicoicage kin en wowijice kin hee, qa hena wicayuaoptetu kin he Ikcewicašta kin en wowijice kin hee hecinhan, wicayuecetu-pi kin he sanpa hince kta.

13 Ikcewicašta henicapi kin bena hecen eciciyapi ; Ikcewica-šta kin ekta yemašipi waun, qa heon mitohitani kin wahdutan.

14 Hecen tona miceħpi etan-hanpi kin hena inahni wicawaye kta, kinhan wanjikji ni wicawa-ye kta.

15 Hena ehpewicayapi kin he wicoicage kin en wookiye kin hee hecinhan, hena ake wicayu-ecetupi kinhan he taku kta he ; wiconte etanhan wiconi kin hee kta.

16 Taku tokaheya suton kin he wakan kinhan, ocowasin hecece kta ; qa can huta kin he wakan kinhan, can adetka kin hena na-kun hecece kta.

17 Unkan can adetka kin hena wanjikji yuksapi, qa niŝ can wi-hdi hu ikceka henica, tuka can adetka qon ehna can kin en ica-ħninyanpi, qa can wihdi cepa can huta kin etanhan, en opeya yaun kinhan ;

18 Can adetka qon on ihdatau šni wo. Nihdatan keŝ can huta kin he duhe šni tuka can huta kin hee niyuha.

19 Hehan, Hen emahdepi kta on can adetka qon yuksapi ce, ehe kta naceca.

20 Han, hecetu ; wicadapi šni

WICOWOYAKE 12.

kin heon hena yuksapi, qa niye wacinyanpi on ecen nayajin ece. Wahaniciida s̄ni qa kokipa wo.

21 Can adetka tawa qon hena Wakantanka kpatan s̄ni hecinhan, okinni niś eya nikpatan kte s̄ni.

22 Wakantanka towaonsida to-cantiyahde ko wanyaka po ; to-na hinhpayapi qon hena en wo-cantiyahde, qa niye en wowaonsida kin, wowaonsida kin he en nayajin kinhan, tuka hecanon s̄ni kinhan niś eya nicaksapi kta.

23 Qa hena cetunhdapi ecen unpi s̄ni kinhan, is̄ eya ake can kin en iyekiyapi kta. Ake can kin en Wakantanka icahwicaya okihi.

24 Qa niye can wihdi ikceya icage cigon etanhan nicaksapi, qa inicage cin eciyatanhan s̄ni, can wihdi wašte kin en iyeniyampi kinhan, tona can kin he aicage cigon hena iyotan ake can wihdi tawapi kin en iyeyapi kta.

25 Mihunkawanji, wowiyukan kin de sdoney s̄ni dukanpi kta wacin s̄ni, okinni ksape nicidapi kta ; Israel oyate kin apa ista gonge aya, Ikcewicašta kin oco-wasin en hiyu kte cin hehayan.

26 Qa hecen Israel oyate kin owasin nipi kta. Wowapi en kagapi qon iyecetu ; Zion etanhan Wanikiya wan u, qa woahtani Jakob yutokan iyekiciciye kta.

27 Qa woahtani yutokan iye-wicaweciciye cinhan hehan witotakuye wicawaqu kte cin hee ce.

28 Wotanin wašte kin ekta, hena niyepi kin on etanhan toka wicayawapi, tuka wicaka-hnigapi kin ekta, hena e hunka-kepi kin on etanhan wašte wica-kidapi.

29 Wakantanka taku wicaqu qa wicakico kin hena iyopeici-yapi wanin un.

30 Unkan niś niyepi kin ehan-na Wakantanka anayagoptanpi s̄ni, tuka nakaha hena wicadapi s̄ni kin on wowaonsida nicupi.

31 He iyecen nakaha hena is̄ eya anagoptanpi s̄ni kin, niye nitowaonsida kin on etanhan onsi-wicadapi kta.

32 Hena owasin witaya wica-dapi s̄ni kin en Wakantanka onawicataka, iyuhpa onsiwicada kta heon etanhan.

33 Wakantanka toksape qa wosdoney tawa wowijica osbe kin he tanka hinca. Woyaco tawa kin okañnihpica s̄ni, qa tacanku kin iyeyepica s̄ni.

34 Tuwe Itancan tawacin kin sdoneya he ; qa tuwe okiya un he.

35 Qa tuwe he tokaheya taku qu he ; kinhan kicicajujupi kta.

36 Iye etanhan, qa iye eciyatanhan, qa iye ohna taku owasin un ; owihanke wanin wowitan kiciun nunwe.

WICOWOYAKE 12.

1 Heon mihunkawanji, Wakantanka wacantohrake cin on etanhan eciciyapi ce, nitancanpi kin wošnapi ni un, wakan, qa taku Wakantanka iyokipi kin, hena hecen yaqupi kta, he wawoyaki-yapi kte cin hecetu hinca.

2 Qa wicoicage kin de en iyecen awacanipi kte s̄ni, tuka nita-wacinpi yuecepidan kte cin on nihdutokecapi nunwe ; hecen Wakantanka tawacin wašte, oi-yokipi, qa hdustanpi kin he tukte e idukanpi kta.

3 Wowaonsida maqupi kin he eciyatanhan, tona niyepi ekta un kin otoiyohi hecen eciciyapi ; Tu-

wedan token ihdukean kte cin he isanpa ihdawa kte s̄ni, tuka wacinksamya ihdukean kta, Wakantanka otoiyo hi wacinyanpi iyuta wicaqu kin he eciyatanhan.

4 Wicatancan wanjidan en wicahuha ota unhapi, qa huha kin hena owasin okonwanjidan ohanye s̄ni :

5 He iyecen unkiye unkotapi, tuka Messiya en tancan unwanjipidan, qa otoiyo hi huha unkiyapi.

6 Hecen wowaonsida otoiyo hi yukinukanyan unqupi kin eciyatanhan wicookihi ociptetu unhapi ; he wokcampi kte cin hee hecinhan, wowacinye iyutapi kin on unkiyucanpi ece e kta.

7 Qa 'waowicakiyapi kin hee hecinhan, waowicakiyapi kin en unyakonpi kta ; qa tuwe waonspekiya okihi kinhan, he waonspekiyapi kin en un kta.

8 Tuwe wahokonwicakiye kte cin he wahokonwicakiyapi kin en un kte ; tuwe taku wicaqu kte cin he ohanpiya econ kte ; tuwe oyate wicayuhe cinhan he mnihenya econ kta ; qa tuwe onsiwicadake cinhan iyokipiya econ kte.

9 Wacantkiyapi kin he wohnaye wanin un nunwe. Taku sice cin he sice dakapi, qa taku waste kin he en iyaihdaška po.

10 Hunkawanjin kiciyapi waste kicidakapi kin he on otoiyo hi cante en kiciyuza po, qa woyuonihan on otoiyo hi iyotan kicidaka po.

11 Wicohtani kin en kujapi s̄ni, woniya on aiciciyapi, Itancan kin okiya po.

12 Woape en wiyuskinpi ; kakijapi kin en icunhan wacintankapi ; qa wocekiye eya yukan po.

13 Tona owotanna un kin taku icakijapi kinhan owicakiya po. Wicasta icimanipi kin ohanpiya ecawicakicon po.

14 Tona sicaya nicuwapi kin hena wicayawaste po ; wayawaste po, qa wayasicapi s̄ni po.

15 Tona wiyuskinpi kin hena om wiyuskin po ; qa tona ceyapi kin hena om ceya po.

16 Otoiyo hi okonwanjidan awakicicin po. Taku wankan un kin hena ekta ewacinpi s̄ni po ; tuka tona kun ihdawa kin hena en opa po. Wacinksapeicidapi s̄ni po.

17 Tuwedan taku sica on itkom sicaya econpi s̄ni po. Wicasta owasin itokamya taku owotanna ecedan kamman po.

18 Tohanyan oyakhipi kinhan, wicasta owasin om wookiye yakon po.

19 Waste cicidapi kin, ihnuhan niye cinka watoyeconpi kin, tuka wocanniye nakicipa po. Hecen wowapi en kagapi, Tokiconpi kin he miye mitawa, wicawecu kta ce, Itancan kin eya.

20 Heon tuwe toka niye cin he wotektehda kinhan wo qu wo ; qa ipuza kinhan mini qu wo ; hecen ecanon kinhan, petaga kin he pa kin en eju ade kta.

21 Ihnuhan taku sica on ohinyanpi kin, tuka taku waste e on taku sice cin ktepidan po.

WICOWOYAKE 13.

1 Wicanagi otoiyo hi wicowasake itancan kin hena ihukun iyeiciye kte. Wicowasake Wakantanka etanhan un kin hecedan yukan. Wicowasake un kin hena Wakantanka kaga.

2 Heon etanhan tuwe wicowasake kin kipajin kinhan he Wakantanka toope kin kipajia,

WICOWOYAKE 14.

qa tona wawakipajin kin hena wicayacopi kta.

3 Wicaštayatapi kin hena wicoħan wašte kin en wakokipe wicakicagapi ŗni, tuka wicoħan ŗice cin en. Hecen wicowaŗake kin he koyakipe kte ŗni he. Taku wašte e econ wo, kinhan on niyatanpi kta ce.

4 He taku wašte on niye ekta Wakantanka taokiye kin hee. Tuka taku ŗica ecanon kinhan kokipa wo. He mazasagye ituħ yuhe ŗni ; tuka Wakantanka taokiye kin heca, tuwe taku ŗica econ kinhan tokiĉon kta, wocanniye kin heon.

5 Heon etanhan anagoptan yaunpi kta, wocanniye kin hecedan on etanhan ŗni, tuka nakun wiyukcanpi kin heon.

6 Heon etanhan mazaska mnakiyapi kin en oyapapi ece : hena e Wakantanka taokiyepi kin ohinniyan taku kin de econ yukanpi.

7 Heon etanhan, owasin taku token wicaqupi kta iyecece cin wicaqu po : Tona iye taoyate kin etanhan mazaska mnayanpi kin he *ecen wicaqu po* ; qa tona oyate tokeca etanhan mnayanpi kin he *nakun ecen wicaqu po*. Tona kinihanpi kte cin hena wicakinihan po, qa tona yuonihanpi kte cin hena wicayuonihan po.

8 Tuwedan takudan ikicazo ŗni un po, otoiyoħi wašte yecidakapi kte cin hecedan. Tuwe wicaŗta tokeca wašte wicadake cin he woahope kin tanyan yuha.

9 He decetu ; Wawiciħaħapi ecanon kte ŗni ; Tin wicayakte kte ŗni ; Wamayanon kte ŗni ; Tuwedan en oitonŗniyan wodaķe kte ŗni ; Taku tokan tawapi kin yacin kte ŗni ; qa woahope tokeca yuke cinhan wicoie kin

de en yuwitayapi ; Wicaŗta tokeca niye inihdacin wašte yadake kta ce.

10 Waštewicadakapi kin he wicaŗta tokeca taku ŗica takudan ecakicon ŗni, heon waštewicadakapi kin he woahope yucetupi kin hee.

11 Qa nakun kaketu, anpetu kin sdonunyanpi, woĩstinma etanhan unkiktapi kte cin wanna iyehantu ; nakaha eunħdakupi kte cin tokaheya wicaundapi qon he isanpa ikiyadan ihan ;

12 Hanyetu kin wanna ecanon unkihunipi kta, anpetu kin kohanna u kta, heon etanhan otpaza wicoħan kin ehpeunyanpi, qa iyoyanpa wipe kin kounyakapi kta.

13 Qa iyokipiya maunnipi kta, anpetu kin en iyececa. Hanyetu wacipi qa witkopi kin en *unkopapi* kte ŗni ; wicawihomnipi qa wicinpi, wakinicapi qa winawizipi kin hena en *ounpapi* kte ŗni.

14 Tuka niye Jesus Messiya Itancan kin he koyaka po, qa wicaceħpi wocantiheye ŗice cin ecetu yapi kta e on takudan kicamnanpi ŗni po.

WICOWOYAKE 14.

1 Tuwe wicada kinhan waŗake ŗni eŗta iyowinkiya po, tuka akipam waakinicapi kin ekta ŗni.

2 Wicaŗta wanĉidan taku owasin yuta okiħi awacin, qa wicaŗta tokeca waŗake ŗni kin he wahpe ece yuta.

3 Tuwe wote cinhan he tuwe wote ŗni kin iħaħa kte ŗni ; qa tuwe wote ŗni kinhan he tuwe wote cin yaco kte ŗni ; Wakan-tanka he iyowinkiya.

4 Nituwe he wicaŗta tokeca taokiye kin daco he ; he iye yu-

he oin en najin kta qa is hin-
hpaye kta. Qa he ecen najin
kiyapi kta, Wakantanka najin
kiye kta okihi.

5 Wicašta wANJI anpetu wANJI
iyotandaka, qa wicašta tokeca
wan anpetu owasin akiyecen
yawa ece. OtoiyoHi iye tawa-
cin ekta sutaya awacin nunwe.

6 Tuwe anpetu wan awacin
kinhan he Itancan kin on awa-
cin; qa tuwe anpetu kin awacin
šni kinhan, Itancan kin ekta
awacin šni. Tuwe wote cin-
han, he Itancan kin on wota, qa
Wakantanka wopida eciya; qa
tuwe wote šni kinhan, Itancan
kin on wote šni, qa Wakantanka
wopida eciya ece.

7 Unkiyepi kin tuwedan iye
linca on ni šni, qa tuwedan iye
linca on te šni.

8 Unnipi kinhan Itancan kin
on unnipi, qa unčapi kinhan
Itancan kin on unčapi. Hecen
unnipi, qa unčapi *unma tukte* he-
cinhan, Itancan kin tawa unyan-
pi.

9 Hecen on Messiya te ča ake
kini, wicašte ča wicani kin heni-
yoza en Itancan kta e heon.

10 Tokeca nihunkawanji daco
he; qa tokeca nihunkawanji iya-
kihaha he. Owasin Messiya ta-
woyaco oiyotanke kin itokam
inaunjinpi kta.

11 Hecen wowapi en kagapi;
Miye wani kin, heon hupahu
otoiyohi miye en canpeška ma-
kehde inajin kta, qa wicaceji
otoiyohi Wakantanka en wohda-
ke kta, Itancan kin eya.

12 Heon etanhan unkiyepi oto-
iyohi Wakantanka kin en woun-
hdakapi kta.

13 Hecen on, detanhan otoiyo-
hi unkiciyacopi kte šni, tuka
kaken e iyotan wakonza po, tu-
wedan taku en siha ibotopi, qa

on hinhpaye kte cin he hunka-
wanjitku kin itokam ebde kte
šni.

14 Miš sdonwaye ča Jesus
Itancan kin en awacami, taku-
dan atayedan šape šni; tuka tu-
we taku šapa kecin kinhan, he
taku kin iye ekta šapa ece.

15 Qa woyute kin on etanhan
nihunkawanji iyokišin yaye cin-
han wowastedake eciyatanhan
mayani šni. Messiya tuwe on
te ciqon he woyute nitawa kin
on ihang ye šni wo.

16 Ihnuhan taku wašte duhapi
kin he yašicapi kinhan.

17 Woyute qa woyatke kin
Wakantanka tokiconze kin hee
šni; tuka wicoowotanna wooki-
ye qa Woniya Wakan kin en
wowiyuškin kin hena ee.

18 Tuwe hena taku kin en
Messiya wowidag ye cinhan, he
Wakantanka iyokipi ye ca, wi-
cašta kin on wašte dakapi.

19 Heon etanhan taku tona
wookiye kage cin hena unkaki-
tapi kta qa nakun taku on otoi-
yohi icaš unkiciyapi kta.

20 Woyute kin on etanhan
Wakantanka taku kage cin he
ihang ye šni wo. Awicakehan
taku owasin wašte; tuka tuwe
taku yute ča on wahtani wicaye
cinhan, he šica ece.

21 Waconica yutapi šni, qa
mini ša yatkanpi šni, qa taku
tokeca on etanhan nihunkawanji
hicahe ča, wahtani, qa wašake
šni aye cin, hena *econpi* šni kin-
han he wašte.

22 Wowacinye duha he: Niš
niye Wakantanka itokamya hdu-
ha wo. Tuwe taku iyowinkiyeye
cin on ihdaco šni kinhan, he yu-
waštepi ece.

23 Qa tuwe wicada šni kinhan
he yute cinhan wanna yacopi,
wacinyanpi kin on hecon šni,

WICOWOYAKE 15.

heon etanhan. Taku owasin wacinyanpi eciyatanhan s̄ni kin hena woah̄tani.

WICOWOYAKE 15.

1 Unkiye waun̄sakapi kin tona waśake s̄ni un sutaya wacinyanpi s̄ni kin on wacinuntankapi kta, qa iyokipiunkiciyapi kte s̄ni.

2 Otoiyo hi wicaśta tokeca iyokipi unyanpi kta, wowaste en icah̄ yapi kte cin heon.

3 Messiya iye kaeś iyokipi iĉiye s̄ni, tuka wowapi en kagapi qon iyecen, Tona aniiapi kin waaia-pi kin he miye aiĥpemayanpi qon.

4 Taku tona wowapi en kagapi kin hena onspeunkiyapi kte cin heon kagapi, hecen wicowaĥbadan, qa wowapi wakan kin en wicakicanpte cin eciyatanhan woape unhapi kta.

5 Wakantanka wicowaĥbadan, wicakicanpte ko yuhe cin he Jesus Messiya eciyatanhan, otoiyo hi okonwanjidan wacin en kiciyus niyanpi nunwe.

6 Qa hecen wicotawacin wanjidan, qa wicai wanjidan on Wakantanka Jesus Messiya Itancan unkiyapi he Atkuku kin dantanpi kta.

7 Heon etanhan otoiyo hi iyowinkiciciya po, Wakantanka yutanpi kte cin heon Messiya iyowinunkiyapi qon iyececa.

8 Miye kin kaken epe; Jesus Messiya bakih̄dayapi wicoĥan kin en ookiye ikicaga, Wakan-tanka towicake kin heon, qa hunkakepi kin wahowicayapi qon he hduacetu kte cin heon etanhan.

9 Qa hecen Ikcewicaśta kin Wakantanka yatanpi kta, iye towaon̄sida kin on; wowapi en kagapi qon iyececa, Heon etan-

han Ikcewicaśta ehna ociyake ĉa nicaje kin iwadowan kta.

10 Qa ake hecen eya, Ikcewicaśta kin iyuskin po, iye taoyate kin kici.

11 Qa ake, Ikcewicaśta kin owasin Itancan kin idowanpi, qa oyate kin owasin he yatan po.

12 Ake Isaya hecen eya, Jesse hutkan wanjidan qa tuwe Ikcewicaśta en wicaśtayatapi un kte cin he icage kta; he Ikcewicaśta kin wacinyanpi kta.

13 Hehan woape Wakantanka kin he wicayadapi kin eciyatanhan wowiyuskin owasin wookiye ko on imna niyanpi nunwe, Woniya Wakan towaśake kin eciyatanhan woape en nina inicagapi kte cin heon.

14 Mihunkawanji niyepi on awacin manka, wowaste onijupidan, qa wosdonye owasin on oju niyanpi, hecen otoiyo hi wahokonyeciciyapi kta oyakihipi.

15 Tuka mihunkawanji, hececa eśta waditagya wowapi cicagapi, hecen wicoie wanjikji kiksuye ciyapi kta, Wakantanka towaon̄sida maqupi kin he eciyatanhan;

16 Ikcewicaśta ehna Jesus Messiya taokiye kin wanji he miye kta, Wakantanka tawootanin waste kin on ĥtawani, qa hecen Ikcewicaśta wahduśnapi kin he woiyokipi kta, Woniya Wakan kin on yuwakanpi kin heon.

17 Heon etanhan Jesus Messiya en taku Wakantanka tawa kin on wowinkta mduha.

18 Wicoie wicoĥan ko on Ikcewicaśta anagoptanpi kta e, miye eciyatanhan s̄ni, Messiya taku econ qon hena cajemdate kte s̄ni:

19 Tuka wowapetokeca tanka,

qa woyúsinnyaye econpi, Wakan-tanka Taniya Wakan towaśake kin eciyatanhan, hecen Jerusalemtanhan, qa ohomniyan Ilurikon ekta Messiya tawootanin wašte kin omdaka ece.

20 Qa hecen wotanin wašte kin aiciciya oyag uwate, tukten Messiya cajeyatapi kin hetu śni, okinni wicaśta tokeca taku ahde kin akan ti wakage kta naceca.

21 Tuka hecen wowapi en kagapi qon; Tona en cajeyatapi śni kin hena wanyakapi kta, qa tona nahonpi śni qon hena iyukanpi kta.

22 Qa hecen on otakiya ekta ciupi kte cin okitpani mayanpi:

23 Tuka nakaha makoce kin dena en tuktedan omakan śni qa wanna waniyetu ota ekta ciupi kta nina wacin;

24 Heon tohan Spania ekta mde cinhan hehan ekta ciupi kta. Heciya icimani mde cinhan tahapi wanciyakapi, qa ekta ye mayayapi kta awacin manka, tokaheya niyepi kin on cistiye-dan imamdeze cinhan.

25 Tuka nakaha Jerusalem ekta mda, tona owotanna un kin hena owicawakiye kte cin heon.

26 Tona Makedonia qa Akeya en yukanpi kin hena, tona wahanica wacinyanpi Jerusalem ekta yakonpi kin hena taku wicakupi kta e iyokipipi.

27 Heon iyokipipi; taku iwicakicazopi kin iyecen unpi nakaeś. Hena taku wakan yuhapi qon en Ikcewicasta opapi hecinhan, taku wicacehpi ekta un kin hena on itkom owicakiyapi kta iyececa.

28 Heon etanhan tohan he mduśtan qa waskuyeca kin de hena en awicawecipuspe cin-

han, hehan niyepi iyoopteya Spania ekta imdaunde kta.

29 Qa ekta ciupi kinhan, Messiya tawootanin wašte woyuwašte wojudan kin yuha wau kta sdonwakiya.

30 Hehan nakaha mihunkawanji ceciciyapi ce, Jesus Messiya Itancan kin caje on, qa Woniya Wakan towaśtedake kin on, miye kici Wakantanka nina cemiyeciciyapi kte cin he.

31 Tona Juda makoce kin ekta anagoptanpi śni kin hena etanhan emahdakupi kta, qa Jerusalem ekta wicohtani mitawa kin tona owotanna un kin iyokipi wicaye kte cin heon.

32 Qa hecen Wakantanka tawacin kin eciyatanhan wowi-yuśkin yuha ekta ciupi, qa niyepi on imagaga mičiye kta.

33 Wookiye Wakantanka kin niyepi owasin en nicipi un nunwe.

WICOWOYAKE 16.

1 Phebe tawinohtinunyanpi, Kenkrea ekta okodakiciye kin en ookiye wanji hee cantohnake ciśipi.

2 He Itancan kin on iyowinyakiyapi kta, tona owotanna un kin iyececa, qa taku on i kin he en token ecayeconpi cin kinhan ecen okiya po. Iye kin wicota owicakiye qa miye nakun omakiya ece.

3 Priskula Akula kici, Jesus Messiya en mitawaśipi kin hena napewicayusa po.

4 Hena e minagi kin on iye tahupi kin ehnakapi, qa hena miye miśnana pidamakiyapi śni, tuka Ikcewicasta ekta okodakiciye kin owasin pidawicayapi.

5 Qa iye tipi kin ohna okodakiciye kin napewicayusa po. Epinetus waśtewadake cin he

WICOWOYAKE 16.

napeyuza po; Akeya ekta Messiya en un qon tokaheya kin hee.

6 Mary nina ounkiyapi qon he napeyuza po.

7 Andronikus Junia kici mitakuye, qa om makaškapi qon hena napewicayuzaya po; yewicašipi kin owicapeya yuonihanpi, qa mitokapa tanhan Messiya en un qon hena.

8 Amplias Itancan kin en wašte wadake cin he napeyuza po.

9 Urbane Messiya en unkita-wašipi kin, qa Stacus wašte wakidake cin, hena napewicayuzaya po.

10 Apelles Messiya en yuecepidan kin he napeyuza po. Aristobulus takuwicaye cin hena napewicayuzaya po.

11 Herodian mitakuye kin napeyuza po. Narkisus takuwicaye cin Itancan en un kin hena napewicayuzaya po.

12 Truphena Truphosa kici Itancan kin on Itanipi kin hena napewicayuzaya po. Persis wašte dakapi kin Itancan kin on nina Itani kin he napeyuza po.

13 Ruphus Itancan kin on kahinigapi kin, qa iye hunku, nakun mitawa kin, hena napewicayuzaya po.

14 Asunkritus, Plegon, Ermas, Patrobas, Ermes, hena, qa tona om unpi hunkawanjin kiciyapi kin hena ko; napewicayuzaya po.

15 Philologus, Julia, Nereus, iye tawinohtin kici, Olumpas, qa hena om tona owotanna un kin hena owasin napewicayuzaya po.

16 Otoiyohi iiputakapi wakan kin on napekiciyuzaya po. Messiya taokodakiciye kin napeni-yuzapi.

17 Mihunkawanji ceciciyapi ce, tona woonspe onspeniciciyapi

qon eciyatanhan šni yuomdecapi, qa wahtani wicayapi kin hena. Iwanwicayakapi, qa nawicakicipa po.

18 Tona hececapi kin Jesus Messiya Itancan unkiyapi kin wowidag wicaye šni, tuka iye tezipi kin hee, qa wicoie wašte, iapi iyokipi se ececa ko, on wicasta wacin ksape šni kin wicahayanpi.

19 Niye waanayagoptanpi kin he wicasta owasin sdoniyapi. Heon niyepi kin on imduškin. Tuka taku wašte e on yaksapapi kta, qa taku šica on wadupipi kte šni wacin.

20 Unkan kohanna Wookiye Wakantanka kin niye nisihapi kin ihukuya Satan napan kta. Jesus Messiya Itancan unkiyapi towaonsida kin niyepi en nicipi un nunwe.

21 Timotheos mitawaši, qa Lukius, Jason qa Sosipater mitakuye kin, hena napeni-yuzapi.

22 Tertius wowapi kin de owa kin he miye, Itancan kin on napeciyuzapi.

23 Gayos wonmakiye ca, okodakiciye owasin *hecawicakicon* kin, he napeni-yuzapi. Erastus otowwe kin en wicasta itancan wan, qa Kwartus hunkawanjin kiciyapi wan, hena napeni-yuzapi.

24 Jesus Messiya Itancan unkiyapi towaonsida kin niyepi owasin en nicipi un nunwe.

25 Tuwe wootanin wašte mitawa qa Jesus Messiya woyake cin he eciyatanhan niyusutapi kta okihi, wowiyukan nakaha yuotaninpi kin eciyatanhan, he maka icage cin ehantanhan wicoicage kin en anahmanpi qon;

26 Tuka nakaha yuotaninpi, wicasta wokcan tawowapi wakan kin heon, Wakantanka owi-

I. KORINTH.

hanke wanin un, tawoahope kin eciyatanhan, qa oyate owasin wacinyan anagoptanpi kte cin heon oyakapi ;

27 Jesus Messiya on etanhan, Wakantanka ecedan ksape cin hee wowitan owihanke wanin kicihan nunwe.

PALOS

KORINTH OYATE

WOWAPI WICAKICAGE CIN:

TOKAHEYA KIN.

WICOWOYAKE I.

1 Palos Wakantanka tawacin kin eciyatanhan, Jesus yewicasi kin heca e kañnigapi kin he, qa Sosthenes hunkawanjinunyaapi kici,

2 Wakantanka taokodakiciye Korinth ekta un qa Jesus Messiya on ecepidan kta, wakan wicakahnigapi kin hena eepi, qa tona makoce otoiyohe en Jesus Messiya is iyepi kin Itancan kiyapi, qa unki is eya Itancan unkiyapi caje kin hoyeyakiyapi kin *wowapi unnicagapi*.

3 Wowoonsida, wookiye ko, Wakantanka Ateunyanpi, qa Jesus Messiya Itancan kin etanhan niyepi en nicipi un nunwe.

4 Ohinniyani niyepi kin on Wakantanka mitawa wopida ewakiya, Wakantanka towaonsida Jesus Messiya eciyatanhan nicipi kin heon ;

5 Taku henana owasin on, iye en, wijica nicagapi, wicoie owasin qa wosdonye owasin on.

6 Hecen niyepi kin en Messiya tawoyaatanin kin yusutapi.

7 Qa hecen wowaaste wanjidan sokpaniyani yaunpi sñi, qa Jesus Messiya Itancan unkiyapi

ihdutanin kte cin he ape dukanpi.

8 He owihanketa hehanyan iyanionpepica sñi niyusutapi kta, Jesus Messiya Itancan unkiyapi taanpetu kin etu.

9 Wakantanka wacinyepica, iye Cinhintku Jesus Messiya Itancan unkiyapi kin takodakiciyapi tawa kin en nicopi.

10 Mihunkawanji, Jesus Messiya Itancan unkiyapi cajeyan ceciciyapi ce ; owasin okonwanjidan oie yetonpi, qa yuomdecapi wanin yaunpi kta, qa wicotawacin eca wanjidan wiyukanpi ko wanjidan tanyan onspe yaunpi kte.

11 Mihunkawanji, Kloe etanhanpi kin hena omakiyakapi, niyepi kin en woakinica yuke cin he.

12 Hecen kaken epe ; Niyepi otoiyohe, Palos opeya waun, qa, Apolos opeya waun, qa, Inyan opeya waun, qa Messiya opeya waun ce, ehapi ece.

13 Messiya yukinukan ehnakapi he ; niyepi kin on Palos cansusbeca kin en okatanpi he ; qa is Palos caje on baptem nicupi he.

14 Wakantanka wopida ewakiya, enitanhanpi tuwedan ba-

WICOWOYAKE 2.

ptem waqu ūni, tuka Krispos qa Gayos heniyozā :

15 Tuwedan, miye micaje on baptem wicawaqu, keye kte ūni heon.

16 Qa nakun Stephanas tiyohnaka kin baptem wicawaqu, qa tuwe tokeca baptem waqu kinhan sdonwaye ūni.

17 Baptem wicawaqu kta e on Messiya ye maūi ūni, tuka wotanin waūte omdake kte cin heon ; wicoksape iapi kin ohna ūni, okinni Messiya cansusbeca tawa kin taku ūni yapi kta.

18 Cansusbeca oyakapi kin he tona ihdutakunipi ūni kin ea witkotkoya iapi kin hee, tuka unkiyepi tona ni unyanpi kin en Wakantanka towaūake kin hee.

19 Kaken wowapi en kagapi ; Tona wacin ksapa woksape tawa kin taku ūni waye kta, qa tona okaūnigapi kin hena wokaūnige tawa kin mdutakuni kte ūni ce.

20 Wacin ksape cin tokiya un he ; wowapi kage cin heca tokiya un he ; wiconi kin de en wiyukan kin tokiya un he ; Wakantanka wicoicage kin de wicoksape kin yuwitkotko ūni he.

21 Hecen Wakantanka toksape kin on, wicoicage kin de wicoksape eciyatanhan Wakantanka sdonyapi ūni qehan, wowahokonkiye wowitkotkoke cin on, tona wacinyanpi kinhan hena ni wicaye kta Wakantanka iyokipi.

22 Juda oyateū kin wowapetokeca dapi, qa Helenes oyate kin wicoksape akitapi ece.

23 Tuka unkiyepi kin Messiya cansusbeca en okatanpi kin he unkoyakapi ; he Juda wicaūta kin ekta wonahnaye qa Helenes wicaūta kin ekta witkotkoya iapi kin hee.

24 Tuka tona wicakaūnigapi,

Juda qa Helenes wicaūta kin hena ekta, Messiya Wakantanka towaūake qa Wakantanka toksape kin hee.

25 Wakantanka taku tawa witkotkoke cin he wicaūta kin isanpa woksape ; qa Wakantanka towaūake ūni kin he wicaūta kin isanpa wowaūake.

26 Mihunkawanji, nicopi kin he wandakapi, wicaceūpi eciyatanhan wacin ksapa ota ūni, waūaka ota ūni, qa wicaūta okinihan ota ūni.

27 Tuka wicoicage kin en taku witkotkoke cin he Wakantanka kaūniga, on taku ksape cin wiūten ye kta ; qa wicoicage kin en taku waūake ūni kin hena Wakantanka kaūniga, on taku waūake cin wiūten ye kta.

28 Qa taku wicoicage kin en okinihan ūni un kin he Wakantanka kaūniga, qa taku un ūni kin hena ko, on taku un kin yutakuni kte ūni.

29 Hecen iye itokam wicaceūpi owasin ihdatan kte ūni

30 Tuka iye eciyatanhan Jesus Messiya en unyakonpi ; he unkiyepi on Wakantanka eciyatanhan woksape, qa woowotanna, qa woyucedan, qa wokajuju ikicaga.

31 Hecen wowapi qon iyececa ; Tuwe iwinkta kinhan Itancan kin on iwinkta kta.

WICOWOYAKE 2.

1 Unkan mihunkawanji, ekta ciipi qehan, wicoie qa wicoksape oiyokipi kin yuha wai ūni, tuka Wakantanka tawoyatanin kin ociciyakapi.

2 Niyepi kin ekta takudan sdonwaye kte ūni e miūiconza, Jesus Messiya hecedan, qa he cansusbeca kin en okatanpi.

I. KORINTH.

3 Unkan wasake ūni, wokokipeya nina macancan cicipi waun.

4 Qa mioie, qa womdake cin hena wicaŕta toksape wicoie oiyokipi kin en un ūni, tuka Woniya wayuotanin, qa wowaŕake kin en un.

5 Hecen wicayadapi kin he wicaŕta wicoksape tawa kin en ahe kte ūni, tuka Wakantanka towaŕake kin en.

6 Tuka tona kŕapapi kin hena ekta woksape unokoyakapi ece; tuka wicoicage kin de en wicoksape kin hee ūni, qa wicoicage kin de en wicaŕtayatapi toksape kin hee ūni, hena atakuni ūni aya.

7 Tuka wowiyukcan en Wakantanka toksape kin he unko-yakapi ece; ege nahmanpi qon, woicage ūni itokam wowitan unkitawapi kte cin heon, Wakantanka wakiconze ciqon.

8 He wicoicage kin de en wicaŕta itancanpi kin tuwedan sdoneye ūni; sdonyapi unkanŕ Wowitan Itancan kin cansusbe-ca en okatanpi kte ūni tuka.

9 Tuka wowapi qon iyececa; Tona Wakantanka waŕtedakapi kin taku wicakiciyuŕtan kin he wiciŕta kin tohinni wanyake ūni, qa wicanoge on nahonpi ūni, qa wicaŕta cante kin mahen iyobpaye ūni.

10 Tuka hena Wakantanka iye Taniya kin eciyatanhan unkokiyakapi; Woniya kin he taku owasin iyukcan, Wakantanka woŕbe tawa kin sdonya.

11 Wicaŕta kin ekta tuwe taku wicaŕta tawa kin sdonya he, wicaŕta taniya iye mahen un kin hee sdonkiya. He iyecen taku Wakantanka tawa kin tuwedan sdoneye ūni, tuka Wakantanka Taniya kin hecedan.

12 Unkan unkiye wicoicage

kin de en wicoksape kin he un-kicipi ūni; tuka Wakantanka eciyatanhan Woniya Wakan kin he *unkicipi*, hecen taku Wakantanka iyunwin codan unqupi kin hena sdonunyanpi kta.

13 Qa hena unkoyakapi, wicaŕta wicoksape woonspe wicoie kin eciyatanhan ūni, tuka Woniya Wakan woonspe tawa kin eciyatanhan, hecen wicoie wakan kin wicaŕta wakan iyukcan-wicunyanpi ece.

14 Tuka wicacehpi wicaŕta kin he Wakantanka Taniya taku tawa kin icu ūni, hena taku witkotkoke dake a okaŕniga okibi ūni, hena wakanyan iyukcanpi nakaŕŕ.

15 Tuka tuwe wakanyan un kin he taku owasin iyukcan, tuka iye kin tuwedan on yukcanpi ūni.

16 Itancan tawacin kin tuwe he iyukcan he, hecen onspekiye kta. Tuka unkiye Messiya tawacin kin unhapi.

WICOWOYAKE 3.

1 Unkan mihunkawanji, miŕ wicaŕta wakanpi kin iyecen ociciyapi kta owakihi ūni, tuka wicacehpi wicaŕta kin heca, qa Messiya en hokŕiyopa kin iyececa.

2 Pteasanpi yatke ciciyapi, qa waconica kin he cicipi ūni; he ehan nahahin he oyakihipi ūni, qa dehan nahahin nakun oyakihipi ūni.

3 Nahahin wicacehpi wicaŕta kin henicapi. Niyepi ekta winawizipi, qa wakinicapi, qa yuomdecapi yukan hecinhan, wicacehpi kin henicapi, qa wicaŕta akantu iyecen mayanipi ūni he.

4 Wanji, Palos opeya waun,

WICOWOYAKE 4.

qa wanji is, Apolos opeya waun, eye cinhan, wicacehpi wicašta kin henicapi šni he.

5 Palos he tuwe, qa Apolos he tuwe he; wowidake unpi kin hecapi, on wicayadapi, otoiyohti Itancan kin wicaqu kin iyececa.

6 Miye wowaju, Apolos mini akašta, qa Wakantanka icalhya.

7 Tuwe woju kin he taku šni, qa tuwe mini akašta kin kin he nakun, tuka Wakantanka wai-calhye cin hee tanka.

8 Tuwe woju qa tuwe mini akašta kin hena okonwanjipidan; otoiyohti iye tohtani kin iyacinyan iyunwin icupi kta.

9 Wakantanka kici hitanipi kin hena unkiyepi; Wakantanka tamaga, qa Wakantanka tipi kage cin he niyepi.

10 Wakantanka towaonšida maqupi kin eciyatanhan wicašta ticaga ksape cin iyecen, taku ahehde kin ewahde, qa he akan wicašta tokeca tipi kaga; tuka otoiyohti token ticage cin he on waktaya un kte.

11 Tuka ahehde kin tokeca tuwedan ehde kta okihi šni, taku ehdepi kin hecedan, Jesus Messiya hee.

12 Unkan tuwe ahehde kin de akan mazaskazi, qa mazaska, qa inyan okitanin, qa can, qa peji, qa cedi en kage cinhan,

13 Otoiyohti ohan kin atanin kta; anpetu kin he yuotanin kta, peta on yuotanyan aye kta; qa peta kin otoiyohti ohan kin he taku kin iyukan kta.

14 Tuwe ticage cin en ohan kin sutaya un kinhan he woka-juju icu kta.

15 Qa tuwe ohan kin huhnage cinhan he iwahpanice kta, tuka iyeqe peta kin etanhan iyecen niyanpi kta.

16 Wakantanka tipi tawa kin

he niyepi, qa Wakantanka Taniya kin onitipi kin he sdonyakiyapi šni he.

17 Tuwe Wakantanka ti kin ašanye cinhan he Wakantanka ihangye kta. Wakantanka ti kin he wakan, qa he niyepi.

18 Ihuhan tuwe içihnaye cinhan. Tuwe niyepi ekta wicoicage kin de en ksapeiçida kin he witkotkoke içicaga nunwé; hecen ksape kta.

19 Wicoicage kin de en taku woksape kin he Wakantanka witkotkoke daka. Kaken wowapi en kagapi; Wicašta ksape cin hena iye wohnyaye tawapi kin on wicayuza ece.

20 Qa ake, Wicašta ksape cin tawacinpi kin hena taku šni e, Itancan kin sdonya ce.

21 Hecen tuwedan wicašta kin on iwinkta kte šni. Taku owasin nitawapi.

22 Palos, qa Apolos, qa Inyan, qa wicoicage kin, qa wiconi, qa wiconę, qa taku nakaha un kin, qa taku u kte cin hena owasin nitawapi;

23 Qa Messiya tawa niyanpi, qa Wakantanka Messiya tawa ya.

WICOWOYAKE 4.

1 Wicašta kin kaken ecanun-kinpi kta, Messiya iwicadake cin qa Wakantanka tawowiyukan awanyakapi kin heuncapi.

2 Nakun tona waawanyakapi un kin hena owotanna ohanyanpi kta iyececa wicadakapi ece.

3 Tuka mayadacopi, qa wicašta akantu mayacopi ešta, he taku šni wadaka; qa nakun mihdaco šni.

4 Miye cinka takudan sdonwakiye šni, tuka heon owotanna mihdawa šni; tuka tuwe mayukan kin Itancan kin hee.

I. KORINTH.

5 Hecen iyehantu ūni kin ito- kam takudan yacopi ūni po, Itan- can kin he hi ūni kin hehanyan ; he iye kin taku otpaza en na- hmanpi qon aiyoyam ye kta, qa wicocante awacinpi kin yuatan- in kta ; unkan hehan otoiyoŋi Wakantanka eciyatanhan ido- wanpi kta.

6 Mihunkawanji, niyepi on etanhan hena hecen Apolos kici miye imihdacin ; hecen unkiye- pi kin on wowapi en kagapi kin isanpa kecanwicayakinpi kte ūni onnispepi kta, qa hecen otoiyoŋi on waŋanniŋidapi kte ūni.

7 Tuwe hecen iyotan nicaga he ; qa taku niŋupi ūni kin tukte e duha he. Qa niŋupi kinhan tokeca niŋupi ūni kin iyecen on iniwinkta he.

8 Nakaha winipipi ; nakaha winijicapi ; unkiyepi unkiyunon- pa tanhan wicaŋtayatapi yaunpi : Unkan wicaŋtayatapi yaunpi wa- cin, hecen niyepi kici wicaŋta- yatapi unyakonpi kta tuka.

9 Miŋ kaken wacin mduza ; Wakantanka yewicaŋipi unkiye- pi kin ehake taninyan eunhdepi, wiconŋe iyacopi kin iyececa ; hecen wicoicage qa maŋpiya ohnihde cin, qa wicaŋta kin en woiwanyake kin he unkiyepi kta.

10 Messiya on wiuntkotkopika, tuka niye Messiya en yaksapapi. Unkiye waunŋakapi ūni, tuka ni- ye waniŋakapi. Unkiye unyuon- nihanpi ūni, tuka niye nicinihan- pi.

11 Qa nakun anpe dehan wote- kteunhdapi, qa iunpuzapi, qa tancounkapidan, qa unkaŋtakapi, qa tuktedan tinsadan unyakonpi ūni ;

12 Qa ŋununkitapi, unnapepi kin on ŋtaunni. Unkaŋapi keŋ wicunyawasteŋi ; ŋicaya unku- wapi keŋ wacin untankapi ;

13 Unyaŋicapi keŋ ceunkiyapi ece. Wicoicage en watuŋekŋe- ca kin iyecen untagapi, qa anpe dehanyan taku owasin etanhan taku kahin eŋpeyapi kin hecen unyawapi ece.

14 Iŋtenciyapi kta heon hena hecen wowapi wakage ūni, tuka micinca waŋte wicawakidake cin iyecen wahokonciciyapi.

15 Messiya en waonspekiyapi kektopawinge wikemna duhapi eŋta, ateyapi ota duhapi ūni ; Je- sus Messiya en wotanin waŋte on cinca cicagapi.

16 Heon etanhan ceciciyapi ce, eecen omicipa po.

17 Heon niyepi kin ekta Timo- theos ye waŋi, he nakun micinca hokŋincantkiyapi, qa Itancan kin en wacinyepica, he mitacanku Messiya en un kin kiksuye ni- yanpi kta, ohinniyan okodakici- ye otoiyoŋi en waonspewakiye cin iyececa.

18 Ekta ciupi kte ūni se ececa, heon wanjiksi waŋanŋaniŋidapi.

19 Tuka ecadan ekta ciupi kta, Itancan kin iyokipi kinhan, qa tona waŋaniŋidapi token eyapi kin hee ūni, tuka taku okihipi kin he sdonwaye kta.

20 Wakantanka tokiconze kin he wicoie en ahe ūni, tuka wo- waŋake en han.

21 Cansakadan yuha ekta ciupi kta, qa iŋ wacantkiyapi cante aŋbayedan ko hduha wau kta, unma tukte yacinpi he.

WICOWOYAKE 5.

1 Niyepi ekta wawiciŋaŋapi yukan keyapi ; qa wawiciŋaŋapi kin he iyececa Ikcewicaŋta kin ekta cajeyatapi ūni, wanji iye atkuku tawicu kin yuze kte cin.

2 Unkan niye waŋanniŋidapi ; on iyoniciŋicapi kta tuka ; hecen

WICOWOYAKE 6.

tuwe hecon kin niyepi etanhan iyaye yapi kta.

3 Miye mitancan on ekta opeya ciunpi s̄ni, tuka micante on en waun seca, heon en waun kin iyecen wanna mduŕtan; tuwe hecon kin,

4 Mniciciyapi qa mitoksape duhapi kinhan, Jesus Messiya Itancan unkiyapi caje kin on, qa Jesus Messiya Itancan unkiyapi towaŕake kin yuha,

5 Wicaŕta kin he Satan yaqupi kta, ceŕpi yutakuni kte s̄ni, hecen Jesus Itancan kin taanpetu kin en nagi kin ni kta.

6 Iniwinktapi kin he waŕte s̄ni. Taku on napoŕyapi kin waniqadan aguyapi ocowasin napoŕya ece e sdonyayapi s̄ni he.

7 On napoŕyapi tannike cin eŕpeya po; hecen aguyapi teca qa napoŕye s̄ni yaunpi kta. Messiya wohduze unkitawapi kin he iye kaes unkiyepi on woŕnapi.

8 Heon etanhan wohduze kin en unkopapi kta, on napoŕyapi wanakaja qa wocanniye wicoŕice ko on napoŕyapi kin he unhap̄i kte s̄ni, tuka wicoowotanna wowicake ko on napoŕyapi kin hee unkunpi kta.

9 Wowapi en kaken cicagapi; Wiinaŕmanpi kin om mayanipi kte s̄ni.

10 Tuka wicoicage kin de en wiinaŕmanpi, qa tona waicucupi kte cin, qa wawicaki sa, qa tona wakagapi ohodapi kin hena e wicawake s̄ni; unkanŕ wicoicage kin de etanhan tankan dapi kta tuka.

11 Tuka nakaha kaken wowapi cicagapi, tuwe hunkawanjin kiciyapi eciyapi kin he wiinaŕman, qa waicucukte cin, qa wakagapi ohoda, qa waie sa, qa witko sa, qa wawicaki sa

heca kinhan, kici yaunpi kte s̄ni, ihnuhan kici wayatapi kinhan.

12 Tona tankan unpi kin hena token ecin wicamdaco kta he; tona timahen un kin hena wicadacopi s̄ni he.

13 Tuka tona tankan un kin hena Wakantanka wicayaco ece. Hecen wawicahaŕapi econ qon he niyepi kin etanhan tankan iyeya po.

WICOWOYAKE 6.

1 Wicaŕta wan taku icanŕin niyanpi kinhan token ecin owotan-na oŕhanye s̄ni unpi kin en yukcanpi kta e ayaipi he, qa wicaŕta wacinyan unpi kin en ayaipi s̄ni.

2 Tona wacinyan unpi kin hena wicoicage kin yacopi kta e sdonyayapi s̄ni he. Unkan niyepi wicoicage kin dacopi kta hecinhan, taku iyotan cistinna kin hena iyukan iyeniecapi s̄ni he.

3 Maŕpiya ohnihe kin hena eepi kaes wicunyukanpi kta e sdonyayapi s̄ni he. Hecen wiconi kin de en taku hiyeye cin sam iyeya unkokihipi.

4 Heon etanhan wiconi kin de en taku iyukanpi kte cin duhapi kinhan, tona okodakiciye kin en yuonihanpi s̄ni kin hena iyukan wicaŕi po.

5 Iniŕtecap̄i kte cin heon hepa. Niyepi ekta wicaŕta ksape qa tuwe hunkawanj itkupi kin wiyukan okih̄i kte cin wanica he.

6 Tuka hunkawanjinkiciyapi kin taku iyakicionpapi ece, qa he nakun wacinyanpi s̄ni kin wicitokam.

7 Hecen taku iyayecionpapi kin he ŕicaya ecanonpi ece. Tokeca e ŕicaya ecanonpi kin ayatpaspapi s̄ni he. Tokeca ta-

I. KORINTH.

ku nicipi kinhan wacin tanka yecunpi ūni he.

8 Tuka niye ūcaya ecanonpi, qa wawicayakipi ece, qa he nihunkawanjipi kin.

9 Tona owotanna ūni un kin hena Wakantanka tokiconze kin tawapi kte ūni e sdonyayapi ūni he. Içihnayanpi ūni po : wiinahmanpi, qa wakagapi ohodapi sa, qa wawicihahapi econpi sa, qa winyan icidapi kin, qa iwicahu sa,

10 Qa wamanonpi sa, qa wai-cucukte cin, qa witkopi sa, qa wawicakipi sa, henakiya Wakantanka tokiconze kin tawapi kte ūni.

11 Qa niū niyepi kin hunh heni-cecapi tuka, tuka niyujajapi ; tuka niyuwakanpi ; tuka niyuowotanpidan, Jesus Itancan kin cajeyan qa Wakantanka unkita-wapi Taniya kin on.

12 Taku owasin ecamon kta e iyowinnakiyapi, tuka taku owasin ecamon kta iyecece ūni ; taku owasin ecamon kta e iyowinnakiyapi, tuka takudan imada-ke kte ūni wacin.

13 Woyute kin he wicatezi kin *kicagapi*, qa wicatezi kin iū wo-yute *kicagapi*, tuka henioza Wakantanka ihang ye kta. Unkan wicatančan kin he wiinahmanpi on kagapi ūni, tuka he Itancan kin *kicagapi*, qa Itancan kin he iū wicatančan kin tawa kta.

14 Unkan Wakantanka wanna Itancan kin najin kiye çā, nakun iye towaūake kin on najin unki-yapi kta.

15 Nitancanpi kin hena Messiya huha kin ee sdonyayapi ūni he. Hecen Messiya huha kin iwacu, qa witkowinna wan huha wakiye kta he. Hiya, hecetu ūni.

16 Tuwe witkowinna wan en kici iyaihdaūke cin he kici tan-

can wanjidan, sdonyayapi ūni he. Henioza ceħpi wanjidan kta ce, eye ciçon.

17 Tuka tuwe Itancan kin en kici iyaihdaūke cinhan he iye kiei woniya wanjidan.

18 Wiinahmanpi kin nakicipa po. Woahtani wicaūta econ kin owasin wicatančan kin itankan un, tuka tuwe wiinahman kinhan he iye tancan kin en waiçih-tani.

19 Tokeca, nitancanpi kin hena Woniya Wakan Wakantanka niçupi, qa niyepi en un kin he tipi tawa kin hee, qa hecen tawa nihdawapi ūni e sdonyayapi ūni he.

20 Taku tanka iyopeniyanpi, heon nitancanpi ninagipi ko on Wakantanka yatan po, hena Wakantanka tawa.

WICOWOYAKE 7.

1 Wowapi en miyecagapi kin he icahtagya, wicaūta kin winohinca yutan ūni kin he waūte.

2 Tuka wiinahmanpi kte ūni e heon etanhan wicaūta otaiyohi winohinca tawa hduhe kta, qa winohinca kin iū otaiyohi wicaūta hduha nunwe.

3 Unkan wicaūta kin iye tawicu kin wowaūte ecakicon kta, qa winohinca kin iū iye hihnaku kin nakun ecen *ecakicon* nanwe.

4 Winohinca kin iū iye tancan kin hduhe ūni, tuka hihnaku kin he *yuha*, qa nakun wicaūta kin iū iye tancan kin hduhe ūni, tuka tawicu kin he *yuha*.

5 Otaiyohi tancan ehpekiciya-pi ūni po, ptecedan hehanyan, napin wicayadapi kinhan hecedan, takudan yute ūni qa wocekiye eyapi kin en ocowasin yeniciyapi kte cin heon, kinhan ake napin yahdapi kta, unmana

WICOWOYAKE 7.

kinhan oiçhipi *śni* kin on Satan iyutanniyampi kta naceca.

6 Hena hecon cişipi kin e on hepe *śni*, tuka wahokonciçiyapi kin heon.

7 Wicaşta owasin miye waun kin iyecen unpi kta wacin, tuka otoiyoçi Wakantanka etanhan wicowaşake hduha un, wanji decetu, qa wanji *iş* kaketu.

8 Tuka tona tanşna un qa tona wiwazicapi kin hena, miye waun kin iyecen unpi kte cin he waşte kta, kewicawakiya.

9 Tuka oiçhipi *śni* kinhan kiciyuzapi kta; wakan kiciyuzapi kin he waşte qa wacin itkon kin he şica.

10 Unkan tona kiciyuzapi kin hena kaken wahokonwicawakiya, qa he miye cinka *epe* *śni*, Itancan kin he *heya*; Winohinca iye hihnaku kin ahduştan kte *śni*.

11 Tuka ahduştan kinhan tanşna un kta, qa *iş* ake hihnaku qon okiciye kta; qa wicaşta kin iye tawicu kin ihnuhan eņpekiye cinhan.

12 Unkan ehake, Itancan kin hee *śni*, miye cinka hecen epe kta; Hunkawanjin kiciyapi wan winohinca wicada *śni* kin heca yuhe *ça*, he kici un iyokipi kinhan, he ihnuhan eņpekiye cinhan.

13 Qa winohinca wan wicaşta wicada *śni* kin heca yuhe *ça*, he kici un iyokipi kinhan, he *iş* nakun eņpekiye kte *śni*.

14 Wicaşta wicada *śni* kin he iye tawicu kin on yuwakanpi, qa winohinca wicada *śni* un kin he nakun iye hihnaku on yuwakan kagapi. Hecece *śni* unkanş nicincapi kin aşapapi kta, tuka nakaha hena e wakan.

15 Tuka wicada *śni* un kin he unma kpagan kinhan hecen kpa-

gaa kta. Hena hecece cin en hunkawanjin kiciyapi, qa tawinohtin kiciyapi kin idakapi *śni*. Wakantanka wookiye en unkiçipi.

16 Winohinca, niş taku sdonyaya he, okinni nihihna niyakiye kta. Qa wicaşta kin, niş token sdonyakiya he, okinni nitawin niyakiye kta.

17 Tuka otoiyoçi token Wakantanka wicaqu qa Itancan kin otoiyoçi wicakico kin he iyecen mani nunwe. Hecen okodakiçiyeye owasin en econ wicawaşi ece.

18 Tuwe bakiñdayapi ecen kiçipi hecinhan, bakiñdayapi *śni* kin akite kte *śni*. Qa tuwe bakiñdayapi *śni* ecen kiçipi hecinhan, he bakiñdaye kte *śni*.

19 Bakiñdayapi kin he taku *śni*, qa bakiñdayapi *śni* kin he nakun taku *śni*, tuka Wakantanka tawoaşope opapi kin he tan-ka.

20 Otoiyoçi wicawitani en kiçipi kin he en un kta.

21 Wowidake un kin henica ecen nicopi kinhan he ekta ewacin *śni* wo; tuka tawa niçiyeye kta e oyakihi kinhan he en oya-han de kta.

22 Tuwe wowidake un kin he Itancan kico kinhan, hee Itancan kin on tawa içiya; qa nakun tuwe tawa içiye cin hecen kiçipi kinhan he Meşşiya wowidake tawa kin hee.

23 Tehiya openitonpi, heon wicaşta akantu wowidag niyanpi *śni* nunwe.

24 Mihunkawanji, otoiyoçi taku en un hecen kiçipi kin he en Wakantanka kici un nunwe.

25 Unkan hokşiwinpitan icahtagya, Itancan kin eçiyatanhan woope takudan mduhe *śni*. Tuka miye owotanna waun kta

I. KORINTH.

Itancan kin ionsímakida, hecen token wacin mduze cin owahda-ke kta.

26 Nakaha wicokakije kin on etanhan de wašte kepce, wicašta kin ecen un kte cin he wašte.

27 Winohinca en iyanihdaška he ; etanhan nihduške kta akite šni wo. Qa winohinca en iyanihdaške šni he ; winohinca wan akite šni wo.

28 Tuka winohinca duza ešta wayahtani šni, qa hoksiwinna wan hihnaton ešta wahtani šni ; tuka hena e wicacehpi ekta wicokakije yuhapi kta ; hececa ešta ito itoncipapi.

29 Tuka mihunkawanji kaken epe kta ; Wanna tokata ptenyed- an ; tona winohinca yuhapi kin hena winohinca tonpi šni kin iyecen unpi kte.

30 Tona ceyapi kin hena ceyapi šni kin iyececapi kte ; tona iyuskinpi kin hena iyuskinpi šni kin iyececapi kta ; qa tona wopetonpi tak yuhapi šni kin iyececapi kta.

31 Qa tona maka kin de woinyunyanpi kin sícaya yuhapi kin iyececapi kte šni ; wicoicage kin de ouncege kin atakuni šni aya.

32 Tuka takudan icante síce šni yaunpi kta wacin. Tuwe tawicu ton šni kin he Itancan taku tawa kin awacin yanka, token Itancan iyokipi ye kta.

33 Tuka tuwe tawicu ton kin he wicoicage kin en taku awacin yanka, token tawicu kin iyokipi ye kta.

34 Qa nakun winohinca hihnaton qa witanšna un kin hena kici akidecece šni. Hihna ton šni kin he Itancan taku tawa kin awacin yanka, tancan nagi ko wakan un kta heon. Tuka hihna ton kin he wicoicage en ta-

ku un kin awacin yanka, token hihnaku kin iyokipi ye kta.

35 Tanyan yaunpi kta heon hena hepa. Taku on hmunkapi kin nitokam ewahnake kta e hee šni ; tuka wacinktonja wanin, qa wiciyokipi kin en Itancan kin oyapapi kta e heon.

36 Tuka tuwe iye cunwintku tanšna un kin tanyan ecakicon šni kecin, qa wanna wikoška hecinhan, qa he iyecetu kinhan, token cin kinhan ecen econ ešta, wahtani kte šni ; wakan kiciyuzapi kte.

37 Tuka tuwe iye cante kin en sutaya un qa tokan tanhan hecon kiyapi šni, qa iye tawacin kin oicihi, qa cunwintku tanšna un hduhe kta e cante mahen iciconze cinhan he tanyan econ.

38 Hecen tuwe kiciyuzapi kin en wicaqu kinhan he tanyan econ, qa tuwe kiciyuzapi kin en wicaqu šni kin he sanpa tanyan econ ece.

39 Winohinca kin tohanyan hihnaku ni un kin hehanyan wicoope kin on kaškapi ; tuka hihnaku kin te cinhan hehan tawaciya, tuwe tokeca cin kinhan he hihnaye kta okihi, Itancan kin en un kin hecedan.

40 Tuka ecen yanke cinhan he iyotan waštaya un kta imdukan, qa Wakantanka Taniya kin he mduha kepce.

WICOWOYAKE 8.

1 Unkan taku wakagapi wakiyusnapi kin icahtake, owasin wookahnige unhapi sdonunkiya-pi. Wookahnige kin he tanka-icidapi kaga, tuka wacantkiyapi kin he tanka icašya.

2 Tuwe taku sdonya kecin kinhan he nahahin sdonye kte cin iyecen takudan sdonye šni.

WICOWOYAKE 9.

3 Tuka tuwe Wakantanka wašte dake cinhan Wakantanka he iye sdonya.

4 Taku wakagapi wakiyušnapi kin yutapi kin he icaštake, wakagapi maka akan un kin he taku šni sdonunyanpi, qa Taku Wakan wanjidan, hecedan yukan.

5 Taku wakan eciyapi kin mahpiya ekta qa maka akan yukan ešta; taku wakan ota, qa itancan kiyapi kin nakun ota keyapi ece:

6 Tuka unkiye, Taku Wakan wanjidan Ateyapi kin hee un-hapi, he etanhan taku owasin u, qa he en unkiye *unyakonpi*; qa Jesus Messiya Itancan kin wanjidan, he on taku owasin un qa he eciyatanhan unkiyepi.

7 Tuka owasin hecen okašni-gapi šni. Wanjikji anpetu dehanyan wakagapi sdonyapi, taku wakagapi wakiyušnapi kin iyacinyan yutapi ece; hecen nagi suta šni kin hena ašamyapi.

8 Taku untapi kin eciyatanhan Wakantanka iyokipi unyanpi šni; wauntapi kinhan heon etanhan sanpa unwaštepi šni, qa wauntapi šni kinhan heon sanpa unšicapi šni.

9 Tuka ihnuhan wawoyakhipi kin de tona wašake šni un kin hena en wonahnaye kte cin.

10 Niye osdonya yaun kin, wakagapi tipi kin en wota idotanke cin tuwe wanniyake cinhan, wicašta nagi wašake šni un kin he taku wakagapi wakiyušnapi kin yuta onspeyakiye kte šni he.

11 Hecen nihunkawanji wašake šni un kin, on Messiya te cin he ihangyapi kta, niye wasdonyaye cin heon etanhan.

12 Tuka hunkawanjin kiciyapi kin en hecen wayaštanpi, qa iye

nagipi kin wašake šni kin nagi-yeyayapi eca, Messiya en wayaštanipi ece.

13 Heon etanhan woyute kin mihunkawanji waštaniye cinhan, ohinniyen tado wate šni waun kta, okinni mihunkawanji waštaniwaye kta.

WICOWOYAKE 9.

1 Yewicašipi kin hemaca šni he; tawa mičiye šni he; Jesus Messiya Itancan unkiyapi he wanmdake šni he; Itancan kin en miohan kin he niyepi šni he.

2 Wicašta tokéca ekta yewicašipi kin hemaca šni ešta, niyepi kin ekta hemaca. Yewicašipi kin en opeya waun kin ipuspe kin he niyepi, Itancan kin en.

3 Tona wimawangangi kin hena kaken awicamdupta ece:

4 Unkiye wauntapi qa waunyatkanpi unkokhipi šni he.

5 Yewicašipi kin tokéca, qa Itancan hunkawanjinwicaye cin, qa Inyan iyececa, unkiye tankšiwicunyanpi wanji hdus un-kayapi unkokhipi šni he.

6 Qa is, miš miye Barnabas kicišnana, wicohan ayušan owakihiki šni he.

7 Tobantu kašta tuwe iyunwin codan zuya iyaya he; tuwe hastanhanka iyuwi kin huhde qa etanhan waskuyeca yute šni he; qa tuwe tašınca optaye wan hduhe qa optaye kin etanhan asanpi yute šni he.

8 Wicašta akantu eciyatanhan hena hecen epa he; qa woope kin he hena hecen eye šni he.

9 Moses toope kin en kaken kagapi, Tatanka aguyapi napan kin he iohmus icu yaye kte šni ce. Wakantanka tatanka iha-wicakta he;

10 Qa is unkiyepi kin on hena

I. KORINTH.

hecen eya he. Unkiyepi kin on he wowapi en kagapi; hecen tuwe mahyumdu kinhan woape en mahyumdu kta, qa tuwe woape yuha aguyapi kapan kinhan he kici woape en okcipe kta.

11 Unkiye ninagipi kin on taku unkonicijupi hecinhan, taku wicacelipi kin nitawapi kin he mnaunyanpi kte cin he taku tanka he.

12 Wicašta tokeca niyepi ekta wookihi kin de en okicipapi kinhan, unkiye unkiyotanpi šni he. Tuka wookihi kin he unkunpi šni; taku owasin unkapaspapi, Messiya tawootanin wašte kin anaunptapi kte šni kin heon.

13 Tona tipi wakan kin en kicanyanpi kin hena tipi wakan kin etanhan nipi ece sdoniyayapi šni he; qa tona wahna wošnapi kin ekta ohanyanpi kin hena wošnapi kin etanhan wotapi ece.

14 Hecen nakun Itancan kin woape kaga; tona wotanin wašte oyakapi kin hena wotanin wašte kin on nipi kta.

15 Tuka hena taku kin takudan iwacu šni, qa hecen ecami-conpi kte cin heon hena hecen wowapi wakage šni; miye maše kte cin hee wašte, qa tuwe imawinkta kin de ecetu šni miciciye kte cin he šica.

16 Wotanin wašte kin omdaka keš, he wowinkta wahdawa šni; waecon makiyapi, qa wotanin wašte omdake šni ehantanhan wokakije micihan.

17 Qa he iyokipiya ecamon kinhan on iyunwin mduhe kta, tuka iyomakipi šni ešta taku econmakiyapi wan maqupi.

18 Hecen taku mduhe kta he. Wotanin wašte omdake cinhan, Messiya tawootanin wašte kin iyunwin codan ewahde, qa he-

cen wotanin wašte kin en wuwakihi kin tanyan mduhe kta.

19 Wicašta owasin ekta wwidake šni waun tuka owasin wowidake mayuhe wicawakiya, wanjikši okihiwicawaye kte cin heon hecamon.

20 Juda oyate kin wicehna, Juda wicašta kin hemaca, Juda oyate kin owicawakihi kte cin heon. Tona woape kin ihukuya un kin hena ekta woape yuha unpi kin hemaca, tona woape yuhapi kin hena owicawakihi kta.

21 Qa tona woape nicapi kin hena ekta woape codan unpi kin hemaca; — Wakantanka ekta woape codan waun šni tuka Messiya on woape yuha waun; tona woape nicapi kin hena owicawakihi kta.

22 Tona wašake šni kin hena en wašake šni se emaceca, tona wašake šni kin hena owicawakihi kta. Wicašta owasin en taku owasin un kin hemaceca, wanjikji ni wicawaye kte cin heon.

23 Wotanin wašte kin he on hecamon ece; hecen he en miš cya owape kta.

24 He de sdoniyayapi šni he; Tona oinyanke kin en inyankapi kin hena owasin inyankapi, tuka wicašta wanjidan oqipe kin yekiya ece: Niš yeyakiyapi kta e iyecen inyanka po.

25 Tuwe kašta kici econ kte cinhan taku owasin iyatahde ičiye šni un. Hena watešdake atakuni kte šni kin yekiyapi kta, tuka unkiye watešdake ohinnian un kte cin he *unkakitapi*.

26 Heon etanhan miš hecen waimnanka, toketu tanin šni kin he iyecece šni; hecen nape on econ waun, tuwe okaduza ape cin iyecece šni;

WICOWOYAKE 10.

27 Tuka mitancan kin suta miçicage ça ñinsmiçiya ; okinni wicašta tokeca wotanin wašte kin owicawakiyaka ešta, miye qe heyata iyemayanpi kte cin he *kowakipa*.

WICOWOYAKE 10.

1 Mihunkawanji he de sdoney ešni yaunpi kta wacin sni, hun-kake wicunyanpi kin owasin małpiya šapa kin ihukuya yukanpi, qa owasin miniwanca kin opta hiyupi.

2 Qa owasin małpiya šapa qa miniwanca kin en Moses baptem wicaqu.

3 Qa owasin woyute wakan wanjidan etanhan yutapi.

4 Qa owasin woyatke wakan wanjidan etanhan yatkanpi. Imnija wakan kin wicihakam iyaye ciqon he etanhan yatkanpi. Imnija kin he Messiya hee.

5 Tuka hena wicota Wakan-tanka iwicayuškin ešni, hecen makoskan ihpayapi.

6 Unkan hena e waonspekiya unkitawapi kin eepi, hecen taku šica cantiheunyanpi kte ešni, is iye cantiheyapi qon iyececa.

7 Qa wakagapi ohoyadapi kte ešni, is iyepi wanjikji heconpi qon iyececa. Kaken wowapi en kagapi, Oyate kin wota qa woyatke iyotankapi, qa škan najin hiyayapi.

8 Qa wiinahmanpi kin econku-pi kte ešni, is iyepi wanjikji econpi qon iyececa ; qa anpetu wanjidan en kektopawinge wikcemna nonpa sanpa kektopawinge yamni ihpayapi.

9 Qa Messiya iyutan unyanpi kte ešni, hena wanjikji iyutan yanpi qon iyececa ; unkan wamduška ihangwicayapi.

10 Qa wawiyahnupi kte ešni, is

iyepi wanjikji wawihnupi qon iyececa, qa waihangye cin on yutakunipi ešni.

11 Hena taku kin owasin waonspekiyapi on en wicahiyahde, qa unkiyepi wicoicage owihanketa unyakonpi kin wahokonun-kiyapi kte cin heon wowapi en kagapi.

12 Hecen tuwe ñinsa najin hecin kinhan, he wakta un nunwe, okinni ihpaye kta.

13 Wowiyutanyan wan wicašta sdonyapi ešni ece kin en aniupi ešni. Wakantanka wacinyepica, hecen wawoyakihipi kin isanpa iyutannianpi kta iyowinye kte ešni, tuka wowiyutanyan kin he enakiye kta, hecen oyakihipi kta.

14 Heon etanhan wašte cicidapi kin, wakagapi ohodapi kin nakicipa po.

15 Wicašta wacin ksape cin hena hecen ewicawakiya, token epe cin niš iyukan po.

16 Woyawašte wiyatke unyawaštepi kin he Messiya we kin en kodakiciyapi kin hee ešni he. Aguyapi unkiyušpapi kin he Messiya tancan kin en kodakiciyapi kin hee ešni he.

17 Unkiye unkotapi, tuka aguyapi unwanjipidan, qa tancan unwanjipidan ; unkiye owasin aguyapi wanjidan en akiptan unkopapi.

18 Wicacełpi eciyatanhan Israel oyate kin ekta ewicatonwan po. Tona wošnapı kin etanhan yutapi kin hena wahna wošnapı kin en opapi ešni he.

19 Heon token epe kta he : Wakagapi kin he taku, qa is taku wakagapi wakiyušnapı kin he taku tanka he : Hiya.

20 Tuka taku Ikcewicašta kin wayušnapı ece kin hena Wakan šica wakiyušnapı, qa Wakan-tanka wakiyušnapı ešni. Unkan

I. KORINTH.

taku wakan sícapi kin en oyecipapi kta wacin síni.

21 Itancan tawoyatke qa nakun taku wakan sícapi tawoyatke kin yatkan oyakhipi síni. Itancan kin wahna wotapi tawa kin en oyapapi, qa nakun taku wakan sícapi wahna wotapi tawapi kin en oyapapi kta oyakhipi síni.

22 Itancan kin síhda unyanpi kta he. Iye sam iyeya waunsa-kapi he.

23 Taku owasin iyemicihantu tuka owasin taku wašte icalíye síni. Taku owasin iyemicihantu tuka owasin waonspekiye síni.

24 Tuwedan ísnana taku amnacíye kte síni, tuka otoiyohi taku token tawa kte cin he akicicite kta.

25 Taku owasin tihocoka kin ekta wiyopeyapi kin he yuta po, qa wiyukcanpi kin on takudan iwangapi síni po.

26 Maka kin de taku ohnaka ko Itancan kin tawa.

27 Wicašta wicadapi síni kin wanji nicopi, qa ekta dapi tawatenyayapi kinhan, taku nitokam ehdepi kin he yuta po, qa wiyukcanpi on wiwangapi síni po.

28 Tuka tuwe, De wakagapi wakiyusnapi ce, eniciyapi kinhan, yutapi síni po, tuwe oniciyakapi qa wiyukcanpi kin hena on. Maka kin de taku ohnaka ko Itancan kin tawa.

29 Wiyukcanpi kin cajemdata, niye nitawa síni tuka token tawa kin he waka. Tokeca tawa micíye cin he wicašta tokeca tawiyukcan kin on mayacopi kta he.

30 Wowaste on en owape cinhan, tokeca e taku on wopida epe cin he on mayašicapi he.

31 Heon wayatapi qa wadatkanpi, qa taku kašta ecanonpi

kin owasin Wakantanka yatanpi kta e on econ po.

32 Juda oyate, qa Helenes oyate, qa Wakantanka taokodakiciye tuwedan icansinyayapi kte síni.

33 Qa miye taku owasin on owasin iyokipi wicawaye cin he iyececa, taku mduhe kte cin he awakite síni, tuka taku wicota yuhapi kte cin, hecen nipi kta.

WICOWOYAKE 11.

1 Miye omicipa po, Messiya opeya waun kin iyececa.

2 Mihunkawanji, ciyatanpi ce, taku owasin on miyeksuyapi, qa woopo cícupi qon ecehin duhapi kin heon etanhan.

3 Tuka he de sdoniyayapi kta wacin; Wicašta otoiyohi en pa kin he Messiya ee; qa winohinca pa kin he wicašta kin ee; qa Messiya pa kin he Wakantanka ee.

4 Wicašta otoiyohi pa akałpe ton cekíye qa wiyukcan kinhan, he iye pa kin wowištenya ece.

5 Tuka winohinca otoiyohi pa akałpe ton síni cekíye qa, wiyukcan kinhan, he iye pa kin wowištenya; he paha yusdapi kin kici akidececa.

6 Winohinca ís pa akałpe ton síni kinhan paha yusdapi kta. Tuka winohinca paha yusdapi, qa ís hdasarpi kin he wowištece kinhan, pa akalípe ton un kte.

7 Wicašta kin ís pa akałpe ton un kin he hecetu síni, he Wakantanka touncage qa towitan kin hee; qa winohinca kin wicašta towitan kin hee.

8 Wicašta kin he winohinca kin etanhan síni; tuka winohinca kin he wicašta kin etanhan un.

9 Qa wicašta kin he winohinca

kicagapi *śni*, tuka winoñinea kin is wicašta kin *kicagapi*.

10 Heon winoñinea kin pa kin akan wowaſake hduhe kta, mañpiya ohnihe cin hena on etanhan.

11 Tuka nakun wicašta kin winoñinea codan un *śni*, qa winoñinea kin is wicašta codan un *śni*, Itancan kin en.

12 Unkan winoñinea kin he wicašta kin etanhan un kin, he iyecen wicašta kin is winoñinea kin eciyatanhan u; qa taku owasin Wakantanka etanhan un.

13 Niš niyepi kin he iyumkan po; winoñinea pa akañpe ton *śni* Wakantanka cekiye cinhan he hecetu he.

14 Taku oiyokipi kin hee kaes he onspeniciyapi *śni* he; wicašta kin paha hanskaska hecinhan he wowištece.

15 Tuka winoñinea kin is paha hanskaska koyake cinhan he wowan kin ee; paha kin he woañpe qupi.

16 Tuka tuwe waakinin un kinhan, wicoñan kin de iyeececa takudan unhapi *śni*, qa nakun Wakantanka taokodakiciye kin.

17 Unkan he de omdake ca ciyataapi *śni*; taku sanpa wašte kin on mniniciyapi *śni*; tuka taku aoptetu kin heon etanhan.

18 Tokaheya okodakiciye mniniciyapi eca yuomdecapi dukanpi keyapi nawañon; qa onśpa wicawada.

19 Waakinicapi niyepi en un kta, hecen tona owotanna iniyumkanpi kin tanin kta.

20 Heon witaya mniniciyapi eca, he htayetu wotapi Itancan tawa kin yutapi kte cin hee *śni*;

21 Wotapi kin en otoiyohi taku yute kte cin tokaheya icu ece; unkan wanji wotektehda qa wanji is witko ece.

22 Tokeca, tipi ohna wayatapi, qa wadatkanpi kte cin yahduhapi *śni* he. Wakantanka taokodakiciye kin ayaktapi *śni*, qa tona taku yuhapi *śni* kin hena istenwicayayapi he. Token eciciyapi kta he. Heon ciyatanpi kta he. Hiya, ciyatanpi *śni*.

23 Miye taku Itancan maqu qon he ciçupi, Jesus Itancan kin, hanyetu wan iyopeyapi qon he en, aguyapi icu;

24 Qa wanna wopida eye cin hehan kiyuſpe ca heya; Icupi qa yuta po; mitancan kin niyepi on kiyuſpapi kin he dee; decen miksuya econ po.

25 Nakun is *eya* iyecen wanna yatkan qehan, wiyatke kin icu qa heya; Mawe kin en wicota-kuye teca kin he dee ce; decen econ po, tohanhan datkanpi eca, miksuya po.

26 Hecen tohan aguyapi kin de yatapi, qa wiyatke kin de datkanpi kinhan, henakiya Itancan te cin he duotaninpi ece, tohanhan hi *śni* kin hehayan.

27 Heon etanhan, tuwe aguyapi kin de iyacin *śni* yute ca, Itancan tawiyatke kin de yatke cinhan, he Itancan kin tancan, we ko, on yacopi.

28 Tuka wicašta kin wihdukan kta, hecen aguyapi kin de yute ca, wiyatke kin de etanhan yatke kta.

29 Tuwe iyacin *śni* yute ca yatke cinhan, he woyaco hdute ca hdatkan, Itancan tancan kin iyumkan *śni* kin heon.

30 Heon etanhan niyepi ekta wicota waſakapi *śni*, qa wayazanpi sa, qa hunñ istinmapi.

31 Unkiye unkihdukanpi kinhan, tokan tanhan unkiyumkanpi kte *śni*.

32 Qa unkiyumkanpi kinhan,

I. KORINTH.

Itancan kin wahokonunkiyapi, hecen wicoicage kin om unyacopi kte s̄ni.

33 Hecen mihunkawanji tohan wota mniniciyapi kinhan, otoi-yohi akicipe po.

34 Qa tuwe wotektehda kinhan, he tiyata wote kta; hecen woyaco en witaya yaipi kte s̄ni. Qa taku nahalin ihe cin hena tohan wau kinhan, wiyeya ewahna-ke kta.

WICOWOYAKE 12.

1 Mihunkawanji, taku wakan-yan wicaqupi kin iyukan s̄ni yaunpi kta wacin s̄ni.

2 Ikcewicašta kin henicapi, wakagapi iapi okitpani kin en aniyampi, ye niyanpi qon iyececa, he s̄donyakiyapi.

3 Heon he s̄donye ciciyapi; Tuwedan Wakantanka Taniya kin eciyatanhan ie ca, Jesus yašice kte s̄ni; qa nakun tuwedan Jesus e Itancan eciye kta okihi s̄ni, tuka Woniya Wakan ecedan eciyatanhan okihi ece.

4 Unkan taku wicaqupi kin hena okonwanjidan s̄ni, tuka Woniya kin e wanjidan.

5 Qa waeconpi kin okonwanjidan s̄ni, tuka Itancan kin e wanjidan.

6 Qa wicohan toktokeca; tuka Wakantanka kin e okonwanjidan, iye owasin en taku owasin owicakicihan.

7 Qa otoi-yohi on iyopta ye kte cin heon Woniya yuotaninpi kin wicaqupi ece.

8 Woniya kin wicašta wan woksape wicoie kin qu ece; qa wanji iš wosdonye wicoie kin, hena Woniya wanjidan etanhan.

9 Qa Woniya kin he wanji tokeca wowacinye qu ece; qa wanji tokeca iš wawokiziyapi

qu ece, qa hena Woniya wanjidan etanhan.

10 Qa wicašta wan wowape-tokeca econpi, qa wanji tokeca wiyukanpi, qa wanji tokeca taku wakan iyukanpi, qa wanji tokeca iapi ocaje ota, qa wanji tokeca iapi ieska oyakapi kin heceken wicaqupi ece.

11 Tuka hena owasin Woniya wanjidan qa okonwanjidan un kin he ohanye ca, token cin kin hecen wicašta otoi-yohi kipamni wicaqu ece.

12 Wicatancan kin he wanjidan tuka wicahuha ota yukan; qa tancan kin en huha kin hena ota qe yaš tancan wanjidan; Messiya kin iš he iyececa.

13 Woniya wanjidan on, unkiye owasin wicatancan wanjidan kta e baptem unqupi, Juda qa Helañes oyate, wowidake un kin, tona tawa iciyapi kin hena koya; qa owasin Woniya wanjidan kin he en wayatke unkiyapi.

14 Wicatancan kin he huha wanjidan s̄ni, tuka ota.

15 Hehan wicasiha kin he, Wicanape kin he miye s̄ni heon wicatancan kin en opeya waun s̄ni ce, eye cinhan, heon etanhan wicatancan kin en ope s̄ni he.

16 Qa wicanoge kin he, Wicašta kin he miye s̄ni qa heon wicatancan kin en opeya waun s̄ni ce, eye cinhan, ehantanhan wicatancan kin en ope s̄ni he.

17 Wicatancan kin ocowasin išta kin ee unkanš, winahonpi kin tokiya un kta he; qa ocowasin winahonpi kin ee unkanš, waomnapi kin tokiya un kta he.

18 Tuka nakaha Wakantanka token iyokipi kin hecen wicahuha kin otoi-yohi wicatancan kin en ehde.

WICOWOYAKE 13.

19 **Qa** hena iyuhpa wicahuha wanjidan unkanś, tancan kin tokiya un kta he.

20 **Tuka** nakaha wicahuha ota eśta, tancan wanjidan.

21 **Hecen** iśta kin he, Cicin śni ce, nape kin eciya okihi śni ; qa nakun pa kin he, Cicin śni ce, siha kin eciye kte śni.

22 **Qa** nakun sanpa, wicatančan en wicahuha kin tona waśake śni se un kin hena iyotan.

23 **Qa** wicatančan ekta tona yuonihan śni undakapi kin hena iyotan unhdunibanpi ece ; qa tona owanyag śice ein hena iyotan woiyokipi ece.

24 **Tona** waśte unyukanpi kin hena takudan sanpa cinpi śni ; tuka Wakantanka wicatančan kin icikoyagya kage ɕa, tukten iyokpaniyan un kin he en yuonihanpi tanka kaga.

25 **Hecen** wicatančan kin en yuomdecapi wanice kta ; qa wicahuha kin hena otoiyo hi awakicicinp i kta.

26 **Qa** hecen huha wanjidan iyotanhan iyekiye cinhan, he kici huha kin iyuhpa iyotanhan iyekiyapi kta ; qa huha wanjidan yuonibanpi kinhan he kici huha kin iyuhpa iyuskinpi kta.

27 **Messiya** tancan kin he niyepi, qa otoiyo hi huha yecidukaupi.

28 **Unkan** okodakiciye kin en Wakantanka kakenken ewicahde, tokaheya yewicaśipi kin hena, qa iyokihe wokcanpi, qa iciyamni waonspekiyapi ; hehan wicowaśake, hehan waasniyanpi, waokiyapi, itancanpi, qa ceji toktokeca.

29 **Owasin** yewicaśipi kin hecapi he ; owasin wokcanpi he ; owasin waonspekiyapi he ; owasin wicowaśake kin heca he :

30 **Owasin** waasniyanpi okihi pi

he ; owasin ceji tokeca on iapi he ; owasin ieskapi he.

31 **Wookihi** iyotan waśte kin hena nina akita po. **Tuka** hena isanpa canku waśte wan cicipazopi kta.

WICOWOYAKE 13.

1 **Wicaśta** akantu, qa mahpiya ohnihde cejipi kin on iwaa eśta, wacanwakiye śni ehantanhan maza śa snasna, qa taku ituya sna kin he iyemaceca.

2 **Qa** wowiyukan mduhe ɕa, taku anahbeya un kin owasin, wookahnige owasin ko, sdonwaye ɕa, wowacinye owasin mduha, on he kin yutokan iyewaye kta owakihi eśta, wacanwakiye śni ehantanhan matak u śni.

3 **Qa** taku mitawa kin owasin won wicayapi kin en wahdusote ɕa, mitancan kin hee kaes huhnage kta e waqu eśta, wacanwakiye śni ehantanhan takudan iciyopteya waun śni.

4 **Wacantkiyapi** kin he wicotawacin tanka qa wowaśte owasin. Wacantkiyapi kin he wawinawizi śni. Wacantkiyapi kin he wahanhanicida śni, qa ihdatan śni ece ;

5 **Wawis̄tenya** econ śni, qa is̄nana takudan amnaiciye śni, wacinko śni, qa taku śica iya-wicaonpe śni ;

6 **Woahtani** en iyuskin śni, tuka wowicake kin en iyuskin ;

7 **Taku** owasin kajuju ; taku owasin wicada ; taku owasin ape ; qa taku owasin iyowin-yan.

8 **Wacantkiyapi** kin he tohin- ni owihanke śni. Wokcanpi kin hena enakiyapi kta ; ceji tokeca kin hena ayuśtan aye kta ; qa wookahnige kin hee kaes atakuni kte śni.

I. KORINTH.

9 Apadan sdonunyanpi, qa apadan unkiyucanpi.

10 Tuka tohan woyuſtan kin he hi kinhan tona woyuſtan ſni kin hena ihanke kta.

11 Homakſiyoqopa qehan, hokſiyoqopa iyecen iwae ca, hokſiyoqopa iyecen wimdukan, qa hokſiyoqopa iyecen awacin waun; tuka wicaſta imacaga hehan taku hokſiyoqopa tawa kin amduſtan.

12 Dehan ihdiyomdasin en iyecen aotpasya wawanunyakapi ece; tuka eqe hehan anog itohnake icitkokim wanunkiciyakapi kta. Nakaha taku kin tanyan sdonwaye ſni; tuka e qe tokata sdonmayanpi kin iyecen tanyan sdonwaye kta e imicihan.

13 Unkan nakaha hena yamni en ounyan, wacinyanpi, qa aepi, qa wacantkiyapi; tuka wacantkiyapi kin he iyotan tanka.

WICOWOYAKE 14.

1 Wacantkiyapi kin he okipa po, qa taku wakanyan wicaqupi kin hena cin po; tuka widukcanpi kte cin he iyotan.

2 Tuwe ceji tokeca on ie cin he wicaſta kin takudan owicakiyake ſni, tuka Wakantanka taku eciya; tuwedan naſon ſni kin heon: hececa eſta Woniya kin eciyatanhan taku woanaſibe kin oyaka tuka.

3 Tuka tuwe wiyukan oyake cin he wicaſta kin wowicakiyaka, on icaſyapi qa wahokonkiyapi qa kicanptapi.

4 Tuwe ceji tokeca on ie cin he iye ksamiſiya; tuka tuwe wiyukan oyake cinhan he okodakiciye kin ksamwicaya ece.

5 Niyepi kin owasin ceji tokeca on iyaapi kta wacin,

tuka widukcanpi kte cin he iyotan wacin. Tuwe wiyukan kin he tanka qa tuwe ceji tokeca on ie cin he ihukuya, ieska oyake ſni kinhan, hecen okodakiciye kin icaſyapi kta tuka.

6 Unkan nakaha mihunkawanji, ceji tokeca on iwaa en ciupi kinhan, he token oniciyapi kta he; yaotaninpi, qa wookahnige, qa wiyucanpi, qa woonspe kin unmana eciyatanhan eciciyapi ſni kinhan.

7 Unkan taku ni un ſni kin hena, cotanka qa iſ candowan-kiyapi kin hotanin kinhan, ho toktokeca ſni kinhan, he taku on etanhan tukte e yajopi, qa tukte e dowankiyapi kin sdonyapi kta he.

8 Maza yahotonpi tanka kin ho okonwanjidan ſni yahotonpi kinhan, tuwe zuyapi kta e wiye-ya icicage kta he.

9 He iyecen niſ niyepi, ceji on wicoie okaſnih waſteſte iyaapi ſni kinhan, token on etanhan taku oyakapi kin he taku ee sdonyapi kta he; okaduza kin en iyaapi kta.

10 Maka kin akan ho ocaje tokeca kanakiya naceca, qa owasin taku kapi.

11 Tuka miſ ho kin taku kapi kin sdonwaye ſni kinhan, tuwe ie cin he Ikcewicaſta kin kecanmakin kta, qa miſ eya tuwe ie cin he Ikcewicaſta kin heca wadake kta.

12 Hecen wicohan wakan nina yacinpi kinhan, okodakiciye kin icaſyapi kta e wadupipike kte cin he akita po.

13 Heon tuwe ceji tokeca on ie cinhan, he ieska oyake kta e icekiye kta.

14 Miye ſaia cewakiye cinhan, minagi kin he cekiya; tuka mitawacin e qe takudan icaſye ſni.

WICOWOYAKE 14

15 Hecen toketu he. Miye miyagi kin eciyatanhan cewakiye kta, qa nakun mitawacin kin eciyatanhan cewakiye kta; minagi kin on wadowan kta, qa nakun mitawacin kin on wadowan kta.

16 He hecece s̄ni kinhan, ninagi on wopida eha eca, tuwe onspe s̄ni en iyotanke cin he token, wopida ehe cin en, Amen eye kta he, taku ehe cin s̄donye s̄ni nakaes̄.

17 Wopida tanyan eha, tuka iye kin okañnige s̄ni.

18 Wakantanka mitawa wopida ewakiya ce, niyepi kin owasin sam iyeya ceji tokeca on iwaa ece.

19 Tuka okodakiciye kin en mitawacin kin eciyatanhan wicoie zaptanna iwaa kta, on wicašta tokeca onpsewicawakiye kte cin he iyotan wašte, qa ceji tokeca on wicoie kektopawinge wikcemna iwaa kte cin he aoptetu.

20 Mihunkawanji, wookañnige en hoksiyoqopa unpi s̄ni po; tuka wicotawacin s̄ice cin en hoksiyoqopa po, qa wookañnige kin en wicašta tanka un po.

21 Wooke kin en kaken kagapi; Ceji tokeca, iha tokeca ko on oyate kin de owicaweciye kta; tuka hececa ešta, namañonpi kte s̄ni, Itancan kin eya.

22 Hecen ceji tokeca kin hena wowakta kin hee, tona wicadapi s̄ni kin hena eepi s̄ni, tuka tona wicadapi kin hena on wowapetokeca kin hee.

23 Okodakiciye kin ocowasin witaya mniciyapi, qa owasin ceji tokeca on iapi kinhan, qa tona wacinton s̄ni, wicada s̄ni ko en hipi kinhan, winitkotkopa kecannicinpi kte s̄ni he.

24 Tuka owasin wiyukanpi,

qa tuwe wicada s̄ni wacinton s̄ni un kin tin hiyu kinhan, he owasin on onspekiyapi, qa owasin on yacopi kta.

25 Qa hecen iye cante kin ekta taku anañbe cin yutaninpi kta; hehan makipusdiya ehpeiciye ca Wakantanka ohoda kta, qa Wakantanka niyepi en nicipi un kin oyake kta.

26 Heon mibunkawanji toketu he: Mniciciyapi eca niyepi otói-yohi odowan duhapi, qa woon-spe duhapi, qa ceji tokeca, qa yaotaninpi wan, qa ieska oyakapi wan duhapi ece. Taku owasin waonspekiyapi kta e on econpi nunwe.

27 Tuwe ceji tokeca on ie cinhan, wancadan wicašta nomnom yamnimni, qa hena wanji itokto econpi kta, qa wanji ieska kiyapi kta.

28 Tuka tuwe ieska kiyapi kte cin wanice cinhan, okodakiciye kin en inina yanke kta; is̄ iye oiçiciye ca Wakantanka okiye kta.

29 Qa wicašta wokcan kin hena nomnom qa yamnimni oyakapi kta, qa unmanpi kin wiyukan unpi kta.

30 Qa tuwe ikiyedan iyotanke cin he taku wakanyan okiyakapi kinhan, tokaheya kin he inina yanke kta.

31 Owasin wanji itokto wi-dukcanpi kin odakapi kta oya-kihipi; hecen owasin onspekiyapi, qa owasin iwicakiyapi kta.

32 Qa wicašta wokcanpi toksapepi kin wicašta wokcanpi kin anawicakigoptanpi ece.

33 Wakantanka kin he oqoyapi kin kage s̄ni, tuka wookiye kin he tawa, oyate wakan okodakiciye kin owasin en un kin iyececa.

34 Unkan winolinca nitawapi

• I. KORINTH.

kin okodakiciye kin ekta inina yankapi kta. Hena ie kta e iyo-winyanpi *śni*, tuka anagoptan yukanpi kta, woose heye cin iyecen.

35 *Qa* taku onspepi kta cimpi kinhan iye tipi ekta hihnakupi kin iwicawangapi kta. Okodakiciye kin en winohinca ie cin he wowištece.

36 Tokeca, niyepi kin etanhan Wakantanka oie kin hinanpa he; *qa* niyepi nišnanpidan ekta nihipi he.

37 Tuwe wicašta wokcan, *qa* is wicašta wakan kin heca kecanicin kinhan, he taku wowapi en cicagapi kin hena Itancan ta-woahope kin hee e yaotanin kta.

38 *Qa* tuwe iyukan *śni* un kinhan, he iyukan *śni* un nunwe.

39 Hecen mihunkawanji wi-dukcanpi kte cin he akita po, *qa* ceji tokeca on iapi kte cin tehin-dapi *śni* po.

40 *Qa* taku owasin iyokipiya owotanna econpi nunwe.

WICOWOYAKE 15.

1 Tuka, mihunkawanji, wotanin wašte unkoniciyakapi, *qa* iyacu-pi qon en ayahanpi kin he sdon-ye ciciyapi.

2 He eciyatanhan nakun yanipi kta, wicoie unkoniciyakapi kin on, he *šinsa* dubapi kinhan, *qa* ecinšniyan awacanipi *śni* kinhan.

3 Otokaheya ekta taku iwacu qon he cičupi; Waunhtanipi kin on *Messiya* *te* cin, wowapi wakan *eye* cin ecetu;

4 *Qa* hnakapi, *qa* anpetu iciamni kin piya ikicage cin, wowapi wakan *eye* cin ecetu.

5 *Qa* Inyan wanhdake *ča*, hehan ake nonpapi kin wanhdakapi.

6 Hehan he iyohakam wancadan hunkawanjin kiciyapi opawinge zaptan wanyakapi, hena wicota nahahin ni unpi, tuka wanjikji ištinnapi.

7 *Qa* he iyohakam Jakob wanhdaka; hehan yewicašipi kin owasin wanhdakapi.

8 *Qa* ehake miš miye wanmdaka, okaškan tonpi kin iyemaceca.

9 Yewicašipi kin miye iyotan macistinna, *qa* Wakantanka taokodakiciye kin *šicaya* wakuwa qon heon yešipi emakiyapi kte cin iyemacece *śni*.

10 Tuka tomakece cin Wakantanka towaonšida kin on hema-ceca. *Qa* iye towaonšida mici un kin he taku *śni* wanica, tuka hena owasin iyakapeya nina *šta-wani*; *qa* he miye *śni*, Wakantanka towaonšida mici un kin hee.

11 Heon, he miš miye, *qa* is iyepi kin, hecen unyaotaninpi, *qa* nakun hecen wicayadapi qon.

12 Unkan *Messiya* wiconšte kin etanhan piya ikicage cin he oyakapi hecinhan, token on niyepi wanjikji, Wiconšte etanhan piya wicoicage wanica ce, ehapi he.

13 Wicašte cin piya wicoicage wanica hecinhan, *Messiya* piya ikicage *śni*.

14 *Qa* *Messiya* piya ikicage *śni* hecinhan, hehan unkoyakapi kin he taku *śni* *qa* wacinyayapi kin he nakun taku *śni*.

15 *Qa* Wakantanka en unkitonpi *śni* kin; Wakantanka *Messiya* piya najin kiye cin he unkoyakapi; tuka he najin kiye *śni*, wicašte cin ake najinpi *śni* kinhan.

16 Wicašte cin piya najin ki-yapi kte *śni* kinhan, hehan *Messiya* nakun piya najin kiyapi *śni*.

17 *Qa* *Messiya* piya ikicage

WICOWOYAKE 15.

śni hecinhan, wacinyayapi kin he takudan okihi śni, qa nahahin wayahitanipi kin ehna yaunpi.

18 Hehan tona Messiya on istinma iyayapi qon hena nakun takunipi śni.

19 Wiconi kin de en ecedan Messiya on ape unyakonpi hecinhan, wicašta owasin unkiye iyotan iyotanhhan iyeunkiyapi ece.

20 Tuka wanna Messiya wiconțe etanhhan piya ikicaga, qa tona istinmapi qon hena en taku tokaheya icage cin hee.

21 Wicašta kin eciyatanhan wiconțe u kin, he iyecen wicašta kin eciyatanhan wiconțe etanhhan piya wicoicage kin u ce.

22 Adam en owasin țapi kin, he iyecen Messiya en owasin piya ni yapi kta.

23 Tuka otoiyohei tohan iye-hantu kinhan; Messiya e tokaheya, qa hehan tona tawa kin hena, Messiya ake hi kinhan.

24 Qa hehan owihanke kta, tohan wokiconze kin Wakantanka Ateyapi kin kicu kta; woki-conze owasin, qa wicowaśake owasin, qa wookihi kin ihangye cinhan.

25 Tona toka yapi kin hena owasin iye siha kin ihukun iye-wicaye kte cin hehayan ito wicaštayatapi yanke kta.

26 Qa toka ehake ihangye kte cin he wiconțe kin ee.

27 He siha kin ihukuya taku owasin ekihnaka. Tuka tohan, He ihukuya taku owasin ehna-kapi kin, eye çehan, tuwe he ihukuya taku owasin ehnae cin he okaptapi e tanin.

28 Qa tohan taku owasin he ihukun iyeyapi kinhan, hehan Cinhintku kin eqe tuwe taku owasin iye ihukun iyeye cin he

ihukun un kta, hecen Wakantanka owasin en oewasin un kta.

29 Wicațe cin ecaca piya ikicagapi kte śni hecinhan, tona wicațe cin on baptem wicaqupi kin hena taku tokenpi kta he; qa tokeca e wicațe cin on baptem wicaqupi he.

30 Qa tokeca anpetu iyohi ța ikopeya unyakonpi he.

31 Jesus Messiya Itancan unkiyapi kin en widuśkinpi kin en owape cin he cajemdate çã, Anpetu iyohi mața ce, epa.

32 Wicašta akantu iyecen, Ephesos ekta wamanica kici weci-za ešta, on taku iyomapte kta he, wicațe cin piya wicoicage śni kinhan. Wauntapi, qa wanyatkanpi kta, heyakecinhan unțapi kta ce.

33 İçihnayanpi śni po; koda-kiciyapi śice cin hena wicohan wašte yuśica ece.

34 Wicohan owotanna on ihduhicapi, qa wahtanipi śni po. Wanjikji Wakantanka sduyapi śni. Winiśteçapi kte cin heon hena hecen epe.

35 Tuka okinni tuwe heye kta; Wicațe cin token piya icañyapi, qa taku tancan kin yuha hiyupi he.

36 Winiťkotkoka, taku oyaju kin he țe śni kinhan, icage śni ece.

37 Qa taku oyaju kin he tancan icage kte cin he oyaju śni, tuka su ecedan, aguyapi qa iś taku toktokeca naceca.

38 Tuka Wakantanka token iyokipi kin hecen tancan qu, qa su ocaje otoiyohei tancan tawa kin kicu ece.

39 Cełpi owasin cełpi okonwanjidan śni, tuka wicacełpi kin he wanji ee, qa woteca cełpi kin wanji hee, qa hogan ce-

I. KORINTH.

hpi kin wanji hee, qa zitkadan
cehpi kin wanji hee.

40 Unkan mañpiyata tancan,
qa makata tancan kin heca yu-
kan. Tuka mañpiyata un kin
he towitan kin wanjidan, qa
makata un kin he towitan kin
tokeca.

41 Anpetu wi towitan kin
wanjidan, qa hanyetu wi towi-
tan kin he tokeca, qa wicanhpi
towitan kin he nakun tokeca;
qa wicanhpi wanji wicanhpi to-
keca kici wowitan en akidecece
śni.

42 He iyecen wicate cin piya
wicoicage. Tancan hwin oju-
pi, tuka hwin kte śni ekicetu
yapi.

43 Wowihañaya ojupi, tuka
wowitan ekicetu yapi. Wowa-
śake śni yan ojupi, tuka wowa-
śagya ekicetu yapi.

44 Wicacehpi tancan ojupi,
tuka wowakan tancan ekicetu
yapi. Wicacehpi tancan yukan,
qa wowakan tancan kin yu-
kan.

45 Kaken wowapi en kagapi
qon, Adam wicaśta tokaheya
kin he wicanagi ni un kin heca
kagapi, qa Adam ehake un kin
he Woniya Wanikiye cin hee.

46 Tuka taku wakan un kin he
tokaheya śni, tuka taku cehpi
kin hee, qa iyohakam taku wa-
kan kin.

47 Wicaśta tokaheya kin he ma-
ka etanhan un, qa maka kin he-
ca; Wicaśta iyokihe kin he
Itancan mañpiya eciyatanhan
un kin hee.

48 Maka kin heca un qon, tona
maka hecapi kin hena hececapi;
qa mañpiya tanhan un qon, tona
mañpiya tanhan un kin hena
hececapi.

49 Unkan makata un kin to-
uncage kin unhapi kin, he iye-

cen mañpiya tanhan un kin to-
uncage kin unhapi kta.

50 Mihunkawanji kaken epa;
Wicacehpi qa wicawe kin Wa-
kantanka tokiconze kin tawapi
kta okihihi śni, qa nakun wica-
hwin wicahwin kte śni kin ta-
wa kte śni.

51 Wanyaka po, wowiyukan
wan ociciyakapi; owasin unki-
śtinmapi kte śni, tuka owasin
unyutokecapi kta.

52 Ihnuhanna, iśta karpapi se
en maza yahotonpi tanka ehake
kin *tanin* kinhan; maza yaho-
tonpi tanka kin he yahotonpi kta,
qa wicate cin hwin śni yan na-
jin wicakiyapi kta, qa unkiye
unyutokecapi kta.

53 Taku hwin kte cin de wi-
cahwin śni koyake kta, qa te
kte cin de tepica śni koyake
kta.

54 Qa tohan taku hwin kte cin
de wicahwin śni koyake qa, tan-
can wiconṭe kin de wiconi kin
ogeton kinhan, hehan wicoie
kin wowapi en kagapi qon ecetu
kta; Wiconṭe kin he woohiye
kin e ocowasin iocokaya.

55 Wiconṭe, wicape nitawa kin
tokiya un he. Wicahnakapi,
woohiye nitawa kin tokiya un
he.

56 Wiconṭe icape kin he woa-
hitani ee, qa woahitani wowaśa-
ke kin he woahope kin ee.

57 Tuka Wakantanka woohiye
unqupi, Jesus Messiya Itancan
unkiyapi kin eciyatanhan, he
wopida yuha nunwe.

58 Hecen mihunkawanji wa-
śte ciciđapi kin, sutaya yahanpi,
qa pahoho śni yaunpi nunwe;
qa ohinniyān Itancan oñan kin
en aićiciya po, Itancan kin on
hitayanipi kin he taku śni wa-
nice kta sdonyayapi kin heon
etanhan.

WICOWOYAKE 16.

1 Wicašta owotanna un kin hena taku wicakicamnanpi kte cin, token Galatia ekta okodakiciye kin econ wicawaši qon, he iyecen niš econ po.

2 Anpetu tokaheya kin en niyepi otoiyo hi token oyakihipi kin, iyacinyan eyahnakapi kta, hecen wau kinhan, wamnayanpi wanice kta.

3 Qa wau kinhan, tona wowapi on wicayakašnigapi kin, hena wicaqupi nitawapi kin he Jerusalem ekta aye wicawaši kta.

4 Qa miye ekta mde kte cin he wašte kta naceca hecinhan hena om mde kta.

5 Unkan Makedonia opta mde cinhan, behan ekta ciupi kta : qa Makedonia opta mde kte cin he hecetu.

6 Qa okinni cicipi waun kta, ban, waniyetu ihunniwaye kta naceca ; hecen hetanhan tokiya mde cinhan niye amayadapi kta.

7 Nakaha tahapi wanciyakapi kte šni, tuka Itancan kin iyokipi kinhan, cicipi owanji manke kta wacanmi.

8 Tuka anpetu iwikcemna zaptan kin hehayan Ephesos en owanjidan manke kta.

9 Tiyopa tanka wawokihi kin makiyuřidokapi, qa tona wakini-capi kin hena ota.

10 Unkan Timotheos ekta i kinhan, kokipešniyan en niunpi kta e akita po : He nakun miye *ecamon* kin iyecen Itancan tohtani kin econ ece.

11 Heon tuwedan iřařa kte šni ; tuka wookiye yuha au po, ekta mahiyu kta ; he hunkawanjin kiciyapi kin om u kta ape manka.

12 Apolos mihunkawanji, he hunkawanjin kiciyapi kin om ni-

yepi ekta niipi kta e nina cinwakiya ; tuka iye dehan ekta ye kta ecaca cin šni, tuka tohan cin kinhan ekta i kta.

13 Kiktahan un po, wowacinye en sutaya han po, wicašta iye-cen ohayan po, wařaka po.

14 Taku nitawapi kin owasin wacantkiyapi on econpi nunwe.

15 Mihunkawanji, ceciciyapi ce ; Stephanas tiyohnaka kin sdon-yayapi, he Akeya en waskuyeca tokaheya icage cin hee, qa wicašta owotanna owicakiyapi kin en ye iciyapi ece kin ;

16 Tona hececapi, qa tona wawokiyapi, qa řitanipi kin hena owasin wicihukuya ye nićiyapi kta.

17 Stephanas qa Phortunatus qa Akekus hipi kin heon imduřkin ; hena e taku ecamiyeconpi šni kin he ecetu miciciyapi.

18 Qa minagi kin magaga mayanpi, qa nitawapi nakun. Heon etanhan tona hececapi kin hena wicayuonihan po.

19 Asia ekta okodakiciye kin hena nape niyuzapi. Akula qa Priskila Itancan kin on sutaya nape niyuzapi, qa okodakiciye iye tipi ohna un kin hena koya.

20 Hunkawanjin kiciyapi kin owasin nape niyuzapi. Iiputakapi wakan kin on otoiyo hi ikiciputaka po.

21 Palos he miye nape kiciyuzapi kin de miye minape kin on *wakaga*.

22 Tuwe Jesus Messiya Itancan kin waředake šni kinhan, he anathema maran-atha un nunwe.

23 Jesus Messiya Itancan unyanpi towaonřida kin nicipi un nunwe.

24 Jesus Messiya on wacanwakiye cin niyepi owasin en nicipi un nunwe. Amen.

KORINTH OYATE

WOWAPI WICAKICAGE CIN;

INONPA KIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yesi qon he, qa Timotheos hun-kawanjinkiciyapi wan kici, Korinth ekta Wakantanka taokodakiciye kin, qa Akeya owancaya tona owotanna un kin hena koya, *wowapi unnicagapi*.

2 Wowaoñsida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

3 Wakantanka Jesus Messiya. Itancan unkiyapi he Atkuku, qa, waonsidapi en ateyapi, qa Wakantanka owasin wacintonhnag wicaye cin he wowašte yuha nunwe.

4 He unkakijapi owasin en wacintonhnag unyanpi, hecen tona wokakije owasin ehna un kin hena iwicunkiyapi unkokihipi kta, wacintonhnagyapi on Wakantanka unkikiyapi kin he eciyatanhan.

5 Hecen Messiya tokakije kin unkiyepi en unkiciyuotapi kin, he iyecen Messiya eciyatanhan wacintonhnag unyanpi kin he nakun unkiciyuotapi kta.

6 Kakişunyanpi eca he wacintonhnag niyanpi, qa ni niyanpi kte cin heon; he wokakije on kakişunyanpi kin hena yuha okihi wicaye kta e ohanyan ece; qa wacintonhnag unyanpi hecin-

han, he wacintonhnake niyanpi, qa ni niyanpi kte cin heon.

7 Unkan niyepi kin on sutaya wacinunyanpi, wokakije kin en opeya yaunpi kin he iyecen wacintonhnakeyapi kin en oyapapi kta, sdonunyanpi.

8 Mihunkawanji, Asia en token wokakije unhiyahdepi qon he sdonye şni yaunpi kta uncinpi şni, iyotan nina unkakijapi, unkokihipi kin isanpa, hecen unni-pi kta unkecinpi şni.

9 Tuka unkiyepi kin mahen wiconşe woyaco kin unhapi, hecen takudan wacinunkiciyapi kte şni, tuka Wakantanka wicaşe cin ekicetu wicaye cin he wacinunyanpi kta:

10 Iye wiconşe hinsko tanka etanhan eunhdakupi, qa nakaha ehdaku ece; qa ees nakun eunhdakupi kta wacinunyanpi:

11 Qa niş eya wocekiye on ounyakiyapi kta, hecen wicašta ota etanhan, taku unqupi qon he on, unkiyepi on etanhan wicota wopida eyapi kta.

12 Unkiyuşkinpi kin he unna-gipi hdaotanin kin hee, wowicake wowakan ko en okonwanjidan, wicacehi woksape yuhe şni, tuka Wakantanka towaonşida yuha, wicoicage kin ehna unni-pi, qa niyepi kin ekta iyotan hececa.

13 Taku dawapi, qa sdonya-yapi kin hecedan wowapi en un-

WICOWOYAKE 2.

nicagapi; qa owihanke kin hehanyan wicayadapi kta kepece.

14 Onśpa sdonunyayapi, unkiyuşkinpi kin he niyepi, he iye-cen wowitan nitawapi kin he unkiyepi, Jesus Itancan taanpe-tu kin en.

15 Hecen wacinmduza, toka-heya niyepi kin ekta ciupi kta tuka, on inonpa wowaste duhapi kte cin heon.

16 Qa niyepi kin etanhan iyopta Makedonia ekta mde ça, ake Makedonia etanhan niyepi kin ekta icicawin wahdi kta, qa Juda makoce kin ekta ye mayayapi kta wacin.

17 Hecen wacin mduze çehan, hehan iyowiĥan wacin mduza he; qa token miçiconze cin he wicaceĥpi eciyatadhan miçiconze ça hecen, Ĥan, han, hiya, hiya, eya waun he.

18 Wakantanka wacinyepica, wicoie unkeniciyapi qon he, han qa hiya, hee śni.

19 Miye, qa Siluanos, qa Timotheos, Jesus Messiya Wakantanka Cinhintku kin unkoniciyakapi qon he, han, qa hiya, hee śni, tuka iye kin on; han ecedan.

20 Wakantanka iwahounyanpi kin hena owasin iye en, Ĥan hee, qa iye en Amen, unkiyepi kin etanhan Wakantanka yatanpi kte cin heon.

21 Tuwe niyepi kici Messiya en unyusutapi, qa sdaunyanpi kin he Wakantanka kin ee.

22 Qa he unkapuspapi, qa uncantepi kin ekta Woniya toka-heya icupi ece kin he unqupi.

23 Unkan nakaha minagi kin ekta Wakantanka mayaotanin kta e cewakiya; Itoncipapi kta e on nahahin Korinth ekta wai śni.

24 Wacinyayapi kin on wowi-

dag unniyanpi śni, tuka widuşkinpi kin en ounniciyapi kta. Wacinyanpi on sutaya nayajinpi ece.

WICOWOYAKE 2.

1 Miye qe hecen mihdukcan, ake iyokişinya ěkta ciupi kte śni.

2 Miye iyokişinciyapi kinhan, tuwe iyuşkinmaye kta he; iyokişinwaye cin hee kta.

3 Hecen on he wowapi cicagapi, ekta wau kinhan tona on imduşkin kte cin hena on etanhan iyokişin waun kte śni. Qa niyepi owasin wacinciyapi, mitowiyuşkin kin he en niyepi owasin *oyapapi kta*.

4 Wicokakije tanka, qa wicocanteşica, qa istamnihanpe ota ehna wowapi cicagapi qon, iyokişinniyani kte cin heon *hecamon* śni; tuka nina cantecciciyapi kin he sdonyayapi kte cin heon.

5 Tuwe iyokişicapi kage ciqon he miye iyokişinmaye śni; tuka niye nihunĥnanpidan, owasin cibapi kte śni.

6 He tuwe kin hecen yacopi qon, wicota econpi kin hecehnana kta.

7 Heon nakaha wicaşta kin he iyuşkinayapi, qa yecanptapi kta, okinni nina iyokişice cin on ktepidan kta.

8 Heon ceciciyapi ce, he cante en duzapi kin hduotanin po.

9 Taku owasin on waanagoptan yaunpi hecinhan, iciyukanpi kte cin heon wowapi cicagapi qon.

10 Tuwe taku yecicajujupi kinhan, miş eya *hecamon*, qa tuwe taku wecicajuju kin he niyepi kin on wecicajuju, Messiya itokam.

11 Hecen Satan ohiunyanpi

II. KORINTH.

kte *śni*; iye token *ičiconze* cin sdonunyanpi.

12 Troas ekta *Messiya* tawotanin wašte yuha wahi, qa Itancan kin tiyopa wan makiyuzamni;

13 Hehan minagi ekta cante wašteya waun *śni*, *Titos* mihunkawanji kin hen iyewaye *śni* kin heon; hecen hena nape wicamduze *ča*, hetanhan *Makedonia* ekta imdamda.

14 Wakantanka, ohinniyān *Messiya* on ohiye unyanpi, qa ohinniyān unkiyepi kin on tawosdonye woomna yaotanin kin, hee wopida yuha nunwe.

15 Wakantanka ekta, *Messiya* on woomna wašte kin he unkiyepi, tona wiconi yuhapi kta, qa nakun tona yutakunipi kte *śni* kin hena en.

16 Dena *iś* *ṭapi* kta e wiconṭe oomna kin he unkiyepi, qa hena e nipi kta e wiconi oomna kin he unkiyepi; qa tuwe hena taku kin okihi he.

17 Wicota Wakantanka oie kin hnayan kuwapi kin hena iyeuncecapi *śni*; tuka wowicake eciyatanhan, tuka Wakantanka eciyatanhan, qa Wakantanka itokam, *Messiya* unko yakapi ece.

WICOWOYAKE 3.

1 Ake unkihdatanpi un kayapi he; qa wicašta wanjikji iyecen waayatanin wowapi nicagapi kte cin heca uncinpi he; qa *iś* waayatanin wowapi unyecagapi kta uncinpi he.

2 Wowapi unkitawapi unki cantepi kin ekta owapi kin he niyepi, wicašta owasin sdonyapi qa yawapi;

3 *Messiya* tawowapi taninyan oyakapi unkiye un kagapi kin; mini sapa on kagapi *śni*, tuka

Wakantanka ni un kin *Taniya* kin on owapi; inyan mdaska kin en un *śni*, tuka wicacante conica kin he en.

4 Unkan Wakantanka ekta *Messiya* eciyatanhan woawacin kin de unhapi.

5 Unkiye cinka taku unkiyukanpi kta unkokitpanipi, unkiyepi atayedan, taku unkokihihi kin he Wakantanka eciyatanhan.

6 Iye wicotakuye teca kin en ookiye wawokihika un kagapi, oowa kin he en un *śni*, woniya kin hee en; oowa kin he wašteya, tuka woniya kin he waniya ece.

7 Wiconṭe wawokiyapi kin he owapi, qa inyan akan pagopi qon he wowitan yuhe cin, on *Israel* cinca kin *Moses* itohnake wiyaṭpa kin he opaṭta yukanpi kta okihihi *śni* hecinhan, wowitan kin he enakiyapi tuka;

8 Hecen *Woniya* wawokiyapi kin he sam iyeya nina wowitan kte *śni* he.

9 Woyaco wawokiyapi kin he wowitan hecinhan, wicoowotanana wawokiyapi kin he sanpa nina wowitan kta.

10 Qa *tāku* yuwitanpi qon he taku wanji on wowitan *śni*, taku iyakapeya wowitan kin hee on etanhan.

11 Qa taku enakiyapi qon he wowitan kin hee hecinhan, taku ecen he cin he iyotan wowitan kin ee.

12 Woape hececa unhapi kin heon nina wadiuntakapi ece.

13 Unkan *Moses* ite akaṭpe wan itohnake kin akaṭpe kiton kin he iyecece *śni*, taku enakiyapi kin owihanke kin hebanyan *Israel* cincapi kin ekta etonwan okihihi *śni* kin heon etanhan.

14 Tuka iye tawacinpi kin ao-

WICOWOYAKE 4.

tpasyapi : qa anpetu kin dehan-
yan Wowapi Wakan tanina kin
yawapi eca, ite akaŋpe kin he
eyakupi ŋni ecen un ; he Messi-
ya eciyatanhan eyakupi tuka.

15 Tuka anpetu kin dehan-
yan, Moses yawapi eca, ite akaŋpe
kin he iye cantepi kin akaŋpa.

16 Tuka tohan Itancan kin
ekta yuhomnipi kinhan, hehan
ite akaŋpe kin he yuzamnipi
kta.

17 Woniya kin he Itancan kin
ee, qa tukten Itancan taniya kin
un kin, hen tawa içiyapi yukan.

18 Tuka unkiye owasin itohna-
ke kin en takudan unkaŋpapi
ŋni, ihdiyomdasin en wawanya-
kapi kin iyecen Itancan towitan
kin wanunyakapi, qa iye ounca-
ge kin iyecen unkaŋpapi, wowi-
tan sanpa wowitan kin en, Itan-
can Taniya kin on etanhan iye-
ceca.

WICOWOYAKE 4.

1 Heon etanhan wawokiyapi
kin de unhapi kin, wowaonsida
unkicupi kin heon wacin iboun-
ŋakapi ŋni.

2 Tuka taku wowiŋtece na-
hmana un kin hena eŋpeunyan-
pi, qa wicahnayanpi kin en ma-
unnipi ŋni, qa wohnye yuha
Wakantanka oie kin unkiciyu-
hapi ŋni, tuka wowicake yaotan-
inpi kin on wicaŋta owasin wi-
yukanpi kin ekta unhdaotanin-
pi, Wakantanka itokaŋ.

3 Wootanin waŋte unkitawapi
kin he anahmanpi hecinhan, to-
na takunipi ŋni kin hena anawi-
cakiŋmanpi.

4 Hena ekta wicoicage kin de
taku wakan tawa kin tona wica-
dapi ŋni wicotawacin kin wacin-
ton ŋni wicakaga ; Messiya Wa-
kantanka ouncege kin hee, ta-
wootanin waŋte wowitan iyoyan-

pa kin he iyoyamwicaye kte
ŋni heon etanhan.

5 Unkiye unkihdaotaninpi ŋni,
tuka Messiya Jesus Itancan kin
he nyaotaninpi ece ; qa unkiye
Jesus on ookiyewicayayapi kin.

6 Wakantanka iyoyanpa kin
otpaza etanhan yege ŋi qon he
uncantepi kin iyoyamunyanpi,
Jesus Messiya itohnake kin eci-
yatanhan, Wakantanka towitan
wodonye iyoyanpa kin unqupi
kte cin heon.

7 Tuka woyuha kin de maka
cega ohna unhapi, hecen woŋa-
ŋake tanka kin Wakantanka
etanhan un kta, qa unketanhan-
pi kte ŋni.

8 Ihduksantanhan aotinsunyan-
pi, tuka unkaŋdaskicapi ŋni : wa-
cinhnuni unyanpi, tuka takudan
wacinye ŋni kin heunccepi ŋni.

9 ŋicaya unkuwapi, tuka eŋpe-
unyanpi unyakonpi ŋni : makata
eŋpeunyanpi, tuka ihang unyan-
pi ŋni.

10 Ohinniyen untancanpi kin
en Jesus Itancan te ein he yuha
unkanpi, hecen Jesus wiconi ta-
wa kin untancanpi kin en tan-
nyan un kta.

11 Unkiye unnipi kin Jesus on
ohinniyen wiconŋe en iyaye un-
yanpi, Jesus wiconi tawa kin
unceŋpipi te kte cin en atanin
kte cin heon.

12 Hecen unkiyepi kin en wi-
conŋe ohanyan un, tuka niyepi
kin en wiconi.

13 Unkiye wowacinye woniya
kin de unhapi, wowapi en kaga-
pi qon iyececa ; Wicawada kin
heon iwaa ce ; unkiŋ eya wica-
undapi kin heon unkiapi ece.

14 Qa tuwe Jesus Itancan kin
piya ekicetu ye ciqon, he Jesus
eciyanhan, ake ekicetu unyan-
pi kta, qa niyepi kin om sutaya
he unkiyapi kta e sdonunyanpi.

II. KORINTH.

15 Niyepi kin on etanhan taku owasin ecen un, hecen wowaon-sida tanka kin, wicota wopida eyapi kin on sanpa ota aye kta, Wakantanka towitan kin on.

16 Heon wacin ibounsakapi s̄ni, tuka wicašta akantanhan unkitawapi kin he takuni s̄ni aya ešta, wicašta mahen tanhan un kin he anpetu iyohi yute-capi.

17 Unkakijapi cistinna, qa pte-cedan kin he wowitan ota h̄inca, ota h̄inca, owihanke wanin tke h̄inca unkiçagapi kta.

18 Içunhan taku wanyakapi kin hena ekta unketonwanpi s̄ni, tuka taku tona wanyakapi s̄ni kin hena ekta *ewauncinpi*. Taku tona wanyakapi kin hena ihanke kta, qa taku tona wanyakapi s̄ni un kin hena owihanke wanica.

WICOWOYAKE 5.

1 Makata wakeya unkitawapi kin de yujujupi kinhan, Wakantanka ticage cin tipi nape codan kagapi kin, maħpiya ekta, owihanke wanin yanke cin he un-hapi e sdonunyanpi.

2 Qa de ohna comniunhdazipi, qa tipi unkitawapi maħpiya eci-yatanhan un kin he kounyakapi kta e cantounkpanipi.

3 He kounyakapi kinhan, tancodan unyakonpi kte s̄ni.

4 Wakeya kin de ohna unkanpi kin hehanyan comniunhdazipi, unšakapi kin heon. Wokoyake unhdusdokapi kin he uncinpi s̄ni, tuka kounyakapi kta: Hecen-wiconi e wiconę ocowasin napce kta.

5 Tuwe he en icaħunyanpi kin he Wakantanka ee; qa he Woniya tokaheya kin wanna un-pupi.

6 Heon ohinnian cante un-

wastepe, qa tohanyan wicatan-can kin ohna unkanpi kin behanyan Itancan kin itehanyan unyakonpi kin he sdonunyanpi.

7 Wacinyanpi eciyatanhan ma-unnipi, qa wawanyakapi kin eci-yatanhan s̄ni.

8 Cante unwastepe, tuka tancan kin de ohna unkanpi s̄ni, qa Itancan kin kici unyakonpi kta e he iyotan uncinpi ece.

9 He de aiçiciya unkaçitapi, ekta kici unyakonpi, qa is den unkanpi, unma tukte kašta, iyokipiunyanpi kte cin he.

10 Owasin Messiya tawoyaco oiyotanke kin itokam taninyan inaunjinpi kta, otioyohi taku iye tancan kin ohna ohanye cin hena icu kta, token econ qon eciyatanhan, he waste qa šica unma tukte kašta.

11 Itancan wohitike cin he sdonunyanpi kin, heon wicašta cin wicunkiyapi; Wakantanka en unkihdaotaninpi, qa nakun widukanpi kin en unkihdaotaninpi wacanmi.

12 Ake niyepi en unkihdatanpi s̄ni, tuka unkiyepi on iniwinkta-pi kta e okihi unniyanpi; hecen tona cante kin eciyatanhan s̄ni, tuka itohnake kin on iwinktapi kin hena ekta, taku on iniwinkta-pi kte cin duhapi kta.

13 Wacinunhnunipi hecinhan, he Wakantanka on etanhan; qa wacinunksapapi hecinhan, he niyepi kin on etanhan.

14 Messiya wacantkiye cin he iyounpaštakapi ece.

15 Qa he de unkiyukanpi, wanji owasin on ře cinhan hehan owasin řapi tuka; qa owasin on ře cin, heon tona nipi kin hena is iyepi on nipi kte s̄ni, tuka tuwe hena on ře řa ake kini kin hee on nipi kta.

16 Heon etanhan, detanhan wi-

WICOWOYAKE 6.

cacehpi eciyatanhan tuwedan sdonunyanpi s̄ni; han, Messiya hee wicacehpi eciyatanhan sdonunyanpi ešta, nakaha detanhan sdonunyanpi s̄ni.

17 Hecen tuwe Messiya en un kin he wanna wicašta teča; taku tannike cin hena enukiyapi; ibo, taku owasin teča icaga.

18 Qa taku owasin Wakantanka etanhan un, he iye kici okiciciye unkiyapi, Jesus Messiya eciyatanhan, qa wookiye wawokiyapi kin he unqupi.

19 Hecen Wakantanka Messiya on, wicoicage kin, iye kici, okiciciye wicaye ča, wahtanipi kin wicakiciyawa s̄ni; qa wookiye wicoie kin he yuhe unkiyapi.

20 Heon Messiya on wawiciyapi kin unkiyepi, unkiyepi eciyatanhan Wakantanka ceniciyapi kin iyeceča, Messiya caje on ceunniciyapi, Wakantanka kici okiciciya po.

21 Tuwe woah̄tani sdonkiye s̄ni un qon he, unkiyepi on woah̄tani kagapi; hecen iye en Wakantanka toowotanna unkicagapi kta.

WICOWOYAKE 6.

1 Heon iye kici litaunnipi iyecen, niyepi nakun ceunniciyapi ce, ituł Wakantanka towaonšida kin iyacupi kte s̄ni.

2 He iye kaken eya, Omaka oiyokipi kin en naciłon qa wiconi anpetu kin en ociciya: Iho nakaha omaka oiyokipi kin hee; nakaha wiconi anpetu kin he dee.

3 Takudan on tuwedan ibotounyanpi s̄ni, hecen wawokiyapi kin he bapi kte s̄ni:

4 Tuka Wakantanka taokiye unyanpi kin he taku owasin on unkihduotaninpi ece, wacintan-

kapi kin en, wokakije en, wałpaya unnicapi kin en, woiyokišice en;

5 Apapi kin en, kaška hnakapi kin en, yuomdecapi kin en, wicołtani kin en, kiktahan unpi kin en, wotektehdapi kin en;

6 Ecedan unpi kin on, wosdonye kin on, tehan apeci kin on, wacantkiyapi kin on, Woniya Wakan kin on, awicakehan wašte-dakapi kin on; •

7 Wowicake oie kin on, Wakantanka towašake kin on, wicoowotanna wipe, etapa qa caktatanhan unpi kin on;

8 Wowitan qa wowištece kin ohna; waaiapi qa yaonihanpi kin ohna; wicahnayanpi kin iyeceča, tuka wicakapi;

9 Sdonyapi s̄ni un kin iyeuncapi, tuka tankaya sdonunyanpi; tapi se iyecen unyakonpi, tuka ito unnipi; unkaštakapi, tuka nahanłin unktepi s̄ni;

10 Iyokišicapi iyeuncapi, tuka ohinnian wiunyuškinpi; wałpanicapi kin iyeuncapi, tuka wicota watonka wicunkagapi; takudan yuhapi s̄ni kin iyeuncapi, tuka taku owasin untonpi.

11 Korinth oyate kin, niyepi on i unhdukawapi, uncantepi kin tanka aya.

12 Unkiyepi en takudan aotins niyanpi s̄ni, tuka niye nicantepi kin en otins ničiyapi.

13 Hehan iyunwin kin de ma-yaqupi kta; micinča kin iyecen ociciyapi; niš eya tankaya ničicagapi nunwe.

14 lnhuhan tona awacin s̄ni un kin hena en ecinšniyan iyanihdaškapi kinhan. Token wicoowotanna woah̄tani kici tidan kta he; qa token iyoyanpa kin otpaza kici un kta he:

15 Qa Messiya Belial kici token okonwanjidan cante yuzapi

II. KORINTH.

he ; qa tuwe wicada kin he wicada s̄ni un kin kici taku akiptan tawapi kta he ;

16 Qa tipi wakan Wakantanka tawa kin he wakagapi kin kici token un kta he. Wakantanka ni un tipi wakan tawa kin he niyepi. Wakantanka heye ciqon he iyececa ; Hena om wati kta, qa om mawani kta. Hena Wakantanka mayanpi kta, qa mitaoyate' kin hena eepi kta ce.

17 Heon etanhan hena cokaya tanhan tankan upi, qa icunonpa un po, Itancan kin eya, qa taku asape cin oyutanpi s̄ni po, kinhan mis̄ tawa ciyapi kta ;

18 Niye ate mayayapi kta, qa miye cink̄si ciyapi qa cunk̄si ciyapi kta ce, Itancan Iyotan Wasake cin he hena hecen eya.

WICOWOYAKE 7.

1 Heon wastecicidapi kin, wahoyapi kin dena unhapi kin heon wicacehpi wicanagi ko taku asape cin etanhan unhduecipedan, qa Wakantanka kokipeyanhan wicoowotanna kin tanyan unhdustanpi kta.

2 Anaungoptan po ; unkiye tuwedan sicaya ecawicunkiconpi s̄ni, tuwedan wicunyušicapi s̄ni, tuwedan taku icakiš wicunyanpi s̄ni.

3 He wayaco hepe s̄ni ; cante en unniyuzapi, ptaya untpi qa is̄ unnipi kta ce, epe ciqon.

4 Niyepi on wadimatake h̄nca, niyepi on nina imawinkta ; wocantohnake omajudan, unka-kijapi owasin en nina imduškin.

5 Makedonia en unhipi qehan, unceh̄pipi kin takudan oziiçiyepi s̄ni, tuka taku owasin on iyounkišicapi ; tankan tanhan wicokicize, qa mahen tanhan wokokipe.

6 Tuka Wakantanka tona iyokišicapi iwicakiye cin he cantohnag mayan, Titos hen hdi kin heon :

7 Qa he hdi kin hecedan s̄ni, tuka nakun niye cantohnagayapi kin heon ; nina wacin en yeyayapi, qa iyonicišicapi, qa token cante en unyakiduzapi kin hena unkokiyakapi qehan, nina imduškin.

8 Wowapi wan on iyokišinci-yapi ešta, heon nakaha iyopemiciye s̄ni, iyopemiciya tuka qon. He wowapi kin ptenyedani iyokišinniyanpi wanmdaka.

9 Nakaha imduškin, iyokišinniyanpi kin heon etanhan s̄ni, tuka nihduecetupi kta e on iyonicišicapi kin heon. Wakantanka eciyatanhan iyokišinniçiyapi, hecen takudan icakiš unniyanpi s̄ni.

10 Wakantanka eciyatanhan iyowicakišice cin he ihduecetupi on wiconi kta, on tohinni iyopeiçiyapi s̄ni kin he kaga ; tuka wicoicage kin de en iyowicakišice cin he wiconte icaħya.

11 Wanyaka po, Wakantanka eciyatanhan iyonicišicapi kin he itonpeya nicagapi, waayuptapi, qa wošihda, qa wokokipe, qa cante en hiyeyapi, qa winawizipi, qa hdajujupi kin hena niyepi en icaħniciyapi ; taku owasin on, he econpi qon en, takudan iyani-onpapi s̄ni yaunpi e nihduotan-inpi.

12 Heon wowapi cicagapi, tuwe sicaya econ qon he on etanhan s̄ni, qa tuwe sicaya ecakiconpi qon he on etanhan s̄ni, tuka Wakantanka itokamy token wacin en unniyuzapi kin he niyepi en yutaninpi kta.

13 Heon etanhan iniciyapi kin on unkikiyapi ; qa Titos iyuskin kin heon mis̄ eya nina imduškin,

WICOWOYAKE 8.

iyé nagi kiu niyepi owasin eciyatanhan magagayapi kin heon etanhan.

14 Heon ciyatanpi qa owakiyaka ésta, on imaštece éni ; tuka taku owasin eciyatanhan eciciyapi qon, he iyecen Titos en ciyatanpi kin he nakun wowicake.

15 Unkan niye owasin token anayagoptanpi, qa wokokipeya, cancanyan iyowinyakiyapi qon he kiksuya eca, iye iyotan cante en niyuzapi.

16 Heon etanhan, taku owasin on wicacidapi kin heon miš éya imduškin.

WICOWOYAKE 8.

1 Mihunkawanji, Wakantanka towaonsida Makedonia okodakiye kin en yutaninpi qon he sdonyeciciyapi.

2 Hena wokakije tanka en nina iyuškinpi, qa iyotan wahpanica unpi kin he etanhan taku ota iyokipiya wicaqupi.

3 Okihipi kin iyacinyan, (miš mdaotanin,) qa okihipi kin kapeya, iye cinka wicaqu wacinpi.

4 Qa wocekiye ota on ceunkiyapi, taku wicaqupi kin he, qa tona ecedan un kin wicakipamnpi wawokiyapi kin he nakun unki cupi kte.

5 Qa unkecinpi qon iyecece éni, tuka tokaheya iye tancanpi kin Itancan kin içi cupi, qa nakun Wakantanka tawacin kin eciyatanhan unkiyepi kin en içi cupi.

6 Hecen Titos ceunkiyapi, niyepi en wanna tokaheya hecon kin, he iyecen wowaonsida kin de nakun niciyuštanpi kta.

7 Heon taku owasin on winijicapi, wacinyanpi, qa iapi, qa wosdonye, qa wicamniheca owasin,

qa wašteunyakidapi ko, he iyecen wowašte kin de on nakun winijicapi kta.

8 Wicoope eciyatanhan hena hepe éni, tuka wicašta tokeca aiçiciyapi kin heon ; qa wacan-yakiyapi kin he wowicake kinhan imdute kta.

9 Jesus Messiya Itancan unkiyapi towaonsida kin he sdon-yayapi, watonka tuka niyepi on wahpaniçiya, hecen iye wahpanica kin on winijicapi kta.

10 Unkan he de on wahokon-ciciyapi ; niye decanonpi kta iyececa, wanihan sanpa hecanonpi kta e niçiconzapi, qa wiyeya yaunpi kin heon etanhan.

11 Nakaha wocon kin he hduštan po, kohanna wicayadapi qon he iyecen taku duhapi kin etanhan ecen ecanonpi kta.

12 Tokaheya wicadapi yuke cinhan, wicašta taku yuhe cin he eciyatanhan jyokipiya icupi ece, qa taku yuhe éni kin eciyatanhan éni.

13 Wicašta tokeca oziiçiyapi kta, qa niye dušakapi kte cin hee éni ; tuka akiyecen unpi kta ; heon nakaha wijinya yaunpi kin he hena taku iwicakakije cin en un kta ;

14 Qa iš iyepi nakun wijicapi kinhan, wicakišya yaunpi kin en oniciyapi kta ; hecen akiyececapi yuke kta.

15 Wowapi en kagapi qon iyececa ; Tuwe ota pahi kin he takudan ohdapte éni, qa tuwe waniqadan pahi kin he takudan icakiš un éni ce.

16 Tuka Wakantanka wopida yuha nunwe, he niyepi on Titos hecen cante yuskiya.

17 Awicakehan wahokonkiyapi kin anagoptan ; tuka iye hinca inašni, qa kohanna niyepi kin ekta ye wacin.

II. KORINTH.

18 Unkan he kici hunkawan-jinkiciyapi wan, wotanin wašte on okodakiciye owasin en yatanpi kin hee ekta ye unšipi.

19 Qa hecedan šni, tuka kici ohnihde unyakonpi kta e he okodakiciye kin kafnigapi, Itancan kin yatanpi kta, qa unkiye de iyokipiya econkupi kta e heon taku ituhanpi kin de en ounkiyapi kta.

20 Qa taku ota unpamnipi kin de on tuwedan unbapi kte šni e he unkakitapi.

21 Taku wašte ece unkihniipi kta, Itancan kin itokam, qa nakun wicašta kin en.

22 Unkan hena om hunkawan-jinunyampi kin yeunšipi, he wanna ota unkiyucanpi, owotanna oňanyan ece, qa nakaha iyotan ačiciya, tanyan wacinniyampi nakaš.

23 Hecen Titos he *kapi hecinhan*, he mitawaši qa niyepi on omakiye cin hee; qa hunkawan-jinwicunyanpi kin hena epi *kinhan*, okodakiciye yewicunšipi qa Messiya towitan kin hena cepi ce.

24 Heon etanhan, hena en, qa okodakiciye kin wicitokam, wacanyakiyapi kin, qa unniyatampi qon he nakun wicakipazo po.

WICOWOYAKE 9.

1 Wicašta owotanna owicakiyapi kte cin on wowapi cicagapi kta wanna iyecece šni.

2 Token wacin duzapi kin he sdonwaya, heon Makedonia etanhanpi kin hena en yaonihanyan cajeciyatapi, wanna waniyetu wanjidan hehanyan Akeya wiyeya yanka ce, qa inayalinipi kin he wicašta ota iyowicapaštaka.

3 Tuka hunkawanjin wicawa-

ye cin hena ekta yewicawaši, unniyatampi qon he ecetu kta, qa epe ciqon iyecen wiyeya nankapi kta e heon.

4 Okinni Makedonia etanhan upi kin hena om ekta wai, qa wiyeya yaunpi šni ecen wanunniyakapi kinhan, unkiye, niyepi epe šni, sutaya wacinyus unniyatampi qon he on unkištecapi kta.

5 Heon hunkawanjin kiciyapi kin cewicawakiye kta wacami qon, tokaheya niyepi ekta ipi, qa wowaonšida nitawapi ebanna iwahoniyampi qon he wiyeya ehnakapi kta, hecen awicakehan wowaonšida kta, qa watehindapi kin eciyatanhan kte šni.

6 Tuka de; Tuwe waniqadan oju kin he waniqadan mnaye kta; qa tuwe iyakičuya oju kin he iyakičuya mnaye kta ce.

7 Otoiyohe iye cante kin ekta iciconze cin eciyatanhan *qu kta*, woiyokišice on qa econ šipi kin on etanhan šni; iyuškinyan wicaqu kin he Wakantanka wašte daka.

8 Wakantanka wowaonšida owasin niyepi en niciyuotapi kta okilhi; hecen taku owasin ota duhapi kin on wicohan wašte kin wadupipike kta.

9 Wowapi en kagapi qon iye-cetu; Taku ehpeya, waňpaninica kin taku wicaqu ece kin he toowotanna kin ohinniyen un kta.

10 Tuwe woju kin ojupi yuhekiya ece kin he aguyapi woyute yayapi kte cin nicupi, qa taku oyajupi kin icaň niciyapi, qa nitooowotanna waskuyeca kin niciyuotapi nunwe.

11 Qa taku owasin en wijinya yaunpi kta on iyotan oňannipi kta, heon unkiye Wakantanka wopida unkekiyapi.

WICOWOYAKE 10.

12 Wapamnipi wawokiyapi kin de tona owotauna un kin taku icakijapi kin enakiye kte ça, nakun Wakantanka wopida nina eciyapi kta e kaga.

13 Messiya tawootanin wašte kin en oyapapi e daotaninpi, qa hena taku ota wicayaqupi, qa owasin taku wicayaqupi kin he en wawokiyapi utapi kin de on etanhan Wakantanka yaonihanpi.

14 Qa niyepi on wocekiye eniciyapi kin heon nina cantonikpanipi, Wakantanka towaonída tanka nicipi un kin heon etanhan.

15 Wakantanka taku yawapica šni unqupi kin he on wopida kiciun nunwe.

WICOWOYAKE 10.

1 Palos he miye, Messiya wabayedan qa wacintanka heon ceciciyapi ce, niyepi ekta onšihanyan waun, tuka en waun šni ehantanhan, niyepi on wadimataka ;

2 Tuka ceciciyapi, en waun kinhan, wanjikji wicacehpi kin eciyatanhan maunnipi kecanunkinpi kin, hena en waditagya waun kta wacanmi kin he iye cen wadimatake kte šni.

3 Wicacehpi kin en maunnipi ešta, wicacehpi eciyatanhan unkcizapi šni.

4 Wipe unkunpi kin hena wicacehpi kin heca šni, tuka wašaka, Wakantanka on, inatake suta kin yujuju ece :

5 Wacinyuzapi kin kun ehpeya, qa taku tehan wankantuya un Wakantanka sonyapi kin en wankan iyeiye cin hena owasin, qa wicotawacin iyuhpa Messiya anagoptanpi kin en wayaka ai ece.

6 Qa wanašonpi šni kin tounkešonpi kta e wiyeya unkanpi ; tohan anayagoptanpi kin hduštanpi kinhan.

7 Wicašta itohnake kin hecedan iwandakapi he. Tuwe Messiya tawa kecaniçin kinhan, he ake kaken awacin kta ; is iye Messiya tawa kin heca he iye cen unkiš unkiyepi Messiya tawa unyanpi.

8 Wookihi Itancan unqupi kin, en icalhunniyanpi kta, qa on ihangunniyanpi kte šni, heon sanpa mihdatan ešta, imaštece kte šni.

9 Wowapi on wakokipe cicagapi kta wacanmi šni.

10 He wowapi kage cin hena suta qa wašaka, tuka tancan en un kin he wašake šni qa ie cin he wowiha ce, eyapi.

11 Tuwe hecece cin he kaken awacin kta, en unkanpi šni wowapi wicoie kin on tounkecapi kin, he tohan en unkanpi kinhan, wicohan kin on heuncecapi kta.

12 Tona ihdatanpi kin hena unkihdacinpi, qa opeya unkihdawapi kta tawatununyanpi šni ; hena e is iye on wihdutapi, qa iyepi on ihdukanpi, qa hecen okašnigapi šni.

13 Unkiye wiunhdutapi kin isanpa unkihdatanpi kte šni ; tuka wicohan iyutapi Wakantanka unqupi kin he eciyatanhan, iyutapi kin niyepi kin iyahde niyanpi.

14 Ekta iyahde unniyanpi kta e sanpa unkihdutitanpi šni. Tuka Messiya tawootanin wašte kin en niyepi kaes ekta unniupi.

15 Wiunhdutapi kin isanpa unkihdatanpi šni, wicašta tokeca wicohtani kin en ; tuka wicayadapi kin he icage cinhan, niyepi

II. KORINTH.

on wiyutapi unhepi kin eciyatanhan sanpa unyuonihanpi kta unkapipi.

16 Hecen niye dukanpi kin akowapa wotania wašte kin unkoyakapi kta, qa tuwe tokeca taku tawa wiyeya yanke cin en unkiwinktapi kte šni.

17 Tuka tuwe iwiakta kinhan Itancan kin on iwinkta nunwe.

18 Tuwe ihdaonihan kin he ecetudakapi kin ee šni, tuka Itancan kin tuwe yaonihan kin hee kta.

WICOWOYAKE 11.

1 Witkotkoya iwae cin cistiye-dan iyowinmayakiyapi kta wa-cin. He iyowinmayakiyapi nakaes.

2 Wakantanka winawizi kin iyecen inaciwizipi, wicašta wan-jidan kiciyus ciyapi, hokšiwinna ecedan un kin Messiya ekta acii-pi kta heon.

3 Tuka he kowakipa, wamduška wohnaye on Ewe hnaye ci-qon he iyecen nitawacinpi kin yušicapi kta, qa woyuecedan Messiya en un kin etanhan iya-ye niyanpi kta naceca.

4 Tuwe en niupi kin he Jesus tokeca wan unkiye unkoyakapi šni kin he oyaka, qa Woniya tokeca, iyacupi šni qon, he nakaha iyacupi, qa wotanin wašte tokeca, anayagoptanpi šni qon he oniciyakapi kinhan, iyowinyaki-yapi kta.

5 Miye yewicašipi iyotan tanka kin takudan ihukuya waun šni, imdukcan.

6 Ho magahan ešta, wosdonye kin on waksapa ; tuka niyepi kin en taku owasin on tanyan unki-hdaotaninpi.

7 Wakantanka tawootanin wašte kin iyunwin codan ociciya-kapi, qa wankantuya iyeniyampi

kte e on mihdubukuya kin he wawaštani he.

8 Okodakiciye tokeca kin taku wicawaki, qa opemicatoupi kin iwacu, ociciyapi kte cin heon ; qa cicipi waun qa taku imaka-kije ceħan, taku nitawapi kin mun šni :

9 Taku iyokpani waun qon he hunkawanjin kiciyapi Makedonia etanhan hipi kin maqupi, qa ohinniyan takudan inagiyeci-yapi šni waun, qa eeš nakun hecen waun kta.

10 Messiya wowicake tawa miciun kin heon Akeya makoce kin en imawinkta kin de ecetu šni makiyapi kte šni.

11 Tokeca he ; wašte cici-dapi šni kin heon etanhan he. Wakantanka sdonya.

12 Tuka taku ecamon kin he nakun ecamon kta, hecen tona wiyaonpapi akitapi kin hena etanhan wiyaonpapi kin emduku kta, qa en iwinktapi kin he unkiyepi kin iyecen unpi kta.

13 Hena yewicašipi itonšni kin hecapi, wohnaye ohanyanpi, qa Messiya yewicašipi qon hena iyecen ihduzapi.

14 Qa he taku wowinihan šni, Satan iye kaes iyoyanpa ohnihde kin iyecen ihduza.

15 Heon etanhan, iye taokiye kin hena wicoowotanna ookiye kin iyecen ihduzapi kte cin he taku tanka šni, hena iye wicoħan kin eciyatanhan iħang yapi kta.

16 Ake becen epa ; Tuwedan witkotkoke madake kte šni. Tuka becon kinhan witkotkoke cin iyecen iyowinmakiye kta, cisti-yedan mihdatan kta.

17 Taku epe cin hena Itancan kin eciyatanhan epe šni, tuka nina ihdatanpi kin he on witko-ya ie cin iyemaceca.

WICOWOYAKE 12.

18 Wicota wicacehpi kin on ihdatanpi kin he iyecen mis eya mihdatan kta.

19 Witkotkopike cin hena iyokipiya iyowinwicayakiyapi ece, niye yaksapapi nakaes.

20 Tuwe wewidag niyanpi, tuwe temniyanpi, tuwe wanicipi, tuwe wahanicida, tuwe ite ohna anipapi hecinhan, iyowinwicayakiyapi ece.

21 Waoštehdapi kin he waka, waunsakapi sni kin heon. Tuka taku on tuwe waditake cinhan, witkotkoya iwaa ce, he on mis eya wadimataka.

22 Hena Hebrew wicašta kin hecapi he. Mis eya hemaca. Hena Israel etanhanpi he. Mis eya. Hena Abraham cinca he. Mis eya.

23 Hena e Messiya taokiye kin hecapi he; witkotkoke cin iyecen iwaa, mis eya imayotan. Wicohtani kin en imayotan; apapi kin en wopteca sni waun; kaška hnakapi kin en imayotan, qa wiconte kin en otakiya waun.

24 Juda oyate zaptan akihde, apapi wikcemna topa wanjidan iyokpani maqupi.

25 Yamni akihde cansakadan on amapapi; wancadan inyan on makininpi; yamni akihde wita wata micamdecapi; anpetu wanjidan hanyetu iyahna osbe kin mahen waun;

26 Nina icimawani, mini ota wokokipe kin en waun, wakipi sa okokipe kin en, mitaoyate on wokokipe kin en, lkewicašta on wokokipe en, otonwe ekta wokokipe en, hewoskantuya wokokipe en, miniwanca ekta wokokipe en, hunkawanjin kiciyapi itonpi sni kin hena ekta wokokipe en;

27 Mdowakita qa nina htawani kin on, ota kiktahan waun kin

on, wotektewahda qa imapuza on, ijehan amakihan kin on, macuwita qa tancodan waun kin on;

28 Qa tankan tanhan anpetu iyohi taku amaupi kin, ekedaki-ciye kin owasin awanhdakapi kin he nakun.

29 Tuwe wasake sni un, qa miye wamasake sni he; tuwe aipasi un, qa miye sinwahda sni he.

30 Tuka imawinkta kta iyecece cinhan, wamasake sni waun kin heon imawinkta kta.

31 Jesus Messiya Itancan unkiyapi he Wakantanka tawa, qa Atkuku kin, owihanke wanin wowaste yuhe cin he sdonmayan, itonsni mawanica.

32 Damaskos en, Aretas wicaštayatapi yanke cin ihukuya, wicašta itancan kin akicita ota wicayuha, Damaskos oyate otonwe tawapi kin awanhdake qa, maktepi kta akita.

33 Hehan conkaske owanyeye wan etanhan, makanyankapi wan ohna, kun hiyumayanpi; qa iye nape kin etanhan nawajica.

WICOWOYAKE 12.

1 Imawinkta kte cin he iyemihantu sni, wowihanmde qa Itancan woyakapi tawa kin ekta wau kta.

2 Ehanna waniyetu ake topa sam iyeya, wicašta wan Messiya en un kin he sdonwaya; (wicatancan kin ohna un kin sdonwaye sni, qa tanton sni un kinhan nakun sdonwaye sni, Wakantanka he sdonya;) wicašta kin he mahpiya iciyamni kin ekta eyakupi;

3 Wicašta kin he sdonwaya, (wicatancan kin ohna un sdonwaye sni, qa tanton sni un kinhan nakun sdonwaye sni, Wakantanka he sdonya;)

II. KORINTH.

4 He Wakantanka ti kin ekta eyakupi, unkan wicoie oyagpica šni kin nañon, hena wicašta oyake kta ešta okitpani kta.

5 Wicašta kin hecece cin on imawinkta kta, qa miye qe on imawinkta kte šni, tuka wamašake šni waun kin hecedan on.

6 Tuka imawinkta wacanmi keš wimatkotkoke kte šni, wovicake epe kta; tuka nakaha hecamon kte šni, tuwe wanmayake ça, token waun nañon kin he isanpa tanka kecanmakin kta he kowakipa.

7 Unkan woyakapi tanka kin on etanhan wahanmičida kte šni heon taku pepe wan micelpi kin en maqupi, Satan taokiye wanji hee, šicaya makuwa kta heon, wahanmičida kte šni heon etanhan.

8 Qa heon Itancan kin yamni wocekiye ewakiya, he amayustan kte cin heon.

9 Hehan, Mitowaonsida kin iyonihhi kta, qa mitowašake kin he wowašake šni kin en hduštanpi ce, emakiya. Hecen Messiya towašake kin miye en miciun kte cin, heon makakije cin on iyuškinyan imawinkta kta.

10 Heon etanhan wowayazan kin en imduškin ece, qa waaiapi, qa iwicakakije, qa šicaya wicakuwapi, qa Messiya on wicakakije kin henakiya en; tohan wamašake šni eca taku owakihi ece.

11 Iwinktapi kin on witkotkoka imacaga, niye hecon mayakiyapi, mayadaotaninpi kta tuka qon; yewicašipi iyotan tankapi kin takudan en wicihukuya waun šni, matakū šni ešta.

12 Awicakehan niyepi ekta yewicašipi wowapetokeca tawapi kin econkupi, wacintankapi

owasin en, wapetogtokeca, taku wowinihan, qa wašagya wicoñan kin hena on.

13 Taku e on okodakiciye tokeca kin ihukuya yaanpi he; taku nitawapi kin iwacu šni kin heo naceca. Heon wawañtani kin he micicajuju po.

14 Wafiyaka po, iciyamni ekta ciupi kta wiyeya manka, qa nakun taku nitawapi kin iwacu kte šni. Taku yatonpi kin he awakite šni, tuka niyepi atayedan. Cinca yapi kin hunkakepi kin taku wicakihnakapi kin he hecetu šni, tuka hunkake yapi kin hena hokšiyooqopa kin on taku ekicibnakapi kta.

15 Ninagipi kin on hitawani, qa mihdusote kte cin he iyomakipi; tuka iyotan canteciciyapi ešta, aoptetuya waštemadakapi ece.

16 Tuka he hecetu, taku nitawapi kin iwacu šni; hececa ešta wamdupike cin heon wohnaye on ciyuzapi, *keyapi*.

17 Tona niyepi ekta ye wicawaši qon hena ecizatadhan, taku mihdamna he.

18 Titos cewakiye ça kici hunkawanjitku wan ekta ye waši. Niyepi etanhan Titos taku kamna he. Wicoksape okonwanjidan en maunnipi šni he; oye okonwanjidan ohna *maunnipi* šni he.

19 Ake niyepi en unkihduwicakapi kecannipi he. Wakantanka itokamya Messiya kin en unkiapi ece. Waštecicidapi kin, tanyan icañniyanpi kte cin heon taku owasin econkupi.

20 Ekta ciupi kinhan, niyepi token wacin kin hececa iyeciya-pi kte šni, qa miye nakun token yacini pi šni kin hecen iyemayayapi kta kowakipa. Wakinicapi kin, winawizipi, canniyekici-

WICOWOYAKE 13.

yapi, wicokicize, waaiapi, waa-
jijipi, wañanicidapi qa owodata-
ton kin henakiya en un kta ko-
wakipa.

21 Qa okinni ekta wau kinhan,
niyepi kin en Wakantanka mi-
tawa kin iyokišín maye kta, qa
tona wanna woahñani econpi, qa
taku asape cin, wiinahmanpi, qa
wicawihomnipi econpi kin on
iyopeiciyapi šni kin hena awica-
wakiceye kta naceca, he kowa-
kipa.

WICOWOYAKE 13.

1 De iciyamni ekta ciupi ; waa-
yatanin nonpa qa yamni ipi
kin on wicoie owasin yasutapi
kta.

2 Ociciyakapi qon he ake na-
kaha ociciyakapi, icinonpa ekta
waun kin iyececa ; qa nakaha
en waun šni, tona toka wañtani-
pi, wicašta tokeca ko owasin,
wowapi wicawecaga, ake ekta
wai kinhan itonwicawape kte
šni.

3 Miye mahen tanhan Messiya
ie cin on wowapetokeca ayaki-
tapi kin heon etanhan ; he niye-
pi ekta taku okitpani šni, tuka
niyepi kin en wašake linca.

4 He iye wowašake šni on can
subeca kin en okatanpi ešta,
Wakantanka towašake kin on
ni un. Heon unkiš eya waun-
šakapi šni, tuka niyepi kin ekta
Wakantanka towašake kin on
kici unnipi kta.

5 Niš niyepi ihdukcan po, wa-
cinyanpi kin en yaunpi hecin-
han ; tanyan wihduta po. E-
hpeniyanpi šni kinhan, Jesus

Messiya niyepi kin mahen un,
he sdonyakiyapi šni he.

6 Tuka ehpewicayapi kin heun-
capi šni e sdonyayapi kta indu-
kcan.

7 Taku šica takudan ecanonpi
kte šni he Wakantanka icewa-
kiya ; unkiye unwaštepi e un-
yaotaninpi kte cin hee šni, tuka
wañtepi šni kin iyeuncecapi kta
ešta, niye taku wašte ecanonpi
kte ein hee wacin.

8 Taku wowicake kašeye cin
takudan unkokhipi šni, tuka
wowicake kin on etanhan.

9 Unkiye waunšakapi šni, qa
niye wanišakapi eca unkiyuškin-
pi ece. Qa tanyan onihduštanpi
kte cin he uncinpi.

10 Heon etanhan en waun šni
icunhan, hena wowapi en waka-
ga, okinni ekta waun kinhan
yašinya iapi kin ohna iwae kta
naceca ; wowašake Itancan ma-
qu kin eciyatanhan, he waicañ-
yapi kin on maqupi, qa waihang-
yapi kin on etanhan šni.

11 Ehake, hunkawanjin ciyapi
kin, wiyuškin po ; oihduštan un
po, cante wašte po, okonwanji-
dan awacin po, wokiyapi kin en
un po ; qa wowašte, wookiye ko
Wakantanka kin nicipi un nun-
we.

12 Otoiyo hi iiputakapi wakan
kin on i ikiciputaka po. Wica-
šta owotanna un kin owasin i
iniputakapi.

13 Jesus Messiya Itancan to-
waonšida kin, Wakantanka to-
waštedake kin, qa Woniya Wa-
kan iwicakiye cin niyepi owasin
en nicipi unpi nunwe. Amen.

GALATIA OYATE KIN

WOWAPI WICAKICAGE CIN.

WICOWOYAKE 1.

1 Palos yewicasipi kin heca, wicašta akantu kin etanhan šni, qa wicašta on kagapi šni, tuka Jesus Messiya etanhan, qa Wakantanka Ateyapi kin, he wiconę etanhan najin kiye cin he nakun etanhan ;

2 Qa hunkawanjin kiciyapi mici unpi kin owasin ko, Galatia ekta okodakiciye kin *wowapi unnicagapi*.

3 Wowaońska, wookiye ko, Wakantanka Ateyapi kin, qa Jesus Messiya Itancan unkiyapi kin etanhan, nicipi un nunwe.

4 He iye waunhtanipi kin on ięięu, wicoicage šice cin de etanhan eunhdakupi kta, Wakantanka Ateunyanpi tawacin kin eciyatanhan :

5 He ohinniyān owihanke wānin wowitan kicihan nunwe. Amen.

6 Tuwe Messiya towaonsida kin inicopi kin kohanna aduštānpi, qa wotanin wašte tokeca en *oyapapi* kin, heon imanihan manka.

7 He nakun tokeca šni, tuka wicašta wanjikji nagiyeniyānpi, qa Messiya tawootānkin wašte kin ayuštān niyanpi kta tuka.

8 Tuka he unkiš unkiyepi, qa iš ohnihde wan małpiya kin eciyatanhan kin, wotanin wašte unkoniciyakapi qon he ohna šni, tuka tokeca oniciyakapi kinhan, wošnapi un nunwe.

9 Unkeyapi qon hecen ake nakaha epe, tuwe wotanin wašte iyacupi qon kici okonwanjidan šni kin oniciyakapi kinhan, he wošnapi un kte.

10 Wicašta qa Wakantanka, unma tukte cinwicawakiya he; qa wicašta kin iyokipiwicawaya awakita he. Wicašta kin iyokipiwicawaya unkanš, Messiya wowidāgmaye kte šni tuka.

11 Mihunkawanji he de ociciyakapi, wotanin wašte omdake ciqon he wicašta akantu kagapi šni ;

12 Qa wicašta kin etanhan iwacu šni, qa iye omakiyakapi šni, tuka Jesus Messiya oyake cin eciyatanhan *onmaspe*.

13 Juda wicoħan en opeya waun qehan, token owāħanmde cin nayāħonpi ; Wakantanka taokodakiciye kin nina šicaya wakuwa, qa mdujuju.

14 Qa mitaoyate kin en tona om akinimaskokeca kin hena ota Juda wicoħan kin en kawicawape ęa, mihunkakepi wohdakapi qon iyotan nina tewaħinda.

15 Tuka Wakantanka ina tezi kin etanhan imacu, qa iye towaonsida kin on mico kin he,

16 Iye Cinhintku kin sdonye mayan iyokipi qehan, Ikcewicašta wotanin wašte kin owicawakiyake kte cin heon, kohanna wicacełpi, wicawe ko, kici wowahdake šni :

17 Qa Jerusalem ekta tona

WICOWOYAKE 2.

mitokapa tanhan yewicasipi qon hena ekta wicawai s̄ni, tuka Arabia ekta imdamde a, ake Damaskos ekta icicawin wahdi.

18 Hehan waniyetu yamni iyohakam Inyan kici wowahdake kta e Jerusalem ekta wai, a anpetu ake zaptan kici manka.

19 Tuka yewicasipi kin tokeca tuwedan wanmdake s̄ni, Jakob Itancan sunkaku kin hecedan.

20 Unkan wicoie wowapi en cicagapi kin de, iho, Wakantan-ka itokam iton̄s̄ni mawanica.

21 He iyohakam Suria, a Kilikia makoce kin en wahi.

22 a Juda makoce kin en okodakiciye kin Messiya en un kin, hena ekta ite kin sdonman-yanpi s̄ni waun.

23 Tuka, Tuwe s̄icaya unkuwapi qon he nakaha wowacinye ehanna yujuju qon he oyaka ce, hecedan nāhonpi.

24 Unkan miye on Wakantan-ka yatanpi.

WICOWOYAKE 2.

1 He iyohakam waniyetu ake topa, hehan ake Titos yuha, Barnabas kici Jerusalem ekta itawankanhde mda.

2 Woyakapi on ekta mde a, Ikcewicaŝta ekta wotanin waŝte omdake ciqon he hena owicawakiyaka, a tona okinihanpi kin hena is̄naŝnana *owicawakiyaka*; ituya waimnanke s̄ni, a taku s̄ni on waimnanke kte s̄ni heon.

3 Tuka Titos mici un kin he Helenes heca keŝ bakiĥdayapi kta keyapi s̄ni.

4 a he nakun hunġawanjin-kiciyapi itonpiŝni kin heca, hena unkiye token Jesus Messiya on tawa unkiċiyapi kin he iwanya-

kapi kta e en hipi, wowidag unyanpi kte cin heon.

5 Tuka hena wihiyayedan oape wanjidan hehayan wicihukuya unyakonpi s̄ni, wotanin waŝte wowicake kin nicipi un kte cin heon.

6 Unkan tona wicaŝta wica-kinibanpi seca, a takupi kaŝta he etanhan tokeca s̄ni, Wakan-tanka wicaŝta itohuake kin iwan-yake s̄ni, hena wicakinibanpi se-ca, tuka wicoie kin en takudan omakiyapi s̄ni.

7 Tuka hececa eŝta, tohan ba-kiĥdayapi s̄ni wotanin waŝte kin he maqupi e wanyakapi qehan, bakiĥdayapi wotanin waŝte In-yan qupi qon he iyececa;

8 Tuwe bakiĥdayapi kin on yewicasipi kin en Inyan okihiye cin hee Ikcewicaŝta ekta okihimayan;

9 a Jakob, Inyan a Johan-nes kici, ipatanhdepi kin hecapi seca, wowaonŝida maqupi kin he wanyakapi, hehan takodaki-ciyapi on Barnabas kici nape mayuzapi, unkiŝ Ikcewicaŝta ekta unyanpi kta, a iyepi kin bakiĥdayapi kin ekta yapi kta.

10 Tuka decedan, tona wa-ĥpanicapi kin wicunkiksuyapi kta *keyapi*, unkan miŝ nakun hecamon tawaŝenwaya.

11 Unkan Inyan Antiyoka ekta hi qehan, kici taninyan awakinica, iye iyaonpepica nakaeŝ.

12 Jakob etanhan wanjikji hipi s̄ni kin he itokam Ikcewicaŝta kin om wota ece; tuka wanna en hipi, hehan tona bakiĥdayapi qon hena kowicakipe a, tokan iyaye a ihdonica.

13 a he opeya Juda wicaŝta tokeca kin iyecen anaĥbeya econpi, hecen hena wohnye kin on Barnabas nakun opeya ye-yapi.

14 Tuka wotanin wašte wowi-
cake kin eciyatanhan owotanna
manipi éni, he wanmdaka hehan
owasin wicitokam Inyan hewa-
kiya; Juda wicašta henica, tu-
ka Ikcewicašta kin iyecen yani
kinhan, qa Juda wicašta kin iye-
cece éni, tokeca e Ikcewicašta
kin Juda wicohan kin en ope
wicayaši he.

15 Únkiye wicacehpi eciyatan-
han Juda wicašta kin heuncapi,
qa Ikcewicašta wahtanipi sa
heuncapi éni;

16 Wicašta kin woope wicohan
kin eciyatanhan yaowotanpi éni
ece, tuka Jesus Messiya wacin-
yanpi kin on, he sdonunyanpi
kin heon unkiš eya Jesus Messi-
ya wacinunyanpi, Messiya wi-
cadapi kin on unyaowotanpi kta
e heon, qa woope opapi kin on
etanhan éni; woope wicohan
kin eciyatanhan wicacehpi owa-
sin tuwedan yaowotanpi kte éni.

17 Tuka Messiya on unyaowo-
tanpi kta unkakitapi kin he icun-
han, wahtanipi sa heuncapi he-
cinhan, heon Messiya woulitani
wowidake kin heca he. Hiya
hecetu éni.

18 Taku mdujuju qon he ake
piya wakage cinhan, wawalitani
e mihdutanin.

19 Wakantanka on wani kta e
heon, woope eciyatanhan, woo-
pe kin ekta maša ce.

20 Messiya kici icipaweh oma-
katanpi; tuka nahahin wani; qa
he miye éni tuka miye mahen
Messiya ni un kin hee; qa wi-
cacehpi kin en wani kin he Wa-
kantanka Cinhintku wacinyanpi
kin eciyatanhan wani, he iye
cantemakiye ca miye on iyeiçiçu.

21 Wakantanka towaonšida
kin mdujuju éni; woope kin eci-
yatanhan wicoowotanna u kin-
han, hehan Messiya ituya řa.

WICOWOYAKE 3.

1 Galatia wicašta wacin tonpi
éni kin, tuwe niyuhnaskinyanpi,
qa hecen wowicake kin anaya-
goptanpi kte éni he; niyepi kin
en Jesus Messiya icipaweh oka-
tanpi kin he mištapi kin itokam
yuotaninpi.

2 Decedan omayakidakapi kta
wacin, woope wicohan kin on,
qa wacinyan anagoptanpi kin,
unma tukte eciyatanhan Woniya
kin iyacupi he.

3 Tokaheya Woniya kin on
ecanonpi, qa ehake wicacehpi
kin on nihduštanpi kta he, qa
wacinyatonpi kte éni.

4 Kana owasin taku éni on
iyotanhan iyeyakiyapi he; he
taku éni on etanhan hecinhan.

5 Tuwe Woniya kin yuhe ni-
ciyapi, qa niyepi en tankaya
ohanye cin he woope wicohan
kin on, qa wacinyan anagoptanpi
kin unma tukte eciyatanhan he.

6 Hecen Abraham Wakantan-
ka wicada, unkan he woowo-
tanna kiciyawapi qon.

7 Heon etanhan, tona wacin-
yanpi kin en opapi kin hena
Abraham cincawicaye cin eepi,
he sdonya po.

8 Wacinyanpi kin on Wakan-
tanka Ikcewicašta kin wicayao-
wotanna kte cin, he Wowapi
wakan otokaheya tanhan wan-
yake ca, hecen tokaheya Abra-
ham wotanin wašte kin okiya-
ka; Niye en oyate kin owasin
wicayawaštepi kta ce.

9 Hecen tona wacinyanpi kin
hena Abraham wacinye ciqon
kici wowašte yuhapi.

10 Tona woope wicohan kin
etanhanpi kin hena woyaco kin
en unpi. Hecen wowapi en ka-
gapi; Tona taku woope wowa-
pi kin en kagapi kin owasin

WICOWOYAKE 3.

opeya unpi *śni*, qa ecen econpi *śni* kin hena otioyohi wanna wicayacopi ce.

11 Unkan woope kin eciyatanhan tuwedan Wakantanka itokam yaowotanpi *śni* e sdonunyaapi: Tona owotanna un kin hena wacinyanpi eciyatanhan nipi kta ce.

12 Unkan woope kin he wacinyanpi kin eciyatanhan *śni*; tuka, Wicašta kin tuwe hena econ kinhan, hena on ni kta ce.

13 Woope woyaco kin etanhan Messiya eunhdakupi, unkiyepi on iye woyaco ikicaga. Woyapi en hecen kagapi, Tana can en otkeyapi kin hena owasin yacopi ce.

14 Hecen Jesus Messiya eciyatanhan Abraham wowašte tawa kin he Ikeewicašta kin en awicau kta; hecen wacinyanpi kin on Woniya iwahouayanpi kin he unkiyepi kta.

15 Mihunkawanji, wicašta akantu iyecen iwaa. Wicašta akantu wicotakuye tawa kin hee kaeš, wanna hdušanpi kinhan, tuwedan hdujuju *śni*, qa taku en akage *śni* eee.

16 Abraham iye cinca kici wahoyapi; Cincapi kin eye *śni*, hehan ota kapi kta, tuka wanjidan, qa, Nicinksi kin, he Messiya kin ee.

17 Unkan miš kaken epe kta; Otokahe ekta wicotakuye Messiya en Wakantanka hdušta kin he, iyohakam waniyetu opawinge topa sanpa wikcemna yamni hehan woope u kin he tokaheya kin yujuju, qa hecen wahoyapi qon ecetušniye kta okitpani.

18 Taku tawapi kte cin he woope eciyatanhan un unkanš, wahoyapi kin eciyatanhan *śni*; tuka he Wakantanka Abraham iwahoya.

19 Hehan tokeca e woope kin *yukan* he. He woahani on kagapi, cinca iwahoyapi qoa u *śni* kin hehanyan, qa ohnidewicayapi kin on yusutapi, iyotahedan un wan nape kin ohna.

20 Iyotahedan un kin he wanjidan eciyatanhan *śni*, tuka Wakantanka eqe wanjidan.

21 Heon woope kin he Wakantanka taku iwahowicaye cin he kaešya he. Hiya hecetu *śni*. Woope wiconi kaga okibi unkanš, awicakehan woope kin eciyatanhan wicoowotanna u kta tuka.

22 Tuka Wowapi Wakan kin he owasin woahani oħdateya un wicayawa, qa hecen tona wicadapi kin hena, Jesus Messiya wacinyanpi wahoyapi qon he wicakupi kta.

23 Wowacinye kin hi *śni* itokam woope kin on unkaškapi; qa wowacinye yuotaninpi kte cin en onsauntakapi.

24 Hecen woope kin he waye unkiyapi kin hee, Messiya en unkahipi kta, hecen wowacinye on unyaowotanpi kta e heon.

25 Tuka wowacinye kin wanna biyohi, hecen wanna wayekiyapi kin ihukuya unyakonpi *śni*.

26 Jesus Messiya wacinyanpi kin eciyatanhan owasin Wakantanka cinca kin heuncapi.

27 Tona Messiya caje on baptem ničupi kin hena Messiya kodakapi.

28 He en Juda qa Helenes wicašta ko wanica; wowidake un tawaiciya ko wanica; wica winyan ko wanica; tuka Jesus Messiya ekta ewasin okonniwanjipidan.

29 Messiya tawa niyanpi hecinhan, Abraham cinca kin he nicapi, qa wahoyapi kin eciyatanhan tawayapi kte cin.

WICOWOYAKE 4.

1 Unkan kaken epa; Tawaye kte cin tohanyan hoksiyopa un kin hehanyan wowidake kin takudan ocitpani s̄ni, taku owasin on itancan un ēsta.

2 Tuka tohan Atkuku ke cin hehanyan waonspekiye ̄ca tipi awanyag wicakiyapi kin hena he yuhapi.

3 He iyecen unkīs̄ eya hounksīyopapi qehan, wicoicage wonspe tokaheya kin ihukuya unyakonpi.

4 Tuka wanna anpetu iyehantu qehan, Wakantanka iye Cinhintku kin u s̄i, winohinca wan etanhan icage ̄ca woope kin ohdateya kagapi.

5 Hecen tona woope kin ihukuya un kin hena opewicakiton kta, atayedan cinhintkuyapi kin unhapi kte cin heon etanhan.

6 Unkan cink̄s̄iniyanpi kin heon Wakantanka iye Cinhintku Taniya kin nicantepi kin en niu s̄ipi, he, Abba, Ate, eya howaya ece.

7 Hecen wowidake kin henica s̄ni, tuka cinhintku kin henica. Qa cinhintku hecinhan, Messiya eciyatanhan Wakantanka ekta tawaye kte cin heca.

8 Tuka Wakantanka s̄donyayapi s̄ni qehan, taku wakan s̄ni kin hena wowidag niyanpi.

9 Unkan nakaha Wakantanka s̄donyayapi, qa is̄ Wakantanka s̄donniyanpi yaunpi kin, hecen token ake taku tokaheya hunke-s̄ni qa takudan okihi s̄ni un kin ekta nihdohdapi, qa hena ake wowidag niyanpi kta yacinpi he.

10 Anpetu qa wi kin, omaka waniyetu ko awacanipi.

11 Kocicipapi, taku s̄ni on niyepi kin htacicinipi epca, heon etanhan.

12 Mihunkawanji, ceciciyapi ce; Mīs̄ waun kin iyecen un po; niye yaunpi kin iyecen waun, taku s̄ica takudan ecamiyeconpi s̄ni.

13 Tokaheya ekta wicacehpi wasake s̄ni on wotanin was̄te kin ociciyakapi kin he s̄donyayapi.

14 Qa micelhpi en taku iyutanmaye cin he s̄iceyadapi s̄ni, qa paha iyeyayapi s̄ni, tuka Wakantanka ohnihde ye cin iyecen, qa Jesus Messiya iyecen tin ye mayas̄ipi.

15 Hecen wowas̄te duhapi qon tukte e he. Kaken ciyaotaninpi, okihipica unkan̄s̄ niistapi kin yahdūsdokapi qa mayaqupi kta wicayadapi kta tuka.

16 Wowicake ociciyakapi kin heon toka mayayapi he.

17 Hena e tanyan canteniciyuzapi seca, tuka he taku was̄te on etanhan s̄ni, heyata iyeunyanpi kta cinpi, hecen niye tanyan cantewicayakiyuzapi kta.

18 Tuka ohinniyan taku was̄te on tanyan canteyuzapi kin he was̄te, qa niyepi ekta waun kin hecedan s̄ni.

19 Micinca, niyepi kin en Messiya icahyapi kte cin heon ake hok̄s̄iks̄uya waun.

20 Niyepi kin on, token wacin mduza tanin s̄ni, heon nakaha ekta cicipi waun qa miho kin wahdatokeca kta wacin.

21 Tona woope ihukuya yaunpi yacinpi kin, woope kin nayahonpi s̄ni hecinhan omakiyaka po.

22 Wowapi en hecen kagapi; Abraham cinhintku nonpa, unma wowidake winohinca etanhan, qa unma is̄ winohinca tawaīciye cin etanhan.

23 Tuka wowidake winohinca etanhan un kin he wicacehpi

WICOWOYAKE 5.

eciyanhan tonpi, qa tawaiçiye cin etanhan un kin wahoyapi kin on tonpi.

24 Hena e wiyacinpi wan ee; qa wicotakuye nonpa kin heepi. Unma Sina he kin etanhan u, he wowidag yapi kaga, Hagar hee.

25 Qa Hagar he Arabia ekta Sina he kin hee, qa Jerusalem wanna he cin kici akidecen un, qa cinca kici wowidake un.

26 Tuka Jerusalem wankan tanhan u kin he tawaiçiya, he owasin ina unyanpi kin ee.

27 Hecen wowapi en kagapi; Cinca oyakitpani qa cinca ton sni yaun kin iyuşkin wo; tohin ni hokşinyaksuye sni kin panpan qa dowan wo; tuwe isnana un kin he cinca ota, qa bihnaton kin he cinca tonana.

28 Mihunkawanji, Isaak iyecen wahoyapi cinca kin heuncapi.

29 Tuka he ehan tuwe wicacehpi eciyanhan tonpi kin he Woniya eciyanhan un kin he şicaya kuwa qon, is eya dehan iyecaca.

30 Tuka Wowapi wakan kin token eya he; Winohinca wowidake un kin cinca kici tankan iyeya wo; wowidake un cinca kin he tawaiçiya cinca kin kici akidecen tawaye kte sni.

31 Hecen mihunkawanji, wowidake un cinca kin ee sni, tuka tawaiçiya cinca kin unkiyepi.

WICOWOYAKE 5.

1 Hecen tawaiçiyapi kin on Messiya tawaiçiye unyanpi kin he en şinsadan un po, qa ake wowidake yapi wanapin kin on iyahdaskapi sni po.

2 Wanyaka po, Palos he miye e kaken eciciyapi; Baniçihdayapi kinhan Messiya takudan on oniciyapi kte sni ce.

3 Wicaşta bakihdayapi kin otoiyo hi kaken ewakiya ece; Wooke kin ocowasin econ kta iyecaca tuka ce.

4 Tona wooke kin on niyaowotanpidan keniçiyapi kin wanna Messiya ehpeyayapi, qa wowaonsida etanhan nihinçipayapi kin.

5 Unkiye Woniya kin eciyanhan wicoowotanna woape kin wacinyanpi on unkapepi ece.

6 Jesus Messiya en bakihdayapi kin he takudan okihi sni, qa nakun bakihdayapi sni kin; tuka wacinyanpi wowaste en ohanye cin he taku okihi ece.

7 Tanyan yainankapi; tuwe iyoncipi sni kin, hecen wowicake kin wicayadapi kte sni he.

8 Woawacin kin de tuwe nicopi kin eciyanhan u sni.

9 On napohyapi cistinna kin he aguyapi ocowasin napohya.

10 İtancan kin eciyanhan wacinci yapi, takudan tokeca awacanipi kte sni; qa tuwe kaşta nagiyenyanpi kinhan he woyaco hduhe kta.

11 Mihunkawanji, miş miye bakihdayapi kin İeyanwapaha kinhan tokeca e şicaya makuwapi he; kinhan, can susbeca iwoşihda kin he enakiyapi tuka.

12 Tokin tona cante okiçunin niyanpi kin hena yuşpa iyewicayapin.

13 Mihunkawanji, tawaiçiyapi kin en nicopi, tuka tawaiçiyapi kin he wicacehpi iyokipi kta e wowinyunyanpi sni po; tuka wowaşte on otoiyo hi okiciciya po.

14 Woahope kin ocowasin wicoie wanjidan en ecetu, he dee, Niş niye inihdacinyan wicaşta aiyog yaun kin canteyakiye kta ce.

15 Tuka yecidahtakapi qa tem-

yeciyapi kinhan, on wakta po, okinni hangyeci-yapi kta naceca.

16 Miye kaken epe; Woniya kin on mani po, hecen wicacehpi on cantiheye cin yahdustan-pi kte s̄ni.

17 Wicacehpi kin he Woniya kin inakiwizi, qa Woniya kin is̄ wicacehpi kin inakiwizi, qa hena-zakiya anokatanhan kicizapi, hecen taku token yacinpi s̄ni kin hena ecanonpi ece.

18 Tuka Woniya kin yus aniyampi hecinhan, woope kin ihukuya yaunpi s̄ni.

19 Wicacehpi wicohan kin taninyan un; Wawicihahapi, wiinahmanpi, waasapapi, wicastapi s̄ni;

20 Wakagapi kin ohodapi, wapiyapi, s̄ice kicidapi, wakinicapi, wawihnupi, wacantahdepi, wicokicize, wawakipajinpi, yuomdecapi,

21 Winawizipi, tin wicaktepi, witkopi, qa witkoya wacipi, qa taku tona hecece cin hena ee; wanakaja ociciyakapi kin he iyecen nakaha eciciyapi, Tona taku hececa econpi kin hena Wakantanka tokiconze kin tawapi kte s̄ni.

22 Tuka Woniya kin waskuyeca tawa kin he, wowastedake, wowiyuskin, wookiye, wacintankapi, wicowalibayedan, wowašte, wowacinye;

23 Wicotawacin wawešte, qa iyatahde ic̄iyapi s̄ni hena ee; qa taku hecece cin woope kin tuktedan iyamy un s̄ni.

24 Unkan tona Messiya tawa wicaye cin hena wicacehpi kin ic̄ipaweh̄ okatanpi, qa wacinyuzapi cantiheyapi koya.

25 Woniya kin unkicinipi kinhan, Woniya kin unkopapi kta.

26 Otoi-yohi s̄ihdakiciyapi, qa winakiciwizipi, qa ec̄ins̄nyan

iwinkta ic̄iyapi wanin unyakon-pi nunwe.

WICOWOYAKE 6.

1 Mihunkawanji, wicasta wan ihpuhanna taku s̄ica en iyohpaye cinhan, niye tona owotanna yaunpi kin woksape wowalibayedan yuha wicasta kin he ake piya opeya maniya po; qa awanibidaka wo, okinni taku wawiyutanyan un kin en niu nun ce.

2 Otoi-yohi waqinpi kin kicin po, hecen Messiya toope kin tanyan ecetu yayapi kta.

3 Tuwe taku s̄ni un esta, taku ic̄ida kinhan, he ic̄ihnayan.

4 Tuka ot̄diyohi iye ohan kin awakicin kta, hecen iye qe ec̄iyatanhan, qa tokan tanhan s̄ni, iyuskin kta.

5 Otoi-yohi waqinpi tawa kin kicin kta.

6 Tuwe wicoie kin ec̄iyatanhan onspekiyapi kinhan, he wonspekiye cin taku wawešte kin owasin etanhan okinikiya nunwe.

7 Ihnuhan nihuayanpi kin; Wakantanka uncap̄i kte s̄ni ce. Wicasta kin taku oju kinhan, he yukse kta ce.

8 Tuwe iye cel̄pi kin wokiciju kinhan, he wicacehpi kin etanhan wicotakuni s̄ni mnaye kta; qa tuwe Woniya kin wokiciju kinhan, he Woniya kin ec̄iyatanhan wiconi owihanke wanica mnaye kta.

9 Taku wawešte econ unkapinpi s̄ni nunwe; hu unstackapi s̄ni kinhan tohantu kte cin mnaunyanpi kta.

10 Heon tohanyan unkokibipi kinhan, wicasta owasin taku wawešte ec̄awicunkiconpi kta, qa wacinyanpi tiyohnaka kin hena iyotan.

WICOWOYAKE 1.

11 Wowapi hinsko tanka mi-
ye minape on cicagapi e wanda-
kapi.

12 Tona wicacehpi ekta wašte
ihdutaninpi cinpi kin hena bani-
cihdayapi kta cinniciyapi, Mes-
siya can susbeca tawa kin on
šicaya kuwapi kte šni kin heon
heconpi.

13 Tona bakihdayapi kin hena
e qe nakun woope kin tanyan
yuhapi šni, tuka banicihdayapi
kta cinpi, nicehpi kin on iwint-
ktapi kta heon.

14 Tuka takudan on imawin-
kta šni nunwe, Jesus Messiya
Itancan unkiyapi can susbeca
tawa kin hecedan on, he on mi-
ye ekta wicoicage kin icipaweš

okatanpi, qa wicoicage kin ekta
icipaweš omakatanpi.

15 Jesus Messiya en bakihda-
yapi kin he takudan okihi šni,
qa bakihdayapi šni kin he na-
kun, tuka wicašta teca kin.

16 Tona woope kin de eciya-
tanhan manipi, Israel Wakan-
tanka tawa wicaye cin hena ko,
wookiye, wowaonšida ko, wica-
kici unpi nunwe.

17 Detanhan tuwedan nagiy-
maye šni nunwe; Jesus Messiya
towapetogton kin mitancan kin
en yuha waun.

18 Mihunkawanji, Jesus Mes-
siya Itancan unkiyapi towaon-
šida kin ninagipi kin kici un
nunwe. Amen.

PALOS

EPHESOS OYATE KIN

WOWAPI WICAKICAGE CIN.

WICOWOYAKE 1.

1 Palos, Wakantanka tawacin
kin eciyatanhan, Jesus Messiya
yeši qon hee, Ephesos ekta tona
owotanna un, qa Jesus Messiya
wacinyanpi kin hena *wowapi*
cicagapi :

2 Wowaonšida, wookiye ko,
Wakantanka Ateunyanpi kin
etanhan, qa Jesus Messiya Itan-
can unkiyapi kin etanhan niye-
pi en nicipi un nunwe.

3 Jesus Messiya Itancan un-
kiyapi Wakantanka tawa, qa
Atkuku kin yawaštepi nunwe;
he iye Messiya en taku mahpi-
ya tanhan un kin wowašte wa-
kan ocaje owasin on unyuwa-
štepi :

4 He en maka kagapi kin ito-
kam unkašnigapi qon iyececa,
unwakanpi kta qa iye itokam
wowašte en iyaonpepica šni un-
yakonpi kte cin heon :

5 Qa iye en, Jesus Messiya eci-
yatanhan cinca unyanpi, iye ta-
wacin oiyokipi kin eciyatanhan :

6 Iye towaonšida wowitan ya-
tanpi kte cin on, he iye Wašte-
kidake cin en wašteundakapi :

7 He on wopektonpi kin un-
hapi, iye we kin on, woahani
kajujupi kin hee, iye towaonšida
tanka kin eciyatanhan :

8 He iye unkiciyuotapi, wico-
ksape owasin qa wookahnige ko
on :

9 Qa iye toiyokipi kin eciya-
tanhan, iye tawacin wowiyukan

EPHESOS.

kin sdoneunkiyapi, he iye en
içiconze cıqon he iyecen :

10 Hecen tohan iyehantu kin-
han, wokonze kin eciyatanhan
taku owasin Messiya en witaya
mnaye kta, taku mahpiya ekta
un, qa taku maka akan un kin
hena, iye en.

11 Qa tuwe iye tawacin wo-
konze kin eciyatanhan, taku
owasin kage cin he otokaheya
tanhan unkañnigapi kin, he iye
en woaiñpeye kin unhapi.

12 Hecen unkiye tokaheya
Messiya wacinunyanpi qon, iye
towitan kin yatan unyakonpi
kte cin heon.

13 He niş niyepi nakun, wowi-
cake oie kin nayañonpi qehan,
wotanin wašte on ni niyanpi kte
cin hee, he iye wacinyayapi,
uncan Woniya wahoyapi kin he
on wapetognitonpi :

14 He taku unhapi kte cin to-
kaheya wicaqu ece kin hee, taku
opetonpi hdamnanpi kin *u kte*
cin hehayan, iye towitan ya-
tanpi kte cin heon.

15 Hecen miş eya, Jesus Mes-
siya wacinyayapi kin he, qa
tona owotanna un kin owasin
wašte wicayadakapi kin nawa-
ñon kin,

16 Ehantanhan niyepi on wo-
pida eya amdañtan şni, qa wo-
cekiye epa eca, cikşuyapi ece :

17 Jesus Messiya Itancan un-
kiyapi Wakantanka tawa, qa
wowitan Ateyapi kin hee wo-
ksape wowiyukcan ko oniya kin
niçupi kta, he iye sdonayayapi
kta e heon :

18 Nitawacinpi iştá kin iyoyam
niyanpi kta, hecen nicopi wowa-
cinye kin he taku kin e sdonya-
yapi kta, qa tona owotanna un
kin taku tawapi kte cin wowi-
tan wijica kin he taku ;

19 Qa tona wicaundapi kin en

iye towaşake tanka hinca wo-
ptecaşni kin he taku kin nakun,
iye towaşake waşagya oñanye
cin eciyatanhan.

20 He Messiya okiciñan, wi-
conçe etanhan najin kiye çehan,
qa mahpiya ekta iye etapa kin
en ekihde :

21 Wokiconze owasin, qa wo-
waşake, qa wookihi, qa itancan-
kiyapi, qa wicacaje caje yatapi
kin owasin, wiconi kin de en
hecedan şni, wiconi u kte cin
he nakun, hena iwankam tehan
wankantuya ekihde :

22 Qa iye siha kin ihukuya
taku owasin ekihnaka, qa taku
hiyeye cin owasin iwankam
okodakiciye kin en he pa kin
kaga ;

23 He iye tancan kin hee, tuwe
taku owasin on owasin ojuye
cin wojudan kin hee.

WICOWOYAKE 2.

1 Unkan niş niyepi kin woaiña-
ni wicoñan şica ko en nişapi :

2 Hena ehna ehanna mayanipi,
wicoicage kin de wiconi kin eci-
yatanhan, qa okotonyan wowa-
şake kin itancan kin eciyatanhan,
he taku wakan woakta şni cinca
kin en oñanye cin hee.

3 Hena om, unkiyepi owasin
ehanna unnipi, unceñpipi wacin
yuze cin en, wicaceñpi wicota-
wacin ko wacinpi kin ecetu un-
yanpi, qa unmanpi kin iyecen
wocantiyahde cinca kin heun-
capi.

4 Tuka Wakantanka wowa-
onşida kin on wijica kin he to-
waştedake tanka kin on wašte
undakapi kin heon ;

5 Unkiye wicoñan şica ehna
unşapi qehan, Messiya kici niun-
kiyapi : wowaonşida on wiconi
duhapi ece :

WICOWOYAKE 3.

6 **Qa** Jesus Messiya en witaya najin unkiyapi, qa mahpiya kin ekta kici kiyotang unkiyapi ;

7 Hecen wiconi u kte cin en, Jesus Messiya on cantounhnakapi kin on, towaonsida woyuha wopteca sni kin bduotanin kta.

8 Wowaonsida kin on yanipi, wacinyanpi kin eciyatanhan, qa he niyepi kin etanhan sni, Wakantanka taku niçupi kin hee.

9 Wicohan kin eciyatanhan sni, okinni tuwe ihdatan kta tuka.

10 Iye taku kage cin he unkiyepi, Jesus Messiya en wicohan waste aicah unyanpi, hena ohna maunnipi kte cin heon otokaheya tanhan Wakantanka wiye-ya ehna.

11 Hecen ehanna wicacehpi ekta Ikcewicašta henicipi kin he kiksuya po, qa wicacehpi bahdayapi eyapi, nape on econpi kin he bakihdayapi sni eniciyapi qon :

12 He ehan Messiya yuhe sni yaunpi ; Israel wokiconze kin iyenichantupi sni, qa wahoyapi wicotakuye kin sdonyayapi sni, wowacinye ninicipi, qa wicoicage kin en Wakantanka codan yaunpi.

13 Tuka nakaha Jesus Messiya en, nis niyepi ehanna itehanyan yaunpi qon, wanna Messiya we kin on kiyadan anihipi.

14 Unkan iye wookiye unkitawapi kin hee, iye qe napin wanjidan, qa cokahnagya ehna-kapi qon he yujuju ;

15 **Qa** iye celipi kin en, tokakiciyapi kin woahope wope kin econ wicašipi qon he yutakuni sni ; is iye en nonpa etanhan wicašta wanjidan teca icahe kta, hecen wookiye kage kte cin heon etanhan.

16 **Qa** tancan wanjidan on, can susbeca kin eciyatanhan, hena

napin Wakantanka kici okiciciye wicakiye qa, heon tokakiciyapi kin kte.

17 **Qa** tona tehan dukanpi qon kiyadan un kin hena ko wookiye oniciyakapi hi.

18 He eciyatanhan Woniya wanjidan on, napin Ateunyanpi kin ekta kiyedan ipi kin he un- hapi.

19 Heon etanhan, detanhan togkicihdapi, qa oyate tokeca kin henicipi sni ; tuka tona owotanna unpi kin hena om yati- pi, qa Wakantanka tiyohnaka tawa kin he niyepi :

20 **Qa** yewicašipi wicašta wokcan ko taku ahehde tawapi kin akan tinicagapi, Jesus Messiya he oise en otancanke kin hee.

21 Iye ohna tipi kin ocowasin ayucoco ehna-kapi, qa Itancan kin en tipi wakan icaga.

22 He ohna niyepi nakun ptaya tinicagapi, Woniya kin eciya- tanhan, Wakantanka tipi ye kte cin heon.

WICOWOYAKE 3.

1 Heon Ikcewicašta kin niyepi on etanhan, Palos, Jesus Messiya on kaška hnakapi kin he miye.

2 Niyepi on Wakantanka to- waonsida wicohtani maqupi kin he nayahonpi hecinhan ;

3 Token woyakapi kin on wo- wiyukcan kin he sdonye maki- ya ; he wanna wicoie tonana on wakaga :

4 He dawapi kin ehantanhan Messiya tawowiyukcan kin to- ken imdukcan kin sdonyayapi kta.

5 He wicoicage tokeca kin en wicašta cinca kin owicakiyaka- pi sni, tuka nakaha Woniya kin eciyatanhan, yewicašipi owo- tanna qa wicašta wokcan tawa-

EPHESOS.

wicaye cin hena owicakiyakapi kin iyecen :

6 Hecen Ikcewicašta kin nakun kici tawayapi kte ça, kici tancan wanjipidan kta, qa Messiya tawotanin wašte kin eciyatanhan wahoyapi qon he en opapi kta.

7 He on ookiye makagapi, Wakantanka towaonsida maqupi kin he eciyatanhan, iye towašake ohanye cin on.

8 Miye tona owotanna un kin owasin en iyotan macistinna, tuka wowaonsida kin de maqupi, Ikcewicašta kin ekta Messiya tawoyuha okahnihpica šni kin he omdake kte cin hee.

9 Qa wowiyukan kin otokahe wanin ehantanhan Wakantanka, taku owasin Jesus Messiya on kage cin, he en nahmanpi qon hee takodakiciyapi kin he owasin sdoney wicawakiye kta.

10 Hecen nakaha okodakiciye kin eciyatanhan, wokiconze wowašake ko, mahpiya ekta un kin en, Wakantanka toksape wopteca šni kin atanin kta.

11 Wokonze otokahe wanin ehantanhan kage cigon he eciyatanhan, Jesus Messiya Itancan unkiyapi kin en ;

12 Iye wacinunyanpi kin eciyatanhan, kokipešniyan ekta unkipi, qa waditagya unkiapi ece.

13 Heon etanhan niyepi kin on kakiš mayanpi kin heon canwannikapi kte šni wacin.

14 Qa heon Jesus Messiya Itancan unkiyapi he Atkuku kin en, anpetu iyohi canpeška makehde inawajin.

15 He eciyatanhan wicowazi mahpiya ekta un, qa maka akan un kin, ocowasin caštonpi.

16 Hecen iye towitan woyuha kin eciyatanhan taku ničupi kta, iye Taniya kin eciyatanhan, wo-

wašake on wicašta mahen tathan wašagniyampi kta.

17 Hecen wacinyanpi on nican-tepi kin mahen Messiya ounye kta ;

18 Hecen wowaštedake on hutkan niyusutapi, qa sutaya hu nihdepi kta : qa tona owotanna un kin owasin om, ohdakinyan qa ohanske cin, omahentuya qa obosdatu kin he taku kin iyukan oyakhipi kta ;

19 Qa Messiya towašte okahnihpica šni kin he sdoniyayapi kte, hecen Wakantanka toojudan kin ocowasin ojuniyanpi kte.

20 Tuwe nina wašagya econ okihi, unkiš unkidapi qa awauncinpi kin isanpa, wowašake kin on onicihanyanpi kin he eciyatanhan ;

21 He iye okodakiciye kin en, Jesus Messiya on, ohinniyan owihanke wanin wowitan kicihan nunwe.

WICOWOYAKE 4.

1 Heon etanhan miš miye Itancan caje on makakapi, ceci-yapi ce, Wicakicopi on nicopi kin he iyacinyan mayanpi kte.

2 Wicotawacin wašte ocowasin qa wicowahbadan, wacin tankapi ko yuha, wowaštedake en otioyohi iyowinyeciyapi kta :

3 Qa wookiye icaške kin on Woniya okonwanjidan kin he yahduhapi kta e aičiciya po.

4 Wicatancan wanjidan qa Woniya nakun wanjidan, nicopi kin en wowacinye wanjidan inicopi kin he iyececa ;

5 Itancan wanjidan, wowacinye wanjidan, baptem wanjidan,

6 Taku Wakan wanjidan, he owasin Ateyapi kin, owasin

WICOWOYAKE 4.

iwankam un, qa owasin opta un, qa niyepi owasin en niunpi kin.

6 Tuka Messiya iyunwin codan wicaqu iyutapi kin eciyatanhan unkiyepi otoiyohe wowaonsida unqupi.

8 Heon kaken eya ; Wakantkiya kihde cehan, wayaka ahdapi qon he ocowasin ahde ca wicašta kin taku wicaqu ce.

9 Wankan kihde cin he taku he ; tokaheya maka mahentuya kin iyaye cin hee.

10 Tuwe kun hi qon he taku owasin ojuye kte cin heon, he mahpiya kin ako sanpa tehan wankantuya kihde cin.

11 Unkan apa yewicasipi kin heca wicaqu, qa wicašta wockan wanjikji, qa wotanin wašte oyakapi kte cin wanjikji, qa waawanhdakapi waonspekiya ko wanjikji ;

12 Tona owotanna un kin hena wicayuecedan kta, wawokiyapi wicohan kin on, qa Messiya tancan icaliyapi kte cin heon.

13 Tohan owasin okonwanjidan wacinyanpi, qa Wakantanka Cinhintku sdoniyapi kin ekta, qa wicašta tanka Messiya toojudan kin iyebankeca iyutapi kin ekta iyounhipi kte cin hehanyan.

14 Hecen detanhan hoksiyoqopa aptanptan iyeyapi, qa wonspe tate owasin on kaha iyeyapi kin heuncecapi kte šni, wicašta oškiškeya ohanyanpi, qa wohnaye on wicahnayanpi wicohan kin eciyatanhan ;

15 Tuka wowastedake en iwicaunkapi kta, hecen tuwe wicapa kin ee, Messiya hee en taku owasin on unkiçagapi kta.

16 Iye eciyatanhan tancan kin ocowasin wayupiya iciyakaška-pi, qa okihe kin owasin wawokiyapi on icicazontapi, huha kin

otoiyohi iyacınyan icage cin he iyecen tancan kin icaliyapi, wowastedake en icage kte cin heon.

17 Heon kaken epe ca Itanean kin on mdaotanin ; Ikcewicasta tokeca wicotawacin witkotkopi kin en manipi kin he iyecen mayanipi kte šni.

18 Hena wicotawacin aotpas-yapi, qa Wakantanka wiconi tawa kin itehanyan unpi, wosdonye šni iye tanmahen un kin eciyatanhan, wicocante tehika yuhapi kin heon ;

19 Hena iyasaka icaliyapi, qa wicaštapi šni kin en iyohpeiciyapi, taku ašapapi kin owasin wohitiya econpi kte cin heon.

20 Tuka niyepi e qe hecen Messiya kin onspeniçiciyapi šni :

21 He nayahonpi, qa he onspeniçiyapi hecinhan, Jesus en wowicake kin iyecaca.

22 Wicohan tokaheya kin en, wicašta tannike cin, wohnaye wocantiheye kin on hwin kin hee yahdušdokapi kta ;

23 Qa nitawacinpi woksape kin en niyutecapi kta ;

24 Qa wicašta teca woowotanna, qa wowicake wakan kin en, Wakantanka eciyatanhan icaliyapi kin he kodakapi kta.

25 Heon etanhan, itonpi šni kin ayastanpi, qa otoiyohe wicašta tokeca kici wowicake ece ohdaka po ; otoiyohe huha yeciçiyapi kin heon.

26 Šinyahdapi ešta, wahtanipi šni po. Canniniyanpi ecen wi iyaye šni nunwe.

27 Qa Wakansica kiyukanpi šni po.

28 Tuwe wamanon kin he ake manon kte šni, tuka htani kta, nape on taku wašte econ kta, hecen wahtanica kin he taku wicaqu kte cin yuhe kta.

EPHESOS.

29 Wicoie síce cin owasin takudan niipi kin etanhan hinanpe éni nunwe, tuka taku wašte, on icañ yapi kta, tona nahonpi kinhan wowaonsída wicaqu kte cin he ecedan.

30 Qa Wakantanka Taniya Wakan kin iyokişinyapi éni po ; he on wopekitonpi anpetu kin aiyahdeya askam niyanpi.

31 Wicokige owasin, qa wocantiyahde, qa woşihda, qa iwaşicunpi, qa waaiapi canniyekiciyapi ko owasin ehpeyayapi nunwe.

32 Qa otoiyo hi okiciciyapi, qa cantekiciyapi, qa otoiyo hi kicicajuju po, Wakantanka Messiya on nicicajujupi kin he iyecen.

WICOWOYAKE 5.

1 Heon hokşiyopa cantekiyapi kin iyecen Wakantanka opa po.

2 Qa wacantkiyapi kin en mani po ; Messiya canteunkiyapi, qa unkiyepi on Wakantanka en icicu, qa waihduşna, woomna iyokipi kin he iyececa.

3 Tuka wiinahmanpi, qa waaşapapi, qa waicucupikte cin, niyepi ekta caje yatapi éni nunwe, tuka tona owotanna un taku iyokipi wicaye cin hena.

4 Qa wawištenyapi, qa wicoie ecinşniyan kin, qa iapi şica hena hecetu éni ; tuka wopida eyapi kin he wašte.

5 He de sonyayapi, tuwe wawicihahapi econ, qa tuwe waaşape cin, qa tuwe waicucukte cin, he wakagapi cekiya ece, hena wanjidan ésta Messiya qa Wakantanka kici tokiconze kin en takudan tawapi kte éni.

6 Iapi ecinşniyan on ihnuhan tuwe nihnayanpi kin ; wicoñan kin hena on Wakantanka tocan-

niye kin woakta éni cincapi kin en awicau kta.

7 Heon etanhan hena en opeya unpi éni po.

8 Ehanna otpaze cin henicapi, tuka wanna Itancan kin en iyoyanpa kin *henicapi* ; iyoyanpa cinca kin iyecen mani po :

9 Woniya tawaskuyeca kin he wowašte owasin, qa wicoowo-tanna, qa wowicake kin en un :

10 Qa Itancan kin taku iyokipiye kte cin he akita po.

11 Qa otpaza wicoñan, on taku wašte icage éni kin hena en okicipapi éni po, tuka hena iyopeya po.

12 Hena taku nahmana econpi kin caje yatapi kin he wowištece.

13 Tuka taku tona iyopeyapi kin hena owasin iyoyanpa kin yuotanin ; qa taku owasin yuotanin kin he iyoyanpa kin ee.

14 Heon etanhan kaken eya ; Tuwe istinbe cin kikta, qa wiconçe etanhan najin wo, Messiya iyoyamniye kta ce.

15 Hecen on wakta po, itonpeya mayanipi kta, witkotkoke cin iyecece éni, tuka wicašta wacin ksape cin iyececa.

16 Qa omaka kin tanyan hduha po, anpetu kin síce cin heon etanhan.

17 Heon etanhan wacin ksapa po, qa Itancan token tawacin kin sonya po.

18 Qa minişa on witkopi éni po, he on iyatahdepi ece ; tuka Woniya kin on ojudan un po.

19 Qa Psalm, qa odowan, qa wakan downpi kin on wabokkiciciya po ; abiyayapi qa nicantepi kin ekta Itancan kin idowan po.

20 Qa ohinniyan, taku owasin on, Wakantanka Ateyapi kin wopida eciya po, Jesus Messiya Itancan unkiyapi caje kin on :

WICOWOYAKE 6.

21 **Qa Wakantanka** kekipeyahan otoiyo hi token ihukun iyeiciya po.

22 **Winohinca**, nihihnapi kin wicihukun iyeiciya po ; Itancan kin en iyececa.

23 **Wicašta** kin he iye tawieu pa kin hee, **Messiya** okodakiciye pa kin hee he iyececa ; qa he iye wicatančan kin wanikiye cin hee.

24 **Heon** okodakiciye kin **Messiya** ihukuya yanke cin he iyecen winohinca kin iye hihnakupi kin taku owasin on ihukun unpi kta.

25 **Wicašta**, winohinca nitawapi kin cantewicakiya po, **Messiya** okodakiciye kin wašte kidake ça, on iye ičiču kin he iyecen ;

26 **Hecen** iye oie kin eciyatanhan, mini on hducedan, qa hduška kta ;

27 **Qa** hecen iye ekta ehdaku kta, wowitan okodakiciye kin heca, wašape qa yuškipi, qa taku hececa wanica ; hecen wakan, qa wašape šni un kta.

28 **He** iyecen, **wicašta** kin iye tancanpi kin iyecen tawicupi kin wašte wicakidakapi kta ; tuwe tawicu kin wašte kidake cinhan he wašte iqidaka.

29 **Qa** tohinni tuwedan iye cełpi kin šice kidake šni, tuka icałkiye ça, tanyan hduha, **Messiya** okodakiciye hduhe cin iyececa.

30 **He** tancan, qa cełpi, qa huhu kin en, huhu kin he unkiyepi.

31 **Heon** etanhan **wicašta** kin, atkuku, hunku ko ełpewicakiye ça, tawicu kin en iyaihdaske kta, qa heniyos wicacełpi wanjidan kta.

32 **He** wowiyukan wan tanka, tuka **Messiya** qa okodakiciye kin hena wicawaka.

33 **Heon** niš niyepi otoiyo hi niye inihdacin nitawin wašte yakidake kta, qa winohinca kin iš iye hihnaku kin kinihan kte.

WICOWOYAKE 6.

1 **Hokšiyocopa**, nihunkakepi kin anawicakigoptan po, Itancan kin en, he owotanna.

2 **Niyate** nihun kici wicahduonihan wo ; woahope on taku wahoyapi tokaheya kin hee ;

3 **Hecen** tanyan yaun, qa maka akan tehan yani kta.

4 **Qa** atenyanpi kin, nicincapi kin wacinko wicakiyapi šni po, tuka Itancan waicalıye ça wonspe tawa kin en icalıwicakiya po.

5 **Qa** wowidake yaunpi kin, tona wicacełpi ekta niyuhapi kin wokokipeya cancaniciya anawicakigoptan po, **Messiya** kin iyececa, nicantepi okonwanjidan on ;

6 **Wanniyakapi** ecedan šni, **wicašta** iyekipiwicayapi kin iyececa ; tuka **Messiya** taokiye kin iyececa, nagi kin eciyatanhan, **Wakantanka** tawacin kin ecen ecanonpi kta.

7 **Iyokipiya** wawokiya po, Itancan kin ekta hecetu, qa **wicašta** kin en iyecece šni.

8 **Qa** tuwe taku wašte econkinhan, he on Itancan kin eciyatanhan wayuhe kta, wowidake un, qa iš tawaičiya un kin, unma tukte kašta, he sdoniyayapi.

9 **Qa** tona itancan yaunpi kin, niš eya he iyecen ecawicayeconpi kta, qa wakokipe wicayecagapi kte šni. **Małpiya** kin ekta iš iyepi qa niš niyepi nakun Itancan yakiyapi kin yanke ça, he ekta **wicašta** itohnake yuonihanpi wanica, he sdoniyayapi.

10 **Unkan** ebake mihunkawanji,

PHILIPPI.

Itancan kin en wasagya un po, iye towasake wicookihi kin on.

11 Wakantanka tawipe kin ocowasin un po, hecen Wakan-sica wohnaye ohanye cin itko-kim inajin oyakhipi kta.

12 Wicawe, qa wicacehpi kin kici unkiwizapi sni, tuka woki-conze, qa wicowasake, qa wiconi kin de en otpaza itancanpi kin, qa taku wakan sicapi wan-kantuya yukanpi kin hena om.

13 Heon etanhan Wakantanka tawipe kin ocowasin icu po, hecen anpetu sice cin en najin oyakhipi kta, qa taku owasin hdu-
stan nayajinpi kta.

14 Heon wowicake ipiyag kitonpi ecen najin po, qa wicowotanna maza maku akalipe kin koyaka po.

15 Qa nisihapi kin en wookiye wotanin washe ohdustan kin okihan po.

16 Qa owasin akapa tanhan wowacinye wahacanka kin icu po, he on wicasa sica tunwanhinkpe ide kin owasin yusni oyakhipi kta.

17 Qa wiconi maza wapaha kin he icu po, qa nakun Woniya tamazasagye kin, Wakantanka oie kin hee :

18 Wocekiye qa wokidapi owa-

sin on Woniya kin en, ohinniyan tona owotanna un kin on cekiya po, qa heon woape owasin wokidapi ko yuha kiktahan un po :

19 Qa nakun miye on, iapi owakihiki kte cin heon, hecen waditagya i wahdukawa, qa wotanin washe wowiyukan kin omdake kta.

20 Heon wahosiya un wan kaska hnakapi kin hemaca, hecen on token iwae kte cin he iyecen waditagya iwae kta.

21 Tuka taku mitawa kin, token waun kin he nakun, sdon-yayapi kta e heon Tucikos hunkawanjin kiciyapi wan washe dakapi, qa Itancan kin en ookiye owotanna kin he taku kin owasin oniciyakapi kta :

22 Heon etanhan niyepi ekta ye wasi, unkiyepi ekta taku kin sdonyayapi kta, qa he nicantepi kin wacintonhnag niyanpi kte cin heon.

23 Hunkawanjin kiciyapi kin en wookiye un nunwe, qa washe, wowacinye ko, Wakantanka Ateyapi, qa Jesus Messiya Itancan kin eciyatanhan.

24 Tona awicakehan Jesus Messiya Itancan unkiyapi washe dakapi kin hena owasin en, wo-waonsida wicakici un nunwe. Amen.

PALOS

PHILIPPI OYATE

WOWAPI WICAKICAGE CIN.

WICOWOYAKE 1.

1 Palos qa Timotheos, Jesus Messiya taokiyewicaye cin, tona Philippi ekta Jesus Messiya

en owotanna un kin hena, qa waawanhdake cin hunka wicayapi ko, *wowapi unnicagapi* :

2 Wakantanka Ateunyanpi, qa Jesus Messiya Itancan unki-

WICOWOYAKE 1.

yapi kin etanhan, wowaonsida, wookiye ko niyepi kin en nicipi un nunwe.

3 Ciksuyapi eca, Wakantanka mitawa wopida ewakiya ece.

4 Ohinniyan mitawocekiye o-toiyohi en, niyepi owasin on iyuskinyan cewakiya ece :

5 Anpetu tokaheya kin ehantanhan, qa dehanyan, wotanin wašte kin en kodayeci-yapi kin heon.

6 Unkan he sdonwaya ; tuwe tokaheya ohan wašte nicicagapi kin he niciyuŝtanpi kta, Jesus Messiya anpetu tawa kin ehanyan.

7 Hecen niyepi owasin wacin en ciyuzapi kte cin he hecetu, cante en mayaduzapi kin heon ; makaŝkapi kin, qa wotanin wašte omdake ɕa mdaŝuta kin he en, qa nakun wowašte mitawa kin en niyepi owasin oyapapi ece.

8 Wakantanka sdonmayan, Jesus Meŝsiya cante kin on owasin cantocikpanipi.

9 Qa he de icewakiya, wašte yadakapi kin he wosdonye wi-yukcanpi ko owasin en, sanpa qa sanpa tankaya aye kta :

10 Kinhan, taku wašte kin hena idukcanpi kta, hecen okonwanjidan hicahe ŝni yaunpi kta, Messiya anpetu tawa kin en ;

11 Qa wicoowotanna waskuyeca kin on ojudan yaunpi nunwe, hena Jesus Messiya on Wakantanka woyatan qa wowitan tawa kin ee.

12 Mihunkawanji, taku token ecamiconpi kin he on wotanin wašte kin sanpa otanin aye cin he sdonyayapi kta wacin.

13 Hecen wicaŝtayatapi taho-coka kin ekta, qa owancaya Messiya on makaŝkapi kin he otanin.

14 Qa Itancan kin en, hunkawanjin kiciyapi kin ota, miye makaŝkapi kin on, sanpa nina waditakapi, qa kokipeŝniyan wicoie kin taninyan oyakapi ece.

15 Hunh waakinicapi qa winawizipi kin on, qa hunh iŝ waŝtedakapi kin on Messiya oyakapi ece.

16 Hena e waakinicapi kin on, wowicake eciyatanhan ŝni Messiya kin oyakapi, qa makaŝkapi kin en wokakiye kokijuya aupi kta kecimpi ;

17 Qa unmapi kin iŝ waŝteki-dapi kin on etanhan, wotanin wašte indusuta kta e on emahdepi kin sdonyapi.

18 Ecin to ; toketu kaŝta, wohnaye on etanhan, qa iŝ awicakehan, unma tukte kakeŝ, oyakapi kin he on imduŝkin, qa eeŝ nakun imduŝkin kta.

19 Nitawocekiyepi, qa Jesus Messiya Taniya wawokiye cin on, he wiconi emicicetu kta sdonwaya.

20 Qa nina awacanmi qa ape manka, hecen takudan on imaŝtece kte ŝni, tuka ohinniyan waditagya waun kin he iyecen nakaha mitancan kin on Messiya yuonihanpi kte, wani qa maŝte kte cin unma tukte kaŝta on etanhan.

21 Wani kin he Messiya ee, qa maŝte cinhan sanpa tanyan waun kta.

22 Wicacehpi kin en opeya wani kinhan, miohan waskuyeca kin hee, tuka unma tukte wacin nun tanin ŝni.

23 Taku nom aotins mayanpi ; ekta mde ɕa Messiya kici waun kte hinca, he iyotan wašte.

24 Tuka wicacehpi kin en opeya waun kin he niyepi on wawokiyapi kin hee.

25 Hecen wahdukcan, qa heon

PHILIPPI.

wani, qa niyepi owasin om wa-un kta sdonwakiya, sanpa inicagapi qa wacinyan iduskinpi kte cin heon.

26 Qa hecen akeś ekta ciupi kinhan miye on, Jesus Messiya en sanpa nina iduskinpi kta.

27 Tuka Messiya tawootanin wašte kin eciyatanhan yanipi nūnwe; hecen wanciyakapi wau kinhan, qa is wau śni, unma tukte kašta, niohanpi kin nawa-hon kta, wicotawacin wanjidan en sutaya yaunpi, qa wicanagi wanjidan yuha wotanin wašte kin wacinyan oyecipapi kin.

28 Qa tona toka niyanpi kin hena on, ihnuhan taku ininihanpi kin: hee hena en wicotakuni śni au kta yuotanin, tuka heon niyepi kin en wiconi Wakantanka etanhan au kta otanin.

29 Messiya he ayuco ničupi, iye wacinyayapi kte ča, nakun iye on kakisniyanpi kte cin.

30 Qa makakije cin wanmayadakapi qon, qa nakaha en mau nayahonpi kin, he iyecen woka-kije duhapi kta.

WICOWOYAKE 2.

1 Heon Messiya on iwicakiyapi yuke cinhan, qa wowastedake en imagagaičiyapi, qa Woniya kin en kodakiciyapi yuke cinhan, qa wacantkiyapi wowaon-šida ko yuke cinhan,

2 Mitowiyuśkin kin miciyuśtan po, akiyecen awacannipi, qa wo-wašte okonwanjidan duhapi, qa wicotawacin wanjidan yaunpi kta.

3 Waakinicapi qa ihdatanpi kin on takudan ecanonpi kte śni, tuka wahbayedan yaunpi, qa otoiyohi niye isanpa token wa-šte yecidakapi kta.

4 Otoiyohi wicitawa kin ece-

dan ekta etonwanpi śni po, tuka nakun otoiyohi token tawa kin ekta.

5 Jesus Messiya token tawacin qon he iyecen wacin duzapi kta.

6 He Wakantanka ouncage kin en un, qa Wakantanka kici a-kidecen yanka kečiye cin he wawicakipi śni kecin.

7 Tuka ihduśdoka ča wowida-ke un kin ouncage kin icu, qa wicašta kin iyecen ihduś icaga;

8 Qa wicašta ouncage kin en un qehan, ihduhukuya qa wi-cončte ekta aiyahdeya wanahon yanka, can susbeca en če cin he ehan.

9 Heon etanhan Wakantanka he tehan wankantuya hduwaan-kan icu, qa caje wan wicacaje owasin isanpa wašte kin he qu;

10 Hecen Jesus caje kin on, hupahu kin owasin canpeška makehde enajin kta, mahpiya ekta un, qa maka akan un, qa maka kin ihukuya un kin hena-kiya.

11 Qa Wakantanka Ateyapi kin yatanpi kte cin on, Jesus Messiya he Itancan kin ee ce: wicaceji owasin eya oyakapi kta.

12 Heon wašte cicidadapi kin, ohinniyān nayahonpi kin he iyecen, en cicipi waun kin hecendan śni, tuka nakaha en waun śni ešta, sanpa wokokipeya can-caničiya yanipi kte cin ihduśtan po.

13 Tuwe cinniciyapi, qa econ-niciyapi kin he Wakantanka ee, iye toiyokipi kin eciyatanhan niyepi kin ohanyan.

14 Wihnupi qa waakinicapi wanin taku owasin econ po.

15 Hecen iyaonpepica śni, qa owotanna, wicoicage wan pe-mni, qa yuksankšanyan un kin ehna Wakantanka cinca ecedan

WICOWOYAKE 3.

yaunpi kta ; hena en maka peti-
janjan iyecen iyoyanpa yaun-
pi ;

16 Qa wiconi wicoie kin pazo
yaunpi : Hecen Messiya anpetu
tawa kin en taku on imawinkta
kin he dee, taku éni on waimanan-
ke éni, qa taku éni on htawani
éni kin hee.

17 Unkan wacinyayapi woéna-
pi wawokiyapi kin en, amihda-
pson ésta nakun imduékin, qa
niyepi owasin om imduékin kta.

18 Heon nié niyepi nakun idu-
ékinpi qa miyeci iniwinktapi
ece.

19 Tuka niyepi kin ekta Ti-
motheos kohanna yewaéi kta
wacanmi, Jesus Messiya Itan-
can kin on, hecen tohan token
yaunpi kin sdonwaye cinhan,
hehan mié nakun iyékipi waun
kta.

20 Tuwe iyecen wacin yuze
ca iye cinka taku nitawapi kin
ihakta kte cin mduhe éni.

21 Owasin wicitawa kin aki-
tapi, qa taku Jesus Messiya ta-
wa kin *akitapi* éni.

22 Tuka he iyutapi kin sdon-
yayapi, hokéidan wan atkuku ki-
ci un kin he iyecen wotanin wa-
éte kin en micica.

23 Iye kohanna ye waéi kta,
tohan token waun kte cin sdon-
wakiya.

24 Qa mié éya ecanan wau kta
e Itancan kin wacinwaya.

25 Tuka Epaphroditos misun-
ka qa mitawaéi, qa kici akicita
waun, tuwe u yaéipi, qa tuwe
taku imakakije cin omakiye cin,
he niyepi ekta hde waéi kta iye-
ceca epca.

26 He niyepi owasin cantoni-
kpanipi, qa iyokiséca un, waya-
zanke cin nayakihonpi kin he-
on.

27 He qeé wayazanke qa wan-

na te kta ikiyedán, tuka Wakan-
tanka onéikida, qa he isnána éni,
tuka miye nakun, hecen woiyo-
kiéice icitakihna mduhe kte éni
e heon.

28 Qa heon itonpeyahan hde
waéi, ake wandakapi kinhan
iduékinpi kta, qa mié aopten
iyokiséca amaye kta.

29 He Itancan kin on etanhan
wopida owasin yuha tin u éi po,
qa tona hececapi kin wicayu-
nihan po.

30 He Messiya wicohtani tawa
kin on wanna aékadan te kta
tuka, wiconi tawa kin itonkipe
éni, miye en wawokiyapi aokpa-
niyan ecanonpi kin he niciyu-
éstanpi kte cin heon etanhan.

WICOWOYAKE 3.

1 Ehake mihunkáwanji, Itan-
can kin en iyúékin po. Taku kin
dena on wowapi cicagapi kin he
miye téhike wadake éni, qa ni-
yépi kin on waéte.

2 Sunka kin on waktaya un po ;
tona sícaya econpi kin on wakta
po ; wayuépapi kin on waktaya
un po.

3 Tona bakiédayapi, qa wico-
cante on Wakantanka ohodapi,
qa Jesus Messiya en iwinktapi,
qa wicacehpi wacinyanpi éni kin
heuncapi.

4 Mié nakun, taku on wicace-
hpi kin wacinwaye kte cin mdu-
ha tuka. 'Tuwe wicacehpi wa-
cinyan okihi kecin kinhan he
isanpa owakibi.

5 Anpetu isahdogan hehan ba-
makiédayapi, Israel oyate qa
Benjamin tawicoun kin hema-
tanhan, Hebrew etanhan He-
brew kin, qa woope kin eciya-
tanhan Pharisee kin hemaca.

6 Ohodapi kin eciyatanhan
okodakiciye kin sícaya wakuwa,

PHILIPPI.

qa woope woowetanna kin he eciyatanhan takudan iyaonpepica *áni wawa*.

7 Tuka taku tona mihdamna gon hena Messiya on takuáni wadake :

8 Han, awicakehan taku owasin taku *áni wadake*, Jesus Messiya Itancan mitawa kin wosdonye oiyokipi kin on, iye on taku owasin toki ehpeyaya, qa hena tacesdi ece mdawa, Messiya iyo-wahi kte cin heon ;

9 Qa he en waun kta, mitoo-wotanna wicoope kin eciyatanhan un kin he wahduhe *áni*, tuka taku Messiya wacinyanpi eciyatanhan un kin, Wakantanka too-wotanna wacinyanpi kin on ica-ge cin hee wacin.

10 Hecen he iye sdonwaye kta, qa piya ikicage cin wowa-*áake* kin, qa iye kakije cin oki-oipapi kin hena ko, iye *te* cin ouncage kin en imacage kta :

11 Hecinhan, wicon^{te} etanhan woekicetu kin en iyowahi kte hinca.

12 Wanna dehan iyowahi, qa wanna mayu^{stan}pi kin ee *áni* ; tuka kuwa amde, okinni taku on Jesus Messiya mayuze cin hee mduze kta.

13 Mihunkawanji, nahanhin mduze mihdawa *áni* ;

14 Tuka taku wanji ecamon, taku hekta un kin hena akikton^s waun, qa taku tokata un kin hena ekta nape yewakiya ece ; hecen oinajinta awaimnanka, Jesus Messiya on Wakantanka wankantuya wicakico kin en oqipe kin yewakiye kte cin heon etanhan.

15 Heon tona unyu^{stan}pi kin hecen awauncinpi kta, qa taku on togye wacin duzapi hecinhan, he nakun Wakantanka oniciyakapi kta.

16 Tuka tohan iyounhipi kin he en woope wanjidan eciyatanhan maunnipi, qa okonwanjidan awauncinpi kte.

17 Hunkawanjin ciyapi kin, omicipa po, qa tona hecen manipi kin hena iwanwicayaka po, waonspekiya unyaduhapi kin he iyereca.

18 Wanna ota ociciyakapi, qa nakaha ake ceya omdake, wica-*áta* ota Messiya can susbeca tawa kin tokaye cin iyecen manipi ece.

19 Hena owihanke kin he wicotakuni^{áni} ; iye tezipi kin Wakantanka yapi, wowistece kin en iwinktapi, qa taku makata un kin awacinpi ece.

20 Tuka okodakiciye unkita-wapi kin he mahpiya kin ekta un, qa hetanhan Wanikiya Jesus Messiya Itancan kin *hi kta* un-kapepi.

21 Iye untancanpi hanye cin he yutokeca kta ; qa iye tancan wakan kin ouncage kin en ica^{hi}-ye kta, towa^{áake} on taku owasin ohiye kta okihi kin heon etanhan.

WICOWOYAKE 4.

1 Heon etanhan mihunkawanji wa^{ste} cici^{dapi}, qa cantocikpamipi kin, wowiyu^{ákin} mitawa qa wate^{áake} mitawa kin, Itancan kin en sutaya najin po, wa^{ste} cici^{dapi}.

2 Yuodiyas cewakiye *ca*, Sun-^{te}ce cewakiya, Itancan kin en okonwanjidan awacinpi kta.

3 Qa mitawa^á wicake cin ceciciya ce, winohinca tona wotanin wa^{ste} kin en mici o^{hanye} cin hena owicakiya wo, qa Klement, qa mitawa^á unmapi, ca-jepi kin wiconi wowapi kin en un kin hena koya.

4 Ohinniyan Itancan kin en

WICOWOYAKE 4.

iyuſkin po ; qa ake, Iyuſkin po, epe.

5 Niwaſbapidan kin he wicaſta owasin ſdonyapi kta. Itancan kin kiyadan un.

6 Takudan iyokiſinya awacinpi ſni po, tuka taku yacinpi kin owasin on, wocekiye, wokidapi qa wopida eyapi ko on Wakantanka oyakidakapi kta.

7 Qa Wakantanka tawookiye okaſniſpica ſni kin he nicante-pi qa nitawacinpi kin Jesus Meſſiya en niyuhapi kte.

8 Unkan ehake mihunkawanji, taku wicakapi kin, taku yuonihanpi kin, taku owotanna kin, taku wakan kin, taku waſte dapica kin, taku waſte eyapi kin, wowaſte qa wowitan yuke cinhan, hena awacin po.

9 Taku tona onniſepi, qa iyacupi, qa nayahonpi, qa miye en wandakapi kin hena econ po, qa Wookiye Wakantanka kin niyepi kin en nicipi un nunwe.

10 Itancan kin en nina imduſkin, nakaha unhanketa awamayacinpi kin he piya hca aya heon. He de en ihamayaktapi, tuka token on ecamiyeconpi nuntanin ſni.

11 Taku imakakije cin he wake ſni ; taku en micibe cin hena on iyokipiya waun kta e onſpemiciya.

12 Token waſpaniya waun kte cin he sdonwakiya, qa token wijinya waun kte cin he nakun sdonwakiya ; ohinniyan qa taku owasin on, wimapi, qa wotektewahda kta, wimajica qa mawaſpanica kte cin onſpemakiyapi.

13 Meſſiya waſagmaye cin he

eciyatanhan taku owasin owakih.

14 Tuka makakije cin en omayakiyapi kin he tanyan ecanonpi.

15 Philippi wicaſta, he de sdonya po, wotanin waſte otokahe ekta, Makedonia etanhan imdamde cehan, waqupi qa icupi kin icaſtagya okodakiciye kin niye niſnana omayakiyapi.

16 Theſſalonike ekta waun qon he icunhan, taku imakakije cin on wancadan qa nonpa taku mayakaipi.

17 Taku maqupi kta wacin kin hee ſni, tuka waſkuyeca niyepi on sanpa niciyuotapi kte cin he wacin.

18 Tuka owasin mduhe ca wijica waun ; niyepi etanhan taku Epaphroditos maqu kin hena iwacu, taku waſtemna woſna waſte, qa Wakantanka iyokipi kin heca he iwamaſeca.

19 Taku inicakijapi kin owasin Wakantanka mitawa nicupi kta, iye woyuha wowitan kin en un kin hetanhan, Jesus Meſſiya eciyatanhan.

20 Wakantanka Ate unyanpi kin wowitan owihanke wanin kicihan nunwe. Amen.

21 Tona Meſſiya en owotanna un kin hena nape wicayuzo po. Hunkawanjin kiciyapi om waun kin hena nape niyuzapi.

22 Tona owotanna un kin hena owasin nape niyuzapi, Kesar tiyohnaka kin hena iyotan.

23 Jesus Meſſiya Itancan unkiyapi towaonſida kin niyepi owasin en nicipi un nunwe. Amen.

PALOS

K O L O S S E O Y A T E

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hun-kawanjin unyanpi kin kici,

2 Kolosse ekta tona owotanna un, qa hunkawanjin kiciyapi Messiya wacinyanpi kin hena, *wowapi cicagapi*. Wowaonšida wookiye ko, Wakantanka Ate unyanpi, qa Jesus Messiya Itan-can kin etanhan, niyepi kin en nicipi un nunwe.

3 Ohinnian wocekiye unkeni-ciyapi, qa on Wakantanka Jesus Messiya Itancan unkiyapi Atku-ku kin wopida unkekiciyapi.

4 Jesus Messiya wacinyayapi, qa tona owotanna un kin owasin wašte wicayadakapi kin he na-unhonpi ;

5 Woape małpiya kin ekta enicihnakapi kin on, he ehanna wotanin wašte wicoie wicakapi kin en nayałhonpi kin ;

6 He en nihipi, maka kin owan-caya iyaye cin he iyececa, qa waskuyeca aicaga, niyepi kin en nakun, anpetu kin en naya-łhonpi, qa awicakehan Wakan-tanka towaonšida iyacupi qon echantanhan.

7 Epaphras unkitawašipi wa-šte, qa niyepi on Messiya tao-kiye wicake cin he hena hecen onspeniciyapi ;

8 Qa Woniya kin en wacanya-kiyapi kin he nakun unkokiya-kapi.

9 Heon anpetu kin he naun-honpi kin echantanhan niyepi on cekiya unkayaštanpi šni, qa woksape owasin, wookałnige ko en, iye tawacin sdonyapi kin on, onijupidan kte cin he unki-dapi ece.

10 Hecen taku iyokipi kin owasin on, Itancan kin en tan-yan mayanipi kta, wicołhan wa-šte owasin en, waskuyeca icał-yayapi, qa Wakantanka sdon-yapi kin en sanpa inicagapi kta.

11 Iye towitan wowašake kin eciyatanhan, wicookihi kin owa-sin on wašagnianpi kta, wadi-wicatake cin owasin on etan-han, qa wacin tankapi, wiyuš-kinpi kici :

12 Qa Ateyapi kin wopida eyakiyapi kta, he iyoyanpa ekta tona owotanna un kin woaiłpe-ye tawapi kte cin en ounpapi kta e iyehantu unyanpi :

13 He otpaza wowašake kin etanhan unkiyušpapi, qa iye Cin-hintku wašte kidake cin toki-conze kin en ounye unkiyapi :

14 He en, iye we kin eciyatan-han, wopekitonpi unhapi, wo-łtani kajujupi kin hee :

15 Wakantanka wanyagpica šni un kin ouncage kin hee, qa taku kagapi kin owasin en toka-pa kin hee :

16 Iye eciyatanhan taku owa-sin kagapi, małpiya ekta un qa maka akan un kin hena, taku wanyakapi qa taku wanyagpica šni, oiyotanke kin, wokiconze

WICOWOYAKE 2.

kin, wicoſkanskan kin, qa wicowaſake kin; taku owasin iye on icaſhyapi kin hena iye iĉica-ga :

17 Qa taku owasin itokatam un kin he iye, qa he on taku owasin ecen han :

18 Qa iye tancan kin okodaki-ciye kin hee, qa pa kin he iye, qa otokahe kin, wiconĉe etanhan tokaheya tonpi kin hee, hecen iyē taku owasin en tokapa un kta.

19 Iye ohna taku ocowasin ounye kte cin he *Atkuku* kin iyokipi.

20 Qa iye can susbeca we kin eciyatanhan wookiye kage ĉa, heon etanhan taku owasin iye kici okiciciye wicaye kta, taku maka akan un, qa taku mahpiya ekta un kin hena, iye on.

21 Qa niſ niyepi, ehanna oya-te nitokecapi, qa nitawacinpi kin en toka kin henicapi, wico-han ſice cin on, tuka nakaha he kici wokiyeniyan nicagapi ;

22 Iye ceĉpi tancan kin en ĉe cin eciyatanhan, hecen iye itokam owotanna, qa waaſapapi ſni qa takudan iyaonpepica ſni, inajin niyanpi kta :

23 Wacinyayapi kin en naya-jinpi kinhan, sutaya yaunpi, qa ſinsa nayajinpi, qa wotanin waſte woape nayaĥonpi kin etanhan nihinhpayapi ſni kinhan; he mahpiya kin ihukuya wicaſta hiyeye cin owasin owicakiyakapi, qa he en Palos he miye ookiye makagapi :

24 Nakaha niyepi kin on etanhan makakije cin heon imduſkin, qa Meſſiya wokakije tawa, taku micheĉpi kin en yuſtanpi ſni kin hena iye tancan kin, okodakiciye kin hee, on weciyuſtan kta.

25 He en ookiye makagapi, Wakantanka wokonze kin eci-

yatanhan, he niyepi on maqupi, Wakantanka oie kin mduecetu kte cin heon.

26 Taku oyakapi ſni kin, wicoicage qa wicoun ota kin ehan-tanhan anaĥmanpi kin, he nakaha tona owotanna iye tawa wicaye cin hena owicakiyaka.

27 Ikcewicaſta kin ekta taku otanin ſni kin de wowitan woyuha kin tinskokeca kin, he Wakantanka hena sdonye wicakiye kta, he niyepi kin en Meſſiya wowitan woape kin hee.

28 He unkiye unyaotaninpi, wicaſta kin owasin wahokonwic-unkiyapi qa wicaſta owasin on-spewicunkiyapi ece, woksape owasin on; hecen Jesus Meſſiya en wicaſta otoiyoĥi owotan-na inajin wicunkiyapi kta.

29 Heon miſ eya ĥitawani, iye oĥan kin miye en waſagya oĥanye cin he eciyatanhan inawaĥni.

WICOWOYAKE 2.

1 Niyepi kin on, qa Laodikia ekta un kin hena, qa tona wicaceĉpi on miite kin wanmayakapi ſni kin on token ĥitawani kin he sdonyayapi kta wacin :

2 Hecen iye cantepi kin kican-ptapi kta, qa wacantkiyapi kin on kicicazontapi, qa wosdonye tanyan okaĥnigapi kta wowijice kin owasin on, qa Wakantanka towiyukcan sdonyapi kte cin on, Ateyapi qa Meſſiya tawa kin hee.

3 Iye en woksape, qa wookaĥnige woyuha kin owasin naĥmanpi.

4 Tuwedan wicoie skuya kin on nihnayanpi kte ſni heon hena hepa.

5 Wicaceĉpi on, ekta waun ſni eſta, woksape kin on cicipi waun, imduſkin, nioĥanpi owo-

tanna kin, qa Messiya sutaya wacinyayapi kin he wanyag waun.

6 Token Jesus Messiya Itancan kin iyacupi qon he iyecen ohna mani po.

7 Iye en sutaya hu nihdepi, qa en tinicagapi, qa wowacinye kin tinsa ayahanpi kta, onspenicinya-pi qon he iyececa, qa en wopida eyapi kin sanpa ota ecanonpi kta.

8 Ihnuhan wicoksape eyapi kin on, qa ikce wohnye kin on tuwe nihnyanpi kinhan, wicašta hitunkakanpi oyakapi kin on, qa wicoicage en woonspe tokaheya eciyatanhan, qa Messiya eciyatanhan šni :

9 Iye kin ohna tancanyan Taku Wakan kin ocowasin ounyan.

10 Qa iye en niš niyepi kin yuacetu yaunpi, qa he wokiconze wowašake ko owasin Itancan kin hee.

11 Qa he en banicihdayapi, bakihdayapi nape codan econpi kin he on, Messiya bakihdayapi tawa kin eciyatanhan, wicacehpi woahani tancan kin ehpekiyapi kte cin heon.

12 Baptem on iye kici nihnakapi, qa nakun kici ekicetu niyanpi, Wakantanka wicaše cin etanhan najin kiye cin he wowašake kin wicayadapi kin heon etanhan.

13 Qa niyepi ehanna wayahitanipi, qa nicehpi banicihdayapi šni kin en nišapi qon, wanna wayahitanipi kin owasin nicicajujupi qa niniyanpi.

14 Qa wicoope kin taku nape on owapi qon, unkiyušepi qa kašeunyanpi kin he pajuju, qa can susbeca tawa kin en okatan, qa hecen yutokan iyeya.

15 Qa wokiconze, wicowašake

ko yutakuni šni iyeye cehan, taninyan wicakipazo, qa iye linca on iwakte hdi.

16 Heon etanhan, woyute, qa woyatke, qa omniciye wakan, qa wi teca, qa anpetu okihpapi kin hena on ihnuhan tuwe niyacopi kin :

17 Hena e taku u kte cigon ohanzi kin hee, tuka tancan kin he Messiya etanhan.

18 Tuwe walipaničiye ça, mahpiya ohnihde kin ohowicada kin ihnuhan he nihnyanpi kin; he taku wanyake šni kin en yečiye ça, iye cełpi tawacin kin on ecinšniyan ihdatan ;

19 Qa Pa kin he yuze šni; he on tancan kin ocowasin okihe en iyakaškapi kin on woyute oiyahdeyapi, qa icyakakaškapi, qa hecen Wakantanka oicage kin on icaga ece.

20 Heon etanhan, wicoicage kiu en woonspe tokaheya kin ekta Messiya kici nišapi hecinhan, tokeca e wicoicage kin en yanipi kin iyecen wicoope kin oyapapi he :

21 Oyutanpi šni, utapi šni, qa nape on yuzapi šni po, eyapi ece :

22 Hena owasin unpi kin on yasotapi ece; wicašta akantu wicoope qa woonspe kin eciyatanhan.

23 Wicołhan kin he wicotawacin ohodapi kin en taku woksa-pe iyecen yuhe ça, wicowalibadan, qa wicatančan itonkipapi šni kin hena en; taka wicacehpi iyokipiyapi kin he woyuonihan šni ece.

WICOWOYAKE 3.

1 Heon etanhan, Messiya kici piya inicagapi hecinhan, taku wankantuya Wakantanka etapapa kin eciyatanhan, Messiya

WICOWOYAKE 3.

kiyotanke cin hen, un kin hena akita po.

3 Taku wankan un kin hena awacin po, qa taku makata un kin hena *awacinpi* s̄ni po.

3 Niṭapi, qa nitowiconi kin he Messiya kici, Wakantanka en nahmanpi.

4 Tohan Messiya wiconi unkitawapi kin taninyan hiyu kinhan, hehan wowitan en, kici niyuotaninpi kta.

5 Heon etanhan, nihuhapi makata un kin hena kikte po: wiinahmanpi, waasapapi, wawihnupi, tawacin sicapi, waicucupikte cin, he wakagapi ohodapi kin hee.

6 Hena on etanhan Wakantanka tocanniye kin woakta s̄ni cincapi kin en awicau ece.

7 Ehanna hena ehna yanipi qehan, opeya mayanipi.

8 Tuka nakaha hena owasin ayuṣtan po; wocanniye, woṣihda, wocantiyahdepi, waakagapi, qa iapi s̄ice cin niipi kin etanhan.

9 Ihnuhan oiyecitonpi s̄ni kin; wicaṣta tannike cin iye wicoḥan ko yahduṣdokapi;

10 Qa wicaṣta teca kin he wosdonye kin on yutecapi, waicaliya ouncage kin eciyatanhan, he kodakapi.

11 He en, Helenes, qa Juda wicaṣta wanica; bakiḥdayapi qa bakiḥdayapi s̄ni kin wanica; Ikcewicaṣta qa Skuthes wicaṣta kin wanica; wowidake un kin heca qa tawaiṣiyapi kin wanica, tuka Messiya he ocowasin, qa owasin en un.

12 Heon etanhan, owotanna yaunpi qa waṣtenidakapi kin, Wakantanka wicakahnige cin iyecen, wocantekiye koyaka po, qa wowaonṣida, waḥaniṣidapi s̄ni, wicowaḥbadan, qa wacin-tankapi kin hena ko.

13 Otoiyohi iyowinyeciciyapi, qa otoiyohi yeeicajujupi kta, tuwe wicaṣta tokeca on taku ṣihda kinhan, Messiya kin nicicajujupi kin he iyecen niṣ econ po.

14 Qa taku owasin akantanhan wocantekiye kieun po, he wicoo-wotanna iyakaṣke cin ee.

15 Qa Wakantanka tawookiye kin nicantepi kin en waniconzapi nunwe, he en wicatančan wanjidan en nicopi kin pida un po.

16 Messiya oie kin wijinya en niunpi nunwe; woksape owasin on, Psalm, qa odowan, qa wakan dowanpi kin en, otoiyohi wahokonyeciciyapi, qa onspeyciciyapi kta, qa nicantepi kin en wowaonṣida yuba Itančan kin iyadowanpi kta.

17 Qa taku ecanonpi kinhan, wicoie qa wicoḥan kin unma tukte kaṣta, Jesus Itančan kin caje on owasin econ po, qa on Wakantanka Ateyapi kin wopida eciya po.

18 Qa winohinca kin, nihihnapi kin wicihukuya un po, Itančan kin en hecetu kin he iye-eeca.

19 Wicaṣta kin, nitawinpi kin waṣte wicakida po, qa wicakigepi s̄ni po.

20 S̄iceca kin, nihunkakepi kin taku owasin anawicakigoptan po, he Itančan kin iyokipi.

21 Qa ateyapi kin, nicincapi kin ṣihdawicayapi s̄ni po, okinni wacin iboṣakapi kta.

22 Wowidake yaunpi kin, tona wicaceḥpi eciyatanhan niyuhapi kin anawicakigoptan po; wicaṣta iyokipiwicayapi kin iyecen, iṣtapi kin itokam wawokiyapi kin hee s̄ni, tuka nicantepi ocowasin on Wakantanka kokipa po.

23 Qa taku ecanonpi kin owasin nicantepi kin eciyatanhan econ

po, Itancan kin on etanhan, qa wicašta kin on etanhan šni.

24 Itancan kin etanhan woaihpēye iyunwin kin iyacupi kta he sdonyayapi; Messiya Itancan kin wowidake niyanpi nakaes.

25 Tuka tuwe šicaya econ kinhan, he eciyatanhan icu kta, qa wicašta itohnake iwanyakapi kin wanica.

WICOWOYAKE 4.

1 Unkan, itancan yaunpi kin, tona wowidake wicaduhapi kin hena, taku owotanna qa iyecetu kin wicaqu po; mašpiya ekta wanji Itancan yayapi yanke cin he sdonyayapi.

2 Ohinniyān cekiya un po, qa he en wopida eya wakta po.

3 Qa unkiye on wocekiye unkeyeciyapi kta, Wakantanka iapi tiyopa wan unkiyuhdokapi kta, Messiya tawowiyukan kin un-koyakapi kta, on makaškapi kin hee :

4 Hecen on, taku token epe kte cin ecen mdaotanin kta.

5 Tona tankan unpi kin hena on ksamyahan mani po, qa anpetu kin opekiton po.

6 Ohinniyān iyaapi kin wowaonsida en un, qa miniskuya on skuyeyapi kta, hecen wicašta otoiyo hi token awicaduptapi kte cin sdonyayapi kta.

7 Tucikos hunkawanjin kiciyapi waštedakapi, qa waawanhdake owotanna, mici Itancan taokiye kin hee token waun kin owasin oniciyakapi kta.

8 Heon etanhan niyepi kin ekta ye waši, token yaunpi kin he sdonye ča, nicantepi kin iyuškin niyanpi kta ;

9 Qa he kici Onesimos ye waši, he hunkawanjin kiciyapi owo-

tanna, qa wašte enitanhanpi kin. Heniyoza taku owasin den un kin oniciyakapi kta.

10 Aristarkos kici makaškapi kin he nape niyuzapi, qa Markos Barnabas tonškaku nakun. He iwahoniyānpi, niyepi ekta niipi kinhan ti mahen u ši po :

11 Qa Jesus, he nakun Justus eciyapi kin; hena e bakiħdayapi kin etanhanpi. Henana Wakantanka tokiconze kin en tawaši wicawaye ča, hena iyuškin mayanpi.

12 Epaphras enitanhanpi kin, Messiya taokiye kin hee nape niyuzapi; he ohinniyān wocekiye en, niyepi on nina cekiya, Wakantanka tawacin kin owasin en, owotanna, qa ecedan naya-jinpi kte cin heon.

13 Qa he omdaka, niyepi on, tona Laodikia ekta un, qa tona Hierapolis ekta un kin, hena koya on nina htaniiciya.

14 Lukas, pejihuta wicašta wašte kin, Demas kici, nape niyuzapi.

15 Hunkanwanjin kiciyapi Laodikia ekta unpi kin hena nape wicayuzā po, qa Numphas, qa iye ti kin ohna okodakiciye kin he nakun.

16 Wowapi kin de niyepi ekta yawapi kinhan, okodakiciye Laodikia ekta un kin hena nakun yawa wicakiya po, qa niš niyepi kin wowapi Laodikia etanhan kin he nakun yawa po.

17 Qa Arcippos kaken eciya po, Nitoħtani Itancan kin etanhan iyacu qon he awakicin wo, yahduštan kta ce.

18 Palos he miye, nape kiciyuzapi kin de minape kin on wakaga. Makaškapi kin kiksuya po. Wowaonsida niyepi en nicipi un nunwe. Amen.

PALOS

THESSALONIKE OYATE

WOWAPI WICAKICAGE CIN;

TOKAHEYA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye kin, Wakantanka Ateyapi kin en, qa Jesus Messiya Itancan kin en un kin, *wowapi wicakicagapi*: Wowaosída, wookiye ko, Wakantanka Ateunyanpi etanhan, qa Jesus Messiya Itancan kin nakun, niyepi en nicipi un nunwe.

2 Niyepi owasin on Wakantanka ohinniyen wopida unkekiciyapi, qa wocekiye unkeyapi kin en caje unniyatapi ece.

3 Qa wowacinye wicohan nitawapi kin, qa wacantkiyapi en htayanipi kin, qa Wakantanka Ateunyanpi kin itokam, Jesus Messiya Itancan unkiyapi kin en ape dukanpi kin hena ohinniyen unkiysuyapi.

4 Mihunkawanji wašte, Wakantanka nicañnigapi kin he sdonunyanpi.

5 Wotanin wašte unkitawapi en niipi kin he wicoie ecedan en un sni, tuka wowaśake nakun en, qa Woniya Wakan, qa tanyan sdonyapi kin en; niyepi ehna, qa niyepi on etanhan wicaśta tounkecapi kin sdonyayapi.

6 Wicokakije ota ehna, qa Woniya Wakan wowiyuśkin kin yuha wicoie kin iyacupi, hecen Itancan kin oyapapi, qa nakun unkiyepi.

7 Hecen Makedonia qa Akeya en, tona wacinyanpi kin owasin waonspekiye niyuhapi:

8 Qa niyepi kin etanhan Itancan oie kin oyakapi, Makedonia qa Akeya ekta, qa hecedan sni, tuka owancaya Wakantanka wacinyayapi kin he ieyanpahapi, qa hecen taku unkeyapi kta e iychantu sni.

9 Hena e qe niye nicapi, qa niyepi ekta tukten canku kin ohna unkiyohpayapi kin he oyakapi, qa token wakagapi kin etanhan Wakantanka ekta nihduhomnipi, Wakantanka ni un qa wicake cin ohoyadapi kte cin heon:

10 Qa iye Cinhintku kin mahpiya eciyatanhan u ayapepi kta, he wiconte etanhan najin kiya, Jesus wocanniye u kte cin etanhan eunhdakupi kin hee.

WICOWOYAKE 2.

1 Mihunkawanji, niyepi ekta token unkipi kin niye e sdonyayapi, ituya unkipi sni.

2 Tuka Philippi ekta kakisunyanpi, qa unkiñahapike cin niye sdonyayapi; qa he iyohakam Wakantanka unkitawapi kin on wadiuntakapi, qa waakinicapi ota ehna wotanin wašte kin unkoniciyakapi.

3 Qa wowahokonkiye unkitawapi kin he wohñuni, qa wośa-

I. THESSALONIKE.

pe eciyatanhan *śni*, qa wohnyae en un *śni* ;

4 Tuka token wotanin wašte kin unhapi kta e Wakantanka iyokipi kin he iyecen unkiapi ece ; wicašta iyokipiwicayapi kin iyecece *śni*, tuka Wakantanka cante unkiyucanpi kin he.

5 Tobinni iskuya wicoie kin unkeyapi *śni* e niye sdonayapi, qa waicucupikte cin *śni* unkinpi *śni* e Wakantanka sdonya.

6 Qa wicašta kin etanhan wowan unakitapi *śni*, niyepi, qa wicašta tokeca nakun etanhan *śni*, Messiya yewicaši kin iyecen waeconwicunkiyapi kta iyececa tuka.

7 Tuka niyepi cokaya walbadan unkanpi, azinkiya wan cinca icaliwicakiye cin he iyecen.

8 Hecen nina cante en unniyuzapi, qa wašteunnidakapi kin heon Wakantanka tawootanin wašte kin hee, qa unnagipi kin hena ko unničupi kta tawaženunyanpi tuka.

9 Mihunkawanji, unkoňanyanpi qa ģtaunnipi kin yeksuyapi, hanyetu anpetu ko ģtaunnipi, wotanin wašte Wakantanka tawa unkoniciyakapi kin he icunhan, tuwedan tkeya waqinunniciyapi kte *śni* uncinpi kin heon etanhan.

10 Niye sdonayapi, qa Wakantanka nakun, tona wicayadapi kin en, wakanyan, owotanna, qa iyaonpepica *śni* unyakonpi.

11 Qa wicašta cinca wahokonkiye cin he iyecen, niyepi otioyohi wahokonunniciyapi, qa token unnicihnapi qa econ unnišiipi kin he sdonayapi ;

12 Wakantanka iye tokiconze, qa towitan kin en nicopi kin, he iyokipiya mayanipi kte cin heon.

13 Qa heon ohinniyan Wakantanka wopida unkekiciyapi ;

Wakantanka oie kin unkiyepi etanhan nayahonpi, qa iyacupi qehan, wicašta oie kin iyecen iyacupi *śni*, tuka awicakehan Wakantanka oie kin hee, niye tona wicayadapi kin en ohanyan ece kin iyececa.

14 Mihunkawanji, niš niyepi kin Wakantanka taokodakiciye, Juda makoce kin ekta, Jesus Messiya en un kin hena owicayecipapi ; niš niye takuwicayayapi kin eciyatanhan kakišniyanpi kin, iš iye Juda oyate kin eciyatanhan kakišwicayapi qon iyececa :

15 Hena e qe Jesus Itancan kin ktepi, qa wicašta wokcan wicayuhapi qon hena nakun, qa unkiye šicaya unkuwapi, Wakantanka iyokipiyapi *śni*, qa wicašta owasin kašewicayapi :

16 Qa Ikcewicasta nipi kte cin iwahokonwicunkiyapi kta he tehindapi, qa hecen ohinniyan wahtanipi kin hduštanpi kta. Wocantayahde owihonke aiyahdeya wanna en awicau.

17 Tuka mihunkawanji, unkiš niyepi kin etanhan pcededan eunyakupi, itohnake kin on, cante kin he wake *śni*, heon itohnake wanunniyakapi kta nina cantokpaniyan unakitapi.

18 Heon etanhan ekta unnikupi kta uncinpi, Palos miye ģinca, wancadan qa nonpa, tuka Satan iyounkipi *śni*.

19 Woape, qa wowiyuškin, qa wowinkta watešdake unkitawapi kin he taku he ; he niš niyepi *śni* he ; Jesus Messiya Itancan unkiyapi hi kinhan he itokam.

20 Wowitan qa wowiyuškin unkitawapi kin he niyepi.

WICOWOYAKE 3.

1 Heon etanhan sanpa ģinsiciya unkokihipi *śni* qehan, A-

WICOWOYAKE 4.

thenas ekta unkiánana unyakonpi kta e iyounkipipi :

2 Qa Timotheos hunkawanjin unyanpi, Wakantanka taokiye, qa Messiya tawootanin wáste kin en unkitawašípi kin hee, ye unšípi, sutaya icañniyanpi, qa wacinyayapi kin eciyatanhan wahokonniciyapi kte cin heon.

3 Qa hecen wicokakije kin dena on tuwedan pahohopi kte šni, hena ehna eunhdepi kin niye sdonyayapi.

4 Unkan niyepi kin opeya unyakonpi qehan, wokakije unhapí kta unkoniciyakapi, qa he ecetu kin sdonyayapi.

5 Heon etanhan tinsmiçiye kta owakitpami, hehan token wacinyayapi kin sdonwaye kta e on he ekta ye wasi, okinni taku wawiyutanyan un kin iniyutanpi naceca, qa hecen htaunnipi kin taku šni ye kta.

6 Tuka nakaha Timotheos niyepi kin etanhan en unhdipi, qa wacinyayapi wacanyakiyapi ko on wotanin wáste unkahipi, qa nakun obinniyán wáste unyadakapi kin heon wanunyadakapi kte hınca, unkiš *wanunniyakapi* kte cin iyececa ;

7 Heon etanhan, mihunkawanji, wokakije wicocante šica ko unhapí kin owasin ehna niyepi on unkičicanptapi, wacinyayapi kin heon.

8 Nakaha unnipi, niš niyepi kin Itancan en sutaya yaunpi kinhan.

9 Unkan niyepi kin on, Wakantanka unkitawapi kin itokam, wowiyuškin owasin on unkiyuškinpi kin he on, ake niyepi on, taku wopida Wakantanka eciya unkokihipi kta he ;

10 Hanyetu anpetu ko nina ceunkiyapi, nitohnake kin wanunniyakapi kta, qa wacinyayapi

kin en taku nahahin ocowasin šni un kin he tanyan unniciyustanpi kta.

11 Wakantanka is iye, Ateunyanpi kin, qa Jesus Messiya Itancan unkiyapi kin, niyepi ekta canku kin *ohna* tanyan ye unyanpi nunwe.

12 Qa otoiyoobi wásteyecidakapi, qa owasin wástewicayadakapi kin he en, Itancan kin icañniyanpi, qa niciyuotapi nunwe, unkiš wásteunnicidakapi kin he iyececa.

13 Qa heon wowakan en niçantepi kin iyaonpepica šni niciyusutapi kta, Wakantanka Ateunyanpi kin itokam, tohan Jesus Messiya Itancan unkiyapi kin tona wicayuwakan kin owasin om hi kinhan.

WICOWOYAKE 4.

1 Unkan mihunkawanji, Jesus Itancan kin on etanhan cinunniciyapi qa ceunniciyapi, token mayanipi, qa Wakantanka iyokipiyayapi kte cin, unkiyepi etanhan iyacupi qon he iyecen sanpa iyoniptapi kte.

2 Jesus Itancan kin etanhan woahope kin tona unniçupi kin sdonyayapi.

3 Wakantanka niyuecepidan kin he tawacin kin he dee, wiinañmanpi kin en nihdoyapi kte šni ;

4 Tuka otoiyoobi nitancanpi kin yuecepidan, qa yuonihanpi kin en, yahduhapi kte cin sdonyakiyapi kta.

5 Qa wicotawacin šica cantiheyapi kin he en unpi kte šni ; Ikcewicasta Wakantanka sdonyapi šni kin hena iyececapí.

6 Taku en tuwedan hunkawanjítku kin kape ça hnaye kte šni ; tona heconpi kin owasin

I. THESSALONIKE.

Itancan kin tokiçon ece, unkoniciyakapi qa unniciyaotaninpi qon iyececa.

7 Waasapapi kin ekta Wakantanka unkiçopi şni, tuka unyucepidan kte cin heon.

8 Hecen tuwe waaktaşni kinhan, he wicaşta paha iyewicaye şni, tuka Wakantanka iye Taniya Wakan unqupi kin hee aktaşni.

9 Hunkawanjinkiciyapi waştekidakapi kin on wowapi cicagapi kta iyecece şni. Otoyohi waşte yecidakapi kta he niş niye Wakantanka etanhan onnispepi.

10 Qa Makedonia owancaya hunkawanjinkiciyapi kin owasin hecawicayeconpi ece. Tuka mihunkawanji, ceunniciyapi ce, nakun sanpa nina ecanonpi kte.

11 Ito owanji dukanpi kta, qa taku tin nicihe cin he yahduştanpi, qa niye ninapepi kin on htayanipi kta e aiciciya po, econ unnişipi qon iyecen ;

12 Hecen tona tankan unpi kin hena itokam owotanna mayanipi kta, qa takudan icakije şni yaunpi kta.

13 Tuka mihunkawanji, tona iştinmapi kin hena on sdonye şni dukanpi kta, qa iyonicişicapi kta, wicaşta tokeca wowacinye nicapi kin iyececa, e he waçin şni.

14 Jesus te ça ake piya ikicage cin he wicaundapi kinhan, he iyecen tona Jesus en iştinmapi kin hena iye kici Wakantanka uwicakiye kta.

15 Unkan Itancan oie kin eciyatanhan he de unkoniciyakapi, unkiye tona unnipi, qa Itancan hi kte cin iyounhipi kinhan, tona iştinmapi kin hena wicito kam unyanpi kte şni.

16 Iyaşapi wan qa maşpiya

ohnihde itancan wan ho kin, qa Wakantanka maza yahotonpi tanka tawa ko Itancan kin hduha, maşpiya kin eciyatanban kun u kta ; unkan tona Messiya en şapi qon hena tokaheya najinpi kta.

17 Hehan unkiye tona unnipi, qa he iyounhipi kinhan, hena om maşpiya şapa ekta eunhdakupi kta, okotonyan kin ehna Itancan kin itkounkipapi kta ; qa hecen ohinniyen Itancan kin kici unyakonpi kta.

18 Wicoie kin hena on otoyohi wahokonciciya po.

WICOWOYAKE 5.

1 Mihunkawanji, omaka qa makoncage kin on wowapi cicagapi kta yacinpi şni ;

2 Hanyetu en wamanon sa kin he iyecen Itancan taanpetu kin u, niş niyepi kin tanyan sdonyayapi.

3 Tohan, Wokiyapi qa tanyan yukanpi ce, eyapi kinhan, behan ihnuhanna wicotakuni şni en awicau kta, winohinca cinca ton kte cin yazan binhde cin he iyececa, qa najicapi kte şni.

4 Tuka mihunkawanji, niş niyepi kin otpaza ehna yaunpi şni, qa hecen anpetu kin he wamanon sa iyecen en nihipi kte şni.

5 Niyepi owasin, iyoyanpa cinca kin henicapi qa anpetu cinca pi kin. Unkiyepi hanyetu otpaza kici unketanhanpi şni.

6 Heon etanhan wicaşta tokeca iyecen unkiştinmapi kte şni ; tuka kiktahan witko şni unyakonpi kta.

7 Tona iştinmapi kinhan, hena hanyetu icunhan iştinmapi ; qa tona witkopi kinhan, hena hanyetu en witko unpi ece.

WICOWOYAKE 5.

8 Tuka unkiye anpetu kin unketanhanpi, qa heon witko śni unyakonpi kta, wowacinye wacantkiyapi ko maku akañpe kin unkićunpi kta, qa wiconi apepi kin he maza wapaha unyanpi kta.

9 Wakantanka wocanteptanye en cunhdepi śni, tuka Jesus Messiya Itancan unkiyapi kin eciyatanhan wiconi unkićupi kte cin.

10 He iye, unkiyepi on ƚa, hecen kiktahan unyakonpi, qa iś unkiśtinmapi, unma tukte kaśta, kici unnipi kta.

11 Heon etanhan otoiyo hi wa-
hokonkiciciyapi, qa onspekicici-
ya po, ecanonpi kin hececa.

12 Hunkawanjin unniyanpi kin, ceunniciyapi ce; tona niyepi en ĩtanipi, qa Itancan kin on awan-
niyakapi, qa wahokonniciyapi
kin hena sdonwicaya po.

13 Qa wicoħan yuhapi kin on etanhan, wacantkiyapi on sutaya cante en wicayuzo po. Okiciciya yakon po.

14 Hunkawanjin unniyanpi kin, ceunniciyapi - ce; tona yuśki-
śkeya unpi kin hena iyopewica-
ya po, tona wacin cistinna kin
hena wicakihna po, tona waśa-
ke śni un kin hena owicakiya
po, qa wicaśta owasin on wacin
tanka po.

15 Ihnuhan tuwe taku śica on itkom taku śica econ kinhan,

tuka ohinniyan niś niyepi kin otoiyo hi on, qa wicaśta owasin on taku waśte ecedan akita po.

16 Ohinniyan wiyuśkin po.

17 Ayasťan śni cekiya po.

18 Taku owasin on wopida eya po. He niyepi on Jesus Messiya en Wakantankę tawacin kin hee.

19 Woniya kin kasnipi śni po.

20 Wiyukcanpi kin iħaħapi śni po.

21 Taku owasin iyukcanpi, qa taku waśte kin he ĩnsa yuha po.

22 Taku śica ocaje owasin nakicipa po.

23 Qa wookiye Wakantanka kin niyepi ocowasin niyuecepidan nunwe; hecen ninagipi kin ocowasin, qa nitawacinpi, qa nitancanpi kin iyaonpepica śni niyuhapi kta, Jesus Messiya Itancan unkiyapi kin hi kte cin hehanyau.

24 Tuwe nicopi kin he wacin-
yepica, qa ecen econ kta.

25 Mihunkawanji, unkiyepi kin on cekiya po.

26 liputakapi wakan kin on hunkawanjin kiciyapi kin owasin i iwicaputaka po.

27 Itancan kin on hecon ciśipi, hunkawanjin kiciyapi wakan kin owasin ekta wowapi kin de yawapi kta.

28 Jesus Messiya Itancan unkiyapi kin towaonsida kin nicipi un nunwe. Amen.

PALOS

THESSALONIKE OYATE

WOWAPI WICAKICAGE CIN,

INONPA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye Wakantanka Ateunyanpi, qa Jesus Messiya Itancan kin en un kin hena, *wowapi wicakicagapi*;

2 Wowaońsida, wookiye ko Wakantanka Ateunyanpi kin, qa Jesus Messiya Itancan kin etanhan nicipi un nunwe.

3 Mihunkawanji, wacinyayapi kin he nina icage a, wacanyakiyapi kin otoiyohi en nina niciyuotapi kin, heon ohinniyan niyepi on, Wakantanka wopida unkekiciyapi kte cin he hecetu.

4 Hecen niyepi on, unkiye Wakantanka okodakiciye tawa kin en unkiwinktapi ece; icaya nicuwapi kin owasin, qa wokakije duhapi kin en, wacinyan wakisagya yaunpi kin heon.

5 Wakantanka tawoyaco owotanna wowapetokeca kin he dee, nicakijapi kin heon Wakantanka tokiconze kin iyehantu niyawapi kta.

6 Tona kakisniyanpi kin hena itkom Wakantanka wokakije wicaqu kte cin he owotanna.

7 Qa tona kakisya yaunpi kin, ni niyepi kin oziiiya unkici yaunpi kta; tohan Jesus Itancan kin towaake ohnihde wicaye cin om mapiya kin eciyatanhan ihdutaninyan u kinhan,

8 Peta ide kin en, tona Wakan-tankana sonyapi ni, qa Jesus Messiya Itancan unkiyapi tawotanin wate anagoptanpi ni kin hena woitkihda wicaqu kta;

9 Hena e Itancan itobnake kin etanhan, wicotakuni ni owihanke wanica on kakiswicayapi kta.

10 Tohan oyate owotanna tawa kin en ihduwitan kta, qa tona iye wacinyanpi kin hena owasin on yatanpi kta e on hi kinhan; anpetu kin he en taku unniciyataninpi qon he wicayadapi kin heon.

11 Qa heon etanhan ohinniyan niyepi on ceunkiyapi, Wakan-tankana wicakico kin de iyehantu niyawapi kta, qa niyepi en iye towate oiyoiki kin ocowasin, qa wowaake on wacinyanpi wicohan kin he nakun hdutan kta.

12 Hecen Jesus Messiya Itancan unkiyapi caje kin niyepi on yuonihanpi kta, qa iye on, ni eya niyuonihanpi kta, Wakan-tankana unkitawapi, qa Jesus Messiya Itancan towasida kin eciyatanhan.

WICOWOYAKE 2.

1 Mihunkawanji, Jesus Messiya Itancan unkiyapi u kte cin he, qa en mniunkiciyapi kte cin hena on ceunniciyapi ce;

WICOWOYAKE 3.

2 Ihnuhan wicanagi qa wicoie qa wowapi unnicagapi kin on ihnuhana nitawacinpi ekta nihuhuzapi qa ininihanpi kin, Messiya taanpetu kin kiyadan u kin hececa.

3 Ihnuhan tuwe taku on nihnayanpi kin; woayustan wan tokaheya u kta, qa woahntani wicasta kin wicotakuni sni cinhintku kin hee e yutaninpi kta.

4 He iye taku Wakan eyapi kin, taku ohodapi ko owasin iwankam yeiciye ca kici kiciza, hecen iye tipi wakan Wakantanka tawa kin en, Wakantanka iyecen iyotanke ca Wakantanka keiciya oihdaka.

5 Cicipi waun qehan hena ocicyakapi qon he yeksuyapi sni he.

6 Unkan nakaha taku iyowicaki sni ece kin he sdonyayapi; hecen tohantu kinhan taninyan hiyu kta.

7 Woope aktaeni wowiyukkan kin he wanna ohanyan ece, tuka tuwe he iyoki sni kin he, tohanyan tokan iyeyapi sni kin, hehanyan iyowicaki kte sni.

8 Unkan hehan woope aktaeni kin he tanin kta, Jesus Itancan kin Taniya, iye i kin etanhan hiyu kin on, qa ihdutanin wiya-tpa kin on, he ihangye kta.

9 Tuwe Satan ohan kin eciyatanhan wicookihi owasin, qa wowapetokeca, qa wowinihan wicohan itonsni kin yuha u,

10 Qa tona awibnuni kin hena en woahntani wohneye owasin koya; hena wowicake waste dakapi kin on nipi kte cin he aktapi sni, heon etanhan.

11 Qa heon etanhan hena en Wakantanka wohneye wawokihi kin awicau kta, hecen woi-toneni kin wicadapi kta.

12 Qa hecen tona wowicake

wicadapi sni, qa woahntani en iyuuskinpi kin hena owasin wicayacopi kta.

13 Tuka mihunkawanji, Itancan waftenidakapi kin, niyepi on unkiye ohinniyan Wakantanka wopida unkekiciyapi kta, otokaheya tanhan Woniya wicayuecedan, qa wowicake wicadapi kin on, Wakantanka yanipi kta e on nicahnigapi kin heon etanhan.

14 Qa he en nicopi, wotanin waste unkitawapi kin on, hecen Jesus Messiya Itancan unkiyapi towitan kin iyacupi kta.

15 Heon etanhan, hunkawanjinciyapi kin, sutaya najin po, qa woope oyakapi wicoie, qa wowapi unkitawapi kin eciyatanhan onspeniciyapi kin hena tinsaya yuha po.

16 Qa Jesus Messiya Itancan unkiyapi kin hee, qa Wakantanka Ateunyanpi kin iye waste undakapi, qa wicimdeza owihanke wanice cin wowaonsida eciyatanhan woape waste ko unqupi kin,

17 He nicantepi kin mdesniyanpi, qa wicoie, wicohan ko waste kin owasin en niyusutapi nunwe.

WICOWOYAKE 3.

1 Unkan ehake mihunkawanji, unkiyepi on cekiya po, Itancan oie kin inyanke ca, wowitan kta, niyepi kin ehna iyececa.

2 Qa wicasta sice ca wicasta-pi sni kin etanhan eunhdakupi kta; owasin wowacinye yuhapi sni kin heon.

3 Tuka Itancan kin he wacinyepica, he niyusutapi, qa taku sica etanhan enihdakupi kta.

4 Itancan kin en niyepi on kaken awauncinpi, token econ un-

I. TIMOTHEOS.

nišipi qon ecen ecanonpi, qa ees nakun ecanonpi kta.

5 Qa Itancan kin nicantepi kin Wakantanka waštedakapi, qa Messiya wacintanka kin he en ope niyanpi nunwe.

6 Unkan mihunkawanji, Jesus Messiya Itancan unkiyapi caje kin on ceunniciyapi ce, hunkawanjin kiciyapi wan ecinšniyan mani, qa wicoope unnicupi qon eciyatanhan šni kinhan, he nacicipa po.

7 Token unkoyecipapi kte cin niye sdonyayapi; niyepi en oškiškeya maunnipi šni.

8 Qa tuwedan aguyapi tawa iyunwin codan untapi šni, tuka wicohtani, wicokakije ko ehna, hanyetu, anpetu ko htaunnipi, tuwedan takudan unkiniczopi kte šni heon.

9 Unkokihihi šni kin heon etanhan šni; tuka unkiye waonspekiya yuheunniciyapi, qa unko-yapapi kte cin heon.

10 Nicipi unyakonpi qehan, he de unkoniciyakapi, Tuwe htanipi tawatenyē šni kinhan, he takudan yute kte šni ce.

11 Enitanhanpi wanjikji ecinšniyan manipi, qa ecaca htanipi

šni, tuka waaie sa hecapi kin he naunhonpi.

12 Tona hececapi kin hena Jesus Messiya Itancan unkiyapi kin etanhan wabokonwicunkiyapi, qa econ wicunšipi, aini-na htanipi, qa aguyapi tawapi kin ecedan hduťapi kta.

13 Unkan mihunkawanji, niš niyepi kin taku wašte econpi kin econ kapinpi šni po.

14 Qa tuwe wowapi kin de en, unkoiepi kin anaungoptanpi šni kinhan, he iwanyakapi, qa kici okiciciyapi šni po, hecen ištece kta.

15 Tokayapi šni po, tuka hunkawanjinkiciyapi kin iyecen wahokonkiya po.

16 Qa ohinniyan, taku owasin on etanhan wookiye Itancan kin wookiye nicupi nunwe. Itancan kin niyepi owasin en nicipi un nunwe.

17 Palos he miye, napekiciyuzapi kin de minape on owawa, he wowapi otoiyo hi en wowapetokeca kin hee, hecen wakaga ece.

18 Jesus Messiya Itancan unkiyapi kin towaonsida kin niyepi owasin en nicipi un nunwe.

PALOS

TIMOTHEOS WOWAPI KICAGA;

TOKAHEYA KIN.

WICOWOYAKE 1.

1 Palos Jesus Messiya yeši qon, Wakantanka Wanikiya unkita-wapi, qa Jesus Messiya Itancan wacinunyanpi kin he toope kin eciyatanhan,

2 Timotheos, wacinyanpi kin eciyatanhan micinkši kin hee, wowaste, wowaonsida, wookiye ko, Wakantanka Ateunyanpi, qa Jesus Messiya Itancan unkiyapi kin hena etanhan kiciun nunwe.

WICOWOYAKE 2.

3 Makedonia ekta mde çehan, Ephesos en owanji yanke cişi, wanjikji woonspe tokeca oyakapi kte şni e iwahokonwicayakiye kte cin heon;

4 Qa hitunkakanpi, wicoicage owihanke şni oyakapi ko awacinpî kte şni; hena taku kin wiwangapi ecedan okihi, qa on Wakantanka wacinyanpi kin en icaşyapi şni.

5 Wicacante ecedan, wicanagi waşte, qa wacinyanpi wicakapi kin etanhan wacantkiyapi kin he woahope ecetuyapi kin hee.

6 Tona he icunonpa yapi kin hena takuşnişni akinicapi kin en yeiciyapi.

7 Woope kin tokan onspewicakiyapi kta cinpi; tuka taku eyapi, qa taku waditagya oyakapi kin he iyukanpi şni.

8 Woope kin he waşte sdonunyanpi, tuwe woope kin iyececiñ yuhe cinhan.

9 Qa he de sdonunyanpi; woope kin he wicašta owotanna kicagapi şni, tuka tona woope opapi şni, qa anagoptanpi şni kin hena wicakicagapi, tona Taku Wakun ohodapi şni, qa wahtanipi sa, waonşidapi şni qa wayaşicapi, atkuku hunku kici wicakiktepi kin, qa wicašta wicakatapi kin hena,

10 Wawicihahapi econpi, waiyahupi sa, wicašta wiyopewicaye cin hena, itonpişni qa woope kicaksapi kin hena on woope kagapi ece; qa taku tokeca woonspe zani kin kaşeye cinhan he nakun:

11 Wakantanka wacantkiya wotanin waşte wowitan yuhe maşi kin he eciyatanhan.

12 Unkan Jesus Messiya Itancan unkiyapi he okihimaye ça, wacinyepica madake ça, wico-

htani kin de en opemaye cigon he wopida ewakiya ece.

13 He itokam waostewahda, qa şicaya wicawakuwa, qa wahanmicida; tuka wicawada şni icunhan hena iyukan şni ecamon kin heon onşimadapi.

14 Qa Itancan unkiyapi towaonşida kin he wacinyanpi qa wacantkiyapi Jesus Messiya en nina yuotapi.

15 Wicoie kin de wacinyepica, qa owancaya icupi kta iyececa, Jesus Messiya wahtanipi sa niwicaye kta e on makata hi; hena en miye imayotan.

16 Tuka heon etanhan onşimadapi, hecen miye en tokaheya Jesus Messiya wawacinkta yuzatanka owasin hdutanin kta, wicani kta e on wicadapi kte cin hena waonspewicawakiye kta e heon.

17 Hecen Wicaştayatapi owihanke wanica, şepica şni, qa wanyakepica şni un kin, Taku Wakan ecedan ksape cin hee, woyuonihan, wowitan ko, owihanke wanin kicihan nunwe.

18 Timotheos micinkşi, woope kin de ciçu, niye on wokcanpi tokaheya ekta un qon hena eciyatanhan, hecen hena on ozuye waşte en akicita oyape kta;

19 Wowacinye qa wicanagi waşte sutaya yahduhe kte cin heon. Wanjikşi hena ehpeyapi qa on wacinyanpi ekta kamden iyeiciyapi.

20 Yumeneos qa Aleksander kici, hena hececapi, hena Satan waqu, waostehdapi kte şni onspeiciyapi kte cin heon.

WICOWOYAKE 2.

1 Heon, taku owasin itokam, wicašta kin owasin on, wokidapi, wocekiye, waiciyapi wicoie, wopida ko eyapi kta wacin.

I. TIMOTHEOS.

2 Wicaštayatapi kin hena on, qa tona itancan unpi kin owasin on, hecen woohodapi owasin qa wicohan owotanna kin en, owanjidan unkanpi qa wikope šni un-nipi kta.

3 He wašte, qa Wakantanka Wanikiya unkitawapi kin ito-kam woiyokipi kin hee.

4 He iye wicašta owasin nipi, qa wowicake sonyapi kin en hipi kte cin he cin.

5 Taku Wakan wanjidan, qa Taku Wakan qa wicašta kici wiciyotahedan un kin wanjidan, Jesus Messiya wicašta kin hee.

6 He iye atayedan owasin ope-wicakiton kta e ięiçu, anpetu ta-wa kin waayatanin kte cin heon.

7 He en eyanpaha qa yešipi kin heca makagapi; Messiya en wowicake epa, itonšni mawani-ca; wowacinye wowicake ko Ikcewicasta onspe wicawakiye kte cin heon.

8 Heon, wicašta kin owancaya, wocanniye, waakinicapi ko wa-nin nape ašape šni kiyugan ce-kiyapi kta wacin.

9 Qa winohinca kin is eya iye-cen wokoyake oiyokipi kin ki-čunpi kta, qa tawacin wašte, wacin tankapi koya; qa paha sonpi, mazaskazi, inyan okitanin kin, qa wokoyake taku ota iyope-yapi kin hena ko unpi kte šni;

10 Tuka wicohan wašte kin hena, taku winohinca tona Wa-kantanka awacinpi kin iyokipi-pi kin hee.

11 Qa winohinca kin inina un, qa taku owasin en wanahon yanke ča on onspeičiye kta.

12 Tuka winohinca kin is wa-onspekiye ča wicašta kin iwan-kam un kta e iyowinwakiye šni, he inina yanke kta.

13 Adam he tokaheya kagapi, qa hehan Ewe.

14 Qa Adam hnayanpi šni, tu-ka winohinca kin iye hnayanpi, qa hecen woahšani hiyahdeya.

15 Tuka is eya cinca tonpi kin en niyanpi kta, wacinyanpi, wa-cantkiyapi, wicohan wašte qa wacintankapi kin hduha yukan-pi kinhan.

WICOWOYAKE 3.

1 Iapi kin he wowicake; tuwe waawanhdake unpi cin kinhan he wicohan wašte wan cin.

2 Tuka waawanhdake cin he iyaonpepica šni un kta, wino-hinca wanjidan yuze kta, wakta-ya un kta, wacinksapa, wahba-yedan, ohanpi, wowicakiyaka;

3 Miniša en iyęičiye šni, waa-wicape šni, mazaska nina akite šni; tuka wacintanka, wacinko šni, waicucu wacin šni;

4 Iye tiyohnaka kin tanyan hduhe kta, qa wicowašbadan owasin on cinca kin anagoptan-wicakiye kta.

5 Tuwe tiyohnaka tawa kin tanyan hduha okihi šni kinhan, ecin token Wakantanka taoko-dakiciye kin tanyan yuhe kta he.

6 Aškatudan en opapi kin he-cece kte šni, he heca kinhan, okinni wahaničidė kin on Wa-kanšica tawoyaco kin ekta iya-ye kta.

7 Qa tona itankan yakonpi kin hena tanyan oyakapi un kta, he hecetu šni kinhan, wowišanaya un kta, qa Wakanšica wihmun-ke tawa kin en iyohpaye kta.

8 Is eya hunkayapi un kin hena nakun wacinksapapi kta, ceji ja-tapi šni, miniša en iyeičiyapi šni, qa mazaska nina akitapi kte šni:

9 Wicanagi ecedan ohna wo-wacinye wowiyukcan kin yuha-pi kta.

WICOWOYAKE 4.

10 Hena e tokaheya wicayukanpi kta, qa hehan takudan iyaonpepica s̄ni kinhan, hunkayapi un kin en iyeyapi kta.

11 Nakun is̄ tawicupi kin walibapidan kta, waaie s̄ni unpi kta, waktaya unpi kta, taku owasin on owotanpidan.

12 Hunkayapi un kin is̄ tawicu wanjidan kta, cinca wicayapi qa tiyohnaka tawapi kin tanyan hduhapi kta.

13 Tona hunkayapi un wicohan kin tanyan yuhapi kin hena wowitan wašte hdamnanpi, qa Jesus Messiya wacinyanpi kin en waditaka icicagapi.

14 Dena hecen wowapi cicaga, kohanna niye en ciu kta wacin.

15 Tuka tehan wai s̄ni kinhan, deciya tanhan on token Wakantanka ti kin ohna opiniciye kta s̄donyaye kta, he okodakiciye Wakantanka ni un tawa kin ee, wowicake ihupa qa taku ahe cin hee.

16 Unkan he taku aiepica s̄ni, Wakantanka awacimpi kin he wowiyukan tanka; Wakantanka wicacehpi en ihdutanin qon, Woniya kin on yaowotanna kagapi, mahpiya ohnihde kin wan-yakapi, Ikcewicasta kin ekta oyakapi, wicoicage kin en wicadapi, qa wowitan kin ekta wankan ehdakupi.

WICOWOYAKE 4.

1 Woniya kin atayedan heya, Anpetu ihankeya kin en, wanjiksi wacinyanpi kin ayuŕstanpi kta, qa woniya ŕapa wahnaye sa, qa taku wakan ŕica tawoonspe ko anagoptanpi kta.

2 Wicahnayanpi on itonŕni iapi kta, nagipi kin maza kata on guguyapi kin heon.

3 Winohinca wicayuzapi kin

he tehindapi, qa woyute, tona wowicake wicadapi, qa s̄donyapi kin hena wopida eya icupi kta e Wakantanka kaga, hee yute s̄ni wicasipi kta.

4 Taku Wakantanka kage cin he owasin wašte, qa wopida yuha icupi kinhan, takudan ohinyanpi kte s̄ni.

5 He Wakantanka oie, wocekiye ko on yuwakanpi.

6 Hena taku kin hunkawanjinkiciyapi kin kiksuyewicayaye cinhan, Jesus Messiya taokiye wašte yaun kta, wacinyanpi, wicoie, qa woonspe wašte ekta iyohiyaye cin hena en tanyan icañnyanpi kta.

7 Tuka iapi ŕice cin, wakankahitunkakanpi yuhapi ko nakicipe qa, Wakantanka awacimpi kin he amniheiciya wo.

8 Wicatancan yeiciyapi kin he taku cistinna okihi; tuka Wakantanka awacimpi kin he taku owasin okihi, wiconi kin de, qa wanji u kte cin iwahoyapi kin en un.

9 Wicoie kin he wowicake, qa owancaya anagoptanpi kta iyececa;

10 Wakantanka ni un wicasta owasin Wanikiya tawapi, qa iyotan tona wicadapi kin hena, he wacinunyanpi kin heon ŕtaunnipi, qa oŕtehdapi unyakonpi.

11 Hena taku kin iwahokonwicakiye qa onspewicakiya wo.

12 Koniska yaun kin heon tudedan iwahtenida kte s̄ni; tuka tona wicadapi, kin hena waonspewicakiya wo, wicoie kin en, wicohan kin en, wacantkiyapi kin en, woksape kin en, wacinyanpi kin en, woyuecedan kin en.

13 Wowapi'yawapi, qa wahokonwicakiyapi, waonspewicakiyapi ko, hena econ wo, en wai s̄ni kin hebanyan.

I. TIMOTHEOS.

14 Taku wawokihi en niun kin, wokcanpi, qa waawanhdake unpi, nape aniputakapi kin on niçupi qon he akiktonje ñni wo.

15 Hena taku kin awacin, qa ocowasin en yeiçiya wo, hecen onspeniçiciye cin owasin sdon-yapi kta.

16 Atayedan awaiçicin, qa wonspe nitawa kin awakicin wo, he hduha wo. Hecanon kinhan niniçiyeye ça, tona nanihonpi kin hena nakun niwicayaye kta.

WICOWOYAKE 5.

1 Hunkayapi wan iyopeye ñni wo, tuka ateyapi un kin iyecen wahokonkiya wo, qa tona hakaktapi kin hena nihunkawanji iyececapi kta ;

2 Winohinca tankapi kin hena is inawicayaye cin iyecen, qa tona askatudan unpi kin hena tawinohtinwicayaye cin iyececapi kta, woyucedan owasin en.

3 Wiwazicapi kin, tona awicakehan wiwazicapi un kin hena wicayunihan wo.

4 Tuka wiwazica wan cinca wicaye cin, qa takojakpaku yuke cinhan, hena tokaheya wicowazi tawapi kin en wowaste econ onspeiçiciyapi kta, qa hunkake wicayapi kin iyunwin wicakicipi kta ; taku waste qa Wakantanka itokam oiyokipi kin hee.

5 Tuwe awicakehan wiwazica un kin he isnana ehpeyapi un, Wakantanka wacinye ça ohinnyan, hanyetu anpetu ko, wockekiye eyapi, qa hoyekiyapi kin en un.

6 Tuka tuwe iyokipi içiya un kinhan, he ni un icunhan wanna ta.

7 Hena hecen iwahokonwica-

kiya wo, hecen iyaonpepica ñni unpi kta.

8 Qa tuwe tona wicayube cin, qa iyotan tiyohnaka tawa kin, taku wicakicamna ñni kinhan, he wacinyanpi kin wanna ayu-
stan, qa waawacin ñni kin sam iyeya wicasta sica.

9 Wiwazica waniyetu wikcemna sakpe ihukuya un kin he kafnigapi kte ñni. He wicasta wanjidan hihnaye cigon,

10 Wicohan waste on tanyan oyakapi, cinca icahwicakiya, oicimani kin wonwicaya, tona owotanna un siha wicakiyujaja, tona kakijapi kin owicakiya, qa wicohan waste owasin amnihe-
içiya en opa hecinhan.

11 Tuka wiwazica tona askatudan wotapi kin hena wicakahnige ñni wo ; tohan Messiya en shehanhan aye cinhan ake hihna tonpi kta ;

12 Qa tokaheya wacinyanpi qon he ayu stanpi kin heon woyaco aihduhapi kta.

13 Qa nakun kujapi, qa ti iyaza yakonpi ; qa kujapi hecedan ñni, nakun taku oyakapi sa, qa waapi sa, taku eyapi kte ñni kin hena eyapi ece.

14 Heon, tona nahahin wikoskapi kin hena hihna tonpi kta, cinca tonpi kta, qa tiyohnaka hduhapi kta wacin, hecen toka kin taku yawicaonpe kta okihi ñni kagapi kta.

15 Wanna wanjikji icunonpa Satan ihakam iyayapi.

16 Wicasta wanni, qa is winohinca wanni wacinyan un kin, he wiwazica hduhe cinhan okiye kta ; hecen okodakiciye kin tkeya qinpi kte ñni, qa tona awicakehan wiwazica unpi kin hena ece owicakiyapi kta.

17 Waawanhdake un kin, tona tanyan awanhdakapi kinhan, he-

WICOWOYAKE 6.

na wowitan icitakhna wicakiciyawapi kta, tona wicoie, waonspekiyapi ko, en htanipi kin hena iyotan.

18 Wowapi wakan kin hecen eya, Tatanka aguyapi napān kin he iohmus sutaya iyacu kte śni. Qa ake, Tuwe htani kin he taku on opetonpi qon iyohi ece.

19 Waayatanin nonpa, qa yamni duhe śni kinhan, hunka yapi un kin wanji en wiyaonpapi aupi kin anagoptan śni wo.

20 Tona wahtanipi kinhan hena owasin wicitokam taninyan iypewicaya wo, hecen unmapi kin kokipapi kta.

21 Wakantanka itokam, qa Jesus Messiya Itancan kin, mahpiya ohnihde wicakahtnigapi kin hena ko wicitokam wahokonciciya, dena taku kin ecinśninyan wiyukcanpi wanin ecanon kta, qa wicašta iwanyakapi kte cin on etanhan takudan ecanon kte śni.

22 Ohankoya tuwedan nape aputake śni wo; qa wicašta tokeca wahtanipi kin en ope śni wo. Ecedan ihduha wo.

23 Tokata mini ecedan yatke śni wo, nitezi kin on, qa waniyazan sa kin heon, miniša waniqadan yatkan wo.

24 Wicašta wanjikji wahtanipi kin taninyan han, qa itokam woyaco ekta awicaya; qa hunh wicihakam tanin ece.

25 Qa he iyecen wicohan wašte wanjikśi taninyan un, qa tona hecece śni ešta anahtbepica śni.

WICOWOYAKE 6.

1 Wowidake un kin tona can napinpi kin ihukuya yukanpi kin hena itancan wicayawapi kin wicakinihanprowasin okihi wicahdawapi kta, hecen Wa-

kantanka caje qa tawoonspe kin oštehdapi kte śni.

2 Qa tona itancan wacinyan unpi kin heca ihukuya unpi kinhan, hena śicewicakidapi kte śni, om hunkawanjinkiciyapi kin heon; tuka hena wacinyan unpi, qa waštewicadakapi, qa taku wašte kin en owicakiciyapi kin heon sanpa owicakiciyapi kta. Hena hecen onspewicakiye qa wahokonwicakiya wo.

3 Tuwe wicoie wašte, Jesus Messiya Itancan unkiyapi oie kin, wicohan ecedan kin eciyatanhan un kin hena wicada śni kinhan, qa togye waonspewicakiye cinhan,

4 He wahtaničida, qa takudan sdonye śni un, tuka wakinicapi wiwangapi wicoie kin en cante kin ocowasin iyeičiya; hena etanhan winawizipi, wakinicapi, waostehdapi, woawacin śica ko icaga.

5 Qa wicašta tawacin śicapi kin oškiškeya hdokinicapi, wowicake yuhapi śni, qa taku kamnanpi kinhan, he Wakantanka ohodapi kin ee kecimpi. Tona hececapi kin hena awicayustan wo.

6 Wakantanka ohodapi kin woiyokipi kici he woyuha tanka.

7 Maka kin de en takudan unkahipi śni, qa awicakehan hetanhan takudan unkahdapi kte śni.

8 Hecen woyute, wokoyake ko unhapi kinhan, hena iyounkipipi kte.

9 Tona watonpika cinpi kinhan, hena taku wawiyutanyan un, qa mazahtakiyapi en iyohpapi, qa witkotkoya cantihyapi śica ota on kiuniyanpi ece kin hena en, hena e waihangyapi, wicotakuni śni ko mahen wica-

II. TIMOTHEOS.

šta kin ocowasin iyohpewicaya-
pi ece.

10 Taku sica owasin hutkan
kin he mazaska waštedakapi kin
hee ; he wanjikji inahnipi, qa on
wacinyanpi kin etanhan iyaye
yapi, qa wicokakije ota on caiči-
papi.

11 Tuka Wakantanka wicašta
tawa kin he niye, hena taku kin
nakicipa wo ; wicoowotanna,
Wakantanka ohodapi, wacin-
yanpi, wacantkiyapi, wacintan-
kapi qa wowahbadan, hena akita
wo.

12 Wowacinye okicize wašte
kin he en econ wo, owihanke
wanin wiconi kin he icu wo, he
en nicopi qa waayataninpi ota
itokam wohdakapi wašte ecen
oyahdake ciqon.

13 Wakantanka taku owasin
nikiye cin he itokam, qa Jesus
Messiya Pontios Pilate itokam
owotanna wohdake ciqon he on
ceciciya ce ;

14 Ašape šni qa iyaonpepica
šni, woahope kin de duhe kta,
Jesus Messiya Itancan unkiyapi
taninyan u kte cin hehanyan.

15 He tohan iyehantu kinhan,
tuwe yawaštepi, qa ecedan Wa-
wokihhi kin he taninyan hiyuye
kta, wicaštayatapi kin en Wi-

caštayatapi, qa itancanpi kin en
Itancan kin hee.

16 He isnana wiconi hduhe ca,
iyoyanpa en hiyohipica šni kin
he en onnyan, wicašta kin tuwe-
dan he wanyake šni, qa nakun
wanyaka okihi kte šni ; he wo-
witan, qa wowašake owihanke
wanin kiciun nunwe.

17 Tona maka kin den waton-
pika cin wahokonwicakiya wo,
watankaicidapi kte šni, qa wo-
yuha atakuni šni aya ece kin
wacinyanpi kte šni, tuka Wa-
kantanka ni un taku iyounkipipi
kta e iyakičuya unqupi kin hee ;

18 Taku wašte ece econpi kta,
wicohan wašte ijicapi kta, wa-
pamnipi, qa wawicaqupi tawa-
tenyapi kta ;

19 Taku tokata ihe cin he ekta
ahemde wašte wan icihnakapi
kta, hecen wiconi owihanke wa-
nica yuhapi kta.

20 Timotheos, taku yuhēciciye
cin hena tanyan yuha wo, qa
ikcekceya ecinšniyan wakini-
capi kin he nakicipa wo, wo-
sdonye woitonšni akinicapi kin
he nakun.

21 Wanjikji he en opapi, qa
wacinyanpi kin icunonpa iyaya-
pi. Wowaonšida niciun nunwe.
Amen.

PALOS

TIMOTHEOS WOWAPI KICAGA,

INONPA KIN.

WICOWOYAKE 1.

1 Palos, Wakantanka tawacin
kin on, Jesus Messiya yeši qon,
Jesus Messiya wiconi iwahoun-
yanpi qon he eciyatanhan,

2 Timotheos, hoksincantkiyapi
mitawa kin, *wowapi cicaga*.
Wowaonšida, wowašte, wooki-
ye ko, Wakantanka Ateyapi kin
etanhan, qa Jesus Messiya Itan-
can unkiyapi kin etanhan.

WICOWOYAKE 2.

3 Wakantanka, mihunkake kin etanhan nagi ska hduha ohowada kin, he wopida ewakiya, anpetu, hanyetu ko wocekiye epa eca, ayaştan şni ciksuya waun ;

4 Wanciyaka nina wacin, istamnihanpe ota aniu qon hena weksuya, hecen wowiyuşkin omajudan kta ;

5 Tohan wowacinye analibepica şni niye en niun kin he weksuye cinhan, he tokaheya nikunşi Lowis en un, qa nakun nihun Yunike en un, qa he niye en niun kin sdonwaya.

6 Heon etanhan kiksuyeciye kta, Wakantanka taku niçu kin, nape aciputake cin eciyatanhan, he amniheniçiye kta.

7 Wakantanka wokokipe woniya kin unqupi şni ; tuka wowaşake, wacantkiyapi, qa wacinksapapi woniya kin.

8 Hecen Itancan unkiyapi tawootanin kin on istece şni wo, qa nakun miye makaşkapi tawa waun kin ; tuka Wakantanka towaşake kin eciyatanhan wotanin waşte en wokakije kin en okicipa wo :

9 He iye ni unyanpi, qa wicakicopi wakan kin on unkcicopi, unkoňanpi kin eciyatanhan şni, tuka iye tawacin, qa towaonşida, maka icage cin itokam Jesus Messiya on unqupi qon he eciyatanhan :

10 Tuka wanna hdutanin, Jesus Messiya Wanikiya unkita-wapi taniniçiye cin on, he wiconte ihangye ça, wotanin waşte kin en, wiconi qa tepica şni unpi kin iyoyanpa en au.

11 Heon eyanpaha qa yeşipi kin heca makagapi, Ikcewicasta wowicawakiyake kte cin heon.

12. Qa he etanhan hena taku on iyotanhan iyewakiya ; tuka

imaştece şni. Tuwe wacinwakiye cin he sdonwakiye ça, taku ehnae waşi kin hena anpetu wan u kte cin behanyan miciyuha okihi sdonwaya.

13 Wicoie on zaniyan unpi nahonciye ciqon, wowacinye, wowaşte ko, Jesus Messiya en un kin he şinsa yuza wo.

14 Woniya Wakan unkicipi un kin eciyatanhan, wicoňan waşteciçupi qon he tanyan yuha wo.

15 Tona Asia en un kin owasin amayuştanpi kin he sdonwaya ; Phugellos qa Hermogenes he en opapi.

16 Onesiphoros tiyohnaka tawa kin Wakantanka onşikida nunwe ; iye ota micanpte ça makaşkapi kin on istece şni.

17 Qa Roma ekta hi qeban, nina omade qa iyemayan.

18 He anpetu kin he en Itancan kin etanhan wowaonşida iyeye kta e Itancan okihikiya nunwe ; Ephesos ekta taku tona on omakiye ciqon he tanyan sdonwaya.

WICOWOYAKE 2.

1 He etanhan, micinkşi, Jesus Messiya towaonşida kin he en wakisaka wo.

2 Qa miye etanhan taku nayanon, wicota yaotaninpi qon, hena wicasta wacinyepica, tona tokan onspewicakiya okihihi kin, hena wicaqu wo.

3 Qa niye nakun Jesus Messiya taakicita waşte kin iyecen taku tehika en waditaka wo.

4 Tuwe ozuye econ kinhan, he taku wiconi kin de wicoňan kin en ihdupemni şni, tuwe taakicitaye cin he iyokipiye kte cin heon.

5 Qa tuwe ohiye wacin econ kinhan, qa wakiconzapi kin ecen

II. TIMOTHEOS.

econ śni kinhan, he wateśdagki-
catonpi śni ece.

6 Wicaśta wakicanye cin he
ħtani kinhan, iye tokaheya taku
icage cin etanhan yute kta.

7 Taku epe cin he awacin wo.
Qa Itancan kin taku owasin
okahnihniyan nunwe.

8 Wotanin waśte mitawa kin
eciyatanhan, Jesus Messiya, Da-
wid wicowazi tawa kin etanhan,
he wiconġe etanhan ekicetupapi
kin he kiksuya wo.

9 Qa iye on wicaśta wabotice
cin iyecen kakismanyanpi, maka-
śkapi kin he en; tuka Wakan-
tanka oie kin he kaśkapi śni.

10 He etanhan tona wicaka-
linigapi qon hena on taku owa-
sin iyowinwaya, hena e wiconi
Jesus Messiya en un kin he yu-
hapi kta, qa nakun owihanke
wanin wowitan kin.

11 Wicoie kin de wicakapi;
Iye kici unġapi kinhan, nakun
kici unnipi kta;

12 Iye on unakijapi kinhan,
kici wicaśtayatapi unyakonpi
kta. Qa unkiye eħpeunyanpi
kinhan, iś eya eħpeunyanpi kta.

13 Qa wacinunyanpi śni eśta,
iye wacinyepica un, ihduecinśni-
yan kta okihi śni ce.

14 Hena taku kin kiksuyewica-
ye ġa, Itancan kin itokam, wi-
coie wawokibi śni, tona naħonpi
kin wicahnaye cin hena on aki-
nicapi kte śni e iwahokonwica-
kiya wo.

15 Wakantanka iyokipiyaye
kta, wicaśta wakage cin iśtece
kta iyecece śni kin heca e ni-
hdutanin kta, qa wowicake wi-
coie kin owotanna yapamni kta
e aiciciya wo.

16 Tuka iapi śica ecinśniyan
kin he nakicipa wo, he iyotan
wicośice ekta icah aye kta.

17 Unkan wicoie tawapi kin

śiyaka śica wan iyecen wai-
hangye kta; Yumeneos qa Phi-
letos hena hececapi;

18 Hena wowicake kin icunon-
pa iyayapi qa, Woekicetu kin
wana yuśtanpi ce, eyapi, qa
heon wanjikji wacinyanpi kin
etanhan wicayahomni.

19 Hececa eśta, Wakantanka
abehde tawa kin sutaya he ġa
ipuspe kin de en un; Itancan
kin tona tawa wicaye cin hena
sdonwicakiya. Qa nakun, Tuwe
Messiya ġaje kin hoyekiye cin-
han, he woħtani ayuśtan kta
ce.

20 Tuka tipi tanka wanji ohna
mazaskazi, qa mazaska wakśica
hecedan śni, nakun can, qa ma-
ka wakśica ko yukan, hunħ taku
waśte, qa hunħ taku śica on yu-
hapi.

21 Hecen on, tuwe hena taku
kin etanhan itpakinte cinhan, he
wakśica waśte kin heca kta, ece-
dan, qa Itancan kin wowinyunye
kta e iyokipi, qa wicoħan waśte
owasin on yuśtanpi.

22 Kośka cantiheyapi śice cin
hena nakicipa wo; tuka wicoo-
wotanna, wowacinye, wacantki-
yapi, wookiye ko, henakiya tona
cante ecedan on Itancan ceki-
yapi kin hena om en opa wo.

23 Tuka wiwangapi okahnih-
pica śni ecinśniyan kin hena en
yeiġiye śni wo, hena wicokicize
kaga e sonyaya.

24 Unkan Itancan taokiye kin
he wicakis un kte śni; tuka
owasin en wahbayedan un kta,
waonspekiye ġa, wawacinkta
yuza tanka kta:

25 Qa tona tokaġiya unpi kin
hena iwahnana wahokonwica-
kiye kta, okinni Wakantanka
ihduecetupi wicaġu kta, hecen
wowicake kin iyukanpi kta.

26 Qa hecen, tona Wakanśica

WICOWOYAKE 4.

tohan ein eca, wayaka awicahda ece kin hena mazahtakiyapi tawa kin etanhan ihdušpapi kta.

WICOWOYAKE 3.

1 He de sdonya wo, anpetu ibankeya kin en taku tehika e u kta.

2 Hehan wicašta kin wašteičidapi kta, mazaska waštedakapi, wamnaičidapi, waňaničidapi, hunkakeyapi kin anawicakigoptanpi šni, wapidapi šni, owotanpidan šni ;

3 Cinca cantekiyapi šni, woope kicaksapi, waaiapi sa, iyatahdeičiyapi sa, ohitičidapi, qa taku wašte šicedapi ;

4 Wicahnayanpi sa, wacinkopi, watankaičidapi, magagaiciyapi kin he iyotandapi, qa Wakan-tanka iyotandapi šni.

5 Wakantanka awacinpi kin wiyacinpi kin yuhapi, tuka wowašake kin he wicadapi šni ; tona hececapi kin hena etanhan ihdamna wo.

6 Hena hececapi kin tipi nahmana tin ipi, qa winohinca wacintonpi šni, woahtani hdušakapi, qa šicaya wacin yuzapi on icunonpa ayapi ;

7 Ohinniyan waonspeičiciyapi keš wowicake sdonyapi kin ehan ipi okihipi šni kin wayaka awicayapi ece.

8 Unkan, Jannes qa Jambres hena Moses kici akinicapi qon he iyecen, dena is eya wowicake kin en ibotopi, wicašta tawacin šicapi, qa wacinyanpi kin ayuštanpi.

9 Tuka dena e sanpa iyoopta aye kte šni, witkotkopike cin owasin en tanin kta, hena e qe econpi qon iyececa.

10 Tuka niye wowaonspekiye mitawa kin tanyan sdonyaya,

miohan kin, token mičiconze cin, wacinwaye cin, wawacin- kta mduza tanka kin, wacanwakiye cin, waňbayedan awape kin,

11 Tehiya makuwapi kin, makakije cin, tona mahiyahde kin, Antiyoka ekta, lkoniyon ekta, Lustra ekta, hena šicaya makuwapi kin mahiyahde ; unkan owasin etanhan Itancan kin emahdaku.

12 Qa tona Jesus Messiya en owotanna ohanyan cinpi kin hena owasin šicaya wacakuwapi kta.

13 Tuka wicašta šica, wicahnayanpi sa ko, hena sanpa šicapi kta, wicahnayanpi qa nakun hnayanpi kta.

14 Hececa tuka niye qe taku onnispe, qa wicayada kin hena en un wo, tokiya tanhan onnispe kin he sdonyaya.

15 Qa honikšiyooqopa kin ehan-tanhan Wowapi wakan sdonyaya, he niniyan on ksamniye kta okihi, Jesus Messiya wacinyanpi kin eciyatanhan.

16 Wowapi wakan ocowasin Wakantanka Taniya kin eciyatanhan, qa waonspekiyapi, wiyopeyapi, owotanna kagapi, qa wicohan wašte en onspewicakiye cin he okihi.

17 Hecen Wakantanka wicašta tawa kin ecedan un kta, qa wicohan wašte owasin on hduštanpi kta.

WICOWOYAKE 4.

1 Heon, Wakantanka itokam, qa Jesus Messiya Itancan kin, tona nipi ťapi ko wicayaco kta, tohan wokiconze hduha hi kinhan, he nakun itokam wahokon-ciciya ;

2 Wicoie kin oyaka wo, tohan

II. TIMOTHEOS.

oyokipi, qa nakun oyokipi áni ésta, handitaiciya, wo. Owotanna wicakage wacin, iyope-wicaya, wahokonwicakiya wo, woonspe qa wawacinkta yuzapi tanka kin on.

3 Anpetu wan u kte cin he tohan hi kinhan, woonspe wašte kin aktapi kte áni, tuka iye wicotawacin síce cin eciyatanhan waonspekiyapi kin awicakitapi kta, noge yašpuyapi se iyececa heon etanhan.

4 Qa nogepi kin wowicake kin etanhan hduhomnipi, qa hitunkakanpi kin ekta ihdoyapi kta.

5 Tuka niyeqe taku owasin en wakta yaun kta, wicokakije en waditaka wo; wotanin wašte oyakapi wicohan kin ecen econ wo; wicohan duhe cin he hduštan wo.

6 Wanna wamihdušna kta iye-micihantu, qa wahde kte cin he wanna kiyadan ihan.

7 Okicize wašte kin ecamon, woinyanke kin ihuniwakiya, wacinyanpi kin he hduha waun;

8 Qa tokata, woowotanna wašedake wan mihnakapi, he Itancan wayaco owotanna kin maqu kta, anpetu kin he en; qa miye mišnana áni, tuka tona iye taniničiye kte cin waštedakapi kin hena owasin koya.

9 Kohanna en mayahi kta nina ašiciya wo.

10 Demas he amayuštan, wiconi kin de waštedake qa Thessalonike ekta kihda, Kreskes Galatia ekta, qa Titos Dalmatia ekta.

11 Lukas kicišnana waun; Markos icu qa kici u wo, he iye wicohan kin de en omakiya ece.

12 Tucikos Ephesos ekta ye waši.

13 Yau kinhan, Troas ekta Karpos šina emicihnake waši qon he au wo, qa nakun wowapi kin hena, tahasaka owapi kin hena iyotan.

14 Aleksander mazazi kage cin he taku šica ota iyamaonpa; iye ohan kin on Itancan kin kici-cajuju nunwe.

15 He on waktaya un wo; wicoie unyaotaninpi qon he nina kipajin.

16 Tokaheya wowahdake ciquon he ehan tuwedan micica áni, qa owasin inamatanpi, he wicakiciyawapi áni nunwe.

17 Tuka hececa ésta, Itancan kin mici inajin, qa wašagmaye, qa hecen miye on woyakapi kin tanyan sdonyapi kta, qa Ikcewicasta kin owasin naňonpi kta; qa mnaja i kin etanhan emahdakupi.

18 Nakun Itancan kin wicohan šica owasin etanhan emahdaku kta, qa wokiconze mahpiya ekta un kin he en nimaye kta. He iye wowitan owihanke wanin kiciun nunwe.

19 Priskila qa Akula napewicayuza wo, qa nakun Onesiphoros tiyohnaka tawa kin.

20 Erastos Korinth ekta yan-ka. Miletos ekta Trophimos wazazanka ehpeya wahdicu.

21 Nahahn waniyetu áni u kte hinca wo. Yubulos nape niyuza, qa nakun Pudens, qa Linos, qa Klauda, qa hunkawanjin kiciyapi kin owasin.

22 Jesus Messiya Itancan kin ninagi kici un nunwe. Wowo-nsida nicipi un nunwe. Amen.

TITOS WOWAPI KICAGE CIN.

WICOWOYAKE 1.

1 Palos Wakantanka taokiye, qa Jesus Messiya yeſi qon, tona Wakantanka wicakaſniga, wacinyanpi kte cin heon, qa wowicake wicoſhan waſte en un kin sdonyapi kte cin heon ;

2 Qa owihanke wanin wiconi opapi kte cin, Wakantanka itonſni okitpani, maka kagapi kin itokam iwahounyanpi qon he on ;

3 Tuka wanna iyehantu qehan, eyanpahapi kin on oie kin hdatanin, he miye maqupi, Wakantanka Wanikiya unkitawapi kin he eciyatanhan ;

4 Titos, witaya wacinyanpi kin he eciyatanhan cinkſiwaye cin ; Wowaſte, wowaonſida, wookiye ko, Wakantanka Ateyapi kin etanhan, qa Jesus Messiya Itancan Wanikiya unhapi kin eciyatanhan kiciun nunwe.

5 He etanhan Krete en yanke ciſi, taku tona yuſtanpi ſni kin hena wiyeya eyahnake kta, qa otonwe otoiyoſi en hunkayapi wicayakage kta e on ; token econ ciſi qon iyececa.

6 Tuwe iyaonpepica ſni kinhan, wicaſta tawicu wanjidan, qa cinca wacinyanpi wicahduhe cin, wicakis unpi ewicakiyapi qa wanaſonpi ſni kin hececapi ſni ;

7 Waawanhdake cin he takudan iyaonpepica ſni un kta, he Wakantanka taokiye kin ee ; iſnana wacin en ihduze ſni, wa-

cinko ſni, miniſa en iyeiçiye ſni, ohitiçiida ſni, qa mazaska nina akite kte ſni ;

8 Tuka oicimani kin onſiwicada kta, qa taku waſte kin waſte-dake kta, wacin ksapa un kta, qa owotanna, wacantkiya, qa iyatahdeiçiye ſni un kta ;

9 Qa token onspekiyapi qon he iyecen wicoie oyakapi kin sutaya hduhe kta, hecen woonspecedan kin on wahokonwicakiya okihi kta, qa tona kipajiniçi-yapi kin hena iyopewicaye kta.

10 Wicaſta wicaſtapi ſni, qa witkoya iapi, qa wicahnayanpi kin heca ota, tona bakiſhdayapi etanhanpi kin hena iyotanpi.

11 Hena iohmus wicayapi kta iyececa ; hena e qe tiyohnaka ocowasin yaptanyan iyewicayapi, qa mazaska walteſni kin on taku iyecetu ſni kin onspewicakiyapi ece.

12 Iyepi kin etanhan waayate wan heye ciqon ; Krete oyate kin ohinniyan itonpiſni, wamanica ocinſice cin, qa wicatezi kuja kin hecapi ce.

13 Wayaotanin kin he wowicake. He etanhan nina iyopewicaya wo, hecen wacinyanpi kin en ecedan unpi kta :

14 Qa hecen Juda oyate hitunkakanpi yuhapi kin, qa wicaſta akantu wope kagapi kin wowicake kaſeye cin hena awacinpi kte ſni.

15 Tona ecedan unpi kin hena taku owasin ecedan yuhapi, qa tona aſapapi qa wicadapi ſni kin

hena taku ecedan kin takudan yuhapi śni, tuka tawacinpi nagipi ko hena ee kaes asapapi.

16 Hena is Wakantanka sdon-yapi keyapi, tuka wicoħan on aktapi śni, waħtepi śni, wanaħonpi śni, qa wicoħan wašte owasin en wacintonpi śni.

WICOWOYAKE 2.

1 Tuka niye qe taku woonspe ecedan en iyokipi kin hena ecen oie ya wo.

2 Wicašta tankapi kin hena waktaya unpi kta, mdesahan wacin ksanya unpi kta, wacinyanpi, wacantkiyapi, wacintankapi ko en ecedan unpi kta.

3 Qa winoħinca tankapi kin is cya winoħinca wašte iyecen oħanyanpi kta, waaiapi kte śni, miniša ota en iyeiċiyapi kte śni, qa taku wašte onspe wicakiyapi kta :

4 Hecen wikoška kin ksamwicayapi kta, wicašta yuhapi cinca ko wašte wicakidapi kta ;

5 Wacin ksapapi kta, ecepidan, tipi awanhdakapi kta, wašteya unpi kta, hihnakupi kin anawicakigoptanpi kta ; hecen Wakantanka oie kin yašicapi kte śni.

6 Koška kin is nakun wacin ksapapi kte cin iwahokonwicakiya wo.

7 Qa taku owasin on wicoħan wašte kin en waonspekiya niħdutanin kta ; woonspe kin en wayušice śni, wacinksapa, owotanna ;

8 Qa iapi ecedan qa iyaonpica śni kin he nun kta ; hecen tuwe itkopatanhan un kinhan, he ištece kta, taku šica takudan anie kta okihi śni kin heon.

9 Tona wowidake un kin hena itancan wicayuhapi kin anawi-

cakigoptanpi kta, qa taku owasin wakinicapi wanin iyokipi wicayapi kta ;

10 Takudan nahmana icupi śni, qa wacinyanpi wašte ocowasin en ihdutaninpi kta. Hecen taku owasin on, Wakantanka Wani-kiya unhapi kin tawoonspe kin he tanyan yuhapi kta.

11 Wakantanka towaonsida wicašta owasin wiconi wicakahi kin he wanna tanin ;

12 Wakantanka aktapi śni, qa wicoicage cantiheyapi kin hena eħpeunyanpi kta, qa nakaha wiconi kin en, wacinksamya, owotanna, wakanyan unnipi kta e onspeunkiyapi.

13 Qa wacinyanpi wašte ape unyakonpi kta, Wakantanka iyotan tanka, qa Jesus Messiya Wani-kiya unhapi kin he wowitan hduha taniniċiye kte cin hee.

14 He unkiyepi on iċiċu, woaħtani owasin etanhan opeunkitonpi kta, qa oyate tawawicaye kte cin wicoħan wašte nina ħin akitapi kte cin hena wicahduska kta e heon.

15 Hena wicoie kin hecen oie ye ċa, wahokonwicakiye ċa iyopewicaya wo. Iħnuhan tuwe šicenidake cinhan.

WICOWOYAKE 3.

1 He kiksuyewicaya wo, taku itancanpi qa wicowašake kin hena ihukun iyeiċiyapi kta, wicaštayatapi kin anawicagoptanpi kta, qa wicoħan wašte owasin econpi kta, on wiyeya yukanpi kta.

2 Tuwedan yašicapi kte śni, qa wicakizapi kte śni, tuka waħbayedan unpi, qa wicašta owasin on wacin tankapi kta.

3 Ehanna unkiš cya wacin untonpi śni, qa waanaungoptanpi

PHILEMON.

śni, unhnayanpi, qa cantibeyapi śica ota, qa iyokipiiciyapi kin en wowidake unyakonpi, wocanniyey, icekinpi ko en unnipi, wašte śni unyakonpi, qa otoiyoħi śiceunkicidakapi.

4 Tuka hehan Wakantanka Wanikiya unkitawapi kin^{he} towašte, qa wacantkiye cin wicašta kin en yutaninpi qehan ;

5 Wicoħan owotanna econkupi kin eciyatanhan śni, tuka iye towaonśida kin eciyatanhan niunyanpi ; teca wicatonpi woyujaja kin on, qa Woniya Wakan wicayuteca kin heon etanhan ;

6 He Jesus Messiya Wanikiya unkitawapi kin eciyatanhan iyakiçuya unkakaştanpi kin.

7 Hecen iye towaonśida kin on etanhan unyaowotanpidan kinhan, wiconi owihanke wanica unkaçepi kin eciyatanhan, taku iye tawa kin he tawaunyanpi kta.

8 Iapi kin he wowicake ; qa heon hena taku kin ohinniyan yasutaya iyae kta wacin ; tona Wakantanka wicadapi kin hena wicoħan wašte wacin ksamya opapi kta. Hena taku wašte, qa wicašta kin en wawokihi.

9 Tuka witkoya wiwangapi, qa

wicoicage oyakapi, qa wawakipajinpi, qa woope akinicapi kin hena okamnayan ya wo ; hena takudan okiħi śni qa ecinśniyan un.

10 Wicašta waakinica un kin he wancadan, qa inonpa iyopeyapi kin, ihakamya heyata iyeya wo.

11 Tuwe hecece cinhan, he wanna yuptanyanpi, qa woaħtani econ, qa iye atayedan ihdaco kin he sdonyaya.

12 Toban niye ekta Artemas, qa is Tucikos ye waśi kinhan, kohanna Nikopolis ekta en mahi kte ħinca wo ; hen waniyetu waun kta miçiconza.

13 Zenas woope aie kiyapi kin he, qa Apollos icimani ipi kinhan, takudan icakije śni tanyan iyoopteya yewicakiya wo.

14 Qa tona unkicicapi kin hena wicoħan wašte aiçiciya econpi kta, wicakijapi kin owicakiyapi kta, qa hecen waskuyeca icaħye śni yukanpi kte śni.

15 Tona micicapi kin hena owasin nape niyuzapi. Tona wacinyanpi kin eciyatanhan wašteundakapi kin hena nape wicayuzawa. Wowaoonśida niyepi owasin en nicipi un nunwe. Amen.

PALOS

PHILEMON WOWAPI KICAGE CIN.

1 Palos, Jesus Messiya on, kaska ħnakapi kin he, qa Timotheos sunkaunyanpi kici, Philemon wašte unkidapi qa ounkiyapi ece kin,

2 Qa nakun Apphia wašteundakapi kin, Arcippos kici ama-

kicita kin he kici, qa yati ohna okodakiciye kin, *witaya wowapi unnicagapi* :

3 Wowaoonśida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

PHILEMON.

4 Wocekiye epa eca, ohinniyan ciksuye ça, on Wakantanka wopida ewakiya ece :

5 Jesus Itancan kin wacinyaye ça wašte yadaka, nakun tona owotanna un kin owasin, he nawañon kin heon ;

6 Hecen wacinyaye cin owicayaqu kin he sanpa waşaka aye kta, on taku wašte owasin, Jesus Messiya eciyatanhan, unkiyepi en un kin he yutaninpi kta.

7 Mihunkawanji, wacanyakiye cin heon nina unkiyuşkinpi, qa unkicanptapi, tona owotanna un kin hena cantepi kin iyuşkinwicayaye cin heon etanhan.

8 Qa heon taku iyokipi kin Messiya en itancanyan econ cişi kta owakihi :

9 Tuka wacantkiyapi kin eciyatanhan ceciciya ce, Palos he miye, wanna wimacahinca, qa nakaha Jesus Messiya on kaşka mahnakapi waun.

10 Hecen Onesimos micinkşi, makaşkapi kin icunhan micinca wakage cin hee on ceciciya.

11 He ehanna takudan nicamna şni, tuka nakaha miye omakiye ça nakun niye oniciya okihi. He nakaha hde waşi.

12 Niye he iyowinkiya wo, minagi kin hee kaeş iyececa.

13 He yuha waun kta wacin, wotanin wašte kin on etanhan makaşkapi icunhan niye eekiya omakiye kte cin heon.

14 Tuka token yacin kin sdonye şni waun takudan ecamon kte şni ; taku wašte econ nişipi kin he iyecen ecanon kte şni, tuka niye cinka econ wacani kta he wacin.

15 He iye anpetu tonana ani-

yustan, ake ohinniyan yahduhe kta heon etanhan hecon naceca.

16 Wanna wowidake unpi kin iyecece şni, tuka wowidake kin ikapeya wašte, hunkawanjinkiciyapi waştekidapi kin iyecen ; miş hecen wacin wakiyuze cin, niye iyotan hecen wacin yakiduze kta, wicacehpi qa Itancan kin nakun eciyatanhan hunkawanjinyaye kta.

17 Kodayapi iyecen mayaduha hecinhan, he miye iyecen ake ehdaku wo.

18 Taku icakişniye ça, taku iyohiniciciye şni hecinhan, he miciyawa wo.

19 Palos he miye, minape kin on de owawa, he miye wakajuju kta. Qa taku miyecicajuju şni, niye atayedan ocowasin yaun kin he caje mdate şni.

20 Han, mihunkawanji, Itancan kin en niye on imduşkin kta ; Itancan kin en micante kin iyuşkinmayan wo.

21 Waanayagoptan kta imdukan, heon wowapi cicaga ; qa epe cin sam iyeya ecanon kta sdonwaya.

22 Tipi tukten manke kte cin he nakun wiyeya emicihnaka wo ; wocekiye ehapi kin on etanhan niyepi on makiyuşkapi kta epeca waun.

23 Epaphras, Jesus Messiya on, kici makaşkapi kin he nape niyuza ;

24 Qa Markos, Aristarkos, Demas, qa Lukas micihnanipi kin hena nakun.

25 Jesus Messiya Itancan unkiyapi towaonsida kin ninagi kin kici un nunwe. Amen.

HEBREW OYATE

WOWAPI WICAKICAGE CIN.

WICOWOYAKE 1.

1 Ehanna, Wakantanka toktogye, otakiya wicašta wokcan kin eciyatanhan hunkake wicunyanpi kin wowicakiyake eiqon, he, anpetu ehake kin dena icunhan, iye Cinhintku kin eciyatanhan wounkiyakapi ;

2 He on woicage kin owasin kage ça, he taku owasin tawaye kta e ehde :

3. He iye towitan okitanin, qa ouncage okagapi hince cin hee, iye towašake oie kin on taku owasin hduha yanka, he is iye eciyatanhan waunhtanipi wopakinte kage çehan, Taku iyotan tanka wankan yanke cin he etapa kin en kiyotanka.

4 He iye caje wan małpiya ohnihde kin isanpa wašte aihpeyapi qa yuhe cin, he iyecen sam iyeya wašte.

5 Micinksi kin he niye, anpetu kin de cinca cicaga ce, małpiya ohnihde kin tukte wanji eciya he. Qa ake, He atemaye kta, qa miye cinksiwaye kta ce.

6 Unkan, tokapa kin he wicoicage kin ekta hiyuye çehan hecen eya, Wakantanka ohnihde wicaye cin owasin he itokam canpeška makehde enajin kta ce.

7 Qa małpiya ohnihde kin hena on kaken eya, He tateyanpa kin ohnihdeye ça, peta ide kin wowidakeya ece.

8 Tuka Cinhintku kin heciya,

Wakantanka, oiyotanke nitawa kin he owibanke wanica ; nitokiconze mazasagye kin he mazasagye owotanna ;

9 Woowotanna wašteyadake cin heon Wakantanka, nita Wakantanka kin, tona nitawaši kin hena isanpa wowiyuskin wiłdi on sdaniyan ce.

10 Qa, Itancan, otokahe ekta maka ahe cin eyahde, qa ninape kage cin małpiya kin hee ;

11 Hena yutakuni šni aye kta, tuka niye ecen yaun ; owasin onhoħda wan iyecen kuke kta ;

12 Qa šina wan iyecen pehan eyahnake ça, hecen yutokecapi kta ; tuka niye okonniwanjidan, qa waniyetu nitawa kin owihanke kte šni ce.

13 Tuka ohnihdewicaye cin tukte wanji e, Mietapa kin en iyotanka wo, tona toka niyanpi kin hena nisiha woahde kin en ewicawahnake kta ce, eciya he.

14 Hena owasin taku wakan wawokiya, tona wiconi aihpewicayapi, qa tawapi kte cin hena owicakiyapi kta e u wicašipi qon hena eepi šni he.

WICOWOYAKE 2.

1 Heon etanhan taku naunhonpi kin hena tohinni unkikusipi kte šni e on sutaya awauncinpi kta.

2 Wicoie małpiya ohnihde oyakapi qon he suta, qa tona anagoptan šni, qa he kašeye cin

HEBREW.

hena owasin iyacinyan woyaco owotanna icupi hecinhan ;

3 Unkiye wiconi hinsko tanka kin unkaktapi šni kinhan, token naunpapi kta he. He tokaheya Itancan kin oyake ɕa, tona nahonpi kin hena atayedan unkokiyakapi :

4 Wakantanka is eya, iye tawacin kin eciyatanhan, wicakiciyaotanin, wowapetokeca taku on yušinyewicaye cin hena ko, wašagya econpi ota, qa Woniya Wakan wicakipamni kin hena on etanhan.

5 Wicoicage u kte cin cajeunyatapi kin he mašpiya ohnihde kin yuhewicakiye šni.

6 Tuka wanji tukten yaotanin qa heya, Wicašta kin he taku he, on yeksuye kta he ; qa wicašta cinhintku kin, hecen awanyahdaka he :

7 Mašpiya ohnihde kin kitanna ihukuya yakage ɕa, wowitan, woyuonihan ko watešdake yecatun, qa taku nape on yakage cin hena yuheyakiya :

8 Qa iye siha kin ihukuya taku owasin eyahnaka. Taku owasin iye ihukuya ehnake cin, hecen taku ihukuya ehnakapi šni kin takudan okapte šni. Tuka nakaha nahahin taku owasin ihukuya ehnakapi kin wanunyakapi šni.

9 Tuka Jesus wiconte kakijapi kin on, mašpiya ohnihde kin kitanna ihukuya kagapi kin he wowitan, woyuonihan ko watešdag kiton kin he wanunyakapi, hecen iye, Wakantanka towaonšida kin eciyatanhan, wicašta kin owasin on wiconte sdoney kta.

10 Tuwe iye tan tanhan taku owasin un, qa iye on taku owasin un kin he cinca ota wowitan ekta wicahdoye kte cin on, wi-

coni tawapi kte cin mdetahunka kin he wokakije on ecedan kage kta e iyokipi.

11 Hecen tuwe wicayuecedan, qa tona yuecepidan kin hena owasin okonwanjipidan ; heon etanhan hena hunkawanjin wicakija kewicakiye kta istece šni ;

12 Qa hecen eya, Nicaje kin mihunkawanji owicawakiyake kta, qa okodakiciye kin cokata icidowan kta ce.

13 Qa ake, He wacinwaye kta ce. Qa ake, Iho, miye, qa cinca Wakantanka maqu kin hena.

14 Cinca kin hena wicacešpi, qa wicawe kin en opapi kin heon is iye hena en opa ; hecen tuwe wiconte wowasake yuhe cin, Wakansica hec, e ihangye kta ;

15 Qa tona tohanyan ni unpi kin hehanyan wiconte ikopapi kin on wowidake unpi kin hena ewicahdaku kta.

16 Awicakehan mašpiya ohnihde kin he koyake šni, tuka Abraham cinca kin hecen ihduza.

17 Heon etanhan taku owasin en, iye hunawanjinwicaye cin iyecen ikicage kte cin he hecetu ; hecen taku Wakantanka tawa kin en, Wawayušna Itancan waonšida, qa wicake kta, qa oyate wahtanipi kin on wookiye wicakicage kta.

18 Iye, iyutanyanpi kin on, atayedan kakije cin, heon etanhan tona iyutanwicayapi kin heona ewicahdaku kta okihi.

WICOWOYAKE 3.

1 Heon, mihunkawanji wakan, mašpiya tanhan wicakico kin en oyapapi kin, wounhdakapi kin on Jesus Messiya yešipi qa Wa-

WICOWOYAKE 4.

wayuśna Itancan kin he awacin po.

2 Moses tipi ocowasin ohna owotanna un kin, he iyecen iye qe tuwe econ śi qon owotanna ecakicon.

3 Tuwe ticage ċin he tipi kin sam iyeya yuonihanpi ece kin, he iyecen he qe Moses kapeya wowitan tanka yuha.

4 Tipi otoiyohi tuwe kaga ; tuka tuwe taku owasin kage cin he Wakantanka ee.

5 Moses wowidake un kin heca, tipi tawa ocowasin ohna wacinyepica un, taku oyakapi kte cin hena yaotanin kte cin heon.

6 Tuka Messiya, iye ti kin ocowasin ohna, Cinhintkuyapi kin iyececa ; tipi tawa kin he unkiyepi, waditagya wounhdakapi, qa wowiyuśkinyan wacinunyanpi kin he owihanketa ċinsa unhapi kinhan.

7 Heon etanhan, Woniya Wakan kin kaken eya, Anpe dehan iye ho kin nayaĥonpi kta hecinhan ;

8 Cante ihduteĥipi śni po, ĥepuza en, anpetu wawiyutanyan un kin en, wawakipajinpi qon iyecen ;

9 Nihunkakepi iyutanmayanpi, qa mayukanpi, qa waniyetu wikcemna topa hehanyan miohan kin wanyakapi ce.

10 Heon etanhan wicoicage kin he on iyomayake ċa, hepa, Cantepi kin ekta ohinniyan nunipi, qa mitacanku kin sdonyapi śni ce.

11 Hecen śinwahda qa, Okihpapi mitawa kin en yapi kte śni ce, eya wakonza.

12 Mihunkawanji, wakta po, okinni cante wicada śni, qa śice cin en niunpi, on Wakantanka ni un kin aduśtanpi kta.

13 Tuka anpetu otoiyohi waho-konkiciciya po, anpe dehan eyapi kin hehanyan ; okinni woahitani wohñaye kin on wanji tunkte niyuteĥipi kta.

14 Tokaĥeya wicaundapi kin he owihanketa sutaya unhapi kinhan, Messiya en ounpapi.

15 Anpe dehan, iye ho kin nayaĥonpi kinhan, cante hduteĥipi śni po, wawakipajinpi qon en iyececa ce, eyapi kin hehanyan.

16 Tona naĥonpi qon hena kipajinpi he : tuka Moses tona Egipta etanhan awicau qon hena owasin śni he.

17 Tona waniyetu wikcemna topa hehanyan iyoyakeyapi qon hena tuwepi he ; tona waĥtani-pi, qa ĥepuza en tancan ihpayapi qon hena eepi śni he.

18 Qa okihpapi tawa kin en yapi kte śni, konza kewicakiye ciqon hena tuwepi he ; tona wicadapi śni qon hena eepi śni he.

19 Hecen wicadapi śni kin heon en yapi kta okihipi śni e wanunyakapi.

WICOWOYAKE 4.

1 Hecen okihpapi kin de en unkopapi kta e iwahounyanpi kin, heon niyepi kin wanjikśi iyoyahipi kte śni se ececa e ikounpapi kta.

2 Wotanin waśte kin unkokiyakapi, iś iyepi kin iyececa ; tuka wicoie naĥonpi qon he owicakiye śni, tona naĥonpi kin wowacinye icicahiyapi śni kin heon etanhan.

3 Tuka tona wicaundapi kin okihpapi kin en ounpapi kta ; heye ciqon iyececa ; Sinwahda on okihpapi mitawa kin en opapi kte śni ce, epa ce ; maka icage cin hehantanhan wicoĥan kin yuśtanpi tuka.

HEBREW.

4 Tukten anpetu isakowin kin he ke ça hecen eya, Anpetu isakowin kin he Wakantanka oki-hipa, taku kage cin owasin etanhan.

5 Qa hen ake, Okihpapi mitawa kin en opapi kte sñi.

6 Heon etanhan, hunñ en opapi kte cin he tokata ihan, qa tona tokaheya wotanin wašte owicakiyakapi qon hena wicadapi sñi kin heon en opapi sñi.

7 Ake anpetu wan ke ça Dawid en heya, Anpe dehan, iye ho kin nayahonpi kinhan, cante hdutehipi sñi po.

8 Jošuwa okihpe wicakiya unkanś, he iyohakam anpetu tokeca caje yate kte sñi tuka.

9 Hecen Wakantanka taoyate kin okihpapi wan wicakicihan.

10 Tuwe okihpapi en ope cin he wanna tohtani kin ayuśtan, Wakantanka iye tawa ayuśtan qon iyececa.

11 Heon etanhan wookihpe kin he en unkopapi kta e amniheunkiciyapi kta, okinni wicadapi sñi qon he iyecen tuwe ihpaye kta naceca.

12 Wakantanka oie kin he ni un, wawokihi, qa mazasagye anog ope kin he isanpa pe hinca, wicanagi, wicaniya kici iyotahe-
dan capa iyaye ça, okihepi cupe ko kicakse ça, wicotawacin wicacante wacin yuze cin hena koya iyukcan ece.

13 Qa taku kagapi kin takudan iye ista kin en anahbepica sñi; tuwe oicazo unqupi kin he ista kin en taku owasin tancodan qa śdayehnahan yanka.

14 Heon Wawayuśna Itancan tanka wan, Jesus Wakantanka Cinhintku, mahpiya kin ekta iyaye cin hee unhapi kin heon wounhdakapi kin he sutaya unhduzapi kta.

15 Wawayuśna itancan kin, unkiye unkakijapi kin en unkicanptapi kta okihi sñi kin heca unhapi sñi, tuka iye taku owasin on iyutanyanpi, unkiye iyeuncecapı, tuka woahñtani codan un.

16 Heon etanhan wowaste oi-yotanke kin en waditagya un-kupi kta, hecen wowaonsida un-kicipi kta, qa tohan uncinpi eca wowaste wawokihi kin iyeunyanpi ece e kta.

WICOWOYAKE 5.

1 Wawayuśna itancan otioyohi, wicasta etanhan icupi kin, he Wakantanka taku tawa kin en, wicasta on etanhan ehdepi, taku kiciçupi, woahñtani on wośnapi kin hena ko wayuśna kta e heon.

2 Tona onspepi sñi, qa canku icunom yapi kin hena onśiwicada kta okihi, is iye wookihi sñi aohduteyapi nakaes.

3 Qa heon oyate kin on wośna ece kin, he iyecen is iye woahñtani econ kin on taku wayuśna ece kta.

4 Qa tuwedan iye cinka wowitzan kin de icu sñi, tuka, Aaron iyecen, Wakantanka tuwe kico kin hecedan.

5 He iyecen, Messiya is eya Wawayuśna itancan kta e ihdutani sñi; tuka tuwe, Micinksi kin he niye, anpe dehan cinca cicaga ce, eciye ciqon hee hecon.

6 Qa nakun token en kaken eya; Melkizedek ounce kin iyecen Wawayuśna owihanke sñi kin henica ce.

7 He qe anpetu wicacehpi en un qehan, wocekiye, wokidapi ko eye ça, ista mnigaga nina hoyekiye ça, tuwe wiconte etanhan ehdaku kta okihi kin he ce-

WICOWOYAKE 6.

kiye ça, kokipeyahan un kin, heon nahonpi.

8 Qa Cinhintku kin hee kaeś, taku token kakiĵe cin on woa-nagoptan onspeiciĵiya.

9 Qa iye yuśtanpi kin heon to-na anagoptanpi kin owasin owi-hanke wanin wiconi kin wica-kicaga.

10 Melkizedek ounce kin iyecen, Wawayuśna Itancan, Wakantanka keciĵe cin.

11 Wicaśta kin he on taku ota unkoniciĵyakapi kta, tuka oyaka-pi teĵika, wanaĵon yahunkapi śni nakaeś.

12 Hinnakaha waonspekiĵa henicapi kta, tuka nahaĵin tuwe Wakantanka oie oowa tokaheĵa kin hena akta onspeniciĵyapi kta e iyenihantupi, qa tona asanpi ece cinpi, qa waconica yun okihipi śni kin hee en iyoniĵta-pi.

13 Tuwe kaśta asanpi ece yute cinhan, he wicoowotanna wicoie kin en wayupike śni, nahaĵin hokśiyoqopa nakaeś.

14 Tuka tona tankapi, qa wan-na taku utapi on tanyan ihdu-śtanpi, taku waśte, taku śica ko iyukcanpi kin, hena waconica yutapi ece.

WICOWOYAKE 6.

1 Heon etanhan Messiĵa wo-onspe tokaheĵa tawa kin he he-ktu eĵpeunkiĵyapi, qa woyuśtan ekta unyanpi kta; wiconĵe wicoĵan on iyopeiciĵyapi, qa Wa-kantanka wacinyanpi kin taku ahe cin akta eunĵepi kte śni;

2 Baptem eyapi woonspe kin, qa nape on awicaputakapi, qa wicoĵe cin ekicetuwicayapi, qa woyaco owihanke wanice cin hena koya.

3 Unkan Wakantanka iyowin-

unkiĵyapi kinhan, hecen econku-pi kta.

4 Tona wancadan iyoyanpapi, qa maĵpiĵa tanhan taku wicaqu-pi kin he utapi, qa Woniĵa Wa-kan kin etanhan okinipi;

5 Qa Wakantanka oie waśte kin he utapi, wiconi u kte cin wowaśake kin nakun;

6 Hena ayuśtanpi hecinhan, ake piĵa iyopeiciĵe wicakiĵyapi kte cin he okihipica śni; iye atayedan Wakantanka Cinhin-tku can susbeca en piĵa okatan-pi, qa taninyan wowiśtenyapi kin heon etanhan.

7 Maka kin ota amagaju kin he yuĵepe ça, tona kicanyanpi kin hena on taku peĵi iyecetuya aicage cin he Wakantanka yu-waśte.

8 Tuka taku takanheca hu, qa wapepeka aicage cin he eĵpeĵa-pi, qa yaśicapi kte cin kiĵyadan ihan, he owihanketa huĵnage kta.

9 Tuka, waśtecidapi kin, he-na hecen unkeyapi eśta, niĵepi kin on taku sanpa waśte qa wi-coni en ope cin hena en niunpi e sdonunyanpi.

10 Wakantanka owotanna, qa heon wicoĵtani, qa wowaśte wokicanye nitawapi, iye caĵe kin on ecanonpi, tona owotanna un owicayakiĵyapi, qa nahaĵin owicakiĵa dukanpi kin he aki-tonje kte śni.

11 Unkan niĵepi otoiĵyohi owi-hanketa, woape woyuśtan kte cin hehanyan iyecen amniĵeni-ĵyapi kta uncinpi.

12 Qa nikujapi kte śni, tuka tona wicadapi, qa wacintankapi on, taku iwahowicayapi qon wanna yuĵapi kin, hena owica-yapapi kta.

13 Wakantanka Abraham taku iwahoye ĵehan, taku sanpa tan-

HEBREW.

ka cajeyate kta wanica, heon iye atayedan cajeihdata ;

14 Qa heya, Awicakehan wo-waste on ciyawaste kta, qa yuotapi kin on yuotaciye kta ce.

15 Unkan wahbayedan ape yanke cin he iyohakam taku iwahoyapi qon ekicicetu.

16 Wicasta akantu taku iyotan tanka cajeyatapi ece ; qa wokonzeyoyusuta kte cin he waakinicapi owasin en woanapte kin hee.

17 He en, Wakantanka, tona taku iwahoyapi qon tawapi kte cin hena en, iye tawacin yuhopica sni kin he iyotan sonye wicakiye kta cin, qa heon wokonzeyoyusuta.

18 Heon taku nom yutokecapica sni, en Wakantanka iton-sni okihipica sni kin hena taku kin on etanhan, tona woape unkitokam ehdepi kin en onaunpapi kin wicakicanpte wan wasaka unhapi kta.

19 He unhapi, wicanagi taku on aspeiciya, wicakapi qa suta kin hee, taku tipi cokaya hnakapi kin mahen tanhan un kin he en aspeiciya.

20 Heciya Jesus kahin tokam ye cin unkiyepi on timahen iya-ya, he Melkizedek ouncage kin iyecen Wawayusna Itancan kin heca kagapi.

WICOWOYAKE 7.

1 Melkizedek, Salem Wicastayatapi, qa Wawayusna Wakantanka Iyotan wankantu kin he tawa, hee, Abraham, wicastayatapi wicakastake cin, etanhan hdicu kin he itkokipe ca yawaste.

2 Unkan Abraham taku owasin etanhan iwikcemna kin he qu. Wicasta kin he tokaheya caje

oyakapi kin on, Woowotanna wicastayatapi kin hee, qa hehan, Salem wicastayatapi kin, he Wookiye wicastayatapi kin hee.

3 Atkuku wanica, hunku wanica, qa wicoicage oyakapi kin wanica, anpetu tokaheya wanice ca wiconi owihanke wanica, Wakantanka Cinhintku kin iyecen icahyapi, qa Wawayusna ohinniyan yanka.

4 Wicasta tanka kin de wan-yaka po, Abraham, hunkakeyapi un kin hee kae, taku iwakte ahdi kin etanhan iwikcemna kin he qu.

5 Tona Lewi cinca kin etanhanpi, wo,snapi wicohan yuhapi kin hena, wicoope kin eciyatanhan iye hunkawanjitektupi oyate kin etanhan taku icupi kta e iwahowicayapi ; hena Abraham nite kin etanhan inanpapi tuka heconpi.

6 Tuka tuwe hena etanhan wicoicage hdawa sni kin he Abraham etanhan taku iwikcemna kin icu, qa wahoyapi kin yuhe ciqon he yawaste.

7 Unkan he de akinicapi sni, tuwe ihukuya un kin he iyotan waste kin on yawastepi ece.

8 Qa deciya wicasta tapi kte cin hena taku iwikcemna kin icupi ece ; tuka heciya, he ni un e yaotaninpi.

9 Unkan he de heyepica ; Lewi taku iwikcemna kin icu ece kin, he is eya Abraham eciyatanhan taku iwikcemna kin wicaqu ;

10 Melkizedek itkokipe cehan he naha,kin atkuku nite kin mahen un.

11 Heon etanhan, Lewi wo,snapi wicohan yuhe cin eciyatanhan woyustan en au unkan ; he en oyate kin wicoope yuhapi ; tokiyatanhan wawayusna

WICOWOYAKE 8.

tokeca wan icage kta, Melkizedek ouncage kin eciyatanhan, qa Aaron ouncage kin eciyatanhan caje yatapi kte *šni* he.

12 Wošnapi wicohan kin he yutokecapi kinhan, heon etanhan wicoope kin nakun yutokecapi kta.

13 Qa tuwe on hena hecen eyapi qon he wicoun tokeca etanhan inanpa; he etanhan tuwedan wahna wošnapi kin ekta oħanye *šni*.

14 Itancan unkitawapi kin he Juda wicoun kin etanhan icaga e sdonunyanpi; qa wicoun kin he wošnapi kagapi kta e Moses takudan eye *šni*.

15 Qa de iyotan atanin, Melkizedek ouncage kin iyecen, Wawayušna tokeca wan icage kta;

16 He wicaceħpi wicoie woope kin eciyatanhan *šni*, tuka wiconi owihanke wanica wowašake kin eciyatanhan icaħyapi.

17 Melkizedek ouncage kin iyecen, Wawayušna ohinniyan nanka ce, eya yaotaninpi qon.

18 Unkan nakun woahope tokaheya ye cin he yutokan iyeyapi, wašake *šni* qa taku okihipica *šni* kin heon etanhan.

19 Woope kin he takudan yušan *šni*, tuka wowacinye iyotan wašte kin he en au; qa heon Wakantanka kin en ikiyedan unkupi.

20 Iye wokonze oie kin codan wawayušna kin kagapi *šni*; dena e wokonze oie codan wawayušna wicakagapi;

21 Tuka he qe wokonze wicoie kin eciyatanhan; tuwe, Melkizedek ouncage kin iyecen Wawayušna ohinniyan nanka ce, Itancan kin heye *ča* iyopei-*ciye kte šni ce, eciye ciqon hee hecon.*

22 He iyecen wicotakuye iyo-

tan wašte kin en Jesus wayucetu wan kagapi.

23 Wiconte kin on, ohinniyan en un okitpanipi kin, heon hena wawayušna kin otapi.

24 Tuka he qe owihanke wanin yanke cin, heon wošnapi wicohan yutokecapi *šni* wan yuha.

25 Qa hecen tona iye eciyatanhan Wakantanka en upi kin hena owasin niwicaye kta okihi, hena wocekiye ewicakiciye kta e obinniyan ni un kin heon.

26 Wawayušna Itancan kin hececa he iyounkipipi, wakan, iyaonpepica *šni*, waašape *šni*, qa waħtanipi sa wicicunonpa un, qa maħpiya kin sanpa wankan-tuya icaħyapi.

27 He iye, wawayušna kin hena iyecen, anpetu iyohi, tokaheya iye waħtani kin on, qa hehan oyate waħtanipi kin on etanhan wošna kte cin he iyecece *šni*; wancadan hecon, iye atayedan waiħdušna qon he ehan.

28 Woope kin he wicašta wašakapi *šni* kin hena wawayušna wicakaga ece; tuka wokonze wicoie kin, woope iyohakam un kin, he Cinhintkuyapi, owihanke wanin yawaštepi kin he kaga.

WICOWOYAKE 8.

1 Taku nakaha unkeyapi yu-ptahnakapi kin he dee; Wawayušna Itancan kin hececa unħapi, maħpiya ekta Otancanke oiyotanke etapa kin en kiyotanka;

2 Tipi wakan kin he, qe wakeya wicakapi kin, Itancan ticaga qa wicašta akantu econpi *šni*, kin he en ookiye kin hee.

3 Wawayušna otoiyoħi taku kiciĉupi, wošnapi ko wayušna kta e kagapi; heon wicašta kin

de ís eya taku wayuána hduhe kta e hecetu.

4 Maka akan un unkaná, Wawayuána kin heca kte éni; wawayuána woope kin eciyatadhan taku kiciçupi kin wayuánapi ece kin hena yuknpi kin heon.

5 Hena oowa, qa taku mahpi-yata un kin ohanzi kin en ohan-yampi ece; Moses wakeya qon kage kta hehan Wakantanka okiye ça, Awacin wo, ñe kin ekta token wanyag niciyapi qon he iyecen owasin yakage kta ce, eciya.

6 Tuka nakaha iye wawoki-yapi iyotan wašte wan yuha, wicotakuye wašte ñinca, wahoyapi iyotan wašte kin en ahe cin he en wiciyotahedan un kin, heon etanhan.

7 Wicotakuye tokaheya kin he iyaonpepica éni unkaná, iyokihe kin he tuktedan kiyukanpi kte éni tuka.

8 Hena taku iyawicaonpe ça heya, Wanyaka wo, anpetu kin u kta, hena en Israel tiyohnaka, qa Juda tipi kin wicotakuye teca wicawecage kta, Itancan kin eya:

9 Egupta makoce kin etanhan awicawau kta e hena hunkake-wicayapi kin nape wicamduze ciqon anpetu kin he en, wicotakuye wicawecage ciqon he iyecece éni; wicotakuye mitawa kin he miciyuhapi éni; qa heon miš ihawicawakta éni ce, Itancan kin eya.

10 Anpetu kin hena iyohakam wicotakuye wicawecage kte cin he dee; Hena wicotawacin kin en mitoope kin wicawaqu kta, qa cantepi kin akan owawa kta, qa miye Wakantanka mayanpi kta, qa miš hena mitaoyate wicawa-ye kta;

11 Qa wicašta otoiyo hi tuwe

ikiyadan ti, qa otoiyo hi hunka-wanjitku kin onspewicakiyapi, qa, Itancan kin sdonya wo, eyapi kte éni; tuka owasin sdonmayanpi kta, wohakakta tankin-kinyanpi ko:

12 Taku ecišniyan econpi kin hena onsiwicawada kta, qa wahanpi, wicohan šica econpi ko, icimana wicaweciksuye kte éni ce, Itancan kin eya.

13 Taku teca cajeyate cin he tokaheya kin yutanina kin heon heya. Unkan taku tanina, qa takuni éni aye cin, he tanin éni iyaye kta kiyadan ihan.

WICOWOYAKE 9.

1 Hehan awicakehan tokaheya qon he en woohoda wicohan kin yukn, qa nakun makata tipi wakan.

2 Wakeya wan kagapi, tokaheya kin he ohna petijanjan ihupa, qa wahna wotapi, qa aguyapi taninyan ehnakapi kin, he tipi wakan eciyapi.

3 Qa ti cokahnakapi icinonpa mahen tanhan, he wakeya kin iyotan wakan eciyapi:

4 Hen mazaskazi oizinyapi kin, qa wicotakuye can koka kin akapatanhan owancaya maza-skazi akahpeton, hee ohna mazaskazi cega manna ohnakapi kin, qa can sakadan Aaron tawa kin heca aye ciqon, qa wicotakuye inyan mdaska kin hena.

5 Qa he iwankapatanhan, wowan Cerubim wowaonsida ohe kin aohanziyapi; hena on nakaha atayedan taku unkeyapi kte éni.

6 Hena taku kin hecen yuštampi qehan, wawayuánapi kin wakeya tokaheya kin en yapi, qa ohodapi wicohan kin econpi ece.

7 Tuka icinonpa kin he en Wa-

WICOWOYAKE 9.

wayuśna itancan kin ecedan, waniyetu otoiyo hi wancadan mahen i, qa we codan i śni, he ié iye atayedan on, qa oyate taku ecinśniyan econpi ko on en ai.

8 Heon Woniya Wakan kin hecen oyaka, Wakeya tokaheya kin nahāhin ecen he cin icunhan, tipi iyotan wakan kin ekta canku kin nahāhin yuotaninpi śni :

9 He ito kayehan wiyacinpi un, qa en taku wicaqupi wośnapi ko aipi, tuka hena e tuwe hecon kin nagi kin yuecedan kta okihi śni.

10 Hena e woyu ecetu kte anpetu kin hehanyan, woyute, qa woyatke, qa woyujaja ota, econ wicaśipi kin.

11 Tuka Messiya, taku waśte u kte cin en, Wawayuśna Itancan ihdutanin, wakeya iyotan waśte qa yuśtanpi, nape on kagapi śni, wicoicage kin de etanhan śni, kin he ohna ;

12 Tatokadan qa ptejicadan we kin yuhe śni, tuka wopekintonpi owihanke wanin kage qa, iye we kin hduha wancadan tipi iyotan wakan kin timahen iyaya.

13 Hecen tatanka qa tatokadan we kin, qa pte heyuktanna cahota amnimnipi kin, tona waaśape cin wicayuecedan, qa wicacehpi yuska kta e okihi hecinhan ;

14 Sam iyeya Messiya, Woniya owihanke wanice cin eciyatanhan, Wakantanka en iyaonpepica śni waihduśna qon, he iye we kin, wiconṭe wicoħan kin etanhan nagi nipakintapi kta, Wakantanka ni un kin wowidag niyanpi kte cin heon.

15 Qa heon etanhan, Wicotakuye Teca kin en Iyotahedan un kin he iye, hecen wicotakuye tokaheya ihukuya waħtanipi qon

hena kajuju kta e on ṭe cin, he eciyatanhan tona wicakico kin owihanke wanin taku tawapi kte cin iwahowicayapi qon he yuhapi kta.

16 Tukten wicotakuye wanji yukan hecinhan, hen wicotakuye kage cin he wanna ṭa e yuotaninpi.

17 Taku ṭapi kin hena on wicotakuye wowapi kin suta ece ; tuka wicotakuye kage cin nahāhin ni un kinhan, he takudan okihi śni.

18 Unkan heon wicotakuye tokaheya qon he we codan yuecedan śni.

19 Wooke kin eciyatanhan, Moses woahope kin owasin oyate kin owicakiyaka yaśtan qehan, ptejicadan, qa tatokadan we kin icu, qa mini, taħinca hin duta, peji hota ko, qa wowapi kin oyate kin owasin ko, awicamnimni ;

20 Qa heya, Wicotakuye Wakantanka econ niśipi kin we kin he dee ce.

21 Qa nakun wakeya kin, taku wakśica wowinyunyanpi kte cin owasin ko we amnimni.

22 Wooke kin eciyatanhan taku owasin se we on pakintapi ; qa we papsonpi śni ehantanhan wokajuja wanica.

23 Heon etanhan, hena taku kin on, taku maħpiya ekta un iyacinpi kin pakintapi kta e hecetu ; tuka taku maħpiya ekta un kin hena e qe taku sanpa waśte wośnapi kin on.

24 Messiya tipi wakan nape on kagapi kin he mahen i śni, tipi wakan ħinca iyacinpi kin hena ee ; tuka maħpiya kin e qe mahen, qa heciya unkiyepi on Wakantanka itokam ihdutanin kta.

25 Qa wawayuśna itancan kin he owanka wakan kin en, taku

tokeca we kin yaha, waniyetu otoiyo hi wancadan mahen i ece kin he iyecen ota akihde waihdusna kta iyecece s̄ni ;

26 He iyececa unkaná, maka kagapi kin ehantanhan, wanna ota akihde kakije kta tuka ; tuka nakaba woicage ihanke kin en, iye waihdusna kin eciyatanhan, woahtani yutokan iyeye kta e on taniciya.

27 Unkan wicašta kin wancadan tapi kte cin he iwahowicayapi, qa he iyohakam woyaco kta :

28 He iyecen Messiya, wicota wahtanipi kin yuhe kta e wancadan wayusnapi ; unkan, tona he wanyakapi kta ape yukampi kin hena niwicaye kta e, woahtani codan, inonpa ihdutanin kta.

WICOWOYAKE 10.

1 Taku wašte u kte cin ohanzi kin he woepe kin en un, qa hena atayedan taku kin ouncage kin hee s̄ni ; heon etanhan, waniyetu otoiyo hi wošnapi ohinniyani aipi kin he tona en hipi kin wicayuecedan kta okihi s̄ni.

2 He okihi unkaná hena taku kin wayusnapi ayuštampi kte s̄ni he. Tona en opapi wancadan pakintapi kinhan icimana woahtani sdoakiyapi kte s̄ni tuka.

3 Tuka hena on waniyetu otoiyo hi woahtani kiksuyapi ece.

4 Tatanka tatokadan kici hena we kin woahtani yutokan iyeye kta okihipica s̄ni.

5 Heon etanhan, makata hi qehan, Wošnapi, taku wicaqupi ko yacin s̄ni, qa tancan wan miyecaga ce, eya.

6 Peta wošnapi, qa woahtani on wošnapi kin hena iyonicipi s̄ni ;

7 Hehan, Ito wau, wowapi

tanka en miye on hecen owapi ce ; Wakantanka, nitawacin kin ecen ecamon kta ce, epa.

8 Wankan, Wošnapi, taku wicaqupi, peta wošnapi, qa woahtani on wošnapi kin ; woepe eciyatanhan ahi wayusnapi kin ; hena yacin s̄ni, qa iyonicipi s̄ni, eye cehan ;

9 Hehan nakun, Wakantanka, nitawacin kin ecen ecamon kta wau ce, eye cin. Tokaheya kin he yutokan iyeya, icinonpa kin he hdusuta kte cin heon.

10 He iye tawacin kin ee on unyuecepidan, Jesus Messiya tancan wancadan wayusnapi kin he eciyatanhan.

11 Wawayusna otoiyo hi anpetu iyohi, en ohoda inajin, qa ohinniyani taku wošnapi ece kin hena ake ecekcen wayusna, hena woahtani kajuju kta tokadan okihi s̄ni.

12 Tuka wicašta kin de, woahtani on wošna wanjidan waihdusna, hehan Wakantanka etapaki eciyatanhan owihanke wanin kiyotanka ;

13 Qa hetanhan tona toka yapi kin hena owasin iye siha kin ihukun iyewicayapi kta ape yanka.

14 Wošnapi wanjidan on etanhan tona wicayuecepidan kin hena owihanke wanin wicahduštan.

15 Woniya Wakan kin he nakun unkiciyaotaninpi ; tokaheya eye ciqon he iyohakam ;

16 Anpetu kin hena iyohakam, wicotakuye wicawecage kte cin he dee kta, Itancañ kin eya ; Mitoope kin hena iye cantepi kin en wicawaqu kta, qa tawacinpi kin en owakiwa kta ;

17 Qa iye wahtanipi, taku ecinásniyan econpi ko, icimana weksuye kte s̄ni.

WICOWOYAKE 10.

18 Hena owasin kajujupi kinhan, woahtani on woŋnapi kin wanice kta.

19 Heon, mihunkawanji, Jesus we kin eciyatanhan tipi iyotan wakan kin en waditagya unyanpi kte ;

20 Canku wan teca qa ni un, ti cokaya hnakapi, iye celŋpi kin hee, ohna unkicagapi kin he eciyatanhan.

21 Qa Wakantanka ti kin ohna Wawayuŋna Itancan wan unhanpi ;

22 Heon cante wicake hinca hduha ŋogya wacinunyanpi qa ikiyedan unkupi kta, wicanagi ŋice cin etanhan uncantepi kin unkamninnipi ;

23 Qa mini ska kin on untancanpi kin unyujajapi ; qa wacinunyanpi unhdotaninpi kin he yuhohopi ŋni unhduhapi kta ; tuwe wahounyanpi kin he wacinyepica :

24 Qa otoiyoŋi awaunkicicinpi kte, wacantkiyapi, qa wicoŋhan waŋte en iyounkicipaŋtakapi kte cin heon.

25 Qa wanjikji econpi kin iyeccen mniunkiciyapi ece kin he unkayuŋtanpi kte ŋni ; tuka wahokonunkiciciyapi kta ; qa anpetu kin he kiyadan u wandakapi kinhan, sanpa nina ecanonpi kta.

26 Wowicake sdonyanpi kin unki cupi kin he iyohaham iyokipiya waunhtanipi kinhan, woahtani on woŋnapi kte cin wanica.

27 Tuka woyaco inihanyan apapi kin he, qa wocanniye ide kin, tona tokayapi kin hena ihangwicaye kta.

28 Tuwe Moses toope kin akta ŋni, nonpa qa iŋ yamni yaotaninpi kinhan, he onŋidapi ŋni ta ece ;

29 Heon tuwe Wakantanka Cinhintku we kin amani, qa wicotakuye we kin on yuecepidan qon he wakan ŋni dake qa, Wowaste Woniya kin he taku i en hiyeye cinhan, he wokakije iyotan tanka hiyahde kte ŋni kecannipi he.

30 Tokiŋonpi kin he mitawa, towicaweciŋon kta ce, Itancan kin eya ce, tuwe eye ciŋon he sdonunyanpi. Qa ake, Itancan taoyate kin wicayaco kta ce.

31 Wakantanka ni un nape kin en ohinŋpayapi kin he wokokipe.

32 Anpetu tokaheya kin kiksuya po, hena en iyoyamniyanpi, qa hehan wicokakije okicize tanka wan iyahdeniciyapi.

33 He icunhan waaiapi, wicokakije ko on iwanniyakapi kta enihdepi ; qa nakun tona hecawicakiconpi kin hena tawaŋi wicayayapi.

34 Miye makaŋkapi kin icunhan onŋimayakidapi, qa woyuha duhapi qon nicipi kin he on wiđuŋkinpi, maŋpiya ekta woyuha iyotan waŋte ohinniyan ye kte cin he duhapi sdonyakiyapi kin heon etanhan.

35 Wadinitakapi qon he ayuŋtanpi ŋni po, he woyuha tanka okihi kta.

36 Wacinnitankapi kta iyececa ; hecen Wakantanka tawacin kin ecen ecanonpi kinhan, taku iwahounyanpi kin he iyacupi kta.

37 Wanna aŋkadan tuwe u kte cin he hi kta, qa yutehan kte ŋni.

38 Tuwe owotanna un kin he wacinyan un kin on ni kta. Tuka tuwe namni kinhan he minagi kin iyokipi kte ŋni ce.

39 Tuka tona wicotakuni ŋni ekta icicawin hdapi kin heunca-

HEBREW.

pi ſni ; tona wacanagi ni kta e on wicadapi kin hena unkiyepi.

WICOWOYAKE 11.

1 Wacinyanpi kin he taku ape-pi oahe kin ee, qa taku wanyakapi ſni un yuotanin kin hee.

2 He on hunka wicayapi kin yuonihanyan ihdaotaninpi qon.

3 Wacinyanpi kin eciyatanhan, Wakantanka oie kin on woicage kin icaſyapi kin he sdonunyanpi, taku wanyakapi un kin hena taku tanin kin etanhan kaga-pi ſni.

4 Wacinyanpi kin eciyatanhan Abel Qain kape ca, woſnapi iyotan waſte wan Wakantanka wakiyuſna qon he on owotanna e hduotanin ; Wakantanka nakun hecen yaotanin, taku qu kin heon, qa he eciyatanhan ta keſ nahahin ia ece.

5 Wacinyanpi kin eciyatanhan Henok wiconſe wanyake kte ſni e token ayapi, qa tuktedan iye-yapi ſni, Wakantanka token aye cin heon. Tokan ayapi ſni itokam Wakantanka iyokipiye cin he okiyakapi.

6 Tuka wacinyanpi codan tuwedan iyokipiye kta okihi ſni. Tuwe en u kinhan he Wakantanka ni un, qa tona aiſiciya akitapi kin hena iyunwin wicaku ece kin he wicada kta.

7 Wacinyanpi kin eciyatanhan Nowa Wakantanka ihamna, taku nahahin wanyakapi ſni kin hena, qa itonkipa un kin heon tiyohnaka tawa ni kte cin on wata tanka wan kaga ; qa iye ohan kin on oyate kin wicaya-co, qa hecen woowotanna wacinyanpi eciyatanhan un kin he tawa kta e icaga.

8 Wacinyanpi kin eciyatanhan Abraham, makoce wan yuhe kte

cin he ekta ye ſipi qehan, anagoptan, qa tokiya ye kte cin tanyan sdonkiye ſni iyaya.

9 Wacinyanpi kin eciyatanhan makoce iwahoyapi qon he en onnyan, makoce tawa ſni kin en iyececa, Isaak qa Jakob taku iwahoyapi qon om tawaye kte cin hena om wakeya ohna ti ece.

10 Otonwe wan taku ahde kin ahe cin he ape yanka, ticage ca icaſye cin he Wakantanka kin ee.

11 Wacinyanpi kin eciyatanhan, Sara iye qe cinca yuhe kta e wowaſake icu, qa wanna waniyetu ece kin sanpa hiyu tuka cinca ton, tuwe iwahoye ciqon he wicaka e awacin yanke cin heon.

12 Heon wanjidan etanhan, qa he ta nun seca, tuka he etanhan wicota icaga, maſpiya wicanſpi kin iyenaka, qa miniwanca kahda wiyaka sukaza kin iyecen yawapica ſni.

13 Dena owasin wacinyan tapi, taku iwahowicayapi qon nahahin icupi ſni, tuka tehan tanhan wanyakapi, qa wicadapi, qa adoksohan icupi, qa maka akan oyate tokeca qa unhdaka unpi kin heca ihdaotaninpi.

14 Tona taku heeeca eyapi kin hena makoce wanji akitapi e taninyan ohdakapi.

15 Unkan awicakehan makoce kin etanhan hiyupi qon he wacin en yuzapi unkanſ, heciya ake ekta hdapi kta okihi tuka.

16 Tuka nakaha wanji iyotan waſte maſpiya ekta wanke cin hee akitapi. Heon etanhan Wakantanka hena Wakantanka tawapi kin eciyapi kta iſtece ſni, qa otonwe wan wiyeya ewicaki-cihnaka.

17 Wacinyanpi kin eciyatan-

han, Abraham, iyutanyanpi qe-
han, Isaak wahduśna, qa tuwe
taku iwahoyapi qon wicada kin
he cinhintku ecedan kin wahdu-
śna.

18 Isaak etanhan wicoicage ni-
tawa kin cajeyatapi kta ce, eci-
yapi tuka qon.

19 Wiconṭe ee kaeś etanhan
Wakantanka ekicetuya okihi he
wicada; qa hetanhan nakun wi-
yacinpi on ehdaku.

20 Wacinyanpi kin eciyatan-
han Isaak, Jakob qa Esa wica-
hdawašte, taku u kte cin heon.

21 Wacinyanpi kin eciyatan-
han Jakob, wanna ṭe kta hehan,
Joseph cinhintku napin wicahda-
wašte, qa cansagye oinkpa kin
akan wocekiye eya.

22 Wacinyanpi kin eciyatan-
han Joseph, wanna ṭe kta hehan,
Israel cincapi kin hetanhan hda-
pi kte cin he caje yate ṭa, iye
huhu kin aye wicaśi.

23 Wacinyanpi kin eciyatan-
han, Moses tonpi kin, hehan
hunkakepi kin wi yamni hehan-
yan anakihmanpi, hokśidan wa-
šte e wanhdakapi, qa wicaštaya-
tapi toope kin kokipapi śni.

24 Wacinyanpi kin eciyatan-
han Moses wanna tanka icage
ṭehan, Pharo cunwintku cinca
cciyapi kta wicada śni;

25 Wakantanka taoyate kin
om kakija un kte cin he hda-
lniga, qa woahtani woiyokipi
kin he ptenyedan yuhe kta e cin
śni;

26 Messiya on aiapi kin he,
woyuha Egipta en un kin sam
iyeya wewijice tanka daka; wo-
kajuju iyunwin kin he awacin
kin heon etanhan.

27 Wacinyanpi kin eciyatan-
han Egipta makoce kin ayu-
śtan, qa wicaštayatapi tocanniye
kin kokipe śni. Tuwe wanyag-

pica śni kin he wanyaka se ape
yanka.

28 Wacinyanpi kin eciyatan-
han wośnapi wohduze, qa we
amninnipi kin hena kaga, tuwe
cinca tokapapi kin ihangwicaye
cin he iye owicayutan kte śni
heon.

29 Wacinyanpi kin on Mde-śa
kin he opta iyayapi, puze cin
iyecen. Unkan Egipta oyate
kin hecon utapi qehan, minin
ṭapi.

30 Wacinyanpi kin eciyatan-
han Jeriko conkaśke kin makata
ihpaya, anpetu śakowin ohomni
unpi qehan.

31 Wacinyanpi kin on, Rahab
witkowinna kin, tona anagoptan-
pi śni kin om ihangyapi śni, ma-
koce iwanyag hipi kin hena wo-
okiyeye on iyowinwicakiye ṭehan.

32 Qa taku sanpa epe kta he;
Gideon, qa Barak, qa Samson,
qa Jeptha, qa Dawid, qa Samuel,
qa wicašta wokcanpi kin owasin
owicamdake kta anpetu kin iye-
hankeca śni.

33 Hena wacinyanpi kin eciya-
tanhan wokiconze kin ohiyapi,
wicohan owotanna ohanyanpi,
wahoyapi kin icupi, mnaja kin
iohmusyapi;

34 Peta wohitike cin kasnipi,
maza sagye ope kin nakicipapi,
wowaśake śni etanhan waśagiṭi-
yapi, okicize en waditaka iṭica-
gapi, qa Ikcewicašta ozuye kin
napewicayapi.

35 Winohinca kin cinca kiṭapi
kin ekicetuyapi ewicahdakupi.
Qa wanjikji nina kakisiyapi, tuka
etanhan ehdakupi kta cinpi śni,
woekicetu iyotan wašte kin yu-
hapi kte cin heon etanhan.

36 Qa wanjikji waaiapi, qa ni-
na wicakaštakapi kin on iyutan-
pi, qa nakun maza icicahiha, ka-
śka wicahnakapi ko on.

37 Inyan on wicakininpi, can-ibakse on bawicaksapi, iyutan-wicayapi, mazasagye on wica-ktepi; tañinca ha qa tatokadan ha koyag manin unpi; taku owasin icakijapi, kakijapi un qa sicaya wicakuwapi.

38 Hena maka kin de iyewicakicihantu šni; hewoskan manin unpi, he kin akan, taku itu unpi otipi, qa makohdoka kin ohna.

39 Hena owasin wacinyanpi kin eciyatanhan tanyan ihdu-taninpi; qa taku wahoyapi kin ocowasin icupi šni.

40 Wakantanka tašu sam iye-ya wašte unkiyepi on ehnaka, hecen hena e unkcunonpa tanhan wicahduštanpi kte šni.

WICOWOYAKE 12.

1 Heon etanhan waayataniinpi mahpiya šoka wan hinsko tanka aohdute unyanpi kin, hecen taku tkeya qinpi kin owasin eunhnakapi kta, woahtani obiunyanpi ece kin he koya, qa oinyanke unkitokam wanke cin he wacin tankaya unkinyankapi kta.

2 Qa Jesus wacinunyanpi kin toka kage ça hduštan kin hee ekta euntonwanpi kta. He iye, wowiyuškin itokam ehdepi qon he on, can susbeca kin hee kaes iyowinkiyeye ça, wowištece kin he taku da šni, qa Wakantanka oiyotanke etapa kin eciyatanhan kiyotanka.

3 Tuwe wahtanipi sa taku i en hiyeyapi kin he iye en waħba-yedan iyowinye ciqon he awacin po, hecen nitawacinpi kin ekta iconimmipi kte šni, qa wacin iboyašakapi kte šni.

4 Woahtani kici yeczizapi kin en nahañin we kin ekta aiyahde-ya ecanonpi šni.

5 Qa wowahokonkiye cinca iyecen oniciyapi kin he ayekton-japi he; Micinkši, Itancan wica-kapsinpsinte cin he šice dake šni wo, qa iyopeniye cinhan wacin ibošake šni wo, eye cin.

6 Itancan kin wicašta wašte-kida kinhan, he iyopekiye ça, cinca iyowinwicakiye cin otai-yohi hdapsinpsinta ece.

7 Wiyopeniyanpi kinhan, cinca kin iyecen Wakantanka ecaniconpi; tukte cinca kin he atuku iyopekiye šni he.

8 Tuka owasin en opapi ece kin iyecen iyopeniyanpi šni kinhan, tuwe cinca tanin šni kin henicapi, qa cinhintkuyapi un kin henicapi šni.

9 Unkan, wicacełpi eciyatanhan atewicunyanpi kin hena iyopeunkiyapi ece, unkan wicunhduonihanpi hecinhan, sam iye-ya wicanagi Ateyapi kin he anungoptanpi kte ça on unnipi kta.

10 Hena e anpetu tonana hehanyan, token iyokipipi kin hecen iyopeunkiyapi; tuka he qe unwaštepi kte cin he on, hecen iye towakan kin en ounpapi kta.

11 Wiyopewicayapi kin owasin en icunhan woiyokipi šni, tuka woiyokišice; tuka ihakam tona hecawicakiconpi kin en wicoowotanna waskuyeca woo-kiye kin icaħwicakiya ece.

12 Heon etanhan wicanape kaozezeya un kin hena yuwan-kan icu po, qa hupahu wašake šni kin hena koya;

13 Qa nisihapi canku mdaya kicaga po, taku hušte kin he icunonpa iyeyapi kte šni, tuka okiziyapi kte cin heon.

14 Owasin en wookiye akita po, qa nakun wowakan kin, he tuwe yuhe šni kinhan Itancan kin wanyake kte šni.

15 Qa tuwe Wakantanka to-

WICOWOYAKE 13.

waonsida kin iyohi kte s̄ni naceca, heon aićiciya iwanihdaka po, okinni can hute paza icage a, nagiyenyanpi kta, a hecen wicota asamyapi kta.

16 Okinni wicawihomni wan yuke kta, a taku wakan ohoda s̄ni, Esa iyececa, he watokapa kin taku yutapi onspadan iyopekiya.

17 a iyohakam woyawašte kin hduhe kta, tuka heyata iye-yapi, he sdonyayapi, a token tawacin yutokeca kte cin he iye-ye s̄ni, istamnihanpe on nina aki-ta tuka.

18 Paha oyutanpica, a peta on ide qorr he ekta yahipi s̄ni, a taku iyotan samya wanke cin, a otpaza, a nina icamna kin;

19 a nakun mazayahotonpi tanka hoton, wicoie ho kin hena koya; he tona nahonpi qon wicoie kin he akta owicakiyakapi kte s̄ni e icekiyapi.

20 Taku econ wicasipi qon he okitpanipi; Woteca wan hee kaes̄ paha kin yutan kinhan he inyan on kininpi kta, a is̄ wan-hinkpe on katpa iyeyapi kta ce.

21 Unkan he wanyakapi kin nina wowinihan, a heon Moses, Nina mahniyanyan a macancan ce, eya.

22 Tuka Zion Paha kin ekta yahipi, Wakantanka ni un otonwe tawa kin, Jerusalem mahpiya tanhan u kin, a ohnihde umpi kin kektopawinge ota e-ktā;

23 Omniciye tanka, a tokaheya wicatonpi okodakiciye kin, mahpiya ekta caje owicawapi kin hena, a Wakantanka owasin wicayaco kin he, a wicašta owotanna yuštānpi nagipi kin hena ekta:

24 a Jesus wicotakuye teca kin en iyotahedan un kin hee ekta, a we amninnipi kte cin, Abel sam iyeya taku wašte eye cin he ekta.

25 Ihuhan tuwe ie cin anayagoptanpi s̄ni kinhan; tona tuwe maka akan ie ciqon he anagoptanpi s̄ni qon hena najicapi s̄ni hecinhan, sam iyeya unkiye nanjicapi kte s̄ni, tuwe mahpiya tanhan ie cin ihaunktapi s̄ni kinhan.

26 Iye ho kin he ehan maka kin yahuhuza, tuka nakaha wahounyanpi a heya, Ake wancadan maka ecedan mdahuhuza kte s̄ni, tuka nakun mahpiya kin.

27 Unkan, Ake wancadan, eye cin he taku tona yahuhuzapi kte cin hena taku kagapi kin iyecen yutokan iyeyapi kta, hecen taku tona yahuhuzapica s̄ni kin hena ecen he kta, he kapi.

28 Heon etanhan wokiconze yuhohopica s̄ni kin unkićupi, wowaonsida unhapi kta, hecen woyuonihan, wokokipe ko yuha Wakantanka iyokipiya ohoundapi kta.

29 Wakantanka unkitawapi kin he peta wahuhnahiye cin heca.

WICOWOYAKE 13.

1 Hunkawanjinkiciyapi wašte-kićidapi kin he ecen un nunwe.

2 Oićimani kin wonwicaya akiktonjapi s̄ni po; heconpi kin on wanjikis̄i mahpiya ohnihde kin sdonwicaye s̄ni won wicayapi.

3 Tona kaška wicahnakapi kin hena om nicaškapi kin iyecen wicakiksuya po; a tona kakis̄-yapi un kin hena koya, wicatančan kin ohna dukanpi kin heon.

4 Owasin en wakan kiciyuza-
pi kin he woyuonihan, qa ohe-
hdepi asamyapi s̄ni kin; tuka
wicawihomnipi qa wawicihaha-
pi econpi kin hena Wakantanka
wicayaco kta.

5 Waicucupikte cin wanin oya-
handapi kta, qa taku duhapi kin
hena on iyonicipipi nunwe. To-
hinni aciyuſtan kte s̄ni qa icima-
na ehpeciye kte s̄ni, eye ciqon
heon etanhan.

6 Heon, Itancan kin omakiye
cin hee, qa he etanhan taku wi-
caſta akantu ecamiconpi kte cin
kowakipe kte s̄ni ce, waditagya
unkeyapi kta.

7 Tona awannihdakapi, Wa-
kantanka oie kin oniciyakapi
kin hena wicakiksuya po, hena
wicohan ihanke kin he awacin
po, qa wacinyanpi qon he en
opa po :

8 Jesus Messiya, Itanihan qa
nakaha okonwanjidan, qa owi-
hanke wanice kta.

9 Ihnuhan woonspe otakiya qa
toktokeca on yutokan iyenian-
pi kinhan ; woyute tona he awa-
cinpi qon takudan okihiwicaye
s̄ni kin he wicacante kin yusuta
s̄ni, tuka wowaonſida kin on yu-
sutapi kin he waſte.

10 Walna woſnapi wan unha-
pi kin he etanhan tona wakeya
qon ohna olianyanpi kin hena
yutapi kta iyeccapi s̄ni.

11 Woteca, tona we kin woa-
htani on, wawayuſna itancan kin
tipi wakan kin timahen ai qon,
hena tancanpi kin tihocoka kin
itankan huſnahyapi ece.

12 Heon Jesus iſ eya, iye we
kin on oyate kin wicayuecedan
kta e otonwe tiyopa kin itankan
kakiſyapi qon.

13 Hecen iye on aiapi qon ai-
hpunyanpi kin yuha ekta wico-
ti kin tankan unyanpi kta.

14 Deciya otonwe ohinniyan
ecen he cin tnhapi s̄ni, tuka
wanji u kte cin he unkakita-
pi.

15 Heon etanhan, iye caje on,
ohinniyan Wakantanka en wo-
witan woſnapi kin unkaupi kta,
unkihapi etanhan waskuyeca,
iye caje kin on, wounhdakapi
kin hee.

16 Taku waſte econpi, qa wa-
cantkiyapi kin hena akiktonjapi
s̄ni po, hena woſnapi kin Wa-
kantanka iyokipi ece.

17 Tona wahokonniciyapi kin
hena anawicakigoptan po, qa
wicihukuya yeiciya po, hena
ninagipi kin on awanniyakapi,
ohdakapi kte cin he iyecen ; he-
cen wowiyuſkiyan econpi kta,
qa woiyokiſinya econpi kte s̄ni ;
he niyepi kin on waſte.

18 Wocekiye unkekiciya po ;
wicanagi waſte unhapi unkecin-
pi, taku owasin en owotanna
unkohanyanpi kta uncinpi.

19 Tuka hecanonpi kta e iyo-
tan ceciciyapi, kohanna niyepi
ekta u mayanpi kte cin heon.

20 Unkan, Wookiye Wakan-
tanka kin, Jesus Itancan unkiya-
pi, taſinca awanwicahdake tan-
ka kin he, wiconſe etanhan ake
hiyuye ciqon he wicotakuye
owihanke wanica we kin eciya-
tanhan,

21 Iye tawacin kin ecen eca-
nonpi kta e, wicohan waſte owa-
sin en niyusutapi kte, qa taku
iye iſta kin en oiyoiki kin eca-
niconpi kta, Jesus Messiya eci-
yatanhan ; he wowitan owihan-
ke wanica kicihan nunwe.

22 Mihunkawanji, ceciciyapi
ce, wowahokonkiye wicoie kin
iyowinkiya po, wicoie tonana on
wowapi cicagapi.

23 Timotheos hunkawanjin un-
yanpi kin wanna kiyuſkapi e

WICOWOYAKE 1.

sdonya po, he ecadan u kinhan kici wanciyakapi kta.

24 Tona niyepi en itancanpi kin hena owasin, qa tona owotanna un kin owasin nape wica-

yuza po. Italia etanhanpi kin hena nape niyuzapi.

25 Wowoansida kin niyepi owasin en nicipi un nunwe. Amen.

JAKOB

TAWOWAPI KIN.

WICOWOYAKE 1.

1 Jakob, Wakantanka taokiye, qa Jesus Messiya Itancan tawa kin he, wicowazi akenonpapi enanakiya eyaye cin hena *wowapi wicakicaga*; wookiye.

2 Mihunkawanji, taku wawiyutanyan un kin ota ayakipapi kinhan, he wowiyuskin oewasin hdawa po:

3 Wacinyayapi iyutanpi kin he wacintankapi kaga e sdonyayapi.

4 Tuka wacintankapi kin he tohan kin tanyan hdustan kte; hecen niyustanpi qa ocowasin yaunpi kta, qa takudan iyonitpanipi kte sni.

5 Niyepi etanhan tuwe woksa-
pe nice cinhan, Wakantanka kida kta, iye owasin iyakicuya wicaqu ece, qa iyopewicaye sni; unkan qupi kta.

6 Tuka takudan cetunhda sni wacinyan kida kta; tuwe wacetunhda kin he miniwanca taja kin iyececa, tateyanpa kaskan-
sikan qa kahoya ehpeye cin.

7 Wicašta kin he Itancan kin etanhan taku icu kta kecin kta iyecece sni.

8 Wicašta tawacin nonpa kin he tacanku owasin ohna kaktihanhan un ece.

9 Hunkawanjinkiciyapi wahpa-

nica kin yuwankan iyeyapi kinhan, heon iyuskin kta.

10 Tuka wijica un kin yuwahpanicipi kinhan, on iyuskin kta; peji hca kin he iyecen tokan aye kte cin heon.

11 Anpetu wi kin hinanpe ca kata aya eca, wato kin snisya ece, qa wahca ihpaye ca owanyake waste kin he atakuni sni ece: he iyecen wicašta wijica kin iye tohan kin en awihnuni kta.

12 Wicašta iyutanyanpi kin he yawastepe ece; tohan tanyan yukcanpi kinhan, hehan wiconi watešdake, Itancan kin tona wastedakapi iwahowicaye cigon, hee icu kta.

13 Tuwe iyutanyanpi kinhan, Wakantanka iyutanmayan ee, eye kte sni: Wakantanka taku sica on iyutanyanpi kta okihi sni, qa nakun tuwedan iyutanye sni.

14 Tuka wicašta otioyohi iye cantiheye sice cin on iyutanpi qa iyakapeyapi ece.

15 Hehan wocantiheye sice cin icage cinhan woahhani kaga; qa woahhani yustanpi eca, wiconte icalhya ece.

16 Mihunkawanji waste, icihnayanpi sni po.

17 Taku wicaqupi waste qa yustanpi kin owasin wankantan-

han un, qa iyoyanpa Ateyapi kin eciyatanhan kun u ece; iye qe tokeca šni, qa yuhomnipica šni hinca.

18 Iye tawacin kin eciyatanhan, wowicake oie kin on cinca unkgapi, hecen taku kage cin ehna unkiye waskuyeca tokaheya iyeuncceapi kta.

19 Heon etanhan, mihunkawanji wašte, wicašta otoiyohe wanahon oħanko kta, ie kapin kta, qa wacintanka kte:

20 Wicašta šinhdapi kin he Wakantanka toowotanna kin icaħye šni.

21 Heon etanhan, wicowaħte-šni kin owasin, qa taku šica iyatahdepi kin ehpeya po; qa wicoie ninagipi niye kta okihi kin he onšiiċiya icu po.

22 Tuka wicoie kin ecen econ po, qa iye iċihnayanpi, naħonpi ecedan, unpi šni po.

23 Tuwe wicoie naħon ešta ecen econ šni kinhan, he wicašta wan ihdiyomdasin on ite iwanihdake cin iyececa;

24 Iwanihdake ċa tankan iyaya, unkan behan hinnakaha ite tokeca kin he akiktonja ece.

25 Tuka tuwe wicoope on tawaicċiyapi yuštanpi kin he opahita yanke ċa, en un kinhan, tuwe naħon qa akiktonje cin heca šni, tuka wicoħan econ kin heca, hee e taku econ kin en yawaštċepi kta.

26 Tuwe niyepi kin etanhan woohodapi kin en opa se ececa hecinhan, qa ceji hdaške šni, tuka iye cante iċihnaye cinhan, he woohodapi ope cin he taku šni.

27 Wakantanka qa Ateyapi kin itokam woohodapi opapi ecedan qa ašape šni kin he dee; Wamdenica qa wiwazica kaki-japi eca en wicahipi, qa wicoi-

cage kin en taku iyaonpepica šni ihduhapi kin hee.

WICOWOYAKE 2.

1 Mihunkawanji, Jesus Messiya, wowitan Itancan wacinyanpi kin, on wicašta iwandakapi kte cin he yuhapi šni po.

2 Nitomniciyepi kin en, wicašta wan mazaskazi napcupe yuhe ċa wokoyake wašte kiċun kin en hi kinhan; qa nakun wicašta waħpanica wan heyake šica un kin en hi kinhan;

3 Qa tuwe wokoyake wašte kiċun kin he tanyan ayatonwanpi, qa heyakiyapi, Oiyotanke wašte kin de en hiyotanka wo; qa wicašta waħpanica qon, Hen najin wo, qa iš, siha wahde kin ihukuya hiyotanka wo, eyakiyapi kinhan;

4 Otoiyohe tanyan canteyeci-yuzapi šni, qa wicotawacin šica eciyatanhan widukcanpi šni he.

5 Naħon po, mihunkawanji wašte; Wakantanka maka akan waħpanicapi kin hena wicakahniga he, wacinyanpi on-wijicapi, qa tona iye waštċedakapi wokiconze iwahowicaye ciqon he tawayapi kte cin.

6 Tuka niye waħpanicapi kin waħtewicayadapi šni. Wijicapi kin hena iyotanhan iyeniciyapi šni, qa woyaco oiyotanke kin en aniyampi šni he.

7 Wicacaje wašte on cajeniya-tapi ece kin he yašicapi šni he.

8 Wowapi kin eciyatanhan, woope iyotan wašte, Nikiyedān un kin niye inihdacin waštċeyadake kta ce, eyapi kin he ecen ecanonpi kinhan, tanyan ecanonpi kta.

9 Tuka wicašta token ihduze cin ekta eyatonwanpi kinhan, woaħtani ecanonpi, qa woope

WICOWOYAKE 3.

kin on sícaya econ oniyakapi ece.

10 Tuwe woahope owasin yuha ésta, wanjidan kicakse cinhan, he ocowasin on yacopi.

11 Tuwe, Wawicihahapi ecanon kte síni ce, eye ciqon he ís nakun, Wamayanon kte síni ce, eya. Unkan wawicihahapi takudan ecanon síni ésta, wamayanon kinhan, wanna woope kin kiyecaksa.

12 Tona woope on tawaiciyapi kin on wicayacopi kte cin hena iyecen iapi, qa econ po.

13 Tuwe waonsída síni kin he wowaonsída wanin woyaco ecedan qupi kta; qa wowaonsída woyaco kin kapeya iyuskin ece.

14 Mihunkawanji, tuwe wacinyan keya ésta, iyecen wicohan yuhe síni kinhan, he taku iyokihi kta he. Wacinyan un kin he niyan okihi he.

15 Nihunkawanji qa nitawinohtin tancokapidan, qa anpetu iyohi woyute nicapi kinhan;

16 Qa wanji hewicayakiyapi, Wookiye on hdapo, cosiçiyapi qa wipiçiya po; tuka taku wicatan can icakije cin hena wicayaqupi síni ehantanhan, taku iwaštepi kta he.

17 He iyecen wacinyanpi kin, wicohan codan kinhan, he wana ça, ísnana un kin heon.

18 Han, tuwe heye kta; Niye wacinyan yaun, qa miye wicohan mduha; hecen wacinyaye cin he niohan codan makipazo wo, kinhan miohan kin on wacinyaye cin he cicipazo kta ce.

19 Taku Wakan kin wanjidan he wicayada; he tanyan ecanon; taku wakan sícapi kin ís eya wicadapi qa cancanpi ece.

20 Tuka, wicašta wacinton síni kin, wacinyanpi wicohan codan kin he ça e sdoniyaye kta he.

21 Abraham ateunyanpi kin he, cinhintku Isaak wahna wošnapi akan wahdušna qon he ehan, wicohan on yaowotanpi síni he.

22 Qa iye ohan kin kici wacinye cin token oňanye ça, wicohan on wacinye ciqon he yuštanpi e wandaka he.

23 Unkan hecen wowapi kin, Abraham Wakantanka wicada, unkan he woowotanna kiciyawapi, qa he Wakantanka takicuwa eciyapi ce, eyapi qon he yuecetupi.

24 Heon, wacinyanpi ecedan on etanhan síni, tuka wicohan kin on wicašta owotanna yawapi ece he wandakapi.

25 Nakun Rahab witkowiinna kin ohnihe unpi qon hena iyowinwicakiye ça canku tokeça ohna hde wicaši qehan, ís eya wicohan on owotanna yawapi síni he.

26 Wicatan can kin woniya codan un kin he ça ece, he iyecen wacinyanpi kin wicohan codan kinhan, he nakun ça ece.

WICOWOYAKE 3.

1 Mihunkawanji, wicota waonspekiya unpi síni po; woyaco iyotan tanka unkiçupi kta e sdoniyayapi.

2 Ówasin taku ota on waunhtanipi ece. Tuwe oie on wahtani síni kinhan, he wicašta yuštanpi qa tancan ocowasin hdaške kta okihi.

3 Wanyaka po, súktanka anaungoptanpi kta e heon iikiyuwi i kin en iyewicunkiciyapi; qa tancanpi ocowasin wicunyuho mnipi ece.

4 Wita wata kin hena nakun wanyaka po, tankinkinyan qa tate ohitika on kaha iyeyapi ésta, iyupse yuza cistinna on

token itancan kin cin eca, yu-
homnipi ece.

5 He iyecen wicaceji kin taku
cistinna, tuka tanka içida ece.
Iho, peta cistinna keş can tanka
ideya ece.

6 Wicaceji kin he peta, qa wo-
ahtani iyatahdepi; hecen wica-
ceji unuhapi kin ehna un, wica-
tancan kin ocowasin ašamya,
qa wicoicage obomniyan aideye
ça, is eya wakanšica ti kin etan-
han ideciya.

7 Woteca ocaje owasin, qa ta-
ku kinyan unpi, taku sdohan
unpi qa miniwanca mahen unpi
kin, henakiya etanhan wicašta
wanunyanpi wicakage ça wica-
yuha :

8 Tuka wicaceji kin he tuwe-
dan yuwaħbaka okihi šni; he
wošice wicašta šni, pejihuta
šica on wicašta ece kin he oju-
dan.

9 He on Wakantanka Ateyapi
kin unyawastepe; qa he on wi-
cašta akantu, Wakantanka oun-
cage iyecen kagapi kin hena
wicunyašicapi ece.

10 Wicai wanjidan etanhan
wayawastepe qa wayašicapi kin
hinanpa ece. Mihunkawanji,
hena hecetu šni.

11 Miniyowe wan oenape wan-
jidan etanhan, mini wašte qa
nakun mini pa ĩinca hiyuya he.

12 Mihunkawanji, suken can
wan Oliwe waskuyeca aicaga,
qa is hastanyanka iyuwi wan
suken waskuyeca okihi he; he
iyecen miniyowe wan mini wa-
šte qa nakun mini pa ĩinca hi-
yuye šni ece.

13 Enitanhanpi tuwe wicašta
ksape ça wiyukan un he; wo-
ksape wowaħbadan on tanyan ai-
hduhe cin eciyatanhan iye oħan
wašte hdutanin kte.

14 Tuka winawizipi pa ĩinca,

qa wakinicapi nicantepe kin en
duhapi kinhan, ihnuhan widu-
škinpi qa wowicake kin on iya-
tonpi šni kin.

15 Wicoksape kin he wankan-
tanhan u šni; tuka maka kin
etanhan, wicaceħpi etanhan, qa
wakanšica iyececa.

16 Tukten winawizipi qa wa-
kinicapi yuke cinhan, wicotoke-
tu tanin šni qa wicoħan šica
owasin hen un ece.

17 Tuka woksape wankantan-
han un kin he tokaheya ecedan,
hehan wokiyapi kaga, waħba-
dan, waanagoptan, wowaonšida
qa waskuyeca wašte on ojudan,
owotanna wiyukan qa owotan-
na wohdaka ece.

18 Unkan tona wookiye kagapi
kin hena woowotanna waskuyec-
ca kin wookiye en owicakicijupi
ece.

WICOWOYAKE 4.

1 Niyepi ekta wicokicize qa
wakinicapi kin tokiyatanhan u
he; cantiheyayapi šica nihuhapi
en wakis un kin hena eciyatan-
han šni he.

2 Cantiheyayapi tuka duhapi
šni; wicayaktepe qa yuhe wa-
cannipi, tuka icu oyakihipi šni;
wicayakizapi qa zuya dapi, tuka
taku duhapi šni, yadapi šni kin
heon etanhan.

3 Yadapi tuka iyacupi šni ece,
ecinšniyan yadapi kin on, canti-
heyayapi šica on dusotapi kte
cin heon.

4 Wiinayahmanpi qa wawici-
haħapi ecanonpi kin, wicoicage
kin de waštedapi kin he Wakan-
tanka šicedaka e sdonyayapi šni
he. Heon tuwe wicoicage kin
de wotakuye wacin kinhan, he
Wakantanka tokaya.

5 Wowapi wakan kin, Woniya
en unyakonpi kin he winawizipi

WICOWOYAKE 5.

cantiheya ce, ituya eya idukcanpi he.

6 Tuka sanpa wowaonsida wicaqu ece; heon heya, Wakantanka wahaniçidapi kin wicakipajin, tuka tona onsikihanpi kin hena wowaonsida wicaqu ece.

7 Heon etanhan, Wakantanka ihukuya iyeçiya po. Wakanşıca kipajin po, kinhan nanicipa pi kta.

8 Wakantanka ikiyedana u po, hecen iş nikiyepidan u kta. Wahitanipi sa, nape hdujaja po; qa wacin ninonpapi kin, cante hducepidan po.

9 Iyokişicapi, waşihdapi qa ce-ya po; iyahapi kin he wicaceya ee kta, qa widuşkinpi kin he woiyokişice kta.

10 Itancan kin itokam makata ehpeçiya po, kinhan yuwankan inicipi kta.

11 Mihunkawanji, otoiyo hi akiciapi şni po. Tuwe hunkawanjitku aie ça hunkawanjitku hdaço kinhan, he woopé kin aie ça woopé kin yaco; tuka woopé kin daco kinhan, woopé kin ecen econpi kin henica şni, tuka wacyaco kin henica.

12 Woopé kage cin he Wanji-dan, he wanikiye ça nakun waihangya okihi. Wicaşta tokeca daco kin niş nituwe he.

13 Iho po, nakaha tona hehapi; Dehan, qa iş heyakecinhan, otonwe kin kaş eka unyanpi qa waniyetu wanji en unyakonpi kta, wopeuntonpi qa wiyope-unyanpi qa taku unkamnanpi kta ce.

14 Tuka heyakecinhan taku u kte cin sonyayapi şni; yanipi kin he taku he, opo wan cistiyedan tanin qa hehan atanin-şni kin he heca.

15 Kaken ehapi kta iyececa; Itancan kin iyowinunkiyapi qa

unnipi kinhan, decen qa iş kaken econkupi kta ce.

16 Tuka nakaha wahaniçidapi kin on iduşkinpi; hecen wiyuşkinpi kin owasin şica.

17 Heon etanhan, tuwe taku waşte econ kta sdonkiya tuka econ şni eca, he woahtani içicaga ece.

WICOWOYAKE 5.

1 Iho po, tona wijica yaunpi kin, wokakije nihyahdepici kte cin hena on ceyapi qa şicahowaya po.

2 Woyuha nitawapi kin kuka, qa nitawokoyake kin wamduşkadan yapotapi.

3 Mazaskazi qa mazaska nitawapi kin gigi aya; qa gigi kin he niyutaninpi kta, qa nicehpi pi kin ihangye kta, peta iyececa. Woyuha anpetu ehake kin amnaniciyapi.

4 Wanyaka po, tona maga nitawapi abaksapi wokajuju hnaye ayanicapi kin he howaya; qa tona aguyapi baniciksapi qon hoyeyapi kin he Sabaoth Itancan noşe kin en hiyoşpaya.

5 Maka akan woiyokipi imnahan yaunpi qa tanyan wayatapi ece; wapatapi anpetu kin en iyececa cante cemyakiyapi.

6 Wicaşta owotanna kin he dacopi qa yaktepi; tuka nicipajinpi şni.

7 Heon etanhan, mihunkawanji, Itancan kin hi kte cin hehanyan wacintanka po. Wanyaka po, wicaşta woju ece kin he maka waskuyeca waşte aicage cin hena ape yanke ça, on tehan wacintanka, magaju tokaheya qa nakun ehake kin ahinhe kte cin hehanyan.

8 Niş eya wacintanka po; cante hduşta po; Itancan kin u kte cin he wanna kiyedan ihan.

I. INYAN.

9 Mihunkawanji, otoiyo hi oki-
cihinyanpi šni po, okinni niya-
copi kta. Wanyaka po, Wayaco
kin he tiyopa kin itokam injin.

10 Mihunkawanji, wicašta wo-
kean Itancan caje kin on iapi
qon hena kakijapi qa wacintan-
kapi on waonspekiya wicayuha
po.

11 Wanyaka po, tona wacin-
tankaya unpi kin hena wašte ke-
canwicunkinpi ece. Job token
wacintanka qon he nayaŋonpi,
qa Itancan owihankeye cin he
wandakapi; Itancan kin waon-
šida qa wawacinkta yuza tanka.

12 Tuka mihunkawanji, taku
owasin isanpa, Taku namaŋon
ce, eyapi šni po, maŋpiya kin he,
qa maka kin de, qa taku tokeca
cajeyatapi ece kin nakun; tuka,
han, ehapi kin he han ecedan
kta, qa, hiya, ehapi kin he hiya
cedan kta; okinni woyaco kin
en iyoyahpadapi nun ce.

13 Niyepi kin etanhan wanji
kakija he; wocekiye eye kta.
Wanji wiyuškin he; odowan
ahiyaye kta.

14 Niyepi kin ekta wanji wa-
yazanka he; okodakiciye kin en
hunkawicayapi kin wicakico

kta; on cekiyapi qa Itancan ca-
je kin on wiŋdi on sdayapi kta.

15 Unkan wacinyan cekiyapi
kin he wayazanke cin asniye
kta; qa Itancan kin he najinki-
ye kta; qa woahŋani econ he-
cinhan, hena kicicajujupi kta.

16 Wayaŋtanipi kin otoiyo hi
okiciciyakapi qa otoiyo hi woce-
kiye ekiciciya po, hecen anisni-
pi kta. Wicašta owotanna nina
wašagya cekiyeye cin he taku
tanka okihi ece.

17 Elijah wicašta wacinyuza
iyeuncecapi, qa wocekiye on
magaju kte šni e icekiya; unkan
waniyetu yamni sanpa wi šakpe
hehanyan maka kin ahinhe šni.

18 Hehan ake wocekiye eya,
unkan maŋpiya kin magaju hi-
yuye ça, maka kin waskuyeca
icahya.

19 Mihunkawanji, wanji eni-
tanhanpi wowicake kin etanhan
nuni, qa tuwe he ake ekta yu-
homni kinhan,

20 Tuwe wicašta waŋtani sa
wan canku onuni kin etanhan
yuhomni kinhan, he wicanagi
wan wiconŋe etanhan eyaku kta,
qa woahŋani ota akaŋpe kta e he
sdonkiye kta.

IN YAN

TAWOWAPI TOKAHEYA KIN.

WICOWOYAKE 1.

1 Inyan, Jesus Messiya yeši
qon, wicašta toktokeca enana-
kiya unpi, Pontus, Galatia, Kap-
padokia, Asia qa Bithunia ekta,

2 Wakantanka Ateyapi kin oto-
kaheya tanhan sdonwicaye cin

362

cciyatanhan, qa Woniya wies-
yuecedan kta on wicakaŋniga,
anagoptanpi kta, qa Jesus we
kin awicamnimni kta e on, hena
wowapi wicakicaga: Wowaon-
šida en niunpi, qa wookiye nici-
yuotapi nunwe.

3 Wakantanka, Jesus Messiya

WICOWOYAKE 1.

Itancan unyanpi Atkuku kin he yawaštepi nunwe ; iye towaonsida ota eciyatanhan Jesus Messiya wicašte cin etanhan kinikiye ciqon he on wowacinyan ni un kin en piya icaahunyanpi ;

4 Woaihpeye wan hwinpica šni, ašapapi šni, qa ohinniyan un kta, mašpiya ekta enicihnakapi kin on ;

5 Wacinyanpi eciyatanhan Wakantanka towašake kin on wiconi anikpatanpi, eqe anpetu ehake kin en yutaninpi kta.

6 Heon nina iduškinpi ece, tuka nakaha ptenyedana, he hecetu naceca, taku wawiyutanyan un kin ota on iyonicišicapi :

7 Hecen wacinyayapi iyutanpi kin, he mazaskazi peta ece on šdoyapi keš atakumi šni ece, sam iyeya nina tehike cin he woyao-nihan, wicakinihanpi qa wowitan on tanin kta, tohan Jesus Messiya ihdutanin kinhan.

8 He wandakapi šni ešta wašteyadakapi ; qa nakaha wanyake šni yaunpi keš wacinyayapi kin on iduškinpi, wowiyuškin oyagpica šni qa wowitan ojudan kin on :

9 Wacinyayapi ihanke kin iyacupi, ninagipi ni kte cin hee.

10 Wiconi kin he on, wicašta wokcan wowaonsida en niunpi kin he oyakapi qehan, aičiciya akitapi qa wiwangapi ;

11 Messiya Taniya iyepi en un kin, tohantu qa anpetu kin tukte e ka e iwangapi, Messiya kakije kte ca wowitan ihakam un kte cin hena itokam oyake ciqon he ehan.

12 Unkan, iš iyepi kte šni, tuka tona wotanin wašte, Woniya Wakan mašpiya eciyatanhan kun u šipi kin iyabna sdonyenianpi kin eqe nakaha taku oniciyakapi kin hena unkiyepi on yuhapi e owicakiyakapi ; taku

kin hena mašpiya ohnihde kin en eyokasin wacinpi.

13 Heon etanhan, nitawacin nisehu kin opta ipiyagkiton po, waktaya un po, qa Jesus Messiya ihdutanin kinhan wowašte ni-caupi kte cin he ape yukan po, owihanke kin behanyan.

14 Wicacinca waanagoptanpi kin iyenicecapi kta, qa ehanna wasdonye šni yaunpi qehan cantihayayapi šica ake iyecen ničicagapi kte šni.

15 Tuka tuwe nicopi kin he wakan, he iyecen niš eya oya-handapi kin ocowasin en niwakanpi nunwe.

16 Heon hecen owapi qon, Wakanyan un po, miye mawakan kin heon etanhan.

17 Qa Ateyapi kin wicašta itohnae iwanyake šni wicašta otioyohi iye ohan kin eciyatanhan wicayukan ece kin he hoyeyakiyapi kinhan, tohanyan den unhdaka yaunpi kin kokipeyahan un po.

18 Witkotkoya oya-handapi kin, nihunkakepi wohdakapi eciyatanhan duhapi qon he etanhan, taku atakunišni ece, mazaskazi qa mazaska on openicitonpi šni e sdonyakiyapi ;

19 Tuka Messiya we tehike cin he on, tašin wanunyanpi cincadan, taku iyaonpepica šni qa ecedan un kin iyececa.

20 Iye qe maka kin de kagapi šni itokam wakiconzapi, tuka anpetu ihankeya kin dena en yutaninpi, niyepi kin on ;

21 Wakantanka wicašte cin etanhan najinkiyeye ca wowitan qu qon he wicayadapi, iye eciyatanhan ; hecen wicayadapi qa wacinyayapi kin he Wakantanka en un kta.

22 Woniya kin eciyatanhan wowicake anayagoptanpi kin

I. INYAN.

heon nagi nihduskapi, hunka-
wanjinkiciyapi kin awicakehan
waštewicayadakapi kta, heon
cante ecedan on otoiyo hi nina
waštেকicidaka po.

23 Piya icañniyanpi, oicage
kuke kte cin etanhan šni, tuka
kukepica šni kin on, Wakantanka
oie kin ni un qa owihanke wani-
ce kte cin hee on.

24 Wicacehpi owasin peji iye-
ceca, qa wicašta towitan kin
owasin peji hca kin iyececa.
Peji kin he šniš aye ça wañca
kin hinhpaya ece ;

25 Tuka Itancan oie kin he
owihanke wanin un kta. Unkan
wotanin wašte oniciyakapi kin
wicoie kin he hee.

WICOWOYAKE 2.

1 Heon etanhan, wocanniye
owasin, qa wohñaye ocowasin,
qa woanakiñbe, qa wowinawizi,
qa iapi šica iyuhpa ehpeya po ;

2 Qa hokšioqopa nakaha ton-
pi kin iyecen, wicoie asanpi
wohñaye wanin un kin he cin
po, hecen on inicagapi kta :

3 Itancan kin wacantkiya e
uyatapi hecinhan.

4 He en yahipi, inyan wan ni
un kin iyececa, wicašta akantu
ehpeyapi, tuka Wakantanka e
kaññige ça tehike daka ;

5 Unkan niš eya, inyan ni un
kin iyececa, tipi wakan wan en
icañniyanpi, wawayušnapi wa-
kan kin, hecen wošnapi wakan
qa Jesus Messiya eciyatanhan
Wakantanka iyokipi kin wadu-
šnapi kta.

6 Heon etanhan nakun wowa-
pi en kagapi qon, Wanyaka po,
Zion en inyan wan oise pa hin-
ca ewahde, kaññigapi, tehika ;
unkan tuwe he wacinye cinhan
wištece kte šni ce.

7 Niye wacinyayapi kin he te-
hike yadapi ; tuka tona waanago-
ptanpi šni kin hena, inyan tipi
kagapi ehpeyapi qon he oise pa
hinca icaga, inyan on siha iboto-
pi qa innija on šinhdapi ece kin
hee ;

8 Tona wicoie kin on šinhdapi
qa waanagoptan šni unpi kin he-
na on ; heon hecen ewicahdepi.

9 Tuka wicoicage kaññigapi,
wawayušnapi wicaštayatapi, wi-
coun wakan, qa oyate opewica-
kitonpi kin he niyepi ; hecen tu-
we otpaza etanhan, iye iyoyan-
pa wakan tawa kin en nicopi
kin he oñan wašte kin odakapi
kta.

10 Ehanna oyate henicapi šni,
tuka nakaha Wakantanka tao-
yate yaunpi ; he ehan onšinida-
pi šni, tuka wanna wowaonšida
iyoyahipi.

11 Waštেকicidapi, eeciciyapice,
oyate tokeca qa unhdaka unpi
kin iyecen wicacehpi cantiheya-
pi kin, wicanagi kin kici kicize
cin, hena ayušan po :

12 Qa Ikcewicašta ehna owo-
tanna oñanyan po ; hecen šica-
ya econ keniciyapi keš, wiwica-
wangapi anpetu kin en, nioñan-
pi wašte wanyakapi kte cin he-
na on Wakantanka yaonihanpi
kta.

13 Itancan kin on etanhan, wi-
cašta akantu wakonzapi kin owa-
sin anagoptan po ; wicaštayata-
pi kin he iyotan tanka ;

14 Qa wicašta itancanpi kin iš
tona šica ya oñanyanpi šitkiñda-
wicayapi kta, qa tona tanyan
econpi wicayaonihanpi kta e on
u wicaši kin hena.

15 Hecen Wakantanka tawa-
cin, tanyan oyañdapi kin on
wicašta witkotkoka wiyukan
šni kin hena inina yankewicaya-
kiyapi kta.

WICOWOYAKE 3.

16 Nihduhapi, tuka tawaniçiyapi kin he wocanniye onhoñda iyecen yeçunpi kte ñni, tuka Wakantanka tawewidake kin iyececa.

17 Owasin wicayuonihan po. Hunkawanjinkiciyapi kin wašte-kida po. Wakantanka kokipa po. Wicaštayatapi kin yuonihan po.

18 Wowidake yaunpi kin, tona niyhapi kin ocowasin kokipeyahan anawicagoptan po, tona wašte qa wahbadan kin hecedan ñni, tuka tona ksizece cin hena nakun.

19 Tuwe Wakantanka awacin un kin on, hecetu ñni ešta kakişyapi qa woiyokişice yuha un kinhan, he wowašte.

20 Wayahtanipi kin on anipapi, qa wacinnitankapi kinhan taku iyokihi kta he ; tuka tanyan ecanonpi kin on kakişnyanpi kinhan, wacinnitankapi hecinhan, he Wakantanka iyokipi.

21 Unkan he on nicopi ; Messiya unkiyepi on kakije ça wonspe aihpeunkiyapi kin he iyecen niş eya iye owe kin en opa dapi kta.

22 Iye qe woahtani takudan econ ñni, qa i kin ohna wohnaye takudan iyeyapi ñni ;

23 Kigepi qehan itkom wicakige ñni ; kakişyapi he ehan owawicakiye ñni ; tuka tuwe owotanna wiyukkan ece kin he en ihdoya.

24 Iye hinca can akan un qehan, iye tancan kin en waunhtanipi kin yuha ; hecen unkiye woahtani ehpeunyanpi woowotanna en unnipi kta : Iye apapi qon on asniniyanpi ce.

25 Tahin wanunyanpi nunipi kin iyenicecapi ; tuka wanna tuwe wonniyanpi qa nagi awaninyakapi kin he ekta yahdipi.

WICOWOYAKE 3.

1 He iyecen, winoñncapi kin, nihhnapi wicihukun un po ; hecen tona wicoie kin anagoptanpi ñni kin hena, wicoie codan ešta, iye tawicupi ohanpi kin on iya-kapewicayapi kta ;

2 Niohanpi wašte wokokipe iyahna wanyakapi kin icunhan.

3 Ihduzapi kin he akantanhan, paha kisonpi, qa mazaskazi oinpi, qa wokoyake unpi kin hee kte ñni :

4 Tuka wicašta mahentanhan cante kin ekta, taku hwinpica ñni kin, tawacin wahbadan qa inina un, he Wakantanka itokam taku teñike cin ee.

5 Is eya, wanakaja, winoñnca waštešte Wakantanka wacinyanpi qon hena e hecen kiçunpi, qa hihnakupi kin wicihukun unpi.

6 Hecen Sara Abraham anakigoptan, qa, Itancan, eciya ece ; he cunksiwicaye cin hena niyepi, tanyan ecanonpi qa wokokipe takudan on niyuşinyayapi ñni kinhan.

7 Nakun wicašta yaunpi kin, wosdonye eciyatanhan om yukun po, nitawinpi wakşica wankadan iyececa, qa om wiconi wowašte kin tawaniçiyapi kta iyecen wicahduonihan po ; hecen wocekiye nitawapi kin kagipi kte ñni.

8 Ehake, owasin cante wanjidan hduwitaya onşikicida po ; hunkawanjinkiciyapi kin iyecen waştekcicida po, waonşidapi qa wacantkiya po.

9 Taku şica on itkom taku şica econpi ñni po ; qa nicigepi ešta wicakigepi ñni po ; tuka itkopatanhan wayawašte po ; heon nicopi, hecen woyawašte tawayayapi kta e sdonya po.

I. INYAN.

10 Tuwe wiconi waštedake ça anpetu wašte wanyaka cin kinhan, iye ceji kin taku šica en yeye kte šni, qa iba kin wohnyae takudan ie kte šni.

11 Taku šice cin okamna kta, qa taku wašte e econ kta; wokiye akite ça kawa aye kta ce.

12 Jehowa išta kin wicašta owotanna awicatonwan, qa wocekiye eyapi kin he anohwicakiciya; tuka tona šicaya econpi kin Jehowa itohnake kin itkowicakipa ece.

13 Unkan taku wašte kin pasi yaunpi kinhan, tuwe e kiunninyanpi kta he.

14 Tuka owotanna ohanyanpi kin on šicaya nicuwapi kinhan, he wowašte; hecen wokokipe tawapi kin kokipapi šni, qa cante hahayedan yankapi šni po:

15 Tuka nicantepi kin en Wakantanka Itancan kin wakanda po; qa tuwe wowacinye en niunpi kin on iniwangapi kinhan, wahbayedan kokipeyahan aduptapi kta e ohinniyan wiyeya yanka po;

16 Wawiyukan wašte hduha po; hecen šicaya ohanyanpi iyecen tona aniiapi kin hena ištecapi kta, Messiya on niohanpi wašte kin itonšniyan oniyakapi kin.

17 Wakantanka hecen tawacin hecinhan, taku šica econpi kin hee šni, tuka taku wašte econpi kin on kakišniyanpi kinhan hee wašte kta.

18 Messiya iš eya wancadan woahani on kakija, owotanna un kin owotanpidan šni kin hena on, Wakantanka ekta unkapi kta e heon, wicacehpi kiçun ktepi, tuka Woniya kin on kiniyanpi.

19 Nakun he on ekta ye ça wi-

canagi wicakaška tipi ohna unpi kin hena wowicakiyaka;

20 Hena e ehanna waanagoptanpi šni, Wakantanka wawacinkta yuza tanka tehan awicape, Nowa taanpetu kin en, wita wata kagapi kin icunhan, he ohna tonana, wicanagi šahdoganna mini on nipi.

21 Qa wiyacinpi kin he iyececa, baptem nakaha niunyanpi ece; wicacehpi ašape cin yutokan iyeyapi kin hee šni, tuka Wakantanka ekta wawiyukan wašte waayupte cia hee, Jesus Messiya ihduekicetu kin heon etanhan;

22 Iye qe mašpiya kin ekta kihde ça Wakantanka etapa kin eciyatanhan yanka; mašpiya ohnihde, qa wicookihi, qa wowaške kin owasin iye ihukuu iyewicayapi.

WICOWOYAKE 4.

1 Heon etanhan, Messiya wicacehpi en unkiyepi on kakije cin heon, niš eya iyecen tawacin kiçun po: tuwe wicacehpi kin en kakije cin he wanna woahani ayušan:

2 Hecen, hetanhan icimana wicacehpi eciyatanhan ni kte šni, wicašta taku šica cantiheyapi kin en, tuka Wakantanka tawacin kin eciyatanhan.

3 Hekta unnipi kin, Ikcewicašta tawacinpi kin ecen econkupi kin he ota, wicohan šica, wocantiheye šica, miniša ota, wakan wacipi, witkopi, qa wakagapi wakandapi šice cin hena omaunnipi qehan.

4 He en iš iye witkoya škanpi kin on iyecen iyatahdeniçiyapi šni kin heon tognihdapi qa niyašicapi ece;

5 Hena e tuwe ni unpi çapi ko-

WICOWOYAKE 5.

ya wicayaco kta wiyeya yanke cin hee itokam wohdakapi kta.

6 Heon etanhan, nakun tona tapi kin hena wotanin waste owicakiyakapi qon, hecen wicasta wicacehi en un kin iyecen wicayacopi esta woniya en Wakantanka eciyatanhan nipi kta.

7 Tuka taku owasin ecean owihanke kta. Heon etanhan wacinksapa po, qa wocekiye on waktaya un po.

8 Qa taku owasin isanpa niye iyakitedan nina cantekiciya po; wacantkiyapi kin he woahtani ota akahe kta.

9 Iapi sica wanin otoiyohe wonkiciya po.

10 Taku wicacupi kin wicasta otoiyohe icu kin he iyecen iyakitedan okinikiciya po, tona Wakantanka towaonsida ocaje ota tanyan yuhapi kin iyececa.

11 Tuwe ie cinhan Wakantanka oie kin iyecece kta; qa tuwe waokiya hecinhan wookihi Wakantanka qu kin he eciyatanhan kte; hecen taku owasin on Wakantanka yatanpi kta, Jesus Messiya eciyatanhan; iye qe woyatan qa wookihi owihanke wanin kiciun nunwe. Amen.

12 Wastecicidapi kin, peta on iyutanpi kin on iniyutanpi kte cin he on yusinyayapi sni po, taku tokeca ayakipapi iyececa.

13 Tuka Messiya kakije ciqon en oyapapi kin heon iyuskin po; hecen tohan towitan tanin kinhan nina iduskinpi kta.

14 Messiya caje kin on niyasi-capi kinhan, niyuwastepi ece; wowitan qa Wakantanka Taninya kin en niunpi kin heon. Hena e eciyatanhan ostehdapi, tuka niye eciyatanhan yatanpi ece.

15 Tuka ihnuhan wanji tin wicakte sa, qa wamanon sa, qa taku sica econ sa, qa token tawa i

en iyewicakiciye cin iyecen kakisniyanpi kinhan.

16 Hececa esta tuwe Messiya tawa kin on kakisnyapi kinhan istece kte sni; tuka heon Wakantanka yatan kta.

17 Wakantanka tiyohnaka tawa kin wicayucanpi kte cin wanna iyehantu. Unkan he unkiyepi etanhan aye cinhan, tona Wakantanka tawootanin waste wicadapi sni kin hena token owihankepi kta he.

18 Qa wicasta owotanna kin kitan se ni kinhan, tuwe sicaya econ qa wahtani sa kin hena tu-kten yakonpi kta he.

19 Heon etanhan, tona Wakantanka eciyatanhan kakijapi kin hena, waste ece econpi kin en, Wawicahye wacinyepica kin iyecen iye nagipi kin yuhekiyapi kte.

WICOWOYAKE 5.

1 Miye hunkayapi kin hemaca, qa Messiya kakije ciqon wammdake ca, wowitan yutaninpi kte cin he en owapa, tona hunkayapi yaunpi kin ceciciyapi ce;

2 Wakantanka optaye tawa ehna yaunpi kin he wonwicaya po; econ niciyapi kin iyecece sni, tuka iyokipiya awanwicadapapi kta; woyuha sica kin on etanhan sni, tuka tawacin waste on ecanonpi kta:

3 Wakantanka taku tawa hince cin en itancanpi kin iyenicecapi kte sni, tuka optaye kin en wonspekiya yaunpi kta.

4 Hecen Waawanhdake Itancan kin tohan ihdutanin kinhan, hehan wowitan watesdake wan snije kte sni kin he iyacupi kta.

5 Nakun, tona askatudan yaunpi kin, hunkawicayapi kin anawicagoptan po: Han, owasin

II. INYAN.

otoiyohi anakicigoptan po, qa wowahbadan koyaka po. Tona wahanicidapi kin hena Wakantanka wicakipajin, tuka tona onsikihanpi kin hena wowaonsida wicaqu ece.

6 Heon etanhan, Wakantanka nape wasake cin ihukuya onsikihan po; hecen tohan iyehantu kinhan yuwankan inicupi kta:

7 Wacin akipam duzapi kin owasin iye en aihpeya po; iye qe awanicinpi ece.

8 Witkopi sni po, waktaya un po; Wakansica tokaniyanpi kin he mnaja hoton ece kin iyecen omani un, tuwe yapote kte cin he akita ece.

9 Sutaya wacinyayapi kin on he kipajin po; nihunkawanjipi maka akan unpi kin hena en wokakije kin dena iyececa yustanpi ece e sdonyayapi.

10 Tuka Wakantanka wowaonsida ocowasin lduhe cin, Je-

sus Messiya eciyatanhan, wowitan owihanke wanica iye tawa kin en unkcipi kin he, tohan cistiyedan nicakijapi kinhan, niyustanpi kte, pahohośni enihnakapi, niyuwasakapi, qa sutaya nihdepi nunwe.

11 Iye qe wowitan qa wokiconze kin owihanke wanin tawa nunwe. Amen.

12 Siluanos nibunkawanjipi wan wacinyepica wadake cin on wowapi pcedan cicagapi; wahokonciciyapi qa wociciyakapi, Wakantanka towaste wicakapi en nayajinpi kin he dee ce.

13 Babulon ekta tona om nicahnigapi kin hena nape niyuzapi, qa nakun Markos micinksi kin.

14 Wacantkiyapi iiputakapi kin on otoiyohi nape kiciyuza po. Tona Jesus Messiya en yaunpi kin owasin wookiye nicipi un nunwe. Amen.

IN Y A N

TAWOWAPI INONPA KIN.

WICOWOYAKE 1.

1 Simon Inyan, Jesus Messiya tawowidake qa yesi qon he, tona Wakantanka unkitawapi toowotanna kin on, qa Jesus Messiya Wanikiye cin eciyatanhan, unkiye unhapi kin iyecen wowacinye tehika yuhapi kin hena *wowapi wicakicaga*.

2 Wowaonsida, wookiye ko, Wakantanka sdonyapi kin en, qa Jesus Itancan unkiyapi kin on niciyuotapi nunwe.

3 Iye towasake wakan kin he taku on wiconi qa woohodapi

kte cin owasin unqupi kin he iyececa, tuwe wowitan qa wookihi on unkcipi kin he sdonyapi kin eciyatanhan.

4 Hena on taku tanka hinca, qa taku tehike hinca iwahounyanpi; hecen hena on Taku Wakan ouncage kin en oyapapi kta, wiconi kin de en wocantiheye sica on wicošice nayecipapi kin.

5 Qa nakun he on nina mnibeiciya po, wacinyayapi kin en waditakapi kin ikoyagya po; qa waditakapi kin en wosdonye;

6 Qa wosdonye kin en iyatahdeiciyapi sni; qa iyatahdeici-

WICOWOYAKE 2.

yapi *śni*, kin en wacintankapi; qa wacintankapi kin en taku wakan iyececapı;

7 Qa taku wakan iyececapı kin en waštekiçidapı; qa waštekiçidapı kin en wacantkiyapı *iko-yagya po*.

8 Hena taku kin en niunpi qa niciyuotapı kinhan, Jesus Messiya Itancan unkiyapı sonyapı kin en taku icañye ça waskuyeca aicage cin henicapı kta e nicagapı.

9 Tuka tuwe dena yuhe *śni* kinhan, he ištagonge ça tehan wawanyaka okihi *śni*, qa wañtani qon hena kipakintapı kin he akiktonja.

10 Heon etanhan, mihunkawanji, nicopi qa nicañnigapı kin aiciciya hdusuta po; hena hecen ecanonpi kinhan icimana nihinñpayapı kte *śni*.

11 Qa nakun heon Jesus Messiya Itancan qa Wanikiya unkitawapı tokiconze owihanke wance cin en yaipi kte cin wijinya niçupı kta.

12 Heon etanhan taku hececa ohinnian kiksuyeciçiyapı kta awektonje kte *śni*, hena niye hinca sonyayapı, qa nakaha wowicake kin de en sutaya nihdepı ešta.

13 Tohányan wakeya kin de ohna waun kin hehanyan kiksuyeciçiyapı kin on iyocipaštakapı kte cin he hecetu wadake:

14 Wakeya mitawa kin de aškadan wehnake kta sdonwakiya, Jesus Messiya Itancan unkiyapı omakiyake ciqon iyececa.

15 Tuka nakun detanhan imdamde cin iyohakam, taku kin dena ohinnian yeksuya oyakihipi kta e awakite kta.

16 Jesus Messiya Itancan unkiyapı towašake qa hi kte cin hena unkoniciyapı qehan, hi-

tunkakanpi ksamya kagapı kin unkunpi *śni*, tuka iye tanka hinçe cin he išta on wanunyakapı.

17 Wakantanka Ateye cin eciyatanhan woyuonihan wowitan ko icu, wowitan wašte kin etanhan wicaho kin de hiyu qehan, Micinkši waštewakidake cin he dee, on iyomakipi hinca ce.

18 Unkan wicaho kin he mañpiya eciyatanhan u kin he nanñonpi, paha wakan kin akan kici unyakonpi qehan.

19 Tuka wokcanpi oie iyotan suta wan unhapı; he qe anayagoptanpi kinhan tanyan ecanonpi kta, petijanjan tukten otpaze cin en ijanjan kin iyececa, nicantepı kin ekta anpao kamdeze ça, en anpao wicanñpi kin hinanpe kte cin behanyan.

20 Qa de tokaheya sdonya po, wowapı wakan kin en wokcanpi kin owasin tuwedan iye ciuka oyake *śni*.

21 Wokcanpi kin wanakajatanhan wicašta tawacin kin eciyatanhan u *śni*; tuka wicašta wakan Wakantanka tawa Woniya Wakan kin token iewicakiye ciqon hena hecen eyapı ece.

WICOWOYAKE 2.

1 Tuka he ehan oyate kin ehna wicašta wokcan itonpi *śni* yukan qon, he iyecen niyepı kin ehna waonspekiya itonpi *śni* kin heca yuke kta, nañmana wohnuni woihangye kin en aupi kta, Itancan opewicakiton qon he eñpeyapı, qa wicotakuniñni oñanko amnaicıyapı kta.

2 Qa wicoñan *şıca* econpi kin en wicota opapı kta; hena on wowicake canku kin yañicapı ece e kta.

3 Qa waicu wacinpi kin eciya-

II. INYAN.

tanhan wicoie skuya on wiyopeniyanpi kta ; hena ewicayacopi kin wanakajatanhan en awicau, qa ihangwicayapi kte cin he hba sni.

4 Wakantanka malhipiya ohni-hde wahtanipi qon hena wicakpatan sni, tuka wakanšica ti kin ekta iyayewicaya, qa woyaco kte cin hehanyan wicayuhapi kta e otpaza maza icicahiha on wicakaška hecinhan ;

5 Qa maka tannike cin kpatan sni, tuka Nowa wicašta wicišahdogan wicoowotanna oyake cin he kpatan, qa wicoicage wahtanipi sa amnitanwicaya ;

6 Qa Sodom qa Gomorra otonwe kin caħota kaħiya ehpewicaye, woihangye on wicayaco, qa tona tokata wahtani sa unpi kte cin hena woonspe wicakicaga ;

7 Qa Lot owotanna un, wicašta wahtepi sni oħan šicapi kin wacin iyowicakišica ece kin he ehdaku :

8 Wicašta owotanna kin he hena wicehna ti, qa taku wanayake ca naħon kin on, anpetu eca iye nagi owotanna ekta wacin iyowicakišica ece, šicaya oħanyanpi kin on :

9 Itancan kin wicašta wašte woiyutanye kin etanhan token ewicahdaku kta sdonya, qa nakun wicašta owotanna sni kin woyaco anpetu kin hehanyan wicayuhe kta, šitkihdawicayapi kta e heon :

10 Tuka tona woasamyecantiheyapi kin en wicacehpi eciyatanhan manipi, qa wokiconze wahtedapi sni kin hena iyotan : hena waħaničidapi qa wamnaičidapi ece ; qa tona tankapi kin wicayašicapi kokipapi sni.

11 Malhipiya ohnihde kin, woo-kihi qa wowašake on iyotanpi qeyaš, Itancan kin itokam wa-

yašicapi woyaco kin en awicayapi sni ece.

12 Tuka dena iš, woteca iyececa, wicayuzapi qa ihangwicayapi kta e on wicakagapi kin, taku okaħnigapi sni keš he yašicapi ece ; qa wicotakunišni tawapi kin en ihangciyapi kta ;

13 Qa anpetu icunhan tanyan wotapi kin he woiyokipi dakapi kin heon woahťani iyunwin kin icupi kta. Hena om wayatapi icunhan wohneyečiyapi kin on iyuškinpi, woasape qa taku samya wanke cin hecapi ;

14 Išta yukanpi wiinaħmanpi kin on ojudan qa woahťani ayuštanpica sni ; wicanagi kacegyay unpi kin hena wicahnayanpi ece ; cante wawicakipi e eccwakta kin heca yuhapi, wicotakunišni cincapi kin :

15 Canku owotanna kin ayuštanpi, qa onuniyata unpi, Balaam Bosor cinhintku woahťani iyunwin waštédake ciqon he tancanku kin en opapi :

16 Iye taku šica econ qon on iyoheyapi ; šonšonna kin ia okiptani ece wicaho on ie ca, wicašta wokcan witkotkoya oħanye cin he kišica.

17 Miniyowe mini wanica, malhipiya šapa tute iyumni on toke cincin eyaye cin hena hecapi ; hena on otpaza sape ħinca owihanke wanica wicakicihnakapi.

18 Waħanħaničidaya takušnišni eyapi eca, wicacehpi cantiheyapi kin eciyatanhan, witkoya oħanyanpi kin on, tona wohneye en oonyanpi kin kitan ecinyan nawicakicipapi qon hena iyakapewicayapi ece.

19 Tawačiyapi kin wicacupiki keyapi, tuka iyepi kaeš wicotakunišni iwicadaka. Taku on tuwe iyakapeyapi kinhan, he on wowidagyapi ece.

WICOWOYAKE 3.

20 Itancan qa Wanikiya Jesus Messiya sdoniyapi kin eciyatanhan, wicoicage kin de en woasape kin nakipapi esta, ake hena on iyakapeyapi qa en ihdaskapi kinhan, hena otokahe ekta waste qa owihankepi kin he sica ece.

21 Woowotanna canku kin he sdoniyapi sni unkan's he waste kta tuka, qa he sdoniyapi qa wohaope wakan wicaqupi kin ayustanpi kin he sice hinca.

22 Tuka wiyacinpi eyapi wicakapi kin he iyecen waakipapi; Sunka taku hiyuye cin he ake hduta ce; qa, Kuku'se yujajapi qon he ake upsija en iwanka ce.

WICOWOYAKE 3.

1 Wastececidapi kin, de nakaha wowapi inonpa cicagapi; hena en nitawacinpi mdesahan kiksuyapi on iyocipa'stakapi.

2 Hecen wicasta wokcan wakan token oieyapi qon, qa nakun unkiye Itancan qa Wanikiya yeun'sipi qon token econ unisipi kin hena yeksuyapi kta.

3 Qa de tokaheya sdonya po, anpetu ehake kin en waiha'hapi, iye cantibeyapi sica eciyatanhan manipi kin heca hipi kta;

4 Qa heyapi kta; Hi kta keyapi qon he tukte e he; wicahunkake istinma ihpayapi ehan-tanhan otokaheya tanhan taku owasin tokeca sni wanka ce.

5 Tuka he de sdoniyapi sni, Wakantanka oie kin eciyatanhan mahpiya kin ehanna un, qa maka kin mini mahen qa nakun mini akan han;

6 Qa nakun he eciyatanhan, maka ehanna un qon he mini apasbog hiyaye ca ihangya.

7 Tuka mahpiya qa maka nakaha un kin hena iye oie kin on kihnakapi, peta on ayuhapi, wo-

yaco anpetu qa wicasta sica sitkihdawicayapi kte cin hehan-tu.

8 Tuka, wastececidapi kin, he de sdonye sni yukanpi sni po, Itancan kin ekta anpetu wanjidan waniyetu kektopawinge iyececa, qa waniyetu kektopawinge anpetu wanjidan iyececa ece.

9 Itancan kin taku wahowicaye cin yutehan sni, wicasta wanjiksi yutehanpi eyapi kin iyececa; tuka unkiyepi on wawacinkta yuza tanka, tuwedan awihnuniiciye kte sni, tuka owasin woiyopeiciye en ihdoui kta cin.

10 Tuka Itancan taanpetu kin wamanon sa wan hanyen hi ece kin he iyecen u kta, hehan mahpiya kin hmunhmunyan hinnda on tokan iyaye kta, qa taku kin peta hinca on skan kta; qa maka kin wicohan ohna un kin hena huhnage kta.

11 Hena taku kin owasin hecen skan kta hecinhan, wicohan waste qa Taku Wakan iyececapi kin en taku wicasta yaunpi kta iyececa he:

12 Wakantanka taanpetu u kte cin he ayapepi qa on inayahnipi kta; he en mahpiya kin aide ecen atakuni kte sni, qa taku kin peta tanka hinca on skan kta.

13 Hececa esta, unkiye, iye wahounyanpi kin eciyatanhan, mahpiya teca qa maka teca en woowotanna ounye cin he wanuyakapi kta e unkaepi.

14 Heon etanhan, wastececidapi kin, taku hececa ayapepi kin heon aiciciya po, hecen iye wookiye en asape sni qa iyaonpepicasni iyenianpi kta.

15 Qa Itancan wawacinkta yuza tanka kin he wiconi kecan-kin po; Palos, hunkawanjinun-

I. JOHANNES. .

yanpi wašte kin, is eya woksape qupi kin ceyatanhan, wowapi nicagapi kin iyececa ;

16 He wowapi kage cin owasin en taku hececa cajeyata ece ; hena wanjiksi okahinih tehika, tona onsepepi šni qa kaktihanhan unpi kin yatokecapi, wowapi unma kin iyececa, iye ihdutakunipi kte šni heon.

17 Heon etanhan, waštecici-

dapi kin, niš niyepi hena itokam sdonyayapi, heon ihnuhan wicašta šica wohnaye kagapi kin nihnayanpi, qa sutaya nihdepi kin etanhan nihinhpayapi kinhan.

18 Tuka wowaste kin en, qa nakun Itancan unyanpi Wani-kiya Jesus Messiya sdonyapi kin en icaga po. Iye kin wowitan nakaha qa owihanke wanica kiciun nunwe. Amen.

JOHANNES

TAWOWAPI TOKAHEYA KIN.

WICOWOYAKE 1.

1 Taku otoaheya tanhan un, taku naunhonpi, qa ista on wanunyakapi, opaunhtapi qa nape on unzapi, Wiconi Oie kin hee.

2 Wiconi kin he ihdutanin ; unkan Wiconi Owihanke Wanica Ateyapi kin kici un, qa unkiyepi kin en ihdutanin qon he wanunyakapi, qa unyaotaninpi qa unkoniciyakapi.

3 Taku wanunyakapi qa naunhonpi kin he unkoniciyakapi, hecen niye unyecicapi kta ; unkan awicakehan Ateyapi kin kici okiciciya unyakonpi, qa nakun iye Cinhintku Jesus Messiya kici.

4 Unkan nitowiyuskinpi kin yucopi kta e heon dena decen wowapi unnicagapi.

5 Hehan wotanin wašte iye ceyatanhan naunhonpi qa unkoniciyakapi kin, Wakantanka he iyoyanpa, qa otpaza takudan en un šni kin he hee.

6 Iye kici okiciciya unyakonpi ce, unkeyapi qa otpaza kin oma-

unnipi kinhan, unkitonpišni qa wowicake kin econkupi šni ece.

7 Tuka iye iyoyanpa en un kin he iyecen iyoyanpa kin en maunnipi kinhan, otoiyohe okiciciya unyakonpi, qa iye Cinhintku Jesus Messiya we kin he woahitani owasin unkipakintapi kta.

8 Woahitani unnicapi ce, unkeyapi kinhan, unkiçihnayanpi qa wowicake kin unkiyepi en un šni.

9 Tuka waunhtanipi kin unkohtakapi kinhan, iye kin wacinyepica qa owotanna un, hecen woahitani yutokan iyeunkiciciyapi kta, qa taku šica owasin unkipakintapi kta.

10 Eca waunhtanipi šni ce, unkeyapi kinhan, iye itonšni undakapi, qa iye oie kin unkiyepi en un šni ece.

WICOWOYAKE 2.

1 Micinca cikcistinpidan, wa-yahtanipi kte šni e heon dena decen wowapi cicagapi. Unkan tuwe wahtani kinhan Ateyapi kin ekta Wawiciya wañ unhapi,

WICOWOYAKE 2.

Jesus Messiya owotanna kin hee.

2 Unkan waunhtanipi wokajuju kin he iye; qa unkiye unkita-wapi kin hecedan s̄ni, tuka maka kin owancaya woah̄tani econ-pi kin hena.

3 Unkan deciyatanhan iye kin wanna sdonunyanpi e sdonunkiyapi, tawoahope unkocicipapi kinhan.

4 Tuwe, He sdonwaya ce, eye qa tawoahope okicipe s̄ni kin he iton̄s̄ni, qa wowicake kin en un s̄ni.

5 Tuka tuwe iye oie kin okicipe cinhan, awicakehan he en Wakantanka wāstedake cin yuecetupi. Heciyatanhan iye kin en unyakonpi kin sdonunkiyapi ece.

6 Tuwe he kici un keye cinhan, iye token omani qon is̄ iyeceh̄ omani kta iyececa.

7 Mihunkawanji, woahope teca wan cicagapi s̄ni, tuka woahope tanina, otokaheya tanhan duhapi qon hee. Woahope tanina kin wicoie otokahe ekta nayahonpi qon he hee.

8 Hehan akes̄ woahope teca wan cicagapi; he iye kin en wowicake, qa nakun niyepi kin en; otpaze cin he wanna hena-keca, qa iyoyanpa wicake cin he wanna tanin kin heon etanhan.

9 Tuwe iyoyanpa kin en un keiciye ca, hunkawanjitku kin sic̄ekidake cin he dehanta otpaza kin en un.

10 Tuwe hunkawanjitku wāstekidake cin he iyoyanpa kin en un ece, qa wokāseye takudan en un s̄ni.

11 Tuka tuwe hunkawanjitku sic̄ekidake cin he otpaza en un, qa otpaza omani, qa tokiya ye cin sdonkiye s̄ni, ista kin otpaza kās̄eya, heon etanhan.

12 Hok̄siyopa cikcistinpidan, iye caje kin on wayahtanipi kin nicicajujupi kin heon wowapi cicagapi.

13 Hunkakeniyanpi kin, tuwe otokaheya tanhan un kin he sdonyayapi kin heon wowapi cicagapi. Kos̄kapi kin, tuwe sic̄e cin he ohiyayapi kin heon wowapi cicagapi.

14 Hok̄siyopa cikcistinpidan, Ateyapi kin sdonyayapi kin he etanhan wowapi cicagapi. Hunkakeyapi kin tuwe otokaheya tanhan kin he iye sdonyayapi kin heon wowapi cicagapi. Kos̄kapi kin, wanīsakapi, qa Wakantanka oie kin en niunpi, qa tuwe sic̄e ein he yaktepidan kin he etanhan wowapi cicagapi.

15 Wicoicage kin de wāstedapi s̄ni po, qa taku wicoicage kin ekta un kin hena nakun. Tuwe wicoicage kin de wāstedake cinhan, Ateyapi kin wāstedake cin en un s̄ni.

16 Taku wicoicage en un kin owasin, wicaceh̄pi cantiheye cin, wicaīsta cantiheye cin, qa wiconi kin den wāhanicidapi kin, hena Ateyapi kin etanhan s̄ni, tuka wicoicage kin de etanhan.

17 Unkan wicoicage kin de atakuni kte s̄ni, qa wocantiheye kin nakun; tuka tuwe Wakantanka tawacin kin yuhe cinhan, he owihanke waninounye kta.

18 Hok̄siyopa cikcistinpidan, anpetu ihankeya kin wanna hiyohi; unkan, Messiya kipajin kin he u kta ce, nayahonpi qon he iyecen Messiya kipajinpi kin otawanna hipi; heon de anpetu ehake kin sdonunyanpi.

19 Unkiyepi kin etanhan inanpapi, tuka hena unkicicapi s̄ni. Hena unkicicapi unkan̄s̄, unkici-

I. JOHANNES.

pi un wacinpi kta : tuka owasin unketanhanpi šni tanin kta e heon etanhan hececa.

20 Tuka Wanji Wakan kin he niye sdaniyanpi, qa heon taku owasin sdonyayapi.

21 Wowicake kin sdonyayapi šni kin heon wowapi cicagapi šni ; tuka he sdonyayapi, qa woitonšni takudan wowicake kin eciyatanhan u šni, heon etanhan.

22 Tuwe itonšni he ; tuwe Jesus he Messiya kin ee šni, keye cin hee ; Messiya kipajin kin hee, Ateyapi qa nakun Cinhintku kin anawicakilibe cin hee.

23 Tuwe Cinhintkuyapi kin wicada šni kin he Ateyapi kin yuhe šni : tuka tuwe Cinhintkuyapi kin oyake cinhan, he Ateyapi kin nakun yuha ece.

24 Taku otokaheya tanhan nayaŋonpi qon he yuha po. Taku otokahe ekta nayaŋonpi qon en niunpi kinhan, Cinhintkuyapi kin en yaunpi kta, qa nakun Ateyapi kin en.

25 Unkan wahoyapi qon taku iwahounyanpi kin, owihanke wanin wiconi kin hee.

26 Tona nihnyanpi kta cinpi kin hena on decen wowapi cicagapi.

27 Tuka sdaniyanpi, iye eciyatanhan duhapi kin he nicipi un ; qa tuwe waonspeniciyapi kta iyenicecapi šni ; tuka sdaniyanpi kin he taku owasin onspeniciyapi, he wowicake qa woitonšni wanica ; he taku onspeniciyapi kin iyecen, iye kin en un po.

28 Unkan dehan, hokšiyopa cikcistinpidan, iye kici un po ; hecen tohan iye ihdutanin kinhan wacinunyanpi kta, qa taninyan hinajin kinhan, itokam unkištecapi kte šni.

29 Iye owotanna un sdonyaya-

pi kinhan, tuwe woowotanna econ kin he iye kin eciyatanhan wanna teca nien tonpi e nakun sdonya po.

WICOWOYAKE 3.

1 Wanyaka po, Ateyapi kin wocantekiye hinsko tanka unqupi kin, Wakantanka cinca unkekiciyapi kta : heon etanhan wicoicage kin sdonunyanpi šni, iye kin sdonyapi šni qon iyececa.

2 Waštecicidapi kin, wanna Wakantanka cinca kin heuncapi ; qa tounkecapi kte cin hinahin tanin šni : tuka iye kin ihdutanin kinhan, iyeuncecapi kta e sdonunkiyapi ; he token un kin wanunyakapi kta nakaes.

3 Unkan tuwe hecen wacinyan canteyuze cinhan ihducedan ece, iye kin ecedan un kin iyecen.

4 Tuwe woaltani econ kin he woope kin kicaksa ece ; woaltani he woope kicaksapi kin hee.

5 Unkan iye ihdutanin qon, waunhtanipi kin yutokan iyeye kta e heon, he sdonyayapi ; qa iye kin woaltani takudan en un šni.

6 Tuwe iye en un kin he wahtani šni ; tuwe wahtani ece kin he iye kin tohinni wanyake šni, qa nakun sdonye šni.

7 Hokšiyopa cikcistinpidan, ihnuhan tuwe nihnyanpi kinhan ; tuwe taku owotanna econ ece kin he owotanna, iye kin owotanna un kin iyececa.

8 Tuwe woaltani econ ece kin he wakanšica eciyatanhan un ; otokaheya tanhan wakanšica kin wahtani ece. Heon etanhan Wakantanka Cinhintku kin ihdutanin, wakanšica ohan kin ihangye kte cin heon.

9 Tuwe Wakantanka eciyatan-

WICOWOYAKE 4.

han teca nien tonpi kin he woahtani econ sni, taku on icaliye cin he en un kin heon; unkan wahtani okihi sni, Wakantanka eciyatanhan teca nien tonpi kin he etanhan.

10 Detanhan Wakantanka cinca kin sdonwicayapi, qa nakun wakansica cinca kin; tuwe taku owotanna ece econ sni kin he Wakantanka eciyatanhan sni, qa nakun tuwe hunkawanjitku tanyan cante kiyuze sni kin.

11 Otokaheya tanhan taku iwahokonunkiciyapi nayahonpi qon he dee, otoiyohe wašteunkicidakapi kte cin.

12 Qain taku sice cin eciyatanhan un, qa iye sunkaku kikte qon iyecece sni. Unkan taku on kikte he. Iye kin ohan sica, qa sunkaku kin wašte kin heon etanhan.

13 Mihunkawanji, wicoicage kin sicecidapi esta inihanpi sni po.

14 Hunkawanjinkiciyapi wastewicunkidapi kin heon wiconte etanhan wiconi e ekta unkiyohipi sdonunkiyapi; tuwe hunkawanjitku wastekida sni kin he wiconte ehna un.

15 Tuwe hunkawanjitku sicekidake cin he tinwicakte kin beca; unkan tuwe tinwicakte kin he wiconi owihanke wanica aibduhe sni e sdonyayapi.

16 Deciyatanhan wacantkiyapi kin sdonunyanpi; iye kin unkiyepi on wiconi ehpekiye cin heon; hecen unkiš eya hunkawanjinkiciyapi kin on wiconi ehpeunkiyapi kta iyececa.

17 Tuka tuwe maka akan woyuha ton, qa hunkawanjitku wahpanica wanhdake ca, cantekiye cin anakipte cinhan, token Wakantanka wastedake cin en un kta he.

18 Micinca cikcistinpidan, wicoie qa wicaceji ecedan on wacanunkiyapi kte sni, tuka wicohan qa wowicake kin on.

19 Unkan deciyatanhan wowicake eciyatanhan unyakonpi, qa iye itohnake kin en cante unhdutinzapi kta e sdonunkiyapi.

20 Uncantepi kin unhdacopi kinhan, Wakantanka uncantepi kin sam iyeya tanka, qa taku owasin sdonya un.

21 Wastecicidapi kin, uncantepi kin unhdacopi sni kinhan, Wakantanka ekta wowaditake kin unhapi:

22 Qa taku unkidapi kin owasin unkiyehapi ece, tawoahope kin unkiyehapi, qa taku iye ista kin en iyokipi kin he econkupi, heon etanhan.

23 Unkan tawoahope kin he dee, Iye Cinhintku Jesus Messiya caje kin wacinunyanpi, qa otoiyohe wašteunkicidapi kta, econ unsipi qon iyececa.

24 Tuwe tawoahope kin opecinhan, he *Wakantanka* kici un, qa is iye kin en un; unkan Woniya unqupi kin he eciyatanhan iye unkiyepi un kin he sdonunyanpi ece.

WICOWOYAKE 4.

1 Wastecicidapi kin, ihnuhan woniya owasin wicayadapi kinhan; tuka woniya kin wicayukan po, Wakantanka etanhan unpi kinhan; wicasta wokcan itonpišni ota wanna wicoicage kin ehna iyayapi.

2 Deciyatanhan Wakantanka Taniya kin sdonyayapi kta; woniya kin tona Jesus Messiya wicacehpi un hi oyake cin hena Wakantanka eciyatanhanpi ece.

3 Qa woniya kin tona Jesus Messiya wicacehpi un hi oyake sni kin hena Wakantanka eciya-

I. JOHANNES.

tanhanpi šni; tuka Messiya kipa-
pajin u kta nayaħonpi qon he
dee, wanna wicoicage kin en un.

4 Koksiyopa cikcistinpidan,
Wakantanka eciyatanhan yaun-
pi, qa hena ohiwicayayapi; tu-
we en niunpi kin he tuwe wico-
icage en un kin isanpa tanka.

5 Hena e wicoicage kin etan-
hanpi; heon wicoicage kin iye-
cen iapi, unkan wicoicage kin
anawicagoptan ece.

6 Unkiye Wakantanka unke-
tanhanpi; tuwe Wakantanka
sdoneye cin he unkiye anaungo-
ptanpi ece; qa tuwe Wakantanka
eciyanhan šni kin he anaun-
goptanpi šni. Deciyatanhan
wowicake woniya qa wohnaye
woniya kin napin sdonunyanpi.

7 Waštəcicidapi kin, otoiyo-
hi canteunkiciciyapi kte; wacant-
kiyapi kin he Wakantanka eci-
yatanhan un; qa tuwe wacant-
kiye cin he Wakantanka eciya-
tanhan tonpi, qa Wakantanka
sdonya.

8 Tuwe wacantkiye šni kin he
Wakantanka sdoneye šni; Wa-
kantanka he wacantkiyapi kin
hee.

9 Wakantanka canteunkiyapi
kin he deciyatanhan tanin, Wa-
kantanka iye Cinhintku isnana
icage cin he makata u ši, heci-
yatanhan unnipi kta e heon.

10 Wacantkiyapi kin he deci-
yatanhan, unkiye Wakantanka
wašteundakapi kin hee šni, tuka
iye canteunkiyapi, qa Cinhintku
waunħitanipi yutokan iyeye kta
e on u ši qon hee.

11 Waštəcicidapi kin, Wakan-
tanka hecen canteunkiyapi kin-
han, unkiš eya otoiyo-
hi canteunkiciciyapi kta iyececa.

12 Tuwedan tohinni Wakan-
tanka wanyake šni. Otoiyo-
hi canteunkiciciyapi kinhan Wa-

kantanka unkicipi un, qa iye
canteunkiyapi kin unkiyepi en
tanyan yuštanpi ece.

13 Heciyanhan unkiye kici
unyakonpi, qa iye unkicipi un
kin sdonunyanpi ece, iye Taniya
unqupi kin heon.

14 Unkan wanunyakapi, qa A-
teyapi kin Cinhintku ukiya, wi-
coicage kin ekta, Wanikiya hee
kta e he unyaotaninpi.

15 Tuwe Jesus he Wakantan-
ka Cinhintku kin hee e oyake
cin he kici Wakantanka un, qa
iš eya Wakantanka en un ece.

16 Wakantanka canteunkiyapi
kin he sdonunyanpi qa wicaun-
dapi. Wakantanka wacantki-
yapi kin hee: qa tuwe wacant-
kiyapi en un kin he Wakantanka
kici un, qa Wakantanka iš nakun
iye en un ece.

17 Deciyatanhan wocantekiye
unkiyepi en unkiyeyuštanpi ece,
hecen woyaco anpetu kin en
wowaditake unhapi kta: iye un
kin unkiš iyecen wicoicage kin
den unyakonpi ece.

18 Wacantkiyapi kin en woko-
kipe wanica, tuka wacantkiyapi
yuštanpi kin he wokokipe tan-
kan ehpeya ece; wokokipe kin
he wicocante šica yuha ece; tu-
we wakokipe cin he nabanħin
wacantkiyapi kin en yuštanpi
šni.

19 Iye tokaheya canteunkiya-
pi kin heon unkiye *Wakantanka*
wašteundakapi.

20 Tuwe, Wakantanka wašte-
wadaka ce, eye qa hunkawanji-
tku šicekidake cinhan, he iton-
šni. Tuwe hunkawanjitku wan-
hdake cin he waštəkidake šni
kinhan, token ecin Wakantanka
wanyake šni kin waštədaka oki-
hi kta he.

21 Unkan iye etanhan woahope
kin de unhapi; tuwe Wakan-

WICOWOYAKE 5.

tanka waštedake cin he hunka-
wanjitku kin is nakun wašteki-
dake kta ce.

WICOWOYAKE 5.

1 Tuwe Jesus he Messiya kin
ee e wicada kin he Wakantanka
eciyatanhan tonpi ; qa tuwe wa-
icaliye cin waštedake cinhan,
he tuwe iye eciyatanhan teca
ni en tonpi kin he nakun wašte-
daka ece.

2 Deciyatanhañ Wakantanka
cinca kin waštwicundakapi kin
sdonunkiyapi, Wakantanka wa-
šteundakapi qa tawoahope kin
tanyan unkiyuhapi kinhan.

3 Wakantanka waštedakapi kin
he dee, tawoahope kin tanyan
ounpapi kin he ; unkan tawoa-
hope kin wošitkihda śni.

4 Tuwe Wakantanka eciyatan-
han tonpi kin he wicoicage kin
ohiya ece ; unkan woohiye wi-
coicage ohiye cin he dee, wa-
cinunyanpi kin hee.

5 Wicoicage ohiya ece kin he
tuwe he ; tuwe Jesus he Wa-
kantanka Cinhintku kin ee e
wicada kin hee.

6 Tuwe mini qa we eciyatan-
han hi qon he Jesus Messiya ee ;
mini ecedan on hi śni, tuka mini
we ahna. Unkan wayaotanin
kin he Woniya kin hee ; Woniya
kin he wowicake, heon etanhan.

7 Mañpiya kin ekta yamni wa-
yaotaninpi ece, Ateyapi kin, Wi-
coie kin, qa Woniya Wakan kin ;
unkan hena yamni wanjipidan.

8 Nakun maka akan taku ya-
mni wayaotanin ece, Woniya
kin, qa mini kin, qa we kin ; un-
kan hena yamni wanjidan en un.

9 Wicašta akantu taku yaotan-
inpi kin he unkiyuhapi kinhan,
Wakantanka taku yaotanin kin
he iyotan tanka ; Wakantanka

taku yaotanin kin he dee, iye
Cinhintku hdaotanin qon hee.

10 Tuwe Wakantanka Cinhin-
tku kin wicada kin he wayaotan-
in iye atayedan yuha un. Tu-
we Wakantanka wicada śni kin
he itonśni daka ece ; wayaotan-
in kin on Wakantanka iye Cin-
hintku hdaotanin qon he wicada
śni kin heon.

11 Unkan wayaotanin qon he
dee, Wakantanka wiconi owi-
hanke wanica unqupi kin he ;
unkan wiconi kin he iye Cinhin-
tku kin en un.

12 Tuwe Cinhintkuyapi kin
yuhe cin he wiconi yuha ; qa tu-
we Wakantanka Cinhintku kin
yuhe śni kin he wiconi yuhe śni.

13 Wakantanka Cinhintku ca-
je kin wacinyayapi kin dena wo-
wapi cicagapi kin ; wiconi owi-
hanke wanica duhapi e sdonya-
kiyapi kta, qa Wakantanka Cin-
hintku caje kin wacinyayapi kta
e heon.

14 Unkan iye ekta wowadita-
ke unhapi kin he dee, Iye tawa-
cin kin eciyatanhan taku unki-
dapi eca naunkihonpi ece :

15 Qa taku unkidapi eca naun-
kihonpi ece e sdonunkiyapi kin-
han, taku tona unkidapi kin he-
na unhapi e nakun sdonunkiya-
pi ece.

16 Tuwe hunkawanjitku wa-
ħtani wanhdake cinhan, woaħta-
ni kin he wiconte ekta śni kin-
han, wocekiye ekiciye kta, un-
kan *Wakantanka* wiconi qu kta,
tona waħtanipi wiconte ekta
iyahde śni hena on. Woaħtani
wanji wiconte ekta ; he on wo-
cekiye eye kta epe śni.

17 Taku śica econpi kin owasin
woaħtani ; unkan woaħtani wi-
conte iyohi śni kin heca yukan.

18 Tuwe Wakantanka eciya-
tanhan tonpi kin he waħtani śni

II. JOHANNES.

ece e sdonunyanpi; tuka tuwe Wakantanka eciyatanhan icage cin he tanyeh ihduhe ça hecen taku síce cin he oyutan síni ece.

19 Wakantanka eciyatanhan unyakonpi kin he sdonunkiyapi; qa wicoicage kin ocowasin woahitani en wanka.

20 Unkan Wakantanka Cinhintku kin he hi, qa wicoksape

unqupi, on tuwe wicake cin iye-unkiyapi kta e sdonunyanpi; unkan tuwe wicake cin he en unyakonpi, iye Cinhintku Jesus Messiya hee. Wowicake Wakantanka qa owihanke wanin wiconi kin hee.

21 Hoksíyopa cikcistinpidan, taku wakagapi kin itehan ihduha po. Amen.

JOHANNES .

TAWOWAPI INONPA KIN.

1 Hunkayapi un kin, Kuria kalinigapi qon *wowapi kicaga*; iye cinca kin, wowicake eciyatanhan waštewicawadake cin hena om, qa mišnana síni, tuka nakun tona wowicake sdoniyapi kin hena owasin;

2 Wowicake kin en unyakonpi, qa owihanke wanin unkiçipi un kte cin heon etanhan.

3 Wowašte, wowaonśida, wookiye ko, Wakantanka Ateyapi kin eciyatanhan, qa nakun Jesus Messiya Itancan, Ateyapi kin he Cinhintku kin eciyatanhan, wowicake wacantkiyapi ko en, niçipi un nunwe.

4 Ateyapi kin woahope unqupi qon iyecen, nicinca wowicake eciyatanhan manipi iyewicawa-kiye cehan nina imduškin.

5 Unkan nakaha, Kuria, ceciya ce, woahope teca wan cica-ge cin iyeccece síni, tuka wanji otokahe ekta unhapi qon, otoiyohi canteunkiciciyapi kte cin hee.

6 Qa wacantkiyapi kin he dee, tawoahope kin eciyatanhan mannipi kte cin hee. Woahope kin he dee, Otokahe ekta taku nayahonpi qon he ohna manyanipi kte cin.

7 Wanna wicahnaye sa ota wicoicage kin ehna iyayapi, hena Jesus Messiya wicacełpi un hi qon oyakapi síni. He wicahnaye sa qa Messiya kipajin kin heca.

8 Iwanihdaka po, hecen taku unkamnanpi kin toki ełpeunyanpi kte síni, tuka wokajuju iyakiçuya unkiçupi kta.

9 Tuwe wahtani qa Messiya tawoonspe kin en un síni kin he Wakantanka yuhe síni. Tuwe Messiya tawoonspe kin en un kin he Ateyapi kin yuhe ça nakun Cinhintku kin.

10 Tuwe en niipi qa woonspe kin de yuhe síni kinhan, tin u śipi síni po, qa wookiye eciyapi síni po.

11 Tuwe wookiye eciye cin he iye ohan síce cin en opa.

12 Taku ota wowapi cicagapi kta mduha ešta, minihuha minisapa ko on ecamon kte síni: tuka en ciupi qa i eciyatanhan ociciyakapi kta e ecin cante mduza; hecen wowiyuškin unkitawapi kin ojudan kta.

13 Nitanka kałnigapi qon cincawicaye cin hena nape niyuza-pi. Amen.

JOHANNES

TAWOWAPI IYAMNI KIN.

1 Hunkayapi *waun* kin, Gayos waštedakapi kin, wowicake en waštewadake cin he, *wowapi cicaga*.

2 Waštecicida, taku owasin isanpa, tanyan iyoopte de kta qa zaniyan yaun kta e cewakinya ece, ninagi iyoopta ye cin iyececa.

3 Hunkawanjinkiciyapi kin den hipi, qa wowicake en niun kin he oyakapi qehan, wowicake eciyatanhan mayani kin heon nina imduškin.

4 Micinca wowicake kin eciyatanhan manipi nawañon kin heon wowiyuškin iyotan tanka mduha, takudan kape šni.

5 Waštecicida, taku hunkawanjinkiciyapi kin, qa nakun wicašta toktokeca ecawicayecon kin he tanyeh ecanon:

6 Hena e okodakiciye kin en wacanyakiye cin tanyan oyakapi: hena icimanipi en, Taku Wakan iyecen, owicayakiye cinhan. tanyan ecanon kta.

7 Iye caje kin on iyayapi, qa Ikcewicašta kin etanhan takudan icupi šni, heon etanhan.

8 Heon tona hececapi kin hena iyowinwicunkiyapi kta iyececa; hecen wowicake kin ounkiyapi kta.

9 Okodakiciye kin wowapi

wicawecaga; tuka hena ehna Diotrepheš itancan içida kin he iyowinunkiyapi šni.

10 Heon etanhan wau kinhan, iye oñan kin, oie šica on unkaiapi ece kin hena weksuye kta. Unkan he on imnan šni, tuka iye ñinca hunkawanjinkiciyapi kin iyowinwicakiye šni, qa tona hecon wacinpi kin iyowicaki šni, qa okodakiciye kin etanhan tankan iyayewicaya ece.

11 Waštecicida, taku šice cin he en ope šni wo, tuka taku wašte kin. Tuwe taku wašte econ kin he Wakantanka eciyatanhan un, tuka tuwe taku šica econ kin he Wakantanka wanyake šni.

12 Demetrios owasin on tanyan oyakapi, qa wowicake kin nakun eciyatanhan; unkan unkiš eya he unyaotaninpi, qa waunyaotaninpi kin he wowicake e sdoniyayapi.

13 Taku ota ociciwa kta mduha tuka, tuka minisapa wiyaka ko on hena wowapi cicage kte šni:

14 Tuka ecadan wanciyake kta, qa i eciyatanhan unkokiciye kta wacin.

15 Wookiye niye en niciun nunwe. Takukiciyapi kin hena nape niyuzapi. Takukiciyapi kin cajeyan nape wicayuzo wo.

JUDAS

TAWOWAPIKIN.

1 Judas, Jesus Messiya tawowidake kin, qa Jakob sunkaku kin, tona Wakantanka Ateyapi kin en wicayuecepidan, qa Jesus Messiya en wicakpatanpi, qa wicakicopi kin hena *wowapi wicakicaga*.

2 Wowaońsida, qa wookiye, wacantkiyapi ko niyepi en nicyuotapi nunwe.

3 Wańteciidapi kin, wiconi ptaya unhapi kin on aićiciya wowapi cicagapi eca, wowacinye ehanna wicańta wakan wicaqupi qon he nina yakitanpi kta e on wowapi cicagapi, qa wahokonci-ciyapi kta iyececa.

4 Wicańta wanjikńi nańmana en opapi, wanakajatanhan woyaco kin de on owicawapi ; hena Taku Wakan iyececapi Ńni, qa Wakantanka unkitawapi towaońsida kin he wicowicańtańni kagapi, qa Wakantanka ecedan Itancan kin he anańmanpi, qa nakun Jesus Messiya Itancan unyanpi kin.

5 Heon etanhan, taku, ehanna sdonyayapi eńta, he ake kiksuyeciciyapi kta wacin, Itancan kin oyate kin Egipta etanhan ehduku, qa iyohakam tona wicadapi Ńni kin hena ihangwicaye cin.

6 Qa nakun mańpiya ohnihde otokahe unpi kin kpatanpi Ńni, tuka iye tipi elpekiyapi qon, hena otpaza ihukuya, owihanke wanin mazaicicahińa kin on, anpetu tanka woyaco kin he en awicayuha.

7 Sodom qa Gomorra iyececa,

qa otonwe hena ihduksan wanecin, hena is eya iyecen wiinańmanpi kin en icicupi, qa wicaceńpi toktokeca akitapi ece qon hena e woonspe on ehdepi, qa peta owihanke wanica on wońtkihda en unpi.

8 He iyececa, wihanmanpi sa kin dena wicaceńpi kin ańamya-pi, qa wokiconze wańtedapi Ńni, qa taku tanka yańcapi ece.

9 Hececa, tuka Mikael mańpiya ohnihde itancan kin he wakanńica kin kici econ, qa Moses tancan kin on akinicapi qehan, woństehda woiaonpe wan en aya tawańenye Ńni, tuka, Itancan kin iyopeniyan nunwe, eciya.

10 Tuka dena e qe taku sdonyapi Ńni kin hena yańcapi ece : tuka iye icagapi kin eciyatanhan taku sdonyapi kin hena on ihduńicapi, woteca ia okitpanipi kin iyececa.

11 Woteńi wicakiciun nunwe ; Qain tancanku kin ohna yapi, qa wokajuju on, Balaam tawohnaye kin nina ainyankapi, qa Kore wicakipajin qon en ihangciyapi.

12 Hena wońape kin heca, wacantkiya wayatapi kin en opeya wotapi, qa wikopeńniyan cemiciyapi : mańpiya Ńapa mini wanica tate on ayapi ece kin ; can kin ptanyetu eca Ńeca aya, waskuyeca codan, inonpa Ńeca, qa hute eciyatanhan yujunpi kin hena *hececapi*.

13 Miniwanca taja ohitika, iye wowińtece tawapi kin minitaga

WICOWOYAKE 1.

iyecen hiyuyapi ece; wicanhipi onuniyata unpi, on otpaza sape hinca owihanke wanin wicakihnakapi.

14 Henok Adam etanhan wicasta isakowin qon he itokam hena owicayake ca heya; Wan-yaka po, Itancan kin wicasta waste wicayuhe cin woyawa tanka om u ce;

15 Owasin wicayaco kta, qa tona Taku Wakan ohodasni kin hena wicohan siksa owasin ohodasniyan econpi qon hena sdonkiyewicaye kta, qa wicoie canksiksi owasin wahitanipi sa Taku Wakan ohodapi sni oie kicatonpi ece qon hena nakun.

16 Hena e wihnupi sa, wawiyaonpapi sa, iye cantiheyapi kin eciyatanhan manipi ece; qa i eciyatanhan wahanhanicidaya iapi, qa taku on etanhan wicasta itohnake kin wastedakapi ece.

17 Tuka wastecicidapi kin, niyepi, Jesus Messiya Itancan unyanpi yewicasi qon hena oiepi ehanna oyakapi qon hena kiksuya po;

18 Anpetu ihankeya kin en wicasta wawihahapi kin yuke kta, iye cantiheyapi sice cin eciya-

tanhan manipi kin, he oniciyaka kapi qon.

19 Ihdutokanpi kin dena eepi, witantanpi, qa Woniya kin yuhapi sni.

20 Tuka wastecicidapi kin, nis niyepi wowacinye iyotan wakan nitawapi kin he ohna icahicuyapi, qa Woniya Wakan kin eciyatanhan wocekiye eya po;

21 Wakantanka wastedakapi kin en ihduha po; qa Jesus Messiya Itancan unyanpi towaonsida wiconi owihanke wanica iyahde kte cin he ape yukan po.

22 Unkan hunh wicayukan-yan onsiwicada po;

23 Qa hunh is wokokipe on niwicaya po, peta etanhan iwicacupi kin iyecaca; qa wokoyake wicacehpi on asapapi kin hena ee kae sikcedaka po.

24 Unkan tuwe woahitani econ sni niyuhapi kta okihi, qa wowiyskin yuha iye towitan kin en iyaonpepica sni enihdepi kte cin,

25 Wakantanka ecedan ksapa, Wanikiya unkitawapi kin hee, Jesus Messiya Itancan unyanpi kin eciyatanhan, wowitan, wo-yaonihan, wookihi qa wokiconze, dehantu qa wicoicage owasin hehanyan, tawa nunwe. Amen.

JOHANNES

WAYUOTANIN TAWA KIN.

WICOWOYAKE 1.

1 Jesus Messiya wayuotanin tawa, taku ecanan u kta e he tawowidake kin sonyewicakie kta Wakantanka qu qon he dee; unkan taohnihde wan u si,

qa tawowidake Johannes he okiyaka:

2 He Wakantanka oie kin, qa Jesus Messiya wohdake cin, taku tona wanyake cin hena wayuotanin.

3 Tuwe wokcan oie kin de ya-

WAYUOTANIN.

wa, qa tona nañonpi, qa taku en kagapi kin anagoptanpi kin, hena wowašte yuhapi. Wanna kiyadan ihan.

4 Johannes, Asia ekta okodaki-ciye šakowinpi kin *wowapi wicakicaga*. Wowaonšida, woo-kiye ko, tuwe un, qa un qon, u kte cin hetanhan niyepi en nicipi un nunwe; qa Woniya šakowinpi oiyotanke tawa kin itokam unpi kin hena eciyatanhan;

5 Qa Jesus Messiya etanhan, he waayatanin wicaka, wiconțe etanhan tokaheya tonpi, qa maka wicaštayatapi kin Itancan kin hee. Tuwe wašte unkidapi, qa waunñtanipi kin etanhan iye we kin en unyujajapi,

6 Qa Atkuku Wakantanka ekta wicaštayatapi, wošna kagapi ko unkagapi kin hee, wowitan, wowašake ko owihanke wanin tawa nunwe. Amen.

7 Wanyaka po, mañpiya šapa kin akan u; unkan wicišta owasin wanyakapi kta, qa tona he capapi qon hena nakun, qa iye on oyate maka ohnaka kin owasin aicipapi kta. Hecetu nunwe. Amen.

8 Alpha qa Omega, otokahe qa owihanke kin he miye ce; Itancan un, qa un qon, u kta, iyotan wašake cin he hena hecen eya.

9 Johannes hunkawanjinyayapi, wokakije, qa wokiconze, wowañbañan ko, Jesus Messiya tawa kin en, tawaši yayapi kin he miye; Wakantanka oie qa Jesus Messiya wohdake cin on etanhan, wita wan, Pafmos eciyapi, hen waun.

10 Itancan taanpetu kin en Woniya kin kici waun; unkan mihektapa tanhan wicaho wan tanka, maza yahotonpi tanka wan iyececa, nawañon;

382

11 He kaken eya, Alpha qa Omega, tokaheya qa ehake kin he miye ce. Taku wandake cin wowapi ecen kage ça, Asia ekta okodakiciye kin iwahowicaya wo; Ephesos, qa Smurna, qa Pergamos, qa Thuatira, qa Sardis, qa Philadelphia, qa Laodikia.

12 Unkan wicaho omakiye cin he wanmdake kta e ekta mihdamna. Unkan mihdamna qehan mazaskazi petijanjan ihupa šakowin wanmdaka.

13 Qa petijanjan ihupa šakowin kin cokaya Wanji Wicašta Cinhintku kin iyececa, tawokoyake kin siha kin ekta iyahdeya, qa maku kin opta mazaskazi ihduskita.

14 Qa pa kin paha ko ska, tañinca wanuyanpi hin kin iyecen ska, qa wa iyececa, qa išta kin peta ide kin iyececa;

15 Qa siha kin is mazazi ecedan iyececa, peta tanka en itkonyahe seca; qa ho kin he mini ota ihaña kin iyececa.

16 Qa nape etapa kin ohna wicanñpi šakowin hduhe ça, i kin eciyatanhan maza sagye anogope kin heca wan hiyu, qa itohnake kin he anpetu wi nina iyege cin iyececa.

17 He wanmdaka, unkan řa wanke cin iyecen siha hde kin en mahinñpaya. Hehan iye nape etapa kin on omayutan qa, Ihnuhan koyakipe cin, emakiya; Tokaheya qa ehake kin he miye;

18 Tuwe ře ça ake kini, qa ito owihanke wanin ni waun; Amen; qa Wakansica ti kin wiconțe ko tiyopa iyuhdoke kin yuha manka ce.

19 Taku wandake cin he wowapi ecen kaga wo, taku nakaha un qa dena iyohakam taku u kte cin hena.

WICOWOYAKE 2.

20 Wicanhpi šakowin minape etapa kin ohna wandake cion wowiyukan kin hee, qa mazaškazi petijanjan ihupa kin hena nakun. Wicanhpi šakowin qon okodakiciye šakowinpi ohnihde yuhapi kin hena eepi; qa petijanjan ihupa šakowin wandake cin okodakiciye šakowinpi kin hena eepi.

WICOWOYAKE 2.

1 Ephesos ekta okodakiciye ohnihde yuhapi kin he ecen wowapi kicaga wo; Tuwe wicanhpi šakowin nape etapa kin ohna hduhe ča, mazaskazi petijanjan ihupa šakowin cokaya omani kin he hecen eya;

2 Niohan, qa nitohtani, qa wacinnitanka kin he sdonwaya; qa tona šicapi kin hena iyowinwicakiya oyakihi šni; qa tona yewicašipi kin hecapi keiciyapi kin hena wicadukkan qa itonpišni kin heca iyewicayaya.

3 Wacinnitanka, qa ayape, qa micaje kin on htayani, qa oya-kite šni.

4 Tuka taku cistinna iyacionpa, tokaheya wašteyadake cin he adušan.

5 Heon tokiya tanhan nihinlipaye cin he kiksuye, ča ihducetu, qa niohan tokaheya kin hdušan wo. *Hecanon* šni kinhan kohanna ekta ciu, qa petijanjan nitawa kin yutokan iye-ciciye kta, nihducetu šni kinhan.

6 Tuka he duha, Nikoleton wicohan kin šiceyadake cin, hena miš eya šicewadaka.

7 Tuwe noge yukan hecinhan, taku Woniya kin okodakiciye kin ewicakiye cin he naħon kta. Tuwe ohiye cinhan he can wiconi, Wakantanka tamaga co-

kaya he cin, hetanhan yun wakiye kta.

8 Unkan Smurna ekta okodakiciye ohnihde yuhapi kin he ecen wowapi kicaga wo; Tuwe tokaheya qa ehake un kin, te ča ake kini kin hee hecen eya;

9 Niohan kin sdonwaya, wokakije wowahpanica ko nitawa kin, (tuka winijica;) qa tona Juda wicašta keiciyapi qa hecapi šni, tuka Satan omniciye tawa kin etanhanpi, hena waaiapi kin *nakun sdonwaya*.

10 Token nicakije kte cin ihnuhan taku koyakipe cin. Iho, Wakansica niyepi wanjikji wicakaška tipi kin en iyeniyampi kta, iniyukanpi kta e heon; unkan anpetu wikcemna hehanyan wokakije duhapi kta; tuka wicaše cin hehanyan wicaka wo, kinhan wiconi watešdake wan ciu kta.

11 Tuwe noge yukan hecinhan, taku Woniya kin okodakiciye kin ewicakiye cin he naħon kta. Tuwe ohiye cinhan he wiconte icinoŋpa kin on kiuniyampi kte šni.

12 Unkan Pergamos ekta okodakiciye ohnihde yuhapi kin he ecen wowapi kicaga wo; Tuwe maza sagye anog ope kin hduhe cin hee hecen eya;

13 Niohan kin sdonwaya, qa tukten Satan oiyotanke tawa yanke cin hen yati; qa micaje kin yuha yaun, qa wacinmayanpi kin adušan šni, anpetu kin Antipas waayatanin wicaka mitawa kin niyepi kin en, tukten Satan tí kin, hen ktepi qon he ehan.

14 Tuka taku wanjikjidan iyacionpa; Balaam hee Balak Israel cinca kin taku on wahtani iciyapi kte cin wicitokam ehde

WAYUOTANIN.

kin he onspekiye ça, taku wakagapi wakiyusnapi kin yutapi, qa wiinañmanpi econpi kta, he tawoonspe tona yuhapi kin hena wicaduha ;

15 Qa nakun Nikoleton tawoonspe yuhapi kin hena wicaduha, he sicewadaka tuka.

16 Ihduecetu wo ; *hecannon* ñni kinhan kohanna ekta ciu, qa mii maza sagye kin on hena kici wecize kta.

17 Tuwe noge yukan hecinhan, taku Woniya kin okodakiciye kin ewicakiye cin he nañon kta. Tuwe ohiye cinhan he manna kihnakapi qon he etanhan yunwakiye ça inyan ska wan waqu kta, inyan kin he en wicacaje teca wan kagapi kin he tuwedan sdoneye ñni, tuka tuwe icu kte cin hecedan.

18 Unkan Thuatira ekta okodakiciye ohnihde yuhapi kin he ecen wowapi kicaga wo ; Wakantanka Cinhintku, ista peta ide kin iyecen hduhe ça, siha kin mazazi ecedan iyececa hee hecen eya ;

19 Niohan kin sdonwaya, wacanyakiye, ça hitayani, qa wicayada, qa ayape, qa niohan kin, qa ehake kin hena tokaheya kin sam iyeya ota.

20 Tuka taku tonana iyacionpa, winoñinca wan Jezebel ecipyapi, winoñinca wokcanka keiciye cin he mitaokiye kin wicahnaye ça, wiinañmanpi econpi, qa taku wakagapi wakiyusnapi kin yutapi kta e onspe wicakiye cin hee iyowinyakiya.

21 Unkan he wawicilhañapi econ kin on iyopeiciye kta e anpetu waqu, tuka iyopeiciye ñni.

22 Ito, owinja wan akan ewanope kta, qa tona kici wawicilhañapi econpi kin hena nakun, wo-

kakije tanka en ; wicoñan kin on iyopeiciyapi ñni kinhan.

23 Qa iye cinca kin wiconçe on wicawakte kta ; qa okodakiciye kin owasin, tuwe wicapaksin wicacante ko iyukcan kin he miye e sdonyapi kta. Qa niyepi kin otoiyoñi nioñanpi kin eciyatanhan ciçupi kta.

24 Tuka niyepi, qa tona Thuatira ekta woonspe kin he yuhapi ñni, qa Satan oñbe tawa eyapi kin sdoneye ñni yaunpi kin kaken eciciyapi ; Waqinpi tokeca acihnakapi kte ñni ;

25 Tuka taku duhapi kin he ñinsa hduha po, hibu kte cin hehanyan.

26 Qa tuwe ohiye ça owihanke kin iyahdeya mioñan kin yuha un kinhan, oyate kin en wowaśake waqu kta.

27 Qa maza icapsinte wan on wicayuhe ça maka wakśica iyecen wicakamdece kta ce ; hecen Ate etanhan hduha waun.

28 Qa anpao wicanñpi kin he waqu kta.

29 Tuwe noge yukan hecinhan taku Woniya kin okodakiciye kin ewicakiye cin he nañon kta.

WICOWOYAKE 3.

1 Unkan Sardis ekta okodakiciye ohnihde yuhapi kin he ecen wowapi kicaga wo ; Tuwe Wakantanka Taniya śakowin kin hena, qa wicanñpi śakowin hduhe cin he hecen eya ; Niohan kin sdonwaya, caje wan duha, yani kin hee, tuka niña.

2 Kiktahan un, qa taku tona nahahin en un qa te kte cin hena hduwaśaka wo ; Wakantanka itokam nioñan kin owotanna e iyewaye ñni.

3 Heon token iyacu, qa nayañon kin kiksuye ça, ñinsa yuze

WICOWOYAKE 3.

ça, ihducetü wo. Kiktahan yaun ñni kinhan wamanon sa iyecen ekta ciu kta, qa tohan ekta cihi kte cin he sdonyakiye kte ñni.

4 Tuka Sardis ekta wicacaje tonana duha, hena e tawokoyake kin hduşapapi ñni; qa ska ihduzapi ecen mici manipi kta; he iyehantupi nakaes.

5 Tuwe ohiye cinhan he wokoyake ska koyake kta, qa iye caje kin wiconi wowapi kin etanhan wapajuju kte ñni, tuka he caje kin Ate itokam, qa ohni-hde wicaye cin hena wicitokam omdake kta.

6 Tuwe noge yukan hecinhan taku Woniya kin okodakiciye kin ewicakiye cin he nañon kta.

7 Unkan Philadelphia ekta okodakiciye ohnihde yuhapi kin he ecen wowapi kicaga wo; Tuwe wakan qa wicaka un, qa Dawid tiyopa iyuhdoke kin yuhe ça, yuhdoka eca tuwedan ecen iyeye ñni, qa ecen icu eca tuwedan yuhdoke ñni ece kin hee hecen eya;

8 Nioñan kin sdonwaya, tiyopa wan yuhdokapi ecen he cin he nitokam ewahde, qa tuwedan ecen iyeya okihi ñni; wowasake cistinna duhe ça mioie kin yuha yaun, qa micaje kin elpemayaye ñni.

9 Ito, Satan omniciye tawa kin etanhanpi Juda wicasta keciyapi, tuka hecapi ñni, qa itonpi ñni kin, hena iho, upi, qa nishi kin itokam canpeška makehde inajin wicawakiye kta, qa waste-cicida e sdonyapi kta.

10 Woape oie mitawa kin he awandake cin, heon tohan taku wawiyutanyan un kin tona maka owancaya unpi kin iyutan-wicaye kta u kinhan, hehan awanciyake kta.

11 Iho ecadan wau kta; taku duhe cin he ñinsa yuza wo, hecen watesdake nitawa kin tuwedan nici kte ñni.

12 Tuwe ohiye cinhan, he tipi wakan mita Wakantanka tawa kin ohna can ihupa wan wakage kta, qa icimana tankan ye kte ñni; qa he akan mita Wakantanka caje kin owawa kta, qa mita Wakantanka otonwe tawa caje kin, Jerusalem teca kin hee, mahpiya kin etanhan Wakantanka mitawa kin eciyatanhan u kin hee, qa nakun micaje teca kin.

13 Tuwe noge yukan hecinhan, taku Woniya kin okodakiciye kin ewicakiye cin he nañon kta.

14 Unkan Laodikia ekta okodakiciye ohnihde yuhapi kin he ecen wowapi kicaga wo; Tuwe Amen *eciya*pi, waayatanin owotanna, qa wicaka, Wakantanka woicage tawa otokahe kin hee hecen eya;

15 Nioñan kin sdonwaya, ñni qa ipiga unmana ecen yaun ñni, ñni qa ipiga unma tukte e ecen yaun kta wacin;

16 Tuka iniñeca, qa ñni ipiga kici unmana ecen yaun ñni, heon mii kin etanhan icihdepe kta.

17 Wimajica, qa woyuha ota waton, qa takudan imakakije ñni, keha ce; qa inicakije ça, onnişikè ça, niwahpanica, qa ista nigonge ça, tanconikadan e sdonyakiye ñni.

18 Kaken wahokonciciya ce, mazaskazi peta on yuedan kagapi kin he opemication wo, winijica kta ce; qa wokoyake ska, kodake kta e heon, hecen tanconikadan on winištece cin he tanin kte ñni; qa wicišta wihdi kin, ništa iyakiun kta, hecen wawandake kta.

19 Tona cantewicawakiye cin

WAYUOTANIN.

hena wahokonwicawakiye ça, iyopewicawakiya ece. Heon mniheiciye ça ihduecetu wo.

20 Ito, tiyopa kin en nawajin qa wakabubu ece; tuwe miho kin nahon, qa tiyopa hduhdoke cinhan, he ekta tin hibu, qa kici wawate kta, qa is eya mici wote kta.

21 Tuwe ohiye cinhan he oiyotanke mitawa kin akan mici iyotanke wakiye kta, miye ohiwaye ça Ate oiyotanke tawa kin akan weci imdotanke cin he iye-cen.

22 Tuwe noge yukan hecinhan, taku Woniya kin okodaki-ciyeye kin ewicakiye cin he nahon kta.

WICOWOYAKE 4.

1 Hena iyohakam wanmdake ça ito mahpiya kin ekta tiyopa wan yuhdokapi; qa wicaho tokaheya nawahon kin he maza yahotonpi tanka kin iyececa, he omakiye ça heya, Deciya u wo, dena iyohakam taku u kte cin hena wanyagiciye kta ce.

2 Unkan kohanna Woniya kin en waun; qa ito, mahpiya kin ekta oiyotanke wan ecen hdepi, qa tuwe akan iyotankehan yan-ka.

3 Tuwe akan iyotanke cin he iwanyakapi kin inyan tehika, iyaspis qa sahinos iyececa; qa oiyotanke kin ihdukšan wihmunke wan hmihbeya yanka, smahtagdos inyan kin iyececa.

4 Qa oiyotanke kin ihdukšan oyanke wikcemna nonpa sam topa wanka; qa oyanke kin hena en hunkawicayapi wikcemna nonpa sam topa iyotankapi, qa wokoyake ska koyakapi e wanmdaka; qa pa kin en mazaskazi tesdakapi.

5 Unkan oiyotanke kin etanhan wakanhdi qa wakinyan hotonpi qa wicaho hiyu; qa oiyotanke kin itokam petijanjan sakowin peta ece ideyapi, hena Wakantanka taniya sakowin kin heepi.

6 Unkan oiyotanke kin itokam mde wan wanka janjan seca, cahtowata iyecen kohdi; qa oiyotanke kin cokaya, qa oiyotanke kin ihdukšan, taku ni un topa kin yukanpi, hena e tokapatanhan qa hektapatanhan ko ista ojupidan.

7 Unkan taku ni un tokaheya kin he mnaja ouncage kin iyececa; qa taku ni un iyokihe kin he tatanka ouncage kin iyececa; qa taku ni un iciyamni kin he wicasta itohnake kin iyecen yuha; qa taku ni un icitopa kin he wanmdi kinyan un ouncage kin iyececa.

8 Qa taku ni un topa kin otoi-yohi hupahu sakpekpe yuhapi, qa ihdukšan, qa mahen tanhan ista ojupidan; qa anpetu hanyetu ko ayaştan sni hecen eyapi, Wakan, Wakan, Wakan, Itancan Wakantanka Iyotan wasaka, tuwe un, qa un qon, u kte cin hec ce.

9 Qa tohan taku ni un topa kin, tuwe oiyotanke kin akan kiyotanke ça owihanke wanin ni un kin he wowitan, qa wootanin, qa wopida qupi kinhan;

10 Hehan hunkawicayapi wikcemna nonpa sam topa kin hena, tuwe oiyotanke kin akan kiyotanke cin he itokam makata ehpeiciyapi, qa tuwe ohinniyan ni un kin ohodapi, qa watesdake tawapi kin oiyotanke kin itokam ehpekiyapi, qa hecen eyapi;

11 Itancan, wowitan, qa wootanin, qa wowaşake iyacu kta e iyenihantu, taku owasin yaka-

WICOWOYAKE 5.

ge ça nitoiyekipi kin on owasia kagapi qa ecen han.

WICOWOYAKE 5.

1 Unkan tuwe oiyotanke kin akan kiyotanke cin he etapa kin eciyatanhan wowapi wan mahen tanhan qa akapatanhan owapi, qa ipuspe sakowin on apuspapi kin he wanmdaka.

2 Qa mahpiya ohnihde wasaka wan wanmdaka, he hotankakiya hotanin qa, Wowapi kin he tuwe yumdaye ça ipuspe sakowin kin yuhdoke kta okihi he, *eya*.

3 Unkan mahpiya kin ekta, qa maka kin akan, qa maka kin ihukuya tanhan tuwedan wowapi kin he yumdaye ça, ea wan-yaka okihi sni.

4 Hehan nina waceya, tuwe wowapi kin yumdaye ça yawa, qa en wanyake kta iyekicihantu kin tuwedan iyeyapi sni kin he-on etanhan.

5 Unkan hunkawicayapi kin wanji hemakiya; Ceye sni wo, ito Juda wicoun kin etanhan, mnaja kin, Dawid hutkan kin hee wowapi kin yumdaye ça, ipuspe sakowin kin yuhdoke kta okihi.

6 Hehan wanmdake ça, iho, oiyotanke kin cokaya, qa taku ni un topa, hunkawicayapi ko wicacokaya Amnos wan najin, wošnapi iyececa, he sakowin ista sakowin ko yukan, Wakantanka taniya sakowin maka kin owancaya ye wicayapi kin hena eepi.

7 He en hi, qa tuwe oiyotanke kin akan kiyotanke cin nape etapa kin etanhan wowapi qon icu.

8 Unkan wowapi kin he icu qehan, taku ni un topa kin, qa hunkawicayapi wikcemna nonpa sama topa kin hena Amnos

kin itokam makata ehpeiciyapi, otoiyohe candowankiyapi hduhapi, qa nakun mazaskazi wiyatke taku wastemna on ojudan, wicašta waste wocekiye tawapi kin hee:

9 Qa odowan teca wan ahiiyayapi, qa heyapi; Wowapi kin iyacu, qa ipuspe kin duhdoke kta e iyenihantu ce, waniyušnapi qa Wakantanka ekta niwe kin on opeunyakitoppi, wicoun otoiyohe etanhan, qa iapi kin, qa wicowazi kin, qa oyate kin otoiyohe etanhan;

10 Qa Wakantanka ekta wicaštayatapi wawayušnapi ko unyakagapi; unkan maka kin oun-nyanpi kta ce.

11 Unkan wanmdake ça, oiyotanke kin ihdukšan, qa taku ni unpi kin hunkawicayapi ko wicihdukšan, mahpiya ohnihde woyawa tanka ota, qa kektopawinge ece kektopawinge, hena hopi kin nawañon;

12 Hotankakiya heyapi, Amnos wošnapi qon he wowašake, qa woyuha, qa woksape, qa wicqokihhi, qa wootanin, qa wowitan, qa wowašte *henakiya* icu kta okihi ce.

13 Unkan taku mahpiya ekta un, qa taku maka akan un, qa taku maka ihukuya tanhan un, qa taku miniwanca mahen un, hena taku ohnaka ko owasin kaken eyapi nawañon; Tuwe oiyotanke kin akan kiyotanke cin Amnos kin kici wowašte kin, wootanin kin, wowitan kin, qa wowašake kin *henakiya* owihanke wanin tawapi nunwe.

14 Unkan taku ni un topa kin hena, Hecetu nunwe, eyapi; qa hunkawicayapi wikcemna nonpa sam topa kin hena makata ehpeiciyapi, qa tuwe ohinniyan ni un kin he ohodapi.

WICOWOYAKE 6.

1 Unkan Amnos kin ipuspe tokaheya yuhdoke cehan wanmdaka; unkan taku ni un topa kin wanji, wakinyan hotonpi kin iyecen hotanin qa, U qa wanyaka wo, eya nawañon.

2 Unkan wanmdake ça, ito, suktanka ska wan tuwe akan iyotanke cin he itazipa wan yuha; qa wateśdake wan qupi; unkan ohiye ça, ohiye kta e iyaya.

3 Unkan ipuspe inonpa yuhdoke cehan, taku ni un icinonpa kin he, U qa wanyaka wo, eya nawañon.

4 Unkan suktanka wan tokeca hin śa kin he hinanpa; unkan tuwe akan iyotanke cin he maka kin etanhan wookiye icu kta e qupi, hecen otoiyoñi kiciktepi kta; qa nakun maza sagye wan tanka qupi.

5 Unkan ipuspe iyamni kin yuhdoke cehan, taku ni un wiciyamni kin he, U qa wanyaka wo, eya nawañon. Unkan wanmdake ça ito suktanka sapa wan; qa tuwe akan iyotanke cin he nape ohna taku on tke utapi wanji yuha.

6 Unkan taku ni un topa kin cokaya tanhan wicaho wan nawañon, Aguyapi iyutapi wanji he kaśpapidan wanjidani, qa suktanka tawote iyutapi nonpa he kaśpapidan wanjidani kta; qa wihdi miniśa ko ihnuhan kiuniyaye cin, eya.

7 Unkan ipuspe itopa kin yuhdoke cehan, taku ni un icitopa kin he ho kin nawañon; U qa wanyaka wo, eya.

8 Unkan wanmdake ça ito suktanka wan hin san; tuwe akan iyotanke cin he Wiconṭe eciyapi, qa Wicañapi kin he ihakam iyaya. Unkan maka hanke ito-

pa kin hehanyan maza sagye, qa wicaakiñan, qa wiconṭe, qa wamanica maka akan un kin hena on wicaśta wicakte kta e wowasake qupi.

9 Unkan ipuspe izaptan kin yuhdoke cehan, wahna wośnapi kin ihukuya tona Wakantanka oie, qa iye waayataninpi kin he on wicaktepi qon hena nagipi kin wanwicamdaka.

10 Hena hotankakiya hotaninpi qa heyapi, Itancan wakan, qa wicaka, tohanyan tona maka kin akan yukanpi kin wicadaco śni qa we unkitawapi kin on toyecon śni he.

11 Unkan hena otoiyoñi wokoyake ska wicaqupi, qa ptecedan ape yukanpi kta, tona om taokiyepi qon, qa iye hunkawanjiktupi kin, is iyepi iyecen wicaktepi kte cin he yuśtanpi kta hehanyan, kewicakiyapi.

12 Unkan ipuspe isakpe kin yuhdoke cehan, wanmdake ça ito maka śkanśkan tanka, qa anpetu wi kin sapa aya, wahinske ojuha kin iyececa, qa hanyetu wi kin is we iyecen icaga.

13 Qa mañpiya wicanñpi kin makata hinñpayapi, witanśna hu wan tateyanpa tanka kahuhuza eca waskuyeca śtunkadan keś pañpa ece kin he iyececa.

14 Qa wowapi pehan ehñakapi kin he iyecen mañpiya kin tanin śni iyaye ça, he otoiyoñi, wita otoiyoñi ko yutokap iyeyapi.

15 Qa maka wicaśtayatapi, qa wicaśta tankinkinyanpi, qa wicaśta watonpika, qa wicaśta itancanpi, qa wicaśta wasakakapi, qa wicaśta wowidake unpi kin otoiyoñi, qa ihduhapi kin otoiyoñi, makohdoka qa he imniya kin ehna naiçihmanpi;

16 Qa inyan he imniya ko hena heciyapi, Unkaninñpayapi, qa tu-

WICOWOYAKE 7.

we oiyotanke kin akan kiyotanke cin itohnake kin etanhan, qa Amnos kin wocanniye tawa kin etanhan anaunhman po :

17 He wosihda tawa anpetu tanka kin wanna hi ; unkan tuwe najin okihi kta he.

WICOWOYAKE 7.

1 Unkan hena iyohakam mahpiya ohnihde topa maka oise topa kin en injinpi kin wanwicamdaka, maka tate ouye topa kin yuhapi, hecen maka qa miniwanca qa can hiyeye cin wanjidana atateyanpa kte sni.

2 Hehan mahpiya ohnihde tokeca wan wiyohianpa tanhan wankantkiya u kin wanmdaka, he Wakantanka ni un ipuspe tawa kin yuhe ca mahpiya ohnihde topa maka miniwanca ko kiuniyanpi kta e wicacupi qon hena hotankakiya hoyewicakiye ;

3 Qa heya, Maka, qa miniwanca, qa can hiyeye cin kiuniyanpi sni po, Wakantanka unkitawapi taokiye wicaye. cin itepi kin en wapetog wicuntonpi sni kin hehayan.

4 Unkan tona wapetog wicuntonpi wicayawapi kin nawahon, Israel cincapi wicoun owasin etanhan kektopawinge opawinge sam kektopawinge wikcemna topa sanpa kektopawinge topa wapetog wicatonpi.

5 Juda wicoun kin etanhan kektopawinge ake nom wapetog wicatonpi ; qa Ruben wicoun kin etanhan kektopawinge ake nom wapetog wicatonpi ; qa Gad wicoun kin etanhan kektopawinge ake nom wapetog wicatonpi ;

6 Aser wicoun kin etanhan kektopawinge ake nom wapetog

wicatonpi ; qa Nephtalim wicoun kin etanhan kektopawinge akenonpa wapetog wicatonpi ; qa Manasse wicoun kin etanhan kektopawinge ake nom wapetog wicatonpi ;

7 Sumeon wicoun kin etanhan kektopawinge ake nom wapetog wicatonpi ; qa Lewi wicoun kin etanhan kektopawinge ake nom wapetog wicatonpi ; qa Isakar wicoun kin etanhan kektopawinge ake nom wapetog wicatonpi ;

8 Zabulon wicoun kin etanhan kektopawinge ake nom wapetog wicatonpi ; qa Joseph wicoun kin etanhan kektopawinge ake nom wapetog wicatonpi ; qa Benjamin wicoun kin etanhan kektopawinge ake nom wapetog wicatonpi.

9 Hena taku kin iyohakam wanmdake ca, iho, wicota linca, wicayawa kta tuwedana okihi sni, oyate hiyeye cin, qa wicoun kin, wicowazi kin, iapi ko owasin otaiyohi etanhanpi, oiyotanke kin itokam, qa Amnos kin itokam najinpi, wokoyake ska ece koyakapi, qa can wapa nape ohna yuhapi ;

10 Qa hotankakiya hotaninpi qa heyapi, Wakantanka unkitawapi oiyotanke kin akan kiyotanke cin hee, Amnos kin kici, niwicaye yuha nunwe.

11 Unkan mahpiya ohnihde owasin oiyotanke kin oksan, qa hunkawicayapi taku ni un topa kin hena ko wicihdukšan injinpi, qa oiyotanke kin itokam ite makipusdiya ehpeiçiyapi, qa Wakantanka ohodapi ;

12 Qa heyapi, Amen ; Wowaste, qa wowitan, qa woksape, qa wopida, qa woyuonihan, qa wowasake, qa wicookihi henakiya Wakantanka unkitawapi kin

WAYUOTANIN.

owihanke wanin yuha nunwe. Amen.

13 Hehan hunkawicayapi kin etanhan wanji waayupte ça, Wokoyake ska koyakapi kin hena tuwepi, qa tokiya tanhan upi he, emakiya.

14 Unkan, Itancan, niye sdonyaya ce, epa. Unkan hemakiya; Wicokakije tanka etanhan upi qon dena eepi, unkan wokoyake hdujajapi, qa Amnos we kin on hduškapi.

15 Heon etanhan Wakantanka oiyotanke kin itokam yakonpi, qa tipi wakan iye tawa kin ohna anpetu hanyetu ko ohodapi ece; qa tuwe oiyotanke kin akan kiyotanke cin he hena wicacokaya ounye kta.

16 Qa tohinni wotéktehdapi kte šni, qa ipuzapi kte šni, qa anpetu wi kin qa taku kata ašpanwicaye kte šni.

17 Tuka Amnos kin, oiyotanke cokaya un kin he, hena wonwicaye ça, minihdoka ni un kin icahda yus awicaye kta: qa hena istapi kin etanhan Wakantanka istamnihanpe kin owasin wicakipakinte kta.

WICOWOYAKE 8.

1 Unkan ipuspe isakowin kin yuhdoka cehan, mašpiya ekta wihiyayedan wancadan ape cin hanke hehanyan inina yukanpi.

2 Unkan mašpiya ohnihde šakowin Wakantanka itokam najinpi kin wanwicamdaka; qa maza yahotonpi tanka šakowin wicacupi.

3 Hehan mašpiya ohnihde wan tokeca u qa wahna wošnapi kin ekta hinajin, mazaskazi oizinye wan yuha: Unkan taku waštemna ota qupi kin he, tona owotanna un kin owasin wocekiye

tawapi kin ahna, mazaskazi wahna wošnapi kin oiyotanke kin itokam wanke cin he akan wošna kta e heon.

4 Unkan mašpiya ohnihde nape kin etanhan šota izite cin, tona owotanna un wocekiye tawapi kin hena ko, Wakantanka itokam wankantkiya aya.

5 Unkan mašpiya ohnihde kin he oizinye kin icu, qa wahna wošnapi peta kin etanhan oju, qa maka kin ekta ešpeya; unkan iho, wicaho, qa wakinyan hotonpi, qa wakanhdi, qa maka škanškan.

6 Unkan mašpiya ohnihde šakowinpi maza yahotonpi tanka yuhapi kin hena yahotonpi kta e hduwiyeyapi.

7 Unkan mašpiya ohnihde tokaheya kin yahoton, qa wasu peta ko we icicahiyapi maka kin ahinhe: Qa can iyamnimni kin hušnaga, qa wato kin iyuhpa hušnaga.

8 Unkan mašpiya ohnihde iyokihe kin he yahoton, qa taku he wan tanka iyececa peta on itkonyahe cin he miniwanca kin en iyohpeyapi: Qa miniwanca kin hanke iyamni we icaga:

9 Qa taku miniwanca oicage ni un kin hanke iyamni tapi, qa wita wata kin iyamnimni kin owihanke yapi.

10 Unkan mašpiya ohnihde icyamni kin he yahoton, qa wicanšpi wan tanka ideyapi petijanjan iyececa, mašpiya kin eciyatanhan hinšpaye ça wakpa iyamnimni kin ahinšpaye ça minihdoka kin en.

11 Wicanšpi kin he, Yatkepicašni, eciyapi. Unkan mini yatkepica šni icage ça wicašta ota mini kin on tapi, pa icage cin heon.

12 Unkan mašpiya ohnihde

WICOWOYAKE 9.

icitopa kin he yahoton; unkan anpetu wi hanke iyamni, qa hanyetu wi hanke iyamni, qa wicanhpi iyamnimni kin apapi, qa hecen hanke iyamni otpaza icu, qa anpetu kin hanke iyamni hehanyan iyoyanpa sni un, qa hanyetu kin nakun iyececa.

13 Hehan wanmdake ca nawahon, mahpiya ohnihde wan mahpiya cokaya tanhan kinyan iyaye ca hotankakiya heya, Wicokakije, wicokakije, wicokakije, tona maka onyanpi kin hena en, maza yahotonpi tanka hotonpi kin mahpiya ohnihde yamni yahotonpi kte cin heon etanhan.

WICOWOYAKE 9.

1 Unkan mahpiya ohnihde icizaptan kin he yahoton, qa iho, wacanhpi mahpiya kin eciyatanhan maka kin ahinhpaya wanmdaka; unkan he makohdoka ceteta wanica tiyopa iyuhdoka kin qupi.

2 Qa makohdoka ceteta wanica he tiyopa kin yuhdoka, unkan makohdoka kin etanhan sota hiyu, peta on maza sdoyapi tanka hinca etanhan sota uye cin iyececa; qa woŝbe etanhan sota kin he on anpetu wi kin okotonyan kici aotpaza.

3 Unkan sota kin etanhan psipicadan au, maka kin ekta, qa wicowaŝake wicaqupi, wamduŝka maka akan un kin wicowaŝake yuhe cin he iyececa.

4 Qa wato maka aicage cin, taku toya un, qa can kin owasin kiuniye sni wicaŝipi, tuka wicaŝta kin tona itepi kin en Wakan-tanka tawowapetogton yuhapi sni kin henana.

5 Qa hena wicaktepi kta e wicaqupi sni, tuka wi zaptan hehanyan kakiŝwicaye kta e wi-

caqupi. Unkan kakiŝyapi kin he wamduŝka wicaŝta cawicape cinhan kiuniyanpi kin he iyececa.

6 Unkan anpetu kin hena en wicaŝta wiconŝe akitapi kta, tuka iyeyapi kte sni, qa ŝapi cinpi kta, tuka wiconŝe e nawicakicipe kta.

7 Psipicadan kin hena ounca-ge kin ŝuktanka ozuye on wiye-ya ehnag najinpi kin he iyececa; qa pa akan mazaskazi wateŝdake iyececa wapaha kitonpi, qa itepi kin wicaŝta ite kin iyececa.

8 Qa paha kin he winohinca paha iyecen yuhapi, qa hi kin hena mnaja hi kin iyececa.

9 Qa maza sapa maku akaŝpe iyececa maku akaŝpe tonpi; qa hupahu hmuhmunyan he ozuye canpahmihma, qa ŝuktanka ota ozuye ekta nawang yapi kin he iyececa.

10 Wamduŝka kin iyecen sinte yuhapi, qa sinte kin en icape yuke ca, wi zaptan hehanyan wicaŝta kin kiuniwicaye kta okihihi.

11 Unkan wicaŝtayatapi wan yuhapi, woŝbe ceteta wanica etanhan ohnihde, Hebrew iapi kin eciyatanhan Abaddon eciyapi, qa Helenes iapi kin eciyatanhan Apoluon eciyapi kin hee.

12 Wicokakije kin wanji wana henakeca, qa ito he iyohakam wicokakije nom u kta ce.

13 Unkan hehan mahpiya ohnihde icisaŝke kin yahoton, qa mazaskazi wahna woŝnapi Wakantanka itokam wanke cin he he topa kin etanhan wicaho wan taninyan nawahon :

14 He mahpiya ohnihde icisaŝke maza yahotonpi tanka yuhe cin he heciya; Mahpiya ohnihde

topa wakpa tanka Yuphrate kin ekta wicakaškapi kin hena wicakiyuška wo.

15 Hehan maħpiya ohnihde topa kin wicakiyuškapi; hena e wancadan ape cin, qa anpetu wanji, qa wi wanji, qa omaka wanjidan hehanyan wiyeya ehmag unpi, wicašta iciyamnimni kin wicaktepi kta e heon.

16 Unkan ozuye kin šuktanka akan iyotankapi kin hena kektopawinge kektopawinge opawinge nonpa; hena wicayawapi kin nawaħon.

17 Qa wowanyake kin en šuktanka kin hecen wanwicamda-ka, qa wicašta akan iyotankapi kin hena maku akaħpe šaša, toto, qa zizi yuhapi. Unkan šuktanka pa kin he mnaja pa kin iyececa, qa ipi kin etanhan peta, qa šota, qa caħdi on kagapi kin hiyu.

18 Unkan hena yamni, peta, qa šota, qa caħdi on kagapi, hena ipi kin etanhan hiyu qon he on wicašta iciyamnimni kin wicaktepi.

19 Wowasake yuhapi kin he ipi kin ohna qa sintepi kin ohna; sintepi kin hena wamduška kin iyececa, qa pa yukan ece, qa hena on wakiuniyapi ece.

20 Unkan wicašta tona wicokakije kin hena on wicaktepi šni kin hena iye napepi wicohan kin on iyopeiçiyapi šni, hecen taku wakan šicapi kin ohowicadapi, qa mazaskazi, qa mazaska, qa mazazi, qa inyan, qa can wakagapi ohodapi ece kin ayuštanpi šni; hena wawanyake šni, qa winahon šni qa mani okihi šni.

21 Qa nakun tinwicaktepi, qa wapiyapi, qa wiinalimanpi, qa wamanonpi econpi kin on iyopeiçiyapi šni.

WICOWOYAKE 10.

1 Unkan hehan maħpiya ohnihde wan tokeca wašake ĩnca maħpiya kin eciyatanhan kunktiya u, maħpiya šapa hdown kin he wanmdaka; wihmunke wan wapaha kiye ça, ite kin he anpetu wi kin iyececa, qa siha kin peta wankantkiya ide kin iyececa.

2 Qa nape kin on wowapi wan cistinna yumdayeya yuha. Qa siha etapa kin miniwanca abekiye ça, sicutka kin is maka kin akan.

3 Qa hotankakiya hotanin, mnaja wan hoton kin iyececa. Unkan hotanin hehan wakinyan šakowin hotonpi.

4 Unkan wakinyan šakowin kin hotonpi hehan wowapi wakage kta, tuka wicaho wan nawaħon, maħpiya kin eciyatanhan hema-kiya, Taku wakinyan šakowin eyapi kin he sutaya apuspa wo, qa wowapi en kage šni wo.

5 Unkan maħpiya ohnihde miniwanca maka ko akan najin wanmdake ciqon he nape kin maħpiya kin ekta hdugate;

6 Qa tuwe ohinnian ni un, qa maħpiya kage ça, taku ohnaka ko, maka qa taku ohnaka ko, miniwanca qa taku ohnaka ko kage cin hee on konza, Anpetu kin wanna henakeca kta;

7 Tuka maħpiya ohnihde icisa-kowin yahoton kinhan, anpetu kin hena en Wakantanka tawewiyukcan henakeca kte cin hehanyan, iye taokiye, wicašta wokcan kin owicakiyake ciqon he iyecetu ce.

8 Unkan wicaho maħpiya kin eciyatanhan tanin qon he ake hoyemakiye ça heya, Maħpiya ohnihde miniwanca maka ko akan najin kin he ekta ye ça,

WICOWOYAKE 11.

wowapi cistinna yumdayapi kin nape en un kin he icu wo.

9 Hehan mañpiya ohnihde kin he en wai qa hewakiya, Wowapi cistinna kin he maqu wo. Unkan, Icu qa yuta wo, tezi kin pa niye kta, tuka nii kin ohna tuhmagā canhanpi kin iyecen skuye kta ce, emakiya.

10 Unkan wowapi cistinna kin mañpiya ohnihde nape kin etanhan iwacu, qa temwaya; qa mii kin en tuhmagā canhanpi kin iyecen skuya, taka nawapca hehan tezi kin pa mayan.

11 Hehan, Oyate, qa Ikcewicašta, qa iapi kin, qa wicaštaya-tapi ota en wicayakidukcan kta ce, emakiya.

WICOWOYAKE 11.

1 Unkan cedi wan cansakadan iyecēca he maqupi; unkan mañpiya ohnihde kin najinhan najin qa heya; Najin, qa tipi wakan Wakantanka tawa kin iyuta wo, qa wahna wošnapi, qa tona en cekiyapi ece kin hena nakun.

2 Tuka hocoka kin, tipi wakan itankan, he tankan iyeye qa iyute šni wo; he Ikcewicašta kin wicaqupi; unkan otonwe wakan kin amanipi kta, wi wikcemna topa sam nonpa hehanyan.

3 Unkan waayataniipi nom mitawa kin wahinske ojuha oihdugepi waayatapi kta e wicawaqu kta, anpetu kektopawinge sanpa opawinge nonpa sanpa wikcemna šakpe hehanyan.

4 Hena e Oliwe can nonpa qa petijanjan nom, Wakantanka maka yuhe cin itokam he cin hena eepi.

5 Unkan tuwe hena kiuniwicaye kta cin kinhan, ipi kin etanhan peta hiyu, qa toka wi-

cayapi kin ibang wicaye kta: Tuwe kiuniwicaya cin kinhan he hecen ktepi kta.

6 Hena e mañpiya kin onataka okihipi, hecen magaju kte šni, waayatapi anpetu kin icunhan, qa mini kin we icañyapi kta okihipi, qa tohan cinpi eca wokakije owasin on maka kin kakisypapi ece.

7 Unkan taku yaotaninpi kin wanna yušanpi kta hehan, wošbe kin etanhan wamanica wan wankantkiya hiyu, qa hena azuwicaye kta, qa ohiwicaye qa wicakte kta.

8 Unkan hena tancan tapi kin otonwe tanka canku kin ohna wanke kta, he iapi wakan kin eciyatanhan Sodom qa Egipta eciyapi, qa tukten Itancan unkitawapi kin icipaweñ okatanpi qon.

9 Unkan wicašta kin, qa wicowazi kin, qa iapi kin, qa oyate kin, hena tancan tapi kin wanwicayakapi kta, anpetu yamni qa wanji hanke hehanyan, qa tancan tapi kin maka mahen wicahapi kte cin iyowinwicakiyapi kte šni.

10 Unkan hena on etanhan tona makoce kin en ounyanpi kin magagaiçiyapi, qa wiyuškinpi kta, qa taku kiciçupi kta, waayatapi nom tona maka akan ni un kin kakiswicayapi qon hena on etanhan.

11 Unkan anpetu yamni qa wanji hanke iyohakam, wiconi oniya kin Wakantanka eciyatanhan hena mahen iwicayaya; qa siha on najinpi, unkan tona wanwicayakapi kin nina yušin-yayapi.

12 Unkan hena wicaho wan tanka nañonpi, mañpiya kin eciyatanhan hewicakiya; Deciya wankan u po, *eya*. Unkan ma-

WAYUOTANIN.

hpiya šapa wan akan mašpiya kin ekta iyayapi, qa tona toka wicayapi qon hena wanwicayakapi.

13 Unkan wihiyayedan ape cin he icunhan maka škanškan wan tanka, qa otonwe kin hankedan iwikcemnamna kin hinhpaya, qa maka škanškan kin on tona ŋapi kin hena wicašta kektopawinge šakowin. Qa unmapi kin yušinyayapi qa mašpiya Wakan-tanka kin wowitan qupi.

14 Wicokakije inonpa kin wan-na henakeca, qa ito wicokakije iyamni kin kohanna u kta ce.

15 Hehan mašpiya ohnihde icišakowin kin yahoton, qa mašpiya kin ekta wicaho tanka hotaninpi, qa heyapi, Itancan unkitawapi qa Mešsiya tawa kin, maka wokiconze kin tawaye ča, ohinniyan en wicaštayatapi un kta ce.

16 Hehan hunkawicayapi wikcemna nonpa sanpa topa, Wakantanka itokam oiyotanke kin akan kiyotankapi kin, hena makata ehpeičiyapi, qa Wakantanka ohodapi;

17 Qa heyapi, Itancan Wakan-tanka Iyotan wašake cin, tuwe un, qa un qon, u kte cin he niye ce, pidaunyayapi, nitowašake tanka kin iyekcu, qa wicayeconza ce.

18 Qa oyate kin šinhdapi, qa wocantiyahde nitawa kin wana hi; qa tohan wicače cin wicayacopi kta, qa ookiye wicayaye cin wicašta wokcan, qa owotanna, qa tona nicaje kin koki-papi, cistinpidan tankinkinyan ko, taku wicayaqu kta, qa tona maka napištanyanpi kin hena napištanwicayaye kte cin.

19 Hehan mašpiya kin ekta tipi wakan Wakantanka tawa kin yuħdokapi, qa tipi wakan

kin en wicotakuye can koka kin wanyakapi. Unkan ito wakan-hdi, qa wicabo, qa wakinyan hotonpi, qa maka škanškan, qa wasu tanka.

WICOWOYAKE 12.

1 Unkan mašpiya kin ekta wowapetokeca tanka wan tanin: Winohinca wan anpetu wi kin koyake ča, hanyetu wi kin siha kin ihukuya, qa pa kin en wicanhpi ake nonpa wapaha kiya.

2 He ihdušake ča, hokšiksuye ča howaya, cinca ton kta e wazanka.

3 Unkan hehan mašpiya kin ekta wowapetokeca tokeca wan tanin; wamduška duta tanka wan, he pa šakowin, qa he wikcemna yulia, qa pa šakowin kin en watešdake šakowin tešdaka.

4 Qa sinte kin on mašpiya wicanhpi iyamnimni kin iwicaca, qa maka kin ekta ehpewicaya. Unkan wamduška kin he winohinca hokšiksuye cin itokam najin, cinca ton kinhan temye kta.

5 Hehan cinca ton, wica kin, oyate hiyeye cin owasin maaza icapsinte wan on wicayuhe kte cin hee. Unkan hokšiyocopa kin he Wakantanka, qa iye oiyotanke kin ekta eyakupi.

6 Unkan winohinca kin he hewoskan makoce kin ekta napa, heciya Wakantanka taku wiyeya ekicihnaka, qa ben anpetu kektopawinge sanpa opawinge nonpa sam wikcemna šakpe behanyan wonyapi kta.

7 Hehan mašpiya kin ekta ozuye kagapi; Mikael qa iye taokiye kin wamduška kin kici kicizapi. Unkan wamduška kin qa iye taokiye kin kicizapi;

8 Qa ohiwicayapi šni; hecan

WICOWOYAKE 13.

betanhan mahpiya kin ekta tuktedan wicakiyukanpi ŋni.

9 Unkan wamduška tanka kin, wamduška wanakaja tanhan un kin hee, Wakansica qa Satan eciyapi, wicašta hiyeye cin owasin wicahnaye cin hee, makata ehpeyapi, qa tona ookiye wicaye cin hena nakun kici tankan iyewicayapi.

10 Unkan mahpiya kin eciyatanhan wicabo wan tanka nawahon, becen eya, Wanna un-kita Wakantankapi wiconi tawa, qa towasake qa tokicenze kin u; qa Messiya wicookihi tawa kin nakun; tuwe hunkawanjin wicunkiyapi kin taku iyawicaonpe cin, Wakantanka unkitawapi kin itokam, anpetu hanyetu ko awicacae cin hee kun ehpeyapi kin heon etanhan.

11 Unkan hena Amnos we kin he on, qa waayataninpi oie tawapi kin he on ohiyapi, qa wiconŋe hehanyan wiconi tawapi kin wašte kidapi ŋni.

12 Heon etanhan, mahpiya kin iyuskin po, qa tona ohna tipi kin. Tuka tona maka kin miniwanca ko ekta yakonpi kin hena wicokakiye yuhapi kta; niyepi kin ekta Wakansica kun iyaye ca wotihda tanka yuha, askayedan kta e sdonkiye cin heon etanhan.

13 Unkan wamduška kin maka kin ekta ehpeyapi kin he wanhdaka, hehan winohinca einca ton qon he sicaya kuwa.

14 Unkan winohinca kin he wanmdi tanka kupahu tawa nom qupi, on hewoskan makoce tukten ti kte cin heci kinyan iyaye kta, heciya waniyetu yamni qa wanji hanke hehanyan wonyapi kta, wamduška itohnake kin itehanyan.

15 Unkan wamduška kin iye i

kin etanhan mini hiyuya, wakpa wan iyececa, qa winohinca kin ihakam hiyayeya, minin teye kta e heon.

16 Unkan maka kin winohinca kin he okiye ca, i hdukawa, qa wakpa wamduška i kin etanhan hiyuye cin he yahepa.

17 Unkan wamduška kin he winohinca kin on sinhda, qa winohinca cinca wicaye cin, tona Wakantanka tawoahope kin ahopapi, qa Jesus Messiya wootanin tawa yuhapi kin hena azuwicaya.

WICOWOYAKE 13.

1 Unkan hehan miniwanca kahda wiyaka kin en nawajin. Qa miniwanca kin etanhan wamanica wan hiyu wanmdaka, pa šakowin, qa he wikcemna yuha, qa he kin akan wacinhe wikcemna, qa pa kin akan waoštehdapi caje kin.

2 Unkan wamanica wanmdake cin he inmu tanka iyececa, qa siha kin hena wahanksica siha kin iyececa, qa i kin mnaja i kin iyececa. Unkan wamduška qon towasake kin he qu, qa oiyotan-ke tawa kin, qa wicookihi tanka.

3 Unkan wanmdake ca, ito pa kin wanji kiuniyanpi, on te kta tuka; unkan kiuniyanpi kin on te kte cin he okizi, qa wicašta kin owasin wamanica kin on yušinyayapi.

4 Qa wamduška kin towasake kin wamanica qu qon he ohodapi, qa wamanica kin he nakun ohodapi, qa heyapi, Tuwe wamanica kin iyececa he, qa tuwe he kici kicize kta okihi he.

5 Unkan i wan qupi, he on taku tanka, qa iapi sice cin eye kta, qa wowasake qupi, wi wikcemna topa sanpa nonpa he-

hanyan, ozuye econ kte cin he-on.

6 Unkan i hdukawa qa Wakantanka yašica, caje, qa wakeya tawa kin, qa tona mahpiya kin ekta etipi kin hena taku awicakicaga.

7 Qa tona owotanna un kin henā azuwicaye qa wicaktedan kta e qupi, qa wicowazi, qa iapi kin, qa oyate kin owasin wicayuhe kta e wowašake qupi.

8 Unkan tona maka akan unpi cajepi kin wiconi wowapi Amnos, maka kagapi kin hehantanhan wošnapi qon, he tawa kin en owapi šni kin hena owasin wamanica kin ohodapi.

9 Tuwe noge yukan hecinhan, he našion kta.

10 Tuwe wayaka awicahdi kinhan he wayaka ayapi kta, qa tuwe maza sagye on wicakte kin he maza sagye on ktepi kta ce. He en wicašta owotanna apepi qa wacinyanpi kin tanin.

11 Unkan wamanica wan tokeca maka kin etanhan biyu kin he wanmdaka; he he nom yuha taliin wanuyanpi cincadan iyececa, qa wamduška iyecen ia.

12 Unkan wamanica tokaheya kin he towašake kin ocowasin yuha, qa maka kin, tona akan un kin hena ko wamanica tokaheya kin kiuniyanpi, qa on te kta, tuka okizi kin he ohodawicakiya.

13 Qa wowapetokeca tanka econ, wicašta wicitokam mahpiya kin eciyatanhan peta maka kin ahinlipaye ya.

14 Qa tona maka akan unpi kin wicalnayan, wowapetokeca wamanica kin itokam econ kta e qupi qon hena on. Qa tona maka akan unpi kin wamanica maza sagye on capapi tuka kini

qon he iyacinpi wan kagapi kta e iwahokonwicakiya.

15 Qa wamanica iyacinpi kin he oniya qu okihi, hecen on wamanica iyacinpi kin ie kta, qa tona iyacinpi kin ohodapi šni kin hena wicakte kta okihi.

16 Unkan owasin, cistinpidan tankinkinyanpi ko, wijicapi qa wahpanicapi, tona ihduhapi, wowidake unpi kin hena ko, nape etapa kin en, qa iš itepi kin en wowapetogton tawa kin yuhe wicakiya.

17 Unkan tuwedan wopeton kte šni, tuka tona wamanica towapetogton, caje kin, qa caje ihdawa kin he wanji tukte e yuhe cin henana.

18 De en woksape yukan. Tuwe ksape cin he wamanica tona ihdawa kin he yawa kta. He wicašta iyawapi kin hee, ihdawa kin he opawinge šakpe sanpa wikcemna šakpe sanpa šakpe.

WICOWOYAKE 14.

1 Hehan wanmdake qa, iho, Amnos wan Zion Paha kin akan najin, qa kektopawinge opawinge sanpa kektopawinge wikcemna topa sam kektopawinge topa kici najinpi, iye Atkuku caje kin itepi kin en owapi qon.

2 Unkan mahpiya kin eciyatanhan wicaho wan nawašon, mini ota ihaha kin iyececa, qa wakinyan tanka hoton kin iyececa. Qa dowankiyapi sa candowankiyapi on dowanpi wicahotanin nawašon.

3 Qa oiyotanke kin itokam, qa taku ni un topa kin, qa hunkawicayapi kin wicitokam odowan teca se ahiyayapi. Odowan kin he tuwedan onspe kta okihi šni, tuka kektopawinge opawinge sam kektopawinge wikcemna

topa sam kektopawinge topa maka kin etanhan opewicatonpi qon hena.

4 Winohinca on asamwicayapi s̄ni kin hena eepi, tan̄na unpi nakaes̄. Tona Amnos kin tokiya ye cinhan iyahna yapi kin hena eepi. Wicašta kin etanhan Wakantanka qa Amnos kin ekta opewicatonpi tokaheya kin hena eepi

5 Qa hena ipi kin en wohnaye takudan iyeyapi s̄ni; qa Wá-kantanka oiyotanke kin itokam takudan iyaonpepica s̄ni unpi.

6 Hehan maḥpiya ohnihde tokeca wan maḥpiya cokaya kin-yan iyaye cin he wanmdaka, wotanin wašte owihanke wanin un kin, tona maka akan unpi kin, wicašta kin, qa wicowazi, qa iapi, qa oyate hiyeye cin owasin ieyanpaha owicakiyake kta yuha iyaya.

7 Qa hotankakiya heya, Wakantanka kinihanpi qa wowitan qu po; woyaco anpetu kin wana hi ce; qa tuwe maḥpiya, maka, miniwanca, qa wakoniya kin kage cin he itokam canpeška makehde inajin po.

8 Unkan maḥpiya ohnihde icinonpa kin he ihakam ye ça heya, Hinḥpaya ce, Babulon otonwe tanka kin he hinḥpaya; wawicihahapi wocantiyahde mini sa tawa kin etanhan oyate hiyeye cin owasin yatke wicakiye cin he dee.

9 Unkan maḥpiya ohnihde iciyamni kin he hena wicihakam ye ça hotankakiya heya, Tuwe wamanica, qa iyacinpi kin ohoda, qa wowapetogton tawa kin ite, qa is̄ nape kin en yuhe cinhan;

10 He Wakantanka wocantiyahde minisa tawa kin wocanteptarye miniyatke tawa kin en

okaştan kin hetanhan yatke kta, qa maḥpiya ohnihde owotanna un kin hena wicitokam, qa Amnos kin itokam, peta, caḥdi ko en kakis̄yapi kta.

11 Qa kakis̄wicayapi s̄ota kin owihanke wanin wankan iyaya ece; qa tona wamanica iye iyacinpi ko ohodapi, qa tuwe he caje wapetogtonpi yuhe cin hena anpetu hanyetu ko oziyapi wanin unpi.

12 Wicašta owotanna apepi kin he de en un, qa tona Wakantanka tawoahope opapi qa Jesus wacinyanpi kin hena.

13 Hehan maḥpiya kin eciyatanhan wicaho wan nawahon, hecen emakiya, Wowapi ecen kaga wo; Detanhan wicate cin tona Itancan kin en ḥapi kin hena wicayawaštepi ece. Han, Woniya kin eya, Wicolḥtani kin ayuştanpi kta, qa wicoḥan kin wiciyahna iyaya ece.

14 Hehan wanmdake ça, iho, maḥpiya ska wan, qa wanji Wicašta Cinhintku kin iyececa akan iyotanka, he mazaskazi wapaha wan wapaha kiye ça, nape etapa kin on isan škopa pe hinca yuha.

15 Unkan maḥpiya ohnihde tokeca wan tipi wakan kin etanhan u, qa tuwe maḥpiya ska kin akan iyotanke cin he panyanhan heciya; Isan škopa nitawa kin en iyekiye ça *aguyapi* baksa wo. Mnayanpi kte cin wanna iyehantu; maka woksapi kin wanna seca ce.

16 Unkan maḥpiya ska akan iyotanke cin he isan škopa tawa kin maka ekta yekiya, unkan maka kin başdapi.

17 Hehan maḥpiya ohnihde wan tokeca tipi wakan maḥpiya kin ekta he cin hetanhan u, he nakun isan škopa pe hinca yuha.

WAYUOTANIN.

18 Unkan maḥpiya ohnihde tokeca wan wahna wosaapi kin etanhan u, he peta on wowaśa-be yuha. Qa he tuwe isan śkopa pe hinca yuhe cin he panyanhan boyekiye ɕa heya, Isan śkopa pe hinca nitawa kin ekta yekiye ɕa maka hastanhanka kin mnayan wo; hastanhanka iyage kin wanna sapa ce.

19 Unkan maḥpiya ohnihde kin he isan śkopa tawa kin maka ekta yekiye ɕa, maka hastanhanka iyurwi kin maaye ɕa, Wakantanka wocantiyahde minisa iyuskice tawa tanka kin he en iyopɕeya.

20 Unkan otonwe kin itankan mini sa iyuskice kin napanpi, qa mini sa iyuskice kin etanhan we hiyu, ſuktanka i iyurwi kin behayan, stadiya kektopawinge sam opawinge śakpe hehan-yan.

WICOWOYAKE 15.

1 Unkan maḥpiya kin ekta wowapetokeca tanka, qa wowinihan wanmdaka; maḥpiya ohnihde śakowin wicokakije śakowin ehake kin yuhapi, hena en Wakantanka wocantiyahde tawa kin henakeca kta.

2 Unkan mde wan janjan peta kici icicahiyapi seca wanmdaka, qa tona ohiya, wamanica qon, iye iyacinpi kin qa wowapetogton kin, qa tona ɕaje iyawapi kin, ohiye ɕiqon hena janjan mde kin akan najinpi, qa Wakantanka candowankiyapi tawa kin heca yuhapi.

3 Qa Moses Wakantanka tao-kiye tadowan, qa Amnos kin tadowan kin abiyayapi, qa he-yapi, Itancan, Wakantanka I-yotan wasake ein niohan kin tanka, qa wowinihan, tona owotanna un kin en Wicaśtayatapi

kin he waiye ce, nitacanku kin owotanna qa wicaka.

4 Itancan, tuwe konicipe kte ſni, qa nicaje kin inidowan kte ſni he; nisana oniowotanna; qa oyate hiyeye ein owasin upi, qa nitokan canpeśka makehde enajin kta; woyaco mitawa kin wanna tania kin heon etanhan.

5 Unkan he iyohakam wanmdake ɕa, iho, maḥpiya kin ekta woyataninpi wakeya wakan kin he yuzamni han.

6 Qa maḥpiya ohnihde śakowin wicokakije śakowin yuhapi kin hena tipi wakan kin etanhan imanpapi, minihuha ska wiyatpa kin heca koyakapi, qa mazaskazi on maku opta ihdukitapi.

7 Unkan taku ni un topa kin wanji maḥpiya ohnihde śakowin kin mazaskazi wiyatke kin heca śakowin wicaqu; hena Wakantanka ohinniyani un wocantiyahde tawa kin on ojudan.

8 Unkan Wakantanka towitan, qa towasake kin eciyatanhan tipi wakan kin ſota ojudan. Qa tipi wakan kin tuwedan timahen ye kta okihi ſni, wicokakije śakowin maḥpiya ohnihde śakowin yuhapi kin henakeca kte ſni hehan-yan.

WICOWOYAKE 16.

1 Unkan tipi wakan kin etanhan wicaho wan tanka nawahon, maḥpiya ohnihde śakowinpi qon hewicakiya, Yapi, qa wiyatke Wakantanka wocantiyahde tawa kin hena maka kin en akaśtan po, eya.

2 Hehan maḥpiya ohnihde tokaheya kin u, qa wiyatke tawa kin maka kin en akaśtan. Unkan wicaśta tona wamanica wowapetogton tawa kin yuhapi, qa iyacinpi kin ohodapi kin he-

na en síyaka o tanka qa síca awicahinhpaya.

3 Unkan mahpiya ohnihde icinonpa kin wiyatke tawa kin miniwanca kin en akaſtan; unkan he we icaga, wicate cin we kin iyececa, qa miniwanca kin en taku niyake un kin owasin ſapi.

4 Unkan mahpiya ohnihde iciyamni kin wiyatke tawa kin wakpa qa wakoniya kin hena en akaſtan; unkan hena we icaga.

5 Hehan mahpiya ohnihde wan mini kin yuhe cin he kaken eya, nawakon; Itancan, tuwe un, qa un qon, u kte cin he niye, onio-wotanna, hecen wicadaco:

6 Wicaſta owotanna, qa wokcanpi kin hena we kin wicakipapsonpi; qa hecen we yatke wicayakiya, he iyekicihantupi nakaes.

7 Unkan wanji tokeca wahna woſnapi kin eciyatanhan kaken eya, nawakon; Itancan, Wakantanka Iyotan waſaka, wadaco kin he ohinniyen owotanna qa wicaka ce.

8 Heban mahpiya ohnihde icitopa kin wiyatke tawa kin anpetu wi kin en akaſtan. Unkan he wicaſta kin peta on wicagu kta e qupi.

9 Qa iyokatapi tanka kin wicaſta wicagu, qa hecen Wakantanka wicokakije hena yuhe cin he caje kin oſtehdapi, qa wowitan qupi kta on ihduacetupi ſni.

10 Unkan mahpiya ohnihde icizaptan kin wiyatke tawa kin wamanica oyanke tawa kin en akaſtan; unkan wokiconze tawa kin otpaza ojudan, qa wayazanpi on cejipi kin hdahtakapi.

11 Qa wicokakije qa síyaka o kin on etanhan mahpiya Wakantanka kin yaſicapi, qa iye ohanpi kin on iyopeiciyapi ſni.

12 Unkan mahpiya ohnihde

icisakpe kin wiyatke tawa wakpa tanka kin Yuphrate, he en akaſtan; unkan mini kin puza aya, hecen wicaſtayatapi wiyohyanpa tanhan au kin canku kin wicakiciyumdayapi kta.

13 Unkan wamduſka i kin etanhan, qa wamanica i kin etanhan, qa woitonſni wokcan kin he i kin etanhan, taku wakan síca yamni, hnaſka iyececa, hena hiyu wanmdaka.

14 Hena taku wakan síca taniyapi kin hecapi, wowapetokeca econpi, qa maka sitomniyan wicaſtayatapi kin, qa wicoicage ocowasin ekta yapi, Wakantanka Iyotan waſake cin anpetu tawa tanka kin en zuya awicaupi kta e heon.

15 Iho, wamanon sa wan iyeccen wau ce. Tuwe kiktahan un, qa wokoyake kpatan kin he yawaſtepi ece, hecen tancodan mani kte ſni, qa wiſtece cin wanyakapi kte ſni.

16 Unkan Hebrew iapi kin eciyatanhan tukten Armagedon eciyapi, hen witaya u wicaya.

17 Heban mahpiya ohnihde icisakowin kin wiyatke tawa kin okaduze cin en akaſtan. Unkan mahpiya kin ekta tipi wakan kin etanhan, qa oiyotanke kin etanhan, wicabo tanka wan tanin, qa heya, Wanna henakeca.

18 Unkan iho wicabo taninpi, qa wakinyan hotonpi, qa wakanhdi tanin, qa maka ſkanſkan wan tanka, wicaſta kin maka akan iwicacage cin ehantanhan maka ſkanſkan iyecen tanka wanica.

19 Qa otonwe tanka kin he yamni kiyuſpapi; qa otonwe Ikcewicaſta tawapi kin hena hinhpayapi. Qa Babulon tanka kin he Wakantanka itokam kiksuyapi, wocanniye ohitike cin

WAYUOTANIN.

miniša wiyatke kin qu kta heon.

20 Unkan wita kin owasin najica, qa he kin hena tuktedan iyeyapi šni.

21 Unkan małpiya kin eciya-tanhan wasu tanka wicašta kin awicahinhe, otoiyo hi taku tke utapi opawinge wanjidan insko-keca. Unkan wasu wicokakije kin on wicašta kin Wakantanka yašicapi ece, he wokakije iyotan tanka kin heon.

WICOWOYAKE 17.

1 Hehan małpiya ohnihde šakowin wiyatke šakowin yuhapi qon etanhan wanji u, qa omakiye qa hemakiya, Deciya u wo, wawicilałapi econ sa tanka mini ota akan iyotanke cin he token yacopi kin cicipazo kta ce.

2 He kici wicaštayatapi maka akan unpi kin wawicilałapi econpi ece, qa tona maka akan unpi kin wawicilałapi tawa miniša kin on witkopi ce.

3 Hehan Woniya kin on he-woskan makoce ekta amayał. Unkan winoħinca wan wamanica duta wan akan iyotanke cin he wanmdaka; he waošteldapi wicacaje kin ojudan, qa pa šakowin, he wikcemna ko ikoyaka.

4 Unkan winoħinca kin he ta-ku stan duta ko koyake qa, mazaskazi, inyan tehika, oinpidan ko hena on wiyatpa un, qa nape kin ohna mazaskazi wiyatke wan yuha waošteldapi, wawicilałapi ko ašamyapi kin on ojudan.

5 Qa ite kin en caje wan owapi, Woanałbe kin, Babulon tanka, maka kin akan wawicilałapi, qa wayašicapi hunku kin hee.

6 Unkan wicašta owotanna we kin winoħinca kin he iwitko

wanmdaka, qa tona Jesus yaotaninpi kin hena we kin on. He wanmdake qa nina imanihan waun.

7 Hehan małpiya ohnihde kin he, Tokeca e ininihan he, emakiya; Winoħinca woanałbe kin he ociciyake kta, qa wamanica akan iyotanke cin, pa šakowin, qa he wikcemna hduhe cin he nakun.

8 Wamanica wandake cin he un qon, qa un šni kin; qa wošbe cetete wanica etanhan hiyu kta, qa wicotakuni šni ekta hde kta. Qa tona maka akan unpi, maka kagapi kin ehantanhan, cajepi kin wiconi wowapi kin en owapi šni, hena wamanica kin wanyakapi kinhan yušinyayapi kta, he un qon, qa un šni, qa hinałin un kin heon etanhan.

9 Unkan wicotawacin wico-ksape yuhe cin he den un. Pa šakowin kin hena paha šakowin winoħinca kin akan iyotanke cin hee;

10 Qa wicaštayatapi šakowin kin heepi, zaptan wanna hinłpa-yapi, qa wanji nahalın en yan-ka, qa wanji iš hinałin hi šni; he hi kinhan ptecedan he kta.

11 Qa wamanica wandake ciquon he un qon, qa un šni kin, he iciašhdogan kin ee, šakowinpi kin he etanhan, qa wicotakuni šni ekta hde kta.

12 Qa he wikcemna wandake ciquon hena wicaštayatapi wikcemna kin eepi, nahalın wokiconze yuhapi šni, tuka wihiyayedan wancadan ape cin wicaštayatapi iyecen wamanica kin kici wicowašake icupi kta.

13 Hena wicotawacin wanjidan yuhapi, qa wicowašake wico-kihi ko tawapi kin wamanica kin qupi.

14 Qa hena Amnos kin kici ki-

WICOWOYAKE 18.

cizapi kta, tuka Amnos kin wicaktedan kta, he itancanpi kin Itancan, qa wicaštayatapi kin en Wicaštayatapi kin hee, qa tona om un kin hena wicakicopi, qa wicakañnigapi, qa wicakapi.

15 Hehan hecen emakiya, Mini wandake ciqon tukten wawicihañhapi econ sa iyotanke cin he oyate, qa wicota, qa wicašta, qa iapi kin eepi.

16 Qa he wikcemna wandake ciqon, wamanica ikoyake cin hena, wawicihañhapi econ sa kin šice kidakapi kta, qa hewoskantuya tancodan iyaye yapi kta, ceñpi kin temyapi, qa peta on huññañyapi kta.

17 Hena e Wakantanka tawacin kin ecen econpi kta, qa wicotawacin wanjidan unpi kta, qa wokiconze tawapi kin wamanica qupi kta e wacin yus wicakiya, Wakantanka oie kin yuecetu kte cin hehanyan.

18 Qa winoñinca wandake ciqon he otonwe tanka kin makata wicaštayatapi kin iwicadake cin hee.

WICOWOYAKE 18.

1 Unkan hena taku kin iyohakam mañpiya ohniñde wan mañpiya kin eciyatanhan kutkiya u wanmdaka, wicowašake tanka yuha; qa he towitan kin on maka kin iyoyanpa.

2 Unkan he wašagya hotankakiya hotanin, qa heya, Hinñpaya ce, Babulon tanka kin he hinñpaya; qa taku wakan šicapi en ounyanpi, qa wanagi ašape cin owasin he otipi, qa zitkadan šice cin šicedapi kin owasin he hoñpi yapi ce.

3 Wawicihañhapi wocantiyahde miniša tawa kin hetanhan oyate hiyeve cin owasin yatkanpi; qa

he kici wicaštayatapi maka akan unpi kin wawicihañhapi econpi, qa taku teñika ota yuhe cin on wopeton maka akan unpi kin wijiniñiyapi ce.

4 Hehan mañpiya eciyatanhan wicaho wan tokeca nawañon, kaken eya, Mitaoyate kin tankata inanpa po, hecen woañtani tawa kin ehna yaunpi kte šni, qa wicokakije tawa kin en oyapapi kte šni.

5 He wañtani kin mañpiya kin ekta iyahdeya, qa taku šica econ kin hena Wakantanka kiksuya un.

6 Token ecaniconpi qon he iyecen eacicon po, qa iye oñan kin etanhan nonpa akihde kicu po, wiyatke ojudan ye cin he ohna nonpa akihde okicicaštan po.

7 Token wañaniñida qa takudan icakije šni un qon he iyecen wicokakije, qa iyokišicapi kin qu po. Iye cante kin ekta kaken eya; Wicaštayatapi winoñinca heca iyotankehan waun, qa wiwazica hemaca šni, qa iyokišicapi kin icimana wanmdake kte šni ce.

8 Heon etanhan anpetu wanjidan en wicokakije tawa kin hiyahde kta, wiconñe, qa iyokišicapi, qa wicaakiñan, qa ocowasin peta on huñnage kta; tuwe yaco kin Itancan kin Wakantanka hee wašaka ce, heon etanhan.

9 Unkan wicaštayatapi maka ohnaka kin kici wawicihañhapi econpi, qa takudan icakije šni unpi kin hena he aceyapi kta, qa nihinciñiyapi kta, he huñnage cin šota kin wanyakapi kinhan;

10 Wicokakije kin ikopapi kin on itehanyan inajinpi, qa heyapi kta, Hehehe, hehehe, Babulon otonwe tanka kin un, otonwe wašake cin, ihnuhana niyacopi kin anihinñpaya ce.

WAYUOTANIN.

11 **Qa** heon wopeton maka akan unpi kin nihinciyapi, qa ceyapi kta, hetanhan maza tawapi kin tuwedan opewicakica-ton kte śni :

12 **Maza** kin he mazaskazi, qa mazaska, qa inyan tehika, qa oinpidan, qa minihuha wašte, qa śina to, qa minihuha zipzipe-dan, qa śina śa, qa can wašte-mna ocaje owasin, qa huhu wakśica owasin, qa can tehika, qa nazazi, qa mazasapa, qa inyan ska wakśica ;

13 **Qa canha śa**, qa taku wašte-mna, qa pejihuta pa, qa canśin, qa miniša, qa wiħdi, qa aguyapi mdu, qa woteca, qa tahin wanu-yanpi, qa śuktanka, qa canpa-hmihma, qa wicatančan, wica-nagi ko henakiya.

14 **Waskuyeca** kin ninagi wašte dake cin he wanna henake-ca, qa woyute napin qa taku wicimdeza, hena owasin aniyu-śtan, qa hena ake tohinni iyeya-ye kte śni.

15 **Unkan wopeton tona** taku hececa wiyopeyapi ece, qa on wijinićiyapi kin hena itehanyan inajinpi kta, he wokakije kin ikopapi, nihinciyapi, qa ceyapi ;

16 **Qa heyapi ; Hehehe**, hehehe, otonwe tanka kin minihuha wašte, śa stan, śa ko koyake ća, mazaskazi, inyan tehika oinpi-dan ko kohdaka ; qa ihnuhanna wiwicajica tanka kin he yuta-kuni śni.

17 **Unkan tona wita wata** iyupse yuzapi, qa tona ohna yapi, qa tona watopapi, qa tona mini-wanca ohna wopetonpi ece kin hena owasin itehanyan inajinpi ;

18 **Qa** he huħnage cin śota kin wanyakapi qehan, hotaninpi qa heyapi ; Otonwe kin tukte wan-ji e otonwe tanka kin he iyececa he.

19 **Qa pa kin akan** maka ahda-tapi, qa hotaninyan nihinciyapi, qa ceyapi, qa heyapi ; Hehehe, hehehe, otonwe tanka kin he eciyatanhan tona miniwanca kin ohna wita wata yuhapi kin hena owasin watonpika, taku tehika opeton qon heon, he ihnuhanna ħewoskan kagapi ce.

20 **Heon, maħpiya kin, iyuśkin** wo, qa ohnihde owotanna yaun-pi, qa wokcanpi kin nakun, ni-yepi kin on Wakantanka toki-ćon kin he etanhan.

21 **Hehan maħpiya ohnihde** waśake ħinca wan, inyan wan, inyan wiyutpan tanka iyececa, he icu, qa miniwanca kin en eħpeye ća heya, Hecen wowa-śake on Babulon otonwe tanka kin jujuwahan eħpeyapi kta, qa tohinni iyeyapi kte śni ce.

22 **Unkan niye kin en cando-**wankiyapi sa, qa dowanpi sa, qa cotanka yajopi sa, qa maza ya-hotonpi sa wicaho kin tohinni naħonpi kte śni ; qa taku kage sa, ocaje owasin, niye kin en iyeyapi kte śni, qa wiyutpan ħmun kin niye en hetanhan to-hinni naħonpi kte śni.

23 **Qa petijanjan ojanjan** kin icimana iyoyamniye kte śni, qa niye en ħiħnayanpi qa tawicuyapi wicaho kin tohinni na-ħonpi kte śni. Wicaśta wope-ton nitawa kin hena maka akau wicaśta itancanpi kin hecapi ; qa wicayahmunge cin on oyato kin owasin wicayahnayan.

24 **Unkan he ohna wicaśta** wokcan wicaśta owotanna ko we kin iyeyapi, qa tona maka akan ktepi kin hena nakun.

WICOWOYAKE 19.

1 **Unkan hena iyohakam** ma-ħpiya kin ekta wicota hotanka-

kiya hotaninpi nawañon, kaken eyapi, Jehowa yatan po, niwicaye ça, wowitan, qa wootanin, qa wowaśake, Itancan Wakantanka unkitawapi kin he tawa nunwe.

2 Wayaco kin owotanna qa wicaka; witkowin tanka, wawicilañapi econ kin on maka kin yuśice cin he yaco, qa taokiye kin hena we kin he nape kin en tokicon.

3 Hehan inonpa heyapi, Jehowa yatan po. Unkan he śota kin owihanke wanin wankantkiya iyaya.

4 Hehan hunkawicayapi wickemna nonpa sanpa topa, qa taku ni un topa kin hena makata eñpeiçiyapi, qa Wakantanka oiyotanke kin akan kiyotanke cin he ohodapi, qa heyapi, Amen, Jehowa yatan po.

5 Hehan oiyotanke kin etanhan wicaho wan taninyan heya, Taokiyeniyampi kin owasin, qa tona cekiyapi ece, cistinpidan tankinkinyanpi ko, Wakantanka nitawapi kin yatan po.

6 Unkan nawañon, wicota hotaninpi kin iyececa, qa mini ota iñaña kin iyececa, qa wakinyan tanka hotonpi kin iyececa, kaken eyapi, Jehowa yatan po; Itancan Wakantanka Iyotan Waśake cin he Wicaśtayatapi un.

7 Heon etanhan piundapi, qa unkiyuşkinpi kta, qa wowitan unqupi kta; Amnos kin tohan tawicu ton kte cin wanna iye-hantu, qa winoñinca kin taku owasin wiyeya ekihnaka.

8 Unkan he miniñuha ska wiyatpa kin heca koyake kta e qupi; miniñuha ska kin he tona waśte woowotanna yuhapi kin hee.

9 Hehan hecen emakiya, Ka-

ken wowapi kaga wo, Tona Amnos kin winoñinca yuze kta omniciye kin en wicakicopi kin hena wicayawaśtepi ce. Hehan ake hecen emakiya, Wakantanka oie wicake cin hena ee.

10 Unkan hehan he siha hdepi kin en makata eñpemiçiye ça ohowađa kta; tuka iye hema-kiya, Ihnuhan hecanon kin, miś cici ookiye waun, qa nihunkawanji Jesus yaotanin yuhapi kin hemaca; Wakantanka ohoda wo. Jesus yaotanin kin he wokcanpi woniya kin hee.

11 Unkan mañpiya kin yuzamnipi e wanmdaka, qa ito şuktanka ska wan, qa tuwe akan iyotanke cin he Wicake ça Owotanna eciyapi, he owotanna wicayaco qa ozuye econ ece.

12 İsta kin peta ide kin iyececa, qa pa kin akan wateśdake ota yukan; qa caje kin owapi, tuka he tuwedan sdonye śni, iye isna-na sdonkiya.

13 Qa wokoyake we en opuktanpi kin heca koyaka: Qa Wakantanka Oie kin eciyapi.

14 Unkan mañpiya wicobe kin owasin he ihakam yapi, şuktanka ska akan iyotankapi qa miniñuha waśte, ska, qa wakaśote śni kin heca koyakapi.

15 Qa iye i kin etanhan maza sagye anog ope kin hiyu, heon oyate kin awicape kta, qa maza icapsinte wan on wicayube kta; qa Wakantanka Iyotan Waśake cin he wocantiyahde ohitike cin miniśa iyuşkice kin he naşkica.

16 Qa onhoħda ceca sani ko akan caje kin owapi, Wicaśtayatapi kin en Wicaśtayatapi, qa itancanpi kin Itancan kin he dee.

17 Hehan mañpiya ohnihde wan anpetu wi kin en najin kin he wanmdaka; he hotankakiya

WAYUOTANIN.

hotanin, qa taku kinyanpi kin owasin, okotonyan kin en kinyan unpi kin hena hewicakiya; Upi qa Wakantanka he wotapi tanka tawa kin en mniciya po;

18 Wicaštayatapi cełpi kin yatapi kta, qa wicašta itancanpi cełpi kin, qa tona waśakśakapi cełpi kin he, qa śuktanka cełpi, qa tona akan iyotankapi kin, wicacełpi ocaje owasin, wowidake unpi, qa ihduhapi kin, cistinpidan tankinkinyanpi koya.

19 Unkan wamanica kin wanmdaka, qa wicaštayatapi maka akan unpi kin akicita wicayuhapi ko witaya mniciyapi, qa tuwe śuktanka akan iyotanke cin akicita wicayuhe cin ko, kici kicizapi kte cin heon.

20 Hehan wamanica kin he niyake yuzapi, qa woitonśni wokcan kin he nakun, he wamanica kin itokam wowapetokeca econ, qa on tona wamanica wowapetogton tawa yuhapi, qa iyacinpi kin ohodapi kin hena wicahnaye cin hee. Unkan hena napin niyake peta mde waninyan zi on itkonyahe cin he en iyohpewicayapi.

21 Unkan unmanpi kin owasin tuwe śuktanka akan iyotanke cin he maza sagye tawa kin on wicaktepi, maza sagye he i kin etanhan hiyu qon hec on. Unkan hena cełpi kin on taku kinyan un kin owasin imnanpi.

WICOWOYAKE 20.

1 Hehan małpiya ohnihde wan małpiya kin eciyatanhan kun u wanmdaka, he wośbe ceteta wanica tiyopa iyuhdoke kin yuhe a, nape ohna maza icicahıha wan tanka:

2 Qa he wamduśka kin iyałpa-ya, sintehda wanakaja tanhan

un kin, Wakansıca qa Satan hee, qa kaśka ehnaka, waniyetu kektopawinge hehanyan;

3 Qa wośbe ceteta wanica he en ełpeye a onataka, qa ipuspe wan on apuspa, hecen oyate kin wicahnaye kte śni, waniyetu kektopawinge kin ihuniyanpi śni kin hehanyan. Unkan he iyohakam ptenyedana kiyuśkapi kta.

4 Unkan oiyotanke kin heca wanmdaka, qa tona akan iyotankapi kin hena woyaco yuhapi. Unkan tona Jesus oyakapi kin on, qa Wakantanka oie kin on pa bawicaksapi qon, wamanica kin wakagapi ko ohodapi śni, qa wowapetogton tawa kin itepi, qa napepi kin en yuhapi śni, hena nagipi kin wanwicamdaka, ake kinipi qa Messiya kin kici ounyanpi, waniyetu kektopawinge hehanyan.

5 Tuka wicate cin unmanpi kin ake kinipi śni, waniyetu kektopawinge kin henakeca śni kin hehanyan. Piya iwicacage tokaheya kin hee.

6 Tuwe piya iwicacage tokaheya kin en ope cinhan he yawastepe qa owotanna un. Hena wiconte inonpa kin iyowicahi kte śni, tuka Wakantanka qa Messiya kin ekta wawayuśnapi kin heca wicayawapi kta, qa kici ounyanpi kta, waniyetu kektopawinge hehanyan.

7 Unkan waniyetu kektopawinge kin benakeca kinhan, Satan wicakaśka tipi kin etanhan kiyuśkapi kta.

8 Qa oyate kin wicahnaye kta e makata tate ouye topa kin ektakiya ye kta, qa Gog Magog kici zuya u wicaśi kta; hena miniwanca wiyaka sukaza kin iyecen wicota.

9 Unkan maka ohdakinyan ohna yapi, qa wicašta owotanna

WICOWOYAKE 21.

ewanke cin ihduksan hinajinpi, qa otonwe wakan kin nakun. Unkan mahpiya kin etanhan Wakantanka eciyatanhan peta hiyu, qa huhanawicaya.

10 Unkan Wakansica, hena wicahnaye cin he peta qa inyanzi mde kin en iyohpeyapi, heciya wamanica qa woitonšni wokcan kin unpi, qa anpetu hanyetu ko owihanke wanin kakijapi kta.

11 Hehan oiyotanke ska tanka wan wanmdaka, qa tuwe akan iyotanke cin he ite kin etanhan maka mahpiya ko najicapi; qa tukten wanke kte cin iyeyapi šni.

12 Qa wicaŕe ciqon, cistinpidan tankinkinyanpi ko, hena Wakantanka itokam najinpi, wanmdaka. Unkan wowapi kin yumdayapi; qa wowapi tokeca wan yumdayapi, wiconi wowapi kin hee: Qa wicaŕe ciqon token wowapi kin en kagapi kin he iyecen wicayacopi, iye wicohan kin eciyatanhan.

13 Unkan miniwanca kin wicaŕe cin tona en un kin hena hiyuwicaya, qa wiconŕe Hades ko wicaŕe cin tona en unpi kin hena hiyuwicayapi. Qa iye wicohan kin eciyatanhan otioyohi wicayacopi.

14 Unkan wiconŕe qa Hades kin hena peta mde kin en iyohpewicayapi. Wiconŕe inonpa kin hee.

15 Unkan tuwe wiconi wowapi kin en owapi iyeyapi šni kin he peta mde kin en iyohpeyapi ece.

WICOWOYAKE 21.

1 Hehan mahpiya teca qa maka teca wan wanmdaka. Mahpiya tokaheya qa maka tokaheya kin hena yutokan iyeyapi, qa miniwanca wanica.

2 Unkan Johannes he miye e otonwe wakan kin wanmdaka, Jerusalem teca kin hee mahpiya kin etanhan, Wakantanka eciyatanhan kun u, winohinca wan wicaŕta hihna ton kte cin on wiyeya un kin he iyecceca.

3 Unkan mahpiya kin eciyatanhan wicaho wan tanka nawahon, kaken eya, Wanyaka wo, Wakantanka wakeya tawa kin wicaŕta kin ehna han, qa iye hena om ti kta, qa hena e oyate tawawicaye kta, qa Wakantanka hince cin hena om un kta, qa Wakantanka tawapi kta.

4 Qa wiciŕta kin etanhan Wakantanka iŕtamnihanpe owasin wicakipakinte kta, qa hetanhan wiconŕe wanice kta, wicocante ŕica, wicaceya, wicokakije ko wanice kta, taku tokaheya un kin wanna henakeca.

5 Unkan tuwe oiyotanke kin akan kiyotanke cin he, Ito taku owasin teca wakaga ce, eya. Hehan, Wowapi ecen kaga wo, hena oie kin wicake ŕa owotanna, emakiya.

6 Qa ake kaken emakiya, Wanna henakeca. Alpha qa Omega, otokahe qa owihanke kin he miye ce. Tuwe ipuza kinhan he wiconi mini hdoka kin etanhan iyunwin codan yatke wakiye kta.

7 Tuwe ohiye cinhan he taku owasin tawaye kta, qa iye Wakantanka maye kta, qa miŕ he cinkŕiwaye kta.

8 Tuka tona wikopapi, qa wicadapi ŕni, qa wahtepi ŕni, qa tin wicaktepi, qa wawicahaŕapi econpi sa, qa wapiyapi, qa wakagapi ohodapi sa, qa oitonpiŕni kin hena owasin mde wan peta qa inyan zi on itkonyahe cin he ohna taku tawapi kta, wiconŕe inonpa kin hee.

WAYUOTANIN.

9 Hehan mañpiya ohnihde śakowin wiyatke śakowin wicokakije ehake śakowin kin on ojudan yuhapi qon hena etanhan wanji hi, qa omakiye ça heya, U wo, winoñinca wan Amnos kin tawicuye kte cin he cicipazo kta ce.

10 Unkan Woniya kin on paha wan tanka tehan wankantuya kin ekta amaye ça, otonwe tanka kin, Jerusalem wakan, mañpiya kin etanhan Wakantanka eciyatanhan kutkiya u kin he makipazo ;

11 Wakantanka wowitan tawa kin yuha, qa wiyatpa kin he inyan teñika iyececa, inyan wan acañśdaya iyececa :

12 Qa ihdukśan aconkaśkapi tanka qa tehan wankantu kin, qa tiyopa ake nonpa yukan, qa tiyopa kin hena en mañpiya ohnihde ake nonpa yukanpi, qa akan wicacaje owapi, Israel cincapi wicoun ake nonpa kin hena eepi.

13 Wiyohiyanpa tanhan tiyopa yamni ; qa waziyapa tanhan tiyopa yamni ; qa itokaga tanhan tiyopa yamni ; qa wiyohpeya tanhan tiyopa yamni.

14 Qa otonwe conkaśke kin taku akan he cin hena ake nonpa, qa Amnos kin yewicaśi ake nonpa cajepi kin hena en un.

15 Unkan tuwe omakiye cin he mazaskazi cedihu wan yuha, on otonwe, qa tiyopa kin, conkaśke ko iyute kta.

16 Otonwe kin oise tom yukan, qa ohdakinyan kin ohanske cin kici akidehankeca. Unkan cedihu kin on otonwe kin iyuta, wiyutapi kektopawinge ake nom ; ohdakinyan ohanske cin obosdatu ko akidecen han.

17 Qa conkaśke kin he iyuta, wiciśpa opawinge sanpa wikce-

mna topa sam topa, wicaśta ihduta, mañpiya ohnihde ihdute cin hee.

18 Conkaśke kin he iyaspis inyan teñika on kagapi, qa otonwe kin he mazaskazi ecedan, janjan ecedan iyececa.

19 Qa otonwe conkaśke kin taku akan he cin he inyan teñika ocaje owasin en un. Taku akan he cin tokaheya kin he iyaspis ; inonpa kin he saphiros ; iyamni kin he kalkedon ; itopa kin he śmaragdos ;

20 Qa izaptan kin he sardonis ; isakpe kin he sardius ; isakowin kin he krusolitos ; isahdogan kin he berulos ; inapcinwanka kin he topaz ; iwikcemna kin he krusophrasos ; iakewanji kin he huakinthos ; qa iakenonpa kin he amathustos.

21 Tiyopa ake nonpa kin hena inyan teñika ocaje ake nom, tiyopa otoiyo hi inyan teñika wanjidan ; qa otonwe ocanku kin he mazaskazi ecedan janjan kin iyecen wiyatpa.

22 Qa he en tipi wakan wanica ; Itancan Wakantanka Iyotan Waśake cin, qa Amnos kin hena tipi wakan kin eepi.

23 Qa otonwe kin he anpetu wi, hanyetu wi ko en iyoyanpapi kta cinpi śni ; Wakantanka wowitan tawa kin iyoyanpa, qa Amnos kin he petijanjan kin hee.

24 Qa oyate kin tona ni wicayapi kin hena iyoyanpa kin he en manipi kta ; qa wicaśtaya-tapi maka akan unpi kin hena wowitan qa wootanin tawapi kin en ahipi kta.

25 Qa tiyopa kin hena anpetu icunhan ecen iyeyapi kte śni ; qa heciya hanyetu wanica.

26 Oyate hiyeye cin wowitan, qa wootanin kin en ahipi kta.

WICOWOYAKE 22.

27 **Qa** taku wisamye asamye cin he en i kte sui, qa taku sica-ya econ, qa itonsni kin; tuka tona cajepi kin wiconi wowapi Amnos tawa kin en owicawapi kin henanapidan.

WICOWOYAKE 22.

1 **Hehan** wakpa wan wiconi mini ska kin, cahowata iyecen ska, he makipazo, he Wakantanka qa Amnos oiyotanke tawa kin etanhan kaduza.

2 **Unkan** canku cokaya, qa wakpa kin anokatanhan wiconi can kin icaga, he waskuyeca ocaje ake nonpa aicaga, wi otoi-yohi waskuyeca aicahya ece; qa can wapa kin hena oyate kin okizi wicaya ece.

3 **Unkan** heciya wicayusice wanice kta; tuka Wakantanka oiyotanke tawa kin he, qa Amnos tawa kin hen he kta, qa taokiye kin hena tawoahope kin ecen econpi kta:

4 **Qa** itohnake kin wanyakapi kta, qa caje kin iye itepi kin en yuhapi kta.

5 **Qa** heciya hanyetu wanice kta; qa petijanjan qa anpetu wi iyoyanpa kin he cinpi sni; Itancan Wakantanka iyoyamwicaya ece; qa ohinniyan owihanke wanin wicastayatapi ounyanpi kta.

6 **Hehan** hecen emakiya, Wicoie kin dena wacinyepica qa wicakapi. **Qa** Itancan Wakantanka wicasta wokcan wakan tawapi kin hee, taku ecadan u kte cin hena taokiye kin owicakiyake kta e on ohnihde tawa kin u si.

7 **Iho** ecadan wau kta. **Tuwe** wowapi kin de wowiyukkan oie kin tanyan yuhe cinhan he yawastepi ce.

8 **Unkan** Johannes he miye e hena wanmdake qa nawahon. **Hena** nawahon, qa wanmdaka; unkan mahpiya ohnihde hena wanyagmakiye cin he siha kin en makata ehpeficiye, ohowada kta tuka.

9 **Hehan** hemakiya, Ihnuhan hecanon kin; mis eya ookiye cici waun, qa nihunkawanji wicasta wokcanpi kin etanhan wau, qa tona wowapi kin de oie yuhapi kin hena owicawapa; Wakantanka ohoda wo.

10 **Hehan** ake hemakiya, Wowapi kin de wowiyukkan oie kin hena sutaya apuspe sni wo. **Wanna** ecadan kta ce.

11 **Tuwe** owotanna sni kin ohinniyan owotanna kte sni, qa tuwe asape cin he ohinniyan asapa un nunwe; qa tuwe owotanna kin he ohinniyan owotanna kta, qa tuwe ecadan kin he ohinniyan ecadan un nunwe.

12 **Unkan** iho, kohanna wau kta, qa taku mitawa kin hduha waun, otoiyohi iye wicohan kin eciyatadhan wicawaqu kta.

13 **Alpha** qa **Omega**, tokapa qa hakakta, otokahe qa owihanke kin he miye ce.

14 **Tona** tawoahope kin ecen econpi kin hena wicayawastepi, hecen wiconi can kin en ya okihipi kta, qa tiyopa kin ohna otowe kin timahan yapi kta.

15 **Tuka** sunka, qa tona wapiyapi sa, qa wiinahmanpi sa, qa wawicihahapi econpi sa, qa wakagapi ohodapi sa, qa tuwe itonsni wastedake qa econ kin hena tankan yakonpi ece.

16 **Jesus** he miye ce, okodakiye kin ekta niyepi kin en hena oniciyakapi kta e heon ohnihde mitawa kin u wasi. **Dawid** can hutkan adetka ko he miye, qa anpao wicanhpi nina iyege cin.

WAYUOTANIN.

17 Unkan Woniya kin tawicu-yapi kin kici, Kuwa, eyapi. Qa tuwe nahon kinhan he, Kuwa, eye kta. Qa tuwe ipuza kinhan, he u kta. Qa tuwe cin kinhan he iyunwin çodan wiconi mini kin etanhan icu nunwe.

18 Tona wowapi kin de wowiyukan oie kin nahonpi kin hena kaken ewicawakiya ; Tuwe wicoie kin dena en taku sanpa kage cinhan, he wicokakije wowapi kin de en cajeyatapi kin Wakantanka qu kta :

19 Qa tuwe wowiyukan wo-

408

wapi oie kin dena yuaoptetu kinhan, he taku tawa kte cin wiconi wowapi kin etanhan Wakantanka icu kta, qa otonwe wakan kin etanhan, qa taku tona wowapi kin de en kagapi kin he etanhan.

20 Tuwe hena yaotanin kin he kaken eya, Iho, kohanna wau kta ce. Amen. Itancan Jesus hecen yau nunwe.

21 Jesus Messiya Itancan unkitawapi kin he towaonsida kin niyepi owasin en nicipi un kta. Amen.

JESUS ITANCAN KIN YATANPI NUNWE.

DEC 29 1952

